


PURCHASED
FROM THE INCOME
OF THE FUND GIVEN TO
THE PUBLIC LIBRARY OF
THE CITY OF BOSTON BY
JOSIAH HENRY BENTON
1843-1917



Handwritten scribbles and text at the top of the page, including the date 1572 and the name Johannes.

Nie hebt an das in tertail der hailigen leben.

Handwritten text at the bottom of the page, possibly a signature or date.

Hebt an das register über das zwintertail

Von sant Michel an dem. iij. blat
 Von sant Jeronimo ainer von den
 vier lerern an dem. iij. blat
 Von sant Remigio. am. xvij. blat
 Von sant Leodegario am. xx. blat
 Von sant Pelagia am. xxj. blat
 Von sant Margareta am. xxij. blat
 Von sant Francisco am. xxij. blat
 Von sant Thasis am. xxvij. blat
 Von sant Marco dem bapst. xxix.
 Von sant Dionisio am. xxix. blat
 Von sant Ewardo am. xxxij.
 Von sant Calixto am. xxxij. blat
 Von sant Colomanno am. xxxij.
 Von sant Luca dem hailigē ewan-
 gelisten andem. xxxij. blat
 Von sant Gallen am. xxxv. blat
 Von sant Visula am. xxxvj. blat
 Von sant Crispino vñ Crispiano
 an dem. xxxvij. blat
 Von sant Symon vñnd Juda die
 hailigen zwölffpotten am. xxxix.
 Von sant Narcisso am. xlij. blat
 Von sant Quintino am. xliij.
 Von sant Wolffgang am. xliij.
 Von sant Gareon vñd seiner gesel-
 schafft an dem. xlviij. blat.
 Von sant Eustachio am xlix
 Von allen gottes hailigen am. li.
 Von allen gelaubigen selen am. li.
 Von sant Pirminio am. lvj. blat
 Von sant Crisanto am. lvij. blat
 Von sant Seuerio am. lvij. blat
 Von sant Seuerino am. lix. blat
 Von sant Simprecht am. lix. blat
 Von sant Lienhart am. lxxj. blat
 Von den vier gekrönten am. lxxvij.
 Von sant Martin am. lxxij. blat

von sant Theodora am. lxxvij.
 Von sant Bicio an dem. lxxix. blat
 Von sant Othmaro am. lxxx. blat.
 Von sant Elfbeten am. lxxxj. blat
 Von der müter gotes als sy in den
 tempel geopffert ward. xcij. blat
 Von sant Cecilia an dem. xcviij.
 Von sant Clemens am. xcix. blat
 Von sant Crisogono am. ciij. blat
 Von sant Katherina am. ciij. blat.
 Von sant Conrat an dem. cxvj.
 Von sant Gregorio auf dem stain
 cxviij. blat.
 Von sant Saturino am. cxxiij.
 Von sant Barlaam vñd josaphat
 an dem. cxxiij. blat
 Von sant Andreas am. cxxxj. blat
 Von sant Barbara am. cxxxij.
 Von sant Nicolaus am. cxxxvij.
 Als die müter gottes empfangen
 ward an dem. cxlj. blat
 Von sant Lucia am. cxlvij. blat
 Von sant Ottilia an dem. cxlvij.
 Von sant Ios am. cl. blat
 Von sant Wunbolt am. cliij. blat.
 Von sant Thoman dem hayligenn
 zwölffpotten an dem. clv. blat
 Von sant Anastasia am. clx. blat
 Von sant Steffan am. clx. blat
 Von sant Sol dem abbt am. clxij.
 Von sant Johannes dem ewange-
 listen. clxij. blat
 Vñ den vñschuldigē kindlin. clxvij
 Von sant Thoman von Candel-
 berg an dem. clxvij. blat
 Von sant Columbina am. clxxj.
 Von sant Siluester am. clxxij.
 Von den hailigen dry künigē. clxxix
 Von sant Erhart am. clxxvij.
 Von sant Pauls dem ersten ains-
 del an dem. clxxvij. blat

Von sant Machario am. clxxxix.
 Von sant Hylario am. cxc. blat
 Von sant Felix an dem. cxcj. blat
 Von sant Mauro am. cxcij. blat
 Von sant Marcello dem hayligen
 bapst an dem. cxcij. blat
 von sant antonis dē ainsidel. cxcij.
 Von sant Busea am. ccij. blat
 Von sant Sebastian. am. ccij. blat
 Von sant Fabian. am. ccv. blat
 Von sant Menrat an dem. ccv
 Von sant Agnesen am. ccix
 Von sant Vincentio am. cccij.
 Von sant Claudio Castorio vund
 Neas an dem. cccij. blat
 Von sant Basilio am. cccij. blat
 Von sant Johānes dem alinūfner
 vnd patriarchen am. cccvij. blat
 Von sant Paula am. cccx. blat
 Von sant Policarpo am. cccxij.
 Von sant Pauls bekerung. cccxij.
 Von sant Johanne crisostimo mit
 dem guldin mund am. cccxij. blat
 Von sant Juliano am. cccxvij.
 Von sant Brigida am. cccxx. blat
 Von sant Ignacio am. cccxxj. blat.
 Von vnser lieben frawen zū liecht-
 mes an dem. cccxxij. blat
 Von sant Blasio am. cccxxvij.
 Von sant Agatha am. cccxl. blat
 Von sant Dorothea am. cccxlj.
 Von sant Apolonia am. ccclvij.
 Von sant Reichart am. ccclvij.
 Von sant Vedasto an dem. ccclix
 Von sant Amando am. ccclix.
 Von sant Sauiano am. ccl. blat
 Von sant Valentein am. cclj. blat
 Von sant Juliana am. cclij. blat
 Von sant Peters stūlfeyr am. cclix.
 Von sant Mathias dem hailigen

zwölffpotten an dem. cclxj. blat
 Von dem bösen Judas am. cclxij.
 Von sant Thoma von aquino an
 dem. cclxij. blat
 Von sant Poncio an dem. cclxxj.
 Von sant Gregorio am. cclxxj.
 Von sant Longino am. cclxxvij.
 Von sant Gerduut am. cclxxvij.
 Von sant Benedicto dem hailigen
 abbt an dem. cclxxvij. blat
 Von sant Patricio an dem. cclxxxj.
 Von sant Quirino am. cclxxxij.
 Von vnser frawen verkündig an
 dem. cclxxxij. blat.
 Von sant Theodosia am. cclxxxix.
 Von sant Lucia am. cclxxxix. blat
 Von sant Triphon am. cccxcij.
 von kaiser Karolo dē grossen. cccxcij.
 Von ainer hailigen juncfrawen.
 an dem. cccxcvj. blat
 Von sant Agnesen sant Clara sch-
 wester an dem. cccxcvj. blat
 Von sant Martino am. cccxcvij.
 Von dem hailigen sant Jacob der
 zerschnitten ward am. cccxcix. blat
 Von sant Pastor an dem. ccc. blat
 Von sant Johannes dem abbt. cccj
 Von sant Moyses am. cccij. blat
 Von sant Alesio an dem. cccij.
 Von sant Agathon an dem. cccij.
 Von sant Benedicta an dem. cccij.
 Von sant Hugo an dem. cccv. blat
 Von sant Willibrardo am. cccvj.
 Von sant Theodoro. am. cccvij.
 Von sant Eufrosina am. cccvij.

Hie endet sich das Register üb-
 er das winttertayl. vnd volget hie
 nach das leben des hailigen erzen-
 gels sant Michels ic.



Wie heht an ain lobli-
chs vnd nützlich büch. genant das
passional. das ist der hailigen le-
ben die im winter seind darin man
findet was die lieben hayligh vnd
diener gotes vmb den namen Jesu
Cristi vnd vmb cristenlichen glau-
ben gelitten haben Vnd zum ersten
die legend sant Michels.



In stat was
in walhenn
die hieß Se-
paus Darin
was ain rei-
cher man der
hieß Garga-
nus Nun li-
get ain berg
beyder stat &
haißt nach dem man Garganus.
Nun was dem reichē man ain rind
ir gangen das süchet er hin vñ her

do fand er daz rind vor ain hol vñ
sprach. ich will dir dein geen geltent
vnd schoß ain pfeil dar vñ wolt es
durchschossen haben. do keret sich d
pfeil vñ vnd für in den selben man
Do gieng er wider haim vnd sagt
dem bischoff wie es im mit dē rind
ergangen wäre. Do sprach der bi-
schoff. Du solt wissen das es von
got kumpt. darüb sollen wir in bit-
ten daz er vns kund thū was er da
mit maine vnd gebot dem volk daz
sy drey tag fasteten vñ betten das
er in kundt thāt warumb der man
wund wār wordn. Do sy drey tag
fasten vnd got gebatten das er in
kundt thāt was auff dem berg wār
do kam sant Michel zū dem bischof
vñ sprach Ich bin sant Michel der
engel gottes. vñ bin stätigklich vor
got vñ hab ain wonung auff dem
berg. do was garganus dar kōmen
vñ wolt die stat vermayligt haben
dan ich wil der stat hüten das kain
freuel da geschech. Damit versch-
wand der engel. Des morgens do
sendet der bischoff nach der pfaff-
hait vnd giengen mit ainander mit
andacht auff den berg vnd getorft
nyemandt in die grunfft kōmen. do
sprachn sy ir gebeet mit andacht zū
got. ¶ Zū den zeiten riten vil haidn
in das land des bischoffs. do was
er in grossen sorgen vnd rüfft gott
an vñ bat in daz er sy vor der haidē
krafst behüte. vñ gebot allem volck
das sy drey tag fasten. do kam aber
sant Michael zū dem bischoff vnd
sprach Ich wil mich des streits an-
st

Sanct

nem vñ den cristen helffen. vnd wil die hayden in groß leyden bringen das ir vil müssen sterben. vñ ir sölten den streit anheben vmb nonzeit. da mit verschwand sanct Michel aber Do saget der bischoff den cristen was im der engel gesagt hett. Do wurden sy fro vñ berayten sich vñ nonzeit. do erhüb sich ain groß vngeheürs weter mit stainen vnd vielen auff die hayden das thett in so weee das ir vil starbñ. do lieffen sich vñ. hundert tauffen do sy horten das der engel gotes mit den cristen was Also gesigtn die cristen mit der hilf gottes vnd des lieben herren sandt Michaels. Do wurden sy fro das sy gesiget hetten. vnd machten ain opffer sanct Michael zu eeren vnd giengen zu dem hol. do sahen sy die tritt die sanct Michael getretten het in den stain. do glaubtn sy wol daz die stat sanct michels was vnd dankten im seiner genaden die er in getan het. vnd torsten dannocht nit in das hol. vnd machten in seiner eere nahent ain kirchen dabey Darnach für der bischoff gen Rom vñ saget dem bapst wie im geschehen was vnd sprach. Ich wais nit ob ich die grunfft weihen soll oder nit. Do sprach der bapst. wir sollen got darumb anruffen. vnd gebot das man drey tag fasten solt. Do kam sanct michel zu dem bischof in dem schlaf vñ sprach. Ich hab die krufft selb ge weicht das solt du morgn sehen vñ solt daz ampt darin begeben so sichst du das ich selb da bin vnd will üch

michel

zutroft da sein. Des morgens frñ kam d bischof zu dem berg vñ groß volck mit im. Do funden sy ain capellen die was ainhalb gewachsen in ain herten holen stain vnd gieng ain steyg darzu. man hort die engel oft in dem for singn. do gieng das volck hinein vñ was der altar mit reichem purpur wol beklaidet. vnd gieng ain schöns liecht in die capellen vñ was nit gar hoch. do begien ged der bischoff mit andacht darinn das ampt. darnach gieng das volck wider haim. vñ weyhet der bischof püester zu der kirchen die das ampt solten begeben. vñ do die nacht kam do versperret sich die thür selb vnd getar kein mensch by der nacht dar ein geen. vñ ist ain stain in der kirchen darauff rinnt ain wundberlichs wasser daruor vil siecher menschn gesund werdñ von den gnadñ sanct michels. ¶ Als mals kam kaiser Hainrich in die selbigen statt vnd gieng in sanct Michels capellen vñ batt got mit grosser andacht. Nun was die zeyt kōmen das der engel schar dar solten kōmen vñ solten daz ampt singn oder begeben do trib man das volck auß der grunfft. do bat der kaiser daz man in darin ließ do geweret man in. do belyb er alain auff die gnad des allmechtigen gottes. vnd rufft got den allmechtigen mitt grosser andacht an do öffnet im got seine augen vnd ließ in sehen das vil schar der engel an den berg kamen vñ sunderlich zwen engel die leücheten als die morgen

röte vnd warest gar zierlich. vñ die zwen engel berayten den fronaltar gar schon. darnach kam ain grosse menig engel die fürten sant Michel der leuchtet vil schöner dan der sunnen schein. darnach kam vnser her: Jesus christus ain gewaltiger got mit ainer grossen schar vñ mit grosser schonhait als seiner herrschafft wol zympt vnd begieng das ampt mit groser andacht vñ wirdigkait do nam ain engel das büch vñ trüg es für vnsern herzen Jesum christu vnd nayget jm schon. do küßt er es vñ winckt dem engel mit der hand vnd weist in zu kaiser hainrich der lag in seiner andacht vnd beetet an dechrigklich. do stünd der engel für den kaiser mit dem büch. do erschrackt der kaiser vnd mainet er wär nit wirdig das büch zuküssen. do griff jm der engel auf sein hüß vñ sprach kaiser stand auff vñ nym die gnad von got dan er vergünnt sy dir. do stünd der kaiser auf vñ hielt jm der engel das büch biß er es küßt. Vnd also ward d kaiser hüßloß. das het er gern durch gottes willen ¶ In der vorgenanten stat Sepaus geschach ain wunder. wan der berg ligt das daz wasser überall darumb geet vnd an sant Michels tag des hailigñ erzenfels tüt sich das wasser zu zwey mal auff das. daz volck hyndurch müge geen. Do nun die stat also groß ward durch des hailigen erzenfels sant Michaels eer do kam ain frau die wolt auch in das münster geen. die gieng zu der

selben zeit mit ainem kind des solt sy bald geligen. vnd die frau gieng auch mit andern menschn zu der kirchñ. do kam daz mör mit ain sturmwinde herwider do erschrackt das volck gar ser vnd flohen all an daz land dann allain die frau die schwanger was mit dem kind mocht nit gefliehen. Aber der lieb her: vñ erzenkel sant Michel behüt die frauen das ir nichts geschach. doch sy ward von dem mör gefangñ. vñ vor grossem schrecken gebar sy das kind mitten in dem mör. do nam die frau das kind an den arm vnd seüget es vnd rüfft sant Michael mit grossem ernst an. do thet sich das mör wider auff vñ die frau gieng frölich mit dem kind auß dem mör vnd dancket got dem almechtigen vnd dem lieben erzenkel sant michael mit grossem ernst seiner gnadñ ¶ Es ligt ain stat nahent by Constantinopel do eert man etwen die göttin Vesta. Es ist aber nun ain kirchen da die ist in sant Michael eer geweiht vnd heist michaelis. Da was vor zeiten ain man d hieß Aquilinus den kam ain haif vieber an. do gab jm ain arzet ain tranck vñ maint er solt daron gesunt werden. do ward er als franck das er weder essen noch trincken mochte vñ do er sich nun des lebens gang verwegen het. hieß er sich zu der kirchen tragen vnd het ain vesten gelauben er sturb oder er wurd gesunde. vnd do er in der kirchen was do rüfft er sant Michael mit grossem

Von sant

ernst an vnd bat in das er im hülff
das er gesund würd. do erschyn im
sant Michel vnd sprach zu im. Du
solt dir lassen machen ain gesamelt
ding von honig vnnnd wein. auch
pfesser vnd alles das du issest das
solt du darein tuncken so wirst du
gänzlich gesundt. Do warde der
man fro vnd dancket got dem all-
mechtigen vnd sant Michael vnd
allen gottes engeln Angeli Archan-
geli Troni Dominationes Pinci-
patus Potestates Virtutes Che-
rubin vñ Seraphin vñ sprach. ich
man euch als euch got hat geschöp-
fet vnd uch von leyden vor seiner
süffigkeit gesetzt hat in eer vñ wir-
digkeit vnd hatt euch gericht mit
vnmessigem lon vñ gezieret mit vn-
messiger schöne vnd hat euch gege-
ben vil kresset liebe vnd tugent auch
weißheit. vnd vil seiner gnaden. er
hat euch enthalten das ir nit gefal-
len seind. vnd hatt euch bestätigtet
das ir nymmer mügent vallen ir
hymlichen boten gotes durch alle
verstentnuß vnd liebe die ir ewig-
lich zu gott dem allmechtigen ha-
bent. bittent got das er vns helffe
das wir also ain englisch leben fü-
ren das vnserm lebñ ain güt seligs
end verlihen werd vnd das wir er-
füllen die schar von den die bösen
engel gefallen seind. Das wir got
den allmechtigen erkennen vnd in
ewigklich lieb haben. Das verleich
vns got der vater vnd der sun vñ
der hailig gaist Amen.

Jeronimo

Von dem hailigen sant Jeroni-
mo Ainer von den vier lerern.



Der lieb herzsant Jeronimus ist
geborn von der stat Stridanie. vñ
waz ain crist vñ het got lieb mit rei-
nem gmüt. Man ließ in bald zu der
schül. do lernet er wol vnd setzet sein
syn mit weißheit auff die hayligen
geschrifft. vñ für darnach gen rom
vnd wolt sein kunst baß vestnen.
vnd lernet ain weyl der propheten
bücher vñ laß auch fast in der hai-
den bücher Tulij vñ Platonis die
geuielen im fast wol. Ains mals be-
gab es sich zu mitter vassen do lasse
er in ain buch das het Plato gema-
cht. do kam der engel gots zu im vñ
nam im das buch auß der hand do
erschrack er als ser das im das ge-
sicht vergieng. darnach warde er
als gar siech das man do mainet er
wolt sterben. vnd ward verzucket
vñ kam für gericht. Do sprach der

richter zu im was mensches bist du
do sprach sant Jeronimus. ich byn
ain crist. Do sprach der richter. Du
leügst. du bist ain hayd wañ du li-
sest der hayden bücher. vñ wa dein
hertz ist da ist auch dein schatz. Do
erstümt sant Jeronimus. do hieß im
der richter sein rucken wol erschla-
hen. do schri sant Jeronimus laut vñ
sprach. O herri erbarm dich über mi-
ch. Vnd die hailigen batten für in
vnd sprachen. Herri gib im ain zeyt
das er sich besser. Do gelobet sant
Jeronimus das er die bücher nym-
mer wöltt lesen. vnd kam wider zu
im selbs. do sach man das im sein
ruck ser erschlagen was. do klaget
er sein sünd ser vnd ließ die bücher
darumb er gestraffet was worden
vnd laß die hailigen geschryfft mit
grossen fleiß vñ ernst vnd lebt alle
zeit in mägtlicher raynigkait in allen
tugenden vnd was an künsten ain
reicher pfaff. ¶ Do er nun. xxx. jar
alt ward do erwölt man in zu ain
cardinal zu Rom. in der selben zeyt
starb der bapst Liberius. do erwöl-
let man in zu ain bapst vñ sprachñ
Er ist als tugentlich das er billich
bapst ist. Do pflag er des ampt mit
grossen fleiß tag vnd nacht. vnd
dienet got mit beeten vasten wach-
en vnd mit vil ander güter übung
vnd was gar gerecht. ¶ Sant Je-
ronimus wirdigkait ist gat groß
gewesen in raynigkait vnd in wir-
digkait. wañ er ist auch in der wü-
ste vnder den wilden thiern ain ain-
fidel gewesen. darumb ist er gleich

sant Johanni dem tauffer in gerech-
tigkait vnd in hailigkait. vnd hatt
auch sein leib ser gekestiget mit vil
hertikait. mit hunger vñ durst auch
mit herten klaidern. vnd tranck in. l.
jaren nye nichts weder wein noch
met noch byer vñ was im visch vñ
flaisch alles widerzem vnd mocht
sein nitt genießten vnd noß nye von
gesotner speiß ichts dann in seinem
letsten siechtumb nose er zu zway-
en malen. Er kestiget auch sein leyb
mit ain hārin hembd das sein haut
schwarz ward als ainem moren.
Er trüg auch all zeyt schnöde klays
an. vñ lag nur auf der erden vñ aß
all tag nur ain mal das was bleter
vñ wurzeln. Er hüb allweg an zu-
beten zu vesperzeyt vnd beetet zwā
stund in die nacht. vnd schließ dan
auf der erdñ biß es met in zeit was
so stünd er dan widerumb auff vñ
beetet vñ laß die hailigñ geschryfft
mit grosser andacht. damit die hai-
lig cristenhait gezieret ist allenhal-
ben als mit edlem gestain. das trib
er biß er essen wolt. vnd wen er ain
klaine sünd wider got den allnech-
tigen thet so het er gar grosse reu-
vñ wait so bitterlich als ob er ain
mensch ertödt het. Der hailig sant
Jeronimus schlug auch seinen leyb
alle tag zu dreyen malen mit herten
stricken das das blüt von im goß.
Er hüt sich auch vor vnnützen wor-
ten als vor ainer suchtt. Vnd was
nymmer müßig er laß oder schryb oß
prediget dem volck vnd lebt als rei-
nigklich vnd so hailigklich als Sa

Nun laut

muel den furt die götlich stym zu
der priesterschaft. so hat sant Jero-
nimus des engels hand mit gwalt
bezwungen das er die weltlichen
bücher müst lassen vnd die hailigē
geschafft lesen. vñ hat die ketzer mit
seiner hailigkeit vertriben vnd er-
stert. wann er ist ain würdige kron
vnsrer eern. vñ hat die alten vñ neuē
en geschrift auß hebreischer zungen
bracht. darüb mag ich wol sprechen
das er mit vnaussprechlicher weiß-
hait vñ mit grundlosen sinnen hat
alle kunst als volkōmenlich bewei-
set das jm auff erd nyemant gleich
ist gewesen. Vnd sant Jeronimus
künd sibnerlay sprach hebreisch. grie-
chisch. arabisch. caldeisch. lateinisch
persisch. vñ medeisch. vnd künd dar-
zu alles lands vnd volcks büchsta-
ben als volkōmenlich vnd als wol
als ob er in ain yegklichem sunder-
geborn wär worden oder da erzo-
gen. vnd was also gerecht in seym
ampt daz er sein vnderthan gar her-
tigklich strafft. darumb so wurden
jm etlich gar veind vnd gedachten
wie sy jm sein eer möchten nemen
mit falschheit. vnd namen ainer fra-
wen klayder do er sich nyder het ge-
legt schlaffen vnd legten jm die an
sein beth. vñ do man mettē laut do
stünd er auf nach seiner gewonhait
vnd ergriff der frawen klayder vñ
legt sy an für seine klaidet vñ gieng
darinn zu der mettē. das nam die
leüt groß wunder. vnd was in gar
lind vñ in. aber etlich wurden gar
fro vnd sunder die die jm das klaid

Jeronimo

an das beth heten gelegt. Nun was
dem lieben herren sant Jeronimo
gar layd vmb die leüt die sich an jm
versündet hetten vnd gedacht jm.
ich kan nit bas gesigen dan das ich
gedultig sey in dem vnschuldigh lei-
den vñ vermaint jm het es got der
allmechtig darumb geben das er
die eere solt fliehen. vnd floch von
Rom vñ kam gen Bethleem in ain
wilde wüste. da het er kainen iridi-
schen trost. vnd schyn die sunn den
ganzen tag auf in das jm oft vnd
dick sein hailige zung vor übrigem
durst klebt an seinem gumen vñ des
nachts viel dan der kalt tarwe auff
jm. vnd lag vnder weilen den ganz-
en tag auff den knyen vnd betet die
nacht dartzu. vnd schlieff nur auff
der blossen erden vnd gedacht jm
oft er wär von dem erdtrich geno-
men. wann die engel furtē in zu ie-
tagzeit so schawet er dan das reich
gottes mit gar grossen freuden. vñ
het als vil trosts darvon daz er nit
achtet das sein leib vngemach het.
¶ Nun ward jm von got dem all-
mechtigen kundt gethan das er in
die stat Bethleem kommen solt. das
thet er vnd was gehorsam vnd laß
die hailigen geschrift zusamen. vnd
laß oft von dem morgen bis an
den abent vngeessen vnd vnetrun-
cken. do merkten vil leüt gar bald
vnd behend sein guts vnd hailigs
leben das er an jm furt vnd volbra-
cht. vnd kamen gar vil menschen
zu jm vnd wurden sein junger. dar-
nach für er aber vnd sein junger in

ain wilde wüß da was in alles gemacht teur das litten sy alles durch got. do bawet sant Jeronimus an der statt ain kirchen vnd ain kloster in der wüß. vnd trüg sein jungern ain güts ebenbild vor das lerneten sein jünger von im mit grossen fleiß. Do er nun alt vñ frant ward daz er nit mer zū gots dienst mocht kommen vnd zū beth lag. vnd wē man gots dienst begieng so hūb er sich an ain sayl vnd saß so lang an dem beth auff bis das man den gottes dienst begienge. ¶ Zū ainem male kam ain leo der gieng auff dreien füßen vnd der vierdt thet im wee. do gieng der leo zū des klostere tür hinein. do forchtē sich die brüder ser vnd gabent die flucht. do empfieng sant Jeronimus den leo gütiglich do recket im der leo den siechen fuß dar. den schawet sant Jeronimus vñ wüsch im den das er im gesund solt werden. do sach er im ain doren darinn den zohe er im heraufs vnd band im sein tuch darüber vñ hielt im den füß. do ward der leo haymlich als ain hund vñ wolt nit mer von dannen. Do sprach sant Jeronimus. Got hat vns den leo nitt allain darumb gesandt das wir im den fuß sollen hailen. er het in selber wol gesund gemacht. aber er hat in vns zū nutz vñ trost her gesandt darumb beselhent im ain ampt. Do sprachen die brüder. Er soll vnser esel auff dem veld hüten. vnd soll sy auß vnd ein fürn. do empfieng der leo das ampt über die esel vnd hüt

ir vñ kam nit von in vnd gieng mit in auß vnd ein ver vnd nach zū rechten zeyten. ¶ Aines mals gieng der leo mit aym esel zū veld. vnd legte sich zū im nyder vnd entschlief. do gieng der esel hyn vnd her auff dem veld. Do kamen kauffleut die fürten vil güts. vnd do sy nyemanden sahen der des esels hütet do namen sy in vnd fürten in mit in haim. Do nun der leo erwacht do fand er des esels nit do erschrack er seer vñ lieff hyn vnd her vnd schry mit greülichen stym vnd sücht seinen esel überal vñ fand sein nit. do kam er traurig klich für das kloster vnd torst nitt hinein. do das die brüder sahen daz der leo kommen was vnd der esel nit do gedachten sy er hett den esel er-bissen vnd gaben im nit züessen als vor. vnd sprachen. gee hyn vnd yß den esel mit ainander vñ sy süchten den esel vnd fundē sein nit. vnd sagten das sant Jeronimo. do sprach er gebent im kost als vor vnd schickent in an des esels statt. das theten sy do bracht in der leo holtz genüg zū irer notturfft wie wild sein natur was so dienet er doch mit gedult vñ nam des esels offft war ob er in yendert sähe. Ains mals do kamen die kauffleut die dem leo den esel genōmen hetten vnd hetten vil kamelhier. vnd der esel gieng zum vordersten vnd was wol geladen. Do nun der leo den esel also ersach. do sprang er als greülichen vnd sogar vorchlichen auff vor freüden das die kauffleut müsten fliehen. vñ

Anton

fliehen vñ forchten der leo wurd sy
 ertödt. Do trib er den esel haim für
 des klostere thür vñ die kamelthier
 mit allem güt. Do sahen die brüder
 wunder an dem leo. vñ sprachen.
 Wir haben dem leo vnrecht getan
 dan er hat sein vnschuld wol bewi-
 sen das er den esel wider hat gebra-
 cht. Do strich sich der leo an die bür-
 der all vñ was fro. Vñ sant Jero-
 nimus weßt in dem gaist wol das
 sy gest sollten habn do sprach er Lie-
 ben brüder vns kömen yetzund fremd
 gest die sollent ir wirdtlich empfa-
 hen Vñ die weil er das sprach. do
 waren sy an der thür Do empfien-
 gen sy die brüder gar tugentlich vñ
 schon. do fragten die kaufleut wer
 der abt wär. do sprachn die brüder
 Sant Jeronimus ist vnser vatter
 Do vielen sy im zufüssen vñ sprach-
 en zu im. Biß vns vñ den esel wie
 du wilt. Do hieß sy sant jeronimus
 auff steen vñ sprach gütlich zu in.
 Gehabt eüch wol vñ sey eüch ver-
 geben. Darnach sprach er zu seinen
 brüdern. Gebent den brüdern zueß-
 sen vñnd gebt in ir güt wider vñ
 laßt sy haim farn. Do sprachen die
 kaufleut Habt üch das öl halb des
 bedürfft ir wol. Er sprach nain lie-
 be kind wir bedürffen kain fremb-
 den güts. Do sprachen sy. Wöllent
 ir es nitt halb nemen so müßt ir es
 gar haben. Darnach gelobten sy in
 vñ laysten es sy wölten in ir ampel
 mit öl beleüchten die weyl sy lebten
 Vñ süren also wider haim vñ wa-
 ren gar fro. ¶ Zu den zeiten was

Jeronimo

Teodosius kaiser der bat den bapst
 Damasum das er ainen weisen vñ
 gaistlichen menschen aussücht der
 da ordnet wie man zu gotes dienst
 singen vñ lesen solt die tagzeit vñ
 die meß darzu verordnet vñ erwöl-
 let 8 bapst sant Jeronimū got dem
 almechtign zū lob mit grossem fleiß
 Do ordnet sant Jeronimus was
 man zu ainer yglichen tagzeit singn
 vñ lesen solt. Er ordnet auch wöl-
 lichs ewangeli vñ epistel zu yetlich
 er meß gehört vñ an wölchem tag
 Er ließ in sein zeen ebnen vñ absch-
 lahen oder absetzen das er die hert-
 ten wort desterbaß bedeüten möcht
 vñ gesprechen damit er mangn men-
 schen zu gnaden brächt. So ordnet
 sant Gregorius das gesang darzu
 Das geuiel dem bapst wol vñ ließ
 also beleyben nach der zwayer lerer
 ordnung. ¶ Sant Jeronimū ney-
 det man gar seer vmb seiner kunst
 willen. auch vmb die grossen gnad
 die got der allmechtig an in gelegt
 het. das layd er alles gedultigklich
 durch got vñ was des fro vñ spr-
 ach. ich danc dem ewigen got daz
 ich würdig byn das mich die men-
 schen neyden. wan mein herz Jesus
 christus ward hie auff erden auch
 geneydt vñ gehasset bis in den tod
 ¶ Sant Jeronimus was weiß
 vñ wol gelert daz er der juden vñ
 hayden bircher bracht zu latein. vñ
 er ist ain liecht der cristenhait. Do
 sant Jeronimus. xcviij. jar alt war-
 de vñ sein leben nach gotes lob ver-
 zert het do ward er siech vñ vnser

vnfers herin fronleichnam vnd sprach. O süsse hymelische speiß nyemant mag on dein trost ain stund leben. vnd du gibst allen creaturen das leben. darumb so begeret mein hertz vnd mein sel dein. dan du bist mein erb vnd ain erbtayl meiner sel darnach sy ewigklich dürst vnd in dir freuet sich mein hertz vnd mein gemüt. vñ freuet sich mein sel allain dir. Darnach empfienge er vnfers herren fronleichnam mit grosser andacht. vnd redt vil schöner götlich er wort. vñ do die red ain end nam do erschyn zühand ain so schöns klares hüpsches liecht von got dem allmechtigen das die brüder vnd die menschen die da gegenwürtig waren sant Jeronimus leychnam vor grosser klarhait mit mochten gesehe. Vñ in dem selben schein sahen etlich menschen das vil scharen der engel vmb sant Jeronimum hyn vnd her füren als die funcken in dem feür. so horten auch etlich ain hymelische stym die sprach Kum mein allerliebster es ist zyt daz du dein lon empfahest von mir vñ dein grosse arbeit die du durch meinen willen hast gethan. so horten auch etlich das sant Jeronimus in solchen Worten herwider sprach. Herz süßer Jesu ich kum zü dir. empfach deinen knecht den du mit deinem theuren blüt erlöst hast. vñ zühand verschwand das liecht. vnd in dem selben liecht was im sein hailigesel außgangen vñ für zü dem hymel gleich als ain liechter stern 8 mit tugenden schön

geziert was vnd leucht in den hymeln vnd in dem scheyn der ewigen klarhait. vñ gieng ain süßer geschmack von seym hailigen leichnā vñ belib der güt gschmack lang an der stat da er verschyden was. der lieb hailig verschied in der letzten stund des monats septembris. Nun was der bischoff Cirillus zü der selben stund do sant Jeronimus verschied in seiner zell vnd bettet gar andächtiglich. do ward er verzucket vnd sach ain schöne straf die was gar wol geziert. vnd do er das sach do vergaß er sein selbs vor grossem wunder. vñ sach das sich die straf anhäb in dem kloster an der stat da sant Jeronimus tod was vñ gieng die straf auff bis in den hymel. Do hāb der bischoff Cirillus seine augen auf vñ sach die schar der engel von dem kloster kōmen vnd sungen ain süßen don in zwaiien scharn vñ gedaucht in das der hymel vnd die erde vnd alles das darinn ist von des gesangs süßigkeit erkling. vnd trüg ain yeglicher engel ain pünnen de kerzen. vñ was der glast als groß das bey der sunnenscheyn vñ ster was. Darnach sach Cirillus ain andere schar der engel die giengen gegen disen engeln mit gesang vnd grossen freuden. do het er geren gewist was daz bedeut het do weßt er nitt wen er es fragen solt vnd do er nun das liecht vñ die engel lang gesehen het do sach er darnach sant Jeronimus seel die was über all engel gar reichlich geziert.

Anton

vnd sach vnsern herren an sant Jeronimi rechten seyten vnd sach das die seel in sein zell kam. vñ stünd für in vñ sprach. Cirille kennst du mich do sprach er. Nainich. sag mir doch wer du seyest das du vor den andern allen so in grossen eeren erscheynest do sprach die sel sant Jeronimi. hast du sant Jeronimū lieb gehabt auff erden. Do sprach der bischoff Cirillus. Ich hab in vor allen menschen lieb gehabt. darumb so sag mir ob du der selb seyest. er sprach. Ich byn sein seel vnd besitz als ich gehoffet hab all hymlich freud vnd eer darumb so gee bald zu meinen brüdern vnd sag in was du gesehen habest vnd sprich sy sollen nit mer wainen vnd klagen. sunder das sy sich mit mir sollen freuwen das ich mir erwölet hab ain wesenn der ewigen freud. do verschwand er. Nun kam Cirillus wider zu im selbs vñ was sein hertz erfüllt mit vnaussprechenlichen freuden das er die ganzen nacht waynt vor freuden die er empfing Vnd des morgens saget er es den brüdern was er gesehen het. vnd sprach. Nit mer sollent ir vmb in waynen. sunder mit im freuwen wan got hat im gebñ die freud des ewigen lebens. vnd hat in gewirdiget mit ain ewigen namen. vñ hat in ain erben gemacht seiner ewigen freud. die er ewiglich nyessen ist. vñ got der allmechtig hatt sein seel belait mit der engel schar. von disem ellend zu den ewigen freuden. Do die brüder das horten do wurden

Jeronimo

sy gar fro vnd danckten got seiner gnaden die er im getan het. Do sant Jeronimus verschied. lebt sant Augustin noch vnd las in sein zell vnd betrachtet inniglichen wie so gar groß der hailigen seel würdigkait vñ freud war in der gegenwertigkait gottes dann sant Severus sant Martins schüler der het in gebeten das er im von den freuden saget vnd kund macht. Do kund sant Augustinus mit syñen die freud nit begreifen noch aygentlich darvon sagen. Nun weest er wol das in nye mandt so wol in ainer als schwären frag vnderrichten mochte als sant Jeronimus. darumb nam er papir vnd wolt im ain brieff schreiben. do er in nun sein gruß geschriben het do erschyn im ain groß liecht in sein zell. vñ was als ain güter süßer geschmack darin das sant Augustin vor grossem wunder im alle sein krafft entwich. wan er het vor nye kain solichs liecht gesehen. noch als ain güten geschmack gerochen. vnd wist auch nit daz sant Jeronimus tod was. vnd das im got der allmechtig als ain wirdigen stül berayt hett im hymel. Do sant Augustin in dem wunder was do sprach ain stim. Augustine wilt du wānen das du das groß mōr in ain vaf mügest füllen vnd die erdñ mit deiner klainen hand begreifen oder erfüllen deine angen zusehen. das nye kain aug gesach vnd hörn daz nye kain oz mer gehort. vñ wilt wenen das du das verstan mügest

das nye kaines menschen hertz vernam vnd wilt du dem ain end vinden das kains hat vñ nymer kains gewinnet. ee wurd das mör in ain klaines wasser beschlossen vnd die gang welt in ainer klainen hand begriffenee du der grossen eer vñ freude die die seelen zühymel habent den allermünsten tail vernemen vnd begreifen kündst. du werdest dan gewert solcher ding als ich bin worden vñ sprach. Nun bayt Augustine bis du gestirbst. vñ such nit auff erden das du in des hymels thron vinden wirst vnd fleiß dich güter werck hie auff erd das du darnach ewige freud in dem hymel vindest. Do sprach sant augustin. Wer bist du seliger vñ erwidiger der mit solchen freudn zeucht zü des hymels tron. wie süß seind deine güte wort in ainem güten ende. Do sprach die stym Ich bin die sel sant Jeronimi dem du dein brieff mainest zü sendn vnd bin in diser stund verschayden vñ bin geziert mit aller schone vnd bin belayt mit gotes gelayt. vñ byn mit allem hymlischen heer gen hymel gefürt worden vñ byn erleucht mit götlichem schein. vnd bin auch beklaidet mit ewigem gewand vñ mit überflüssigkait alles güten vñ aller freud vnd hab in gotes krafft alle mein not genglich überwundn vnd mag mich kain layd mer betrüben vnd byn ganz in werden vnd in eeren. nun wirt mein eer zwir als groß nach dem jüngstn tag. dauon warde sant Augustin vor freuden

wainen vnd sprach. Wolt got eerwirdiger vater das ich als würdig wär das du an mich deinen vnnützen knechte gedächtest. vnd als du mich auff erdrich hast lieb gehabt also beger ich das du mir vmb got erwerbest das ich erlediget werde von meinen sünden vnd das ich in deinem schirm in götlichen werden vngehendert beleib. vñ das du mir deinem waffen mich behütest vor allen meinen veinden vñ mir helffest des ewi gn lebens. vñ beger das du mir antwortest wes ich dich frage. Do sprach die sel sant Jeronimi Ich wil dich berichten willigklich aller deiner frag. do sprach sant Augustin. ich weest gern ob die seligen sel die zühymel seind vnderweylen icht erwurben von got oder wölten sy das sy von ichten wegen erhöret würden. Do sprach die sel sant Jeronimi. die hayligen in den ewigen freuden seind geuestnet vñ gestercket in got das sy kain andern willen dan nur ain götlichen willen habn dan sy nit anderst wöllen noch mügen dann was got will. dauon alles das sy wöllen daz wil got auch vñ er erfüllt sy auch on zweifel nye mant wirt betrogen von seiner begierung wann wir allsambt nit anderst dan nur got wünschen. vñ so wir got zü allen zeiten haben wöllen so haben wir in sicherlich darüb wirt allweg vnser begerüg erfüllt. Vñ bericht in von der hailigen dyueligkait vñ des suns geburt von dem vater vñ allerhailig sel selikait

Anton

Vnd vil mer andie ding die menschlicher vernunft schwär seind. vnd möcht der mensch mit aller menschenzungē reden so möcht er die ding nit zewegen habē bracht die im die sel sagt. Damit verschwand sy. vñ belyb ain gütter geschmack in sant Augustins zell. Do dancket er got seiner genaden vnd dem lieben herren sant Jeronimo. vnd dienet im fürbaß noch mer mit fleiß. ¶ Zu completzeit do sant Jeronimus verschied. was seuerus vñ zwen münich auß dem kloster vnd sunst ain man die waren bey ainander vñ redten von got dem allmechtigen. do horten sy in dem hymel vnd in den lufften ain süßetrostliche stym vnd ain gedōn der orgel vñ gesangs vnd alles saytenspiels. vnd damit erklang der hymel vnd die erd vñ was darinn begriffen was zūmal schön. vñ do sy den süßen don horten do gedaucht sy wie ir seelen wolten vor grosser süßkait von irn leiben sein geschaiden. do sahen sy auff in den hymel vñ sahen ain liecht daz was sibemal klärer dan die sunn vñ schmackten gar ain süßen geschmack. do hetten sy gern gewist was das bedeiut het. do baten sy got daz er in es kund thāt. do horten sy ain stym von hymel die sprach. Lassent euch nit wundern der schönen ding die ir hōrent vñ empfindent. dan vnser herr Jesus christus hat sant Jeronimus seel zū der selben zeit von seinem leib gnomen vñ hat sy mit herrschafft vnd würdigkait gen hymel

Jeronimo

geführt vñ als er hieseligklich für an der menschn hat gelebt. also freüen sich die hailigen engel seiner gesellschaft. auch die patriarchen vñ propheten vñ all zwelfspoten vñ martirer. vñ vnser fraw mit allen junckfrawen lobten in mit süßem sayten spil vñ gesang. do schwige die stim aber das liecht. daz gesang vnd der geschmack weret dannocht etwan lang. do erschracken sy seer vñ was in fast layd das sy sant Jeronimū verloren hetten. ¶ An dem tag do man sant Jeronimū begrabē wolt do kam ain man dar der was blind geborn. der het grosse hoffnung zū seiner hailigkait vnd berüret seinen hailigen leychnam. Do ward der selbig blind zūhandt gesehend. do ward er gar fro vnd dancket got vnd sant Jeronimo irer genaden. ¶ Do was ain ander junger man dabey der was ain stum vnd gehōret nit der küßet auch sein hailigen leychnam do ward er zuhand auch gesund vñ wol redent. do ward er fro vñ dancket got vñ sant Jeronimo irer gnadē. ¶ Es kamen auch vil menschen dar die siech vnd mit dem bösen gaist behafft waren. vñ so die menschen das grab an sahen schryen die bösen veind mit wüender stym. Hailiger Jeronime warum bist du vns so schwär du hast vns lebendig verderbet das thust du auch tod. also füren sy mit zorn auß vñ wurden die menschen ledig vnd eereeten got vñ sant Jeronimū. ¶ Es was ain ketzter der schalt Je

ronimū vñ sprach sein leichnā wār
des feiers würdig. do ward er von
dem helschen feur zuhand zuāschen
verbrennet. das sahen vil der men-
schen Vnd do die andern kēzer hor-
ten vñ sahen das zaichen do kamen
ir vil zū sant Jeronimus grab mit
würdigkait vñ eerten in mit fleiß vñ
wurden von ir irsal bekört. Do be-
stät man in mit grosser andacht vñ
würdigkait zū der erdñ. ¶ Nun als
ain ganz jar vergieng nach seinem
tod darnach im andern jar an sant
Johānes baptista tag. knyet der bi-
schoff Cirillus zū Alexandria vor
sant Johannes baptista altar vnd
empfalch sich dem hailigñ mit gros-
ser andacht vnd entschliess also. do
sach er das ain grosse klarhait vnd
ain grosse schar kam der hailigñ ye
zwen vnd zwen mit ainander mitt
ainer schön procession vnd giengen
all zū sant Johannis baptiste altar
vnd bogen ire knye vñ erbotten dem
hailgñ vileer vnd würdigkait mitt
süßem gesang dem nyemant mocht
gleichen. vnd ward die kirch durch
leucht mit schönem scheyn darnach
gieng sant Johannes baptista vnd
sant Jeronimus mitt grosser klar-
hait auch in die kirchen in gleicher
gestalt. vnd waren mit reichem ge-
wand wol beklaidt. mit gold vñ ed-
lem gestain wol geziert. vnd warn
schöner vnd würdiger dan die vor-
dern all vnd do sy in die kirchen ka-
men do stunden die andern all auff
die vor in der kirchen waren vñ bo-
gen ire knye demütigklich gegen in

vnd erbotten in vil eer vnd würdig-
kait. vñ erbotten auch die zwen ain-
ander vil eer vñ würdigkait vñ sag-
ten sich darnach auff zwen guldin
stul die waren mitt edlem gestain
wol geziert vñ redten süßklich mit
ainand wölcher zum ersten an hüb
zū reden. do sprachen die andern all
es solt sant Jeronimus anheben zū
reden vnd solt sant Johānem bap-
tistam lobñ darüb daz sein hochzeit
wār. Do lobt sant Jeronimus Jo-
hannem baptistā gar würdigklich
vnd mit grossen würdigklichen syn-
nen vnd lustiger zierlichait vñ ver-
kündet johanni baptiste hymliche
lob vnd eer würdigkait. Darnach
stund sant Johānes baptista auff
vnd dancket sant jeronimo der eer-
en vnd würdigkait die er im angele-
get het vnd lobt sant Jeronimum
auch würdigklich vnd sprach. sant
Jeronimus ist mir gleich in hyme-
lichen werden vnd hayligkait des
lones. vnd seyð er mein eer vnd lob
so würdigklich gesagt hat. so ist bil-
lich das ich sein lob vñ eer auch nit
verschweig. wāñ er ist ain liecht d.
hailigen mäter der cristenhait mit
seiner leer hatt er der kēzer vinstē-
nus vertriben. vnd hat alle die er-
leucht die auß dem weg der götlich
en klarhait waren verblendet. vnd
er ist auch gar ain hailfams wasser
vnd ain wallender brunn von des
milten flusß alle geprestenhaftige
menschen iren durst mügen lösch-
en. vnd er ist ain werder baum der
die höhe des hymels thron berüret

Von sant

vnd vnder seim grünen laub da ne-
ment des hymels vñ der erden wet-
se menschen übersüsse speiß. dan es
werden alle menschen getröst von
der süßen frucht seiner güten süßen
lere ¶ Jeronimus mein gesell ist
mir gleich. vñ ist ain ainsidel gewe-
sen auff erden. vnd sein fleisch mit
geleicht in hunger vñ durst vñ all-
wegen gefestiget. vnd ist rain vnd
keusch gewesen als ich. vnd ist schä-
mig gewesen in allen tugenden vnd
hat den warhafftigen liechten gaist
gölicher prophecy mit mir empfan-
gen vnd ist gewesen ain leerer der
warhait. So hab ich Johannes
baptista mein leben durch got mitt
grosser marter geendet vnd in göt-
licher liebe. Wie aber sant Jeroni-
mus durch gott mit dem streyt ge-
martert sey worden so hat er all sein
lebtage mitt arbayt vnd schmerzen
vmb got verzeret mit grossen ley-
den wider die ketter. so byn ich ain
vorlauffer vñ bot gewesen des all-
mechtigen gotes das ich die heyden
bracht auff die straf d warhait vñ
der gerechtigkeit gotes vñ zu göt-
lichem dienst. so ist sant Jeronimus
ain aufenthalter vñ ain beschirmer
des cristenlichen gelaubens gewe-
sen vnd hat stättiglich gekämpfft
wid die ketter. so hab ich ains mals
vnsern liebñ herin mit mein henden
in dem jordan angerürt vñ getauft
so hat sant Jeronimus vnsern lie-
ben herren nit zu ain mal angerürt
sunder gar oft mit sein henden ge-
handelt in hayliger andacht auff

Jeronimo

dem altar in der mes. vñ hat in gar
offt andechtiglich empfangen. dar-
umb seyen wir all bayd in gleichen
freuden. in hymelischen werden vor
gott. vnd darnach erwacht Ciril-
lus. vnd freuet sich der schönen ge-
sicht die er gesehen het vñ sagt das
vil menschen. ¶ An der hailigen
driualtigkeit tag. kam der bischoff
vnd all sein pfaf hat mit im vñ die
vnder im waren. vñ auch die von
Bethleem waren. vnd giengen in
die kirchen darinn sant Jeronimus
begraben was. vñ kam sunst auch
ain gross volk dar von frawen vñ
von mannen. vñ warn die bischoff
all priesterlich beklaydet vnd gien-
gen zu sant Jeronimus grab vñ
wolten den würdigen leichnam dar
auf nemen vñ wolten in in ain stai-
nin sarch legen der was marmel-
stein. den het man gar kostlich ge-
ziert mit grosser zierd vñ gruben in
das grab. vñ do sy es geöffnet het-
ten do sahen sy all das d hailig leich-
nam ain tail in den lufften schwebt
also das er daz erdtrich nit endert an-
rürt. do namen sy in heraus vñ leg-
ten in auff den altar. do gieng ain
guter süßer geschmack von im. Vñ
thet d lieb hailig vil zaichen. ¶ Es
waren. xvj. blind in der kirchen die
heten grosse hoffnung zu seiner hai-
ligkeit. die berürtten seinen hailigen
leichnam mit iren angesichten vnd
rufften in mit grosser andacht an.
die wurden zuhand all gesehent. sy
lobten got vnd sant Jeronimū. do
die leut die grossen zaichen sahen do

brachtē sy drey behafft mān dar die waren als greulich daz mān sy mit eyßnin ketten het gebundē. vnd bat das volck sant Jeronimū mit groſſer andacht für die mān das er sy erlediget. do wurden sy ledig vnd loſ vnd wurden fro. vnd danckten got vnd sant Jeronimo der genaden.

Enun was ain arme witwe in 8 kirchen die het ainn lieben sun. vnd was dz getreng als groſſ das mān ir das kind zū tod trucket do ward die mütter ser betrübt vnd schry vñ wainet vnd nam das kind vñ legt es in sant Jeronimus grab vñ sprach. Hailiger herre sant Jeronime ich wil von dem grab nit kōmen du gebest mir dan̄ mein sun wider den ich in deinem dienst hab verlorn vñ legt das kind also in das grab. vnd do es nur die erden an rüret ward er wider lebendig. do ward die mütter fro vnd lobet got vnd sant Jeronimū. Nun was ain mān in der stat der hett auch ainn lieben sun der was vor dreien tagē tod. vñ do er die grossen zaichen hort die der liebheri sant Jeronimus thet do gieng er zū seins kinds grab vnd nam es herauf vñ bracht es zū sant Jeronimus grab vnd legt es auch darein vnd rüst in mit groſſer andacht an vnd bat in das er im sein sun lebendig macht. do ward der sun lebendig. vnd der vatter ward fro vnd lobet got vñ sant Jeronimū Vnd darnach an der andern nacht zū vesperzeit legten sy den lieben hailigē mit groſſer andacht vñ würdigkait

in den schönen sache den sy im gemacht hetten. Aber sy funden den hailigen leichnam des morgens widerumb in dem grab. do erschrickē sy gar seer vnd hetten gern gewiſſe was es bedēit vñ baten sant Jeronimū mit ernst das er in kund thāt was er damit maynte. Do erschein er dem bischoff Cirillo an der andern nacht vñ sagt im vil verborgener wort vnd sprach zū im Cirille ich laſ dich wissen das mein leichnam in dem grab rüen will biſ die stat Jerusalem anderwaid zerstört wirt von den haydē. darnach kommet mein leichnā gen rom. damit erwacht der bischoff vnd sagt allem volck offentlich was im sant Jeronimus kund hett gethan. **S**ant Augustein saß ains mals vñ wolt von sant Jeronimo schreiben. vnd betrachtet fleissigklich wie er in loben möcht würdicklich. vñ entschlief also. do sach er ain grosse schar der engel vñ sant Jeronimū vñ johanem baptistā vnder in. vnd sy gleſeten vor klarheit als der sunnen schein vnd ganz gleich ainander in ainer gſtalt vñ form dan̄ daz sant Jeronimus zway krentzlin auff trū ge vñ sant Johānes baptista dreü die waren von gold vñ edlem gestain gemacht. vnd sprach johannes baptista zū Augustino. Du betrachtest gar emſigklich wie du sant Jeronimum loben mügest. das kanst du nitt wol thūn. Darumb seyen wir bayd zū dir kommen das du seines lobs gar wol vnderwiſen werdest

Anton

wenn der bey mir ist so ist sant Jeronimus mein gesell. wann zu gleicher weis als er mir in hailigem lebē geleich ist gewesen. also seyen wir vor gottes angesicht gleich in werden vnd in eeren. was ich vermag das vermag er auch. dan als ich got sihe vnd erken. also sieht vnd erkennt in auch got. in dem all vnser freud vñ wird begriffen ist. wann als ain hailig grösser ist. dan der ander. also beschaut vnd erkennt er in auch mer. Vnd das dritt krentzlin daz ich trag das ist vmb mein marter. wie wol aber sant Jeronimus nit gemartert ist wordē durch got so hat er doch als vil arbayt. schmerzen. vnd leyden gedultiglich durch got erlitten. als ob er ain martirer sey gewesen. vnd ist an der marter schar. vnd hat der marter kron nit verloren. Aber darumb das er sein blūt nit vergossen hatt so embirt er der kron die wir hailigen tragen die ir blūt williglich durch got vergiesen Vnd die zway krentzlin tragen wir vmb vnser gute ler vñ rainigkait. darnach sprach sant Augustin zu dem der mit im redt. Wer bist du Do antwort er. ich byn Johannes baptista. vnd byn darumb zu dir gesendet das ich dir sant Jeronimus hayligkait vnd wirdikait auch sein eer verkünde. Vnd als ain yetlicher mensch wolt auff erden das im andere menschen vnderthanig wāren. Also freuet sich ain yeglicher haylig im hymel des andern wird vnd ger als der seinen. vñ ains yeglichñ

Jeronimo

hailigen freud vñ wird. ist ains yetlichñ freud vñ eer. Damit er wacht er vnd freut sich der wunder die er gesehen het. ¶ Zu zeyten was ain böser ketzer der hieß Sabianus der sprach offentlich. Vnser herr Jesus christus der het zwen willen vñ die selbigen ketzerey bewärt er mit dem das vnser herr sprach im ewangelio. Vatter ist es möglich so überheb mich diser marter. Vnd sprach vnser lieber herre wolt sein marter mit ain willen fliehen vñ mit dem andern willen leyden. vñ sprach. vnser herr het vil dings gern getan das er nit haben mocht vnd zayget ain büchlin darin stünd die selb ketzerey. vñ der selb ketzer sprach sant Jeronimus hett das büchlin selber gemacht. vñ log auf in. wann er neulich vor seinem tod ain büchlin wider die ketzerey gemacht het. do daz die cristen horten wurden sy betrubet. do geboten sy dem ketzer das er am sambstag mit seinen jungern in die kirchen zu jerusalem kōmen solt so wölten sy vmb die sach disputieren. Do kam der bischoff Cirillus mit allen sein bischoffen in die kirchen. vñ kam der bischoff Siluanus von nazareth der het sant Jeronimū so lieb daz er sein namen als oft nannt das man in auch jeronimus hieß. Do kam der ketzer Sabianus auch dar mit seinen jungern 8 zoch sein büchlin herfür vnd sprach sant Jeronimus hett es gemachet. Do ward Siluanus zornig das er als fälschlich auff sant Jeronimū ge-

torst liegen vñ schalt den ketzer gar greulich vnd sprach. Ist das sant Jeronimus den nächsten tag vmb nonzeit offenbart das dein büchlin falsch ist so soll man dir dein haubt abschlahen. do sprach der ketzer daz wil ich gern thün. geschicht es aber nit. so sol man dir dein haubt abschlahen. vnd also schyeden sy von ain ander. Do beeteten die cristen die selben nacht mit grossem ernst vñ bat ten got den allmechtigen vnd sant Jeronimū das er inen des leydens ain güt end gāb. Vnd des andern tags kamen sy wider in die kirchen vñ der ketzer mit sein sūngern auch damit. vnd lebt als greulich als ob er Siluanū verschlinden wolt vñ kriegten lang mit ainander. do ruff ten die cristen aber sant Jeronimū an mit grossem ernst das er inen zu hilff kām in irem leyden. Darnach sprach der ketzer. Siluane ich will dich tödten als wir gelobt haben. wān Jeronimus hat noch nitt geoffenbart wie daz büchlin falsch sey vnd fūrt in zū der stat. da er in enthaubtē wolt. do waz er gar frölich vnd die cristen wurden seer vmb in betrübet. do trost er sy vnd sprach. Freient eūch vnd seyt nit betrübet wān der almechtig got verlaßt kai nen menschen der zū im hofft. vnd ob er mich yetz nit erhört so hab ich noch mer mit meinen sünden verdie net. vnd kuyet darnach nyder vnd sprach. Hailiger herze sant Jeroni me hilff mir vnd ob ich den tod mit meinen sündē verdient hab so kām

doch mir zuhilf vñ bewār das wir recht haben. darumb das die falsch hait nit bewärt werd. vnd rekt do seinen halß dar do hūb der hencker sein schwert auff vñ maint er wolt im sein haubt abschlahē. do erschien im sant Jeronimus so bald vñ hūb das schwert mit seinen henden. vñ sprach zū Siluano stand bald auff vnd schalt den bösen ketzer. vnd sprach zū im. das büchlin ist mit falsch hait gedicht vnd gemacht worden vnd trowet im seer. damit verschwand er. vnd zūhand viel dem ketzer sein haubt von seinem leichnam als ob es im abgeschlagen wār. do wurden die cristen des gesichts gar fro vnd danckten got vnd sant Jeronimo irer genaden. vnd die ketzer auch. vnd waren alle fro des zaichens das sant Jeronimus getan het. ¶ Nun trüg der böß veind fürbaß grossen neyd sant siluano vmb sein hailigs leben vñ auch darumb das er die ketzer erstöret vnd betrachtet wie er sich an im rechen möcht vnd nam ain gstat an sich als ob er der bischoff Siluanus wār. vnd kām zū ainer edlen hailigen frawen in dem schlaff vnd bat sy sündlicher ding do erschrack die fraw gar seer vñ wißt nit was mañs bey ir was vñ ward laut schreyen. do daz ir ge sind hort vnd auch die nachburen do lieffen sy zū ir kamer. vñ fragten sy was ir widerfaren wār. do sprach sy. es ist ain vnsäliger man hie innen der wolt über meinen willen bey mir geschlaffen haben. die weil

Anton

het sich der böß veind verborgn do
süchten sy überal doch funden sy in
vnd dem beth vnd zugen in herfür
do was er dem hailign man gleich
dem bischoff zu nazareth. do erschri-
ack sy ser vñ nam wunder von dem
hailigen man Siluano vnd wesp-
ten nit wie sy im solten tün. also fra-
geten sy in warumb er daher wär
komen. Do sprach der veind. mich
hat das vnerber weib darumb ge-
beeten. Do sprach die selig fraw. er
leügt bößlich auff mich. do redt der
böß gaist so lästerliche. schamliche
wort daz sy nyemant gehörn mocht
das thet er nur darüb das sy deßer
zorniger würden an den hailigen
man siluanū. auch darumb das er
die hailige frawen vñ den hailigen
man zu grösser red brächt. des mor-
gens kamen sy gen bethleem vñ sag-
ten alles das sy gesehen vñ gehöret
hätten. vnd sprachñ. der bischoff sil-
uanus ist ain rechter gleisner man
solt in verbiennen als ainen vnray-
nen diener der sünd. Der bösen red
ward die gang stat Nazareth vol.
vñ das volck ward zornig auf sant
Siluanū vñ schulten in wan sy in-
herten nennen. Do die red für den
hailigen man kam do was er gedul-
tig darinn vnd litt es geren durch
got. vnd lobt sein namen vñ sprach.
Herz jesu chrisste. ich hab es wol mit
meinen sünden verdient. vnd ward
nye vngedultig in dem grossen ley-
den vnd sprach oft. ich würd nym-
mer seliger wen so mich die welt al-
lermaist vrtaylt vnd verschmächt

Jerónimo

oder vernicht. Die böß red kam in
alexandria vnd gen egipten auch in
all stet. vñ torst nyemant zu des vn-
schuldigen bischoffs hauf geen. sö-
lich leyden verhenget got oft über
sein lieb hailigen das er ir gedult
darinn versucht. vnd hilfft in dar-
nach genädiglich in iren nöten do
nun der hailig man Siluanus ain
gantz jar das vnschuldig leyden ge-
litten hett do für er von Nazareth
daz sein die menschn deßer ee solten
vergessen vñ für gen bethleem zu
Kirchñ darinn sant Jeronimus leich-
nam lag. vñ legt sich auf sein grab
do er zwü stund darauff gelegenn
waz do kam in die Kirchñ ain armer
man vol böser gaist. Do er den hay-
ligen man Siluanū sach auff dem
grab ligen in andächtigem gebeet.
do hüb er im schäntlich auff wie er
die erbern frawen zu vnraimen sün-
den het bracht. do sprach das vnsch-
uldig lamb siluanus vß demütigem
hertzen. Ich will gern verschmächt
sein vmb götliche eer vñ sprach güt-
ter freünd red des vil vnd oft. do
zoch der vnselig lotter sein schwert
in der mainüg auß das er es durch
den hailigen man siluanū wolt ha-
ben gestochen. do sprach sant Sil-
uanus. hilff mir hailiger sant jero-
nime. do stach sich der böß man sel-
ber zütod mit seinem aygn schwert
über sein willen. vñ viel in die grüb
die er Siluano gemacht hett. dar-
nach von geschicht kam ain man
in die Kirchen vnd sach die götlich
rachung vnd maynet es het in sant

Siluanus getödt vnd zoch sein schwert auß vñ wolt in damit getödt haben. Do rüfft er aber sant Jeronimū an. vñ zuhand erstach er sich auch selber. nach dem giengn zwen and in die kirchen. vñ sahen die todten. vñ mainten och sy het siluanus getödt. vnd schrien mit lauter stym Siluane was würckst du böshait du zwingst die frawen zu vnkeusch vñ ermürdest die menschn hainlich vnd zoch ir ainer auch sein schwert auß vñ wolt in ertödt haben do sprach er aber hilff hailiger Jeronime do stach er sich auch selb zu tod. do das sein gesel sach. do erschrack er gar ser vñ maint es het siluanus mit zaubernuß zügericht vñ lieff zu der kirchthür vnd schry laut. kompt all her vñ sehent den zaubrer der die menschn ermürdt hat. vñ auch ain frawen zu vnkeusch bezwungn. do lieffen vil menschen zu von frawen vnd man vñ schryen vnd sprachen Man soll in als ainen zaubrer vnd morder verbrenen das laid er alles frölich vnd ward nye vngedultig. vñ sprach. ich leid die schand billich wann ich hab got oft mit meinen sünden erzürnet. Do schlugen sy in vnd viengn in vnd wolten in auß der kirchen füren. do erschyn in sant Jeronimus auff seinem grab in sölicher grosser klarhait das die menschen nit leyden mochten. vnd nam siluanū bey seiner rechten hand vñ sprach scharpflich zu allem volck. Lassent mein diener ledig. do erschrack alles volck das gegenwertig

was das sy auf die erden vielen. vñ zuhand bracht man ain behaffte frawen in die selben kirchen vñ sy hofften sy wurd darinn erlöst. das geschach. do schry der böß gaist. Erwirdiger jeronime erbarm dich über mich wañ ich hab groß leyden von dir. Do sprach sant jeronimus du bößer gaist far bald von der frawen vnd offenbar dich allem volck in der gestalt als du dich Siluano gleich machtest. do du zu der edlen frawen kamest. zehand gewan der böß veind die gestalt das die menschen wolten wenen er wär Siluanus vnd bekanten das in der teüfel zuschanden bracht het. vñ das Siluanus vnschuldig was. do für der veind auß mit grossem geschray. do sprach sant jeronimus. lieber siluane was sol ich durch deinen willen tün. do sprach siluanus. Lieber herz vnd vater ich bit dich das du mich nit länger auff diser erd bleyben laßest. do sprach sant jeronimus lieber sun was du wilt das sol geschehen damit verschwand er vñ siluanus starb seliglich in der selbñ stund vñ für sein seel zu dem ewigen got. do wainet das volck seer vmb in vnd was in layd das sy in als vnschuldlich vñ schmälich gehandelt hetten. vñ begrüen in mit würdigkait ¶ Alins mals waen zwen reih edelmann zu alex andria die waren tugentlich vñ warn doch hayden. die horten souil grosser zaichen die sant jeronimus thet das sy auch zu seim grab wolten vñ namen vil zerung

Von sant

vnd hüben sich auff den weg vnd wurden ains mals iri auf dem veld vñ kamen in ain forchtsamen wald do rüfften sy sant Jeronimū an vñ baten in das er sy beschirmet vñ behüt. Nun was ain morder haubtman darin der het fünf hundert morder vnd im die sant er auf die strasß überall das sy die menschn solten berauben vñ tödten. vñ solten im das güt bringen. do der haubtman die zwen man sach die von alexandria warn. sant er seiner knecht drey zū in das sy sy berauben vñ tödten solten das theten sy vñ warn irem haubtman gehorsam vñ ritten den zwayen nach. do thet sant jeronimus ain groß zaichn. do die mord den zwayen nach ritten. gedaucht sy wie sy ain groß volck vor inen sähen. vnd ain man für in entgegen der leucht als klarlich das sy in mit iren augn nit sehen mochten. des gesichts erschrecken die morder ser das sy nit wisten was sy tū solten. vnd ritten wider zū irn gesellen. vnd do sy etlicher maß von in kōmen waren do gdaucht sy aber zū gleicherweiß als vor. ir wāren nur zwen. do gedauchten sy sy heten in ire gesicht betrogen. vñ eylten in wider nach. vñ do sy anderwaid nahent kamen do gedaucht sy aber zū gleicherweiß als vor sy sähen ain groß volck. des gesichts wurden die mord ser wundern vñ ritten wider zū irem haubtman vnd sagten im das groß wunder das sy gesehn hetten. das het er in für ain thorhait. vnd schickt mit

Jeronimo

den dreyen zwen das sy die zwen fiengen. do sy in nahenten do geschach in gleich als den ersten. vnd sahen ain grosse vnmässige schar do erschrecken sy gar übel. vñ folgten den zwayen nach in der maynūg das sy sy tugentlichn fragen wolten was das gesicht bedeutet. Do die zwen man von alexandria die morder sahen do forchten sy sich gar seer. Do was es nun worden abent vñ wisten nit wa sy hin solten vñ giengen zū den mordern vnd wolten fragn wo hin sy solten. Vñ do sy den mordern nachneten. Do sahent sy aber zwen da grüßten sy ainander. vnd fragten die morder die zwen mann von vlexandria von wānen sy wāren. vnd wa sy hin wolten. Do sprachen sy. wir seyen von alexandria vnd wollen geen bethleem. vñ wollen sant Jeronimi haytumb schauen. Do sprach der böß haubtman wer was die groß schar des volcks die bey euch was. Do sprachen sy. seydt wir in den waldt kōmen seyen haben wir nyemant gesehen dann euch yezund. vñnd vor sahen wir drey. do sprach der haubtman es ist seer ain groß volck bey euch gewesen dauon berichtent mich von wölicher sache das sey. do sprachen sy wir wissen kein andere sach dann das wir vns sant Jeronimi geden vätterlichen empfolhen haben vnd in sein hilff. do das die morder horten do gewonnen sy gar grosse reuū über ir sünd. vnd vielen den zwayen zuffassen vñ sagten in auch

Das sy sie geren getödt hetten dann
 das sy die schar forchten vnd baten
 sy das sy in das vergäben. vnd für
 ten die zwen mit im zu den andern
 mordern vnd do sy zusamen kamen
 do sagten die fünff den andern. die
 grossen wunder die sy gesehen het
 ten vñ baten sy das sy von iren sün
 den liessen. vñ mit den zwayen gen
 bethleem kâmen vñ sant Jeronimi
 hailtumb auch sahen. der so grosse
 wunder thât. do spotten ir etlich vñ
 sprachen es wâr ain torhait. do spr
 ach der haubtman wolten sy 8 red
 nit abgeen sy müsten all sibem sterbē
 do erschracken sy nit vnd redten als
 vor. Aber die andern wurden als zornig
 das sy ire schwert über sy auß
 zugen. do lief sy sant jeronimus irer
 wort vñ fürsatz gniessen vñ behüt
 sy vñ halff in das sy mit dem swert
 nit vnder sich mochten geschlagen
 werdñ. das tet sant jeronimus den
 zwayen zu trost. auch darüb das er
 die morder desterbas von iren sün
 den bekeren möcht. Do sy das wun
 der sahen. lobten sy got vñ sant jero
 nimū. vnd füren des morgens der
 rauber dreyhundert mit den zwayen
 von alexandria zu sant jeronimi grab
 vñ sagten die wunder die sy gesehen
 hetten. do liessen sich die zwen hay
 den von alexandria tauffen vnd ka
 men in ain kloster vñ beliben darin
 bis an ir end. Vnd die dreyhundert
 morder theten sich des mürdens ab
 durch sant Jeronimus willen vnd
 wurden früm menschen. ¶ Aines
 mals wâr zwen junger die hetten

sant Jeronimum gar lieb die kâmen
 ains mals bey ainem dorff auff ain
 straf da het man zwen man ermür
 det. vñ man wißt nit wer es getan
 het. do bracht man sy für den richter
 der legt in groß pein an das sy spr
 achen sy herten es gethan. do verur
 tailt man sy zu dem tod. do wurden
 sy ser betrübt vñ rüfften sant jeroni
 mum an vñ sprachen. Hailiger her
 sant Jeronime nun seyen wir dein
 treü diener gewesen. ist das der lon
 do fürt man sy an die statt da man
 sy enthaubten woltt. do knyeten sy
 nyder vñ reckten ir hend gegen got
 vñ sprachñ mit lauter stym. Erwir
 diger sant Jeronime vnser helffer
 vnd tröster du süsse züflucht vnser
 hayls erhöhe vnser gebeet. seyd wir
 vnschuldig seyen des mords. so trö
 ste vns mit deiner hilff genädlich
 seyen wir aber schuldig so laßs vns
 mit schanden sterben. Darnach re
 ckten sy ire hâlf dar vnd sprachen
 aber. hailiger sant Jeronime hilffe
 vns. also hüb der henccker sein sch
 wert auff vnd schlüg auff sy do be
 hütt sy sant jeronimus das in kain
 layd geschach. do wundert es den
 henccker ser. vñ schlüg aber dar auf
 ir kelen das schadet in als nit. do be
 hütt sy sant Jeronimus. vnd sy ge
 daucht wie man nur mitt stro auff
 sy schlüg. Vnd do nun die menschn
 die grossen wunder sahen. do nam
 alles volck wunder darab. vnd der
 richter maynt es wâr von zauber
 nuß geschehen vnd sprach man solt
 sy verbrennen. Do macht man ain

Von sant

groß feur vnd goß bech darein darumb das sy bald solten verbrinnen vnd satz sy all darein. do gieng das feur über sich auff. aber sant jeronimus behüt sy vñ gab in schaten das sy sassen als in ainem grünen gartn. dannocht wolt der richter nit glauben das in sant jeronimus also hilff vnd sprach man solt sy an den galgen hengen. vnd lebten sy acht tag so wären sy vnschuldig vnd wäre der will gottes. do hieng man sy an den galgen. do rüfften sy sant jeronimū aber mit grosser andacht an. do kam er zehand vñ hūb in die füß auf das sy acht tag lebendig vñ gesund beliben. Vnd an dem achten den tag do kam der richter vnd vil volcks mit im vñ sahen das sy lebten do lobten sy got mit lauter stym darumb vnd sant jeronimū. Do namen sy die rōmer von dem galgen. vnd enbot in das volck vil wirdtkeit. Darnach kamen die zwen gen bethleem vnd giengen in die kirchē da sant Jeronimus begraben ligt. vñ danckten im der grossen gnadē die er in gethan het. vnd sagten vil menschen die grossen wunder die sant Jeronimus mit in gewürcket het. Vnd kamen in das kloster darinn sant Jeronimus gewesen was vñ dientē im mit fleiß biß an ir end.

¶ Aines mals was ain kēzer der disputirt offentlich zū jerusalem mit ainem priester vñ der selbig gūt priester leget dem kēzer sant Jeronimi spruch ain für. vnd wolt die warhait damit bewären. do ward der

Jeronimo

kēzer zornig vnd sprach fräuenlich sant Jeronimus het gelogen. vnd darumb das er den hailigē also geüneret hett do verhenget got vnd sant Jeronimus über in. das er zūhand erstümet das er fürbaß kain wort nymmer mer gereden mocht.

¶ Darnach sprach ain ander kēzer der saß ains mals in ainer disputa- cion bey vil menschn vnd legt aber ain cristen ain spruch sant Jeronimi für das thet dem kēzer zorn. vnd sprach sant Jeronimus het gelogen vñ zūhand kam die rach gotes auf in das er grossen schmerzē layd. do schry er jämmerlich. Hailiger Jeronime erbarm dich über mich wan du peingest mich in grossen schmerzē. do er das geschry biß zū complet zeit. do starb er vnseliglich vor aller menschen angesicht.

¶ Aines mals was ain kēzer der kam zū Syon in die kirchen da was sant Jeronimi bild innen gemalt. do er das bild an sach do sprach er. Wolt got das ich dich gehabt het die weil du lebtest. so hett ich dich on allen zweyfel getödt. vnd zoch sein schwert auß vñ stach es dem bilde durch sein kelen. vnd zūhand verhenget got der allmechtig vnd sant Jeronimus über in das er das schwert nit von dem bild gewinnen mocht vnd flos als bald blütt von der wunden als ob er lebet vnd fleußt noch darvon zū ainer rikund des zaichens Vnd do er nun das thet als vor geschryben stat. do kam der lieb her: sant Jeronimus zū dem richter do er an dem

Gericht. Als vñ er erschein jm mit dem
 schwert als in der ketzer durch des
 bilds kelen gestochen het. vñd wei-
 set den richter wo der böß ketzer die
 bößhait gethan hett. damit versch-
 wand er. Do erschrack der richter
 gar ser vñd eylet zu der kirchen mit
 allem volck das darbey was vñd
 fand den ketzer mit dem schwert als
 er das bild erstochñ het. vñd do der
 ketzer den richter ansach. do mocht
 er sein hand nit von dem bild ziehñ
 danocht bekant der ketzer sein hailig
 kait nit bey dem zaichen. vñd sprach
 mir ist kein ding nye so laid das ich
 jeronimū bey sein leben nit also er-
 mürdet habe. Do wurden die erste
 zornig vñd warff ainer mit stainen
 an in. der ander schlug in mit stan-
 gen. auch etlich stachen auff in mit
 iren schwertern vñd etlich schussen
 zu in. das trieben sy so lang bis der
 verflucht ketzer vnseeliglich starbe.
 da vns got alle vor behütt vñd der
 lieb herre sant Jeronimus. ¶ Es
 was aines mals ain jüngling der
 hieß Johānes der was auß dermas-
 sen schön. Nun gab es sich das der
 selb jüngling gefangen ward vñd
 verkauft. in des künigs hoffgefind
 in persiam. do bracht man den selbñ
 jüngling von seiner grossen schöne-
 wegen an des künigs hoff vñd müß
 sein diener sein. des ward er seer be-
 trübet vñd dienet jm ain ganz jare
 mit grossem hertenlayd. do nun ain
 ganz jar vergangñ was. do stünd
 er vor dem künig vñd dienet jm vñ
 waynet darumb das er gefangen

was vñ nit bey seinen freunden solt
 sein. Do fragt in der künig warüß
 er waynt. vñ do der künig hort das
 er darüß wainet das er sein gefang-
 ner was. do thet es jm zorn vñ hieß
 in auff ain veste legen. vñd beualch-
 etlichñ rittern das sy sein fleisslich
 solten hüten das er in nitt entrunne
 das theten sy mit fleiß. do ward er
 seer betrübt vñd klaget vñd waynet
 do erschein jm sant jeronimus in der
 nacht im schlaff vñd begriff in bey
 dem har vñ fürt in in sein hauß zu
 jerusalem. vñ do er des morgens er-
 wachet do wolt er wānen er wär
 noch in des künigs hoff vñ sein rit-
 ter hüten sein. vñ sach auff. do sach
 er wol das er in seint herberg was
 do ward er fro vñd nam in wund
 das jm also geschehen was. vñ ruf-
 fet dem hauß gefind. vñ sagt in wie
 jm geschehen wär. do waren sy fro
 vñd dankten got vñ sant jeronimo
 des grossen güts das er in gethan
 het. Es was gar ain schöne frawe
 in ainem kloster die het sant jeroni-
 mū sunderlich lieb vñ dienet jm mit
 fleiß. vñ was ains hailigen lebens
 vñd dienet got mit andacht mit sin-
 gen vñd lesen. vñd was stätigklich
 in irer zell vñd kam nicht herauf sy
 möcht sy dan mit emberen von not-
 turfft. Vñd der böß veind neydet sy
 vñ ir hailigs leben vñ trüg ir gros-
 sen haß vñd schüß das ir ain jüng-
 ling hold ward. vñd das er als ser
 in der liebe gegen ir enzündet ward
 das er weder tag noch nacht nit an-
 ders mocht gedencken dann allain

Von Sant

wie er zu der juncfrawen möchte
kōmen. vñ gieng gleych als ain vn
siniger vnd kund nymmer k̄ayn r̄u ha
ben vñ war seer betrübt das er die
juncfraw nicht mocht haben. vnd
gedacht jm offst er wölft sich vor
laid erdrencken. Vnd die böß liebe
nam an jm von tag zu tag in bößē
sündigen gedencen zu. das dorst er
der hayligen juncfrawen nit sa
gen vñ fand doch ainen bösen fund
vñ kam zu aym zaubrer der den bö
sen veind beschwōr kund. vñ gelo
bet jm vil gūts vnd groß gelt. vnd
bat in fleissigklich das er jm hulffe
das jm die juncfraw wurd Do be
schwüre der zauberer ainen bösen
veind mit seiner kunst vñ gebot jm
das er in der nacht zu der juncfra
wen k̄am vnd sy darzu rayzet das
sy den jüngling lieb gewun. do kam
er zu der juncfrawen zell. do was
sant Jeronimi bilde auff der zellen
thür gemalt. vnd do der böß gayst
das bilde nur ansach do mocht er
mit nichten in der juncfrawen zell
kōmen wann es vorchten alle bößs
veind sein bildnußs oder sein figur
so vast das ic k̄ainer das mocht an
sehen. noch da beleiben. vnd wann
man sant jeronimus bild ainem be
sessen oder behafften menschen zay
get so müß der böß veind zūhandt
entriñen. also geschach auch disem
bösen veind. vnd do er seines may
sters gebot nit mocht tū noch ver
bringn. do kam er zūhandt zu seinem
mayster vnd saget jm das er in der
juncfrawen zell nit kōmen möchte

Jeronimo

wan sant jeronimus bild daran ge
malet stünd. do spottet sein der za
brier vnd was zornig darumb. vnd
rufft ainem andern bösen gaist vñ
gebot jm das er bald zu der juncf
rawen fūr vnd sy mit fleiß vñ mit
listen betrüg vnd sy rayzet zu dem
jüngling. do kam d̄ böß veind auch
zu d̄ zell vnd was ain ganze stund
darvor das er nye k̄ain list kund fūn
den daz er hinein k̄am. daz rach sant
Jeronimus an jm. vnd band in mit
stainin ketten schwärlich. do ward
er gar j̄amerlich schreyen vñ sprach
erwirdiger Jeronime ist es an dei
nen genaden so laßs mich von hin
nen faren so gelob vnd verhaß ich
dir das ich nit mer da her will kom
men. Als nun der böß gaist so greü
lich schry do erschrack die juncfraw
so seer an irem beth das es on maß
was vñ het gern gewist was daz
geschray gewesen w̄ar. do schry der
böß gayst on vnderlaß biß das die
juncfrawen all erwachten vñ for
chten sich gar ser vnd luffen zu der
selben zell. do trüg man das haylig
kreüz vor in vñ do sy jñen wurden
do beschwüren sy in bey got das er
in sagt was sein geschäft w̄ar. do
sagt er in wie in sein maister zu der
juncfrawen gesendet het das er sy
betrügen solt. vnd zu dem jüngling
rayzen vnd flaget da den juncfra
wen mit grossem geschray daz groß
leyden das in sant Jeronimus mit
feürin ketten gebunden hett. vñ bat
sy das sy sant Jeronimū b̄äten daz
er in ledig lief von ires gebets wil

len. do die juncckfrawen das horten
do lobten sy got vnd sant Jeroni-
mum vñ baten in mit andacht das
er dem bösen veind gäb vilob. auff
die red das er gelobt das er fürbaß
nit mer herwider wölt kōmen vnd
batten in auch das er in ewigklich
von dem kloster trib. Vñ do sy das
gebeet volbrachten do für der böß
gaist mit grossem gschray hinweg
vñ kam zū dem zaubrer seinem may-
ster. vñ nam in bey dem har vñ sch-
lūg in mit grossen knitteln so lang
biß das er nahendt tod was. vnd
sprach mit grymmen. du vnse-
liger zauberer du bist schuldig an disem
grossen schmerzē den ich von sant
jeronimo gelitten hab. darumb ich
mich mit gar grossen schlegē an dir
rechen bin. Do der zaubrer so groß-
sen schmerzen layd. gieng er in sich
selber vnd mercket wol das er mitt
der kunst betrogen was vnd hett
grosse hoffnung zū sant Jeronimo
vnd sprach kūm mir armen sūnder
zuhilff hailiger Jeronime wān ich
fleuch zū deinen genadē. vnd ich ge-
traw dir wol du helffest mir in mei-
nem leyden wān ich gelob dir verzo-
ob du mir auß disem grossen leydē
hülffest das ich dir fürbaß stätig-
lich dienen will vnd auch alle mein
kunst verlassen. vñnd als bald ver-
schwand der böß veind. Vnd der
selb zaubrer was ain gantz jar siech
vnd gewan grosse reu vnd layd ü-
ber sein sūnde. Vnd ee das er gar ge-
sund ward. hieß er sein zauberbüch-
er alle verbrennen vñnd verkaufft

auch alles sein gūt vnd gab es den
armen durch got Vñnd kam dar-
nach in ain wüste darinn hett sant
Jeronimus vier jar gewoner vnd
belib da biß in sein tod Vnd do der
gūt knecht innen ward das im die
juncckfraw nit mocht werdē do hien-
ge er sich vor layd an ain strick vnd
starb vnseeliglich vnd für in die hell
darumb hüt sich ain yegklicher men-
sch vor thoroter liebe. ¶ In sama-
ria was ain vnseeliger spiler der ver-
lor alles sein gūt mit spilen. vnd do
er nit gewin het. ward er so zornig
daz er sant jeronimū spötlich schalt
Vñ do er die bösen wort in seinem
mund het. do verhenget got durch
sant jeronimi willen das ain groß
feur von hymel kam vñ brant in zū
tod. darüb soll wir seinn namen nit
vneeren. ¶ Darnach warn drey an-
der spiler die kamen zū ainander vñ
wolten auch spilen. die hetten wol
gehört wie es dē ergangē was. vñ
do sy anhuben zū spilen. do sprachē
sy Jeronime nun thū alles dein ver-
mūgē darzū daz wir nit spilen. dan
nocht wöllen wir vnser spilen gar
volbringen wider deinn willen. vñ
zehand do sy das geredten. do thet
sich die erd auff vnd verschland sy
das es menigklich sahen ¶ Es saß
ain edler ritter zū jerusalē der was
reich vnd het ain sun der was im
gar lieb. also daz er im kain vnzucht
noch kain vntugendt weret. noch
kain thorhait. d selb sun ward auch
bald spilen vñnd verzeret auch alle
sein zeyt vnd weil so ver er mocht

Sanctus

mit dem spil vñ bösen scheltworten. Vnd do er zwölff jar alt was. saß er bey seinem vater vñ spilet. vñ es gieng jm übel vñ er sprach Vermag jeronimus icht das erzayge er. vnd wie wider jm das spil ist will ich danocht spilen vnd von der stat nit kōmen ich hab dan das spil gewuntten. Do kam der böß gaist vñ nam in in seines vaters angezicht vñ an der menschn die auch darbey warn vnd fūrt in hin das man in nymmer mer gesach. darūb sollen vater vnd mäter ir kind gütlich ziehñ ¶ Als mals was ain sündiger priester in Candida in der kirchen der lebet in grossen sündñ der vnkeuschait vnd trunckenhait vnd in vil andern vñ tugendñ der starb. do begrāb man sein leichnā zū andern priestern. vnd an der andñ nacht erhūb sich in der kirchen vnd auff dem kirchoff ain grosse vngestümigkait das all menschen erschracken die es horten vnd forchten sich seer vnd lieffen zū der kirchen. do meret sich die vngestümigkait vnd lauten sich die glocken all selb. do hetten die menschen gern gewist was das wunder bedēit: vnd batten got mitt ernst das er in kund thāt was er damit maint Vñ des morgens do es auf hort. fundñ sy alles das in der kirchen was altar tūcher ampeln vnd bñcher als vol feurriner flāmen. do erschracken sy ser vñ wisten nit warūb es was do gebot der erzbischof allem volk das sy got anrűfften vñ baten das er in kund tāt was daz wunder be

Jeronimus

deit. das theten sy. vnd des andern nachtes ward die vngestümigkait zwit so groß. do waren sy aber in grossen leyden. darnach des andñ tags erschien sanct jeronimus in der kirchen vñ gieng zū dē altar in grosser klarhait vñ leichtet schöner dan die sun vñ sprach zū dem volck. dise wunder seind geschehen durch des sündigñ priesters wegn der neulich tod ist dan er ist nitt würdig das er by andern cristen menschn ligen sol in ain geweichten kirchoff vnd an geweichten stetten vnd auch allen menschen zū ain ebenbild geschehñ das sy sich desterbaß vor sündñ hñten vñ sprach Ir sollen den priester wider auf graben. vñ sollent seinen leichnā verpñen wan er ist ewiglich verlorn vñ thūnd it das nit so müßt ir das leiden allzeit haben vñ damit verschwād sanct jeronimus do warde alles volck gar fro vnd danckten gott vnd sanct Jeronimo der genaden do kamen sy auß irem leyden. vnd eerten fürbaß noch mer den lieben herren sanct Jeronimum mit grossen fleiß. ¶ In der selben stat Candida was auch ain schöner jūngling der hieß Thitus vnd was edel vñnd reich erber vnd tugentlich. der hett sanct Jeronimum für all hayligen lieb das er anders nichts mocht gedencken dann auff weibs liebe vñ an die lieb die er het zū sanct jeronimo vñ lief von tag zū tag ab vñ auch von götlicher liebe Do vergasse sanct Jeronimus sein mit sein gnaden. Vnd do er die fra

Wen ain jar lieb het gehabt die man
 im zu der ee gab: do raytzt der böß
 veind sein brüder zu seiner frawen
 das er groß lieb zu ir gewan vñ be-
 trachtet oft wie er möcht bey ir li-
 gen doch überredt er die frawen das
 sy mit im was sünden. das mercket
 ain diern in dem hauf vñ sagt das
 irem man das was im laid vñ ge-
 dacht wie er der säch innen möchte
 werden vñ sprach zu ir. ich wil auf-
 reytten vñ gesegnet sy. vñ verbarg
 sich haimlich in der stat. zu mitter-
 nacht ließ in die dieren haimlich in
 sein hauf. er gieng zu der kamer da
 sein fraw bey seinem brüder in den
 sünden lag. vñ sprach Thü auff. do
 erschracken sy beide ser. vñ toisten
 vor grosser sorg nitt auff steen. do
 brach der man die thür auf vñ nam
 sein swert vñ ertödtet die frawen
 do hett sich sein brüder vnder das
 beth verborgen den tödtet er auch.
 do wurden im sein freünd vñ der
 frawen freünd veind von des mor-
 des wegen das er begangen hette.
 Darnach gieng er zu den mordern
 vñ raubern vñ ward ir gesell vñ
 mürdt vñ raubt alle menschen die
 er an mocht kōmen. doch ließ er nit
 er besalch sich alltag mit sein gebet
 in sunderhait sant Jeronimo vñ
 thet im all tag etwas güts zu eeren
 Vñ als der selb jüngling zehen ja r
 gelebt het in den sünden do wolt in
 sant Jeronimus sein dienst nit ver-
 liern lassen. wan er laßt seine diener
 nit vngetröst. also thet er auch dem
 vñ erschyn im als ain kausf man.

Vñ do in Thitus ersach. do rüffe
 er allen seinen gesellen zu im die kae-
 men. do begriff in thitus vñ sprach
 zu seinen gesellen das sy in hielten
 bis er in erstäch. vñ zoch sein sch-
 wert auf vñ wolt in ertöden. Do
 sprach sant Jeronimus. lieber jüng-
 ling ich bit dich durch sant Jeroni-
 mus eer den du lieb hast das du mir
 erlaubest das ich etwas haimlichs
 mit dir rede. vñ darnach thü was
 du wilt. Do sprach Thitus durch
 des hailigen willen will ich dich le-
 ben lassen vñ erlaub dir das du re-
 dest was du wilt. ich wil aber dein
 güt haben. Do sprach sant Jeroni-
 mus. ich bin der den du lieb hast vñ
 bin darüb zu dir kōmen das ich dir
 von deinen sünden will helfen vñ
 dienst die du mir gethan hast. dar-
 umb laß dich dein sünd reüwen vñ
 fürcht dir nit lieber sun. wann ich
 hab got alle zeit für dich gebeeten.
 das er mit seiner gerechtigkeit dich
 vmb dein grosse sünd nitt verderb
 darüb hab reü über dein sünd vñ
 hüt dich vor sünden od ich hüt dien
 nit mer. damit verschwand er. vñ
 thitus erschrack so seer das er auff
 die erd viel vñ zühand do ward er
 vñ all sein gesellen mit dem hailigē
 gaist erfüllt so genädiglich das sy
 ainen ganzen fürsatz gewūnen die
 sünd zulassen. vñ viengen ain selig
 leben an. vñ giengen mit ainander
 zu ainem wilden walde darinnen
 büßten sy ir sünd vñ starben sällig-
 lich. ¶ Es was ain junger gaist-
 licher münich in ainem kloster der

Anton

was gar tugentlich vñ weiser güt-
ter red vnd vernünfftiger leer. vnd
was ordenlich vñ het grossen fleiß
wie er sein rainigkait behielt vñ het
sant Jeronimum lieb vnd dienet jm
mit fleiß vnd beetet stätigklich mit
grosser andacht oder laß die haili-
gen geschrifft. vnd het so grosse lieb
zū raynem keüschem leben das jm
wider was wān er ain frawen sa-
he. vnd was in so veind das er nit
mocht an sy gedenccken. vñ belyb all
zeit in dem kloster das in nyemandt
heraus kundert bringen vor grossen
fleiß den er zū seiner raynigkait het
Das ward neyden der bößs gayst
vnd mocht sein raynigkait nit ley-
den vnd sein güten fürsatz vñ facht
in tag vnd nacht an mitt bösen ge-
dancken vnd mit bösen betörungen
zwen monat nach ainander on vn-
derlaß. do empfalch er sich sant Je-
ronimo in sein hüt mit andächtigē
herzen vnd beetet. auch mit vasten
do überwand er dē bösen veind all
wegñ mit der hilff gotes vnd sant
Jeronimi. darnach hüb der bößs
gayst aber ain list an mit jm wie er
in zū sündñ möcht bringñ. Nun het
der münich ainen vater der warde
siech daz man maint er wölt sterbñ
do sendet der vater nach seinem sun
vnd bat seinen maister das er seym
sun erlaubte das er zū jm kām. vnd
sprach er müßt sterben solt er in nit
sehen. do erschrack der münich gar
seer vnd forcht sein hertz wurd ver-
mailget von der frawen angesicht
vnd maynt er wölt lieber wider sey-

Remigiu

nen vater in dem kloster bleybñ dān
das er in schand kām seiner seel. do
baten in die brüder all das er zū sei-
nem vater kām. vñ er müßt es thūn
von seins obersten gebots wegen.
do kām er in seins vaters hauß. vñ
was darinn biß an den dritten tag
mit grosser verdriessung. vnd be-
daucht in ain fast herte gefäncknuß
sein. Nun hett der münich ain schō-
schwester in dem hauß die sache er
an vnd grif ir an die hende vnd zū
hand do enzündet jm der bößs gayst
sein hertz mit falscher liebe gegen sei-
ner schwester mitt bösen vnraynen
vnkeüschē gedanken das er gāntz
lich maint er wölt mit seiner schwe-
ster in vnkeüsch sündñ. möcht er an-
ders haymlich zū ir kōmen doch ge-
torst er es nit sagen. vñ mocht doch
anders nit gedenccken dann nur all-
zeyt wie er sein schwester zū sünden
bringñ möcht. vnd gedacht nit mer
in sein kloster. In der zeit ward sein
vater gesund. do betrachtet der mü-
nich tag vñ nacht wie er lang in dē
hauß behib vñ nit in daz kloster kām
vñ was drey monat darinn. do nam
die münich wunder daz er als gern
in dem hauß was bey seym vatter.
wān sy werten nit seinen bösen wil-
len. do schicket man zwen münich
aus seim kloster nach jm das sy in
haym brächten. do was jm vil lay-
der das er in das kloster müßt dān
do er darauff gieng. vñ was mit dē
leib in dem kloster. aber mit seinem
herzen kām er nit von seiner schwe-
ster. was er sang od laß so gedacht

er im wie er sein Schwester zu sündn
möcht bringen. vnd senet sich so seer
nach ir das er abnam an leib vnd le
ben. Vnd do er also in dem vnmüt
was do riet im der böß veind er solt
sein gaisstlichs gwand von im legn
vnd solt zu mitternacht haymlichn
in seines vatters hauß komen vnd
den ganzen tag vnder seiner schwe
ster beth ligen haymlich vnd wenn
sy entschlief so solt er sich zu ir legn
vnd solt da seinen willen mit ir ha
ben. Der thorat rat geniel im wol
vñ an der nächsten nacht darnach
nam er des klosters schlüssel vñnd
gieng die ganzen nacht von ainer
stat zu der andern vnd fund des klo
sters tür nye vñnd das trib er vier
wochen all nacht das nam in groß
wunder. vnd sücht die thür des an
dern nachts aber vnd fund sy nitt
vinden. also ward er von sant jero
nimo gehindert daz er es nit mocht
getun. wañ er het ain tafel in seiner
zell daran was die bildnuß sant Je
ronimi schön gemalt für das knyet
er alltag vnd empfalch sich im mit
andacht darumb behütet er in all
zeit Darnach kam sant Jeronimus
zu ainem gütten münich in dem sel
ben kloster in dem schlaff vnd sagt
im was der jung münich hett imm
willen. vnd wie er all nacht in dem
kloster vmb gieng vnd sprach. Ich
hab in vñ sein andächtigen dienst
behüt vor sünden vnd vor schandn
will er aber seinen bösen fürsatz nit
lassen so will ich sein fürbaß nit hü
ten. so velt er in groß schand vñ sün

de das sag im. damit verschwand
sant Jeronimus. Vnd des morgens
sagt der alt münich was im sant je
ronimus emboten het. daz thet dem
jungen münich zoren vnd schwür
groß es wär nit war. vñ sprach es
wär nur ain glogner traum do sch
wig der alt münich vnd gieng von
im do was der jung münich zornig
darumb vnd wolt sant Jeronimus
bild nit mer eern. darumb das er in
seins bösen sündigñ fürsatz also irte
die nächsten nacht darnach nam er
die schlüssel vnd gieng auß dem flo
ster in weltlichem gewand. vñ kam
in seins vatters hauß in die kamer
da sein Schwester innen schlieff. vñ
zoch sich do nackend ab vñnd leget
sich zu ir an das beth. do erwachet
sy vnd erschrack so ser das ain man
bey ir lag vnd hüb an schreyen. do
kam ir vater vnd müter gegangen
vnd alles ir hauß gefind. do sahen
sy iren sun. do erschracken sy gar ser
do fraget der vatter den sun wie er
im der grossen schand erdacht hett
do saget er es dem vatter haimlich
wie in groß anfechtüg darzu bräch
te. daz was dē vater laid vñ sprach
er solt des bösen gaissts anfechtung
widersteen vnd solt im nit mer vol
gen. sy hulffen im wider in sein flo
ster. Darnach gewan er grosse reu
über sein sünd vnd bat sant Jeroni
mū dem er vil gedient het vmb ge
nad. vñ lebt zway jar in herter büß
vnd in vil gütter übung vnd starb
darnach sältiglich das erwarb im
sant Jeronimus vmb gott.

Von sant

En zu rom was ain cardinal hieß Celestinus der wolt sant jeronimi hailikait nit glauben. vnd redet vñ wirdiglich von jm aber zu ainmal saß er bey andern cardinalen vñ redet aber schwächlich wider sein hailigkait. Vnd do er die vnwürdigen wort dennoch in seinem mund het do verhenget got der almechtig üb er in durch seins lieben dieners willen sant jeronimi das er zuhand das darmgicht gewan gar schwerlich. vnd gieng do auff sein haimlich gemach. do gieng alles sein gedärm von jm vnd starb da mitt grosser bitterkait an der stat das het er an sant Jeronimo verdient. ¶ Ain ander cardinal der was auch zu Rom der hieß Andreas der het sant jeronimū sunderlich lieb vñ eert in mit fleiß der ward siech vnd starb. do was dem bapst vñ den andern cardinalen gar laid vñ in vnd trügen in zu 8 kirchen vñ wolten in begraben. Vnd do man der todten ampt ob jm gesang. do richt sich der todte vor dem bapst wiß auf vñ vor den andern cardinaln als ob er von dem schlaff wär erwecket. do wundert das volck vñ erschrack gar seer. do waint der cardinal vñ schry gar jämmerlich. do fragt in der bapst warumb er waynet was jm geschehen wär. sprach er. Do ich gestarb vñ für gottes gericht kam. warde ich verurtaylt zu der ewigen hell. vmb die grossen hoffart die ich getriben hab mit schönem gewand vnd mit guter speiß vnd mit andern sünden

Jeronimo

das was mir von herten layd. do kam sant Jeronimus vnd knyet für vnsern herin vñ bat in emssigklich für mich do verhenget got durch sant jeronimi willen das die sel wider zu dem leib kam vñ ich ward zu hand wider lebendig als ir dan all wol sehent. Do lobten sy got vmb das grofs wunder vnd den lieben herren sant Jeronimū vñ danceten im seiner gnaden. Vnd der selb cardinal dient im fürbaß mit grossem fleiß bis an sein end vnd starb darnach seligklich. ¶ In dem obersten land des künigreichs von egipten da ist ain grosse forchsame wüste. ligt ver von den leuten. vñ ist auch forchtsam darinn zu wonen In der selben wüste was ain hailger man der hieß helias der was aines raynen seligen lebens der kannt sant jeronimum gar wol dieweil er noch lebet. vnd er was im gar haymlich vñ sprach sant jeronimus offte von im das der selb Helias den hailigē gaist warhaftig gepropheciert het Nun entschlieff der selbig ainsidel aines mals in seinem andächtigen gebet vnder ainem baum da öffnet im got sein haimlichait in ainem gesicht vnd gedaucht in wie er in ainem küniglichen palast wär der was als wunnigklich schön vnd geziere mit guldin rüchern vnd waren all wend mit gold vnd edelm gestayn wol vnd eerlichen gezieret vnd ain schöner gewaltiger künig setzet sich auff den stule der was also schön das der ganz sal schön erleuchtet

ward vnd saß zů gericht vnd was ain schöne mächtige schar der jüingling vor dem selben künig vnd kam für gericht des bischoffs anthoniens seel. die fürten die bösen gaist an ainer ketten gefangen. daruon giengen feürin flamen von bech vñ schwebel. Do nun die arm seel für des künigs almechtigkeit kam. do schry sy jamerlich vnd sprach. ich hab der ewigen helle pein verdient mit meinen grossen manigfaltigen sünden. als mitt der hoffart. trunckenhait. vñd mitt vil anderen thorhaiten die ich all mein tag verbracht habe. Do sprach der richter man soll sy in das ewig feür führen. in dem soll sy sein biß an den jüingsten tag. so soll den ir pein zwysfaltig grösser werden. Do namen die bösen gaist die seel vnd fürten sy hin mitt grossem geschray in die helle. ¶ Nach dem fürten die bösen gaist Teodonius sel des römischen fürsten für den almächtigen got vnd klagten in an vmb vil sünd die er gethan solt haben Vnd do nun ir klag lang weret vñ er in grossen nöten was. do kam sant Jeronimus vñ stünd würdiglich für den künig vnd leichtet als die sunn vnd setzet sich kressftiglich wider den bösen gaist vnd sprach: Allmechtiger künig vnd du ewiger richter Theodonius ist allwegenu mein getreuer diener gewesen des laß in genyessen. vnd sant Jeronimus kneyet nyder für gott den allmechtigen den richter vnd sprach. Herz erbarm dich über ju vñ laß in

sein sünd in dem segfeür büssen etwan lang. vnd gib jm darnach die ewigen freud. do gwert in got der allmechtig genädiglich seins gebetes. von stund führen die bösen gaist von dannen vñ wurden gar zornig Darnach gieng ain schön jüingling zů sant Jeronimo vñ sprach. Mich hat Patricius der römer der dir gedienet hatt zů dir gesendet vnd begert von dir das du jm vmb got erwerbest ain sun. do sprach got der allmechtig. Was du von meinem sun Jeronimo begerst das soll geschehen vñ damit erwacht der ain fidel vñ danckt got seine gnad vñ sant Jeronimo. vnd höret darnach das Theodonius vnd anthonius verschyden waren am sibendñ tag vnd es gewan auch Petrus patricius ainen sun den het jm sant jeronimus vñ got erworbn. vnd darumb sollen wir sant jeronimo fleissiglich dienen vnd in anrüssen vñ alle die gebrechen die vns anligen an sel vñ leib das mag er vns vmb got wol erwerben. wan er verzeyhet jm kaines zeitlichñ gebets. Nun bitten wir den lieben herren sant jeronimum den grossen lerer das er vns allen groß zeitlich weisheit erwerb damit wir got eeren nach seinem lobe vnd nach vnser seel trost vnd das er vns verleich vnser lebens ain güt end vñ das wir nach disem leben zů der ewigen weisheit komen die got selber ist vnd mit jm freud vnd wunn haben.

¶ Von sant Remigio



¶ Aines mals was das landt zu
 Francreich in grossen leyden. dan
 die teütschē verbranten vñ beraub-
 ten es das des lands vil wüst lag.
 Nun was ain klaußner zu der selbē
 zeit der bat got lang vñ des lands
 freid do erschien im ain engel von got
 in dem schlaff vñ sprach zu im. Die
 frau Cilinia wirt ain seligen sun
 geboren der sol haissen Remigius.
 wan er wirt ain freünd gottes. vñ
 dises land wirt selig von seiner hai-
 ligkait. Vnd do der klaußner erwa-
 chet do ward er fro. vñ gieng zu
 der frauen vñ sagt ir was im der
 engel verkündet hett das was der
 frauen gar vngläublich. wann sy
 was alt. Do sprach er mir hatt der
 engel gotes das zu ain wortzaichē
 geben. das du ain hailiges kind ge-
 beren solt vñ wan du im die milch
 gibst so sol ich ir über meine augen
 streichen so wird ich gesehent von

stundan. Do ward die frau aines
 kinds schwanger vñ gebat dar-
 nach ainen schönen sun do ward sy
 auß der massen fro. vñ der klauß-
 ner bestrich seine augen mit der mi-
 lich do wurden im seine augen klar
 vñ schön vñ wol gesehent. do dan-
 cket die frau got seiner gnaden. vñ
 freuwet sich des zaichens seer vñ
 hoffet es würd alles an dem kinde
 vollbracht was der engel von im
 verkündet het. Darnach tauft man
 das kind vñ hieß es Remigius. do
 nun das kind gewachsen was das
 es üfels vñ güts versteeen kund do
 hett es got lieb vñ dienet im mit
 fleiß. mit beeren vasten wachen vñ
 mit vil ander güter übung vñ floch
 die welt vñ kam in ain klaußen dar-
 inn laß er die hailigen geschrift mit
 grossen fleiß vñ fand güten trost
 darinn vñ lebt gar hailigklich vñ
 tugentlich. Vnd do er im zwayund
 dreißigsten jar was. do ward sein
 tugent überall weyt in dem land er-
 kant. Vnd nach dem zoch ain groß
 heer von teütschen landen auß den
 künig von Francreich. do waren
 die teütschen dannocht nit gelaubig
 vñ was ir heer vil grösser vñ ster-
 cker dann des künigs heer darumb
 kam der künig in grosse not. vñ ge-
 lobt got dem allmechtigen vñ vñ
 ser frauen in dem grossen leyden
 er wölte sich bekeren vñ sprach.
 Heri jesu chüste bist du als ain ge-
 waltiger got als man von dir sagt
 so hilff mir das ich meinen veynden
 angesig so will ich mich lassen tauft

fen. vnd will an dich glauben vnd
will auch gelauben das du des wa-
ren gottes sun bist Als er das gelo-
bet hett. do berayt er sich zum streit
mit seinem hoi. damit brach er vn-
der die veind. vnd siget in ob mitte
der hilff gottes. do ward er gar fro
vñ ließ sich tauffen. do rufft im der
bischoff Remigius vñ als er in cris-
men wolt do was kein crism da.
das was sant Remigio ser laid. do
thett im got sein genad vnd bracht
im ain weisse taub ain ampeln mitt
crisem von hymel. do salbet er den
künig mit dem crisem. vnd dancket
got seine gnaden. do behielten sy die
ampel mit fleiß zu frantzreich. vnd
man salbt die künig noch damit vñ
der künig ward ain gütter mensch
vñ diener got bis an sein end. vnd
starb seligklich. Nun ward sein sun
Eudeneus künig nach im der hett
sant Remigiu gar lieb vñ sprach er
wolt sein bistum begaben. vñ wolt
im das land alles gebn als vil er in
sein vater mocht fünden. Diweil
er schlief. gieng sant remigius auß
vnd kam zu ainer mülen. vnd do er
die mülen umbgeen wolt do trib in
der müller dannen vnd wolt in die
mülen mit umbgeen lassen. vnd do
sant Remigius von der mülen gien-
ge. do lieffen die rôder alle wider-
synns oder hinder sich an der mülen
do erschrack der müller seer vnd spr-
ach. Du diener gottes kün her so
habn wir die müll mit ainander. do
sprach sant Remigius. weder mir
noch dir soll die mülen beleiben. vñ

zuhandt thet sich das erdtrich auff
vñ verschwand die mülen alle. das
was dem müller ser layd vnd ver-
stünd wol das er sich an dem haili-
gen man hett versündet. Darnach
weft sant Remigius in dem gayst
wol das ain hungerigs jar solt kö-
men vñ samlet ain grossen hauffen
mit getrayd in ain dorff da waren
trücken paur. vñ do sy das sahen
do spoteten sy des hayligen manns
sant Remigij. vñ zündten in an vñ
verbranten das getrayd alles. Vnd
do das sant Remigius hort. do eylt
er zuhand darzu wann es was die
nacht kalt. vnd froz in vnd wermet
sich bey dem feuer vnd sprach. das
feur ist allwegen güt zu wermen.
Aber die es enzündet haben. die sel-
ben vñ ire kinder sollen vmb die sün-
de straff leyden. vnd ire töchter ge-
winnen all kröpff an halsen vñ die
man werden all an iren gemächten
zerbreche das geschach alles in dem
selben dorff. Sant Remigius was
gar demütig. vñ bat got mit gros-
sem ernst für die stat das ließ in got
genyessen. Er gab auch gern durch
got vnd was getreid. senfft vnd er-
ber. vñ richtet gern den armen. dar-
umb waren im die vögel des lusts
auch vndertänig vnd namen brot
auf seiner hand. er macht auch vil
siecher menschen gesund von seins
andächtign gebets wegn. ¶ Als
mals kam sant Remigius zu ainem
blinden der was behafft mitt dem
bösen gais. do sprach er sein gebeet
zu got. Do warde er gesehend. do

Von sant

ward er fro vnd dancket got vnd
sant Remigio der genadn. ¶ Als
mals ward ain statt brinnen. vnd
das feur thett grossen schaden. do
lieff er gegen dem feur vnd bat got
das er jm sein genad erzayget. Do
hub sich das feur embor. vnd lieffe
zu der stat auß. recht als ob es uel
thon het. ¶ Ain edle magt was zu
Rom in der stat die was von juget
auß behafft mit dem bösen veind.
der peyniget sy seer. do sandten sy ir
gütt freünde zu den hayligen die zu
Rom gemarteret waren. vnd do
man sy zu kirchen het gefüret. do sp
rach der böß veind auß ir. es ist all
euer arbayt verlorn vnd vmb sunst
es mag mich nyemand von der jun
ckfrawen treiben dan der hailig bi
schof sant Remigius. do sy das hor
ten. do fürten sy die junckfraw mit
freüden zu dem bischoff vnd baten
in durch got daz er der junckfrawe
hulff das sy erlediget würd. Do sp
rach er. das jr von mir begeret. des
byn ich von got nye gewert. ir sol
lent gott selber darumb bitten. Do
batten sy aber sant Remigiu das er
got darumb batt. do sprach er sein
gebet zu got mit andacht. do war
de sy ledig vnd loß von dem bösen
veind. ¶ Nun was nahent darbey
ain bischof der was sant Remigio
gar lieb. der starbe. darumb was
den leuten seer layd vmb in. do trüg
man den leichnam in sant Johanes
kirchen. vnd wolt in begraben. do
kam sant Remigius auch dar vnd
waynet seer vmb in vñ viel auß sei

Remigio

ne knye vnd rüfft got mit ernst an
vñ bat in das er sein genad that an
dem todten. das er in wider leben
dig macht vnd als er daz gebet ge
sprochen het. do ward er wider le
bendig. do danckten sy got vñ sant
Remigio der gnadn. Darnach star
be die junckfraw auch die er von
dem bösen veind erlediget het. vnd
er sprach sein gebet mit ernst zu got
dem allmechtigen vnd bat in durch
sein barmhertzigkait das er der jun
ckfrawen ir leben wider gab. do er
hort in got vñ die junckfraw ward
wider lebendig. do danckten sy got
vnd sant Remigio der gnaden mit
andacht. ¶ Do sant Remigius in
sein alter kam. do erschyn er in vil
tugent. vñ thet auch vil zaichen vñ
starb do seligklich vñ für sein seel zu
den ewigñ freüden. das was nach
cristi geburt fünff hundert jar. Do
trüg man seinen hayligen leichnam
zu den liebñ himelfürsten sant Thi
mothei vnd Appollinaris kirchen.
vñ wolten in da begraben. vnd do
man in für die kirchen bracht. ward
der hailig leichnam als schwär daz
man in nit mocht bringen in die kir
chen. do trüg man in zu ainem klai
nen kirchlin. darinn da rastet sant
Cristofferus vnd mer ander haili
gen. do ward er zühand ring do bra
chten sy in in die selben kirchen. vnd
legten den hailigen leichnam sandt
Remigiu in ain grab mit eeren. vnd
an der selbigen statt thet er grosse
zaichen. Darnach machet man die
kirchen weyter. Vnd machten sant

remigio ain grab hinder den altar.
vñ wolten in darein legen. do war
de er aber so schwär das sy in nyen-
dert mochten bringen. do legten sy
sich vñ schliessen. do funden sy das
die engel zū mitternacht kamen vnd
seinen hailigen leychnā mit grossen
freüden in das grab hetten gelegt
wan die menschn warn nit würdig
das sy in solten darein legen. doch
waren sy fro. vnd als sy sein hailig-
kait sahen. do machten sy im ain sil-
berin sarch. vnd legten in mit groß
sen eeren darein. ¶ Man begāt den
lieben hayligen nach dem obersten.
als er starb. vñ nach sant Michels
tag als er erhebt warde. Hayliger
herz sant Remigius hilff vns vmb
got erwerben das er vns menschn
mach nach seinem lob. vnd geb vns
ain güt end. vnd nach disem lebenn
das ewig leben Amen.

¶ Von sant Leodegario



¶ Sant leodegarius was ain cri-
sten vnd hett got lieb vnd dient im
mit fleiß tag vnd nacht mit beeten
vasten wachn vñ mit vil ander gü-
ter übung. darüb macht man in zū
ainem bischoff. ¶ Zū den zeyten
starb der künig Lotharius do ma-
cht der bischoff des selben küniges
brüder Hildericū zū künig mitt der
fürsten rat. Nun was ain herre der
hieß Ebranus der selbig hett gerent
Theodoricū zū ain künig gemacht
der was auch des künigs brüder. do
das nit gesein mocht. do vorchet er
der künig räch sich an im. vñ würd
im darumb veind. vnd kam in ain
kloster Do het der künig seinn brüder
in hütt. das er nitt wider das reich
thät. vñ der bischoff lebt in großer
hailigkait. vñ was auch fürsichtig
vnd freüeten sich die menschen ser sei-
nes hailigen lebens. dannocht ver-
saget man den bischoff gegen dem
künig. do trachtet er wie er in töd-
ten möcht. do kam sant Leodegari-
us ains mals zū dem künig. vñ bat
in freüntlichen das er den ostertag
mit im solt haben in der statt da er
innen was. vñ empfieng sein veind
als sein freünd. Do was dem bisch-
off an dem selben tag von dem all-
mechtign got kund gethan das der
künig maint er wolt in in der selben
nacht tödten. des erschrack er nit vñ
was des selben tags mit dem künig
ob seinem tisch. Vñ floch darnach
das er nit an im schuldig wurd vñ
kam in das kloster darin Ebranus
was. der thet im gar vil tugent vñ

Anton

ward abbt darinn. Bald darnach starb der selbig künig der in wolte haben lassen tödten. darnach ward sein brüder Theodoricus künig. vñ hatt das volck alles gemaynlich. den abbt Leodegariū das er wider auff sein bistumb kām. das thett er. do kām Ebranus auch auß dem kloster. vñ ward vil böser dan vor vñ ward des knigs marschalck vnd betracht mit fleiß wie er den bischoff tödten möcht. vñ sendet vier ritter nach im das sy in sölten vahn vnd tödten. do wolt in der bischoff entweichen. vñ gieng auß der stat wol beklaydet. als den ain bischoff geen solt. Do wurden in die ritter sehen die nach im geschickt warn. sy vingen in vñ brachn im die augen auß vnd was also zway jar gefangen. darnach fürt man in vnd seinn brüder in des künigs hoff mit großem geschray vñ gespöt. das layd er als gedultigklich durch got den almechtigen. Darnach ließ man in ain ganzen tage neben ainem wasser auff scharpffe stain füren. do lobt er den ewigen got in dem leyden. das thet Ebrano vast zoren. vnd ließ in die zungen auß schneyden: do halfte im got das es im nit schadet. Vnd prediget fleissigklich von dem allmechtigen got als vil er mocht. vñ sagt wie vnd wan ebranus sterben solt. das het im got kund getan. zuhand erschyn ain groß liecht auff seinem haubt in der gstat als ain kron das es vil menschn sahen. do fragt man in was das bedeuete. vnd er viel ny-

Leodegario

der auff seine knye vnd dancket got seiner gnaden die er im so väterlich gethan het. vnd ward die menschn bitten das sy ir leben wären bössern vnd ir sünd büßen. Do das Ebranus hort. sendet er vier man zu dem bischoff vnd hieß im sein haubt abschlahn. do namen sy in wider vnd fürten in hyn. Do sprach der haylig bischoff Leodegarius zu inen. Brüder es ist nott das ir eüch nitt verz noch länger müent. erfüllen hie den willen des der eüch her hat gesant. do wurden drey man von der rede ser bewegt vnd vielen im zusfüßen. vnd baten in das er in vergäb. vñ got für sy bat. Aber dem vierdn vergieng sein zorn nit. der enhaubtet in do für sein sel zu den ewigen fröden do warff der veind den in ain feuer der in enthaubt vñ starb jämmerlich vñ den hailign Leodegariū begrüb man würdigklichen mit grosser andacht do thet der hailig bischoff vil zaichen das höret Ebranus überzway jar das thet im auß der massen zoren vnd sendet zwen ritter zu seinem grab vnd hieß sy besehen ob es doch war war oder nicht. do kamen sy dar. vñnd der ain was gar hochfertig. vñ stieß vnwürdigklich an des hailigen würdigen bischofs grab vnd sprach. wer glaubt das ain todter zaichn müg tün der muß sterben. do starb er zuhandt. do für sein seel zu den ewigen peynen. vnd der bewäret mit seinem schantlichen tode des hayligen würdigen bischofs hailigkait. do Ebranus das

höret do ward er seer zornig vnd gedacht wie er des hailigen lob vnd eer möcht vnder drücken. darumb verhenget gott der allmechtig über ebranū den wütrich das man in er stach als im der hailig bischof Leodegarius vorhyn het gesaget Vnd der lieb haylig bischoff sant Leodegarius ist gemartert worden nach cristi geburt vnnsers lieben herren sechshundert vnd achtzig jar. Nun helffe er vns vmb den allmechtign got erwerben das wir auch kōmen zū den ewigen freuden Amen.

¶ Von sant Pelagia.



¶ Do man zalt nach cristi geburt zwayhūdert jar do regiert der. xxiij. Claudius genant von den rōmern. Zū zeiten hetten sich acht bischoff gesamelt in ainer statt Anthiochia genant von etlicher sachen wegen. Vnd do die selbig samlung vnder den bischoffen was. do was ainer

vnder in der hieß Heliopoleus der prediget dem volck selb in der statt. Do saß ain frau in der stat die gieng für in mit blossen haubt vñ mit schamperem anltz vnd was wol geziert mit grosser hofart. vnd het vil iunckfrawen mitt ir wa sy hyn gieng od hin geen wolt. vñ er füllet den lufft mit dem geschmack der vō der salben gieng damit sy sich was salben. Do sy nun der bischoff gesehen het. do fort er sich von ir mit sei nem angesicht als von ainer sūde rin. Do het sy der bischoff Heliopoleus länger angesehen dan der andern aine. darumb viel er auff seine knye vnd wainet vnd seuffzet von grund seins hertzen vñ sprach. Lieben brüder ich bit eūch das ir mir sagent ob ir ainen lust habent gehabt von der grossen schöne wegen des weibs. do schwigen sy all. do fragt er zum andern mal ob sy ainen lust hetten empfangn von der schönen frawen vñ seuffzet fast vñ schlug an sein hertz. do schwigen sy aber. do sprach er warlich ich hab etwas wol gefalles gehabt von irer schön darumb sollen wir reu darüber haben vnd sollen got den allmechtign lieb habē der vnser ewiger gespons ist wan die ewig schön vñ den ewigen reichthū gibt er den die im dient. vnd die engel empfabent lust so sy in ansehen. darumb sollen wir vnser gesicht von der welt ziehen vñ von ir schön das wir vnserm gesponsen Jesu christo wol gefallen sehent wie sich dise frau fleist das

Van Iant

sy irem gespons wol gefall. Liebert
brüder sicht man sy heüt. morgenn
mag man sy nit sehen wan es müß
alles vergeen: darnach gieng der bi-
schoff an sein herberg vñ leget sich
auf daz erdtrich vñ slüg sein haubt
auff die erden. vnd waynet so seer
das die erd naß ward vnd sprach.
Herz ewiger got biß mir genädig.
mich hat die zierd des weibs in ai-
ner stund überwunden. sy hat sich
mit grossem fleiß geziert durch des
zergäncklichen güts willen. so hab
ich mir für gesetzt ich wöll dir die-
nen das ich dir wolgefall das hab
ich mit den wercken nit volbracht.
vñ hab dein gebot nit gehalten als
ich billich solt. vnd die frau hat er-
füllt was sy dem menschen gelobet
hat. Do entschlief er vnd sach ain
schwarze tauben die schmaht übel
vñ flog fast umb in vnd gedaucht
in wie er zu meß stünd vñ säch vn-
getaufft menschen für geen. vnd in
dem verschwand die taub vñ kam
nach der meß wider vñ sencket sich
für den bischof in ain vaf mit was-
ser vnd schwencket sich wider her-
auf. vñ was fast weiß vnd schön
worden. Do erwachet der bischoff
vñ sagt es den pfaffen. vñ gieng in
die kirchen vnd predigt dem volck.
do was auch das weib an der pre-
dig. vnd do sy höret predign do ge-
wan sy grosse reu umb ir sünd vnd
ward ganz verwandelt vñ befert
vnd sy sendet an dem abent zu dem
bischoff ain brieff vñ schrib im also
Du hailiger bischof du bist ain jun

Pelagia

ger vnser herzen jesu chusti. so byn
ich ain grosse sünderin vnd ain die-
nerin des bösen gaists. vnd ich hab
gehört von dem grossen got den du
anbeetest das der selb got von hy-
mel sey kōmen von der sündign men-
schen willen vñ hat geessen vnd ge-
truncken mit den offen sündern vñ
sünderin. darumb bist du sein jun-
ger so solt du mich nit verschmähñ
wan ich wil gern mein sünd bessern
vnd büßen. Do der bischoff die bor-
schafft vernam. do gebot er ir hin-
wider vnd sprach Wer du bist das
waist got der herz wol. aber ich sol
den sündern nit verschmähnen. wilt
du mich nun geren hören vnd wilt
dein sünd gern büßen so säch mich
vnder andñ bischoffen. da sündest
du mich wol. du magst mich aber
allain nit sehen. do ward ir so groß
ser ernst das sy nit länger gebeyten
mocht vñ embot im sy wölt kōmen
von stundan kam die frau zu inen
vnd wainet seer. vñ viel im züsüß-
sen. do wurden im sein füß naß von
irem wainen. do trücknet sy im sein
füß mit irem har vnd sprach. Herze
erbarm dich über mich arme sünde-
rin ich byn Pelagia ain mütter der
bofhait. vnd auch des lasters vnd
der sünd. wann der nam Pelagia
ist zu latein als vil gesprochen als
ain müter. darumb sprach sy ich bin
ain müter der bofhait vnd der sün-
de vnd ain grundt der verdammuß
vnd ain strick der die seel zeucht in
die peyn. darumb bitt ich dich mein
hailger vater das du mich tauffest

vñ das mein hertz vnd seel von meinen grossen sünden werd erlediget. Do sprach er es stat geschriben das man kain offen sünd in sündē taufen sol. er gelob dan besserung vnd setze dartzu das er fürbaß sein böshait vñ böse gwonhait wöll ganz lassen. do viel sy im zefüssen vñ schry vnd waynet das sy kaum gereden mocht vñ sprach Tauffest du mich nit so müst du vor gott vmb mein sel antworten vñ werden dir mein sünd zugeschribē Do sprach er wie haist du. antwort sy. ich haiss Pelagia auß der vnkeuschait. aber von der hochfart vnd zier wegen haist mich das volck Margaritha das haist zu teütsch ain wasser berlin. vñ er taufft sy darnach vñ sy beicht et all ir sünd vnd empfieng vnsern herin mit grosser andacht vnd reu das thet dem bösen gaist zoren vnd schry laut. O wee wie grossen gewalt tust du mir alter bischof hast du nit genüg an der stat Ethiopes die auch etwann mein ist gewesen. verflucht sey der tag an dem du geboren bist. wann du tust wider mich vñ tust mir vil zu layd vnd er schry O pelagia mein liebe fraw margaritha. wie hast du dich verkeret was hab ich dir getan. nun hab ich dich allwegen geziert mit edlem gestain vnd hab dich allwegen begabt mit silber vñ gold. nun sag mir wamit hab ich dich betrübt das wil ich geren bessern das ich vor den chriſten nit zu schanden werd. Do thet Pelagia das hailig kreutz für sich vnd

verjagt den bösen gaist damit vnd strit wider in krefftiglich vñ volgt dem bischof vñ thet was er sy hieß vñ samlet als ir güt in dreien tagen zusammen vñ gab es den armen menschen durch got vñ leget ain härin hembd an vñ floch bey nacht darvon. Darnach über dreu jar gieng des bischoffs caplan gen jerusalem den bat der bischoff gütlich das er vnder gaistlichē leuten fragt nach ainem menschen der hieß Pelagia. do wiſt der caplan nit wen er maynet. vñ wolt wenen er wär ain priester vñ fragt mit fleiß darnach. vñ zuletzt fand er sy beschlossen in ain zell vnder dem berg oliueti do kint er sy nit vor grosser kestigung die sy gehabt hett. do grüſset er sy dem bischoff vñ sy fragt wie er möcht. vnd embot dem bischoff er solt got für sy bitten vnd bat den caplan er solt got auch für sy bitten. das gelobet er ir do fraget er was menschē es wäre. Do sprach ain münich es wär ain priester. wann sy hetten sy für ain priester. vnd sagten im vil von seiner hailigkeit. Do er das hörte. lieſſ er bald wider zu ir. vñ rüſt lang. do antwort im nyemand. Do thet er das fenster auff vñ sach das sy tod was. do erschrack er ser vnd saget es bald dem bischoff von jerusalem vnd den münichē. do giengn sy mit im vnd trügen sant Pelagiā auß der zell vnd funden das sy ain fraw was: darumb lobten sy got vnd legten in in ain würdiges grab mit gesang vñ mit grosser andacht

Von sant

Do came der caplan wider zū dem
bischoff vnd sager im was er gese-
hen vñ gehört het. vñ het im gebot-
ten das er sy getaufft het. vnd sy ge-
nennt vnd gehaissen Pelagiā. dar-
umb das sy nyemandt bekennet vñ
got dem herren verborgenlich wār
dienen mitt ganzem fleiß tag vnd
nacht bis an ir end. damitt hat sy
verdienet gegen gott die ewigen
freud. Nun bitten wir sant Pelagi-
am das sy vns vmb got auch seyer
werben das ewig leben Amen.

Von sant Margarita.



Margarita was zūmal schön.
edel vnd reich vnd was ain cristin
vnd hett got lieb vnd dient im mit
fleiß vñ was zūchtig vnd schāmig
das sy sich nit wolt lassen sehen. do
gelobt man sy aym jūngling. do be-
rayt man die hochzeit mit grossen
zeren zū. Do nun die braut vñ junc-
frawen vil kurzweyl mitt tanzen

Margarita

vnd saitenspil hetten. do enzündet
der hailig gayst sant margaritā ir
hertz vñ betrachtet innigklich das
sy von der weltliche freud die kron
der rainigkait verlūr. vñ viel auff
die erd vnd wainet vñ bat got das
er sy behüt. sy verschmāhet die freu-
de der welt vñ behüt sich bis zū mit-
ternacht vor dem man vnd besalch
sich got vnd schnyt das har ab vñ
floch haymlich in manns klaydern
ver zū aym kloster da ward sy ain
mūnch vnd hieß Pelagius do nam
sy der abt von ireds gebeets wegen
in den orden do hielt sy sich so gaist-
lich vnd tugentlich das sy der abbt
vñ die alten herin über ain frawen
kloster pfleger sagten. do fürsach sy
sich mit allem dem das ir not was
an seel vnd an leib mit grosser weiß-
hait. darumb hasset sy der böß vein-
de vnd betrachtet wie er sy zū groß-
sen sündn oder schandn möcht brin-
gen. Nun was ain juncfraw auß-
serhalb dem selben kloster die was
ains kinds schwanger worden. do
wurden die juncfrawen vñ die
mūnch seer betrübt darumb. dar-
nach schüff der böß veind das man
Pelagium des kinds züge. vnd es
wār sein darumb tryben sy in mitte
grossen schanden auß dem kloster
vnd vermaurten in in ainem hollen
vessen Do pflag sein ain vnarm-
hertziger mūnch. vñ gab im nit
girstin brots genūg. das layd sy ge-
dultigklich durch got vnd dancket
im seiner gnaden. vñ darnach über
lang ward sy siech vñ wolt sterben

do schrib sy dem abt vñ den münich
 en ainen brieff der was also sprech-
 en. Ich laß euch wissen das ich ain
 junckfraw bin vñ bin von edlem ge-
 slecht geboren vñ haif mit meinem
 namen Margarita. vñ hab mich
 genant Pelagiū darumb das ich
 got in dem kloster gedienen möcht
 vñ bin kōmen vñ beger das man
 mich in dem frawenkloster begrab
 vñ ich hab mit dem vnschuldigh
 leyden verdient die ewigen freude.
 Vñ do der abt vñ die münich den
 brieff gelesen hetten. do lieffen die
 münich vñ die nūnen zū dem velsen
 do was sy tode vñ funden das sy
 ain junckfraw was. do wurden sy
 all laydig das sy sie so hertigklich ge-
 büßt hetten vnschuldighklich. do be-
 gruben sy den leychnam mitt eeren
 in dem kloster andechtighklich. Nun
 helf vns die hailig junckfraw auch
 zū den ewigen freuden Amen



¶ Von sant Francisco.
 ¶ Sant franciscus ist geborn von
 der stat Assis vñ het ainen reichn
 vatter der het sant Franciscū vast
 lieb dieweil er der welt was dienen
 vñ do sant franciscus zwayntzig
 jar alt was worden. do warde er
 siech vñ gedacht daran das die freu-
 de diser welt zergāncklich ist. vñ
 bekort sich zū got vñ vermaynt er
 wolt sein leben bessern. vñ wole
 nach den ewigen freuden werben.
 Vñ do sant franciscus den gūten
 fürsaz in seinem hertzn het. do half
 im der allmechtig got das er zūhan-
 de gesund wurd do betracht er als
 bald wie er soltt lebenn das er gott
 dem allmechtigen wolgeniel vñnd
 bekūmmert sich nicht meer mit dem
 zergāncklichn gūt vñ floch gūten
 gemach vñ lebet hertigklich. vñ
 gab ainem beetler seine klayder an
 durch gott vñ nam das almūsen
 mitt andern armen vor der thüre.
 ¶ Eins mals was er in der kirchñ
 vñ knyet für vñsers herin bild vñ
 bat got mit grosser andacht das er
 in ain weg leret der im loblich wār
 vñ im vñ allen menschen nūtzlich
 do sprach got der heri auß dem bild
 francisce mach mir wider mein bild
 das du syhest als so es nyder wöll
 fallen do verstānd franciscus wol
 das er die kirchen was maynen vñ
 nam seines vaters gūt vñ macht
 das gūt zū gelt vñ pfennigen vñ
 bracht das gelt ainem priester vñ
 hieß in die kirchen darmit bawen
 Do ward es sein vatter innen das

Von Sant

er im das güt hüt het daz thet im zo-
ten vñ sieng in. vñ hieß in greulich
schlahen. das layd er gedultigklich
vñ got. do schlug man in als lang
biß er den schatz wider bracht. Do
warff er seine klaiden auch von im.
vñ sprach zů seinem vatter. Vñ
hin. ich hab deins gūts nit meer. vñ
do in der vater in dem hembd sach
sprach er Ich hab meines suns sch-
and. darumb will ich sein nit zů ain-
em kinde verzeihen. Do achtet sant
Franciscus die red gar klain wann
er wolt lieber ain kinde gottes sein.
Darnach floch er in dem hembde
von dem vater vñ festigt seinn leib
vñ zoch sich von allen irdischn wol-
lūsten vñnd was werben nach den
ewign freuden. die kain mensch nye
vernam noch gesach. noch kaines
menschn oz gehöret. nach dem richt
er all seine werck. vñ gieng in der
stat zů ainem gūten man der was
ain bischof vñ sprach zů im. Mein
vater wil mein nit zů ain kinde von
des bösen gūts wegen. darumb bit
mich dich durch got das du mein vat-
ter seyest. do enpsieng in der bischof
loblich vñ sprach. das will ich gern
thū. Vñ also belyb er bey im vñ
gieng gern in die kirchen vñ zů der
predig vñ behielt die gebot gottes
gar fleissigklich in seinem hertzen.
¶ In ainem wintter was es gar
kalt do sach in sein brüder nakent be-
ten vñ geen in ainer kirchen vñ het
gar wenig an do sprach er zů ainem
in gespöt. Lya bit Franciscū daz er
mit auß dē armen klaid ain swais

Francisco

tröpflin geb zůtauffen das. hort er
vñd verstünd daz gespöt wol. vñd
sprach. Ich will vnserm liebñ herin
Jesu christo all meinen schwaif ge-
ben zetauffen wan er ist so milt daz
er mir es hoch gilt. vñd das gespöt
vertrüg er gütlich. Do sprach die
stym gotes zů im francisce vertrag
das böß vmb daz güt. das saur vñ
das süß. vñ verschmech dich selber
wilt du dich erkennen. ¶ Zů ainem
mal bran sant Francisco sein hertze
in ganzer liebe zů got do gieng ain
ausseziger man zů im der was gar
vngestalt. do gieng er gütlich gegñ
im. vñd halset vñd küßet in an den
mund. do verschwandt der selbig
mensch zuhand. do merckt sant frā-
ciscus wol daz im vnser herz erschy-
nen was vñd ward vol genad vñ
ließ hin küßet zů den aussezign vñ
in allen ir hend vñd beweyset in al-
len grosse demütikait. ¶ Ains mals
hort sant Franciscus das ewange-
lium wie vnser lieber herz sein jün-
ger hieß predigen. vñd wie er sy het
geleret sy solten nit schüch noch ta-
schen tragen. vñd solten nur ainen
rock haben. Do sprach er. des habe
ich lang begeret. Darnach het sant
Franciscus nur ainen rock. vñ gien-
ge fürbaß zů aller zeyt barfuß vñd
gürtet ainen strick oder sayl vmb in
do gewan er vil gesellen die sein sã-
lige gewonhait auch hieltñ mit her-
tem strengem leben vñd predigten
auch in dem landt den grossen lone
den got der herz den seligen mensch-
en wil geben die sich vor sünden hñ

*hört in
aussezigen*

*minst ein and
hatter an*

ten do kamen vil maister vnd pfaffen in den ordn die empfieng er gutlich Do het in der bapst Innocencius gat lieb vñ bestätigt im den orden wie er wolt. do gebot er seinen brüder das sy willig arm wāren durch got. ¶ Zu ainem mal gieng sant franciscus über veld. do war de er frack vnd müd do saß er auf ainen esel vnd ritt. do gieng brüder Eberhart mit im der gedacht im also. reyt er vnd gee ich das ist vnbillich wā ich bin edler dan er. Do er kannt sant franciscus sein gedenc wol in dem gaist vñ tratt bald von dem esel vnd sprach. Ich will gern geen vñ dich reytē lassen. darumb das du edler bist dann ich. do namen den brüder seer wunder das er sein gedāck weßt. vnd gewan reu vñ batt in das er im sein sünd vergāb vñ in darumb büßet. ¶ Ains mals gieng ain brüder mit im der hett in gar lieb. do sprach sant franciscus ich waif ain menschen den hat got als lieb das er in disen landen kain hunger will lassen kōmen die weil der selbig mensch lebt. Do sant franciscus starb do ward ain groß hūnger jar. do erschyn er dem selbē brüder vñ sprach zu im. nun merck das nach meinem tod ain hunger jar kōmen ist das ließ gott durch meinen willen nit kōmen die weil ich lebet. das habe ich dir vor gesaget. sant franciscus sagt oft künfftige ding. ¶ Ains mals kam ainer in seinn orden der trib falsche hailigkait. der wolt vor tisch schweign vñ vinger

zaigen. vñ wā er beicht so wolt er auch nit reden vñ zaiget mit den vingern sein sünd das trib er manigen tag. das hetten die brüder für ain weishait. Do das sant franciscus vernam do thet es im zorn vñ sprach zu den brüder zwingent in das er all wochē zwaymal mit worten redlich beicht. des wolten sy in bezwungen haben. do gieng er auß dem kloster. wā er wolt das recht nit volbringē. ¶ Ains mals gieng er durch ainen wildē wald do sach er ain fracken man der het nichts zu trincken. do rufft sant franciscus got mit ernst an. do entsprang als bald ain schöner prunn. vñ der siech ward fro vnd labet sich von dem wasser. ¶ Zu ainer zeite kam sant franciscus an ainem ostertag gen kirchen zu etlichen brüder die wurden gar fro vnd do man essen wolt do sach er das sy speiß vnd trancke genüg heten. Vnd sant franciscus sach nach armen menschen vmb vñ sach nyemandt. do gieng er für des klostērs thür. vnd leget sich an als ain armer man. vnd satzt ainen hüt auff vñ klopfet an mit seinem stab vnd sprach. Thünd auff durch got laßt eich ainen armen pilgerin erbarmen. do thet man im zūhandt auff vnd wolten wānen er wāre ain armer pilgerin. do saße er für den tisch auff die erd vnd aß demütiglich was sy im gaben. vnd thet do den hüt ab do erckenneten sy in wol vnd gedaucht sy das gar wunderlich. do sprach er. Ich will eich

Get. G. H. v. d. B.
im G. H. v. d. B.

Wunder in profet

Von sant

sagen was ich damit gemaint hab
ich sach den tisch wolberait mit es-
sen vñ trincken vñ sach nit arm men-
schen die das allmüsen nāmen wān
alles vnser hail ligt daran. daz wir
den armen mittailen was wir habn
hat vñ hat Sant Franciscus het allzeyt arme
menschen lieb. vñ hieß die armen
menschen sein brüder vñ freünd.

hieset sich die
¶ Ains mals kam er in ain stat da
was grosser krieg vñ wolten sich
die menschen nür ainander schlahn
do ließ s gott sant Franciscum vil
böf gaist sehen die das selbig volck
zū dem zorn raigtñ. Do sprach er zū
seinn gesellen. geend bald zū der stat
tor vñ gebieten den bösen veinden
by vnserm herren jesu christo das sy
weichen so gewinnen die menschen
frid. do gieng Siluester zū dem tor
vñ sprach. Ich gebeüt üch bey got
vñ bey sant Francisco der mich her
hat gesandt das ir bösen gaist flie-
hent. das thetten sy zuhand. do ge-
lage der krieg vnder dem volcke.

NB.
Ein bräun was
Francisco
¶ Ain weltlicher pfaff hieß silue-
ster d lag an ainer nacht vñ schließ
der sach daz sant francisco ain schō
nes guldins kreütz anff seym mund
hieng. daz was so groß das daz ob
er vff an den hymel gieng. vñ die
zway neben örtter giengen an das
end der welt. Do nun Siluester er
wachtet. gedacht er in jm was das
bedeut vñ kam in der barfüßer or-
den vñ lebt seliglich darinn. vñ was
der siluester der den bösen veinden
gebot das sy auffüren. Ains mals
warff der böf gaiste sant Fracisco

Francisco

bekörung ein. do nam er sein gürtel
mit den knöpfen vñ schlug sich sel-
ber darumb. dannocht ließ der böf
veind nit vñ macht das in frawen
vñ kind gelustet. do gieng er in den
schnee vñ welzet sich darinn. vñ
macht schnee knollen vñ sprach zū
im selber. sich Francisce das ist dein
fraw vñ deine kind die freürt. klaid
sy bald. sy hungert ser gib in züessen
vñ do er nit züessen het do schlug
er die schneeballen all überainander
vñ dancket got das er ir nit hett.
Auf ain zeit bat in ain Cardinal dz
er in sein haus kam. daz thet er vñ
belib ain weil bey im Do kamen die
bösen gaist ains nachts mit ainem
grossen gebrächt zū sant Francisco
vñ schlugn in gar ser. Do sprach er
zū seinen gesellen. darumb das ich
mit dem herren wol gelebt hab als
mit meinem brüder so verhengt got
der allmechtig über mich. das der
böf gaist die sünd von mir schlecht
doch hab ich sy all gebüßt darumb
wil ich morgen hinsarn das thet er
¶ Aines nachts was er an seinem
gebeet. do hort er aber ain groß ge-
brächt auf dem dach von den bösen
veinden. die wolten in an seiner an-
dacht geirrt haben. do segnet er sich
vñ lieff für die thür vñ sprach zū
inen Was hat eüch got erlaubt üb
er mich. das ründ an mir. vñ wist
daz ich kain grössern veind hab dan
meinen aygen leib. darumb rechent
mich an im. vñ do sy sein stym hor-
ten do flühen sy hin. wān got verja-
get sy durch sein groß gebeet. ¶ Zū

ainem mal lag sant franciscus gesel
 an sein gebeet. do ward er entzückt
 in den hymel vñnd sach vil schöner
 stül die waren all kostlich vñd wol
 geziert. vñ sach ainen herlichen stül
 in der mitt in liechtem schein. do het
 der selb brüder gern gewist wem d
 kostlich stül solt. do sprach ain stym
 zü jm Von dem stül seind die bösen
 veind. das seind die bösen engel ge-
 fallen von irer hoffart wegn in der
 helle grund. Nun wirt sant franci-
 scus den stül besitzen vñ sein groöe
 demütigkait die er hat. Vñd do der
 brüder erwachet do gieng er zü jm
 vñd fraget in was lebens er het. do
 sprach er. ich byn ain sündler. vñd de
 mütiget sich selber. ¶ Aines mals
 was er zü Rom vñd was sant Do-
 minicus auch da. wān sy warn bai
 de liechter der hailigen mütter der
 cristenhait. vñd sy giengen bayd zü
 ainem bischoff der ward hernach
 bapst d bekant ir hailigs leben wol
 vñ sprach zü jnen. Ich rat wol das
 man eüer brüder zü grossen prelaten
 vñ bischoffen mach wān sy habent
 ain seligs leben vñ seind der cristen
 hait wol nützlich. Do widerredten
 sant franciscus vñd sant domini-
 cus vñd sprachen. habent vnser brü-
 der ain seliges leben das haben sy
 von got. wir wollen nit verhängen
 daz man sy zü kainer weltlichn wir-
 digkait geb. sant franciscus merck
 et wol an den sternen vñ an der sun-
 nen. vñd an dem firmament wie sy
 mitt schönem liechte in gottes lobe
 prunnen. vñd batt sy mit andacht

das sy iren schöpffer eerten der sy
 erschaffen het. er mant auch die vö-
 gel vñd die würm. vñ bat sy das sy
 got eerten. er het auch gewalt über
 sy. wān sy sungn vñ schwign wān
 er wolt. ¶ Aines mals gieng sant
 franciscus von Rom auf ainer hay-
 de da sassen vil vögel. do gieng er
 von seinn gesellen vñ gieng zü den
 vögeln. do sassen sy all still. vñ gien-
 ge jm ain gesell nach. do prediget er
 den vögeln vñd den alstern vñd sp-
 rach. Hörent lieben brüder ir söllent
 eüern schöpffer loben vñ eern wān
 er hat eüch federn gegeben das üch
 der lufft nit schade. vñd eüch flügel
 gegeben das ir fliegend wo ir hyn
 wöllent. vñd hat eüch den lufft ver-
 lyhen vñd die speiß gegeben on alle
 sorg. darüb lobent in mit aller kraft
 Do flugen vil ander vögel zü. vñd
 was ir gesang manigerlay vñ reck-
 ten ire flügel zü dem hailigen mann
 vñd sassen auff seinen rock vñd auf
 sein gürtel. Vñd do er in auß gepre-
 diget het. do gab er jnen vñd lob vñd
 sy flugen all hinweg. ¶ Ains mals
 wolt er predigen. vñd hett vil men-
 schen vor jm. do kamen vil schwal-
 ben vñd flugen zü jm. vñd irten in
 das die menschen nitt hören moch-
 ten. do sprach er zü jnen. Lieben sch-
 walben meine lieben schwestern la-
 sent eüwer scallen. wann es ist zeit
 das ich sol predigen do schwigen sy
 all vñ er prediget auß. vñd wān er
 den in rüft so flugen sy zü jm. Aines
 mals saß er in seiner zell do was na-
 hent bey seinem venster ain feygers

Nun sant

baum darauff saß ain vogel das was ain haym vñ sang. do zwang sant franciscu die lieb die er zu den creaturen hett das er dem vogel zu höret vñ sprach fleüg her du liebs vögelin do flog es auf sein rock vñ schwig still. do sprach er zu dem vögelin. sing du liebes vögelin dem zu lob der dich erschaffen hat. do sang es im frölich in der schos bis das er im vrlaub gab. sant frāsciscus was got vndertänig vnd gehorsam.

¶ Males mals gieng er mit seinen gesellen. do funden sy ain beutel vol pfennig. vñ er verschmecht das güt do het es sein gesell geren genommen vnd den armen gegeben. Do sprach sant franciscus. wir sollen kain güt nemen das nitt mit recht vnser ist. do bat in sein gesell mit fleiß das er in daz gelt ließ nemen. daz er es den armen menschn gāb. do sprach sant franciscus sein gebeet zu got dem allmechtigen mit ernst. vnd hieß da sein gesellen den beutel nemen. vnd do er in auff thet do waren schlangen darinn. do sprach er. nun sich gesell wie daz zergenglich güt des bösen gaysts giffst ist. ¶ Ain brüder was zu dem selben mal. der hett vil ansechtung von dem bösen veind. daz was im gar layd. vnd gedacht in sein herten. Ach lieber herr das mir sant franciscus etwas mit seyner hand schrib so vergieng mir vil leicht die ansechtung. das weßt sant franciscus in dem gaist vnd sprach zu sein brüder. bring mir ain dinten vnd ain schreybzeug das ich ainen

Francisco

brüßschreib. do was der brüder fro vñ bracht im was er bedorfft vnd schrib im ain brieff vñ sprach zu im Du solt disen brieff behalten bis in dein tod. das thet er vñ behielt den brieff. do vergieng im alle ansechtung. Do sant franciscus sterben wolt do gedacht der brüder: dem er den brieff geschribn het. Ach möcht mir werden sein rock. den gedanc weßt er als bald vnd sprach zu im. wann ich stirb so hab dir mein rock. do ward er fro. ¶ Males mals lüd ain reicher man sant franciscu. vñ sprach zu im. Ise mit mir was ich dir gib durch got des bitt ich dich. daz thet er. vñ dieweil er zütisch saß do kam ainer für den tisch der was im gar veind vmb sein predig. vnd het in gern gesehē. vñ bat daz er im ain almüsen gāb. do gab er im ain diech von ainem capaunen das behielt er bis am andern tag do sant franciscus prediget. do nam er das diech vñ sprach. sehent wie er eüch betrügt. man sagt er sey hailig. secht was er yst daz diech gab er mir auß seiner schüssel von ainem capaun. & schand acht er nit durch got. & half im daz diß flaisch zu vischen in sein henden ward. do sprach alles volck daz gegenwertig was. du hast bößlich auff in gelogen. Do erschrack der böß man seer. vnd bat in das er im das vergāb. do ward der visch wider zu flaisch. ¶ Sant franciscus waynet gar seer in seiner andaht das er blöde augen gewan. do baten in sein brüß ser das er nit also

im quill ist im
gefangen

capaunen
fleißlich
zu fip

Das wain
wein

so ser wainet das er sein gesicht nit
verliert. Do sprach er. wir sollen des
so fast nit schonen. daz wir nun mit
den thieren gemain haben. wir sol-
len nach dem ewigen liecht werben
wan im was götlicher trost lieber
dan daz er daz wainen lief. ¶ Als
mals was sant frāciscus ser frācē
doch wen er wein mocht habē der
kressstiget in fast wol. Do kam er in
ain statt da was kein wein inn. do
bracht man im ain wasser. darob
macht er ain kreutz mit andacht im
namen gots. do ward das wasser
wein. von dem wein ward er fast
starck. sant franciscus bat sein ge-
sellen daz er in vor den leuten schult
vñ sprach. daran lern ich tugent. vñ
demütigait. das thet er nit gern vñ
thet es doch. vñ sprach zū im. du bist
ain rechter paur vnd ain vnnützer
kauffman. des ward er fro vnd sp-
rach. nun lon dir got du sagst mir
die rechten warhait. er gedacht stā-
tigs an got. vñ het sant Michel sun-
derlich lieb. vnd macht im ain vigi-
lij an seinem abent von seiner hoch-
zeit. Vnderweilen jagt in der gayst
gots auff ain berg. do blib er. lx. tag
vnd beetet vnd wainet got zū lobe.
¶ Zū ainem mal was er auff dem
berg vor sant Michels kirchen vnd
het sein hertz von aller welt abkert.
vnd gedacht innigklich an gott. vñ
het groß wund von dem vnmāssi-
gen güt das vns got getan het die
weil er daran gedacht. do sach er in
die lauern gothait. do kam der engel
Seraphin auß dem obersten thron

von hymel mit sechs flügeln. die zwē
en giengē über das haubt vñ zwē
warē im ob dem leib überainander
geschrenckt. vnd die zehen waren zū
ainem flug auß gebrait recht als ob
er fliegen wölt. vñ des engels arm
waren auff gespanen an ain kreutz
vñ was daran genagelt. vñ warē
im sein hend vnd fuß durchstochen
als cristo vnserm herin an dem hai-
ligen kreutz. do das sant franciscus
sach do ward er erleucht mit vil ge-
naden. vñ nam war im hertzen wie
der engel Seraphin auß dem höch-
sten tron vor im gieng gekreuziget
vnd betrachtet die wunderlich güt
got des vaters. daz er sein eingebor-
nen sun wolt lassen sterben. vnd ge-
dacht. die lieb hat in an daz kreutz ge-
zogen als er hie hanget. vnd begert
der bitterkait die gotes sun laid dem
der engel gleich was. Do geschach
ain groß wunderzaichē. wan sant
franciscus sach den engel mit groß
ser innigkait an. daz im die lieb sein
hertz verschnitt vnd belib. vnd emp-
fieng die fünff wunden in henden
vnd füßen vnd in sein seyten. Vnd
ward von grossem schmerzen ain
martirer von dem almechtigen got
vnd was im an ain yegklichē fuß
vñ hand als ob er gekreuzigt wā-
worden. dan das kein blüt darauß
gieng vñ waren im die wunden als
ob ain düns veel darvff gelegē wā-
re vnd was hoch als ains nabels
haut. aber die wunden in der seyten
die macht im der rock etwann blü-
tig. vnd wenn man in fraget von

Anton

Wann das blut kōmen wār so wol
 er es nit sagen vnd verbarg all zeit
 sein hend vñ fuß mit den ermeln vñ
 decket sich damit. vnd nach seinem
 tod sahen sy sein wunden. ¶ Aines
 mals hort ain weltlicher man sant
 Franciscus predig. Do lief in gott
 zway liechte swetter sehñ von sant
 francisci brust. vnd do er das grof
 wunder sach vñ sein gūte lere hort.
 do kam er in sein orden vñ lebt sālīg
 lich darīn biß das er starb. ¶ Wen
 sant franciscus zū den siechñ gieng
 so thet er sein gebeet über ain brot.
 vnd wen des die siechen assen So
 wurden sy zūhand gesund. Et ma-
 cht auch das wasser zū wein. vnd
 wen man das den siechen menschn
 zūtrinken gab so wurden sy gesund
 ¶ Nun warde sant Franciscus siech.
 vnd er hieß sich auff die blossen erd
 legen vñ maint er wolt sterben. do
 kamen die brüder all zū im. do gabe
 er inen sein seggen vñ hielt die man-
 dat mit inen. do was in layd vñ in
 vnd do im der tod nachnet sprach
 er. wilkōmen lieber brüder der tod.
 wilt du mich von disem lebñ nemen
 vnd damit verschied er mit grosser
 andacht vñ für sein seel zū den ewi-
 gen freüden do sach ain brüder sein
 seel liecht vnd wolgestalt als ainen
 liechten sterren. ¶ Ain landt haist
 Cernabo da was ain gütter diener
 gotes der wolt auch vmb die selbñ
 zeit sterbñ der sprach ernstlich Bait
 vater bayt mein. ich wil yzund mit
 dir. do waitn die brüder ob im vñ
 hatten in das er inen saget was es

Francisco

damit mainte. do sprach der brüder
 Sehent ir nit vnsern vater Franci-
 scū der will zū den ewigen freüden
 vnd er starb auch als bald. vnd für
 mit sant Francisco zū den ewigen
 freüden. do horten die brüder das er
 vmb die selben zeit verschydñ was
 do begrub man sein hayligen leych-
 nam zū Assis da het er ain schönes
 münster. ¶ Aines mals was ain
 man in Apuliri der hieß Bogerius
 der zweiflet an sant Francisci wun-
 den vnd zū ain mal beetet er vor sei-
 nem altar auf dem was ain bild ge-
 malt nach im das hett die wunden
 auch. do gedacht er. Lieber herre ist
 es war oder erlogñ daz er die wun-
 den hat gehebt. oder habent es die
 barfüßer erfunden. Vñ do er im es
 gedacht do het er hentschüch an. do
 hort er ain schlag als ain armbroß
 vñ do schos im ains durch sein lin-
 cke hand als ain pfeyl. vñ geschach
 im fast wee. do sach er die hand an
 do was der hendschüch dannocht
 gangz do thet er in ab. wān die han-
 de thet im seer wee. do was im die
 hand als der in mit ainem pfeil dar-
 durch geschossen het darnach do ge-
 laubt er sant francisci wunden wol.
 vñ bat in darnach mit grofem fleiß
 das er in widerumb gesund mache
 das thet er über dry tag do nun die
 wunden manig mensch gesehen het
 do ward er fro vnd dancket in sei-
 ner gnaden. ¶ Es was ains mals
 ain man der het sant Franciscū gar
 lieb. vnd gieng gewonlichen zū der
 barfüßer mettin. vñ zū der andern

tagzeit wan er was ain seliger mē-
sch vnd beetet gern. Ains mals het-
ten die brüder Complet geleitet do
was der gūt man auf dem weg vñ
wolt dar sein. do kamen böse men-
schen an in die hetten in in veindsch-
afft vnd schlügen in in zoren darny-
der. vñ stieß ainr ain schwert durch
in vñ ließ es stecken vñ fluchen bald
darvon. Do lieff sein fraw schrey-
end zū. vnd nyemant weest wer den
schaden getan het. sy klagt vñ way-
net seer vnd was ir layd vmb iren
man. vnd do die mitnacht kam das
die barfüsser mettin lauten do gien-
ge es der frawen durch ir hertz vñ
sprach. See auff mein lieber man
wan es was alzeit dein gwonhait
daz du zū mettin giengst. do tet got
der hertz ain groß wunder. wan der
wund man recket ain hand von im
vnd wincket den leuten damitt das
man das schwert auß im zug. vnd
zūhand sprang daz schwert von im
do ward er gesund vñ sprach. Nun
lon dir got hailiger Francisce vnd
sagt den menschn er wär bey im ge-
wesen. er sprach er hüb sein haylig
wunden an mein wunden do ward
mir bas. do wolt er von mir sein ee
ich gesund ward. do wincket ich im
mit der handt das er das schwert
auß mir zug. do macht mich got vñ
er gesund vnd fürbas dienet ich im
noch meer mit grösserm fleiß dann
vor. ¶ Zū ainem mal was ain ar-
mer man der solt ainem reichn man
gelten das wolt der reich ye haben
do bat er den reichn man das er im

ain länger zil gāb. das wolt er nitt
thūn das was im layd vnd batt in
durch sant franciscen willen. das er
bite bißs an den andern tag. do spr-
ach er. ich will dich des hailigen ge-
niessen lassen. vñ will dich einsperren
ob er dich müg erlösen. Vnd sperret
in ein do kam sant franciscus zū im
vñ tröstet in vnd löset im auff seine
band vñ bracht in gesund haim. do
ward er fro vnd dancket got vnd
sant francisco irer gnadn. ¶ Ains
mals batten die barfüsser ain man
das er in ain wagen lyhe ain Elaine
weyl. Do sprach der man wolhin je
münich. ich wolt liebr eür zwen sch-
inden dan das ich eüch ein rad oder
ainen wagen lyhe. do kam zuhande
die rath gottes auff sein künde das
es von stundan starb do was dem
vater ser laid vmb den sun vnd ge-
wan groß reu vñ viel waynet für
das kind nider vñ sprach O du hai-
liger hertz sant Francisce. es ist mir
layd das ich dich hab erzürnet mit
meiner torhait. O hailiger vater du
hast dem kind vnrecht getan. es ist
nit schuldig daran. ich hab übel ge-
tan du soltest mich getödt habn vñ
sprach O hailiger vater sant franci-
sce gib mir daz kind wider vñ schry-
so lang das sich das kinde wol ge-
sund auffrichtet vnd sprach. vatter
biß fro vnd merck was ich dir sag.
ich was tod vnd was in ain ander
land kōmen. do nam mich sant fran-
ciscus in sein hüt vñ bracht mich in
ain grüne wisen. da wär ich geren
beliben. vñ er sprach zū mir das ich

*Frankh. 2.
müß ain go-
feynman*

*im tod lünd
vñ in die ghe-
höl*

Von sant

her wider. Im du wärest betrübet. do ward ich wider lebendig als du wol siehst do ward der vatter gar fro vñ dancket got vñ sant Francisco seiner gnaden. ¶ Es was ains mals ain riter wē er hort daz man von sant franciscen hailigkait sagt so ward er zornig vñ wolt sein nitt glauben. ¶ Nun spilet der ritter ains mals do ward er zornig wē er het verlorn vñ nam die würffel in die hand vñ sprach. Ist sant frānciscus so hailig als man sagt. so laß vns all achtzehn augn werffen vñ die weil wurff er auf dry würffeln auf yeglichem sechs augen. das warff er neun mal nach ainander ye acht gehen augn. danocht was sein hertz blind vñ wolt sein hailigkait nit er kennen. do sprach er aber. Ist er so hailig als man von im sagt so muß ich heüt mit meinem schwert sterbē do erstach in seiner swester sun mit ain schwert dem het er übel geredt. ¶ Es was ain güter man der het sant franciscū lieb. der het ainen bösen fuß vñ mocht nyendert kōmen vñ wie man in daran erzneyt daz halff alles nit. do rüfft er sant franciscū an vñ sprach. O hailiger sant francisce nun hab ich dich auff erd gesehen. vñ hab dich auff meinem esel geführt vñ deinen fuß geküßet. nun hilf mir an meinem fuß des bit ich dich. Do erschyn im sant franciscus mit ainem stab den drückt er im in sein bain. do ward er gesunt vñ ward gar fro vñ dancket got vñ sant Francisco der genaden.

Franciscu

¶ Zu Rom viel ain kind durch ain venster auß das es starb. do was seinen freündn gar laid. vñ rüfften sant franciscū mit ernst an. das er in hulff das daz kind wider lebend ^{ein kind wird lebend} würd als er andern menschen offte geholffen het. do erfreuwet got die freünd durch sant francisci willen. vñ macht das kind lebend. ¶ Ains mals was ain frau tod in iren sünden. do bat sant franciscus vnsern herin für sy do ward sy wider lebendig vñ beichtete ir sünd. vñ saget wie ir sant frānciscus geholffen het. ¶ Es was ain frau vñ ain man auff ainer burge die hetten nur ain kind das starb in. do was in layd vñ daz kind wā sy heten kain kind mer. do het die frau sant franciscū gar lieb vñ rüfft in mit ernst an vñ entschlieff also. do kam sant franciscus zū ir vñ sprach. Wie waynest du so ser vñ dein tochter. mir ist geben von gott das ich dich vñ dein tochter gesunt sol lassen sehen do erwacht die frau. man het die tochter aufgehaben vñ wolt sy begrabē habn. do lieff sy bald zū der tochter vñ griff sy an vñ sprach hilff mir hailiger francisce. do toet die tochter als ob sy von aym schlaff erwachet wär. vñ stünd auff frisch vñ wolgemüt. vñ dancket got vñ sant francisco der gnadn. ¶ Ains mals viel ain hauf nyder vñ schlug ain jüngling zū tod. do was seiner mütter gar layd vñ vñ rüfft sant franciscū an. do ward er wider lebendig do ward die mütter fro vñ

dancket got vnd sant Francisco der genaden. ¶ Es was ain barfüßer der hieß Jacob der saß in ain schiff bey seinen gesellen do wolt daz schiff vnder sein gangen. do kamen sein gesellen wol auß an daz gestat. zületzt wolt er auch herauß treten vñ trat züsch wär das dem schiff der boden umbkeret. das er in daz wasser viel do rüffet er sant Franciscum in seinem hertzen an vnd sein gesellen sprachen all. O hailiger sant Franciscus künne im zühilff. do gab im gott die weißhait das er dem schiff an den grund griff vñ hüß sich daran bis das er damit außfloß do wurden sy fro. vnd danckten gott vnd sant Francisco irer gnaden. O hailiger herr sant Franciscus hilff vns umb gott erwerben nach disem leben das ewig leben Amen

¶ Von sant Thasis.



¶ Thasis was ain schöne frau vñ was ain offne sünderin. vñ verzeret manig man sein güt vnd erbe vñ irn willen. Zu der zeit was ain güter münich der hieß pasuncius & hort von der sünderin das was im layd vñ ir seel. wā er was ain güter münich vñ tracht mit fleiß wie er die frauen vonn sünden möcht bringen. vñ fand ain klügen syn vñ zoch die gaisstlichē klāyder ab. vñ leget weltliche an das man in nit kenet vnd kam in ir hauß. do ließ man in hinein. die ergeruflaid er durch got. die frau erbot im es wol wā er het pfenning. vñ fürt in in ain kammer die was wol gezieret nach der welt. Do sprach er. geen wir an ain andere stat da es noch haymlicher sey. do fürt in die frau an ain haimliche stat. do bat er sy aber das sy in füret da es noch haymlicher wäre. Do sprach sy. es ist hie gar haimlich fürchtst du aber got der sicht es über al. do sprach er gelaubst du an got. Do sprach sy ja. do sprach er aber. gelaubst du das got sein freunden die ewigen freud wil gebē. vñ den sündern die ewig pein umb ir sünd. do sprach sy ja. Do sprach er eya Thasis auf dem weg bistu layder. du erkennst das got die sündler also richt. vñ den guten so grossen lon gibt in dem ewigē leben. so merck wie dich dein sünd überwunden habent. vñ gedencck das du vil menschn zü den sünden bracht hast vñ zü brennend hell. Do kam die gnad des hailigē gaissts vñ erleucht ir hertz mit seinē

Anton

liecht vnd gab ir solliche reu über ir
sünd das sy gedaucht sy wär yetz
verdampft in der helle pyn allain die
hoffnung die sy zū got het behiet sy
das sy nit verzweyfelt. vnd viel für
des münichs fuß vnd sprach zū im.
seyder mich dein erbarmbd gesücht
hat so bitt ich dich das du got den
allmechtigen für mich bittest. wān
sein güt ist so groß dz er mich durch
dein gebett gern zū genaden kōmen
laßt. do was er fro vñ sprach Stee
auff vnd raum dem bösen gaist sein
wonūg. wēn dir hilfft got noch zū
gnaden. Do sprach sy. vater ich wil
dir alle zeit gern volgen. do nam sy
vrlaub von der welt vnd trüg alles
das sy het klayder. fürsperren. vin-
gerlin vnd macht ain feur vnd ver-
brennet es vñ sprach. wolher ir alle
mitt dienen ich gesündet hab. es ist
mir laid. vñ sehent wie ich dem güt
thūn wöll das ich von euch genō-
men hab. Do ließ sy ir freünd vnd
gieng zū dem gūten mann vnd ge-
lobt im in got mit vestem ayd. das
sy im gehorsam wölt sein all zeit. vñ
alles das wölt thūn was er sy hieß
Do was 8 münich ain weyser man
vnd wolt das sy iren lust mit rech-
tem leben erlöft. vñ saget ir vil wie
sy ir sünd mit strengem leben büßen
solt. vnd got halff ir das sy nit mer
sündet. darnach bracht sy 8 münich
zū ainem frawen kloster vnd thett
sy in ain klaine zell. vnd verschlüge
die thür vñ leget ain zaichen daran
das nyemandt zū ir kōmen möchte.
vnd ließ ain klains vensterlin in die

thalis

zell machē. vñ hieß ir all tag nur ain
mal wasser vnd brot bringen. vnd
hieß ir des genüg geben das layd sy
gern durch got den almechtigen vñ
bat in das er sy beeten leeret. Do sp-
rach er dein mund ist bößs. das du
den namen gots nit damit solt nen-
nen. vñ deine augen als sündig. das
du den hymel nicht solt ansehen du
solt dich nit gegen im keren aber du
solt sprechē. Herz der du mich ersch-
affen hast erbarme dich über mich.
dise wort solt du ymermer sprechen
damit gieng er von ir. Do sprach sy
das gebeet on vnderlaß mit groser
reu. vnd betet mit wainenden augn
wān sy het ir segfeur lieber hie dān
dort. Also belib die fraw wol dreü
jar in volkōmner büß vñ nach den
drey jarn sagt pasuncius dem haili-
gen Anthonio von der frawen das
sy ir sünd dreü jar gebüßt het. vñ sp-
rach zū im Lieber vater hat dir got
nit kund gethan. das er ir sünd hab
vergebenn. Do sprach Anthonius
Wir sollen gott mit ernst darumb
bitten. vñ sagt seinen jungern allen
von der frawen vnd sprach zū inen
Bittent den ewigē got all ob er der
frawen ir sünd hab vergeben. das
thetten sy vnd rüfften got mit ernst
an. Nun was ain hailiger man vn-
der in 8 hieß Paulus vñ was sant
Anthonius junger der ward in den
hymel zuckt. vnd sach ainn schönen
stule des hütten drey juncfrawen
do ward im von got kund gethan
vnd ain stym sprach. Die erst juncf-
fraw ist vorch vor der helle peyn

Die ander ist scham der sünden. die drit ist lieb & gerechtigkeit Do maynet Paulus. der schön stül der dort stat den wirt Anthonius besitzen. Do sprach aber ain stymie. Paulus vernym mein red recht. den stül den du sichst den sol die sünderin thasis besitzen vmb die schwäre herte büß die sy mit grosser gedult hat getan. des gesichts ward paulus fro. vnd sagt es Anthonio vñ pafuncio. do danckten sy gott dem allmechtigen. vnd giengn bald zü der zell vnd namen Thasis herauf. Do sprach sy eya lassent mich hie innen in der zell die weil ich leb. wañ ich will geren durch got leyden. Do sprach pafuncius zü ir. gee auß der büß wañ got hat dir dein sünd vergeben. do sprach thasis zü jm du solt wissen. seyde ich des ersten herein kame das ich mein sünd all tag bewaint hab vnd mit grossem ernst vñ die sünd seind on vnderlaß vor meinen augen gewesen. do sprach er zü ir dein forcht hat dir gottes barmhertzigkeit erworbn. des solt du got dem almechtign dancken vñ solt auß deiner zell geen. Do was jm die frau gehorsam vñ gieng auß der zell. darnach lebt sy nur fünffzehen tag vñ starb in ainem güten fürsatz do für ir seel zü den ewigen freuden. Nun bitten wir die grossen büßerin sant Thasis daz sy vns auch vmb got erwerbe nach disem zergänglichlichen leben das ewig leben Amen

¶ Von sant Marco
dem hailigen bapst



¶ Marcus der hailig bapst ist geboren von der stat Rom vnd was ain cristen. vñ dienet got mit vil güter übüg. do macht man in zü bapst do pflager er des ampts mit grossem fleiß vñ saß zway jar auff dem bapstlichen stül vnd acht monat vnd. x tag. Der selb bapst setzet auff. das die bapst wol mentel vñ bereth mügen tragn zü der kirchen. got zü lob vnd eer. Die ersten bereth trüge er auff dem weg Ardiatina. da man in der hayden land geet. vnd die andern bereth trüg er in der stat rom. er lebt gar hailigklich vnd festiget seinen leib durch got den allmechtigen vñ thet vil zaichen. ¶ Zü den zeiten was Cōstantinus kaiser der hort von des bapst leben sagen. do gewan er groß gnad zü jm vñ hieß ain vaf mitt rosen stecken bringen überal auß den äckern vnd ab dem veld vñ hieß überal vmb die kirchñ pflanzen dem bapst zü eeren vñ zü

Von sant

ainer gezierd. Darnach bracht er zu andern kirchen die in Rom ligt ain silbun platten die wag dußsig pfunde vnd ainen silberin kelch vnd ain silberin kron die schätzt man auff. r. pfund Vnd der selb kaiser gab auch daran das man den kirchoff wei- het vnd machet ain proceßion vnd do weyhet man .xxvij. priester vnd bischoff vnnnd sibem Ewangelier. Darnach starb der bapst in ainem hailigē leben. do für sein seel zu den ewigen freuden. do begrüb man seinen hailigen leichnam in den kirch- hof sant Sabine an dem neünden tag des monats Octobris mit gros- ser würdigkait. Do seyret der stule zu Rom zwaintzig tag nach seinem tod dem hailigen zu lob vnd eeren. Nun helf vns der hailig bapst sant Marcus vmb got erwerban das ewig leben Amen.

¶ Von sant Dyonifio.



Dyonisio

¶ Der lieb herz sant Dyonifius ist geboren von Athenis vñ was des erstē ain grosser maister vnder den hayden. vnd ward bekert von sant Pauls nach vnsers herren tod. Zu den zeitē do er lebt. gieng vnser herz Jesus auff erdtrich vñ an dem tag do got gemartert ward vñ den tod litt. do verlor die sun iren scheyn vñ erbidmet das erdtrich vnd schynen die stern bey dem tag als bey der na- cht. Do namen die haydnischē may- ster zu Athenis groß wunder war- umb die sun iren schein verlorn het. do sprachen die maister es muß der zwayen aines sein. es will die welt zergeen. oder es muß der leyden der die element gemacht hat. darüb ley- den die element mit im. Do sprach der groß maister dyonifius. die neu- nacht die sich in den tag mischt die verkündet vns das der welt ain lie- cht mit gnadē künfrig ist. vñ do die welt nit zergieng. blibē sy daran es müßt got leyden der die element er- schaffen hat. Nun hetten die haydē vil götter. vnd durch ir weyßhait machten sy ainen altar dem grossen got der natur vñ schriben über den altar Der altar ist des unbekanten gots. vnd wañ sy ir opffer für den altar wolten bringen. so sprachen sy der unbekant got begert vnsers opffers nit. wer im dienen will der soll in demütigklichē vnd mit ray- nem hertzen anbeeten das ist im lie- ber dan das groß opffer. Nun kam sandt Paulus der apostel auch in die stat vnd prediget chrißtenlichen

gelauben. do horten ir vil zū vñ sprach
 achñ ir vil was wil der man der so
 uil sagen kan. do sprachen ettlich er
 wirbt nur dem teüfel botschaft. vñ
 brachtñ sant Pauls zū den grossen
 maystern die sprachen zū im. Wir
 wollen ye wissen was die neu leere
 sey die du kanst. do sprach er ich hab
 ain neuen altar geseñ darob ist ge
 schriben. Der unbekant got. das ist
 der war got der hymel vñ erd ersch
 affen hat das verkünd ich eüch. vñ
 sprach zū Dyonisio. was bedunct
 dich an dem gott den ir unbekannt
 schreybent. Do sprach er. Er ist der
 war got der noch künfftig ist. do sp
 rach sant Pauls. ist er ain gaisst od
 ain mensch. do sprach sant Dionisi
 us. er ist warer got vñ mensch. Do
 sprach sant pauls. nun hör von dem
 unbekanten got. ich bin warlichen
 sein bot. er ist d got der mit gewalt
 alleding hat erschaffen. vñ ist vns
 herab kōmen vñ hat die menschaite
 an sich genōmen vñ hat auch den
 bitern tod vmb vns erlitten. do ver
 lor die sun iren schein vñ erpidmet
 das erdtrich. vñ erstünd an dem
 dritten tag vñ ist in die hymel gefa
 ren mit der menschaite die er von sei
 ner keüschē mütter genōmen hatt.
 Es ist billich das in alle menschen
 lobñ vñ eern. wañ er hat vns nach
 im selber gebildet vñ ist ain herre des
 hymels vñ der erden darüb wār es
 billich das er in dem tempel wonen
 solt der gemacht ist wordñ mit leib
 licher hand. er ward auch von kai
 nem menschen erschaffen noch ge

macht. wañ er bedarff nyemandts
 wañ er ist der der allen menschen ir
 lebñ gibt vñ hat auch gemacht das
 von ainem menschen alle menschen
 geborn seind die auff erden sind. vñ
 hat geendet vñ geordnet den lauff
 der zeyte vns die wir wonen sollen
 auferdtrich vñ in süchñ sollñ. aber
 das ligt an im ob wir in begreiffen
 vñd sündñ mügen. wie wol das ist
 das er nit ver ist ainem yeden men
 schen. wañ wir leben in im. vñd vñ
 ser bewegung ist in im als etlich spe
 echent. Wir seyen sein vñ sein gesch
 lecht. Seyd wir dan so wirdig seyen
 das wir her kōmen von göttlichem
 geschlecht so sollen wir vns nit be
 kümmern weder mit gold noch mit sil
 ber od mit stainn die der stainmazel
 erhaben hat mit künften vñd sollen
 gedencñ wie das götlich wesen mü
 ge kainem ding gleich sein das die
 menschen betrachten od gedencen
 mügen wañ dise vnweishait oder
 torhait verschmecht got. Darumb
 thū ich kund allen menschen das sy
 reu haben vmb ir sünd. wañ er hat
 ainen tag gesetzt an dem er die welt
 will richten vñ vitailen nach der ge
 rechtikait das selb vitail vñ gericht
 soll gebieten der man an dem alles
 lob ligt das ist der von dem tod er
 kückt ist das ist vnser herre Jesus cri
 stus. Do nun sant Pauls also redt
 mit sant Dionisio do gieng ain blin
 det man für sy. do sprach dyonisi
 us zū Paulo. du sagst von grossen ge
 walt den dein herre Jesus christus
 hab das laß mich an disem blinden

Anton

sehen vnd sprach. sprich zü dem blinden in dem namen jesu cristi gesich. gesicht er dan so glaub ich dir. vñ solt kain wort sprechen. do sprach er in dem namen Jesu christi der von der rainen juncfrawen marie geboren ist. vñ den tod an dem kreüz laid vnd von dem tod erstünd vnd der gen hymel ist gefarn gesich. Vñ sprich nit mer. vñ gesicht er dan so wil ich an deinen got glaubn. do sprach sant Pauls zü dyonisio. darum das du dester bas glaubest. so sprich die wort selber. Nun warn vil menschen da. do keret er sich zü dem blindn vñ sprach die wort zü jm. do ward er zühand gesehent. do er das sach do warde er zühandt erleucht von dem zaichen vñ gelag jm alle sein irrigkait. vñ ließ sich Dyonisius sant Pauli tauffen vñ alles sein gefinde vnd vil ander menschn die auch da waren. do ward sant Paulus gar fro das er in bekeret het. vñ lobt got den allmechtign vñ leret sy dreü jar do ließ sant Dyonisius die abgötter vñ was vest in cristenlichem glauben vnd dienet got tag vnd nacht. mit beten vasten wachen. vnd mit vil gütter übung. do macht man in zü ainem bischoff in der stat Athenis. vnd für sant Pauls in andere frembde land. Vnd also pflag sant Dyonisius dem ampt mit grossem fleiß manign tag got zü lob. vnd zieret sein stat mit predigen vñ bekeret vil menschen zü got mit seym gütent rat vñ vernicht die abgötter mit seiner gütten leer. vñ sein grosse hailig

Dyonisio

kait ward weyt erkant. Nun höret sant Dyonisius wie sant Peter vñ sant Pauls zü rom gefangen lagen in ainem kercker. do was jm layd umb sy vnd het sy gern gesehen. vñ er satzt ain andern bischoff an sein stat. vñ zoch gen Rom. die weil het man die zwelfspoten ertödt. do was Clemens. bapst zü rom. der bat dyonisium das er gen frantreich für. do was er gehorsam vnd für gen frantreich vñ nam mit jm rusticum vnd eleutherium vnd kam zü parisi wan er was ain hochgelerter pfaf vñ kund wol disputiern vnd wolt die menschen von der irrigkait weisen. vñ bekeret vil menschen mit seiner gütten leer vñ macht vil kirchen got zü lob vnd zü eren das thet den vnglaubign gar zorn vñ trügen jm haß. ¶ Zü den zeiten empfalch der kaiser fascencio daz er die cristn sölt zwingn das sy den abgöttern sölt opffern. wölten sy das nit thun so sölt man sy ertöden. Do kam er zü parisi vñ fand Dyonisiu an der predig vñ sieng in zühand. des achtet der lieb hailig nit vñ laid die schand gern durch got. vnd was fro das er leyden solt. Do verbunden sy im seine augen vnd spüwen im vnder sein angesicht vnd gaben jm manigen schlag an die backen. das layd er alles gedultiglich. vnd sy siengn auch Rusticum vñ eleutheriu vnd brachtñ sy zü sant Dyonisio für den vogt. Darnach kam ain frau vnd klaget über die dreü hailigen das sy iren man zü got dem allmechtigen

befert hetten. Do sendet der richter bald nach dem man vnd fraget in an wen er gelaubet. Do sprach er zu dem richter. ich glaub an vnsern herren Jesum christum. do hieß er in zu tod schlahn. Darnach hieß er Dyonisiu vnd seine gesellen ser schlahen. do bekanten sy gott. vnd hieß sy do in ainen kercker mit ketten schmiden vñ an dem andern tag hieß er sy wider heraus nemen. vñ leget sant dionisium also nackend auff ainen rost darunder waren vil glüender koln. do bliesen die bösen man fast zu. do sprach Dyonisius. dein wort ist feürin vnd das haben lieb dein knecht. Darnach namen sy in von dem rost. vnd man thet in zu hungerigen bösen thieren das sy in zu tode solten beissen. do thet sant Dyonisius ain kreütz über sy mit seiner hand. do liesen sy alle ir greulichait. Do warde der richter zornig das sy in nitt zerreißen wolten. vnd er hieß in in ainen glüenden ofen setzen. do gieng er wol gesundt herwider auß. Do schlug man in an ain kreütz das thet in nitt wee do nam man in von dem kreütz vñ legt in wider in ainen kercker vñ vil cristen mit in. do sprach sant Dyonisius meß in dem kercker vnd gab den cristen vnsern herren fronleichnā. Do erschyn vnser herr sant dyonisio ob dem altar. vñ nam das gesegnet oblat vñ gab es sant Dyonisio vñ sprach. Freu dich vñ nym hyn das gesegnet brot vñ biß fro wan dein lon ist groß bey mir. do ward er fro vnd dancket got sei

ner ghenaden. ¶ Nun ließ der richter die hailign aber bringen vñ hieß in vil marter an legen danocht warn sy stat an got. do hieß er sy für die abgötter bringn. do spotten sy ir das thet dem richter zorn. vñ hieß sy all diey enthaubten Dyonisiu. Rusticu vnd Eleutheriu. also füren ir seelen zu den ewigen freuden. vñ do man sant Dyonisio sein haubt abschlug do fieng er es so baldt in die hende. vñ trüg es zwü meyl an die stat da er ligen wolten. do sahen vil menschen das das hymelisch liecht vor in gieng vnd leichtet wan es leicht im der engel gots. do gieng er über ain velde da kreüteret ain mayd die sprach zu den andern. Sich an das gröst wund das du ye gesahest. da kompt ain man dem hatt man sein haubt abgeschlagn das tregt er in den henden. do sprach sant Dyonisio haubt hynwider das ist noch ain grössers wund das du am suntag kreüterst vnd die feyren nit haltest nach dem kam er an die stat da er ligē wolt do begrüb man in mit würdigkait do horten die menschen ain hymelisch gesang vnd sungen die engel einfiglich. Lob sey dir herr alleluia alleluia. von dem zaichen wurden vil haidn glaubig die es hortn vñ sahen. die aber nitt wolten glauben die fluchen. rusticus vñ eleuterius lagen in dem blüt do hieß sy der richter in ain wasser werffen das sy die cristen nitt begruben. do man sy zu dem wasser wolt tragen. do saß ain edle frau an dem weg die hett

Sanct

got gar lieb vñ was ain cristin die sprach zū den manen die die hailigñ leichnam trügen. Ir sollent in mein hauß geen vñ darinn essen vnd die weyl sy assen. stal sy inen die zwen leichnam vñ begrüb sy got dem all mechtigen zū lob vñ eer bis der zeyt ain weil vergieng. do wurden sy begrabñ zū sanct dyonifio. do thet got grosse zaichen durch sy. ¶ Zū den zeyten was Regulus bischoff dem thet got der dreyer hailigñ tod kund die weyl er meß sang. vnd do er die zwölffspoten nennet als recht ist do nennet er dyonifio. rusticū vnd eleutheriū vnder seinem danck. wan er wist danocht nit das sy ertödt waren vñ er maynt sy lebten noch. Do sach er ain krütz auf dem altar steen vnd sach auff dem kreütz drey schön weiß tauben sitzen. vñ sach an iren pristen mit klagen büchstabñ er graben der dreyer name Dyonifius Rusticus. vnd Eleutherius. Do verstünd er wol das sy tod waren vñ ir blüt hetten vergossen durch got. Darnach barwet man dyonifio ain münster. vnd fürt marmelstein dar zū von dem mör die waren fast kostlich vnd machten ain redlich münster mit grosser gezierd. vnd legten manigen steyn daran der ye ainer dreihundert pfund gestünd. Nun het ain reicher kaufman auch ainen steyn an das münster gegeben der gestünd auch dreihundert pfund oder mer. der selbig kaufman het sein güt mit wücher gewünen. darüb was der steyn got vnmär. Vnd do man

Dyonifio

das münster solt weyhen. do kamen vil bischoff dar vnd ain aussetziger kam auch haymlichen in die kirchen des nachtes vnd lag darinn bis zū mitternacht Do sach er vil engel in das münster kōmen die warn reichlich beklaydt vnd trügen klare liechter in irn henden. vñ brachten zwen engel weirach vñ weichprūnen vñ kam auch vnser lieber herz jesus cristus dar der weyhet das münster gar schon. vnd die ain abseyten ließ er vngeweicht in der lag des wüchters stain. darnach gieng vnser lieber herz zū dem aussetzigen vñ sprach zū jm. du solt dem bischoff morgen sagñ er soll nit weyhen. ich hab das münster geweicht dan die abseyten hab ich nit geweicht. wan es ligt ain stain darin der ist mit wücher gewünen des will ich nit vnd haif in verkeren. vñ haif die selb abseyten weyhen das das volck den ablaß alle jar von den bischoffen hab. Do sprach der aussetzig. herz sy werden mir nit glauben. do nam vnser herz den aussetzigen bey dem hat vñ schut in mit ainand auß seiner haut do ward der aussetzig rain vñ wol gesund. Do sprach vnser herz. wenn du morgen die haut zaigest so glaubet man dir wol. damit verschwan de vnser herz. Vnd do der tag auffgieng do gieng der man mitt freunden dar zū dem bischoff vnd saget ihnen wie inen vnser herz emboten het vnd zayget in sein haut do wurden die menschen alle fro vnd lobeten got vnd namen des wüchters

stain auß der abseyten vñ weichten sy da mit grosser andacht. vnd darumb sollen wir vns hüten vor dem wücher. wann das selb güt ist got vngenam. Nun bitten wir sandt Dyonysium vnd seine gesellen die hailigen marterer das sy vns auch vñ got erwerben das wir hie menschen werden nach seinem lob vnd vns geb nach disem leben daz ewig leben Amen.

¶ Von sant Ewardo.



¶ Ewardus ist geboren von engeland von altem küniglichem geschläch vñ sein vater hieß eberius vnd sein müter engenia. vñ sy was ains hertzogin tochter von dē land Marmou. sant Ewardum zoch sein vatter vnd müter gar zärtlich wan sy forchtē er würd fleckig vñ lieffen in in das nächst hauf zu den kinden daz er auch sein kinthait dar mit vertrib. do kam der hailig gaisst

vnd erleuchtet im sein hertz in seinen jungen tagen. vnd ward geleret in der stat Menstora. do lernet er mit fleiß vnd diener got dem allmechtigen tag vnd nacht mitt beeten. vñ wachen vnd mit vil ander gütter übung. vnd het ainen gütten anblick vnd was demütig vñ vernünfftig. vnd innwendig in seinem hertzen nennet er offft den süßen namen vnser lieben herren Jesu christi vñ seiner müter marie. darnach starb sein vater. vnd ward im sein brüder auch ertödt. Do sendet man nach sant Ewardo das er zu engeland kam. da wolt man in zu ainem künig machen. do viel er nyder auff seine knye vnd lobt got den allmechtigen vñ sprach. Herz Jesu christe wilt du mich in meines vatters land bringen. bis mit mir vnd bis mein trost vnd mein hoffnung. mein got vnd herz. vnd die hailigen zwölffpotten Petrus vnd Paulus sollen auch mein väter vnd helffer sein. Vñnd do er das gesprach. do fürten in die bischof vnd des lands herren mitt grossen freuden in das künigreich zu engeland. vnd ward zu ainem künig gekrönet. do lebet er gar hailigklich vnd starb darnach saligklichen. do für sein seel zu den ewigen freuden. Nun bitten wir den hailigen künig Ewardū das er vns vmb gott erwerbe das wir menschen werden nach im vñ nach disem leben erlangen die freude der ewigen seligkait Amen.

¶ Von sant Calixto



Der hailig herz vnd hymelfürst
sant Calixtus was ain cristen vnd
het got den herren lieb vñ dienet jm
mit fleiß tag vñ nacht mit beten. va-
sten. wachñ vñ mit vil ander güter
übung. vñ saß bey dem wasser tibe-
ris vñ waren vil cristen bey jm an
ainem berg. Nun kam zñ jm vnd zñ
Rom in die statt ain groß feür das
verbrennet vil hayden vñ auch den
abgot Iouis vnd schlug in das er
zerbrach von ainem plitzen der schlü-
ge inn tempel. Nun was ain reicher
man in der stat der was des künigs
rat vnd hieß Palmarius der gieng
zñ dem kaiser Alexandro vnd sprach
Herz das leyden vñ vngemach ley-
den wir von vnsern göttern. dar-
umb das Calixtus bey dem wasser
sißt vñ die andern cristen. das thut
vnsern göttern zorn vñ rechent das
an vns. darumb gib mir vilaub das
ich die cristen menschen ertödt. Do

sprach 8 kaiser hab dir mein vilaub
vñ erlöf vns von disen bösen men-
schen da wir vnd die götter als vil
von müssen leyden. Do sieng Pal-
marius Calixtñ vnd die andern cri-
sten. do wurden die die sy gefangñ
hetten all blind. das saget man dem
kaiser vnd den andern herren. das
daucht sy wunderlich. do gebot der
kaiser dem volk gemainlich das sy
dem abgot mercurio opfferten vñ
in bäten das er in fund thät wie sy
aus dem leiden kämen. do ward ain
juncfraw mit dem bösen gaist be-
hafft die hieß Juliana die schry mit
lauter stym. der got den calixtus an-
beet der ist warer got der hat vnser
sündigs leben gerochñ. Do das pal-
marius hort do liefer bald zñ Calix-
to vnd begert des tauffs. do ward
Calixtus fro. vnd tauffet in in dem
namen gottes vñ sein frawen vnd
alles sein gesünd. daz ward dem kai-
ser gesagt vñ thet jm zorn. vñ befal-
he Symplicio das er besähe ob er
palmariñ mit güter red von cristen-
lichem glauben möcht bringen. das
thet Symplicius. do was palmari-
us stat an got. vñ wolt den cristen
gelaubñ nit lassen weder durch lieb
noch layd. vnd beetet mitt großem
fleiß vnd gab den armen vil durch
gotes willen. **Z**ñ den zeiten was
ain hayd der het ain greüliche fra-
wen die was siech dem was gar
layd vmb sy vñ het ir geren geholf-
fen vnd gieng zñ palmario vnd sp-
rach zñ jm. Ist cristus der herz der
war got. so bitt in das er mein fra-

wen gesund mach vnd thut er das so will ich auch an in glauben. do bat Palmarius got den herren vnd ruffte in an vñ sprach. Herz allmechtiger got ich bit dich das du die fra wen gesund machest darumb das dein eer geöffnet werd. do erhört in got vñ die frau ward gesund. do war sy seer fro. vnd viel für Palmarium vnd sprach. mich hat christus dein herz gesund gemacht. wā er kam zū mir vnd nam mich bey der hand vnd zoch mich auff do ward ich als bald gesund des dancket ich got vnd dir vnd beger den tauffe. do taufft er sy vñ iren man vnd vil menschen vnd Simplicius warde auch getaufft vñ bekort sich zū got. Do das der kaiser hort do ward er zornig vnd hieß alle die enthaubten die den tauff empfangen hetten. vñ do das geschach füren ire seelen zū den ewigē freuden. Darnach vingen man Calixtum vnd gabe im in fünff tagen weder zū essen noch zū trincken. vñ man schlug in die fünff tag alle mit knütteln. das layd er gedultigklich durch got. Vñ do er seinen glauben nit wolt lassen do er trecket man in vnd für sein seel zū den ewigē freuden. vñ gab im got 8 marter kron. Nun bitten wir sant Calixtū. durch alle freud die er mit got hat. das er vnser bot sey zū dem allmechtigen got. vnd das er vns vmb in erwerb alles das gūt sey zū seel vnd zū leyb. vnd das wir nach disem zergänglichlichen leben besitzē das ewig leben Amen.



Seyder des eerentreichen kaiser Hainrichs zeiten nach dem dritten kaiser Otto do giengē vil pilgram durch den namen christi durch sein reich. wā er was ain getreuer milter gütiger hertz. das sein die pligrā erfreuet wurden. wā er was ain fridmacher vñ ain zūflucht der armen menschen. Nun was zū den selben zeiten ain frūmer seliger man 8 hieß Colomānus der was von schotten land bürtig vnd was ain gūter cristen vñ het got lieb von ganzem seinem hertzen vñ dient im mit grossem fleiß tag vñ nacht mit beetten vasten wachen. vnd mit vil gūter Übung. wā er was ain hailiger man. Der selbig Colomannus hett gnad das er das irdisch jerusalem sehen wolt durch des hymelreichs willen. vñnd machet sich auff den wege mitt anderen Pilgeram die

Anton

Auch dar wolten vñ kamen zū österreich. zū hungern vnd zū behem. der zwayer land leüt. waß dem volk zū österreich gar veind. darumb das sy oft von in überwundn warn vnd so jämerlich peiniget hetten. darüb heten sy ain bösen arckwon zū dem diener gottes sant Colomanno. vñ mainten in heten die von österreich dahin gesant. vñ wär darumb dar kōmen das er das landt verspehen wölt. vñ wölt die leüt verraten dar umb warn die menschn gar zornig auff den diener gots. vñ viengn in vñ marterten in oft greülichen vñ legten in in den kercker. Vnd mainten sy wölten in des andn tags verurteilen Aber Colomannus der ritte Christi verzagt nit. vnd im was die zeyt kurz des hynfließenden lebens. vnd het ain starcks gemüt in got den almechtigh. vñ eylet zū der marter vñ begert das im der marter kron wüdt die den gelobt ist die vast streitent als sant Paulus schreibt. Des morges nam man in auß dem kercker vñ fñrt in für den richter. do erzayget er in mit der red vñ mit geberd die gedult vñ die sensst mütigkeit die er in dem hertzen het. Do fragt in der richter von d sach seines gefertes. do sagt er im in der warhait als es was. Vñ mochten in anders nit nōten zū verjehñ dan als die sach was. do hieß in d richter gaßlen. vnd vermaint ob er ain speher wär. das müßt er den veriehen vñ bekēnen von den schlegñ vñ von des smerzens wegn. Aber der

Colomanno

starck kämpffer begeret mit christo zū sein vñ vmb sein willen zusterbñ vñ achtet der grossen schleg nit. vñ der stain die man an in warff. Dar nach namen sy feürin zangen vnd zarten im damit sein flaisch ab vnd namen segen vnd zerrissen im seine bain damit. das layd er alles gedultiglich durch gott. vnd achtet der marter nit. wañ sein hoffnüg was zū got. do die diener sein grosse gedultigkeit sahn die namen wunder. Darab. vñ hiengen in an ain galgen daran starb er: do fñr sein sel zū den ewigen freüden. vñ hiengen zwen schacher zū im. der zwayer menschn flaisch assen die vōgel vñ andie tier Aber sant Colomāno wüchsen die negel an den henden vñ an den füßen auch sein bart vñ har. vnd grūnet sein flaisch weil er daran hieng das nam das volk wunder. ¶ Do nun gott sein hayligkeit vnd seinen leichnam wolt offenbaren. do was zū den selbenn zeyten ain man der hieß Komlet der het ainen sun dem was gar wee an seinen füßen vnd mocht kaum geen. darüb was sein vatter gar seer betrübet vnd weßt nitt was er thñ solt. Vnd aines nachts do schlieff er. do sprach ain stym zū im also. Wilt du das dein sun bald werd gesund. so bestreich in mit sant Colomanno flaisch der an dem galgen hanget. wann er ist ain hailiger mensch gewesen. do er erwacht ward er gar fro vnd sendet bald ainen botten zū dem galgn vñ hieß im den leychnā fleissiglich

süchñ. vñ hieß jm die ertzney bringñ
 Do kam der bott an die stat da der
 leichnam hieng. vnd schnit ain stuck
 flaisch herab als man in gehaisse
 herr. Do gieng zuhandt ain grosser
 flusß warms blüts herauf als ob er
 dannoch lebte. Do das der bot sa-
 he. erschrack er seer ab dem grossen
 zaichen vñ wunder. vnd bracht sei-
 nem herren das flaisch vnd bestrich
 das kind zu dreien malen damit. do
 ward es frisch vnd gesundt. vñnd
 gieng wa es wolt. do ward der va-
 ter seer fro vnd dancket got dem all-
 mechtigen vñ sant Colomanno der
 genaden das sein sun gesund was
 worden. Darnach gieng das kind
 vnd sein vatter vñ der bot den man
 nach dem hailigñ flaisch gesant het
 auch vil ander menschn vñ wolten
 den hailigen leichnā sehen. do sahen
 sy nyendert kain wunden noch ma-
 sen. do der bot das flaisch auß gesch-
 nitten het vñ was von den gnaden
 gotes widerüb gantz worden. Do
 was ain jäger der wolt es nit glau-
 ben. vnd sprach. Ich will es yetzund
 versüchenn ob von dem leychnam
 warmes blüt fließ. vñ nam ain mes-
 ser vnd stach es in den leichnam do
 flosß zūhand warmes blütt herauf
 vnd besprenget in vnd das pferdt
 darauff er dan saß. do wundert er
 vnd die andern menschen die das
 groß zaichñ sahen. do nam romlot
 vnd die andern menschen vil pfaf-
 sen mit jnen. vnd namen den hay-
 ligen leichnam von dem galgen vñ
 begruben in mitt grossen eeren vnd

wirdigkait. Nun bitten wir den lei-
 ben hailigen sant Colomannū das
 er vns auch vmb got erwerb nach
 disem zergänglichhen lebñ das ewig
 leben Amen

¶ Von sant Luca dem
 hailigen ewangelisten



¶ Der lieb hymelfürst sant Lucas
 ist geboren von Anthiochia vnd ist
 ain leyplicher vñ ain gaislichet artz-
 et gewesen. vnd ward bekert nach
 vnsers herren virstend vnd hatt ge-
 schriben das buch Actus apostolo-
 rñ daz haist der wirckung der zwelf
 boten in dem stat geschribñ 8 zwölff
 boten leben. vñ er ist auch der ewan-
 gelistñ ainer. wen er ward dem pro-
 pheten Ezechiel kundt gethan von
 got in ainem gesichte. der sach vier
 tier. das ain thier het ains mēschen
 haubt. daz ander ains lewen haubt
 das drit ains ochsen haubt. vñ das
 vierd was ainem adler gleich. mit

Matthaeus

Diesen vier thieren bezaichnet got der her: die vier ewangelisten. bey den vier thieren gab got zuerkennen vier artickel die die vier ewangelisten geschrieben haben. sant Johānes geleichet man wol dem adler. wann er flüigt höher dan ander vögel. also hat sant johānes höher geschriben vñ gelert von der gothait Das tier mit dem menschnhaubt bedeut sant Matheum. wan er hat allermayst geschriben von der menschat vnser herren Jesu christi. darumb hatt in got bezaichnet bey dem thier mit dem menschnhaubt. das thier das dem ochsen geleicht ist. bedeut den liebñ sant Lucam der da geschriben hatt von der marter jesu christi vñ von seinem tod den er hat gelitten. wan als man den ochsen in 8 alten ee für der menschen sünd geopffert hat. also hat sich Christus der oberst vñ der höchst priester geopffert seinem hymnischen vater für aller menschn sünd. Von dem artickel hat sant Lucas allermayst geschriben. darumb hat in got bey dem ochsen haubt bezaichnet. Das vierdt thier. bey dem lewenhaubt bedeut sant Marcum wan 8 leo ist als starck das im kein thier widersteen mag so erkücket er auch seine todte kind an dem dritten tag mit seiner stym vom tod. Also seyen wir auch erkücket mit Christo vnserm herin vñ erstanden an dem dritten tag von dem tod der sünd vñ als dem leo kein tier widersteen mag. also mocht christo nyemandt widersteen am ostertag do er von

Lucas

dem tod mit gewalt erstünd. Von dem artickel hat geschriben sanctus Marcus allermayst. darüb ist er bezaichnet by dem lewen. Der lieb her: sant Lucas hat ain wirdigs leben gehabt daz hat got gar wol gefallen vñd auch den menschen wan er ist fruchtber gewesen allen menschn vñd auch im selber. er ist auch adelich geziert gewesen mit gütten sitten vñ güttem wandel vñ den Gaben des hailign gaissts. vñ mit allen tugendñ. wan er was des hailign gaissts vol. darumb was sein begirde in inbrünstiger lieb erhebt gegen got dem allmechtign vñ begert des ewigen lebens allen menschen als sant Paulus von im schreibt. sein leben was ain englich leben. wan er was on alle mackel sant jeronimus schreibt auch von im. daz er wär ain maler vñd ain juncfraw. vñ belib also mit dem leyb. vñd gemüt mitt Worten vñd wercken. Vñd sucht in allen seinen dingñ nichts anders dan die eer gottes vñd das lob des allmechtign vaters. vñd leeret mit sant Paulo den weg der warhait. vñd belib mit im in allem leyden vñ widerwertigkait. vñd alles das er geschrieben hat ist nit anders wann haylsame ertzney der liebhabenden seel. darumb hat in sant Paulus in seiner epistel den güten artzt gehaisst. wan er hat vns ain dryualtige ertzney gegeben mit seiner güten lere Vñd die erst lere die er vns gemacht hat. die ist der syben hailigkait aine die haist büß damit wir vnser

sünd vertreiben vnd den siechtumb
 vnser seel. Die ander erzney meret
 vns vnser gesuntheit. das sind die
 rät vnser herren jesu christi die be-
 schirmet vns vñ machen vns vol-
 kōmen. die schreybt Lucas in seinem
 ewangelio vñ mant vns die zū be-
 haltē. Die drit erzney die er vns in
 seiner leer gibt die haist fliehen die
 bösen gesellschaft vnd haist vns
 auch meydñ die stat die vns zū sün-
 den ist bringen vñ vrsach geben. die
 erzney behelt vnser leben in rechter
 ordnung gegen got. vnd gegen al-
 len cristen menschn̄. Do nun der lieb
 her: sant Lucas vil güter werck ge-
 würckt hett. vnd do er dreü vnd si-
 benzig jar alt was wordñ do war-
 de er siech vñ starb. vnd gab seinen
 gaist auff. seinem hymlischen vater
 mit grosser begierde vnd andacht.
 Vnd sein hailiger leichnam ward
 begraben in der statt Bichrine dar-
 nach ward er gefürt gen Constan-
 tinopel da ward er aber mit groß-
 sen eeren vnd wurden empfangen.
 Do geschahen aber vil zaichen da-
 mit got der almechtig in geeert vñ
 gewirdiget het. ¶ Aines mals leg-
 ten sich gar vil hayden für die statt
 Anthiochiam daruon sant Lucas
 geboren was. do waren die cristen
 menschen in der stat in grossen äng-
 sten vnd nöten vñ hetten weder zū
 essen oder zū trincken vnd forchten
 sy müsten hungers sterben. das ver-
 henget gott der almechtig über sy
 von irer sünd wegen. do ward in
 von got dem almechtigen kund ge-

than das sy das innen wurden. do
 kereten sy ire hertzen zū got dem all-
 mechtigen. mit grosser reü vñ layd
 vñ rüfften sant Lucam an mit ernst
 vnd batten in das er in kundt thät
 vñ in hulff vmb got erwerben das
 sy iren veinden an gefigten. Do er-
 schyn ainem gütten mann in vnser
 frawen kirchen ain durchlechtiger
 man in weysen klaydern do in der
 man fraget wer er wär. sprach er.
 Ich bin Lucas der ewangelist got
 des herren. vnd thū eüch kund das
 sich got der hymlisch vatter mit al-
 ler hymlischer ritterschaft gesamelt
 hat. vñ will seinen ellenden dienern
 in der stat zū hilff kōmen vnd will
 da mit in wider ir veindt sein. Do
 ward der selbig man gar fro vnd
 gieng hin vnd sagt es den menschn̄
 in der stat die lobten got den allme-
 chtigen darumb. vnd wurden gar
 bald manhaft vnd starck in gott.
 vnd hetten ain ganz vertrauen in
 got vñ zugen mit grosser hoffnüg
 in got auß der stat zū iren veinden
 auff das veld. vñ so bald die veind
 das volck an sahen. do erschracken
 sy darab. wann sy sahen zū ainer
 seyten gar ain grosses hōre. vnd zū
 der andern seyten was das volcke
 auß der stat des was mynder. Do
 sy die grossen menig sahen do wur-
 den sy zūhād flüchtig auß dem land
 vnd wurden die cristen ledig von
 in. do wurden die cristen fro. vñ
 danceten got vñ sant Lucas der ge-
 naden. Nun helff vns sant Lucas
 auch zū dem ewigen leben Amen.

Von sant ¶ Von sant Gallen



¶ Sant Gall was ain crist vnnnd dienet got mit fleiß tag vnd nacht mit beten vasten. wachen vñ mit vil gûter übung. vñ floch der welt wolust vñ freud vñ ward ain münich vñ lebt seliglich Nun was Colūbanus auch ain gûter seliger man. vñ het got lieb. vñ wolt in das ellende geen vñ wolt durch got wandern in schottēland. vñ er nam sant Gallen mit im vñ ließ in nit von im wo er hin gieng. darnach kerten sy wider in swaben land vñ setzten sich in ainen tieffen wald. Vñ Columbanus empfalche sant Gallen das er die menschen leret vnd sy zū got dem allmechtigen kere. das thet er mitt grossem fleiß vñ sagt allen menschen das die abgötter kein kraft heten vnnnd warff den abgot in ainen see Nach dem da weyhet Colūbanus ainen abgot tempel zū ainer kirchē

Gallen

got zū lob vñ eren. da dienten sy got mit fleiß in der kirchē. vnd sy gewunnen auch ander priester zū in die dienet auch got. Nun was sant gall ain gûter vischer vñ bracht den brüdern oft visch damit sy sich labten ¶ Aines tags vischt er aber do horet er das die bösen gaist sprachent warumb lassen wir die münich hie sein. dan sy haben vns vil laids getann. darumb sollen wir sy vertreiben vñ sollen sy nit an der stat lassen wann sy bekeren das volck alles zū got. Do das sant gall hort do sprach er zū den bösen gaisten. ich beschwoer euch vñ gebeut euch dz ir hinfarn vñ nyemand kein laid thuen vnd als er das gesprache do kam er zū seinen brüdern vnd saget in vnd verkündet in was er von den bösen gaisten gehört het. Do horten sy die brüder zehād in den lufften hin vñ her faren. vnd furen nach dem hin von dannen als inen sant Gall geboten het ¶ Nun was da ain hayden dem thet zoren das die brüder ire wonung do hetten. der sprach zū dem hertzogen. wer hat die münich in diese gegen bracht. du hast ir weß nutz noch ere. Do das der hertzog hort do sendet er seine diener zū den brüdern das sy die all vertreyben solten do kament sy zū den brüdern vnnnd namen in ain rind vnnnd schlügen ir zwen zū tod. vnnnd die andern verjageten sy. Do warde sant Gall so siech das er da müst beleyben vnd do er gesunt ward. do kam er mit seinem netze zū dem priester Wille

mar der het got lieb. vnd empfieng in gütlich. Der priester het drey caplan der erst hieß marnoldus. der ander theodorus. der dritt theobaldus der was ain dyacon den fragt sant Gall ober nyendert ain wald wist darinn er möcht bleiben. Do sprach theobaldus der dyacon. Ich waiß ain güte stat. do antwort sant gall. so bring mich dar ich wolt geren in der wüste sein die weil ich lebte. do sprach Theobaldus die stat ligt vn der ainem schönen berg vnd rynnnet ain wasser darauf. Do sprach sant Gall füre mich dahyn. do sprach er geren. do namen sy speiß zü in vnd kamen an die statt. do gewiel es im wol. vnd er vischet zuhand in dem wasser das da was. do vieng er genüg der visch. vñ do sy theobaldus briete. do sprach er zü sant Gallen. ysse fast lieber gesell. aber es sind vil wilder thier im wald schwein vnd auch beeren. Vnd welf. Do sprach er das ist mein mynste sorg. got der allmechtig halff Daniel vnder den lewen. do thet sant Gall sein gebeet zü got vnd sprach. hie ist die stat da ich got dienen soll vnd da beleyben.

¶ Zü den zeiten het der hertzog des lands ain tochter die was mit dem bösen veind behafft. das was dem hertzogen layd. vnd schrib sant Gallen ainen brieff wan er bekät sein hailigkait wol vnd bat in fleissigklich das er zü im käm vnd im sein tochter von dem bösen veind erlediget. das wolt sant Gall nit thun. wan er gedaucht sich sölicher hailigkait

nit würdig. do sendet der hertzog so vil botten nach im das er müßt kommen. do was sy seer beschwärt. do rüft sant Gall got mit ernst an. vñ gebot dem bösen veind in der kraft gotes das er von der juncckfrawen für. vñ trib den bösen gaist auß mit seinem hailigñ gebeet. daz sahen vil menschen die da eingangen waren. vnd sahen die bösen veind von irn mund farn als ainn schwarzen vogel. vnd der böß veind ließ ainen bösen geschmack hinder im. vñ die juncckfraw ward vnmächtig vnd viel auff die erden. do hüb sy sant Gall auf. vnd do er synun berürt het. do ward sy wider starck vnd wol gesund. do ward vater vñ mütter gar fro vnd danckten got vñ sant Gallen der gnaden. Vñ der selb hertzog gab im vil güts das gabe er alles durch got den armen menschn. Vñ der vorgemelt hertzog wolt in zü ainem bischoff gemachet haben. das wolt er nit thun vnd ließ die eer geren durch got den allmechtigen.

¶ Sant Gall het ainen sitten daz er ain täschlin an im trüg darinne was vnser frawen hayltumb. vnd sant Maurizen vnd sant desiderij. das hailtüb hieng er an seinen stab vnd stieß in in die erden. vnd sach auff gen hymel vñ sprach also. herz Jesu chüste der du geborn bist von ainer raynen keuschen magt. ich bit dich das du mich nit verschmähest vnd füg vns hie ain statt das wir dir wol dienen mügent. Darnach saßen sy nyder vnd assen. vnd nach

Von sant

dem essen baten sy got den allmech-
tigen aber mitt grossen fleiß vnn-
der ernst. vnd legeten sich da nyder vñ
schliessen. vnd stünden bald wider
auff vnd sant Gall knyet nyder für
sein hailtumb vnd beetet. Do gieng
ain beer dort her. der asse greulich
der brotmen die von irem tisch ge-
fallen warn. do sprach sant Gall zū
im. Ich gebeit dir bey dem allmech-
tigen ewigen got das du vns holtz
zū tragest. vnd vns vor allen thie-
ren bewarest die vns schaden mü-
gent thūn. vnd nym alle tag dein
narung von vns. daz gebot behielt
der ber mit grossen fleiß. das hort
Theobaldus: der stund auff vnd
viel für sant Gallen do sprach er ich
bitt dich das du das gesichte nye-
mandt sagest. do machet sant Gall
ain schönes reychliches kloster dar
das steet noch daselbst. ¶ Vnd do
sant Gall neunzig jar alt was wor-
den. do ward er siech vnd starb sã-
liglichen do für sein sel zū den ewi-
gen freuden. da hyn vns auch gott
der herz wöll helfen. Vnd do man
in begraben wolt do ward die bar
mit dem leichnã so schwer daz man
in von der stat nit tragn noch brin-
gen mochte. also stellet man zway
pferdt an ainen wagen vñ die men-
schen hüben die bar auf den wagn
vnd fürten in die pfert on alles lay-
ten zū seiner zell. wan er starb auff
ainem berge. do begrub man in in
die kirchen die er selbs gemacht vñ
gebawñ het. Er het auch ain tasch-
en bey seynem leben die trug er all

Arula

wegen bey im. die was versperret
vnd verschlossen vnd kund sy auch
nyemandt auff thūn. Vnd do er ge-
starb do het nyemandt kainen schlüs-
sel darzū do brach man sy auff. do
funden sy gar ain scharpffs hembd
darinn verschlossen das het er all-
wegen an seiner haut an getragen
vñ auch ain raine fetten dabey. das
sahen seine junger erst do er versch-
ayden was. Vnd die taschen sant
Gallen thett darnach vil zaychen
von seiner hailigkeit wegen an vil
menschn die sein begerten. ¶ Nun helf
vns sant Gall der hailig abbt vnd
beichtiger vmb got erwerben das
er vns auch sãlig menschen mach
nach seinem lobe. vnn vns geb ain
gutes end. vnd nach disem zergeng-
lichen leben die ewigen freud vnd
sãligkeit Amen.

¶ Von sant Disula vnd
irer gesellschaft.



Es was ain künig in Britania der hieß Maurus vñ was ain cristen der het ain tochter hieß Visula die was gar schön vnd weiß vñ be hielt ir keuschait durch gott. Nun was zū den zeiten ain künig in engeland der was ain haiden Nun sagt man so vil von sant Visula schöne vnd von irer weißhait daz ir lob in daz reich zū engeland auch kam. vñ do der künig vñ sein sun so vil von sant visula schöne horten. do schickten sy boten zū dem künig Mauro. vnd ließen in bitten das er sein tochter visulam des künigs sun ethero gāb. Do erschrack er ser. darūb daz er vngelaubig was. wann er was mechtig vnd gewaltig vnd vorchet auch versaget er jm sein tochter visulam er rāch es an jm. Vnd forcht sein tochter nām in nit darumb daz er ain haiden wār. vnd sagt seiner tochter die botschafft. vnd fragt sy was sy tūn wōlt. do embot sy dem künig wōlt er sy dreier gebeet gewesen so wōlt sy seinen sun nemen. daz erst wār das er ir zehen juncfrawen gewinne die edel wāren so wōlt sy die aylst sein. vñ den aylst edlen juncfrawen yeglicher tausent juncfrawen zūgeben wōlt vñ das ir also aylstausent wurd. Das ander gebeet ist das man vns schyff soll machen. das ich dreü jar kurtzweyl mit in hab. Das dritt gebeet ist das sich dein sun soll lassen tauffen. so will ich in nach dreien jaren nemen Do nun der künig vnd sein sun die botschaft vernamen. vñ man inen

gesaget heet das sy also schön vnd weiß was. do gewan des künigs sun etherus genant groß liebe zū ir. vnd sprach er wōlt es gern tūn. vñ sein vater auch. vñ ließ sich zūhand tauffen vñ samelt die juncfrawen überall biß das ir aylstausent wurden vnd klaydet sy reichlich vñ sendet sy sant Visulahaim. do ward sy fro. vnd bat got das er mit ir wār. vnd sagt den juncfrawen vil von cristenlichem glauben. vñ wōlche hayden vnder inen warn die ließen sich tauffen. do gewinnen die juncfrawen sant Visulen gar lieb. vnd man saget überall von den schönen juncfrawen do het sant Visula irer mütter Schwester die was ain witwe vñ was auch ain künigin in Cilien. die kam auch zū den juncfrawen vnd bracht vier juncfrawen mit ir. vñ ain sun vñ wurden auch hernach mit den juncfrawen erschlagen. Die juncfrawen triben vil kurtzweil auff dem mōr. vñ sant visula vater schickt inen vil ritter vñ knecht vnd gefinds. vñ kamen auch vil bischoff zū in. Vnd do man nun das groß wunder hort vñ sahe. do kamen arm vñ reich zū den juncfrawen vñ sahen sy. do schlug der winde die schiff zū dem land Gallie vnd kamen darnach an den rein zū Kōlen. Do erschyn sant Visula ain engel der sprach zū ir. Ir sollent durch got hie gemartert werden. doch sollent ir gen Rom kōmen. damitt verschwand der engel. Do machet sich sant visula auff den weg vñ schiffte

Von sant

in die stat Basiliam die ligt nabent bey rom. da liessen sy ire schiff vñ gerät vñ giengen hinein gen Rom. Zu den selben zeiten was Ciriacus bapst der was von sant ursula lād geboren. vñ do er hort das die seligh juncfrawen von seinem land waren bürtig. do gieng er mit den pfaffen vñ mit der procession gegn den juncfrawen. wā es waren ir vil darund die sein mümen waren. vñ er saget in vil von gott dem herren vñ taufet etlich die noch nit getauft waren. Do kam ain stym in der nacht zu dem bapst vñ sprach zu im. Du solt mit den juncfrawen farn vñ solt mit in gemartert werden do hieß der bapst des morgens die pfaffen zu im kōmen vñ sagt in daz er mit den juncfrawen wölt faren vñ bat sy das sy ain andern bapst wölten setzen. do was den cardinālen allen laid. vñ baten in daz er bey in belib. das wolt er nit thū. vñ beualch sy ain herre der solt ob in sein Zu den zeiten waren zwen fürsten. der ain hieß Marinus der annder Affrianus den thet zoren das so vil volcks mitt den juncfrawen zoch. frawen vñ man. vñ das sy an got gelaubte. vñ fragten sy wo ir straf hin wär. vñ als sy das erfragten do sandt in sy zu ainem künig vñ emboten in das er zu den juncfrawen kām vñ sy all ertödt. als er hernach thet. Vñ do die juncfrawen vñ der bapst wider von rom zugen. do zoch ain cardinal mit in der hieß vincencius. vñ ain erzbischof von an

Ursula

thiochia. vñ sunst zwen bischoff hiessen Simplicius vñ Mauricius. die fürn all mit den juncfrawen aus vñ wurden all mit inen getödt Vñ der künig von engelland. der starb in dem fünfften jar. vñ was vor getauft worden. vñ sein sun etherus der ward künig über das land den man sant Ursula verlobt het. der het got lieb vñ dient in mit grossem fleiß. vñ wartet wenn in sant ursula von hinen nām. do kam der engel gottes zu im vñ sprach. Wol auff vñ lass deinn gemach beleyben vñ begegne deiner brant vñ far mit ir gen köln. da wirst du gemartert vñ empfahest deinen lon. Do machet sich der künig auff vñ nam sein schwester vñ müter vñ ain bischoff der hieß Clemens mit in. vñ der bischoff marculus von triechē kam auch dar. vñ sein mām Costancia ains künigs tochter. vñ do das volck alles zusamen kam do wurde sy zu baiden seiten gar wunderbarlich zusamengefüget. vñ führen mit ainander an den rein. vñ do sy dar kamen do samelten sich die haiden mit ainem grossen hören der stat zu köln zu layd. do für der hailigen juncfrawen sant ursula hör gegen den haiden. wā es was ir weg also. do namen die haiden schwerter vñ spieß vñ ertöden das volck alles. juncfrawen vñ man den bapst bischoff. arm vñ reich. Do der haidnisch fürst sach das sant Ursula so schön was als ain künigin do sprach er zu ir Liebe juncfraw. du solt

dich wolgehaben vñ der juncckfrawen tod ich will dich ir wol ergetzen vñ dich zū ainer frawen haben vñd will dich an mein seyten setzen: do thet sy so schmälichñ darab das er sy zū tod erschosß vor grossem zoren. do für ir sel zū den ewigen freuden. Do was ain gütte juncckfraw vñder in die hieß cordula die forcht den tod so ser das sy sich in das schiff verbarg biß an den dritten tag. darnach was ir ser layd das sy sich nit mit den andern juncckfrawen het lassen tödten Vñd gieng mit willen zū den haydñ do stach ainer ain schwert durch sy. do für ir seel auch in den hymel zū got dem allmechtigen vñd zū dem hymelischen hör. vñ kam auch zū den andern juncckfrawen. Do begieng man iren tag nit. do erschyn die juncckfraw ains mals ainer klaußnerin in grosser klarhait vñ sprach zū ir ich haif Cordula vñ bin der aylff tausent juncckfrawen aine vñnd warde an dem dritten tag nach jnen gemartert mit ainem schwert durch stochen. darumb hayß meinen tag legñ des nächsten tags darnach. damit verschwand sy vñ die klaußnerin thet das kund. Ain reicher abt kam zū köln zū ainem kloster vñd bat die äbtissin durch got das sy im ainen ganzen leychnam gäb von den hailigñ juncckfrawen vñd gelobt der äbtissin er wölt der juncckfrawen ainn silberin sarch lassen machen. vñd wölt sy darein legen. vñd wölt auch den sarch auff iren altar setzen. vñ die äbtissin gab

im ain juncckfrawenn. do ward er auß der massen fro. vñd füret sy zū seinem kloster vñd leget sy in ainen hülzin sarch vñd sagt sy auf den altar. vñd do sy ain jar in dem sarch was gelegen. do sungen die brüder mettin an der aylff tausent juncckfrawen abent. do sach der abt vñd die brüder ain schöne juncckfrawen von dem altar herab geen. die naygt sich vor dem altar vñ gieng hinweg. do sücht der abt vñ die brüder die juncckfrawen vñd funden ir nitt. do kam der abt wider gen Köln vñd saget wie im geschehen wāt mit der juncckfrawen. Do sücht man die juncckfrawen vñd fand sy an iter vorigñ stat. do bat der abt aber die äbtissin vmb ain juncckfrawen. vñd gelobet ir er wölt ir ainen reichen sarch machen lassen. aber man wolt sy im nit geben. ¶ Ains mals was ain münich in ainem kloster der het die aylff tausent juncckfrawen gar lieb vñd dienet in fleissiglich. vñd ains mals ward er gar siech do kam ain schöne juncckfraw zū im die sach er gern vñ sy sprach zū im Kennest du mich nitt. do sprach er nayn. Sy sprach: ich bin der juncckfrawen aine die du lieb hast. du solt dich vñnsers lons nit verzeyhen vñ solt vñs aylff tausent Pater noster sprechen. tust du das so wöllen wir dir gesellschaft laisten an dein letzten zeiten. vñ wöllen dich tröstñ. damit verschwand sy. do sprach er die Pater noster mit ganzem fleiß. vñ do er sterbñ wolt do ölet man in vñnd die brüder ka-

Von sant Crispino

men all zū im. vnd do er die hailig-
keit empfangen het do rüfft er vnd
sprach. Weichend weichend lieben
brüder vnd lassent die hailigen jun-
ckfrawen zū mir. die wöllent mich
trösten vnd beschawen. do sprach
der abbt lieber sun sag mir was du
mit diser red mainest. do sprach er.
Es seind die hailigen junckfrawen
zū mir kōmen vnd haben an mir vol
bracht als sy mir gelobt haben. vnd
sy trösten mich. Do giengen die brü-
der ain weyl von im vnnnd kamen
bald herwider. do was er verschay-
den. vnd die hailigen junckfrawen
fürten sein seel zū den ewigen freū-
den. Nun bitten wir die hailigen al-
le mit aller irer gesellschaft das sy
vns vmb got erwerben das sy vns
behüten vor tödtlichen sünden vnd
vor weltlichen schanden vnd gebe
got vnserm leben ain güt end. vnd
nach disem lebē das ewig leben.



und Crispiniano

Von sant Crispino
vnd Crispiniano.

Sant Crispinus vñ Crispinia-
nus waren zwen edelmañ vnd saß
sent in der stat zū Rom vnd waren
cristen. Zū den zeiten hetten Dyocle-
cianus vnd maximianus das reich
innen die waren den cristen mensch-
en gar veind. vnd marterten vnnnd
tödteten sy wo sy die an kamen. dar-
umb fluchen die seligen mañ in Sa-
bastina vnd lerneten schüchwerck.
vnd waren got dem herin mit fleiß
dienen tag vñ nacht mit beeten. va-
sten. wachē vñ mit vil ander gūter
übung. Vnd den armen menschen
machten sy schüch vmb sunst. vñ na-
men nitt mer vmb ir arbeit dann ir
leibs narung vnd lerneten auch die
menschen cristenlichen glauben. das
ward dem kaiser gesagt. do sant er
Kecio nach in. Do sprachen sy. wir
seyen von rom. vñ glauben an vn-
sern herren iesum cristū. Do sprach
Kecius. lassent eüwern vngelaubē
vnd glaubent an meine götter als
eüer vätter theten. Do sprachen sy.
Man solt dem vater billich volgn
will er sich aber in die helle sencken
so sollen die kinder gedencken daz sy
der hell über werden mügen. Do ge-
bot der kaiser dem richter das er die
mañ darzū brächt daz sy den abgöt-
tern soltē opffern. vñ wölten sy daz
nitt thūn so solt man sy greulich sch-
lahen. Do hieß sy der richter den ab-
göttern opffern. des wolten sy nitt
thūn. das thet im gar zoren vñ hieß
sy so lang mit knitteln schlahen byß

das sy nit mer krafft hetten. das lie-
ten sy gedultiglich vnd lobten got
in irer grossen krankhait Darnach
hieß in der richter überal wächspine
liechter vnder ir negel stecken vnd
hieß in riemen auß iren rücken sch-
neiden. vñ ließ in alen in ir hend vñ
füß stecken. Do halff in got das die
alen auß iren henden vñ füßen schuf-
sen vnd führen in die haiden vnd er-
töden ir vil. das thet dem richter
zorn. vnd gebot man solt sy in der
grossen keltin ertrencken. Do band
man in zwen stain an ir hals vnd
bracht sy auff das wasser. do was
got der ewig vater mit inen das in
die stain von den halsen kamen. vñ
kamen auff ainen grossen stain der
floss mit in an das gestad. das thet
dem richter aber zorn. darnach na-
men sy die hayden vnd sagten sy in
ain wallendes bley. do halff in got
aber das daz bley auß dem kessel für
vnd verbrennet mangel haiden vñ
dem richter sprang ain aug auß daz
er daran erblindet. do hieß sy 8 rich-
ter vor grossen zorn in haifß öl vnd
bech setzen. do halff in aber got der
allmechtig das in nye kain layd ge-
schach. do ward 8 richter so zornig
darumb das sy nit sterben wolten
das er vor zorn in das bech viel vñ
starb darinn vnßälliglich. vnd für
sein seel in die ewigen verdammuß
dauor vns got der almechtig behüt
Vnd do der kaiser hort das der rich-
ter todt was. do was in seer layd
vmb in. vñ gebot vor zorn das man
die hailigen mann solt enthaubten.

das volbrachten die diener vñ ließ-
sen sy also ligen wie sy enthaubtet
waren do führen ire selen zu den ewi-
gen freuden. Nach dem erschyn der
engel gottes ainem alten man vnd
sprach zu in. du solt die hailgñ man
Crispinum vñ Crispinianū in dein
hauf begraben. das thet er vñ nam
sein haufswen mit in. vñ sy trö-
sten sich gotes des allmechtigen vñ
kamen zu den hailigen leychnā vnd
hüben sy auff vñ trügen sy haim do
waren sy so ring daz sy vermaiten
sy trügen ir nit. vnd brachten sy an
ain wasser. do bracht der engel got-
tes ain klains schiflin darauff legtn
sy die hailigen leichnam do für das
schiflin selber on aller menschñ hilff
zu des mans haufs. do wurden sy
gar fro vnd begruben die hailigen
leichnam mit grosser andacht. Dar-
nach über vier jar do der cristenlich
gelaub weyt gebraytet warde. do
grub man ir hailigs gebain auß. do
geschahñ vil grosser wunderzaich-
en do wurden vil menschen gesund
von iren krankhaiten. das erwur-
ben die hailigen vmb gott von irer
hailigkait wegen. Vnd do die cri-
sten menschen die wunderzaychen
sahen. do machten sy den hayligen
ain schöne kirchñ. vnd legten sy mit
eeren darein. vnd es kamen vil men-
schñ dar. den thet got vil gnad vñ
der hailgñ willen. Nun bitten wir
die lieben hailigen das sy vns vmb
got erwerben hayl vñsers leibs vñ
der selen Amen.

¶ Von sant Symon vnd Juda.



Zu den zeitn do vnser lieber herr
Jesus auf dem erdtrich gieng vnd
vii zaichen thett. do was ain künig
in der statt Abissa der hieß Abaga-
rus der was lang zeit aussiezig ge-
wesen. der hort von den zaichen die
vnser herr Jesus Christus thet daz er
die sunder siechen rain macht. vnn
die todtn lebendig. do ward er gar
fro vnd hoffet er machet in auch ge-
sund vñ schrib vnserm herren ainen
brief vñ schrib im also. dem sun des
hails Jesu Christo. der da wandert
vñ erscheint zu Jerusale vñ andern
stetten embeüt ich Abagarus mei-
nen grüß. vnd laß dich wissen das
ich vil gehöret hab das du die men-
schen hast gesund gemacht on alle
ertzney wurzñ vñ kreüter. vñ mach-
est die blinden mit ainem wort gese-
hent. vñ die lammen gerad. vñ die sun-
der siechen rain. die todten lebendig
do ich das von dir vernam do ge-

dacht ich mir in meinem hertzen. es
müß der zwaiier ains sein. aintwed
du wärest got vnd wärest von hy-
mel herab kōmen. das du so grosse
wunderzaichen tūst. od du bist got-
tes sun darüb das du sy tūn magst
darumb bit ich dich das du dich zu
mir fügest oder zu mir kōmest. das
du mich rayn machest von meynen
aussiezigkeit. vnd wañ ich wol ver-
nym das die juden vast wider dich
sind vñ dich ser neyden. darumb so
kōm zu mir ich hab ain klaine erbere
stat da du wol sicher bist vor den
juden. an der statt haben wir bayd
genüg. wañ es ist gar ain gūte stat
Do nun vnser lieber herr Jesus Cri-
stus die botschafft vernam. Do sch-
rib er im hinwider ainen buess der
was also lauten Abagarus du bist
selig daz du an mich gelaubest vnd
mich nitt gesehen hast. wann es ist
von mir geweyssaget worden vor
zeiten. Das die menschen an mich
glauben die mich nitt gesehen ha-
ben. vnd die mich sehendt die gelau-
bend nit an mich. vnd von dem du
mir geschriben hast das ich zu dir
kommen soll. das mag ich yetzund
nit thūn. wann ich müß die werck
volbringen durch die ich gesant bin
vñ würd darnach empfangen von
dem der mich gesant hat. vnd wen
ich dan auff far zu dem der mich ge-
sant hat. so will ich dir meiner jun-
ger ainen schicken der dich erledige
vnd gesundt mach. Do der künig
vnser herren brüß gelaf vnd hort
das er in gegenwirtlichen nicht

gesehen noch gehabt mochte das was im gar layd. vñ sendet ainen maler zū im. das er im vñsers herin Jesu chusti angesicht malt vnd sprach. seydt ich den hailer aller welt nit gehabt mag. das ich doch sein bildnuß ansehe den ich leiplich mitt meinen augen nit gesehen kan. Vñ do der maler zū vñserm herren jesu kam vnd das tuch wolt malen. do gieng als ain grosser schein von seinem angesicht das er in nit gantzlich mocht ansehen. vnd kund das tuch nit entwerffen noch maln vor dem schein. do vñser herr das sach. nam er das leinin tuch vnd trucket es vnder seine augen. do enpsieng das tuch die gestalt als vñsers her angesicht vñ der maler bracht dem künig daz tuch. do ward er gar fro Nun het vñsers herren brief die krafft. wen sich die veind für die statt abissa legten da s brief inn was. so liessen sy ain kind auff daz thor steen vñ hießen den brief lesen. so wurde die veind zūhand flüchtig vñ gesigten in an von der grossen genad wegen des briefs Vnd mag auch kein ketter noch kein vngelaubiger mensch in der stat beleibn. vñ nach dem als vñser lieber herre gen hymel für do sendet er sein zwölffpotten symon vñ judas zum künig Abagarus. do saget im Judas er wär vñsers herren jesu chusti junger. der im gelobt hett er wolt im seiner junger ainen senden. do ward der künig fro vnd sach den zwölffpotten an vnd sach ainen götlichn schein vnder seinem

angesicht. do erschrock er vñ beetet in an vñ sprach Warlich du bist der junger gotes der mir geschribn hat er wöll mir seinn junger senden der mich gesund mach. vnd mir das leben gea. do sprach Judas gelaubst du das jesu der war gottes sun ist vñ nam den brief den vñser herr jesu chistus geschriben het. vnd bestrich in damit. do ward er zūhand frisch vñ gesund do ward er fro vñ dancket got seinn gnaden. vñ ward getaufft von sant Juda. Darnach sendet vñser herr symonem vñ juda in das land persia darin dienten sy got mit fleiß tag vnd nacht. Nun wolt das volck in dem land India dem kayser nit zinsen von persia. do befalch er ainem herren der hieß Baradach das er in das land zug vnd das volck dartzu brächte das sy im müßten zinsen. do samlet s herr ain groß volck vñ wolt in das land ziehen. vñ bat sein abgot fleissigklich daz er im solt sagñ wie es im in dem streit ergeen solt. do wolt er im kein antwort geben. do für er in ain andere stat vñ klagt dem selbñ abgot das im sein abgot kein antwort geben wolt. Do sprach der böß veind auß dem abgot. Es sind zwien man dar kōmen vñ dieweil sy da sein so mag eier abgot nit redñ. do sprach Baradach wie haissen die man. do sprach s böß gais. sy haissen symon vñ judas. Nach dem für baradach wider haym vñ hieß die zwölffpotten sūchñ do fand man sy vñ bracht sy für in. do redet er mit inen vñnd

Anton

sprach also. wie ist euer kraft so gro-
se das vnser abgot vor euch nit ge-
reden mag. oder wer seyt ir. Do spr-
achen sy. wir glauben an vnsern her-
ren Jesum cristū. der hymel vñ erd
erschaffen hat. vñ der gewaltig ist
vñ von ainer rainen juncfrawen
geborn. der durch vns von den ju-
den ertödt ward. vñ wer an in ge-
laubt der wirt die ewigen freud in
dem hymel besitzen. vnd wer an die
abgöter glaubt der muß ewigklich
in der hell gepeyniget werden. Do
sprach der herz ich muß yetz an ain
streit reiten darumb kan ich euer ler
yetz nit hören. so ich aber her wider
kum so will ich euer red gern volge
Do sprach sant symon vnd judas.
seyd du dich yetz besorgest. so bedar-
fest du gotes hilff desten baß darüb
beker dich zu got dem allmechtigen
der mag dir wol syg geben vñ das
ewig leben. Do sprach der hertzog
baradach. Seyd vnser abgot mitt
vns nit reden will vñ eürem gebot
so sagt vnß doch wie vnser streyte
ergeen solt. Do sprachen die zwölff
botē. wir wollen eüerm abgot erlau-
ben das er mit euch rede. darüb das
ir innen werdent. das er euch betre-
ügt. das ir fürbaß nit mer an in ge-
laubn Do gieng der hertzog mit sei-
nem gefind zu dem abgot. vñ frag-
et in wie der streit ergeen wurd. Do
sprach der böß veind. Es wirt ain
grosser streyt. vnd dein höre wirdt
erschlagen. vñnd auch deine veind.
Do erschrack der hertzog seer Vnd
do die zwölffpotten das hortten do

Symon und Juda

sprach Symon. es ist nit war wan
gott der herre hatt vns disem land
zu trost her gesandt. darnub geet
es dir wol. vnd ich sag dir für war
das deine veind morgn bottn zu dir
her sendn werdñ vnd ergeben sich
dir. vñ werdñ dir fürbaß zinsen da-
rüb biß fro. Do sprach der abgötter
priester. Herz ir sollentt euch daran
nit keren. es seind recht verräter vñ
wollen die stat verraten. Do sprach-
en die zwölffpotn. nun habñ wir nit
gesprochen über vier wochñ. sunder
morgn zu tertzzeit Do ließ sy d hertz-
og bayd vahn. vñ auch d abgötter
puester. vñ seine veind ergaben sich
im als im die zwölffpotn gesagt het-
ten. Do nun der hertzog die warha-
it erkant. do ließ er der abgötter prie-
ster all vachñ der warñ hündert vñ
zwainzig vñ ließ in alles ir güt ne-
men vnd gab es den zwölffpotn. vñ
hieß die priester verprennen Do spr-
achen die hayligen. vññß hatt gott
der herz nitt darumb her zu euch ge-
sendet das die menschn vñ vnsern
wegñ sterbñ sollñ. sunder sy sollñ ge-
sund werdñ von vññß do ließ man
sy all ledig vñ die hailign achtñ deß
güts nicht das man in gegeben hett
vñ gaben es alles armen wittwen
vñ waissen durch got. Nun waren
zwen zauberer komen in die stat die
giengen zu dem hertzog vnd sprach-
en zu im. Du solt warten das dem
künig sein künigreych nichtt werde
verkeret zu cristenlichem glauben
wan es seind zwen man her komen
in dise stat die verkeren das lannde

mit ir ler vñ kompt groß mord dar
 non. du solt sy vertreiben od haif sy
 den abgöttern opffern. Do sprach
 der hertzog. seyd ir als gewisf seind
 so sollent ir euer kunst baydenthalt
 versüchen. vnd wer überwunden
 wirt den sol man auß dem land trei
 ben. Do sprachen die zwen zaubrer
 zarroes vnd arpharat. das wollen
 wir thun. vñ hieß groß mayster zū
 vns kōmen so wirt man vnser kunst
 sehñ. do sant der hertzog bald nach
 den weysen maystern allen. do ka
 men sy zuhand zū ainand. do mach
 ten die zaubrer das die maister vn
 derweilñ still müßten steen. vñ nien
 dert geen mochtñ. vñ vnderweilen
 lieffen sy sy geen. vnd machten auch
 vnderweilen das sy nit mochten re
 den. das triben sy durch den tag al
 len. Darnach giengen die mayster
 wider haym vnd sprachen zū dem
 hertzogen. Du solt dich freuen das
 vnser gwalt als groß ist. wan wir
 wollen dir alle dinge nach deinem
 willen schicken vnd machñ. tū dich
 nur der zwayer ab symonis vnd ju
 da. Do kam nun der hertzog zū den
 zwölffpoten vñ sagt jnen was die
 zwen vor jm getryben hetten. Do
 sprachen sy zū jm. wir bitten. laß
 vns ir kunst auch sehen. do sant der
 hertzog nach den zauberern do ka
 men sy vñ vil meschñ mit jnen. Do
 sprachen die zauberer zū den zwölff
 boten. Was krafft mügen ir haben
 habt ir doch so arm klayder an. Do
 sprachñ die zwölffpoten. wie krank
 vnser klayd ist. so haben wir doch

gewalt wer vnserm leben nachuol
 get dazer ewigs leben besitz doch
 so wollen wir euer kunst gern sehñ
 do machten die zaubrer vil schlang
 en die vielen greulich hyn vnd her
 das sich die menschen ser vorchten.
 Do namen sy die hailigen in ir men
 tel vnd wurffen sy auff die zaubrer
 do schryen sy vnd mochten in selber
 nit helffen. Do sprach der hertzog
 lassent sy die schlangen voll tödten.
 do sprachen sy. wir sollen nyemand
 tödten. wir sollen die menschen zū
 dem ewigen leben bringñ. do bissen
 sy die schlangñ seer vnd machten sy
 gar siech. do gebotten die hayligen
 den schlangen das sy nyemand kain
 layd thäten das thetten sy. Do spr
 ach symon zū den zaubern hab reu
 über euer sünd so werdent ir über
 drey tag gesund. do fluhē sy mit gro
 sen schandñ auß dem land. aber die
 zwölffpoten predigten dem volck ge
 mainlich wie got der herr die welt
 erschaffen het. vñ wie er den ersten
 menschñ Adam in das paradeis ge
 setzt het. vnd sprachen. Wer an got
 glaubt vñ sich laßt tauffen der kom
 met in das hymelreich. Vnd sagten
 auch wie vns got in sein reich ersch
 affen het. vñ sprachen darnach das
 wir alle darein kōmen des helf vns
 der vater vñ der sun vñ der hailig
 gaist. do sprach das volck Amen.
 Vñ das volck sprach aber wir wöl
 len euer leer gern volgen. vnd wöl
 len die abgötter lassen. do lieffen sy
 sich tauffen. vñ die zwölffpoten wei
 heten priester in der stat vñ machte

Von Iait

ain bischoff in babilonia der het vñ
fern herren gesehen die weil er lebet
vñ auff erdtrich gieng. ¶ Zu den
zeiten gewan ain frau ain kind. do
sprach man das kind wär ains dya
can darüß ward er ser betrübet vñ
laugnet des. do hießen die zwelfspo
ten daz kind bringen vñ sprachen zu
im. Wir beschweren dich bey vnse
rem herren jesu cristo daz du vns die
warhait sagest. ob der dyacon dein
vatter sey. Das kind was nur ains
jars alt. das redt vñ sprach. Er ist
nit mein vater. er ist ain rainer man
vñ hat sich nit mit weyben beküm
mert noch besleckt. darüß so lassent
in mit frid. do die menschen das zai
chen horten vñ sahen. do lobten sy
got den herin mit freüden darumb
vñ hatten die hailigen das sy das
kind hießen sagen wer sein vatter
wär. do sprachñ sy. vns zympt wol
das wir die vnschuldigen entschul
digen. aber vns zympt nit das wir
die schuldigen verklagen. ¶ Nun
waren die zauberer gen schwan kō
men in die stat vñ hetten die men
schen mit irer ler an sich zogen vñ
waren sibentzig bischoff da. Do sp
rachen die zwen zauberer zu den bi
schoffen. Es seind zwen böß mann
in persia die verkeren daz volck fast
die haissen Symon vñ Judas. vñ
ist daz sy her zu eüch kōmen so raten
wir eüch das ir sy auß der stat trei
ben. oder sy verkernt eüch auch mit
irer predig vñ ler Darnach kamen
die zwelfspoten in die stat zu ainem
güthen mann der hieß Sennus der

Symon und iuda

ward ir gar fro. Do wurden ir die
bischoff innen vñ kamen mit zoren
zu dem hauf vñ fürten die zwelfspo
ten zu dem tempel. do kam ain engel
von himel der sprach zu symon vñ
juda. Ir söllent hie gemartert wer
den vñ die kron empfangen. die eüch
berait ist. Do sprachen die bischoff
zu in. Ir söllent den abgöttern opf
ern das wolten sy nit thün. Do sp
rach Symon zu ainem abgot. ich ge
beüt dir bey got das du von hinnen
farest vñ zerbrich den abgot. do spr
ach judas zu dem andn abgot. Ich
gebeüt dir bey gott das du den ab
got zerbrechest. daz thet er. do füren
die bösen veind als bald auß vñ zer
brachen die abgötter. zuhandt sach
man zwen bey inen steen die waren
greülich gestalt. die schryen vñ sp
rachen. Ir gottes botten ir peynigent
vns seer. erbarmet eüch über vns.
Do lieff das volck vor zorn auß die
zwölffspoten vñ schlügen sy zu tod
vñ iren wyrt der sy beherbergt het
vñ von stundan füren ire selen zu
den ewigen freüden. Do came ain
groß wetter vñ erschlug Sarioen
vñ arpharat vñ verbrennet sy zu
äsch. vñ der tempel zerspielt sich
in vier tail. Darnach über drey mo
nat sendet der künig nach der zway
er zwelfspoten leichnā vñ begrüb
sy eerlichen. vñ ertödtet der tempel
bischoff. vñ machet den hailigen
ain schönes münster. Darumb er
wurben im Symon vñ Judas
die ewige freud. Das verleich vns
auch got der herz Amen.



Der lieb hailig bischoff sant narcissus ist geboren auß dem land hy-spania. vñ was ain frümer crist vñ het got lieb vnd dienet jm mit fleiß tag vnd nacht. mit beeten. vassen wachen vnd mit vil gütter Übung. Zu den zeiten het Dyoclecianus vñ Maximianus das reich die durch-achten die cristen gar ser. vñ zwun-gen all cristen die sy an kamen. das sy den abgöttern müsten opffern In der zeit macht man sant Marcissum zu ainem bischoff in der stat hyspa-nia. Do pflag er des ampts mitt grossem fleiß. do litten die cristen vil vñ iren glauben. wañ die hayden waren töbig auff sy das sy die ab-götter mit wolten anbeeten. do ster-cket sant Marcissus die cristen seer mit grossem fleiß vnd sprach. Das leyden ist gar ain klain ding gegen dem grossen lon vñ freudn die vns

dort darumb geben wirt. vnd saget in als vil von der freud des ewign lebens das sy grosseliebe gewünent zu leyden durch den namen vnser herren Jesu christi. vnd der selig bi-schoff begert auch williglich zu ley-den got zu ainem opfer für sich selv vñ was ain layter vñ fürer für die schäflin cristi. vñ maynt wen er die marter überwund daz er damit ver-dient daz er in vorgieng in daz reich der hymel. vnd litt souil schmacheit vnd marter von den vngelaubigen das er maynt zusterben. Do erschin jm vnser herr in ainem gesicht vnd sprach zu jm. Mein lieber diener biß starckes gemüts in deinem grossen manigfaltigen leyden wañ du kom-mest nit als bald zu der kron als du wilt wenen du müst noch ain kurtz zeit beyten. wañ du müst mir noch vil volcks zu dem ewign leben brin-gen. vnd wen du mir das volck al-les zusamen bringst vñ gewynst. so kommest du wider in dein stat vnd empfahest dan die kron. vñ sprach zu jm. Marcisse du solt gen Aug-spurg auch kōmen vnd Alfram die offensunderin bekeren von iren sün-den. vnd ir müter vnd ir dienerin. vnd vil ander vngelaubig menschen. vñ du geest ganz sicher. dan ich meinen engel mit dir sende der wirt dich führen zu der statt Augspurg vnd behüt dich die zeite vnd wenn du das volbringest. so furt dich der engel wider in die statt. da empfa-hest du die kron Do nam 8 bischoff dē dyacon felix mit jm vnd giengen

Von Sant

aln langen weg biß das sy von cristo gelayt wurden zu Augspurg. do bekert er Affram vñ die andern vñ vestnet sy in cristenlichem gelaubn vñ kam darnach wider in hyspaniam. Vnd do die rats herren horten das er kōmen was. Do wurden sy gar fro. do het man die kirchen zerbrochen vñ het die cristenmenschen verdruckt vñ gepeiniget do trōstet sy sant Narcissus ritterlichen vñ vestnet sy wider vñ an cristenlichem gelauben. do sy das horten do waineten sy vor freunden. Vñ dācketen gott seiner genaden. Die weil sant Narcissus cristenlichen gelaubn prediget ūberal in dem land Hyspania do hōret er das man die kirchen zu Augspurg die er gemacht het zerbrach. vñ das man die cristen menschen ser āchtet vñ marteret. Vñ do er hōret das man affram vñ jr diener in ertōdt vñ verpreñet het. do lobt er gott das sy vñ cristenlichen gelauben gemartert waren worden. vñ machet in ain kirchen vñ satzt auff wen man iren tag begeen sōlt. das theten sy. do kam sant Narcis wide rñ in Hyspania vñ do die selbign ratz herren aber hortn das er vil volcks zu cristenlichem gelauben bekert do vorchten syes wurd sein der herz ūber daz land inen. er rāches an in. wān er was vngelaubig. do warē vil cristen in der statt das sy sant Narcissen nitt offentlich toisten tōden vñ vorchten es wurd ain grofser krieg daraus vñ hieß in haymlich tōden. Als er ains tags mef

Quintino

het do lieffen die vnglaubign in die kirchen vñ zugen in von dem altar vñ schlügen in mit ainem schwert zū tōd vñ lieffen in also lign in dem blūte. do fūr sein seel zu den ewigen freunden. Hailiger sant Narcisse mit deinem dyacon felix bitt got das er vns helff das wir in cristem gelauben an vnserm end gefigen. vñ mit euch besitzen die ewigen freud. des helff vns der almechtig got. Amen

¶ Von sant Quintino.



¶ Sant Quintinus was ains ritters sun der hieß Cenonis zu Rom. Zu den zeyten was Dyoecianus vñ Maximianus kaiser. do was ain grofser wūtrich der hieß Riotinardus der āchtet die cristen ser vñ bat die zwen kaiser daz sy im erlaubten das er die cristen vieng vñ sy tōdtet wo er sy an kāme. des gaben sy im gewalt. Do das Quintinus hort. zoch er von rom. vñ fausti-

nus victorius vñ lucianus mitt im
vnd kamen zū paryß vnd erwelten
in sund stett daran sy das gogwort
wolten predigen vnd verkünden.
Faustinus vnd victorius kamen in
die stat thomensem vnd sant Quin-
tinus kam in die stat ambiamus vñ
lucianus kam in die stat Beluā. do
thet got der herz grosse wunderzai-
chen durch die hailigen. wan was
sy predigten mit den worten das be-
wärten sy mit den wercken vñ mitt
den zaihn. ¶ Zū den zeiten dūrstet
den wūtrich Kyotmardum ser vnd
kam in die stat Trient die liget na-
hent bey dē wasser das haist mosel
da tödt er so vil cristen daz der bach
vol blüts flos in daz wasser das er
blütsfarb ward Vñ sendet sein bot-
ten in alle stett vnd gebot in wo sy
ainen cristen funden. den solten sy
da offentlich tödten. vnd kam auch
selber in die stat Ambiamus. do hö-
ret er von sant Quintino dz er ain
cristen wär vnd cristenlichen glau-
ben predigt vñ auch vil zaihn thāt
do hieß er in vahen vñ hieß in ain
ketten an den halß legen vñ sy fūrtū
in in den kercker Vñ am dritten tag
hieß er sant Quintinū für in bringū
vnd fragt in wie er hieß. do sprach
er. ich hab ainen cristen namen. vnd
vergich cristū mit dem hertzen vnd
mit dem mund vnd haif quintinus
do fraget er in was geschlechte er
wār do sprach er ich bin ain burger
von Rom vñ bin Jesonis sun. Do
sprach der richter. bist du so edel vñ
gelaubst an ainen menschen den die

juden haben gekreuziget vñ schem-
lichen getödt. das zympt dem adel
nit. laß von deiner torhait vnd opf-
fer vnsern göttern. antwurt quinti-
nus Ich will deinen göttern nichts
opffern darumb thū mir was du
wilt ich bin bereit zū leydn alle ding
auch alle marter die ir mir mügt an-
legen. Do das der richter höret do
ward er gar zornig vnd hieß in an
ain saul binden vnd gebot seint die
ner sechzehen das sy in schlägen vñ
do sy in schlägen do hūb er sein au-
gen auff vnd dancket got seiner ge-
naden. Darnach kam ain stym von
hymel vnd tröstet in in seinem ley-
den. zuhand vielen die sechzehen auf
die erden vñ mochten nit wider auf-
steen vnd wurden gepeyniget vnd
sprachen zū dem richter. lieber herz
kūm vns zū hilff wir mügn nit mer
auff steen wir mügen schier nit mer
reden. vnd haben grof leyden. Do
sprach der richter. Ich schwör bey
meinem got das quintinus ain za-
berer ist vnd zaubert die ding. vnd
hieß in aber für in kōmen vnd redet
gütigklich mit im vnd het in geren
dartzū bracht das er seinen göttern
geopffert hett vnd gelobet in grof-
se eere vnd reichthumb zū geben. Do
sprach Quintinus. O du zuckender
wolf du solt wissen das der mensch
nit arm ist der in das hymelreich kō-
met. dann die reichthumb gottes die
seind ewigklich. der begere ich von
ganzen meym hertzen darumb das
ich den ewigen lon besitz so will ich
geren sterben. do ward der richter

Sanctus

zornig vnd gebot das man in so fer
martert dz kein gelyd an seiner rech-
ten stat belyb. das theten die diener
vnd ließ in mit eyßnin gaislen schla-
hen. die hetten vornen knöpff das
layd er gedultiglich durch got. do
hieß der richter öle vnd bech haß
machen vñ hieß in es zu seinem ruck-
en gießen. vñ prinnent sackeln an sei-
nen leib halten. mit der marter aller
mocht man in nit überwinden. noch
mit süßer noch scharpfer rede. das
er den abgöttern wolt opffern wan
im bran ain flam des götlichen fei-
res in seinem hertzen. darumb forcht
er den leyplichen tod nit vnd er spr-
ach zu dem richter. O du sun des bö-
sen gaissts. kein gutkait ist in dir du
solt wissen das die zergänglichen
ding kein forcht bringen. noch trau-
ren. noch schmerzen. sy bringen mir
freud vñ wunn. Antwort der rich-
ter mit zoren bringt her ainen kelch
mit essig vnd senff vnd gießent in
das in seinen mund. vnd besecht ob
er doch von disem ding schweygen
wölle. von meinen abgöttern. das
tranc er. vnd lobet damit got wie
vor. Do der richter sach das kein
peyn an in für trüg vnd das er ye
baß von got gestercket ward in sey-
nem leyden vnd das er gott lobet
mit gebeet vnd gesang. do trachtet
der richter wie er sein peyn meeren
möchte. vnd hieß zwey haiffe eyßen
machen die waren so spizig vñnd
scharpff. das sy sanct Quintinum
durch stachen. vnd hieß in zehen ne-
gel in sein vinger schlahen oben zwi-

Quintino

schenn die nägel. vñnd das leyden
halß alles nicht. do spottet der rich-
ter. vnd sprach. laß sehen ob sich die
christen noch wöllen bößern vñnd
meinen göttern opffern wöllen. ich
hab in doch Quintinum manigual-
tiglich gemarteret zu ainem eben-
bild das sy mir fürbaß deßer meer
vndertänig seyen. vnd söllent auch
wissen das allen den also geschicht
die den christen glauben nit lassen
wöllen. Darnach gebot der richter
das man sanct Quintino sein haubt
ab schlagen solt. Sy fürten in an
die stat da man in enthaubten wolt
Do batt er sy das man in ain klaine
frist gäbe. das thett man. Do viel
er nyder auff seine knye vñnd batt
got mitt gantzem hertzen das er in
sein seel empfolhen ließ sein. vnd re-
cket dar seinen halß. Do warde ain
stym von hymel gehört die sprach
Quintine mein lieber sun kumb vnd
empfach die kron die ich dir berayt
hab vnd nym war die kör der engel
seind allenthalben bey dir die dich
von diser zergänglichen welt fü-
ren sollen in das ewig Jerusalem.
Do schlug man in das haubt ab.
do ward sein seel gesehen auß sein-
em mund geen als ain schneeweisse
tauben vnd für mit grossen freud
zu dem ewigen gott. das geschach
an aller hailigen abent. do hieß der
richter seinen hailigen leychnam in
das wasser samon werffen. vñ hieß
in verschwellen mit erden. vnd bley
vnd laim darumb das in die cristen
mit funden vnd in eerlich begraben.

Also lag der leichnam an der statt wol fünff vñ fünffzig jar vnd die langen zeit ward der leichnam vñ vnserm herren Jesu cristo behüt dz er vnuerfert blib vnd vnzerbrochē bis dz er ward gefunden. ¶ Zu den zeytē waz ain frau zū rom die hieß eusebia die was edel vnd reych vñ waz erblindet do sy nur neūn jar alt was. die selbig frau lag ains nachtes vnd klaget vnserm herren iren gebrechen mit grossen ernst. do erschyn ir ain engel vñ sprach. eusebia dein gebeet ist erhört von got. darumb stee auff vnd gee in das landt Gallias in diestat ambiamus zū dē wasser mason da wirstu den leichnam sant Quintini des marterers finden der ist lang zeit in dem wasser gelegen vñ so er offenbar wirt: so wirst du gesehent. Vnd die ding kamen der frauen dreymal für. dar nach hūb sy sich auff den weg mitt erbern geferten frauen vnd mann. vnd der engel gottes laytet sy in die stat so er ir in dem schlaff geoffenbart hett. Do sy dar kam. fraget sy überal wa der leichnam sant quintini wār der vor vil jaren von den haidē getödt wār wordē. daz kund ir nyemandt sagen. Darnach fūren sy zū dem wasser samon. als ir der engel het verkündt. do viel die frau Eusebia nyder auff ire knye. vñ rūfset got mit ernst an vñ sprach. Herz Jesu chüste ich bitt dich das du mir den hailigē leichnam zaigest. als du der hailigen frauen Helena das hailig creutz geoffenbaret hast. da

dein aingeboirer sun vnser herz Jesus cristus an starb. vnd das selbig creutz darnach vil jar verborgē lag. Also bitt ich herre dein gütte Das du mir den leichnam deins dieners sant Quintini offenbarest der vor langer zeit begraben was worden. Vñ do sy das gebeet het volbracht do bewegt sich daz wasser vnd der leyb sant Quintini erhūb sich über das wasser von der kraft gotes vñ schwam zū dem gestad da die frau vnd ir geferten stunden. Do sy das grofs zaichen sahen. do wurden sy gar fro vnd giengē zū dem wasser vnd empfiengen den leichnam mit grosser würdigkait vñ wunden in in weisse tücher. Darnach sahen sy daz sant Quintini haubt ain an dern weg her für do empfiengen es die frauen mit grosser andacht. Vnd wie lang der leichnam in dem wasser was gelegen wie vor geschriben steet. so in doch got von seinen genaden behüt das er kein mackel noch masen nyendert het vnd was weiß als ain schnee vnd schmecket auß der massen wol vnd erfüllt alle menschen die da waren aines gūten geschmacks. daz sy alles des vergassen daz die welt het von des gūten geschmacks wegē. Nun wolt die erber frau eusebia sant quintini leichnam auff ain vesten gefürt haben. die lag vor der stat tausent schritt das wolt got nit das die stat aines sölchen grossen schatz beraubt wāre der durch seinen willen sein hailiges blūt vergossen het. vnd do

Von Sant

sy den leychnam auff den berge gebrachtē der zūnächst bey dem wasser lag do ward der leychnam so schwer daz sy in niendert mochtē bringen. do sagten sy in nider do verstünd die frau wol daz es nit gotes will was das sy in fürbaß söltten füren. Vnd baweten sant quintino ain schöne cappellen auff dem berge vñnd bestäten in würdiglichē in ain stainnis grab vñnd zehand vielen von iren augen als die visch schiepen. vñ wurde jr an der selben stat vil ain klärers gesichte dann sy vor het gehabt. Vnd alle siechen menschen die da warend da man sant Quintinū bestetet het die wurden alle gesund was siechtumb sy hetten. Do nam die frau die eysen da man sant quintinū mit het gemartret vñ geschmiedet vñnd löset die auff vñnd fürt die mit jr haim vñnd behielt sy fürbaß für hailtumb zū eren vñnd gedechtnus des lieben hailgen. ¶ Der lieb hailig was in dem wasser gelegen wol fünff vñnfünffzig jar von der zeyt diocleciani biß zū 8 zeit constantij. Nach dem ward ain durchachtung der cristen menschen vñnd des lieben herren sant Quintini vñ gotes ward vergessen vñnd man eeret quintinum nit mer. vñnd weest niemant wo er begraben was. vñ der edel schatz was an der stat gelegen dreihundert vñnd zwainzig jar. da erneüert got der herz wiß die hailigkeit sant quintini vñ die zeichen die er durch in getan het. Zū 8 zeit hñb das volck an vñ lobten got den her

zuoltgang

ren vñnd sant Quintinū wie sy vor gethan hetten vñ liessen fürbaß nit ab do kamen sy auß irem leyden. O hailiger herz sant Quintine wir armen menschen bitten dich durch dein grosse würdigkait vñnd eer die du mit got dem herren hast. das du vns vmb in erwerbest freud vñnd hail zū seel vñnd zū leyb Amen.

¶ Von sant Wolffgang.



¶ Der lieb hailig herz vñ bischoff sant Wolffgang ist gar von edlem geschlecht geboren auß teutschen landen vñ wie edel er was so het er allweg misfallen ab der weltlichen eer vñnd in irem leben. wān do er zū seinen tagen kam do dürstet in nach dem lebendigen pñnen der götlichen fürsichtigkeitait vñnd was erleuchtet mit den genaden gotes. vñ er sücht in fürtreffen grosses vitayles des verdiensts seiner sel wān es ist war vñnd gewiß wer der seel hail sücht

in der zergäncklichen welt der wirt von der welt verschmächt vnd gehasset aber er wirt von got liebgehabt. als man von sant Peter schreibet wie er ain nachuolger wär jesu chusti. vñ ainen tabernackel macht in dem hymlichẽ hof. das gedacht sant Wolffgang. wā er gab seins vaters güt auff vñ ward ain ellen der bilgerin. vñ gedacht daran wie er kein sichers wesen in d̃ welt finden möcht. Er gedacht wie er in dē herren wollust fünden möcht. Vnd nam jm ain schöns leben für vñ ain hertes. vñ die gegenwertigkeit gotes. vñ gedacht an die emfigkeit der gesellschaft der hailigen engel im hymelreich. vnd gedacht auch daran wer ain junger Christi des herren wöll sein der verlaugne sein selbs. das hat er wol getan in seinem außgang wā er gedacht zū allen zeitn̄ fürsichtigkeit zuhaben mitt gütten Worten vñ wercken der demütigkeit vñ zū wandlen den weg göttlicher liebe. vnd wie er sein leben in gotes willen geordnen möchte das er sein keuschait behaltē möcht. Vñ in dem nam er jm sant Othmar für zū ain hailigen als er jm in dem schlafferschyn. wā er sprach zū jm. vernym̄ meine wort. wann ich hab got den herren für dich gebeten das du künftige ding wirst wissen. doch wirst du in ellend vnd armüt ain pilgerin sein. vñ wirst von ain dorff in daz ander geen. vñ ist das du dich treulich darin erzaigest. so wirst du ainreichs bistumb empfahen. wann es

stat geschriben was gūts der mensch sät das soll er schneyden. vñnd wē du zwainzig jar ain bischoff bist gewesen so wirst du auß disem zergäncklichẽ lebenschaiden. vñ ich wil on allen zweifel das du es wissen solt. das du den dein sel got dem herre empfelhest an der stat da dein gedechtnuß von den cristenmenschen erfüllt wirt durch den namen jesu mit gebeet vñ du wirst von den menschen geeret. vñ ich will bey dir steen in der stund des außgang deyer sel so sy auß disem leben wirt faren in das ewig leben vñ got d̃ herr wirt zū dir kōmen an dein end vnd wirt dich trösten so dir dein sel außgeet. vñ do sant Wolffgang erwacher do überdacht er diße ding vnd gedacht wie er sein leben fürbaß gang in got möcht fügen. vnd sach in dem spigel göttlicher beschawung wie er and̄n menschen ain güt eben bilde möchte vortragen. darvon sy ewigen nutz empfahen möchten. Er begeret als der apostel spricht. wie er ain bessers ain größers vñ hailig werck an sich nām in hailigkeit. vñ nam jm ain gūte gesellschaft für in diemütigkeit. mit den gieng er durch teütsche land in Morici des landes tail in orient. vnd kam in paieren vñ prediges wegē darzū er berüfft ward vñ er kam in pilgerins weiß zū seiner gesellschaft in das bistumb zū bassaw vñ der bischof empfieng in gütiglich. vnd bat in das er bey jm belib. daz thet er. do speiset der bischoff in vñ sein gesellschaft etliche

Anton

zeit. vnd flagt jm mit ainem traurigen gemüt das er daz volk zusammen bracht mit dem gots wort wañ sy waren vnſichtig vñ er was von jugent auff wo! gelert als der apostel spricht. Ir ſöllent die gaist bewärn ob sy auß got ſeyen also prediget er dem volk vnd bewärt die götlichñ offenbarung vnd die ee vñ den cristen glaubñ vñ sprach: O wie ſäligen iſt die kirch die got der herz mitt ainem ſäligen p̄ieſter hat begabt. vñ do er das gots wort volbracht het. do gedacht der biſchof von nutz vñ notturiſt wegn̄ an das biſtumb zū Regenspurg wie er wol dahyn füget von der blindthait wegen des volcks. wañ es waren hayden da. vñ er gedacht diſer ſäet ſeinen ſamē auff den vnfruchtbern acker daz er fruchtber wirt. wañ ire hertzen waren verbert das sy nyemand zū cristen glauben bringen mocht vñ der biſchof nam den hailign̄ ſant wolfgang vñ gieng zū dem kaiser genac̄ der ander Otto. vñ legt jm die ſach für daz er diſen wolgelerten man zū ain biſchof lieſ machñ. do gedacht der kaiser. wie mag das geſein das ain ſölicher armer meſch ain ſöliches biſtumb beſitzen ſolt der doch vnbeſant iſt. vñ vil erber herren darumb geworben haben vnd nach des biſchofs ſag. do ſandt der kaiser nach dem marggrauen vnd als er zū jm kam do bat er ja daz er jm riet ob er diſem menſchñ das biſtumb widerſarn ſolt laſſen oder nit. für die andern die darumb gebeten heten. In

Wolfgang

dem ward der kaiser ermant durch den erſamen ratgeben das er diſem demütigen gelerten man daz biſtumb gäb vnd vndertänig machte. Do weiſet der kaiser all die ab die vmb das biſtumb hetten gebeten. vnd er ſandt zuhand nach dem erwidign̄ herren ſant wolfgang. vnd gab jm das biſtumb auff durch das gebeet des biſchofs von Baſſaw. vñ gab ſant wolfgang das biſtumb vor aller menſchlich. also empfieng er das biſtumb mitt groſſer andacht vnd ward biſchof zū Regenspurg. vñ pſlag des ampts mit groſſem fleiß vnd ſtraffet arm vnd reich mit verdachtem müt vnd het alle menſchñ in herter büßwertigkait. mit der anweiſung des cristenlichen glaubñ er was auch ſorgſeltig. wañ ſo ayner ſeine vnderthan in rechter vordacht hat. ſo wirt jm von got nit zūgeſprochen. an dem jungſten tage von ſeiner vnderthanen ſünd vnd laſter wegen. wañ ſo ainem vil beuolhen iſt ſo wirt auch vil von jm geuodert. Als got der herre zū dem propheten geſprochñ hat. Es habñ etlich gewaltig menſchen kain fürſichtigkait ire vnderthanen zūſtraffen. Als got der herre ſpricht durch den mund des propheten. ich wird in ainen künig gebñ in meinem zorn vnd wen die künig güt ſeind ſo iſt es von der gnad gottes. Aber ſo ſy böß ſeind. ſo iſt es von der ſünd vñ miſſethat wegen des volcks. Es werden auch gar oft vnd dick die künig verwandelt vonn der böß.

hait wegen des volcks die vor güt
 waren die werdē böß wān ain yeg
 licher gewalt ist güt. wenn er von
 got erwelt wirt. vnd das übel mitt
 forcht straffer. nit das er es frölich
 sol thun. Aber es ist kein böser sach
 dan durch den freyen gewalt sün-
 den vnd durch die sälligkeit übel ze-
 tūn. aber es ist ain weg in daz ewig
 leben wer es mit rechter glori in der
 welt sücht. Aber wer mit boßhait
 vmb geet. die machen in ainen weg
 in die hell darīn man die pein enpfa-
 het. Aber wer gelert ist. vnd die leer
 mit gerechtigkeit in die menschen
 seet. des werck werden scheinen als
 ain pūnender flam als der prophet
 hat gesprochen. wölcher gütter ge-
 treuer knecht über wenig gewalt
 hat. den wird ich über vil gewaltig
 machen. Das hat sant wolfgang
 getan wān er was allem volck ain
 getreuer knecht mit seiner hail samē
 leer wān er bekert edel vnd vnedel.
 pfaffen vnd layen. Der kaiser fragt
 in ob er edel wār. in dē viel in sant
 wolfgang zūfüß vñ sprach mit rech-
 ter demütigkeit. Edler kaiser ich byn
 ain münich aber mit eürer gunst
 wil ich eür caplan sein diser stat. vñ
 was vnder ir ist. Vñ do der kayser
 sach das er sich also ab geschayden
 vñ götlich hielt. gewan er grosse ge-
 nad zū im vñ het in bey im. Vnd ai-
 nes tags gieng er mitt dem kayser.
 vnd giengē auch vil herin mit dem
 kaiser vñ ain ritter sach das der bi-
 schof ains armen münichs klaid an-
 het; do gedacht er wie ist der kaiser

ain man daz er ainen solchen armen
 man bey im laßt geen In dem selbū
 gedanc kam in der kalt siechtag an
 daz er an hūb zuzittern vñ ward so
 krank. daz man in in ain beth müß
 tragen. vnd het grosse sorg er müß
 sterben vñ sprach also. O würdiger
 sant wolfgang ich hab dich in ain
 em gedanc verschmācht daz ist mir
 layd. vnd sendet ainen botten zū im
 das er got für in bāt. das thet sant
 wolfgang mit grossem ernst vnd
 andacht. zūhand ward der riter wi-
 der gesund vñ gieng zū im vñ viel
 im zūfüßen vnd dancket got. vñ in
 der gnaden. do zoch in sant wolff-
 gang wider auff vnd was im laid
 das er das zaichen von im vor dem
 kaiser vñ vor allem volck gesagt heß
 do gewan in der kaiser vñnd alles
 volck gar lieb. vñ hielten in für ain
 erwirdigen grossen hailigen die eer
 het er nit gern in der welt von dem
 volck wān er vorchet er nām seinen
 lon hie ein vñ macht sich mit ainem
 frūmen andächtign brüder auf der
 statt Regenspurg vnd floch diser
 welt eer vnd gieng in das gepürge
 neben Salzburg der stat vñ sücht
 in ain wonūg die in der wüst wār
 von den menschen. also gieng er vñ
 sein brüder an daz wild gebürg ain
 gantz jar. vnd litten da vil hunger
 vnd durst auch darzū frost vñ hitz.
 vnd hetten wenig gūts gemachs.
 Aines tags kam sant Wolfgang
 vnd sein brüder an den falckenstain
 do hetten die brüder geren getrunck
 en do funden sy kain wasser das er-

Von sant

barmherziger sant wolffgang gar ser vñ nam ainen stab vñ stieß in in ainen herten velsen. zuhād als er den stab auß dem velsen zoch do gieng ein schönes lauters wasser auß dē loch daz tranck der brüder mit grosser begird. vñ erkant das sant wolffgang ein frömer seliger mensch was vñ dancket got vñ im der gnaden. vñ er gieng von im wān er mocht daz streng leben nitt erleydenn. In dem gieng sant wolffgang den berg auß vñ wolt zwischen den falckenstain vñ ainen andern berg geen. do machet der böß gaist ein gestalt als ob die berge zusamen fallen wölten vñ wölten in zu todt schlachen. do legt er sich kreutzweyß hinder sich an dē falcken stain vñ sprach sein gebett mit andacht. vñ zehand vergieng des bößen gaisstes gespenst vñ do er also stünde do bat er gott das er im ein stat zaigte da er im ein wohnung machte. vñ beleiben möchte das er das ewig leben verdienen möchte vñ auch ander menschn da von gnad empfiengn. In dem sach er sein handbeyhel vñ warff es als weyt er mochte. vñ sprach wider sich selber. wa ich mein beyhel find daselben sol mein wohnung sein also gieng er ab dem berg genant sauri essel. vñ do er in das tal kam. do süchet er sein beyhel. do fande er es bey ainem grossen see auß ainem herten velsen ligen do hüb er an vñ macht im ein heußlin auß den velsen. vñ dienet da got mit fleiß mit beeten. vasten. wachen vñ mit vil

wolffgang

ander güter übung vñ macht ain kirchlin bey dem hauß darin pflage er seiner andacht. ¶ Zins mals an ainem suntag het er zulang geschlafen. do er das sach do ward er gar zornig auff sich selber. vñ do er die füß für sein heußlin setzet. do stieß er vor zorn seine füß vñ knye auff die erden vñ zehand geschach ain groß wunder wān der hert velsen wich vnder seinen hailign füßen vñ warde als ain waicher laym vñ die füß tritt belibn in dem herten velsen als man sy noch heüt sieht. ¶ Do er fünff jar an dem end gewesen was vñ das kirchlin gebawen het. do erkant der böß veind wol daz er vil wunderzaychen wurd thun. vñ do gieng zu sant wolffgang vñ sprach zu im Es werden dich vil menschn an diser stat eeren vñ haymsüchen darumb gib mir den ersten bilgerin der zu disem kirchlin kompt. Do sprach sant wolffgang bait biß morgē frū. vñ den ersten den du vor der kirchen vindest den hab dir. do daz der böß veind hort do ward er fro. vñ do der tag her gieng do wartet der böß veind auff den ersten menschen. aber sant wolffgang bat got daz er kainem menschn an diser stat ichts widerfaren ließ. des geweret in got der herr wān es kam des ersten ain wolff dar gegangen. do in der böß veind sach do ward er zornig vñ sprach. bischof du hast mich betrogen vñ für mit ainem grossen geschray hynweg. do dancket sant wolffgang got dem herrn mit groß

sem ernst · vñ was fro das got der
 herz sein gebeet erhört het vñ das
 böß veind nit erfreuet was wordn
Eins mals jaget ain jäger an
 selbē gegent da sant wolfgang sein
 wonung het. vñ kam von geschicht
 zū jm vñ do er in sach do kenne-
 tet er in. dan er het in zū Regenspurg
 gesehen. des erschrack sant wolfgang
 übel wan er vorchet er wurd es den
 von Regenspurg sagñ als auch ge-
 schach. wan do der jäger gen Re-
 genspurg kam. saget er es offentlich
 do ward menglich gar fro vñ schi-
 cken pfaffen vnd etlich rats herren
 mit dem jäger. der bracht sy an die
 stat da er in gefunden het vnd sy sa-
 hen in an do ward er jämmerlich ge-
 stalt worden. vnd sy vielen auff ire
 knye nyder vnd grüßten in vnd na-
 men in mit gwalt vñ fürten in da-
 hin. vñ als er dem kirchlin den ruck
 en keret do wendet sich das kirchlin
 vmb vñ wolt mit jm. do fort er sich
 gegñ dem kirchlin vnd sprach. Ich
 gebeüt dir bey got das du still steest
 wan es ist der will got des herren.
 das mich die menschen hie süchenn
 werden. den wirt got genad thun.
 Aber man fürte den hailigñ bischof
 gen Regenspurg mit grossem lobe
 in sant peters kirchñ. darinn er von
 kaiser Fridrich geweicht ist wordē
 zū bischoff. vnd das volck ward sei-
 nes hailigen bischoffs gar fro. Er
 hūb an zūpredigñ allem volck man
 vnd frawen knecht vñ diernen die
 wurden alle wol gestercket von sei-
 nen süßen Worten vnd lere. Er er-

waicht den menschn ir hertz das sy
 sich selbs schlügñ das sy in besserūg
 stünden. das erkant der böß veind.
 vnd macht ain grosse vngestümig-
 keit in der kirchen als ain winds-
 braut. vñ machet ain grof geschray
 auff den bischoff. das volck kam in
 grosse vorchet vñ angst vñ ain men-
 sch lieff hin das ander her vñ wif-
 ten nit wa hin sy solten fliehen. Do
 hort man ain stym die sprach. Ir sol-
 lent euch nit fürchten. vñ zūletzt ge-
 lag die vngestümigkait vñ die men-
 schen lieffen auß der kirchen. Aber
 sant Wolffgang wist wol das es
 von dem bösen veind zū gieng. der
 alle güte ding wendet wo er mage
 vnd sant wolfgang stund still vnd
 wendet sich nit. wann er was mit
 grossen gnaden vmbgeben. vñ spra-
 ch. Herz jesu du gibst mir hilffe das
 ich dem bösen gaist widersteen mit
 ge durch deinen hailigñ namen vñ
 in dem lieffen die menschn wider in
 die kirchen vnd er stercket sy mit gü-
 ten Worten. vnd saget wie der böß
 veind alle güte werck hynderet vñ
 sprach. Lieben kind süchent das hail
 euer selen. wann die weishait diser
 welt ist ain thorhait bey got. dar-
 umb nemptwar eüwer selbs. wan
 got endet euer leben so ir allermynst
 wenent vñ sprach zū jnen Was ist
 das gewendet darmit der übermü-
 tig hoffertig mēsch beklaidt ist. wer
 aber mitt demütigkait beklaydt ist
 der ist den hailigñ engeln gleich; er
 mainet sy solten seine münichs klay-
 der nichtt also verschmehen als er

Von sant

ain münich in sant emeriani kloster
ist gewesen ee das er zū aym bischof
ward erwelt. vnd do sant Wolff-
gang auß geprediget het. do ward
im der mund verschopet das er für
baß nit meer böse wort aussprechen
mocht. vnd die menschn hüten sich
vor liegen vñ vor vnnützen Worten
vnd hüten sich vor vil sünden. also
gab er dem volck den segen vnd spr
ach Der frid gotes sey mit eüch der
vns gesamelt hat vnd er gieng dar
nach in sein gemach vñ pflag seiner
andacht. vñ im was layd das er nit
ainig solt sein. Vnd do er ain saligs
leben het gefürt. do hüb er an zū sie-
chen das er sich müst nyder legen.
Vnd do er etliche zeit gesiechet het.
do hieß er sich an ainem tag in sant
Othmars bethauß tragen für den
altar. Vnd do er darein kam do bat
er das man im auff die knye hulff.
das thet man. do sprach er sein ge-
beet mitt grosser andacht als ainer
der sein beicht spricht vnd sagt got
vnd seiner mütter vnd allen engeln
vñ hailigen lob vnd eer. vñ bat für
alle die die im enpfolhen waren. sy
wären tod oder lebendig. darnach
empfienge er das hailig wirdig sa-
crament mit innigkait seins hertzen
Vñ do der meßner die menschn auß
der kirchñ wolt haben getriben biß
an etlich die im haimlich warn. daz
wolt sant wolfgang nit vñ sprach
vns her: Jesus cristus der des to-
des vnschuldig was & schemet sich
des tods nit an dem kreüz zū sterbñ
vmb das hail aller menschen vñnd

wolfgang

sprach. Es wirt ain yetliche sel sehn
in irem tod was sy wirt fürchten.
Vñ sprach o lieber got erbarm dich
über mich armen sündler der yetz in
den tod geet. in dem thet er seine au-
gen zū als ob er wäre entschlaffen.
vnd verschied sälligklich do für sein
seel zū den ewigen freuden. Das ge-
schach an dem tag pridie kalendas
das ist in dem monat nouember. vñ
ee er gestorbn was sprachñ sein die-
ner O lieber her: wer will eüch zū
der erden bestäten. do hett er in der
nacht gesprochen. wen das schiflin
meins lebens zerbrochñ ist. so solt ir
an dem morgñ war nemen das der
wirdig bischoff Miranensis vnd
hartwig vñ der graf genant bubo
werden kōmen vnd mich begraben
als geschach. sant Wolffgang het
ain besunder güt vertrauñ zū dem
grauen Bubonis. wan er was im
der liebste vnd den layen Also ward
sant Wolffgang mit grossen eeren
begrabñ in der stat Regenspurg vñ
bischoff vnd prelaten die got durch
sein barmhertzigkait dar gesandt het
Sant wolfgang ward von ainer
kirchen in die andern getragen mitt
grosser wirdikait vñ do man in in
sant Peters kirchen bracht. do hett
man vigili vñ meß vñ zūletzt ward
er in sant Emeranus kirchen begra-
ben vñ thet vil zaichñ. dauon vil zū
schreibñ wär. ¶ Alins mals woltñ
die kaufleüt an der stat bawen da &
lieb her: sant wolfgang was vnd
do man das maurwerck an gefan-
gen het. do kam ain behafter mēsch

zu den werckmaistern den viengen sy vnd legten in an die stat da sant wolfgang an gelegen was zuhand warde er sinnig do dancket er got vñ sant wolfgang der gnaden. vñ do es ander behafft menschen horten vnd sahen do kamen sy auch an die stat. den ward auch geholffen. Als gregorius spricht Es geschicht oft das grössere wund an der stat geschehent da die hailigen ir leben gefürt haben dan da sy leibhaftig ligen. das ist an sant Wolfgang wol schein wan er thet vil mer zeichen an der stat da er sein wonung het gehabt bey saltzburg dan bey regenspurg da er leibhaftig ligen ist ¶ Ains mals was ain blinder mensch den fürt man zu sant wolfgangs grab. der sprach andächtiglich sein gebeet zu sant wolfgang vnd rüst in an mit grossem ernst do ward er zuhand erhört vnd gesehendt. des dancket er got vnd sant wolfgang mit fleiß. ¶ Ains mals was ain fraw die was so krank das sy nitt geen mocht. do namen sy die freünd vnd trügen sy an die stat Emeran vnd man legt sy für den altar nyder vnd rüstten got vñ sant Emeran mit grossem ernst an. vñ do sy lang gerüst hetten. kroch sy zu sant wolfgangs grab vñ sprach ir gebeet. zu hand halff ir sant wolfgang das sy genas vnd stünd auff vnd gieng als ain ander mensch. des was sy fro vnd dancket got vñ sant wolfgang der gnaden. ¶ Es was ain kranker mensch der gieng in sant

emeran kirchen zu sant wolfgangs grab vñ bat in vmb hilff das er gesund wurd in dem entschlieff er. do sach er ain adelichen grawen man der was erwidig vnd sprach. was wilt. do sprach der arm man Herre ich bitte dich das du mich gesundt machst ich bin vil jar siech gewesen vnd hab grosse arbeit vmb meinen leib. Do berüret in der wirdig man mit ainer rüt vñ sprach. stee auf vñ biß gesundt. zuhand erwachet der man vñ was gesund. vñ erkant das im sant wolfgang hett geholffen. vñ dancket got vñ sant wolfgang der genaden vnd dienet im fürbas mit fleiß die weil er lebt. ¶ Ains mals was kaiser hainrich in baier an seinem gebet do entschlieff er. vñ traumet im wie er in sant Wolfgangs kirchen wär. vñ wie er sant wolfgang sach bey sein grab steen vñ der kaiser bat in mit grosser andacht das er im sein gnad mittailte das geschach do er dannocht hertzog was. In dem gieng der lieber sant wolfgang zu im vnd sprach. Sich an die wand mit fleiß die bey meinem grab steet. vnd lise die büchstaben. das sprach nit mer dan. nach sechsen. do erwachet der hertzog vnd laß die geschriffte vnd betrachtet was es bedeutet. vñ gedachte im. Es maynet villeycht das ich nach sechß tagen solt enden mein leben hie in diser zeyt. vñ er schicket sich mit allen sachen dar nach vñ beichtet sein sünd vñ gab vil almußens vnd beraytet sich

Von sant

als ob er sterben solt. Do die sechs tag vergiengen vñ er lebt. do gedacht er im es vermaint vileicht sechs wochen. vñ bekeret sich aber bas zu got dem herren. Do nun die sechs wochen auß waren. do gedacht er es vermaint vileicht sechs monat. vnd do im aber nichts geschehen was do gedacht er Es bedeüt über sechs jar. vñ hielt sich aber gar götlichen vñ gelobt sein keüschait zehalten bis an sein end. Darnach kam er in dem sechsten jare gen Rom vnd ward römischer kaiser do verstand er wol das der traum das bedeüt het das er in sant wolffgangs kirchen zu regenspurg gesehen het. vñ dancket sant wolffgang seine genaden vnd dienet im fürbas mit grosser würdigkait bis an sein end. Nun bitten wir sant Wolffgang das er uns umb got erwerb nach disem leben das ewig leben Amen.



Gereon

Von sant Gereon vnd seiner gesellschaft.

Sant Gereon was ain gütter cristen vnd ain mechtiger gewaltiger herr. vñ het vil gesinds vnd het got lieb vnd dienet im mit fleiß tag vnd nacht mit beeten vasten wachen vnd mit vil ander güter übung. Des ward der kaiser innen vnd sendet nach im. do bracht man in vnd sein gesellen der waren dreihundert vñ zwainzig vñ waren Achanus gesellschaft. die brachten sy alle für den kaiser vnd wurden all umb cristen glauben gefangen. Do sprach die haiden zu Gereon vnd seiner gesellschaft. sy solten cristen glauben lassen vnd den abgöttern opffern. wolten sy das nit tün so wolt man sy tödten. sant gereon sprach. ich laß mich meins glauben nit berauben. wañ ich hab grosse hoffnüg zu meinem got. Do er das geschprach. tödtet man in vñ all sein gesellen. do füren ire selen zum ewigen leben. Nun ward dem kaiser gesagt das victor vnd sein gesellen auch cristen waren der waren zwayhundert vnd. xxx. das thet dem kaiser zorn vnd hieß sy auch all vaben. vnd sprach zu in sy solten cristen glauben lassen vñ den abgöttern opffern. wolten sy das nit thün so müßten sy alle darumb sterben vnd den tod leyden. sy waren vest vnd wolten den nitt lassen vnd den abgöttern opffern. Der kaiser erzürnet vñ hieß sant Victor tödten. vnd do er das höret. do sprach er. Herz jesu chüste ich lob dich

das ich der marter würdig bin vnd sprach. Ich hab mit christum ausser welt zu aym got vñ herren. den wil ich eren vñ loben ewigklich vñ alle zeyt lieb haben. do er das gesprach do enthaubt man in vñ seiner gesellen zwayhundert vnd. xxx. do füren ir selen zum ewigen leben. Nun bitten wir die hailigen martirer das sy vnßs vmb gott erwerben das wir auch wun vnd freud ewigklich mit inen haben im ewigen leben Amen.

¶ Von sant Eustachio.



¶ Sant Eustachius was ain haiden vñ ee er getauffet ward hieß er Placitus. er was reich edel vnd beschaidn. kün vñ milt. der kaiser Ero dianus hett in sunderlich lieb vmb sein weisheit vñ was sein hõmayster. vñ wiewol er ain haiden was het er got lieb vnd gab geren durch got vnd fürderet die cristen wo er mocht ¶ Ains tags wolt er in den

wald reyten vnd jagen nach seiner gewonhait vnd do er in den waldt kam. do sach er vil hirsen vnd sach gar ain schönen vnder den andern der leuchtet auß inen allen. vñ in gedacht er het nye kein schöner thier gesehen. vñ die thier lieffen ain weil von ainander vñnd der schön hirs lieff allain gegē ainer staimin wand hin. do sach er vnsern herren jesum christu an dem kreutz zwischen seine hõmern steen. vnd der hirs kirt sich gegen im vnd sprach Placite warum jagest du mich. du solt wissen das ich christus der war gotes sun bin vñ hab dich lieb vmb das almußen das du gibst. vñ wiltu so glaub an mich vñ empfach den tauff. damit verschwand der hirs. do rit placitus wider haim vñ sagt seiner frawen vñ seym gesind wie im geschehen wär. vñ empfieng den tauf. do hieß man in Eustachius. darnach taufft man sein frawen seine kinder vñ sein gesind. Vñ am andern tag kam er wider an die statt da er den hirs gesehen het. vñ het grosse hoffnung zu got dem allmechtign. do erschin im vnser herr aber vñ sprach. du bist sällig das du deinen glauben hast gelassen vñ an mich gelaubest vñ den tauf empfangē hast. vñ wie gar du gerainiget bist so verleürst alles daz du hast. dein frawen. kind vñ güt vnd müst noch etlich jar vil leydn̄ darnach kumbst du wider an all dein eer vnd vergiffest alles deines leydens so du hast gehabt auch deiner armut mitt grosser reichait.

von sant

vnd wirst auch wider zuletzt vmb
das hymelreich getödt. Vnd do im
vnsrer lieber herr das gesagt het. do
verschwand er vor im. darnach rit
eustachius wider haim vñ was ser
betrübt vñ kam der tod vnder sein
gefind. darnach gieng im an güt ab
vñ kam zü grosser armüt das er die
menschen erbarmet vnd er litt es ge-
dult igklich durch got vnd schämet
sich seiner frawen armüt ser. das er
sein frawen mit im nam vnd seine
zwen sün. vñ für auß seym land. vñ
keret in egipten vñ kam an ain was-
ser das was tieff vnd brait. vnd ain
schiffman für in hinüber. vñ do er
hinüber kam. vordert der schiffman
seinen lon an eustachiu. do het er im
nichts zugeben. do was 8 schifman
als böß dazer in ser schalt vñ schlug
vnd rauffet in. vñ nam im sein fra-
wen für den lon vnd ließ in in ain
stock schliessen. Nun het eustachius
vor tausent man vnder im gehabt
vñ het da ainen schiffman nit zube-
zalen. ¶ Sant Bernhart schreybt
Wer gen himel wil kōmen der muß
vil armüt leyden vñ muß betten. va-
sten wachē. Vñ wil der reich in das
hymelreich so muß er es vmb die ar-
men kauffen. wann es ist ir. vñ will
auch kein hoffart von in leydn. das
was am hohen engel Lucifer wol-
schein den het got über all engel ge-
krōnet vñ hieß der liechttrager. vnd
do er sein schön ansach. sprach er wi-
der sich selb ich will meinn stül dem
obersten gleich setzen. do er das ge-
dacht. do ward er von dem hymel

eustachio

gestossen. wann die hoffart ist des
teufels gesell. vnd ist des ersten von
hymel kōmen. darumb sollen wir de-
mütig vñ gedultig sein. als Eusta-
chius thet. do im der schiffman sein
frawen nam vñ im so vil laids tette
so layd er es doch gedultigklich. vñ
er kam zü ainem wasser. do ließ er ai-
nen sun bey dem wasser an dem ge-
stad vnd trüg den andern hinüber
vnd setzet in nyder vñ wolt den an-
dern auch bringē. do sach er daz ain
leo dort her lieff vnd zucket den ain
sun von der erden auf vnd lieff mit
im in ainen wald do was dem vat-
ter layd vmb in vnd schry kläglich.
O wee meins lieben kints. vnd fort
sich wider vmb vñ wolt zü dem an-
dern kindt geen do lieff so bald ain
ber zü im vnd nam im den andern
sun vnd trüg in auch hyn. do ward
er so seer betrübt das er gedacht er
wolt sich selb extrencken. Do behüt
in got vnd gab im gedult in seinem
leydn do gieng er zü ainem dorf vñ
ward da ain hirt vnd hütet des vi-
hes fünffzehen jar mit grossem fleiß
¶ Zü der zeit samelten sich die hay-
den so es got wolt im land da Eu-
stachius inn was auff das rōmisch
reich. vñ thetten dem kaiser vil scha-
den do klaget der kayser das er den
weisen man Placitū nit het. wann
er was im in dem streit gar nütz vñ
sandt überal boten auß in das land
das sy in süchten. do füget es gott
daz die botten zü Eustachio kamen
vnd fragten in ob er in ainen man
künd zaigen der hieß placitus. saget

eustachius Ich kenn placitū nit wann
ich kam ellend her. doch hab ich ain
hauf hie darein solt ir mit mir rey-
ten. vñ bleibt by mir die nacht wann
er kennet sy wol vñ gabe in was er
guts het. Er het ain wunden an sei-
nem halß die was im in ain streyt
worden die wunden sahen des kai-
sers botten vñ kanten in dabey. vñ
fürten in des morgens mit in gefan-
gen für den kaiser. do ward der kai-
ser fro vnd gab im eer vñ güt. das
er mer gewan danner vor ye hette.
Nun ritt das volck fast zu do müß
Eustachius an die fart vnd warde
hauptman vñ berait die schar wol
nach weyßhait vñ ritten nach iren
veinden. do wolten die veind wen-
en es wär Eustachius nitt da das
was ir bester trost sunst wären sy
in das land nitt kōmen. do sy innen
wurden das eustachius hauptman
was do erschrecken sy vnd fluchen
zuhand wider. do eylet in Eustachi-
us nach. vnd sy fluchen all vnd vie-
len vil nyder vnd sturbñ ee sy haym
kamen. Do kam Eustachius in der
veind land. vnd sy thetten grossen
schaden darin. do kam er an die stat
da er sein frawen verlorn hett vnd
auch sein zwen sū die warn vnder
dem heer aber er kennet ir nitt. Nun
kam es von geschicht daz seiner sū
ainer ritt da sein vatter was. vnd
kam in iren garten do wainet er ser
vnd sprach. O wee ich verlor mein
mutter hie vmb ainen klaynen lobe
das der schiffman haben wolt. Do
nun die fraw das hort. do ward sy

ser fro vnd sprang herfür vñ kante
ir kind wol vnd sprach. Her was
ist euer klag. do antwurt er vnd spr-
ach daz mir ain schiffman mein lie-
be mūter nam. vnd waiß nitt ob sy
noch lebt oder nitt. liebe fraw habt
ir nichts daruon gehört das sagent
mir durch gott. do sach die mūter
den sūn gütiglichen an vnd sprach
zu im. Es ist hie ain fraw die hatt
mit züchten. mit tugenden vnd mit
armūt meer dan fünffzehen jar ge-
lebt. Do sy das sprach. do ritt der
ander sūn auch in den garten. vnd
klaget wie der erst das er sein mū-
ter verloren het vnd wie in ain beer
hin het getragen. vñ wie in die hür-
ten erneret hetten vnd sprach. Das
klag ich got alwegñ. so hab ich mei-
nen vatter auch verlorn vnd waiß
nit wo sy seind so wissen sy nit wo
ich bin. Do der brüder das hort do
sprach er. so bin ich dein brüder. wann
mich trüg ain leo hin vnd ain bau-
man erneret mich. do sprach der erst
brüder. gott sey gelobt das ich dich
gefundñ hab. vnd sagten ainander
wie es in ergangñ was do hort die
mūter wol das sy bayd ir sūn wa-
ren vñ ward fro Do sprach der ain
sūn der almechtig got in dem himel
mag vns des leydens wol ergetzen
das wir gehabt haben zuhand spr-
ach die fraw ich sach den hōrmay-
ster geren dan mich bedunckt er sey
mein man. vnd helfsent mir daz ich
zu im kum. do wurden die zwen brü-
der auß der massen fro. ¶ Nun het
man Eustachio auch gesaget das

Don

lant

zwen brüder ainander gefundn hetten vnd wie sy in fünffzehen jaren ainander nye gesehen hetten do verstand eustachius wol das er ir vatter was vñ rennet bald in den garten vñ sprach. ich sag euch allen für war das die zwen meine sün sein. vnd das die frau mein eeweib ist. got sey gelobt daz ich den tag erlebt hab. vnd was gar fro vnd vnderwand sich seiner frauen vñ seiner kinder. Vnd das heer zoch wider haym man busaunet vñ pfeisset in dem heer überal vñ was in wol gelungen wann sy hetten ir veind überwundn. ¶ In der zeit was der kaiser troianus tod vñ was adrianus kaiser worden der was den cristen veind. do sagt man im daz eustachius mit ain heer über das mör wär komen. vnd daz er den veinden kreftiglich het angefiget. do ritt im der kaiser entgegen vnd dancket im seiner grossen arbeit. vnd gelobet im groß güt. vñ do sy gen rom kamen. do gieng das volck gemaynlich in den tempel. vñ opfferten den abgöttern vnd waren vast fro das sy gefiget hetten. vnd danckten in das sy in geholffen hetten. Do mercket der kaiser das Eustachius nit bey dem opffer was gewesen vñ den abgöttern nit geopffert het. vñ do sy auß dem tempel kamen do sprach der kaiser zu Eustachio. warumb hast du den götern nit geopffert nun habn sy dir doch des figs geholffen. Do sprach Eustachius. mir hatt mein herr jesus christus geholffen. wann

eustachio

ich bin sein diener vñ wil haltñ sein gebot. wann deine abgötter mügent vns nit geholffen vnd sy seind mir nur ain gespört. Aber der herr der hymel vnd erdñ geschaffen hat der hat gewalt über vnser leib vnd seel vnd gibt vns alles güt. vñ dein abgötter haben kain gewalt über vns vnd alle ding. vnd mügen auch dir nit geholffen. do daz der kaiser hort do ward er zornig vñ sprach. Dein got jesus christus mag nyemant geholffen. wann es haben die römer gefiget ee das jesus christus geboren ward darumb solt du deinen vnglauben lassen wilt du nit gemartert sein. wann du bist ain werder man vñ ich mag dich wol fürdern vmb deine dienst die du mir gethan hast vnd was ich güts hab das wil ich mit dir taylen. Do sprach Eustachius. die Römer haben gefiget ee das jesus christus menschlich von seiner mütter Maria geboren ist worden. aber in seines vatters reich was er ye vnd ist ymmer. Er ist von ainer juncfrawen geborn. darumb was die gothait von der menshait verborgn. Christus ist got vñ mensch vnd ward vmb vnsern willen geboren. vnd als vnser hail ligt an im vnd habn die römer ye gefiget das ist mit seiner hilffe geschehen. wann on in mügen wir nichts thun vnd Rom wirt noch ain haubtstat der hailign müter der christenheit. vnd der cristenlich glaub wirt von ir geprediget. Vmb die red ward der kaiser zornig vnd sprach zu im. der dich

verfert hat der ist den abgöttern vn
werd. Sag mir nun du vnseliger
man hast du dein frawen vn deine
kind auch verfert. do sprach eustach
ius Mein fraw vnd meine kind sol
lent mir volgn vn dir nit. Do war
de der kayser zornig vnd hieß Eu
stachium vn sein frawen auch sein
kind in ain garten bringen darinn
was ain leo der solt sy verzern. Do
legt sich der leo zü irn füßen vn nay
get in vnd empfieng sy gütlich. Do
erzürnet der kayser vnd hieß sy alle
viere in ain kessel setzn. do ward der
kessel bald bereit. darein giengen sy
willigklich vmb des hymelreichs
willen. ¶ Sant Eustachius sagt
den haidn vil schöner ler. vn befal
he sich got vn bat in daz er irer mar
ter genüg lief sein. vnd sy von diser
welt nām. des wurden sy geweret.
vn kam ain stym von hymel die spr
ach zü in. Meine liebe kind ich hab
euer gebeet erhört vnd der hymel ist
euch auff gethan. do kamen die en
gel vnd empfiengn ir seel. vn ward
ain süßer güter geschmack. vnd die
des würdig waren die sahen die en
gel ir selen in das hymelreich führen.
vn horten sy frölich singen. do nam
man ir hailig leichnam auß dem kes
sel die waren vnuerfert. Von disem
grossen zaichen befort sich maniger
mensch. vn dienten fürbaß got dem
herin. do kamen die cristen vn begrü
ben ir hailig leichnam mit andacht.
Wir ermanen die hailign irer mar
ter vnd trübsal die sy. xv. jar imm el
lend erlitten haben das sy vns vñ

got erwerben das wir nach disem
ellend mitt inen besitzen die ewigen
freud vnd sälligkeit Amen.

¶ Von allen gottes hailigen.



¶ Wir sollen billich aller hayligen
tag eern vn seyren. vn sollen sy bitten
das sy vns vmb got erwerben das
wir auch zü in kōmen vn got ewig
lich mit in mügen loben. ¶ Die rō
misch stat was so gewaltig daz die
gantz welt vnder ir was. do mach
ten die rōmer ain tempel darin wa
ren alle die abgötter die in der welt
waren. Vnd nach Cristi geburt. vi
hundert vn. v. jar do was sant Bo
nifacius bapst der gebot dem abgot
vocas daz er der abgötter tempel bre
chen lief vnd die stat rainigen vnd
den tempel gottes eeren vn weihen
lief. daz geschach. do ward der tem
pel geweycht zü eeren vn lob allem
hymlichn heer. do begieng man die
grossen hochzeit als der tempel ge

Von allen

weicht ward zu com lang zeit in dē mayen do kam vil volcks dar. vno man fand nit vil speiß vm die selbē zeit. do verwandelt sy der bapst vñ leget sy als wir sy nun begeen in der hailigen cristenhait vnd gebot das man all hailigen an ain tag soleeren vnd begeen. darumb das sy gott für vns bitten. wā es ist nyimmer kein tag durch das ganz jar es sey en all tag fünfftausent martter zum münsten die durch gott gemartert seind. vnd ir blüt vergossen haben on allain am jars tag der selb was frey in der alten ee das man ganz nyemant daran tödt vñ ist danocht ir vil mer an ain tag wordē gemartert. on allain die hailigen die mit irem seligen leben verdient haben das sy von der gnad gotes groß hayligen seind die man noch begeet in der cristenhait so ist ir auch on zale vil die wir nit begeen dan heüt. darüb begeen wir all hailigen mit ainand.

Die freüd alles hymlichen hers begeet heüt die hailig cristenhait. wā wē wir die hochzeit begeen. so seüßgen wir zu der ewigkait vñ bitten all hailigē das sy vns helffen das wir irem hailigē leben als mit grossem fleiß nachuolgen das wir zu der gesellschaft kōmen das wir vns mit in freüen. wann da ist also grosse freüde das tausendt jare als kurtz sind als der gestrig vergangē tag. vñ ain wares liecht in dem alles hymelisch heer got bekennet vnd sich selbs vnd alle ding. Sy kennen auch gott in allen dingen. darumb

Hailigen

das sy bekennen das gott ewig ist. ain allmechtiger gewalt vnd gruntlose weisheit vnd ain überflüssige schonhait vnd ain vnzalliche gütigkeit vnd alle volkommenhait in im selbs vñ in seinen creaturen darüb mügent sy nit lassen sy müssen in on vnderlaß mit allen iren krefftē lieb haben. vnd das stat lob das sy im alzeit thünd das ist allwegen ir lon vnd ist in ain wollust vñ ain freüd vnd ain süßigkeit vñ ain nützen in got dem allmechtigen alle zeit mit ganzem wollust on alles verdrieß in ainer ymerwerenden wirtschafft. wā er gibt sich selb ain yeglichen menschn sunderlich als ob er nyemants achtet dan sein allain so gibt er sich selb in allen gemayn als ob er nyemants allain achtet vnd erfüllt aines yeglichen begird überflüssigklich als vil sein ain yeglicher empfahen mag. **W**ie gar seligklich ist das reich in dem christus der herz regiert ewigklich vnd lebt vnd all hailigen sich mit im freüent. da ist alles güt. da ist weder krankhait noch alter. wed hunger noch durst weder frost noch hitz. kainerlay widerwertigkait noch leiden sunder sy haben ain brinnende lieb gegen got vñ gegen ainander. **W**as vil selig frölich volcke das lobet den süßen got frölich vñ mit freyem müt. dan sy bedürffen ir lob ab den büchern nit nemen. wā in stat zu allen zeyten daz lebendig buch offen das got der herz selbs ist. vñ an dem lob irrt sy kein leiden noch schwärnuch noch

Einertlay sorg. sy habent vor gottes
 angesicht alle süßigkeit. wann got
 ist allain güt vnd fleußt alles güt
 von jm in ainen yegklichē engel vñ
 hailigen vñ in ain yegklichen gaist
 sunderlich wan der seligen begierd
 mag anderst nit erfüllt werdē dan
 mit got. er gibt sich selb ain yeglich
 en ganz. vñ got ist als ainfeltig vñ
 ganz das er nit getailt mag werdē
 also wirt got vñ die sel veraint vñ
 der selign freud wirt täglich geme
 ret vñ erneuert. wan als manige sel
 gen hymel kōmpt als manige freud
 hat alles hymlich heer. also wirt ir
 freud ewigklich gemeret mit neuen
 grossen freuden. vnd wenn ain seel
 gen hymel vert so wirt sy empfan
 gen mit eeren von allem hymlichē
 heer. wan all hailign grüssen sy vñ
 vergynnt ir aller glori. es kōmen
 die zwölffspoten vnd grüssen sy. vñ
 gebent ir all freud vnd iren lon. be
 sonder den sy mit irem vester gelau
 ben verdient hat. darnach grüssen
 sy all martirer vñ gebent ir iren lon.
 den sy mit irer marter verdient hat
 darnach grüssen sy die Beichtiger
 vnd gebent ir iren lon den sy mit be
 ten vaster vñ mit ander irer arbeit
 verdient hat. darnach grüßt sy auch
 süßigklich die werdemüter gottes
 mit allen raynen juncfrawen vnd
 gebent ir irn lon den sy mit irer keu
 schait verdient hatt. vnd also wirt
 ain ygklich sel enpfangē von allem
 hymlichē heer. vñ grüßt sy ain yeg
 klicher hailig vñ engel besunder vñ
 gibt ir die freud vmb iren lon. vnd

die selbig sel gibt hinwider ain yeg
 lien besunder iren lon den sy verdie
 net hat vmb ir glori. Sy haben all
 ganzen frid mit ainander vnd ist
 kain ding daz vnder in vnfrid mach
 vñ all hymlich burger habē freud
 vñ wunn an gottes angesicht. dan
 sein angesicht ist klar schön vnd lu
 stig. vñ die weyl sy lebten dürstet sy
 nach dem lebendigen prunnen. das
 was got der her. nun habē sy in be
 griffen vnd trincken was sy müg
 en vñ gebricht in nymermer. vñ dür
 stet sy doch nach got dem allmehti
 gen den sy nach lust niessen vñ seind
 alzeit gotes sadt der der engel speiß
 ist. vnd haben ganze freud vnd rü
 ewigklichen. sy habent all ainen wil
 len in got vnd habent all gleich sit
 ten. das ist ir sit das sy got loben vñ
 sunst nyemant anders vnd kennent
 vnd süchent sein klarheit schöne vñ
 wunn. vñ naygen sich vnder in. vñ
 kennen sein gewalt vñ maiestat vñ
 seind ains freyen willen wan sy die
 nent got dem herren vnbezungen
 sy seind frey vor allem layd. sy habē
 kain jamer nach kainem ding dann
 allain nach got. den haben sy nach
 allem irem willen. Zu hymel ist kain
 ding das yemand verdrief vnd ha
 ben alles das des sy gelnstet. das hy
 melreich ist das liebest lann. wer
 got lieb haben wöll der kām dar da
 hat man got lieb in jm selber. vñnd
 ist lautere lieb da on neyd. vnd alle
 lieb die da ist die ist in got vñ durch
 got. sy verwundern sich an got vñ
 in irer wunderlig wirt ir hertz auf

Von allen

geprait in der ewigñ lieb. ¶ Sant Johānes schreibt. Zū hymel ist weder sunn noch mon noch kain liecht das vns erleuchte. Zū hymel seyen wir gotes sadt vñ begern sein doch zū allen zeiten vñ die begird ist mitt allen freuden. Die lieben hailigenn schawent. x. ding an got. das erst ist almechtiger gewalt. wān sy kennen das got erschaffen hat all ding auß nichten. das ander ist sein grundtlose weißhait mit der alle ding wol erschaffen vnd geordnet seind. das dritt ist sein gūte die er mitt aylet allen creaturen. das vierd ist die gerechtigkeit dān got richt alle ding gerecht. das fünfft ist sein barmherzigkeit dān der ist hymel vnd erden vol. das sechst ist sein grosse ainigkeit die hat weder end noch anfang. Das sibent ist sein ewigkeit. in der freud freuwet sich alles geschöpffe wān sein sicherhait ist ewige freud. Das acht. ist sein schöne die sy allzeit mit lust ansehen. Das neünd ist sein süßigkeit die sy niessen on alles verdriessen. Das. x. ist sein volkommenheit. wann er ist ain volkomne seligkeit. ¶ Nun sollent ir wissen wer die seind die ir rechts erbe das hymelreich besitzen sollen. das seind alle die die on todsünd seind vnd also von diser welt schaiden. vnd alle die in todsünden seind vñ also von diser welt schayden der kompt kainer nymmermer dar. wān ain yeglicher leib muß nach dem jungsten tag sibemal klärer sein dān die sun dānoch ist der seel schöne als groß

hailigen

weder des leibs schöne. als aller welt schöne groß ist gegen ain klainen fūncklin. wān des leibs schöne ist anders nit dān nun ain überfluß der seel schöne. wān all hailigen sehen got an mit ain vnbedeckten an gesicht zū angesich. sy erkennen auch wie got der vater seinn ainigen sun gebirt on vnderlaß vñ wie der hailig gaist von dem vatter vnd von dem sun außgeet vñ wie der vatter vñ der sun vñ der hailig gaist veraint ist in ain götlichen ainfeltigen wesen als er ye was von anfang vnd ymer ist on end ewigklich vnd wie sy mit dem vater vnd sun vnd hailigem gaist veraint seind ewigklich onend. All hailigñ haben auch vnmässigen lust vñ freud von der hailigen menschait Jesu cristi. wān sy erkennen die vnd sehen sy klärlich vor in in der gotthait vnd die gotthait in der mēschait. sy wissen auch den ymerwerenden lon den got der allmechtig mit seiner menschait hie auff erden verdient hat mit seinem volkommenen leben vñ mit seinem grossen leyden vnd mit seinem herten tod. wān aller hailigñ leben hie auff erdñ hat got würdig gemacht in dem vnmessigen verdienen seins lieben angebornen suns. wān kain mensch kam nye gen hymel noch kömet nymmer dar. dān mit dem verdienen vñsers herren Jesu chusti. vnd wenn ain seel gen hymel vert. so ist Jesus der herz selbs der thorwart vnd thut ir die hymelporren auff vñ empfacht sy frölich mit der süß-

sen engel gesang. vñ alles hymnisch
 heer empfacht sy auch mit vnnüßli-
 gen freuden vñ wun. so spricht dan
 got zū der sel O du minnigliche sel
 du solt dich heüt vñ ewigklich freu-
 en wañ ich gib dir die glori des hy-
 melreichs vnd gibe mich dir selber
 mit allem güt als ich bin als vil du
 mein empfangen magst vnd du von
 mir vñ ich von dir nymer geschay-
 den mügen du solt dich mein nießen
 nach allem deinem willen dann was
 du wilt das will ich auch. vnd also
 empfacht got die seel mit seiner got-
 hait vñ mit seiner menschart vñ setzt
 sy in sein schoß vnd thüt ir sein göt-
 lichs hertz auff vñ zartet ir minnig-
 klich vnd sy nießet sich sein nach all-
 irem willen vnd mer. dan sy begern
 mag. so sicht die sel klärlich was in
 ir gebildet ist. so ist dann ain ewige
 ainigung zwischen got vnd der seel
 mit aller wunn ewigklich. schwebt
 vnd schwimbt den die seel ewigklich
 in dem prunnen der hailigen driual-
 tigkeit vnd so geüßt er sein gothait
 vnd sein süßigkeit mer auff sy dan
 sy begert. so spricht denn die seel. ich
 lob dich süßer got das ich von mey-
 nem tödtlichñ leib erlöst bin vñ daz
 ich dich soll sehen in deiner herrsch-
 aß. daz ist der tag des ich allzeit be-
 gert hab. wañ ich bin nun ergetzt al-
 les meines leydens. vñ sich nun das
 ich auff erden gelaubt hab vñ auch
 empfangñ den ich mit meinem müd
 genossen hab. vñ bin gar durchflos-
 sen mit deiner gütigkeit O du mein
 wunniglicher got du hast mit den

gewalt geben über das hymelreich
 so wil ich mich zū dir heben vñ dich
 haben vñ alle hymnische freud mitt
 dir. vnd leg mir dein gelincke hant
 auf meinen nack vnd truck mich an
 dich mit deiner rechtñ hand daz ist
 mein wunn vñ erbe. nun bin ich Eß-
 men zū dem obersten güt vñ bin ge-
 flohen zū der ganzñ seligkeit die in
 dem ist. Darnach setzt er sy nider vñ
 ist selber truckseß vñ trenckt vñ spei-
 set sy selbs mit seinem götlichen ange-
 sicht vñ spricht den zū ir. yß vñ trin-
 cke. vñ sich in meinen götlichen spie-
 gel. vnd sich dich in mir. so will ich
 fließen vñ dich ewigklich in mir be-
 schließen. o du selige sel wie groß ist
 dein glori wunn vnd seligkeit. wen
 dich got d allmechtig vmbfacht vñ
 vñschleüßt mit seinen götlichen ar-
 men vñ du bestat wirst in dem ober-
 sten güt. die glori mag weder hertz
 gedencen noch mund auß gesprech-
 en. Alles hymnisch heer hat wun an
 got dem almechtign wañ sein ange-
 sicht ist schön vñ sein rede süß. Von
 dem angesicht spricht Anselmus:
 O hailigs angesicht du bist ain vol-
 komner wollust. o du begirlichs an-
 gesicht. nun wolher alle die die dich
 allzeit ansehen wañ sy sehñ all crea-
 turen in dir vñ alles das ir hertz lü-
 stet. Die seelen süchen glori an got.
 naygen sich zū seiner güt vñ zerfließ-
 sent in freuden das sy in got schwe-
 ben. wañ sy seind der götlichen süßi-
 kait vol vñ sehen die grossen schon-
 hait die an gott dem herren ist dar-
 umb liebent sy got. wañ got seinem

Von allen

gemahel die seel gen hymel füret so ist die hochzeyt vil herrlicher vnnnd schöner dan all die herrschafft vnd schöne die auff erd ist. wan die irdisch schönheit ist ain vn sauberkeit gen der hymelisch schönheit. Die seelen haben die ewigen seligkeit. ewige freud vñ reichthumb on gebrechñ minnigliche gesellschaft on krieg. vnd haben alle sãld vnd eer vnd lebent allweg in wunn vnd lust. dan sy haben kain gebrechen vnd seind geziert mit mangelay würdigkait. wan sy hat beklaydet die ewig sun. vnd das ewig liecht ist ir leben. In der ewigen gotthait in dem hymel ist gott ain lebendiger spiegel aller der die in dem hymel seind. er ist ain spiegel der engel vñ der seel. vñ manen sich die engel in got vñ got in 8 seel. ain yegliche seel vñ ain yeglicher engel ist ain spiegel vñ die spiegel gleston wunniglichñ gegen ainander vor grosser klarheit vnd sehent in den ewigen spiegel. Die seel ist auß gott geflossen. darumb ist sy so edel das sy kain ding erfüllen mage dan got allain. wan von gottes an gesicht fleußt alle wunn vnd süßigkeit in dem hymel. das ist anders nichts dan singen vñ got loben vñ dienen. daz ist des himelreichs recht O wie sãlig. frölich vnd wunniglich ist gottes lobe in irem mund. wen das ist got loben. darumb ist euer freud vnd wunn on ende. Die lieben hailigen wundern sich in got vnd von der wunderung wirdt ir hertz außgebrayt in der ewigen lieb

hailigen

Maria die juncfraw hat vil grosser freud in dem hymel damit sy got der herr sunderlich begabet hat für all hailigen. die all zusagen war zũ lang. darumb will ich nur. v. freud sagen. Die erst ist das sy got der vatter von anfang der welt auß allen creaturen erschüß zũ grosser sãligkeit. dan nye kain creatur auß erd kame noch in den hymel das sy die höchst edelst vnd würdigest ist. vñ ist im auch die aller liebtest. vnnnd ist nach got der allerklarest spiegel aller tugent. Die ander freud ist das ir sun sitzt zũ der gerechten hand seines hymelischen vatters. eben herr vnd eben gewaltig in gleicher natur vnd auch in gleichem adel. Die dritt freud ist das sy mit got dem hymelischen kaiser ain sun gemain hat von dem alles gũt fleußt. vñ in dem alles gũt beschlossen ist. Die vierdt freud ist das sy ain gemahel ist des hailign gaists vñ das er sy vñ allen creaturen zũ ainem gemahel vnd gespons außerswölt hatt. Die fünfft freud ist das ir lieber sun ain wesen ist mit dem hailgn gaist. vñ ain lieb vnd gütigkait. vnd ain süßigkeit vnd alle tugent on end. Die vnd all unzalich vil freud neüßt die würdig müter gottes allzeit gegenwärtiglich von aller militait des almechgen gottes. vnd der freud freündt sich all hailigen vñ engel allzeit mit vnser lieben frawen. recht als ab iren freuden. vñ habñ lust vñ freude dauon dan sy ist ir würdige fraw: gewaltige künigin vñ gebieterin. wie

sollen an dem tag des erstn lobn die hailign drittaltait in der ainigkait vn die ainigkait in der drittaltigkait vmb das gut das got selb ist wesen lich darnach soll wir in lobn vñ dz gut das er vns vn allem hymlischn heer mittaylet. wir sollen auch sein werde müter maria loben vmb das das sy von got hat. vn sollen sy bitten das sy vns vñ got erwerb das ir schar mit vns werde erfüllt. Darnach sollen wir die hailigen patriarchen vn propheten loben vn eern vmb vesten glaubn das sy vns vñ gott erwerben das wir gott von ganzem hertzen lieb haben vnd sollen die hailign marttrer vñ ir sterck loben das sy gesiget haben. vnd sollen sy bitten das sy vns erwerben das wir der welt angesign vn des flaisch vnd sollen die hailigen beichtiger vmb ir saligs leben loben das sy vns vmb got ain saliges end erwerben. darnach sollen wir die raynen juncfrawen eeren vnd lobenn vmb ir raynigkait das sy vns vmb got erwerben ablas irer sünden vn alle tugendt damit wir das hymelreich verdienen. Nun merck wie die hailigen für vns bitten an aller hailigen tag. Es was ain hailiger custor zu Rom über ain jar nach dem als aller hailigen tag ward aufgesetzt. do gieng der custor in sant peters kirchñ von ainem altar zu dem andern vñnd beetet mit grosser andacht vnd kniet zu lest für sant peters altar do ward er entzuckt vnd sach den herren Jesum auff ainem

vnmässigen schönen tron. darnach sach er vnser frawen in aller gezier außerswölt die was über alle schön in dem hymel vñd kame ain grosse schar juncfrawen vmb sy vn gien gen ir vil witwen nach vñd do vnser fraw für den künig kam do nay get sy im vn lobt in do stünd vnser herz von dem tron auff vn empfiengen sein mütter schon vñd sagt sy an sein seyten. do sach der custor groffe klarhait an der juncfrawen vn an der witwen klaidern darnach sach er vil engel in grosser klarhait die gien gen all für vnsern herren vn lobten in. Darnach gieng sant Johannes der taufer auch mitt ainer grossen schar der altuätter darnach gieng sant peter der bapst für vnsern herren mit ainer grossen schar. darnach giengen die hailign marttrer vn lobten got den herren. Do kamen die bischoff vñd die beichtiger vñnd alle gotes hailigen mit ainander vn die scharen tratten alle mit freuden für den hymlischen vatter vñd knyeten nyder vñd beeten in an vñd lobten in. Do hüb sant Peter die metin an vñd hulffen im die andern all vñd volbrachten die mettin dem ewign got zu lob. Vñd der engel der dem custor weiset der sprach zu im. Nun die schar alle die seind all in gottes lob gesamelt vñd danckent got der eeren die in die tödtlichen menschen hie auff erden erbütten vñd bittent got das er in lone vn das er in helf das sy zu ir gesellschaft kōmen das sy gott ewigklich loben. Darnach

Von allen

weist der engel den custor an ain andre stat. da sach er freud vñ trau ren vnd sach vil menschen in freu denreychen bedten mitt gold vñd reichait die hetten ir rñw. vñd sach etlich ob dem tisch sitzen vnd essen. Er sach auch vil armer menschen die nichts hetten vñd batten die an deren das sy in auch gaben. der cu stor het gern gewist was das wär gewesen. Do sprach der engel. es ist das segfeüwer. Die reich seind vñd genüg haben. das seind die selen die getreüw freünd haben auff erden den geholffen wirt mit gñten wer cken. Aber die armen die nichts ha ben. seind die selen der ir freünd ver gessen vñd ettlich haben nit freünd die müssen grosse pein leyden. wā in wirt kein gñthait gethan. Dar nach solt du das sagen was du ge sehen vñd gehört hast. vñd sprich er soll aller selen tag auffsetzen an dem nächsten tag nach aller hayligen ta ge. Darumb das die ganz cristen hait gemainlichen des selben tags für alle gelaubig seelen bitten. das inen geholffen werde den ir freünd nichts gñts thünd. Also kam der cu stor wider zñ im selbs vñd er saget dem bapst was er gesehen hett. do sagt der bapst den tag auf als man in noch in aller christenhait begeet. Nun bitten wir alle gotes hailigen das sy vns vmb got erwerben das ewig leben Amen:

Von allen gelaubigen selen.

glaubigen selen



Die selen die mit reü on todsünd verschaydñ seind der tag sollen wir mit fleiß begeen vñd sollen got bit ten das er in auf allem irem leyden helffe. Es was ain fäliger man in sicilien der hieß otilien der hort den bösen gaist mit grossem jamer auf ainem berg schreyen. do het er geren gewist was das bedeüt. do ward im kund gethan das sy darumb sch ryen das in manige seel entgienge von der gñten menschen gebeet we gen wā sy dauon getröst wurden vñd zñ genaden kämen. so schryen in die bösen veind nach vñd hetten sy geren gepeyniget. vñd do er das hort do ward er gar fro vñd saget es dem bapst der sagt auf das man aller seelen tag gemainlich in aller christenhait begienge darumb das die seelen daruon getröst vñd zñ ge naden kämen. Das segfeüer ist kalt vñ warm vñd müssen die selen die

nit ain seligs leben gefürt haben vñ sich nicht vor allen tödtlichen vñnd täglichen sünden gehüt haben die müßent all in das segfeür die aber in todsünden sterbent die müßendt in die hell daruon willich nit sagen aber die ir sünd nit volkommenlich gebüßt haben vñ die ir beichtuäter nit wesenlich außgericht haben die müßen in dem segfeür büßen. Nun spricht etwann ain mensch ich hab mein sünd gebesseret vñd gebüßet nach meines beichtuatters rat. hat dich aber dein bechtiger nitt auff ganze büß geweißet vñd hast nitt volkomne reü vñnd layd über dein sünd gehabt so bist du des segfeür wers nitt frey. es mag aber die reü als groß sein das sy der seele alle ir pein abnympt. wān wer volkomne reü an seinem end hat der kompt nit in das segfeür. es sol die reü nye mandt sparen biß an sein end. wān es wayßt nyemandt ob im es gott gibt oder nitt es müß sunderlichen verdienet sein dem sy got gibt. Es kompt auch den seelen gar wol zū staten die in dem segfeürwer seind was man inen auff erden thūt mit allmüßen. mitt beeten. opffern das man auf den altar legt oder armen leütten mittaylet mitt vasten oder wachen vñd in wirt die büß abgenommen etwān zehen jar. etwann halb. etwān gar. vñd die selen werden etwān mit gūthait wol getröstet ¶ Es was ains mals ain großer mayster zū pariß der het die seelen gar lieb. vñd als oft er über den

kirchhof gieng so laß er den seelen ain depfundis. Do kamen sein veind aines mals auff den kirchoff vñnd lieffen im nach vñd wolten in erschlagen haben. do ließ in got genießen des gebeets das er den seelen thett vñd thetten sich die todten gröber auff vñd die todten menschen giengen herauf vñ het ain yeglich mensch seinen zeüg. nach seinem handtwerck als er bey seinem leben genüget het. aines ainen hamer. aines ain schwert. das annder ain schaufel. laystmesser vñd spieß vñd verjagten die veind damit das sy sich seer forchten vñ vertryben sy mit großer grimigkait Do was der maister fro vñd genas vñ ließ in got des gebets genießen. ¶ Aines mals saß ain pfaff auff ainer pfarr der hett die seelen gar lieb vñnd sang all tag requiem die mes von den glaubigē seelen. das saget man dem bischoff von im das thett im gar zoren vñd vertrib den selben frūmen pfaffen von der pfarr. Darnach gieng der bischoff über ainen kirchoff do thetten sich die gröber auff vñd giengē die todten herauf vñd lieffen dem bischoff nach mit gewalt vñ sprach en zū im. Du hast vns vnsern caplan vertribē der vns fleissiglich dienet mit seim gebeet des mes ist vns zūtrost kōmen. darumb gibst vnß den nit wider so wiß. du müßt sterben do ward der bischoff gar angstig vñ gelobt in iren caplan wider zuschicken do lieffen sy den bischoff geen do ließs er den pfaffen wider

Von allen

auff sein pfar selmes fingen vñ der
bischoff sang fürbaß auch gern seel
mes. ¶ Sant Gregorius schreybt
von ainem ritter den wolt got et-
was lassen sehen der starb vñ kam
auff ain greülichen baum. vnd sach
ain groß schmeckends wasser dar-
über gieng ain schmale bruck vnd
wer mit glück über die bruck kam &
fand vil eeren vnd freud. dort jen-
halb was ain güter geschmack vnd
er sach da vil menschn in schneweis-
sen klaidern kurzweil treyben. Nun
sach er ain der hieß petrus der was
mit eyßen gebunden das er nit auff
die brucken mocht kōmen. do fraget
der ritter was Petrum irret das er
nit auff die brucken kōmen möchte.
do sprach ainer zū dem riter. er rach
sich allweg wān man im layd thet
vnd den rach wolt er got nit lassen
Darnach sach er ain bilgerin über
die bruck geen. vnd im mochte der
veind noch kain vngelück schaden:
wān wer mit güten wercken an die
brucken kam. der gieng hinüber wer
aber mit bösen wercken daran kam
der viel in daz wasser. Nun sach der
ritter ain man der hieß steffan. der
solt auch über die brucken geen. do
kam er in grosse not. wān die bruck
was seer hāel vñ er begund schleif-
fen. do kamen zūhand vil schwarz
moren auß dem wasser. die zugen in
bey den füßen vñ hetten in geren in
daz wasser gefelt. do kamē dort her-
gar auff ainer schönen hayden vil
schöner jüngling die hetten all weis-
se klaiden an vñ zugen in wider auf

glaubigen seelen

do wißt der ritter nitt wa er belybe
vnd kam darnach wider zū im selb
vnd nam im selber den vñschayd
darauf. Die swarzen moren wān
die bösn veinde. vñ die in den weis-
sen klaidern waren die hailign eng-
el die hielten in auff mitt den armen
darüb das er den armen das almū-
sen durch got gab. ¶ Aines mals
was ain mayster zū pariß der hette
ain schüler der ward siech vñ wolt
sterbñ do beswūr in der maister vñ
gebot im dz er im nach seinem tode
erscheinen solt vnd im sagt was er
in fraget. do starb der schüler vñ er
schin dem maister in ainer prinnede
cappen die was mitt valscher leere
durch schriben als ere vor getriben
het. wān er het nun durch der welt
eer gelernet vñ die kapp was innen
ain glüende glütt do bekant in der
maister nit vñ sprach zū im wer
bist du do sprach er ich bin der schü-
ler den du besworen hast. do sprach
der maister sag mir wie es vñ dich
stee do sprach der schüler die kapp
müß ich tragen darüb daz ich geler-
net hab vmb der welt rüm vñnd sy
ist mir als swār als ob ain thuren
auff mir stee also müß ich die glütt
tragen vmb eytel eere do gedaucht
den maister des schülers pein wāre
nit groß als er sagt do sprach & schü-
ler gib mir dein hand das theter do
ließ er im seins schwaif ain tropfen
darein & wischt im schneller durch
die hand dān ain pfeyl vñ prant in
übel do sprach der schüler also prent
es mich überal. Do der mayster des

weetagen empfandt. do thet er sich aller kunst ab die im an seint sel schaden mocht vnd naiget sich über die kunst der weisheit die im zum ewigen lebē nütz vñ güt was. Zum dritten mal so kompt auch den selen die in dem kercker des segfeurs gefangen seind die hailig mes zu nütz vñ güt so man got dem vatter seinen ain gebornen sun opffert. vnd in des leidens vñ tods ermant den sein sun für die selen geliten hat. daz bewegt in zu der barmhertzigkeit gegn den selen für die man in an rüst vñ hilft in auß irer pein. Die mes kompt zu statten den die hie auff erden in leyden seind. des haben wir vñkund an ainem man der grub nach silber mit seinen gesellen. do funden sy ain tayl silbers. vnd sy gruben tieffer ein do geschach ain sal vñ sein gesellen ver vielen das sy sturbn. vnd er veruel auch aber er genas. wann es was bey im verfallen als ain kamerlein. als ob er in ainem hol war. doch so wolte man wenen er war tode. do was seint frawen gar laid vmb in vñ gieng all tag gen kirchen vñ bat got den allmechtigen für in mit an dacht vnd sy frumet im alltag mes mit ain liecht vñ opffert im alltag wein vnd brot für sein seel. das thet dem bösen veind zorn. der pildet sich in ains menschen gestalt vñ begegnet der frawen auff der straße vnd fraget sy wohin sy wolt. do sprach sy. ich will zu der kirchen. do sprach er. ich sag dir für war du hast dich versaumt man hat gesungen. das

thet der böß veind drei tag nach ain and daz sy allweg wider haim giengen vnd ließ das almüsen vnder wegen. Do kamen andre menschn auch zu dem berg vnd wolten silber graben do kamen sy auf den man der redet vñ sprach. fart gemach wan es liget ain grosser steyn auff mir der möcht vñleicht auff mich fallen. do erschracken sy ser vñ fragten in wer er war. do sprach er brecht sitlich zu mir. do gruben sy bey der seyten ein vñ funden in gesund vnd erkanten in wol vnd fragten in was in enthalten het. do sprach er. man bracht mir all tag ain kanten mit wein vñ brot vñ ain liecht das hatt mich ernert das ich nitt tod byn. doch drey tag do ward mir nichts gesendet. Do mercket sein fraw wol das im die mes vnd das almüsen geholfen het. ¶ Zum vierdñ mal so wirt den selen ir pein geminder hie auff erdñ wen ain mensch für ain seel büßte. Des haben wir ain schöne vñkundt an ainer schönen jungñ frawen der starb ir man das was ir gar layde. darnach gieng ir an dem güt ser ab do ward sy ser betrübt vñ weßt nit wie sy tün solt. do kam der böß veind vnd sprach zu ir. laß dein sorgen. dan wilt du meinen willen thun so will ich dich reich machen vnd will dir vil eere vnd güts zu fügen. Do sprach sy. ich will dir gern volgen. do sprach der böß veind. du solt mit gaislichen menschen vnkeusch treiben als vil du magst. vñ behalt kaynen armen menschen übernacht vñ

Von sant

wer mit andacht beet den ir: wā du magst vnd wird nymer als thoret das du beichdest des volget sy im: do gab er ir gūts genūg. Dar- nach ward die frau siech vñ wolt sterben do het sy ain frūmen sun der bat sy daz sy ir sünd solt beichten vñ reu darüber het daz wolt sy nit tūn das was dem sun layd vnd sprach Mūter wilt du mit dein sünden für gottes gericht kōmen daran thūst du thorlich. du solt dein sünd hie lie- ber ablegē Do erschraek sein mūter gar seer vnd sagt dem sun wie es ir mit dem bösen veind ergangē was vnd sagt im wie sy im allzeit geuol- get het vnd sprach Ich fürcht mich helff mein beichten nit. Do sprach der sun. Mūter gedencck das gotes barmhertigkait grösser ist dan aller menschen sünd vñ er sein barmher- zigkait nyemand versagt der vmb sein sünd reu hat vnd die beicht. dar- umb so beicht dein sünd so will ich die büßs selb volbringen. Do halff got der frauen das sy grosse reu w- über ir sünd gewan vnd dancket ir em sun des getreuen rats vñ spr- ach mit grosser reu. Bring mir ain priester vnder dem kamen vil böser gaist zū dem beth die waren greū- lich gestalt. do erschraek sy s angst- lichen anblick so ser daz sy starb. vñ do der sun mit dem priester kam vñ sach das sein mütter todt was. do was im gar laid. darumb daz sy nit gebeicht het. do beicht der sun alles für sein mūter was er weest vñ lay- set volkomne büß für sy. vnd was

Pirminio

im gar layd vmb ir sel. do tröstet itt got vnd erschyn im sein mūter vnd dancket im das er sy mitt seiner büß vnd gebeet von aller pein erlediget het. Do ward der sun gar fro vnd dancket got seine gnaden. darumb sollen wir gern für all ellend gelau- big selen bitten die im segfeur seind wann es kompt in wol zū staten. vnd vns selbs auch wā so sy für- kōmen so gedenccken sy daran. Wir sollen aber für die nit bitten die nit bey got seind. wann da wissen wir nit ob sy zū vnserm herren kōmen oder nit. wen sy aber bey gott seind so bitten sy für vns vnd geet vns vnser gebeet wider haym. Nun bit- ten wir got das er all glaubig selen von irer pein erlōß vnd in gebe die ewig freud. vnd vns hie ain gūtes end vnd nach disem zergāncklichen leben das ewig leben Amen.

Von sant Pirminio



Der hailig herz sant Pirminius was von edlem geschlecht geboren vnd vatter vnd mütter zugen in auf die götlich gerechtikait. wan sy waren güt cristen vnd hetten got lieb vñ dienten im mit fleiß tag vñ nacht mit beeten. vasten. wachen vnd mit vil ander güter übung. das lerten sy iren sun auch. vnd lieffen in gen schul. do lernet er gar wol. Do er nun zu seinen tagen kam. weihet man in zu aym bischoff do pflag er des ampts mit grosser würdigkait. vnd was gar demütig vñ die menschen eereeten in vast. do gedacht er an die zeitlichen eer damit man die ewigen seligkait verleüret vnd gedacht in ich will sy fliehen vñ gienge haimlich auß dem land darin er ain bischoff was. vñ legt arme klai der an vñ gieng als ain ellender bilger von ain land in das ander. vñ süchet wenig rā vnd hett geren ain haimlich gemach gehabt. da er got allain möcht habē gedient. vñ kam von dem willen götes gen schwaben gen Costentz da fand er ain wilde wüst vnder der stat an dem see. darein was nye kein mensch kōmen Die wüst was ains herren der sasz in schwabē. das sagt man sant Pirminio. do gieng er hin zu dem herren vñ bat in das er im vergünnet das er ain wonig da machte daz er got dem herren deßter baß gedienen möcht. das erlaubt in der herz mit güttem willen. des dancket er in mitt grosser demütigkait vñ schyed von in vñ kam in die aw. Nū do er dar

ein kame do was es vol vnzifers von schlangen krotten edechsen vñ ander vil gewürm das er sein süß kaum gesetzen kund. do er das sach knyet er nyder auf seine knye vñ hūb sein hend auff zu got dem herren vñ sprach. O gewaltiger got von hymel dir müßent all creaturen vnder tönig vñ gehorsam sein gib mir gewalt das mir das gewürm von diser stat müß weichen. vnd als bald er das gebeet sprach. do hūb sich das gewürm zūhand auß 8 aw vñ schwam über den see das man das wasser vor wüermen kaum gesehen mocht daz wert drey tag an ainand vnd die aw ward rayn das er niendert kein vnzifer mer sach. des dancket er got dem herren vnd beraytet ain statt zu ainer wonunge das er da got möcht gedienen. Darnach kamen gar vil güter menschen von mañen zu im die hulffen in da bawen. Darnach gieng er zu dem bischoff von Costentz vñ batt in das er in erlaubet das er ain kloster da machte das er vnd sein brüder got dem herren darinnen möchten gedienen. das erlaubt in der bischof gern. Vnd also ward ain zūgang von gaislichen vnd weltlichen. do man anhūb zūbawen das man ain herliches schönes kloster bawet in der eer sant Benedikten. vnd es kamen edel vnd vnedel darein. daran gab man vil güts vnd zieret es mit vil hayltumbs vnd andern dingen die zu gottes dienst gehören. Darumb ward 8 lieb hailig Pirminius

Von sant

gar auß dermassen fro vnd danck
got seiner gnaden vñ dienet jm für-
baß mit grossem fleiß mit beeten va-
sten wachen vnd mit ander gütter
übung. vñ hielt sich gar abgeschay-
denlich vñ was keusch. rain vñ für-
sichtig mit sein güten wercken vnd
hielt sich so götlich daz sein lob über
al erhal in allen landñ das man gar
güten glauben an in het. Vnd do
er vil jar ain hertes strenges seligs
leben gefüret hett do ward er siech
vnd wolt sterben vnd bekennet daz
wol. do sendet er nach seinn brüder
vnd leret sy das sy mit ab dem rech-
ten weg giengen vñ sprach sy sol-
ten got vor allen dingen lieb haben.
wan en wär ain kurtz leben hie. Vñ
do er in vil güter leer gethan het do
sprach er. O allmechtiger ewiger
got ich danck dir deiner gnaden die
du mir mit getailt hast. fürsich alle
menschen die mich eeren vnd mein
namen anrüssen. vnd behüt sy auch
vor aller vergiftung. Do er nun al-
so gebeten het do starb er seligklich
vnd für sein selzñ den ewigen freün-
den Do die menschen sahent das er
todt was do wayneten sy gar seer
vmb in Also legt man seinen hailig
en leichnam mit grossen eeren in sei-
nen sarch. vñ begruben in mit gros-
ser würdigkait vñ eer in das kloster
darinn er got dem allmechtigh mit
sein brüder gedienet het. ¶ Es ge-
schahen vil zaichen an den menschn
die seinn hailigh leichnam mit ernst
vnd andacht anrüssen Er hat vñ
got den almechtigh erworben wenn

Crisanto

man seinen namen ob dem tisch nen-
net oder wenn man yst daz man kain
vergift mag essen noch ander vn-
rayn dinge. ¶ Nun kam es dartzu
das in sein leiplich freünd gesücht
hetten vil jar. vnd do sy horten das
er begraben was do grubenn sy in
widerumb auß. vnd fürten sein hai-
ligen leichnam mit grosser würdig-
kait mit in haym in wälische land
von dannen er geboren was. vñnd
freüten sich irs hailigh freunds gar
seer. vnd sy bauwten im ain schöns
münster. darin vieng er an vñ thet
vil zaichen darvon vil zuschreybenn
wär. Vnd sein rock ließ man in der
reichen aw darinn er gewonet het.
Nun bitten wir den hailigen bisch-
off sant Pirminiñ das er vns vmb
got erwerb das wir von in nymmer
geschayden werden Amen.

¶ Von sant Crisanto.



Sant Crisantus was ain güt-
ter crist vñ het got lieb vñ dient im
mit fleiß. Aber sein vatter was ain
haid vñ ain mechtiger ritter & hieß
Polinus. do er nun innen ward daz
sein sun Crisantus ain cristen was
das was im layd. vñ versperret in
darnach in ain kamer zů fünff schö-
nen juncfrawen die solten in von
dem glauben bringen vnd solten in
rayzen zů vnkeuschait. do beetet er
mit andacht vñ bat got den herren
daz er in beschirmet vñ mit im wär
do halff im got das die juncfraw-
en ymer schliessen vnd weder assen
noch trunckē vor schlaffen. Do daz
der vatter hort do ließ er die juncf-
rawen herwider auß nemen. do er
wachten sy als bald vnd assen vnd
trunckē. Do thet der vater aber ain
juncfrawen zů im die was gar sch-
ön die hieß Tharia die was mitt
schönen klaidern gar wol gezieret.
do sagt ir Crisantus souil von got
dem herin das ir hertzenzünder vñ
inprünstig ward. vnd er straffet sy
vmb ir hoffertige klaiden. do sprach
sy zů im. du solt wissen dz ich die klai-
der von hoffart wegen nit trag. ich
legt sy darumb an das ich dich ge-
ren darzů bracht het daz du deinem
vater genolgt hettest. Do gab vn-
ser lieber her: sant Crisanto so vil
weißait vnd genad das er die jun-
ckfrawen überredt das sy ir keusch-
hait got gelobet zuhalten biß an ir
end. vñnd sy ward ain cristin vnd
liessen sy bayde in dem syñ sy wölten
ain ee mitt ainander machenn. das

geniel seinem vatter gar wol. vnd
nam sy auß der kamer vnd giengen
mit ainander vnd lerten vñ predig-
ten cristen glauben. das ward aym
fürsten gesagt. der hieß sy bayd fa-
hen. vnd legt sant Crisantū in ain
kercker der schmactt so übel das ma-
nig mensch darinn verdarb. do bee-
tet er seer mit andacht do ward der
böß geschmack verkeret in ain güt-
geschmack. damit eert got der herre
seinen diener. Do ließ der fürst die
juncfrawen in das gemayn hauß
fürn. do rüft sy got mit ernst an. der
fürsach sy vnd verhengett das des
selben fürsten leo & eingespert was
ledig ward vñnd leget sich für des
sündlichñ hauß thür vñ hütet der
juncfrawen. do wolt ain jüngling
zů der juncfrawen gegangen sein.
vnd wolt seinen willen mit ir ver-
bracht haben do ergriff in & leo mit
grosser vngestümigkait vñ trüg in
für die juncfrawen recht als ob er
in wölt tödten. Do gebot sy im das
er im kain laid thät. do ward er fro
vnd floch bald vnd sagt den leüten
überal wie die juncfraw ain göt-
tin wäre. vnd hett gewalt über die
thier die müsten thün was sy wölt
Do ließ der fürst den leo vahren der
die juncfraw also verhüt. do war-
de der leo zornig vnd stellet sich so
grülich gegñ in als ob er die diener
all erzerren wölt vnd trüg etlichen
emboz. Do gebot sy im aber das er
sich nyder leget vñ in kain laid thät
Do sy das sahen. bekereten sich vil
leüt zů got. darnach ließ & fürst ain

Von sant

feur machn für die thür vñ vermai-
net er wolt die juncfraw vor dem
leo verderben vñ verbrennen. Vnd
do der leo das groß feur sach do le-
get er sich für der juncfrawen füß
als ob er vilob von ir begerte. Do
gab sy im vilob vnd sprach. Geehin
vñ thū nyemand kain laid. das thet
er. Do warff man die juncfrawen
vnd sant Crisantū in das feur vnd
erstecket sy bayde. do füren ir seelen
zū den ewigen freuden. Nun bitten
wir die lieben hayligen das sy vns
auch vmb gott erwerben das wir
nach seinem willen lebenn das wir
dort nymmer von im werden ge-
schayden Amen.

¶ Von sant Seuerus.



¶ Sant Seuerus was von rom
bürtig vnd was ain crist vñ dienet
got mit fleiß tag vnd nacht. mit bet-
ten vassen wachen. vnd mitt ander
güter übung. vnd het got lieb von

Seuerus

gantzem hertzen. Vnd was ain we-
ber. Zū der selben zeit starb der bisch-
off zū Rauenna. do gebot man al-
lem volck das sy drey tag beten vnd
vassen solten vmb ain bischoff der
in nütz vñ güt wär. Do das sant se-
uerus hort do sprach er zū seiner fra-
wen. ich will auch gen kirchen geen
vñ will vmb ainen bischoff helfen
bitten. das thet seiner frawen gar
zorn die sprach. Du solt herhaimen
bleiben. was wilt du thū. got helf
mir das man dich voller strach sch-
lach. Seuerus gieng nit deßmynß
in die kirchen vñ stünd zū den reich-
en vñ betet mit grosser andacht. do
kam der hailig gaist vñ saß auff in
do wurden die andn leüt zornig vñ
sprachn. daz er haim zū seiner fraw-
en geng was er da thāt. vñ schlug-
en in übel. Des andern tags stünd
er zū den armen vnd betet aber mit
grosser andacht. do saß der hailig
gaist wider auff in vñ man schlug
in aber übel. Des dritten tags stünd
er hinder die thür vñ betet aber mit
fleiß. do kam aber der hailig gaist
vñ saß auff sein achsel. do sahen die
leüt wol daz es gotes will was. vñ
satzen in auf den altar vnd weihe-
ten in zū ain bischoff. Zūhand fund
er alle geschrifft baß dann ir kainer.
Do lieffen die menschn gar bald zū
seiner frawen vnd sagten ir das ir
man bischoff wär wordn. des wol-
te sy nit glauben biß sy in auff dem
altar sach sitzen. Do pflag er des
ampts mit grossem fleiß vñ dienet
got dem herin fleißigklich. vñ thet

ter in ain kloster vnd erwölet jm da
ain grab in der kirchen da er ligen
wolt. Do starb sein fraw vnd sein
tochter vñ er legt sy in sein grab. do
thet jm got kund das er sterben solt
vnd et berait sich mit andacht vnd
sprach meß vnd empfalch sich got.
vnd gieng mit dem meßgewand zů
seinem grab. do thet sich der steyn
auff vnd er gieng also in das grab
vnd sein fraw vñ sein tochter ruck-
ten von ainander vnd er leget sich
in die mitte. Das sach der meßner
vnd wolt in gehebt haben do schry
er greulich vñ der steyn gieng wiß
zusamen. vnd lieffen vil menschen
dar vnd sahen das grofs wunder
also gab er seynen gaist auff vñ für
sein seel zů den ewigñ freuden. Nun
helff vns sant seuerus vmb got er-
werben das wir auch besizen das
ewig leben Amen.

Von sant Seuerino



Der hailig herz sant Seuerino
was ain güter mensch vnd het got
lieb vnd was ain bischoff zů kölen.
vnd dienet gott mit ganzem fleiß.
mit beeten. vassen wachen. vnd an
der güter übung. doch sollen wir et
was auß seim hailgen leben nemen
das vns nütz ist zů vnser straff vñ
zů ainer besserung. Der hailig sant
Seuerinus was all tag in der her-
ren höf. da man vil auß müß richtñ
vnd besorgen. vnd aller maißt welt-
liche kümernuß darumb sang er sein
zeit allweg frū ee das die recht zeyt
was. vnd maint es wår besser dan
er gar mit ainander thet. vñ versau-
met sich. der dienst geniel aber gott
nit. es wår dan zů rechter maß. vñ
rechter zeit. als wir schuldig seyen.
vñ als sy die engel in dem hymel be-
geent. darumb ist es not das wir sy
verbürgen nach vnserm vermügñ
an der stat die darzů gesetzt ist vnd
das nit vnderwegen lassen. wann
wir erwerben damitt die höchsten
vnd obersten notturst. das ist die
ewig freud in dem himelreich. wan
wir sy mit andacht begangen. vnd
auch zů rechter zeit. Vnd darumb
das sant seuerinus sein tagzeit sang
vorder zeit. darüß was sein sel. xxx.
jar des götlichen anplicks beraupt.
vnd er was doch ain güter mensch
daran soll wir gedencen. das gott
kein sünd vngbüßt laßt. was müs-
sen dan wir armen sündler das seg-
feier darumb haben. wan wir die
tagzeit on andacht singñ oder lesen
vñ in die welt gedencen vñ sy offe

Von sant

mit ainander versaumen. so mügen wir wol mercken. das wir vns got tes amplicke damit oft vnd vil berauben. Do nun der hailig bischof sant seuerinus in ainem hailigen leben gelebet het bis an sein ende. do ward er siech vnd starb sälliglich. Nun bitten wir den lieben herren sant seuerinum das er vns vmb got erwerb vnsers leben ain gut ende. vñ darnach die ewigen freud Amen.

Von sant Simprecht.



Der lieb herre sant simprecht ist geziert gewesen von gott dem herren mit der gnad aller tugent. mit dem soll grünen vnd blüen ain bischoffe. als dann schreibt sant pauls zu seinem junger thito. Der selbig lieb vater sant simprecht ist erwelt worden von dem erwidigen künig vñ franchreich vñ römischen kaiser karolen sunder er ist von got dē herren

Simprecht

fürsehen worden das er besaß die zwölffpoten stat bischoflicher ordnung von sant dionisio dem ersten bischoff zu augspurg & gewesen ist sant affra oham. vnd sant hylarien brüder. Vnd man soll wissen dz die zal zwelf mal gehailiget ist mit vil namen. vnd adelich geziert ist mit vil geschrifft & alten vnd der neuen ee. daz man alles nit vnzimlich mag züsügen seiner weihung durch das verdienē seines hailigen lebens vñ das wollen wir hie erzelen zu vñd. weisung der die es lesen oder hören lesen. was im zūgelegt wirt. es sind zwelf zaichen des himels. vñ zwelf stund des tages. zwölff prunnen in helim. zwelf man beschauten dz gelobt land. die moyses gesandt hett zwelf fürsten des volcs von israel zwelf edel gestain an dem rational zwelf stain des altars. zwölff stain die da getragen seind worden auß dem iordan. zwelf brot & fürlegung in der alten ee. zwelf stern in & kron der gesponsen. zwölff fundamenta. zwelf porten der stat. zwelf fruchte des holzes in dem paradeis. zwelf tausent die bezeichnet seind. zwölff patriarchen. zwelf propheten. zwölffpoten vnsers herren. zwelf stül. also der lieb herre sant simprecht vnd sein gleich die hailigen prediger. vñ bischof die werdent figurlich gesprochen durch die eigenschafft vñ namen der vorgesprochen zal. wan in dem hauf gotes. das ist in der hailigen cristenhait habent sy geschinen als die zaichen & monat in dem fir-

mament durch die Wirkung der tugent. vñ als die stern in der kron der sponen vnser liebñ heren jesu christi. vñ seind starck gewesen als die edlen feinberlin. vñ als die speher des gelobten landes wider die anfechtung der welt sy seind vest gewesen vñ bestendig als die fürsten des volcks von israhel. vñ lerent tugend vñ die gebot gottes als die patriarchen propheten vñ zwelfpoten Seyd wir niendert von sant Simprecht vinden geschriben von seiner geburt vñ kindhait. darumb wollen wir nit von den dingen schreiben doch sagen wir das von dem edlen vater sant simprecht das wir gehöret haben auß warer sag vnser eltern. das sant simprecht ist gewesen des römischen kayser karels swester sun vñ sein elter vñ geschlecht ist kōmen von küniglichem stamen

Man sol wissen daz die lobliche vñ eerliche werck sant simprechts die er gethan hat vñ wie er gelebt hatt vñ wie manlich er sein volck gelert hat. vñ wie er sich geflissen hat seiner vnderthan nit allain herschen vñ vor sein. sund vil mer nütz sein das der ding nahent aller vergessen wordē ist. auß laßhait der die es billich geschriben solten habē. als wir vor gesprochen habē. Daz aber sant Simprecht hie auff disem erdtrich hat gefürt ain engelisch leben vñ der den menschen. vñ das er sich selber gemacht hat zū ainem tempel gottes dem hailigen gaist mit festigung seins leibs. vñ das er sich selb

geopffert hab ain lebendigs opffer gott dem herren mit stātem opffer des hailigen sacraments des fromleichnams vnser heren jesu christi das wirt also bewāret mit emfiger zeügknuß vil grosser wunderzaychen die got getan hat durch sein verdienen nach seinem tode. Wie er bischof erwölt ward. do nun der lieb vater von dem edlen römischen kayser karol gefürdert vñ gesetzt was wordē zū bischoflicher würdigkait Do gbot der kaiser zū gleicherweiss als etwan der herzog gebotē hat dem hailigen weiffagñ jeremie. als geschriben stat in dem anfang seiner weiffagung das er solt bawen. vñ widerbawen kirchen. heüser. thüren vñ mauren vñ alle ding die sant simprecht vñ zerbrochen vñ verprennt. Vñ das er das deßter volckōmenlicher möcht verbürgen. hat der vorgenant erwirdig kayser karol gegeben durch sein küniglichen gewalt zū den selben gots heüsern. das ist zū dem thum vñ zū sant affra kirchen alle ding vñ gütter die auß grosser andacht zū den genannten gots heüsern seind geben wordē von dem erwirdigen herren pipino sein vatter der vor im in dem römischen reich kaiser ist gewesen. Es ist auch zu wissen das der selb kaiser karol. zū den gaben vil aygner gab geben hat vñ in dem selbē hat er nach genolgt dem künig kiram tiri 8 sein gab hat getan zū den gaben des künigs dauid vñ hat gesant salomon nach seinem willen cedrin holz. vñ

Von sant

tenne holz zū dem bawe des tem-
pels zū iherusalem. ¶ Man soll
auch wissen das der lieb herre sant
simprecht zū gleicher weis gethan
hatt als judas machabeus. do ge-
storben was der künig machabeus
do nam judas machabeus die statt
zū iherusalem vnd bawet den haili-
gen tempel wider vñ widerpracht
alles das daz da verfallen vnd ver-
prennt was. vnd machet ainen neu-
en altar vō vier stainen ecken. Also
hüb wider an zebauen der lieb herre
sant simprecht die kirchē der erwir-
digen marterin sant affra vnd das
münster sant mangē zū süßen wān
die selbigen hailigen stet. vnd noch
vil mer ander seind verprennt wor-
den vnd zerprochen nach dem tode
des erwürdigen künigs pipini. vnd
das hat sich alles verlauffen vonn
des grossen kriegs wegen & gewe-
sen ist zwischen tullionem vnd dem
herzog zū bayren. vnd dar zū Got-
frid herzog vō schwaben. vñ wer
die ding alle volkōmenlich n wissen
wölle der mag es wol vinden in dē
leben sant mangen. vnd darumb so
wollen wir die ding hie nit wider-
umb āferen von vdrütz wegē. als
du das vindest in sant mangen le-
gend. Do nun sant simprecht bisch-
off worden was. do was aber das
bistumb nit als mechtig als es dān
yegund ist an zeitlichen gūtern. sun-
der die priesterschafft des bistums
zū augspurg lebt noch von der wil-
ligen armūt nach dē gebott vnser
herren als in dem anfang der criste.

simprecht

hait. vnd niemandt vnder den prie-
stern het etwas aigens. sunder alle
ding waren gemain. Vnd der liebe
herre sant simprecht hat sich selbs ge-
flissen als vil im müglich ist gewe-
sen wie er das bistumb möcht erhō-
hen vnd reichmachen. doch allwe-
gen mit der vort gotes. vñ auch
mit & gerechtigkeit. ¶ Wie lang er
bischof ist gewesen. Es ist zewissen
das der edel vatter sant simprecht
hat daz bistūb zū augspurg dreissig
jar loblich geregirt nach der forme
vnd aufsetzung die der lieb zwelff-
pot sant pauls schreibt zū seinē jun-
gern die do werden genant thitus
vñ thimotheus so er spricht. ¶ thi-
mothee du solt sein ain ebenbild der
glaubigen in dē wort vñ in dem ge-
lauben in & keuschait. Er spricht für
bas. du solt nit versaumē die gnad
gottes die ist in dir. die ist dir geben
worden mit dē auflagen & hend dze
priesterschafft. die ding solt du be-
trachten in den dingen solt du sein.
das dein zunemen offenbar werde
allen menschen. wān so du dz thūst
so behaltest du dich vñ die dich hō-
ren Der yetz geschriben form ist vol-
kōmenlich nachkomen der man des
herren sant simprecht. wān die ding
die er verkündt hat sein vnderthan
mit dem wort der gotlichen predig
die hat er im selber gefestnet. vñnd
bestät mit vil exempel loblicher tu-
gent. vnd do er nun gehebt hat ain
gūten streit wid die vntugent vnd
begierde seines leibs vnd der lauff
seiner zeit volbracht was worden.

in hailikait vnd in gerechtikait die
im hin hinder gelegt ist wordn vn
behalten. die gott versprochen hatt
allen denen die in lieb haben. Die sel
ben kron hat der erwidig herie vn
vater sant simprecht erlangt die in
der hailign römischen kirchen auff
sant peters stul do bapst leo 8 sech
st vnd noch 8 groß kaiser karolus
regieret das kaiserlich zepter in dem
dreissigsten jar von seiner weiche
do ward er krank vn zwischen der
götlichen red seines andechtign ge
bets an dem zwölfften tag des mo
nats den man in der latein haist oc
tober vn in teütsch den andn herpst
monett. do gab er seinen gaist auff
vnd ward getragen vnd gefüert
durch englische dienstberkait zü der
hymelischen wonung vnd hat ver
wandelt das liecht diser welt mitt
dem ewigen liecht da er besitz jmer
ewige freud on ende. ¶ Von sein
er begrebnus. sein hailiger leib wa
rd getragen in die kirchen der edlen
marrerin Sant Affra. die er selb
mit gesang vn mit liechtern vn mit
allen andern dingn die dartzu gehö
rent begangn hat. wann er die selbn
kirchen wider gebawen hatt nach
dem vnd sy verprennt was wor
den vnd zerprohen do ward er be
graben wirdelichen in dem for bey
den stapfen. an wöllicher statt vil
menschen arbeiten mit manigerlay
vngemachs irs leibs nach dem vn
sy gelübt gethon hetten so seind sy
genglichn widerumb gesund wor
den: Wie sagt es wie die kirch wider

umb verprennt ist worden. dan nach
seinem gang auß difem ellende zü
8 ewign selikait als vergangn wa
ren mer dan hundert vnd lx. jar. do
der lieb hailig vater sant vlrich in
der stat augspurg regieret das by
stumb. vnd sein loblich eer vnd hai
liger nam weit vnd vererscholln
was von seiner tugentt wegen. do
gieng zü sein zeitten auß iren enden
das grausamlich volck die in dem
latein genant seind huni. vn in teüt
scher zügen mügn sy gehaissen wer
den Hungern die kamen über den
lech. vnd verplanten züm andern
mal die kirchen der hailigen marte
rin sant affra. Also was sy on dach
vnd das grab des erwidigen vn
trewen nothelffer sant Simprecht
das zü den selbn zeitten bei den staff
eln woz in dem for als vorgeschribn
steet. aber yzund bey vnsern zeitten
ist der for nit bey seinem grab. aber
ain wenig darvon vnd auff dz selb
grab schney es vnnnd regnet. ¶ Ain
ermanunge sant Vlrichs von dem
grab sant simprechts. Es geschach
in ainer nacht do sant vlrich seiner
arbeit vergleichen wolt seinen müd
en gelidern ain wenig nassgüg vn
ain klaine rü. do ward er an dem ge
sicht götlichen ermanet das er das
grab sant simprechts besorgte mit
aim zimlichn tuch. der selbign erma
nung woz der lieb vater sant vlrich
on alles verziehn gehorsam vnnnd
deckt das selbig grab mit starckn
holz. vnnnd also beschirmet ers vor
dem regn. In disen wortn wirt of

Von Sant

fenbar allen menschn was grosses verdienens der lieb sant simprecht vor dem angesicht der götlichn maiestat gewesen ist die weil er gelebt hat in der welt das der götlich wil nit was das jm sölich vneer erboten wurd. als ob es vnrecht vñ vn billich wär das söliche hailige vnd wirdige gelider solten ligen in dem güß der regn. wiewol doch vil martrer vñ auch beichtiger werden gesehen das sy rüen vnder den wolcken vñ wartent der stund der letzten vrsünd. auch wirt bewärt ain vrsünd seiner grossen hailigkeit das der wirdig vnd hailig man gottes sant vlrich des ersten göttlichen ermant ist worden von dem vnrecht vñ vnzimlichkeit des grab sant simprechts so doch in der selben kirchn vil leichnam der hailigen vñ besunder der loblichn marterin sant afra der haufwirtin der selben kirchen vnd die leyb ander irer gesellschaft sind begraben vñ behalten die auch emssigklich von dē volck geert werden in der selben kirchen. Auch soll man wissen das dem selben vatter sant vlrich zū dem andern mal wurde geöffnet vñ ward ermanet das er die selben kirchen wider bawen solt. Wie aber der hailig leichnam des lieben vatters sant simprechts geleget sey worden an die stat da er yetz wirt geeret das wollen wir sagen mit lüzgel worten. In dem erstn jare der weyhung des bischoffs zū augspurg genant Embrico die geschehen ist vonn der geburt christi.

simprecht

tausent vñ in dem. lxiij. jar wurden gelassen von sein vorfarn fünffzig pfundt silber do ward von grundt auff gebawen die kirch sant Afra. vñ wurden vil leyb der hailign leüt gesundn. Do nun der baw des tem pels volbracht was do ward das hayltumb des hochwirdigen vatters sant Simprechts mit anderm hayltumb der wirdigen bechtiger sant victorpi. sant nicarj. sant adelberonis. der sant vlrichs Schwester sun ist gewesen. Das hayltumb alles ist begraben worden mit zymlicher eere vnder den schwybogen an die stat da daz wirdig hayltumb yetz geert wirt von dem andechtigñ volck. Do erleuchtet die gnad vnser herren jesu christi durch das verdienens seins bechtigers sant Simprechts den blinden ir gesichte. den vnhörenden ir gehörs. den lamen iren gang. vnd die teüfelisch vngestümigkeit wirt auß geschlossen von dem besessen leib. auch die groß arbeit haben vnd mangelray vngemachs ihres leibs die oft ermanet worden in der nacht nach leyblichem gesichte vnd seind gefürt worden mit götlicher züuersicht do sy ir gelübt bey dem hailigen grab volbracht habn so seind sy gantzlich vnd volkomen lich wider gesund worden. Es saget hie von den wunderzaychen seiner tugendt. zū vnderweysung der vngelaubigen. ¶ Das erst zaychen. Do man zalt tausendt hundert. vnd im achtzigesten iar do geschah außs vnfürsichtigkeit vnd auß

vnwarhait etlicher vnſäliger men-
ſchen daz feur außgieng vn̄ verpren-
net zū äſchen durch gotes verheng
knuß allen baw. Das kloſter vn̄ die
kirchen ſant vlricks vn̄ ſant affra.
vn̄ ain groſſe ſchar der menſchen ka-
men gen Augſpurg auß den nahen
ſtetten vnd märckten vnd dörffern.
das ſy ſähen den kläglichen jamer
der brunſt. Das man mit gab der
andechtigen menſchen vn̄ mit dem
almüſen das münſter wider auff-
richtet. Nun geſchach es an ainem
tag das ain frauw nach gieng bey
dem grab ſant ſimprechts vn̄ on al-
les geferd trat ſy in daz grab durch
ain loch daz da belibn̄ was auß der
menig der flāmen des feurs. vn̄ be-
rūret ain wenig das hailtumb ſant
ſimprechts vn̄ zūhand do die frauw
den fuß wider an ſich zoch. do ſach
ſy daz er als bald geſchwollen was
Die frauw erkant ir ſchuld mit kläg-
licher ſtym̄ vn̄ ſach das ſy geſündet
het wider die liebe gottes vn̄ weſt
nit was ſy tūn ſolt. doch ſo ſezet ſy
ir hoffnūg in den freünd gots ſant
Simprecht. vnd bat in mit zāhern
vnd groſſer inniglicher andacht.
zūhand ward ſy geſund ¶ Das an-
der wundzaichn̄ ſol auch nit verſch-
wigen werdñ. ſund wir ſchätzñ dz
es billich ſey das man es ſag daz die
götlich fürſichtigkeit getan hat by
ſeinem grab. als wir es nit on klain
wunderung erkant haben auß zeüg-
nuß vnſer elter nach dem vn̄ etliche
zeit vergangen was nach der brunſt
der kirchñ do ward die ſelbig kirch

mit überiger güß der wasser also er-
füllet das die hölzer die da belyben
waren von dem flāmen des feurs
allenthalben durch die kirchñ wur-
den geſehen obſchwymen vnd nye-
mandt mocht truckenn geen in der
kirchen. Aber das grab des würdi-
gen beichtigers ſant ſimprecht das
da was auff dem eſtrich vnd daſel-
ben iſt es eben als an allen örtern
vnd ſinwel vmb vn̄ vmb vnberürt
vnd auch trucken belyben vor dem
wasser oder güß der regen. als ob
es oben gedeckt ſey geweſen mit ve-
ſten dächern vnd mitt vil ſtarcken
wenden. Die vrkund ſeiner groſſen
hailigkeit iſt billich zū gleichen der
vorgeschryben hoffnung in der be-
ſchryben iſt dem lieben vatter ſant
Vlrich zū hymel empfolhen iſt. das
er beſchirmet das grab ſant Sim-
prechts vor güß der regen: auß den
zwayen ſtücken wirt vns geben zū
erkeñen wie in groſſer lieb ſein gaiſt
gehabt wirt vor dē anplick der göt-
lichen maiestat ſo ſein leib begraben
iſt in der erd als ſtätiglich hymliſch
beſorget wirt. ¶ Das drit zaychen
ain frauw ains erbern lebens kam zū
dem grab des lieben herren ſant ſim-
prechts mit ainer kloſterfrauwen die
in irer krankheit ain gelūbt getan
het zū ſeinem grab. die ſelbig frauw
name wachſfliechter die zū ſeinem
grab worden geopffert vnd nanie
ſy vnd trüg ſy von dem grab vnd
anderhalb ſtacket ſy die auff zū den
gröbern ander hailign̄ in der ſelben
kirchñ ſant affra Darnach giengñ

Von Sant

sy haym in ir hauf. vnd viengen an traurig zu werden gar mitt ainem grausamlichen schmerzen. Also daz sy nahendt die gantzen nacht überschryen. Do entnastet sy ain wenig vñ es gedaucht sy wie das sy wär in der kirchen sant Vlrichs vñ sant Alffra. vnd sach auch die bayn sant simprechts lygen auff dem östrich. zerstræet vñ vnbehüt. als ob es nye mandes achtet. do sy also stünd vnd erschrockē was do hort sy ain stym als ob sy gieng von den gebaynen des lieben herin sant simprechts die sprach also zu ir. Vmb das du dise kerzenliechter hast naher getragen die mir geopffert seind worden vñ hast sy anderhalben hynweg vnd auch auff gesteckt. darumb wirst du billich gepeynigt. vnd bekümmert von mir. Es sey dann sach das du got vnd mir darumb genug thüest sunst kanst du von deinem siechtūb nit erlöst werden. Auch sag hainrico dem prior das er schaff das meinem gebain mer reuerentz vñ eer vñ werde erzaigt werd. dan biß her ist geschehen. wan ich vnd sant vlrich bitten stat für die stat vor dem angesicht des herren. Vnd do nun die frau von dem schlaf erwachet vñ daz gesicht verschwand vor iren augen. do kam sy zu dem grab des hailigen vaters sant simprechts mit irem opffer. vnd do sy ir gelübt vnd gebeet volbracht het do ward ir ir gesunthait widerumb gegeben gar vnd gantz. ¶ Das vierd zaychen. Ain man auß dem doiff menchigen

Simprecht

ward gächling gröflich beschwāret mit aym geschwer an dem halß vnd geschwal inwendig vnd außwendig vñ ward da in ainer nacht also gedruket das da gar vil menschen an im trostlos wordē waren vnd maynten er müßt sterben. vnd darnach nam er ainen schlaff vnd sach da den erwirdigen vatter sant Vlrich nahent bey im steen vnd het ain innfel auf seinem haubt vnd er berüret in lindigklichen vñ sensstighen an sein angesicht vñ an sein kelen. vnd sprach zu im also. gee hin zu dem grab sant Simprechts vñ bring darzu dein opffer vnd danck got dem herren vnd im vmb die gesunthait deines leibs. Vnd zūhand als der selb mensch erwachet do zerbrach im inwendig die geschwulst vñ er spyb souil ayter vnd blut auß das die leüt die es sahen ain grofs wunder darab namen vnd erschrecken. vnd also ward der selbig mensch erlöst. Darnach kam er zu dem grab des hailigen vatters sant simprechts. vnd dancket got dem herren der zu allen zeyten wunderlich ist in seinen hailigē. In disem wunderzaychen soll man merckenn wie hailig vnd hailfam seind die gebeet der hailigen zwölffpoten die auch die lieben hailigen in etliche weg erfüllen nach dem leben. Auß wölichen gebeeten der aines ist. Ir söllent ainander fürkomen mit eer. daz hat volbracht der lieb vater sant vlrich do er beschryben ist worden. das er selber berüret hatt die gelyder des

siechen menschen vnd der siech mensch von im die gesundhait empfangen vnd genommen hat. vnd doch der edel vatter sant Ulrich den selben siechen menschen gebeeten hatt das er gott vnnd sant Simprecht dancken solte. vnnd darumb so ist kein zweyfel daran das der glaube des siechen menschen im festiglich fürgesetzt het die gesundhait zuerwölen vnd erlangen von dem lieben herren sant Symprecht.

¶ Das fünfft zaychen. auch in der selben zeit gar nahendt. horten wir das ain man der da besessen was. von dem bösen gayst erlöst ward. bey dem grabe sant Simprechts. aber wie die erlösung geschah oder von wannen das selbig wäre das wissen wir nicht. wann zu der selbigen zeit byn ich kaum sibben jar alt gewesen vnd darumb acht ich nitt das ich dem wunderzaychen nachfragte ¶ Das sechste wunderzaichen ist gewesen in der stat zu Nürenberg in bayren da was ain man der was vast reich in zeytlichem gütt diser welte. der hett ainen sun ain jüngling genant Cunrat den batt der vatter das er in ainer nacht als dann gewonlichen ist die roß auf treyben solte. das geschach vmb die zeit so man die gersten abschneydet. der jüngling was gehorsam dem gebot seines vatters vnd tryb die roß vntreulich auff ainen acker da gersten auff stünd der was ainer kirchen sant Steffans. die fräuel des selben jünglings ward also bald ge-

rochen. wann vmb die mitten nacht ward er erschreckt mit ainem schrecken vnd ward unsinnig. do ward er in seines vatters hauß getragen Do fraget in sein vatter warumb vnd wie er also frembde worden wäre von seinem gemüt vnd von seiner vernunft. aber der jüngling antwort dem vatter nitt zu keiner frag. besunder er redet allain gott scheltende wort vnd erzagt sein unsinnigkeit mit grausamlicher bärde do kam er zu sölicher vnuernunft das er mitt den henden zucket von dem herd prinnende scheyter. vnd tryb damit die bey im wonten auff dem hauß. also ward er von seinen freunden hin vnd her geführt zu den kirchen der hayligen vmb sein gesundhait. aber im ward nit geholfen. zu dem letzten von ainem conuent brüder genant Adelberto der auch sein freünd was ward er geführt gen Augspurg in sant Ulrichs kirchen. do er nun volbracht das geheet bey dem hayltumb des würdigen leybs sant Ulrichs. Do was er dannocht nit erfreuet mit gesundhait. Do ward er in aller maß geführt mitt opffern zu dem grabe sant Simprechts. ob im doch daselben seinggesundhait wurde vnnd vernunft. vnd als nun ordenlichen daselb das geheet erfüllt ward mit andachte vor dem grab. do strack er den halß nachdem sitten der vnbesynten vñ hüb an sein haubt zuschitten mit wütendem gesicht. vnd do das der brüder sach. hüb er auf sein

Von Sant

hend vnd augen zu dem hymel. vñ hüb an zu seuffzen. do sprach der vn besint zu dem brüder. warumb hast du also geseuffzt. der brüder sprach wir seuffzen billich. seydt wir sehen ain solichen abgang deiner sinn. vñ vernunft. do naygt der mensch sein haubt vñ sprach. du solt fürbaß nit mer layd haben vnd seuffzen. wan ich byn gesunt worden durch das verdienen sant simprechts. darnach alle menschen die da stünden hübent auff ire hend zu got der die nit verlast die in in hoffen der auch durch das verdienen sant simprechts den menschen widerbracht hat zu seiner gesundthait. der selbig mensch für wider hyn von dannen er kommen was. vñ in ainer kurzen zeyt ward er ganz starck in allen krefftten seines leibs. Darnach für ain genüg thun seiner sünd für er gen jerusale vnd auff dem weg seiner pilger schafft ist er seligklich gestorben. vñ begraben worden. ¶ Das sibent zaychen. In dem oberlandt was ain fraw die sich flüß gütter werck mit andacht. do die selb fraw erkant die hailigkait sant simprechts. Do kam sy gen Augspurg von der sach wegen. allain das sy beetet bey dē grab die selb fraw het ain klains kind das zoch sy auff mit treüwen. es gieng e aines tags ettwan ver: von seiner müter hauß. vñ ward gezuckt von ainem wolff der da durch das dorf lieff vnd ward getragen gen holz. Die müter do sy sach das syres kindes beraubt was worden. schlüge

Simprecht

sy sich selbs mit den henden. vñ feñsten an ir brust vnd schry mit lauter stym vñ wist nit was sy thet doch sagt sy ir hoffnung in got vñ in die hilff sant simprechts vñ beetet also O lieber vater sant Simprecht nit verschmech mich arme ellende sünderin. sündere ich bitt dich laßs dir mein kind empfolhen sein. wan ich gelaub das die göttlich gütigkait müg wol senfft vnd gütig werden für mein liebes kind durch dein erwerbung vñ ich hoff das mir mein liebes kind vnuerfert vnd vngelert wider geantwurtet werd. Mit sollichem vnd des gleichen klaget die fraw die schäden irer vnseld. Darnach do nun ettliche stund vergangen waren. do lieff herwider die aller grausamlichest wölffin vñ mag wol sprechen in ettlicher maßs ain veindin des menschlichen geschlechts mit dem vor genanten kindlin das sy gezuckt hett damit sy erfüllete den hunger irer frashait. vñ legt das kindt vnuerfere nyder an das end da sy es genömen het. vnd lieff bald wider gen holz in ir hol mitt grosser billung. die mütter nam es in grosser wunn vñ freud vñ trüg es auff iren armen vnd bracht es zu sant simprechts grab. vnd saget aller menigklich wie sy ir kind wider lebendig gefunden hett durch das verdienen sant Simprechts. Do sy nun ir gelübd mit andacht volbracht het bey dem grab das sy got vñ im verhaissen het. darnach zu ainer vifund des grossen wunderzaichen

macht sy auß wachß ain wolff. der
trüg ain kindlin in seinem maul vnd
hencket das auff sein grab. vnd der
selb wolff ist darnach lang zeyt da
selbst gehangn vor den augen aller
der die dahin kamen zu ainer warn
bewärung des wunders. ¶ Das
acht zaichen. Ain arme fraw auß ai
nem dorff in bayern hayßt mānen-
dorf. die selb fraw vnder andern ge
brechē ires leibs mangelt sy vil jar
des ampts vnd der hilff ains arms
vñ ainer hand die kam mit andern
iren nachburen gen augspurg vñ
kam zu dem grab sant Simprechts
von ir gesuntheit wegn. Nach dem
vnd die selbig fraw het außgossen
ir gebeet mit andacht vnd mit seüß
gen ires hertzen zu seiner genad. do
het sy von jm nit erlangt gsuntheit
vñ kam wider haim in ir hauß. aber
die selbig fraw ward nit verlassen
von ir züuersicht die sy in gott den
herren het vnd das verdienen sant
simprechts. wān do sy wider haym
kam. do hüb sy an zübeeten. vnd kla
get vnd wainet ir layd mit sölichen
worten. O lieber vatter sant Sim
precht der du erzagt hast dein barm
herzigkait miltigklich vil menschen
die dich gebeten habent in irer not
türffrigkait. warüb bistu mir auch
nit zühilff kōmen. mit der selben ge
nad deiner gütigkait. vnd hast dich
erbarmet über mein armüte in der
ich gepeinigt wird vil jar. Do nun
die fraw also gebeeten het mit kläg
licher stymme. do hüben sich an zü
entschliessen vnd auff lassen die ge

lidfügung irer gelider des arms vñ
der hand die auß langer zeit waren
gar dürr vnd auch krum vñ brache
den arm zu aller dienstberkait die ir
nott was. do sy nun erlanget hett
die gesundtheit do kam sy mit gros
sen freüden wider gen Augspurge
vnd gieng zu dem grab sant simpre
chts vnd danckt got vnd seinem lie
ben diener vmb die gesuntheit die
ir geben was worden vñ zu verkünd
irer gesuntheit ließ sy ain wächsin
arm bey dem grab der darnach lan
ge zeit bey dem grab hieng ¶ Das
neünd zaichen. Es was ain stum
der dienet bey aym buren der saß
auff aym hof in dem dorff kenne
hausen der selb stum gehört zu. in
freündtschafft dem custor zu den sel
ben zeyten custor zu sant Ulrich ge
wesen vnd sant affra. der selb stum
verband sich mit zwaien eisin rayf
fen vnd zirckeln vmb ablaß seiner
missethat das jm widergeben wur
de sein red. vñ mit der selbē büß vñ
genüg thun vmb sein sünd leger er
auch an ain burger gewand vñ
gieng auf den weg sant Gilgen vñ
verdient durch die hilff vñ das ver
dienen sant gilgen dz er ledig ward
von der zwangknus vñ auch von
dem band des ainen zirckels. Dar
nach gieng er vmb vñ wandert an
vil ende der lande vnd süchet auch
hilff von den hailigē. vñ do er hort
sagen von dem hailigen sacrament
des fronleychnams vñnsers herren
jesu christi vnd der verwandlung
die da geschehen ist zu Augspurge

Von Sant

von dem gnüg geschriben steet in 8
legint zu augspurg ligint zu dem hai-
ligen kreuz. 8 selbig stum gieng mit
8 menig des volcks gen augspurg
darumb das er suchet die barmher-
zigkeit gottes. Liebe künde der da
auff schleüft vñ entschleüft die ver-
schlossen zungen vñ der da macht
weiß vñ wolgespräch die zungen 8
kindlin. der macht reich den stumen
durch sein göttliche gnad mitt dem
brauch des redens des er lange zeyt
beraubt was gewesen Vñ darnach
gieng er von beetens wegen zu der
kirchen. des hailigen vaters sant vl-
richs. vñ suchet da hilff der lieben
hailigen die daselb rüent vñ gieng
zu de grab des hailigen vaters sant
simplrechts vñ begert da seiner hilff
Vñ an ainem tag do er sich mit ge-
bognen knien genaigt het in andech-
tiges gebeet über sein grab das im
geholfen würd von seiner genad.
do ward er erlöst von dem andern
eyfin circel mit dem er noch gebun-
den was vñ zu dem gedon des sel-
ben bruchs des eifin circels der con-
uentbrüder des wir auch in dem an-
fang des wunderzeichens gemelt
haben der stund nahent dabey vñ
erschrack vñ wundert in was da
erklung wär das da in seinn oren
als laut gedont het. vñ nachnet zu
im vñ sprach. was ist hie von ey-
sen des bruch ich hie gemercket hab
mit meinen orn. aber der selb gebun-
den man wolt verschwigen haben
die gnad die im verlyhen was wor-
den von dem fründ gotes sant sim

Simplrecht

precht. do das der selb brüder ver-
stünd do zoch er im auß seinen arm
vñ sach die masen des circels. vñ
strafft in hertiglich vñ sprach zu
im also. O du armer ellender mēsch
was hast du wollen thun warumb
hast du dir für gesetzt zu verschwey-
gen die gab gottes. du solt nit ver-
decken das da billich ist. das es ge-
öffnet werd zu dem lob gottes vñ
du solt nit verbergē das da zimlich
gedacht soll werden offentlich. zu ai-
ner sterckung aller gelaubigen men-
schen. Sag danckbarkeit got dem
herin vñ dem lieben sant simplrecht
wan durch seines verdienens we-
gen ist dir warlich verlyhen wordē
die barmherzigkeit. Vñ du solt wiß-
sen dz du erledigt bist wordē durch
sein hilff von den sünden die du ge-
than hast. Also nach der selben vn-
derweisung danckt der selb mensch
got dem herren treulich vñ seinem
diener sant Simplrecht vñ zu ainer
virkund des wunderzeichens ließ er
hangē das selb eyßen bey seym grab
darumb das klärlich offenbar wur-
de allen den die dahin kommen mit
was hilff der hailig man vor dem
allmechtigen got möcht zuhilff kö-
men allen den die da seind in angst-
en vñ nöten. Item man sol wissen
das der arm mensch von dem yetz
geschriben ist was ain stum. vñ het
an yeglichem arm ainen eyfin ring
die rede ward im widergegeben zu
Augspurg zu dem hailigen kreuz
durch die krafft gots des hailigen
sacraments das man alle freytage

vñ suntag da selben zaigt mitt dem hailigen kreuz. Also mit dem ersten circel warde er erledigt durch die hilff sant Gilgen. aber von dem andern circel ward er erlediget durch die genad sant simprechts. wie vñd wa das geschehen sey steet vor geschribē. ¶ Zu den selben zeiten warde ain bedtrif gefüret gen augspurg auff ainem karren der in vil jarn nit mocht erlöst werden mit kainer lai ertznei von dē vngemach seines leibs & selb bedtrif ward getragen in die kirchen des hailigē kreuzs zu augspurg. Do er nun die miligtait des herin süchet wol drei tag in der selben kirchen vñ wachet mit andertigē gebet diemütigklich. warde im do nit geholffen. darnach wurden die die in her hetten bracht vñd weist mit dē gaist des rats vñd bedachten sich vñ fürten in in sant vlrichs vñ sant affra kirchen. darumb dz er da anruffet die hilff & hailigen die da rüent. do sy nun waren eingegangen durch die thür der kirchen do wurden sy gemanet durch den franckē den sy trügent in ainer bern der sprach zu in. tragen mich am ersten zu dem grab dz jr da sehent gegen ewerm angesicht das vñgebē ist mit der menig des volckes. wā zu der selben zeit stünden gar vil herkömner menschen von frawen vñd von manen bey dem grab sant simprechts. die da sahen daselbst die vñfund der zaichen die da hiengen vñ lobten die gütigkait gotes. vñd do sy den bedtrisen bei dem grab heren

von in gelegt vñd gesetzt vñnd ain güte weil heten angerufft die hilffe des edlen vaters sant simprecht do hūb behendigklich an ain krafft der gesuntheit die warde sichtigklich geen vñd kreisē vñd sich austrailē durch alle gelider des menschen. also das on allen zweifel dem siechen menschen das zu versteen gegeben ward. das er wār wirdig worden das er durch dz verdienen sant simprecht erlöst solt werden von dem vngemach seines leibs. do sprach er zu seinen geferten. ¶ Ir aller liebste ich hab hoffnung das der allmechtig got hab angesehen mein armūt vñ wöll mich gesund machen durch des gebetes willen sant simprechts. wā ich empfind das meine glider etwas krafft empfangen haben. darūb thünd naher die vñfund meiner vñsäligkait vñnd laßt mich yetzūnd kreisē mit eūch in dē namen vñsers herren jesu cristi wie ich mag auff dē erdtrich daz ich lang habe begert. do namen die mensche die in in & bern trügen vñder ir arm vñd fürten in frölich vñ vñd durch die hailigen stet der genanten kirchen. vñ frolockten manigfaltigklich mit der vorigen gesuntheit die ym wiß geben was worden durch daz verdienen des lieben herin sant simprechts. ¶ Zu ainem andern male kament ettliche menschen auß dem dorffe matzensūß genant vñ betens wegen gen augspurg vñnd des ersten do kereten sy sich in die kirchen sant vlrichs. die brachten mit in ain

Von Sant

frawen die durch die götliche ver-
hencknuß vier jar was beraubt ge-
wesen des gesichts irer augen. sy na-
men die frawen mit in vñ fürten sy
in die kirchen sant vrichs allenthal-
ben zü den gröbern der hailigñ das
ir wider gebē wird ir liecht. die selb
fraw gieng an ainem stecken vñ do
sy die frawen brachten zü dem grab
sant simprecht do ließen sy die fraw-
en daselbst beten vnd anrüssen sein
hilf. nach zweyen tagen wolten die
menschen wiß geen dahin von dan-
nen sy kōmen waren vñ hießen die
frawen wider mit in haim farn die
sy gen Augspurg in die statt gebra-
cht hettñ. aber die fraw wolt es nit
thū. wañ sy het hoffnūg ires hai-
les vñ irer gesuntheit in den lieben
hailigen des almechtigen gotes. vñ
zum letsten ward sy bezwungñ mit
scharpfen worten vnd für mit inen
gar vnwilligklich. Vñ es geschach
das sy nahen en zü ir haymat. vnd
das gemüt der selbñ frawen hieng
in dem fründ gots sant simprechts
in der innigkait des hertzen. Der al-
mechtig got der da ansicht die hertz-
en der demütigen der sach von ver-
ren vñ hort ir andechtig gebeet. vñ
nam hin das ellend irer blindtheit.
durch das gebeet sant Simprechts
vñ thet das in solcher weis. do die
fraw dannocht gieng mit ganzem
vnwillen mit den sy kōmen was. vñ
do sy mit dem stecken den sy trüg in
irer hend den weg sücht zü fund hū-
ben an ire augen warm zü werden
vnd ire augbrauen wurden sy beif

Simprecht

sen vnd der nebel vñ die tuncle ires
gesichts hūben ettwas langsam an
hinzügeen vnd wurden ire augen
durchleucht mit ainem liecht so klar-
lich das sy gienge on yedermanns
handfürung. vnd on alle ding die
vor ir vñd vmb sy waren. die selb
fraw sach das die begird ires wil-
lens volbracht was worden durch
das verdienen sant simprechts. vñ
do sy erkant das sy gesund was wor-
den hailfam von dem layd der blind-
hait durch die gab gotes do sprach
sy zü iren geferten. Geent für euch.
wañ ich wil yezund nit mit euch in
mein hauf geen. sunder ich will wi-
der gen augspurg geen vñd will
dancksagen got vñ dem lieben her-
ren sant simprecht vmb die gesun-
dheit die mir verlihen ist wordñ. die
geferten wolten ir das nit vergin-
nen vnd nōtten die frawen das sy
fürbas müßt geen mit in. wañ das
dorf da sy ein wolten geen was gar
nahendt. do die fraw sach das sy
nit mocht widerstrebn irem willen
do gab sy iren gunst darzū vñ gien-
ge mitt in in das dorff. Do es nun
abent worden was vnd sy geleget
hett ir müde gelyder auff das bedt
do mocht ir leib kain gemach noch
rū haben vnd die selben nacht sch-
lieff gar nahendt nichts überal vor
grossen wunder von der ding we-
gen die got durch seinen lieben die-
ner sant Simprecht mitt ir gethan-
hett. Vñd an dem nächsten tage
darnach an dem morgen frū gieng
sy wider gen augspurg. vñ dancket

dem allmechtigen got. vñ saget im
groß lob vnd eere das er sy erleucht
het durch des hailigen sant simp-
rechts gebet willen. vñnd die frau
öffnet dē das die zū der selben zeite
des grabs vnd der kirchen hütent.
wie sy jr lang verlorn liecht het wi-
der gewinnen in jrem hyngange.
durch das verdienen des lieben va-
ters sant simprechts. Darnach be-
lib die frau drei tag bey seinē grab
vnd betet vnd wachet. darnach fe-
ret sy wider haim mit freuden in jr
hauf. ¶ Es was in der stat aug-
spurg ain nadler d vñß wol bekant
was. der het ain thōrote frauen an
seinem dienst. die selb frau an ainē
samstag spate vienge an zewircken
teüßeliche werck vnd hūb an zestrā-
len jr har. auff den suntag vnd wū-
sche vñ salbet yr angesicht als noch
gewonhait habent die thorochten
frauen. vnd die weltlichen vnd ze-
hand kam die götlich rache vñ sein
mechtige straf. wān der recht arm
erdorret jr. vnd die recht hand war-
de jr krūm. vnd die vinger erstarten
jr überal in jrer hand. das empfiēg
sy alles von dem allmechtigen got
zū ainer straff der vorgeantē gros-
sen missethat. Die hand warde jr
auch gar schebig vñnd reüdig. das
die sy ansahen gewūnen dauon ain
grausamkeit. do sy was etlich tage
also gefestiget wordē mit der gaisel
gotes des herin. vnd do sy jr vory-
ges leben ver wandelt het in ain bes-
fers mit beten. mit vasten. vnd mitt
wachen. vñnd also jr schuld bekant

do füget es sich daz sy an ainem sun-
tag des selben jares an dem nechste
suntag vor dem jārlichen tage des
erwirdigē vaters sant simprechts.
do kam sy zū der vesper zū seinē hay-
ligen grab. vnd leget sich da nider
auff die erden vnd recket jren siechē
arm vnd hand auff sein grab. vnd
betet mit grosser andacht. vñnd vil
zāhern. do erwarb sy jr vorige ge-
sunthart vō dem allmechtigen gote
durch daz verdienen sant simprecht
Der vns wölle erwerben gesund-
hait vnser seel vñ vnser leibs. vñ
nach disem leben das ewig leben.

¶ Von sant Lienhart dem
grossen nothelffer.



¶ Der lieb herre sant Lienhart ist
von edlem geschlācht von francē-
reich geboren. vñnd tauffet in sant
remigius der bischoff. Vnd warde

Von sant

sein tott sant lienhart was sant remigius junger. als lang biß er der tugent ain maister was. Vñ der künig von frantreich het in gar lieb. vñ sach in gern. wan er ward von sein hailigñ leben fast gebessert. vñ er hett im gern ain bistumb geben. das wolt sant lienhart nit wan er het sein hertz zu den ewigen eren gehet. vnd het vil mitleyden mit den gefangen. vnd begert allzeit das er in moecht zuhilff kōmen. vñ gab sein gūt darūb alles hyn. do gab im der künig den gewalt das er die gefangen mochter ledigñ. do ward er gar fro vnd erlediget vil gefangen. vñ gieng ver da er sy wißt vnd erlediget sy darumb ward sein hailiges leben erkant. Nun het er ain brüder der hieß Lifart. mit dem gieng er von frantreich. wann sy waren baid dauon bürtig. vñ giengñ von allen freunden vnd gūt vnd eeren. vnd giengñ in frembde land vñ predigten baid cristen glaubñ darnach schied sich lifart von seinem brüder freündlich in ain ainode. do lebt er seligklich vnd starb vnd für sein sel zu den ewigen freuden. der lieb herz sant lienhart thet vil zaichen. darumb eeret in das volck vñ was im gar hold vnd gūnstig das was im gar layd vnd floch in ainen wilden wald. darin barwet er im ain zell vñ wont da. vnderweilen gieng er her auß. vñ predigt dem volck von got vnserm herin ¶ Zu den zeiten was fain künig über daz land der het ain rauen die zoch vnderweylen auff

Lienhart

das veld. vñ jagt in dem wald dar inn sant lienhart was. vnd aines mals kam der künig in den selbenn wald mit seiner frawen durch kurz weil willñ. do was sein fraw groß zu ain kind vñ sy ward also krank das der künig vnd sein hoffgefind wāneten sy wār tod. vnd do sy alle in dem layd warn do gieng der lieb herz sant lienhart zu inen. do fraget in der künig wer er wār. do sprach er. der bischoff remigius was mein mayster. do sprach der künig. dein maister ist gūt gewesen. vñ gewan zuhand ain hoffnung zu sant Lienhart vñ bat in durch got daz er der frawen auß iren nöten hulf. do rüf fet er got mit ernst an. do ward die fraw wider gesund vnd starck vñ gewan das kind. do ward der künig gar fro vnd wolt sant lienhart an seinen hof genōmen haben. vnd wolt im vil gūts haben geben. das wolt er nit thūn vñ sprach. wilt du almūsen geben so gib es den armen durch got. vnd gib mir des walds ain wenig. do sprach der künig. hab dir den wald gar. do sprach er. nain ich will der reichen gab nit. gib mir als vil als ich heit mit meinem esel vmb reyten mag. Do sprach der künig. das hab dir vnd setze dich wa du wilt Also belib der lieb herz sant lienhart in dem wald vñ macht im vnd den andern brüdern ain kloster vnd ain capel haufs in dem wald. ¶ Der lieb herz sant lienhart was geziert mit vil tugendē vñ mit groffer hailigkeit. vñ hieß im vñ seinen

brüder ain pūnen graben. vñ wie tieff man grube so vand man doch kain wasser. do thet er sein gebet zū got dem almechtigē. do thet im got die genad das sy genūg wasser gewūnen. Nun werten die menschen wol das sant lienhart grof mitley den mit den gefangen het. darumb rufft in menglich an. so halff er in auß der gefangknuß. vñ kam doch nitt zū in. aber vnser herz erlöset sy durch seins gebets willen. So namen sy dan die ketten. vnd brachten sy sant lienhart. vñ danckten im seiner gnaden. vnd beliben auch etlich bey im in dem wald. Von den zaichen ward sein lob außgebrait. Dar nach ward er siech vnd starb sälliglich. sein sel für zū den ewigen freuden das was sein brüder layd vñ sahen im vñ ain stat das sy sein hailigen leib begruben. das vil menschen dar möchten kōmen. wān sy waren in ainem wildn wald. vñ baten got drey tag daz er sy weiset an ain stat da er sein hailigē leychnam haben wolt. do geschach gar ain grof ses zaichen. wān es viel überall auf das land ain schnee. dann an seiner statt viel kainer. die was als grof als zū ain münster gehört do warn sy fro vñ lobten got. vnd barweten ain münster vñ legten sant lienhart darein. ¶ Es saß ains mals ain vester ritter auff ainem schloß. vnd es was ain thurn zū oberst in dem schloß. da was kain tach ob. do het der ritter ain grosse ketten. die mochte ain man kaum tragenn. vnd aines

mals schmidt der ritter ainen man an die ketten der was sant lienharts diener gewesen. die weil er lebt. vñ die weil er in seinem leyden was do rufft er zū seinem herren vñ sprach. o hailger herz sant lienhart du hast manigem menschen geholffen hilff mir auch vñ laß mich genieffen daz ich dein diener bin gewesen. do kam sant lienhart zū im in der nacht vñ sprach. Gehab dich wol ich wil dir dannen helfen. Nym die ketten vñ gang mir nach. do ward er zūhand ledig vñ nam die ketten vnd gieng mit im für die kirch. do verschwād sant lienhart. do ward der man fro vnd dancket got vnd sant lienhart der genaden. vnd saget dem volcke des morges wie im geschehen was do wunderten sy sich alle der grofsen ketten die er vñ sant lienhart dar hetten getragen. vñ man hieng die ketten über sein grab zū ainer gedechtnuß des grossen zaichens ¶ Ain ander man hett sant Lienhart auch lieb den vieng ain herre vnd schmidt in schwärlich ein vñ sprach. Dieser Lienhart thūt mir grossen schaden. wān so ich ain reichen man vā he so macht er in ledig. darumb wil ich ainen thurn vnder die erden bawen das er mir kain schaden thūn mūg. vñ ließ den thurn bald machen. vnd leget den man darein. vñ leget vil holtz darüber. vnd hūten vil gewapneter mann auff dem holtz. do was der gefangē in grossen nöten. vnd rufft sant Lienhart an mit grossem ernst bis in die nacht. Do

Aon sant

kam sant lienhart mit ainem groß-
 sen liecht. do erschrickn die hütser
 vnd zühand wurden sy onmechtig
 do gieng er in die grüb zü dem man
 vnd sprach zü jm. Gehab dich wol
 wann ich will dir helffen. do ward
 der man fro vnd viel sant Lienhart
 zü füssen. vnd dancket jm seiner ge-
 naden vnd sprach Lieber herz mein
 erlöf mich auß der not. do name in
 sant lienhart bey der hand vnd fü-
 ret in in sein haufs. des dancket er
 got vnd sant lienhart. ¶ Aines
 mals zyg man ain knaben er het ain
 herren verraten. das bewärten vil
 menschen über in. das man in dar-
 nach zü dem tode verurtaylet. das
 was in gar layd vñ rüfft sant lien-
 hart mit grossem fleiß an. vnd ließ
 vil wächspinzungen machn als vil
 menschen über in gesagt hetten. vñ
 sendet die zungen in sant lienharts
 kirchen vnd bat sant lienhart in sey-
 nem hertzen das er in seiner vnsch-
 uld ließ genyessen. vnd in hulff. do
 hieng man in an ainen galgen. vnd
 an dem dritten tag kam sein vatter
 selb dritt mit aym karren. vnd wolt
 sein todten sun begraben. do sprach
 der sun an dem galgen vater gehab
 dich wol ich leb noch. do ward der
 vatter gar fro vnd sprach. wer hat
 dir geholffen das du noch lebst. do
 sprach er vnser liebe frau vnd sant
 lienhart. do gieng d vatter für des
 künigs richter vnd sagt jm das. do
 giengn sy mit ainander vnd namen
 in herab. do dancket er got vñ sant
 lienhart ¶ Es was ain güter man

lienhart

der was ferz gewädert zü sant lien-
 harts grab. vnd do er wider haym
 wolte do ward er gefangen von
 den bösen leuten vmb sein güt. Do
 bat der pilger die leüt durch got vñ
 durch sant lienharts willen das sy
 in ledig ließen. do sprachen sy. dein
 pfenning ledigen dich baß dan sant
 lienhart vnd gott vñ alle hailigen.
 wann wir lassen dich nitt ledig. du
 müst vns vor vil pfenning geben.
 vñ legten in gar schwärlich ein in
 eyfine band. in ainen thurn. do rüft
 er sant lienhart an mit grossem ern-
 ste. do erschyn sant lienhart dem her-
 ren der in gefangen het in dem sch-
 laff vñ erwecket in. das saget er sei-
 nem gefind. die hetten iren schympf
 darauf. In der andern nacht kam
 sant lienhart aber zü dem herren. do
 het er es aber für ainn schympff vñ
 wolt der manung nitt volgen. vnd
 an der dritten nacht kam sant Lien-
 hart tzu dem gefan gen pilger. der
 eingeschmidt was vñ bracht in vñ
 der burg vnd gefäncknuß. Vnd do
 er auß der burg kam. do viel der tu-
 ren nyder vnd schlug den herren zü-
 tod vnd des gefindes vil die in der
 burg waren. Also rach got vñ sant
 lienhart iren diener. ¶ Aines mals
 ward ain ritter gefangen von sein
 veinden. der ward in ainen kercker
 gelegt vnd geschmidt Nun het der
 ritter oft gehört von sant lienhart
 das er manigem menschen auß der
 gefäncknuß geholffen het. darumb
 sprach der ritter. O hayliger sant
 lienhart hilff mir auß diser gefänck

nus so will ich dir mer dienen dann
vor vns. rüst also lang biß das sant
lienhart zû im kam. dz es die mensch
en sachen zû mitag. vnd zerbrach die
schloß vnd rigel vnd gab im die ket
ten das er sy trüg vnd sprach zû im
gee mir nach. vnd sy giengent bayd
durch die menschen do erschracken
sy ser vnd mochten darwider nit ge
thün. do verschwand sant lienhart
do warde der Ritter gar fro vnd
dancket got vnd sant lienhart der
genaden. O hailiger herz sant lien
hart erwirb vns vmb got das wir
von allen gebrechen des leibß vnd
der sele er leset werden. vnd vnßers
lebens ain güt end. nach disem das
ewigleben. Amen

Von den vier gekrönten



Die vier gekrönten mattrer hies
sen Seuerus. Seuerianus. Vipo
strus. vnd Viderinus. die waren
cristen vnd hetten got gar lieb. vnd

dienten im mit fleiß tag vnd nacht
mit beeten vasten wachen vnd mit
vil ander gütter übung. Zû den zei
ten was Dyoclecianus kayser der
ächtet die cristen gar ser. vñ bracht
sy in gefäncknus. vnd tödtet sy wa
er sy ankam do höret er von den vie
ren sagen die cristen wären vñ hieß
sy vachen. vnd sprach zû in sy solten
den abgöttern opffern. das wolten
sy nit thün do ließ er sy zetod schlag
en. do füren ir selen zû denn ewigen
freüden. Do höret der bapst dz man
sy vmb cristen glauben getödt het
vñ het sy gern geeret do wiste er ire
namen nicht das was im layd. vnd
wurdn ire namen darnach über vil
jar ge offenbart vnd über zwai jar
darnach als sy gemarteret wurden
do warent fünff cristen die hießen
claudius: castorius. nicostratus sim
phorianus vnd simplicius. die kun
dent wol schnitzen. malen. vnd bild
machen. Do wolt der kaiser das sy
den abgöttern opfferten vnd im ain
pild gemacht heten nach seinem ab
got. das wolten sy nit thün. do hieß
er fünff bleyen truben machen. vnd
leget sy lebndig darein. vñ versenck
et sy in das möre. Do füren ire selen
zû den ewigen freüden. Das was
nach der gepurt cristi. zwaihundert
vnd. lxxxvij. jare. do sagt der bapst
das man die fünff mitt den vieren
solt eren. vñ begeen. Die vier gekrön
ten hießen darumb die vier gekrön
ten. daz man ir namen noch nit wist
te. sy wurden aber darnach von got
geoffenbart. also behieltend sy den

Von sant

namen fürbaß von der gewonhait wegen. das man sy noch die vier gekrönten hayst. Nun helffen sy vns vmb gott erwerben das wir gottes huld nymmer verlieren vnd mit ym besitzten die ewigen freude vnd die ewigen sälligkeit. Amen

¶ Von sant Leuino.



¶ Zu den zeiten columbani des kaisers von schotland. was ain grofser herz der was der aller würdigest den der kaiser het. der hieß Theoginus vnd hett ain frawen die hieß golonia vnd was des künigs tochter von Hybernia. die waren baide fromm vnd tugentlich. vnd hetten got lieb vnd dienten im mitt fleiß. Der herz vnd die fraw warent an ainem suntag zenacht an irer rü. vnd hetten sich nyder geleyet vnd wacheten. do sahen sy ain weysse tauben. mitt grosser klarhait von himel herab fliegñ vñ die taub rüet

Leuino

an irem beth bey iren hanbten. vnd braytet ire flügel auß vnd liefs der frawen drey tropffen milch in iren mund lauffen vnd für do wider zü hymel. Der künigklich palast ward über gossen mit ainem süßen geschmack vñnd weret byß an den morgen frö. vnd zuhand rüet sich das kind in mütterleyb. vnd sy danckten got der gnaden vnd seiner götlichen haymsüchung. Do erschrack der vater vnd die mäter ab dem güten geschmack. Do saget der herz dem erzbischof des lands seinem brüder was im geschehen was. der ward erfüllet mit den genaden des hailigen gaysts. vnd weyssaget im vnd sprach. das gesichte wirt vns bringen ainen freünd. vnd ain hail von vil geschlechten. wann es wirt ain kind von eüch geboren das habent ir empfangen. vnd ist yetzund gehailiget worden in mütterlichem leybe. vnd ist darnach von stund an gespeysset mit der götlichen speiß mit milch. vñ wirt ain hailiger bischoff vñnd ain lucern vnd auch ain fürbringer der götlichen gesage darnach kame der loblich tag das die fraw das gesegnet kind gebat. do ward das land freüden vol. vñnd das land ward fruchtber. vñ was als gütter fride das die menschen wunder darab namen. ¶ Zu der zeyte sendet der bapst Gregorius von Rom Augustinum zü dem künig Columbano. do saget man im die wunder die an dem kind geschehen waren. Do ward er gar fro.

Darnach wundert der künig vnd die künigin der genade die got mitt dem künd hett getan vnd hüb das künd auß dem tauff. vñ hieß es Leuinum. Vnd als sy das künde auß dem tauff hüb. do sahen sy ain grof sen liechten wolcken herabe komen der was liechter dan die sunn. vnd liefs sich auff des kündes haupt. vnd ain hand gieng auß dem liecht die bezaichnet dz kündlin zü dreimal en mit dem hailigen kreütze. vnd es sprach ain stym auß dem liechte Du bist lieb got vnd den menschen. vñ dein gedechtnuß ist in dem lob. vñ in dem seggen gotes. vnd do die stym das gesprach. do verschwande der götlich schein. Do nun der künig vnd die künigin. vnd die Bischoff. die götlichen wunder hortent vnd sachent. do wurden sy gar fro. vnd lobten got darumb vnd freütñ sich des kündes. Do nam das künde an weißhayt vnd an tugendñ zü. Vñ es ließ in seiner kündhait aller welt freüd. vñ zoch sich von flaischlichen begirdñ. vñ hielt sich volkōmen lich. vnd laß geren die hailigen geschrift. Vnd do er dreißig jar alt ward. do erlediget er zwen menschen mit seinem Hailigen gebete Die waren mit dem bösen veinde besessen. des wurden sy gar fro. vñ danceten got vnd jm der gnaden ¶ Ain es mals gieng sein vatter in vnser frawen kirchen. vnd gieng sein sun mit jm. vñ das was zü ainer pfingstfeiren. Vnd Do man vnsern herren gewandelt het. Do pracht man

in dye kirchen zwen menschen. Dye waren mit dem bösen gaist behaft do dobeten sy also ser Das man sy mit eysnin ketten gebunden het. vñ der ain man het zwü frawen erwieget. vñ ain man. der ander hett sein frawen vñ zwai kinder getödt. vñ do das sant leuinus sach. do erbarmet es in vnd sprach zü seinem vatter. vnd zü den die mit jm giengent. Ich bitt eüch das ir dye götlichen militayt ansehen. vnd bitten gott Das er den menschen gnedig seye. durch seiner götlichñ eere willñ. do rüfften sy alle got an. vnd sant leuinus betet auch mit grosser andachte. vñ hüb seine augen zü hymel vñ sprach Ewiger got vnd barmherziger vater. gewer deinen andechtigen diener. vnd geuß deinen hailigen seggen deiner götlichen genadñ auff das werck deiner hend die beswart seind mitt grosser scharpffer schwär. vñ mach sy da gesund. das dein nam da gelobt werd. Do sprachen die andern all. amen. Darnach leget der lieb herre sant Leuinus die hend auff sy. vñ sprach also In dem namen des vaters vñ des sunes. vnd des hayligen gayst. da werden alle böß gayst von eüch auß getriben vnd werdent auch gerayniget zü ainem lautern vaf des hayligen gaystes. vñ zehand füren dye bößen gayste zü mund. vñ zü nasen auß in ains schwarzñ rauch es weiß. das es alle menschen sachent die dabey warent. Darnach sahen sy vil mucken die schwebten in

Von Sant

den lüfften vnd verschwundē gar bald. vnd zūhand wurden die menschen ledig vnd gesund. Darnach thet sant Leuinus das kreüz über sy. Do wurden sy geuestnet mit ainem guten leben. vnd beichteten all ir sünd. vñ lieffen alle zeytliche ding vnd volgeten sant Leuino nach vñ dancketen got vnd jm der genaden die sy inen gethan heten. ¶ Zū den zeyten was ain erbere juncfraw die hett sant Leuinum erzogen. die was lang siech gewesen vñ mocht als übel. das sy zū dem tode arbaytet. Das was dem künig vnd seiner frawen gar layd vmb sy vnd sendeten nach sant Leuino. Do kame er zū seiner ammen bedt die in erzogen hett. Do verschyed sy zūhandt. Do warde er seer vmb sy betrübet vñ ward sein antlüz begiessen mit hayssen zähern. vñ hūb seine hend vnd seine augen auff gen hymel. vnd batt mit grosser andacht. wār es sein lob das er der frawen ir leben wider gāb. durch sein grosse barmhertzigkait. Also ward die fraw zūhand wider lebendig. vnd saß in dem bedt auff. vnd hūb ire hend auff gen got. vnd dancket jm seiner genaden vnd sprach. Do ich starb do kamen die bösen gayst. vñ fürten mich über ain schwarzze vinstere grūb. die was vol schwebel. bech vnd feüwers. vnd do ich nun in die grūb versencket warde. do kam der engel sant michael mit den hailigen patriarchen abraham ysaac vnd jacob. Vnd sant Peter kam

Leuino

vnd sprach zorniglichen zū den bösen gaysten: Ir söllent die seel mit kainen dingen belaydigen. vnd lasent sy wider zū irem leyb kommen das gebeüt cristus durch seinen diener Leuinum. von seines hayligen leben wegen. vnd also bald füren die bösen gayst mitt schanden hym. Do nam sant Michael vnd die patriarchen vñ sant peter. vnd fürten die seel wider zū dem leychnam darumb söllen wir vns alle freuen wā wir haben ainen getreüwen helffer an sant Leuino. vñ ainen vatter gegen got vnd ist yetz gekrōnet vor got mit klarhait. rainigkait vnd gütigkait vñ ist den engeln gleich. vnd ain burger mit den hailigen patriarchen vnd ist ain gesell der lieben zwölffpoten. vñ ain mitfreüd der marterer. vnd gleich an der schar aller hailigen. Vnd do sy jm vil schöner red gesaget hett. do gab sy jm den segen. vñ nam vilob von sant Leuino vñ dancket jm seiner treü vnd schieden von ainander. ¶ Do nun der lieb hailig vil zaichen gethan het. do eeret in das volk vmb sein hailigkait. das was jm layd vnd vorchet er verlüre mitt der eer die götliche genad vñ gieng mit dreyen jungern in ain wüste in standē vnd in holtz. vñ assen kraut vnd holzgöpffel vnd lieffen sich gar an ainer klainen speiß wol benügn vnd truncken auß der hülen. vñ was sant Leuinus het das mittailt er den andern. wā er was ain hübscher stilschreyber. vnd schryb

gar vernünfftiglich. vnd gewan
damit das er den andern mittaylet
vnd das er zu seiner notturfst nützt
die arbeit seiner hend. vnd er schrib
offt vmb lon vñ ließ es doch zuletz
das man nit gedächt dz eres durch
geytigkeit thät. Nun erkant der künig
columanus sein hayliges leben.
vnd mercket seinen handel vnd sprach.
O hailiger sáliger vatter. wir
wissen das du grünest in allen tugenden.
Daz erzaigest du mit deinen wercken
vñ mit deinem gúten eben bild.
das du den menschn vortregst darumb
bitten wir dich das du zu vns
kómest vnd beleyb bey vns. vñ
weiß vñ leer vns den weg der ewi-
gen seligkeit. Das geweret er in.
vnd belib etliche zeyt in des künigs
hoff. vnd beetet mitt fleiß tag vnd
nacht. vnd dienet got emssiglich
mit beeten. vassen. wachn vnd mit
ander gútter úbung. doch betrieb-
ten in die hofleut in dem hoff. vnd
machten in oft vnrúwig. do trach-
tet er alle zeit in seinem hertzen. wie
sein seel vnuermailiget belib. Vnd
aines mals do er in der betrachtung
was do stünd der engel gotes vor
im vñ sprach zu im. Got grüß dich
lieber brúder Leuine. du solt nit be-
trúbt sein. wñ es ist zeit das du ge-
tróft solt werdñ. darumb heb dich
auf vñ laß nit vñ gee zu sant augu-
stin. von dem wirst du erhebt mitt
wunderlicher gáistlicher búßwey-
sung. vnd also verschwand der en-
gel. Darnach nam sant leuinus vr-
laub von dem künig vñ macht sich

mit sein jungern auff den weg. vnd
do sy zu dem mör kamen. begegnet
in ain schöner jüngling vnd sprach
zu sant leuino. Brúder biß nit bekü-
mert wann ich bin dir von got ge-
sant das ich deins leibs pflegen sol
vñ sol dein hüten in allen deinn we-
gen vnd in allen wercken. vñ waiß
auch wol die sach deins wegs. dar-
umb sollen wir farn. wñ got gibe
vns glücksamen weg. damit gieng
der engel vor auf daz mör. do gieng
leuinus vñ seine junger nach im úb-
er das mör mit trucknen fússen. als
auff der erd. vñ gedaucht sy wie sy
úber ain feld giengen das wár vol
rosen lilien vnd gras. do sy zu dem
gestadt kamen do verschwand der
engel mit grosser klarhait. do danc-
ten sy got seiner gnaden. vñ kamen
zu sant Augustin. der erkant ie zu
kúnfft wol in dem gayst. vñ emp-
pfienng sy tugentlich vnd was fro.
vnd het sy bey fúnff jaren vnd drey
monat in rechter götlicher liebe vñ
speysset sy leiplich. vñ leret sy die hai-
ligen geschriffte volkómenlich. vñ
machtet damitt leuinum zu púester.
vnd gabe im ain casul der was ge-
ziert mit edlem gestain vñ mit gold
vnd was von purpur. vnd gab im
auch ain beetbúch durch götlich lie-
be. darnach kam er wider zu seines
vatters land. do empfiengen in die
fürsten vñ die burger alle mit gro-
sen freúden. ¶ Zu den zeyten starb
der erzbischoff. Do erwólet das
volck leuinum zu ainem bischof. vñ
sazten in in des bischoffs stul. vnd

Von sant

erbot im der künig vnd alles volck groſe eer. Do man in zu ainem biſchoff weyhet do waren vil erwirdiger herin dar komen vnd vil volckes. die horten alle das ain ſtymin von hymel kam vnd ſprach zu dem volck. Nemptwar des groſſen wurdigen priesters der got allzeyt wol gefällig iſt. vñ iſt gerecht gefunden vnd ſach ain ſchöne kron auf ſeym haubt die was von gold vñ edlem geſtein. vnd was mit manigerlay blümen gezieret. vnd überſäet mitt ſchönen roſen die ſchmecketen als wol das alle menſchen die da waren des güten geſmackes erfüllet wurden. Also vnderwande er ſich des biſtums durch got mit groſſer demütigkait. vñ leret das volck mit groſſer weiſhait. vnd ſtraffet ſy vnd thet vil wunderzaichen.

¶ Als mals was ain man in ſchottenland der hieß abdia vñ was auſſerzig vñ ain bethriß. vñ was aller ſeiner glider beraubt wol rñ. jar vñ mocht die zung nit regen. noch die hend zu dem mund bringñ. noch die fuß zu im ziehen. vñ wañ er etwas wolt ſo gab er ain zaichen mit dem mund vnd augen. Der hailig biſchoff kam von dem willen gottes in das hauß. da der bedtriß inn lage. vnd do er in anſach do empfieng er groſſe krafft. do ward er fro. vnd hüb ſein hend auff vnd ſchry vnd ſprach wol mit. wer iſt der da herein geet. es iſt got der herr. oder aber ſein engel zu vns kommen. Do gieng ſant levinus zu im vñ ſprach

leuino

Lieber ſun ſtee auff vnd bring mit ainen trunck wassers. wañ ich bin gar müd vñ dürſt mich. do ſtünde er auff vñ volbracht das gebot. vñ was frölich vnd geſund. vñ dancket got vnd dem hailigen der genaden. ¶ Als mals gieng ſant levinus an dem geſtadt des möres. do ward ain groſ vngewitter. do ſah er daz ain ſchiff mit leuten wolt vnder geen. do ward er bewegt mitt barmhertzigkait vnd gieng bald zu in auf das wasser mit trucken füßen. vnd thet das hailig kreutz über ſy vnd ſprach. Lieben brüder. habt hoffnüg in vnſern herin der die nit verlaßt die ain gantz getrauen in in haben. Vñ als er die wort geſprach do ward das wetter gantz ſtill vñ in geſchach kein laid. Aber der ſchiffman was von dem ſchiff gefallen. vñ was wol ſo ver daruon als man mit ainem armbroſt mag ſchießen. vñ gieng vnder das wasser. do das ſant levinus ſach do erſchrack er ſer vñ lieff auf dem wasser zu im vnd begrif in bey der rechten hand vñ zoch in an das land. Also ward der ſchiffman vnd das ſchif mit leuten vñ mit güet von dem tod erlöſt durch ſein hailigkait. vñ do die menſchen das ſahen. do danckten ſy got vñ ſant leuino. ſant levinus was ain liebhaber der demütigkait. vnd ain lucern der gerechtigkeit. vñ ain edel geſtein der reinigkait ain engel der mäßigkeit. ain ebenbild aller tugent. ain auffhalter der armen. vñ ain gütiger behalter der ellendñ pil

gerin. vñ wusch in ir füß vnd gab
in wasser auff ir hend. er gab in es-
sen vñ trincken. vnd klaidet sy wañ
es in not was. vnd trüg allzeit ain
härin hemd an. vñ aß brot dz was
mit aschen gebachñ. vñ tranck was-
ser. er betet vñ laß auch meß mit an-
dacht. do thet jm got gnad das vil
franke menschen gesundt wurden
von dem schaten der von jm gieng
vñ wañ die siechen seine klayder be-
rürten. so wurden sy dauon gesund
Do die menschen sein hailigkeit er-
kanten. do hetten sy in lieb. vnd so er
predigen wolt so lief alles volck zū
nit allain die vō schotland. auch die
von britania vñ hibernia. die hortē
all gern die süßen wort des ewigñ
leben von seinem mund. vñ was in
ain besserung ires lebens. darnach
wolt er ander stet auch bekeren. vñ
befalch sein bistüb aym andern. vñ
gieng durch mangelray stet vñ pre-
digt das wort gots vñ machet vil
franken gesund. vñ die behaft wa-
ren mit dem bösen gaist. macht er le-
dig. darnach kam er zū seinen jüng-
ern zū dem münster daz er gendanū
hieß. das hat gestift amandus. vnd
hat es geweyht in der eer der zwelf-
poten. vñ samlet do die brüder vnd
gab in sein junger floripetū zū aym
abt vñ was dreyszig tag bey in. vñ
gieng do von in vñ kam in ain länd-
lin dz haist barbathefia. das fleußt
mit milch vñ honig. vñ ist ain schö-
nes lustigs land. vñ on maß vil vol-
ckes darin. aber er fand waich leüt
darinn die stancken vor grossen sün-

den. raub. diebstal. schwören man-
schlecht vñ eebrechñ die bracht sant
leuinus in ain bessern wandel mit
seiner gütē ler. Do nun der lieb hai-
lig vil stett durch gieng des selben
lands. do kam er in ain höhe. do lief
ain behafter man gegñ jm mit gro-
sem geschray vnd sprach der veind
auf jm. O hailiger leuine was zey-
hest du mich. das du mein reich vñ
ritterschafft also wilt zerstörn. vnd
hast mir vil leüt beraubt. was wilt
du an vns rechen das du vns also
seer ächtest. du solt wissen. treybest
du mich da auß daz ich dich mit vil
pein vñ leyden haif martern vñ ke-
stigen in der statt. do hüb leuinus
sein hend auff. vnd thet das creütze
über den menschn vñ sprach. du bö-
ser ächter schweig du felscher aller
gütē ding. ich gebeüt dir in dē na-
men jesu cristi das du auß der crea-
tur geest. vñ ir fürbaß kain schadn
nymer thuest. vñ zuhand gieng der
böß gaist auß. vor aller mensche an-
gesicht. als ain schwarzer rauch. &
was gemüsch mit blüt. Do ward
der selbig mensch gar fro. vnd dan-
cket got vnd dem hailigñ der gena-
den. ¶ In dem selben land waren
zwü schwestern die horten von sey-
ner leer die lüden in in ir hauf vnd
wolten von seyner leere gebesseret
werden. die ain hieß berna. die and
brifilda. die het ain sun hieß engel-
bertus. der was dizehen jar blind
gewesen do das sant leuinus horte
do ruffet er got mitt ernst an. vnd
thet das kreütze über des blinden

Von Sant

Augen. do ward er zühand gesehēt von den genaden gotes vñ des gebets leuini. do die menschen das zai chen sahen. do brachten sy ire siechē leüt auch dar. den erwarb er allert gesundthait. mit seinem hailigen gebet Nach dem gewan brisilda ainn sun den hūb der hailig bischof auß dem tauf. vñ ward ir geuatter: des freüet sy sich ser. Nun waren vil böser man in der stat die handeltū die gaistlichen priester gar übel vñ verschmechten sy. vñ ertödteten auch etlich. vnd schulten sant leuinū vnd sprachen. Der klaffer ist ain rechter trieger. vñ geet von ainer stat zū andern von geytigkait wegen. vñ gewinnt den menschen güt ab. vnd thut es durch der menschē hail nit darūb ist er wol wert das man in straffe mit pein vnd marter. vnd in mit ain greulichē tod tödt. vnd sy viengen in vnd schlügen mit blyen knütteln. vñ mit gerten vñ mit stecken. do was ainer vnder in der hieß walther. 8 nam ain schär vñ schnit in die zungen auß. vñ warff sy auß die erd vñ sprach. Sehent die zung ist des versürers die hat nit anders verdient mit irer falschait dan daz man sy für die hund werff das sy die hund fressen. vñ do der böß man dem freünd gottes also zū redet. do verhengt got daz ain feüriner flamē kam auß sant levinus mund. vñ verprant den selben bösen man selb sechzehent. als gar das man weder puluer noch nichts kund fündē. do was got mit sant leuino. vnd gabe

leuino

in sein zungen wider. do prediget er wider als vor. do kam ainer der hieß gerhart. dem thet es zoren. vnd er hūb sein arm auß vnd wolt sant leuinum mitt der faust schlagen. do ward in sein arm dürr vñ lam. vñ weret drey tag. do erschrack er vnd viel sant leuino zūfüß vnd begeret ablaß seiner sünd Do bat der hailig levinus für in. do ward er zühand gesund. Do begeret der lieb hailig des figs vñ der kron der eeren von got. vñ der marter von ganzem seinem hertzē. Do erschyn in vnser lieber herz vnd seine junger an ainem suntag zū nacht vñ sprach. Leuine lieber freünd. frö dich. vnd arbayt festigklich. wan du wirst schier vō diser welt vñ vinstere zeit schaiden vnd erlöst von mir in mein ewigs reich darinn fröwest du dich ewig klich mitt deinen brüdern. Von der red ward er fast gesterckt. vnd prediget. vnd dancet dem volck die in gespeist vnd geeret heten vnd gab in den fuß des frids. vnd gesegnet sy mit waynen vnd schyed sich von in mit seinn jungern vnd gieng do ain straß die hieß esta. vñ wolt verkünden das reich gottes. do kam ainer der hieß walbert. der nam vier gesellen mit in vñ wartet auff den hailigen vñ wolt in tödten. do das sant levinus sach. hūb er auß sein hend vñ betet do erschien in der hailig gaist in ainer tauben gestalt vñ ließ in drey tropffen blüts auß sein haubt vnd sprach. leuine fürchte dir nit. dir ist vergūd auffgethan die

thür des ewigen lebens. vnd ist die zeit hie daz du solt geen in die freud deins herren darnach flog die taub dreimal vmb in. vnd flog darnach gen hymel. do sprach seiner junger ainer O lieber herz ich hör ain groß getümmel von gewapneten leuten daher kōmen. zuhand kam walbert zū in mit seinn gesellen. mit grossem zorn. do sprach sant leuinus zū inen. warumb seyt ir her kōmen. wölt ir eüwer sünd büßen. vñ begerent ab laß darüber. so sol sich got genädig klichen über eüch erbarmen. der da spricht. Bittent so werdñ ir gewert Sūchent so vindent ir. klopffent so wirt eüch auffgethan. Do was er ir spot. vnd grif gramten wider in. do sprach er. Ich sich wol das ir mich sūchent zutōden. aber ich byn gewis der barmhertzigkait gottes. vnd stirb hie leyblich. vnd leb mitt got ewiglich. Gebent mir ain klain scrift vñ laß mich beeten. daz theten sy: do hūb 8 hailig vatter sein hend vnd sein augen auff gen hymel. vñ sprach. herz almechtiger got du hast mich in mütter leyb gehailiget. vnd bist mein fūrer auff dem mōr gewesen. so bit ich dich herz das du mein gebeet erhōrest. vñnd die von dem būch der lebendigen nit außtilgest. die mich vnschuldiglich tōden. vñ wān sy mich getōdt habñ so gib in ganze reu über ir sünd vñ auch vol kōnne büß. vñ nym sy an die zal deiner auferwōlten vnd ich bitt herre das du dich über alle menschen erbarm. st die mein leyden eerent vnd

gib inen gesunthait ires leybs. vnd stāten frid vñ überflüssigkait alles güttes. vñ hilff auch den die in āngsten seind auff dem mōre. vnd auch allen den die in gefācknuß vnd in betrübnuß sind. vnd die krank vñ arm seind. erhōre sy lieber herz Jesu criste. wān sy dich anrūffen in meinem namen: darumb das sy erkennen das du deinen erwōlten ain getreüwer hellffer bist. vnd vergib allen dienen ir sünd die dich anrūffen darumb das sy meinen namen lobñ vnd diemeinen tag eerent mitt gebet oder mit ander gūthait den gib gesunthait vnd mässigkeit in allen gūten wercken. vnd gūten frid. Do sprachen sein junger all Amen. Do kam ain stym von hymel die sprach Leuine du mein lieber diener byß gewert alles des das du gebeten hast vnd kōm zū mir in mein reiche. Do stund der bischoff bey dienen die in martern wolten. vnd sprach zū in. Ich stee vor eüch. vnd bin ain opffer des waren ewigen gottes. thūt mit mir was ir wölt. Ich bitt eüch aber vñ mein gesellen die seind vñ schuldig. vnd habent nyeman kain layd gethan. vñ gab seinn jungern den kuß des frids. vnd sprach zū in Got behüt eüch bis in das ewig leben. vñnd sach auff vnd sprach. O herz ich empfilhe dir meinen gaiste. in dein hend vnd zūhand schlügen sy in sein hayliges haubt ab. vñnd die engel kamen von hymel herab vnd fūrten sein seel gen hymel mitt grossen freuden vnd klarhait. das

Von sant

es alle die sahent die da waren. do die gūten menschen innen wurden das man sant lewinus getōdt hett: das was in gar layd vnd flaget in mit grossen wainen. Vnd sein wirtin busildis kam auch darmit irem kind. das er yr auf dem tansse gehalten hett. vnd flaget vnd wainet jāmerlich vnd sprach. warumb habent yr den hayligen menschn. & ain erleuchter ist gewesen vnschuldiglichen vnd so jāmerlich ermōdet. Do ward walbert also zornig das er jr das haupte entzway schlug. vnd ertōdet auch jr kīnd. Do namen seine junger sein hayligē leichnam vñ das kīndlin vnd legten sy in ain grab. das hetten die engel wol beraytet. vnd begrāben busildis auch darbey. ¶ Dye lieben hayligen wurden gemarteret an dem andern tag des monetz nouembriß do man zalt nach cristi gepurt vier hundert vnd sechzig jar. vnd sant bonifacius hat sein leben beschribē vñ ist geoffenbart worden von seinen dreien jūgern Nun helf vñ der lieb vatter lewinus vmb got erwerben das gebette das er vñ erworben hat. Amen.

¶ Von sant Martin:

Martin



¶ Der lieb herz sant martin ist geboren auf panonia der stat. vnd er ward in ytalie erzogen. vnd was aines reychen ritters sun. der was ain hayden. vnd het tausent Ritter vnder jm. Vnd do sant Martin zehen jar alt was. do gewane er grosse liebe zū got. vnd zū cristenlichem glauben. Do er zwōlf jar alt was begeret er das er ain ainsidel wurde. Es mocht aber sein begürde nit erfüllt werden. vnd do er fūnfzehen jar alt waz do machet man in zū ritter. über seinen willen. vnd gab ym sein vatter vil knecht vnd diener. & behielt er nur ainen. vnd er dienet dem selben knecht vñ zoch jm seine schūch ab. vñ er dienet auch den armen leuten vnd den dūrstigen gēren durch gots willen gemaintlich. ¶ Aines mals rayt sant Martin mit vil reitern. do sah er ain armen

menschen an dem weg. der gieng
nackend. vnd was das wetter gar
kalt. do er das sach. gedacht er. mir
hat got den menschen behalten. vñ
nam sein schwerte vnd schnitt den
mantel von ainander vnd gab dem
armen den halben tayl. do ward er
gar fro. vnd wand sich selb in das
ander tail. vnd ritt mit seinen gesel-
len vñ layd vil gespöt vñ das klayd
Vnd in der nacht ward sant mar-
tin entzuckt vnd sach vnsern herren
jesum chρισum sitzen vnd die engel
vmb in steen vñ vnser herr het das
klayd an das er dem armen mensch
en geben het. vnd vnser herr sprach
zü den engeln. mit dē klayd hat mich
sant martin gekleidet der noch unge-
taufft ist. Do das sant martin hort
vnd wider zü jm selbkam. do ward
er gar fro vnd dancket gott. vñ
nam in wunder von vnserm herin
vñ do zoch er sich aber bas von
der welt dann vor. vnd do er bey
zwaynzig jaren was. do ließ er sich
tauffen vnd pflag dannoch der rit-
terschafft zway jar. des hett in ain
ander herr gebetten. ¶ Zü den zeit-
ten hüb sich ain grose irung vñ
streiten. do gelobt der kaiser grafen
rittern vnd auch knechten grossen
sold das sy jm hulffen. vnd do sy zü
sant martin kamen. do sprach er gü-
tiglichen. Ich will nit mer streiten
wann ich will gotes ritter sein. den
habe ich mit zü ainem herren außer
wölt. Do saget man es dem kaiser.
der sprach. Es ist nur darumb das
du dich hüten wilt das du nicht er

schlagen werdest. wann du bist ain
zag man. do sprach er: du sprichst es
sey meyn zaghait so thut es der gōt
lich gelaub. darumb wil ich mit dir
vñnd dich sehen lassen das ich gar
kū vñnd gar starck byn vñnd will
in dem namen jesu cristi mit dir reit-
ten. nit gewapnet. vnd will weder
schild noch helm habē zū schirm. vñ
will mit meines herren freütz durch
all mein veind dringen on schaden
Do sprach der kaiser das müst du
ye thun. do vñndstünd got den streit
vñnd die nott. durch seinen dienern
sant martin. vnd ergaben sich dem
kaiser alle seine veind. vnd sy wurd-
en fro. do ließ sant martin von aller
seiner Ritterschafft. vnd kam von
vatter vnd von mütter. ¶ Nun waz
ain Bischoff in der statt Betania
der hieß hylarius. vnd sant martin
kam zü jm. do ward er fro. vñ über
kam in komē das er acolitus wurd
do lebet er gar tugentlich mitt in in
dem hof das er jnen gemainlichen
lieb was. do ward jm von got kū-
gethan. dz er haym zü seinen freünd-
en solte faren. das sagt er dē bysch-
off. das was jm layde vnd batt in
das er herwider kame. Do sprache
sant martin. Ich weiß wol das ich
noch auff dem weg vil müß leyden
das geschache. wann do er auff den
weg kam. do viengen in die morder
vñ griffen in veintlich an. ainer kam
mit ainer agst vñ wolt in da durch
sein haylig haubt haben geschlagē
do was gott mitt jm. Vñnd be-
hütter in: Do legten sy in gefangen

Anton

vnd gaben jm ain huter. der sprach zu jm. fürchtest mich nit dz du mein gefangener byst: Do sprach er. ich warde noch nye so siech. wann ich waif wol dz got bey seinen freunden am liebsten ist. vnd sagt dem schlacher also vil von got vnd von cristenlichem glauben daz jm sein hertz erleuchtet ward vñ lief sant martin ledig vnd weiset jn do den rechten weg. darnach ward der rauber ain guter man ¶ Als mals wolt sant martin gen mailand geen. do erschien jm der böß gaist als ain mensch vnd sprach zu jm. Sag mir wa wilt du hin. da will ich auch hin. do sprach er. wa mich mein got will haben dz thet dem feind zorn vnd sprach. wa du hin wilt da sol der teüfel mit dir geen vnd soll dein güt werck durch achten. Do sprach er. got ist allweg mein helffer. darumb fürcht ich mich nit. do verschwand der veind. Darnach kam sant martin in seins vatters land. vnd bekert sein müter. Aber der vater belib in seine vnglauben. Also prediget er dem volck cristen glauben mit grossem fleiß Das thet den bößen menschen zorn die viengn jn vnd hünden jn an ain saul vnd schlügen jn mit rütten auß der stat. do hort er das man hylarium seinen freund von dem bistumb vertriben het daz was jm layd vñ kam gen mayland. do waren dannoch die haiden. in der stat den predigt er cristenglauben. das thet jn zorn danocht was jm laid vmb ir hertig kait. vñ kam mit ainem gütñ priester

Martin

auff ainen berg. vnd sy assen wurtzlen vnd kraut. des nertñ sy sich lang zelt. ¶ Zu ainem mal af sant martin ain vergüfftes kraut. do ward jm gar wee. do sprach er sein gebete zu got. do ward er wider gesunde. Darnach hort er das hylarius wiß auff ain bistumb kumen wz. do ward er fro. Darnach bauet sant martin ain kloster in dem selben land. do kamen vil brüder zu jm ein. vñ vnser herr wirckett grosse zaichen in it jm ¶ Zu der zeit was ain man der wz sant martin gar gehaim der gelaub et an vnsern herren jesum cristum vñ wz noch nit getauft wañ sant martin was nit bey jm. do er zu jm kam do was er tod. daz was jm laid. do trauet er gott er hülf jm mitt seinen gnaden. vñ legt sich auf den todten vñ rüfft got mit ernst an. vñ beetet auff dem todten man. bis er erwarmet. do gab jm got sein leben wider durch sein liebñ diener sant martin do wurden die brüder gar fro vnd danckten got vnd jm. vnd taufften den man. do lebet er seliglichñ manigen tag. mit den brüdern vñ saget jn oft wie jm was geschehen. vñ sprach. ich was tod. vnd mein seele ward für gericht gefüret. do ward ich verurtaylet zu der ewigen pein. do erschrack ich gar sere. vñ sah zwen engel die giengn zu dem obersten künig. vnd sprachen. herre dz ist der da sannt Martin dein freund offst für jn gebetten hatt. do sprach der Richter. So gebt jm hyn den armen menschen. Vñ lassende

in sein genießten. wann ich will mein diener gern gewesen. do ward ich gar fro. also byn ich wiß herkömen das wund ward weit gebraitet in die welt. darüb het man sant martin gar für hailig ¶ Eins mals het sich ain man selv erhengt. do kame sant Martin on geschicht für das hauß. vñ trib die leüt darauf. vñnd leget sich auff den man vñd sprache sein beet zü got mit groser andacht bis er wiß lebendig ward. ¶ Der bischoff zü thuron starb zü der zeyt do bat das volck sant martin. ernstlich das er bischoff vñd jr vorgeer wurd. daz was im laid. vñ floch in ain kloster in ain zell. do kund in nie man auß bringñ. vñ es trachtet ain burger ainen list vñnd kame zü im vñnd sprach herre mein haußfraw ist gar siech. darumb geent mit mir vñd das sy gesund werd wann die burger von thuron seind all hin vñ bracht in allda mit der red für das kloster. wann sein fraw woz nit siech do name in das volck mit gewalt vñd bracht in auff das bistumb vñ do in die menschen sachen do verschmechten sy in. wann er het armes gewand an. vñ was im sein har zerstroblet do sy aber sein hailikait sach ent do wurdñ sy fro. do vñd wand et sich des bistumbs vñd pflag des mit fleiß. vñ bawet ain kloster zwü meil von der stat. vñ lebet haimlich darinn. vñd es kamen wol achtzig man die sein junger wolten sein. der lieb herz wolt nit daz jr kainer aygñ schafft het. alle ding müßten gmayn

sein. sy müßten fasten wachen vñd von got reden. vñ dorste nit klaiden tragen nur rauche. sy trancken kain wein. vñ lebten gar hertigklich vñd ward ir maniger zü bischoff wann wer auß dem conuent ain bischoff haben mocht dem was wol geschehen. von irer hailikait wegen. ¶ Es woz ain schener altar zü ainem grab gemacht. do sprachñ die leüt es waz ain hailiger martrer da begraben vñd eerten in vñd beteten. do wist sant martin nit wer er waz vñ kam zü seinen brüdern. vñ kniet auf dem grab vñd betet vñd bat got das er im zü erkennen geb woz das wer do sach er zü d linckñ hand ain schwarzen schaten. do beschwür er in bey dem namen jesu do sprach ain stym ich bin ain böser man. vñ bin in der hell. vñ ich ward hie getödt. darüb sol man mich nitt eeren. do höretten die brüder sant martins die stym sy sachen aber den schaten nit. do ließe er den altar niderprechen vñ zug en sich die leüt dauon mit jm gebet ¶ Eins mals zündet sant martin ain abgot an. darvon ward ain haußs prinnen. do stünd er gegñ dem feür do floch daz feür wider vñ schadet dem hauß nit. ¶ Ain fraw het ain lieben sun ber starb jr. do kam sy zü sant martin vñ bat in das er ir hulf das jr sun wider lebendig wurde. do gieng er zü dem sun. ¶ Nun waren vil vnglaublich da do kniet er nyder vñ bat got mit andacht das er im hülff vñd den sun durch sein gütte erlückete. Do warde er lebendige

Von Sant

vor in allen. vñ sy wurden all gelau-
big die das zaichn sahen vñ sagten
got vñ martino lob. Nun was nit
ver: ain tempel dauon der was der
abgötter gewesen vñ was nyder ge-
fallen vñ stünd dannocht ain groß
ser baum da. dabey opfferte die leüt
vñ opfferten als bey ainem hailtüb
daz was sant martin laid vñ gieng
mit sein brüdern dar vnd wolt den
baum abgehawen habn daz ward
im gewert. Do predigt in sant mar-
tin vnd sprach. der baum ist vol teü-
fel die beeten ir an. Ir sollen an chri-
stum glauben der vermag alle ding
vñ sollen in anbeten. das wolten sy
nit thun. do sprach ainer laß sehen
ob dir dein got helffen wöll. vñ leg
dich vnder den baum. so wöll wir
in ab hawen vnd nit mer da beeten
do wurden die vngelaubigñ zornig
vnd wolten das nit thun. do griff
sant Martin den tempel selber an
vñ wolt in zerbrochn habn do kam
das volck vñ jaget in von dem tem-
pel. das was im layd. Er beetet. va-
stet vud wachet. vnd rüfft zü gott.
Herz jesu chüste erzaig dein krafft in
dem tempel dauon man mich getry-
ben hat. darzü ich zufranc bin. das
solt du volbringen mit güte. Do er
das gebet volendet. kamen zwen en-
gel mit schilt: sper vnd helm vnd sp-
rachen zü im. nun wol an wir wöl-
len dir helffen gesigen. do ward er
fro vnd gieng mit in zü dem tempel
vñ sy zerbrachn. zerschlugen vñ ver-
pranten der abgötter tempel das er
zü nichten ward. das thet den vñ ge-

Martin

laubigen zorn vñ mochten doch wi-
der das nit thun vñ wurden ir vil
glaubig von dem zaichen. ¶ Aines
mals sach sant martin daz die visch-
er die grösten visch viengn die er ye
gesach. do sprach er zü den vischern
den sachen ist nit recht. es ist der bö-
sen gaist werck. vnd sprach. ich ge-
beüt eüch das ir das land raumend
do gesach man ir kainen nymmer
¶ Sant Martin kam aines mals
gen paris. do begegnet im ain auffe-
ziger man. do flühen seine gesellen
all. wan sy schonten ir selbs. do gien-
ge er freündtlich zü im vñ vñd vñb-
fieng in. vñ küßet in an sein mund
do warde der auffezig mensch als
bald gesund. ¶ Es was ain man
der hieß arbroeus der het ain sieche
tochter. dem was von geschicht ain
brieff von sant martin worden. do
nam er den brieff vnd leget in seiner
tochter auff ir brust. do ward sy zü-
hand gesund. sy danckten got vnd
sant Martin der gnaden. vnd ließ
sein tochter weihen das sy got dem
herren fürbaß mit rainem keüschem
leben dienet bis an ir end. ¶ Sant
Martin batt alle zeit für die armen
das weßten die herren wol. do kam
er in des künigs hof. do wist der kü-
nig wol was er bitten wolte vnd
hieß die thür sperren. das was im
layd. vnd rüfft got mit ernst an. do
kam ain engel von hymel vñ sprach
zü im gee wider geen hof. do wur-
den im alle thür offen. vñd do in
der künig sach. do wolt er vor zorn
gegen sant Martin nit auff steen.

wan er het verbotē dz man nieman
ein ließ. Do verhenget gott durch
seines dieners willē. das des künig
es stül brühen ward. vnd gieng im
als haif zū das er müft auff steen.
do merckt er wol das es gotes will
was. vñ für auf vñ empfieng sant
Martin freüntlich. vñ gewert in al
les das er in bat. ¶ Es was ain
fraw gar trancke an dem gegichte
Do das sant Martin hort do goß
er jr ain wasser ein. vñ als bald dar
nach ward sy gesundt. Der hailyg
bischoff was als gerecht dz er alle
menschen greülichen straffet den
reichen als den armen. ¶ Aines
mals wolt er für den kayser do wa
rent ander bischof auch da. do bot
er sant Martin vor zetrincken. vnd
gedacht im also bald so trincke ich
nach im. wan ich bin sein aller wir
digest. do gab er seinem caplan als
bald nach im zetrincken vñ mainet
es wär gotes amptman wirdiger
dan der kaiser. Do sant Martin zū
seine tagen kam do lachet er nit vñ
zürrnet nit. vñ wen er in der kirchū
was vñ betet so saß er nit nids. vnd
er betet als innigklich das die engel
vñ die hailigē mit im redetē das es
die menschen horten sy sahē aber nie
mandt vnd fragten in wer mit im
redt. das sagt er in nit. die andacht
neidet d̄ feind vñ erschin im als ain
mensch. vñ het in geren geirret. do
kamt er in wol vñ halff in nit. Ains
mals kam sant Martin in ain stat
vnd bekert vil mensche zū got das
thet dē veind zorn. vnd rach sich an

sant Martin. vnd macht das man
saget es ligen vil veind vor der stat
das was im laid vñ er forcht sy thā
ten grossen schaden. Doch getrauet
sant Martin dē veinden d̄ boßhait
wol. vnd beschwüre ain behafften
man bey d̄ krafft gots. das er im die
warhait saget. do sprach der veind.
auf im. Es kamē sechzehē böß gai
ste die erhübē die not vñ heten dich
geren veriaget. es ist aber nit war
wir haben die leüt sunst betrogen.
¶ Aines mals kam er in ain hauf
do sahe er dē teüfel steen bey d̄ thür
do gebot er im daz er bald hinweg
gieng. Do für er in ain man d̄ was
in dem hauf. das er gar vnfinnig
ward. do stieß im sant Martin ai
nen vinger in den mundt vñ sprach
Beiß mich ob du magst. do versch
wal im die kele vñ mocht in nit beiß
sen vñ für der veind auf. ¶ Aines
mals sahe er ain k̄ die tobet so seer
vnd ließ hin vñ her. die stieß ertlich
das sy nynder vielen vñ lief zū san
Martin vnfüglichen. do sprach er
du armes vich stee still laß dein to
ben sein. do stünd sy still vnd er sah
ainē bösen gais̄t auff jr sitzen der het
sy geiaht. do sprach er. du böser gay
ste fleühe. vñ laß dē vich r̄. do flo
he er. Do sprach er zū der k̄. gee hit
zū dē andern vihe. vnd das thet sy
Do betet er in seiner zelle. do kam d̄
böß veind zū im vnd erleuchtet die
zelle mit ainē liecht vñ was gestalt
als ob er gewalt het in klarhait. vñ
was wol geklaidet vnd waren sey
ne hosen. rock vñ schüch guldin. er
f i

Von sant

het ain kron auff da leuchtet manig
steyn auß. vnd was gütig gestalt
vnd sprach. Martine ich byn dein
got vnd her: christus den du anbet
test. vnd hab mich dir beweyset als
ain freünd dem andern vñ zuhand
schwig sant Martin vñ wundert
ab jm. do sprach der veind. warüß
zweifelst du an mir ich bin dein her:
jesus christus do kant er in wol vñ
sprach zñ dem veind. mein her: Je
sus christus ist nit mit purpur vnd
mit ainer schönen kron gekleidt dar
umb glaub ich es nit. ich sach dan
die form der wundñ. do verlor der
veind sein krafft vnd sein schöne vñ
vergieng sein her: schafft. vñ ließ ai
nen bösen schmack hynder jm. Der
hailig bischoff lag des nachts auf
der erden vnd beetet lang. vnd lag
auff ainem hertten tüch. ¶ Aines
mals do kame er in ain herberg Do
bedtet man jm auf güt federn. do le
get er sich darauf. vñ do er als wol
lage. do strasset in sein gewissen so
ser das er darumb nit schlaffen mo
cht. do warff er das beth von dem
strosack herab vnd legt sich auf die
erdñ do lag er mit rñ. do ward daz
stro brinnen. do wär er geren geflo
hen do mochte er vor dem feür nitt
heraus. do sprach er sein gebeet zñ
got do ward jm nye kain layd. vnd
kam auß on schaden. des dancket er
got. ¶ Ains mals rait sant martin
auf ainem esel. wān er was krank
vñ riten ain tail hofleüt mit jm auf
pferden. vñ do die pferd den esel sa
hen erschracken sy daz sy die man ab

martin

wurffen daz ir etlicher übel viel. do
wurdn sy zornig vnd raufften sant
martin bey dem har vñ schlugen in
ser das laid er gedultigklich vñ bot
in sein rucken auch dar do schlugen
sy in so lang biß das sy müd wur
den do was got mit jm vñ zaigt in
das sy vnrecht hetten vñ batten in
daz er in ir sünd vergab do vergab
er in ir sünd vñ gab den pferden ir
krafft wiß do ritten sy von dannen
¶ Ains mals sprach der böß gaist
zñ sant martino. wen ain mensch in
sünden ist vñ reü darüber hat war
umb vergibst du jm sein sünde als
bald. do sprach er. daz wil ich dir sa
gen. ich erken das got barmherzig
ist. möchtest du dein boßhait lassen
vñ reü über dein sünd haben so wil
ich dir gelobñ das ich got wil brin
gen das er dich zñ genaden laßt kö
men. ¶ Ains mals sach er ain schlä
gen durch ain wasser schwymmen
do rüft er in dem namen gots vnd
sprach. küm her zñ mir. zuhand kam
sy. do sprach er. sehent die schlägen
hören mich so ich rüff. vnd die men
schen mercken nit was ich ler ¶ Ay
nes mals was ain has nahent ver
jagt. wān die hund jagtñ in ser. do
hieß sant martin die hund still steen
also was der has frey. ¶ Aines
mals wolt sant Martin zñ kirchen
geen. do kam ain arm mensch vnd
bat in das er jm gāb durch got. do
sprach sant martin zñ dem ewange
lier Gib jm ain klaid. daz thet er nit
Do lieffe jm der arm mensch nach
aber er wolt jm es nit geben. vñ do

kam dera rin wider zū sant Martin
in den segrer vñ sprach zū jm. Dein
ewangelier wil mir nichtz gebē. do
zohē er seinē rock ab vñnd gabe in
dem armen. vñnd legt die kutton an
die blossen haut. do ward der arm
fro vñ gieng sein weg. do kame der
ewangelier vñd sprach. das volck
wartet weñ du meß habē wöllest.
Do sprach sant Martin. ich mage
nit meß sprechē es hab den der arm
ainē rock. do sahe er vñ wo d arm
mēsch wār. Do sprach sant martin
het ich ainē rock ich fünd den armē
wol. do ward d ewangelier zornig
vñ kauftet ainen kurtzen bösen rock
vñ warff in für sant Martins füß
do gieng er in ainen winckel vñd le
get den bösen rock an. der gieng im
kaumbiß zū dem knye vñd die ermel
giengen im biß zūm ellenbogen. vñ
er legt sich an vñd sprach mit groß
ser andacht meß. ¶ Sant johāns
ain grosser maister spricht. vñd der
meß geschahē grosse zaichē. ain feü
rine kugel erschien ob seinem haubte
das es die leüt sahen. vñd do er vñ
fern herren auff hūb vñd seine arm
auffreckt wurden sy im bloß biß an
die ellenbogen. wann die albe was
weyt vñ die arm klain. do kamē die
engel vñd decketē im sein bloß arm
mit edlem gestain vñd mit schöner
zierde. Sant Martin weyssaget
vor seinē tod vñd sagt es seinē brü
dern do ward er flich vñ das con
uent gieng zū jm vñ sprach. Lieber
vater du bist laider von vns faren
wem wilt du vns lassen oder wer

soll vns bewarē. vñ wer soll deiner
schäfflin hüten. vñ wainten jamer
lichen do ward er so barmherzig
bewegt vñ sprach. Herz jesu christe
mag ich deinē volck noch nütze sein
will geren die arbeit durch deinen
willen habē. ich hab biß her durch
dich gestritten. er gee dein wille an
mir wiltu mich zū dir nemē. so will
ich gerē in dir rüen. darnach ward
er krank. Do sprachē sein brüd das
er sich auff ain beth leget. do sprach
er nain liebē brüd. es ist genüg. wer
ain crist ist dē füget wol daz er auf
ain tuch lige vñ sterb. wañ ich hab
schwärlich gesündt darnach betet
er aber vñ sahe auff gen hymel. do
sprachen die brüder laß dich an ain
beth tragen daz du rüest do sprach
er laß meine augen den hymelischen
gott ansehen dan mein gaist soll zū
got farē. do sahe er dē teüfel bey im
steen. do halff im got das er im nit
forcht vñ sprach. was thüst du hye
du blütiges tier. du vnrainer gayst
du vindest nichtz an mir. mich soll
abrahams schoß mit freüde empfa
hen. damit gieng im sein sel auß do
kamen die engel vñd fürten sy mitt
freüden zū got. do empfieng sy den
ewigen lon. do er tod was do was
sein antlitz schön vñ liecht dz es die
leüt wunder namē. Nun kamen die
von Britania da er vor ain münch
was geweest. wolten das man in
sein hälligē leib gābe. Do sprachen
die vō tiron. wir wölln vnsern bi
soß selbs haben vñd wölln in in
seinē bistumb begrabē. vñd kriegte
t ij

Aun sant

mit ainander biß an die nacht vnd
mainten die von britania sy wolten
das hailtüb mit gewalt haim fürn
do half got den von Turon. do die
von britania entschliessen die weyl
theten die von turon sant Martin
zü ainem venster hinauf. do namen
in ir gesellen vnd legten in auff ain
schiff vñ fürten in gen turon do er
bischoff was gewesen. vnd do dise
erwachten vñ funden das hailtüb
nit. do fürten sy mit grossen laid wi
der haim. vñ die burger von turon
wurden des hailtubs gar fro. vnd
bestaten in mit grosser andacht vñ
würdigkait. ¶ Zü der zeit was ain
bischof zü Köln der hieß seuerinus
der gieng zü mettin von hailtüb zü
hailtumb wañ des haben sy vil. do
hort er die englisch stym in den luff
ten vnser herren lobgesang schon
singen. do sprach der bischof frölich
zü dem 8 mit im gieng. hörst du nit
die süß stym. do sprach er herz nain
do sprach der bischof. nun hör baß
in die lufft. do hüß er sich auff vnd
loset. do sprach er sein gebeet zü got
vnd do er das thet do hör. et sein ge
sel die engel frölich singen. do sprach
er was ist das. Antwort er. es ist
sant martin yetzo tod. vnd die engel
haben sein sel gen hymel geführt. do
horten sy hernach daz er umb die sel
ben zeit tod was. ¶ Nun was seue
rinus ain jünger sant martins in dē
kloster gewesen vñ het sein leben an
geschriben. vnd leget sich an dē selb
en sunntag frū nyß daran sant mar
tin starb. do erschien er im in weyß-

martin

en klaydern. vñ was sein angesicht
liecht. vnd trüg das büch in seiner
hand daran er sein leben geschriben
het. vnd wolt also gen hymel faren
do erwacht er zehand ¶ Züder zeit
wz ambrosius bischoff zü mayland
vnd sang meß an dem selben sund
tag do entschlief er vnder der meß
vnd naiget sich auff den altar vnd
ward entzucket vnd sache sant mar
tin tod. vñ er half in zü der erde be
steten do dorfft man sein vnd ainer
weckt in do sprach er Laßt eüch nit
wundern das ich enzucket byn ge
wesen. ich hab sant martin helfen
begraben vnd besungen darüb daz
ir mich also bald geweckt habt. so
hab ich die letsten collect nicht ge
lesen. do wüder in sy ser vñ sendten
ainen boren gen turon ob dem also
wår do wz es also. ¶ got thet vil
zaychen durch seinen dienern sant
martin an vil menschen die zü seinē
grab kamen die krümen vñ lamen
wurden gerad die toben gehörend
die blinden gesehend vñ vil menschen
wurden gesund vñ mancherlay
siechtüb von seiner grossen hailig
kait vñ ee man in erhüb do barwet
man im ain schöne kirchen. darnach
erhüb man in vñ kamē vil bischoff
dar. do wz ain hailiger man 8 hieß
Petrus der griff des ersten an das
grab. vnd er lag dreymale daran
ee er den stain kund gewiunen do
wolt in sy daruō habē gelassen. do
sah Petrus ainen alten man hinzü
geen 8 sprach. warüb greyßt jr nit
zü dē grab. Secht jr nit sant mar-

tin ist hie vnd will eüch helfen. do gryffen sy an das grab vñ gewunnen es bald auff-do verschwand 8 allt man. Vnnd do man das hayltumb herauf gewan do trüg man es über den marckt vnd durch alle gassen vnnd alle die siechen. die da waren die wurde gesundt von seiner hailigkeit. das hort ain blinder vnd ain krümer. das was jnen gar laid die heten grosse sorg sy wurde gesund. do sprach der krüm zü dem blinden. Ich waiß ain enge gassen da wirt man das hayltumb nicht ein tragen darein so sollen wir fliehen. wann wurden wir gesund so müsten wir arbeiten. Do name der blind den krümen auff den rugken vnd trüg in in die engen gassen. vñ do sy darein kamen. do begegnet in sant Martin vnd die pfaffen. vnd sungem das was den zwayen gar layde. vnd sy wolten geflohen sein do waren sy gesund wordē on jren willen. des soltē wir vns auch trösten. seydt er die zwen on jren willen hatt gesundt gemacht so sollen wir im auch wol getrawen. er erwerb vns auch vmb gott gesuntheit der seel vnnd auch des leybes. vnd ain güt ende vnser lebens. vñ darnach nach disem leben dz ewig leben Amen.

¶ Von sant Theodora:



¶ Sant Theodora die lieb fraw was schön vnd hett ainen man der het sy gar lieb vñ sy in auch daz neydet 8 böß gaist das sy so tugentlich lebten mit ainander. vñ riet der frawen dz sy jr ee bräch darüb gewan sy grosse reü vñ was lang in dē leyden. ¶ Alines mals do ritt jr man in frembde land. da kennet man in gar wol wan er was edel. Do gedacht jr die fraw des besten. vñ zohe die frawen klaiden ab. vnd legte mañs klaiden an. vnd schnit jr har ab als ain man. vñ stellet sich auch als ain man. vnd gieng haimlichen wol fünffzēhē meil zü ainē münchs kloster vnd bat die herre durch got das sy jr den orden gäben. das thet der abt mit seiner brüder rate. Vnd do sy in das kloster came. do fragte sy wie sy hieß do sprach sy. Ich haif theodorus. Die lieb fraw was des ordens gar fro vñ was tugentlich

Anton

vñ diemütig vñ geniel den münich
en allen wol Theodorus d münich
griff seinen leib an mitt arbait vñd
vasten. vñd pflag wenig rñe vñd
ñbet sich an den ampten. vñd way-
net vil an seinē gebett. vñd was in
der abbt hieß das thet er mitt fleiß
¶ Ains mals hieß in der abbt mit
ainem wagen in die stat faren nach
öle des waz er im gehorsam vñ do
es Theodora man jñen ward das
er sein frauē verlorñ het. das waz
im laid vñd klaget sein frauen gar
seer. wñ er was ain gütter seliger
man. vñd lage got an mit andacht
das er im hñlff dz er sein liebe frau
sah. do erschin im ain engel vñd sp-
rach. Nun gee hin vñ stee vñd das
thor so wirst du dein frauen sehen
vñd zehand für der münich Theo-
dorus zñ dē thor ein mit ainē wagē
do grñften sy ainander. do erkñnt
theodorus jren man aber der man
erkñnt sein frauen in mñchs klai-
dern nit. Also für theodorus mit dē
wagē wider haim mit dē öle. aber
der man stñnd den tag allen bis an
die nacht vñder dē thor: Do sprach
er. Ich sihe wol das ich betrogen
bin wordē ich het ain hoffnñg. ich
solt mein frauē sehen daz ist laider
nit geschehen. do sprach ain stym in
den lñfften zñ im. Der münich d dir
vñder dem thor frñ mitt dē wagen
kam den du grñssest. das was ain
frau. do was dem man layd. das
er sy nit erkñnt hett. aber sy was im
vñbekñnt in den mñchs klaidern.
Der hailig theodorus lebt gar hai-

theodora

ligtlich in dē orden das man sprach
er wñr volkomen. ¶ Zñ ainem ma-
le begriff ain thier ainen man vñnd
bis in greñlich das im gar wee ge-
schabe. do sprach Theodorus der
selig sein gebet mit andacht zñ gott
do ward d man frisch vñd wol ge-
sundt. do eilet Theodorus dē thier
bald nach bis er es sahe. vñ sprach
so krefftige wort. vñd rñffet got so
mit grossen ernst an. dz dises thier
sterbē mñst. dz es fürbas nyemand
schadē thāt. Der böß gaist trñg gen
theodoro grossen haf vñ sein rain-
nes leben. vñ erschin im ains mals
vñd sprach. Theodora wilt du wñ-
nen daz ich dich nit kenne in deinem
falschen hertzen du hast doch dein
ee gebrochē. so steet geschribē du sey-
est darñb verlorñ. so hab ich doch
so grossen gewalt das ich dich vñ
dein vñeer wol straff. des wirst du
innen werden. Do erkñnet theodo-
ra den veind wol. vñnd segnet sich
mit dem kreutz vñd sprach. Far hyñ
du bößer wicht. Jesus cristus mein
got der soll mein helffer vñd besch-
irmer sein. vñd zehandt do versch-
wand der böß gaist. ¶ Nun füget
es sich aber. das der münich aines
tags mit dē wagen mñst auffaren
vñd bringen was in der abbt hyeff
Es fügt sich dz er übernacht mñst
beleyben zñ ainem reychen gastge-
ben über seinen willen do kame des
wirtes tochter zñ Theodora in der
nacht vñnd wñr gern bey im gele-
gen do bracht er sy mit gar tugent-
lichen Worten von im. Vñ die toch-

ter sahe das sy der münich verschmecht het. do gedacht sy wie sy im möcht gelten. vnd leget sy zū ainem andern man bey dem ward sy kind tragen. Do saget sy irem vatter es wär theodorus der münich daran schuldig. do ward er zornig auff in vñ do die tochter des Kindes gelag do nam der vater das kind vñ sendet es dem abbt haim. vñnd embot im theodorus der münich wär sein vater. Do 8 abbt das hort do erschack er gar seer. vnd saget es den andern münchen allen die waren gar zornig auff in. vnd sprachen zū im wie hast du also gefaren dz du vns all hast geschendt. do viel theodora für des abts füß wainend. Ich hab ser gesündet. darumb söllent ir mich büßen. Do sprachē sy. du hast vns mit deinem gaislichē wandel betrogē. vnd hast dich gestellet als seiest du frum. vnd stießen in mitt grossen zorn auß dem kloster. vnd gaben im das kind vñ sprachen zū im zeühe dein kind sellber. Do nam theodorus das kind vñ gieng von den münichen. vñnd fand ain klaines gemach bey dē kloster darinnen was theodorus syben jar vñ nam almüsen an des klostere tor als ain ander betler. vñ gieng auff dz veld zū dē vich. da fand er ye milch damit erneret er dz kind das laid er alles durch got vñnd was diemütig vñ gedultig in seinē leiden. das neydet 8 vöf gais. ¶ Ains mals do erschien er ir als ain man vñnd sprach Ach mein liebe frau theodora wie

lang hab ich dich gesücht wol mit das ich dich gesundē hab man hat mir gesagt du habest gar ain grosse schuld wider mich. das will ich dir gern vergeben vñ will dir es nimmer auff heben. durch die liebe die ich zū dir hab. darumb gee mit mir haim du solt mer eer haben den vor. Do gedacht Theodora es wär ir rechter man als gleich was er im. vñ sprach. Ich bin so in grossen sündē dz ich büßen will bis an meinē tod Do sprach aber 8 veind du warest ye vñ ye mein freünde darüß bis es noch. vñ volg mir vñ gee mit mir haim. vñnd do zweifelt Theodora ob er ir man wär od nit. vñ sprach ir gebet zū got dz er mit ir wär. do verschwand 8 veind do dancket sy got seiner genadē dz er ir geholffen het von dē bösen veind. Do fand 8 veind ainē andern list. vnd kam für ir zelle mit seinen gesellen in der gestalt als die lewen vñ beren vnd jaget zū theodora vñ sprach freyt vñ zerreißt das böß weib wan sy ist ain sünderin. Do sprach theodora ir gebet mit andacht zū got zehand verschwandē die thier alle mit ainand do dancket sy got seiner genaden. Darnach kamē die bösen veind aber für die zellen als ain wolgezierte ritterschafft. vnd fürten ainen grossen fürsten den beteten sy alle an vñ giengen ain ritter zū Theodora in ir gemach vñ sprach zū ir. Du solt vnsern fürsten anbetten. do sprach sy Saget dē fürsten von mir ich beet vnsern herren Jesum cristū meinen

got an. do saget man es dem fürstñ
das thet jm zoren vnd sprach schla
hend das böß weib. do schlug man
sy mit knitlen als ser das sy nahend
tod was. vnd wär got nit gewesen
sy möcht nit genesen sein. Do rufft
sy aber got mit andacht an in irem
leyden. do verschwundñ die bößen
veind aber. do dancket sy gott mitt
grosser andacht. ¶ Darnach
bald trüg 8 veind ain grossen korb
mit speiß für sy do sah theodora dē
veind an 8 den korb trüg. do sprach
er zū jr. Die speiß hat dir der fürst
gesendet der dich vor hieß schlahñ
do gesegnet sy sich. do verschwand
der böß gaist zū handt vor in mitt
dem korb. Also erschrafft sy 8 veind
oft vñ thet jr villayds an ¶ Nach
den sybñ jaren do vergab jr der abt
vñnd die brüder jr sünd der man sy
zyg vnd gaben dem künd auch den
orden vñ man befalhe fürbaß The
odore schnöd empter die thet sy mit
grossen fleiß. vnd was alle zeyt ge
dultig in irem leiden. vñ do sy zwai
sar wider in dem orden was gewe
sen. do thet jr got kund das sy sterb
en solet. Do nam sy das kynd haim
lich in ain kamern do wurden es die
andern münich innen vnd höreten
jm haimlichen zū was er mitt dem
künd redet. do sprach er. Lieber sun
ich soll sterben dauon byß stäte an
got der soll dein vater sein. Ich rat
dir auch dz du bey den güten mēsch
en beleybest. vñnd was sy dich güt
es leeren des volge jnen mitt fleiß
vñ bis jnen dienstschafft vñ festige

deinen leib mit vasten vñ aller güt
ter übung vnd hab got lieb wann
sein väterlich liebe hat dir vil eeren
behalten wo du tugentlichen lebest
Vnd do sy das gesprach. do gab sy
iren gayst auff. do für jr seel zū den
ewigñ freüdñ. vñ do das kind sah
das sy tod was do viele es da auff
sy vñ schry. O wee liber vater mein
wem laßt du mich dein armes kinde
Zū der zeyt schlieff der abbt do tra
umet jm wie er zū ainer hochzeyte
kam. Do sahe er vil engel den wa
ren stüle wol bereit. darnach gieng
en vil prophetñ die warn vol weis
hait. vnd darnach die marterer vñ
auch die beychtiger mitt frölichem
schalle. Darnach kamen die junc
frawen vñ die rainen witwen mit
freüden. darnach ain schöne frau
in die hochzeyt der nam 8 abt sund
derlich war wān jr gewand was
mit schonhayt gezieret. do bracht
man der frawen gar ain schönes
beth darauff saß sy vor jnen allen.
vñ namen jr die lieben hailigen alle
sunderlichen war. vñ naigeten sich
gar freüntlichen vnd wirdtlichen
Do hett der abt geren gewist wer
die frau gewesen wāt 8 man souil
ere erbot. do sprach ain stym zū jm
das ist der münich theodorus. auff
den man loge. vnd in aines kündes
zige. der hatt sibē jar mitt gantzer
gedult gelitñ. vñ hat die sünd lang
est gebüßt die er vor gethan hatt
darumb hatt jm Gott die ewigen
freüd gegeben damit erwachet der
abt vnd stünd bald auff vnd rufft

den andern münchē allen zū samē
 sy lieffent eilend in die zelle. do lage
 das kind auff Theodoro vñ way-
 net gar seer. do saget der abbt den
 brüderū alles das er gesehen hett.
 Do wolten sy ye der warhayte an
 ain end kōmen. vñ zugen sy ab do
 sahen sy wol das es ain frau was
 do hetten sy lieb vñ laid. wann in
 was laid das sy jr so vil schmach-
 hait heten erboten. Do freuerten sy
 sich jres hailigen lebens. vñ dancke-
 ten got seiner genaden. das er jr ge-
 holffen hett. vñ das sy jr hailiges
 leben volbracht hett biß an jr ende.
 Do man die hailigē frauen begra-
 ben wolt. do embote der abbt der
 frauen vater die auf Theodorum
 gelogen het das er durch seinē wil-
 len kām vñ seinen tochtermā hulffe
 begrabē. do kām er durch des abts
 willen. do sageten sy jm das sy ain
 frau was vñ lieffen in daz sehen
 vñ sagt jm auch der abbt jr hayli-
 ges leben vñnd alles das er in dem
 gesicht gesehen vñ gehört het. do
 was jm gar laide. das sein tochter
 vnrecht auf sy gesagt het vñ auch
 das Theodora souil vneer gehabt
 hett danon das sy so hertiglichen
 gebüßt het. darnach kām ain engel
 von hymel vñ sprach zū dem abbt
 du solt yetz in die stat geen vñ der
 erst man der dir begegnet den solt
 du mit dir her in daz kloster bringē
 vñ solt in der frauen grebnuß se-
 hen lassen do ryt der abt in die stat
 do kām jm sant theodora man. do
 fraget in der abbt wāhin er wölt.

do sprach er. mir ist von got künde
 gethan mein weib sey tode die wil
 ich begraben. do weßt der abt wol
 das in der engel gemaint hett. vñd
 hieß in mit jm zū dem kloster reiten
 vñd jm alle ding zaigen die an der
 frauen geschehen wāren. vñd do
 der man die frauen erst an sahe do
 erkannt er wol das sy sein rechtes
 weib was do besange man sy mit
 grosser andacht vñd begrüß sy mit
 würdigkait. Darnach warde sant
 Theodora man ain münch in dē sel-
 ben kloster. vñd lebt gar tugentlich
 biß an seinen tod darinen. Vñ das
 kind das man sant Theodora hett
 gegeben das hielt si ch auch gar tu-
 gentlich. vñ nam sein ammen theo-
 doram zū ainem ebenbild vñd vol-
 get jrem seligen lebenn nach biß an
 sein alter. Vñd do der abbt starbe
 do erwölet man ju zū ainem abbt.
 Do pflage er des amptes mit gros-
 sen tugendē biß an seinen tod. Hay-
 lige sant theodora. wir bitten dich
 durch dein grosse hailigkayt vñnd
 gedult die du hettest in deinem hay-
 ligen vñschuldigen leyden. das du
 vñs auch gedulte erwerbest in al-
 ler vnser widerwertigkayt vñd in
 allen vnserm leyden vnser lebens
 ain güt ende. vñd nach disem leben
 das ewig leben Amen.

Von sant Von sant Bicio:



Sant Bicius der was sant
Martins ewangelier, vnnnd was
lang zeyt an seim hoffs gewesen, vn̄
er het in gar lieb, vnd dienet in mit
fleiß, vn̄ was allzeit keiſch. darüb
was er sant Martin gar lieb, aber
sant Bicio dē geueile gar übel von
sant Martin das er sich so diemü-
tiglich hielt, vnd mainet es zymet
ain bischoff nit man hielt in deſter
leichter, wañ er hett gern der welt
eer, vn̄ truckt sant martin offt mite
den worten, das vertrüg er in güt-
tiglich vnnnd het in gar lieb durch
got vō etlicher sachen wegē. **Ai**
nes mals do fraget ain armer nach
sant Martin dem bischoff der hett
gern ain almüſen vō in gehabt do
sprach sant Bicius, schawe wo du
ainen sehest der gen himel auff gaff
das ist d̄ bischoff, wañ sant Bicius
verdros gar übel daz sant Martin
also stāts gen himel auff sahe, Do

bicio

süchet der arm mensch den bischof
biß das er in bey dem zaichen sahe
vn̄ fand Do gab er in ain almüſen
vnd sprach zū sant Bicio beduncke
ich dich torocht, do schemt sich sant
Bicius vn̄ sprach, ich hab nit also
gesprochen, Do sprach sant martin
wānest du nit daz mein oren da sey
end gewesen, do mich dein munde
ain toren hieß ich wil aber darumb
nit zürnen wañ ich hab got gebetē
das du bischof nach mir wirst, des
hat er mich geweret, du müst aber
auf der massen gar vil leiden, das
hast du an mir verdient, do gieng
Bicius von in vn̄ sprach, Der bi-
schoff roset vn̄ spricht ich werd bi-
schoff nach in, Vnd do der haylig
vn̄ würdig bischoff, sant martinus
gestarb, do macht man sanctū bi-
cium zū ainē bischoff, do besseret er
sein leben vnd dienet got mit groß
sem fleiß tag vnd nacht, mit beeten
vasten, wachē vn̄ mit ander gütter
übung, Do hett er zeitliche eer noch
nit gar auf seinem hertzen gelassen
do diemütiget in got do er dreißig
jar alt was gewesen, **Nun** wan-
delt ain wāscherin vil in seinē hoffs
vnd wūsch in was in not was, die
trüg ain kind, do sprach das volcke
er wār schuldig daran, Do sy nun
das kind gewan, do lieff das volck
zū dem bischoff mit ainem grossen
geschray vnd sprachē, du böser man
wie hast du vns betrogen, wir ha-
ben dich für ainen hailigen gehabt
vnnnd haben dich zū ainem bischoff
erwölt, wie hast du dich vnd vns

geschendet. wir wollen dich vō deinem bistumb vertreiben. do ward er seer betrübt das man es auff yn legt vñ er laugnet mit dem aid dar für. Do sprachē sy wir wollen dein bulferte hand mit küssen. do sprach Bicius. ich will bewären das ich vnschuldig bin. Vnd do das kinde dreyszig tag alt was. do sprach er. kind sag mir in dē namen Jesu crysti ob ich dein vatter sei. do sprach das kinde. nain du lieber herr. Do sprachē sy. so haif vns sage wer der recht vatter sey do sprach er. Mich benügt wol das jr mein vnschuld habt vernomen vñnd gesehen. Do sprach das volck. Er hat mit dem kinde gegaucklet vñ will vns aber betrügen daz was sant Bicio gar layd vñnd er nam glüende kolen in seinen geren vñnd trüg sy auff sant Martins grabe. vñnd schütet sy da nider vñnd sprach Seydt gedultig vñnd secht das mein klaid von den kolen vnuerfert ist beliben. Also ist mein leib ganz vnuermailiget von der vnkeusch. do sprach das volck. Er thüt das mit zaubernuß vñnd tribē jn mit gewalt vō dem bistumb wañ er müst die grossen schmachhait leiden. als jm sant Martin geweissaget hett. Darnach kam sant Bicius gen Rom vñnd belib sibē jar da biß er mit ganzer gedult büßet. do hetten sy ain andern bischoff zū thuron gemacht. den sendeten sy gen Rom wañ sy westē wol das es sant Bicius dē bapst würd klagen. daz man jm vnrecht het getan

vñnd er solt dem bapst sagen das er schuldig wär do starb jnen der selbig bischof vnderwegē. do erwölten sy ain andern der was sibē jar bischoff. darnach vñder den weylen kam sant Bicius wider. vñ het vor dem bapst gewinen das man jn bischoff solt lassen sein. Vñnd do er nahent zū thuron kam. do ward jm von gott kund gethan das der bischof tod wär. do sprach er zū seinen dienern. wolan laßt vns den bischoff begrabē. Vñnd do sy in den hoff hinein kamen do trüg man dē bischoff gegen jnnen. do begruben sy jn. Also kam er mit recht widerumb auf sein bistumb. vñnd volget ainem diemütigē leben nach bis an sein ende. das jm sein gaistlicher vater sant Martin vor getragen het. Nach dem do warde er siech vñnd starb da seliglichen do für sein seel zū den ewigen freuden. Nun bitten wir sant Bicium das er vns vmb got erwerd das wir behüt werdē vor todtsündē vñnd vor weltlichen schandē. vñ das wir nach disem leben besitzen die ewigen freud Amē.

¶ Von sant Othmar.



Sant Othmar ist geboren von dem gschlecht das da haist amon- so. vnd was ain crist. vnd het gott lieb vnd dienet jm mit fleis. mit betten. vassen wachen. vnd mit vil an der gütter übung vnd gienge in die schül vnd lernet gar wol. vnd er ward erhöcht vñ gewirdiget mitt seiner grossen kunst 8 hailigē geschriffte. vnd was ain nachvolger aller tugent vnd aller gütter loblicher sitten. vnd ward ain gütter wirdiger priester. Do warde sein hailigkayt vñ sein gütter leümüt überal in dem land außgebrait vnd bekenet. darumb so eerten in die leüt vnd hetten in gar lieb. **Z**u der zeyte was ain heri der hieß walthanus 8 kauffet sant Othmar sant Gallen wonüg überal. vnd gebot das man in mitt frid solt lassen wonen vnd empfalbe jm wirdigklichen alles das dar-

zu gehöret. darumb das er sein not turfft da wol möcht haben. vñ der heri für darnach zu dē künig philippo. vñ bat in das er jm erlaubte das er an der stat wonet vñ das er der brüder apt wär. das thet der künig geren vñ gab jm vast vil güts dar zu. vñ macht sant Othmar zu ainē abbt. vñ gab jm die stat mit wirdigem rechten. vnd besalch jm das er gaistliche vnd ordenlichen da lebet. **D**arnach für der lieb herie sant Othmar wiß haim in sein kloster vnd bawet den gütten münichñ vil zellen umb sy. vnd verwandelt da sein hailiges lebē zu ainē nützen wesen des götlichen dienstes. vñ nam seer auff an hailigkait. vñ er ward da ain nachvolger der mässigkayt. vnd festiget seinen leib stättigklich mitt grosser übung vñ vastet zwir so vil als vor vnd übet sich in allen gütten Worten vnd wercken vñnd laide auch vil ansechtung vñ dem bösen gayst. doch so vnderstünd er da dem bösen gayst allzeyt mitt der hilff gotes vnd vertrib in mit seinē gütten wercken. Vnd do jm vnser lieber heri seines wirdigen dienstes da wolt lonen. do neidet es der böß vñnd umb seine güte werck vñnd umb die rñ die er mit got solt besitz en. vnd thet in gar vil zu laid. das litt er alles gedultigklich vnd geren durch got den herien. **D**er lieb heri sant Othmar 8 het ain lägelin darinn was gar vast gütter wein darauf track sant othmar vñ wie vil er darauf trancke. danocht so

ward des weins nitt minder vnd nach dē do er gestarb do fand man das lägelin. vnd was siechumbs 8 mensch hett. weñ man im auß dem lägelin zetrinckē gab so ward er gesund. Darnach ward der lieb herre sant Othmar siech vnd starb seliglichen. vnd für sein seel zu den ewigen freiden. Nun bitten wir den lieben herre sant Othmar das er vns vñ got erwerbe das er vns behüt vor allen vnsern veindē. sy seien sich tig oder vnrichtig vñ vñs nach diesem zergenglichen leben erwerb die ewigen freude darzu helff vns got der vatter vnd der sun vñ der haylig gayst Amen.

¶ Von sant Elfbeten.



¶ Es was ain künig in hungern 8 hett ain frawen die hieß Gerdrut die was vom land fārntē ain edle

herzogin. die was gar weiß mile vñ güt. Sy vnd jr man waren gar gotzforchtig vñ lebten gar diemütiglich mitt ainand vnd volbrachten das lob gotes gantzlichen. Nun heten sy kain erbē das klagte sy bayde got dem allmechtigen vnd seiner werden mütter marie mit waynen vnd mit beten. vñ mainten heten sy ainē erben sy wolten in got dem allmechtigē geben mit leib vñ güt vñ gelobten vnserm herin vnd seiner werden mütter marie ain groß gebet. dz theten sy mit fleiß. ¶ In der zeit wolt 8 künig zu dē kaiser reiten do sprach er fraw künigin vergeßte des gebets nit das wir gelobt haben. do sprach sy Herz des seit auch gemant. wann halten wir vnserm herre sein gelübt so ist er so güt das er vns mit eern tröstet. das was jr seggen. also rait der künig zu dē kaiser. der warde auch fro vnd hetten ain groß gespräch mit ainander da warē auch vil herre bey vñ do das gespräch ain ende het vñ die nacht do her kam das man die stern sahe do gieng der kaiser an sein gemach mit dē künig vō hungern. vñ auch mitt dem edlen landtgrauen. Do gieng der sterenseher klinfore hym vñ wartet des gestirnes lauffe wān er was der kunst ain mayster Do gieng der kaiser vñ die fürsten zu im. vnd frageten in was er sähe. do sprach er Ich sihe ainē schönen steren der leuchtet vō hungern biß zu marckburg vnd von marckburg in alle dise welt. darumb seyt

Nun lant

fro der gütē mār. wān der stern be-
deut das die künigin von hungern
ain seligs töchterlin empfangē hat
das wirt groß vor got. vñ sein ge-
leich wirt nit in der zeit vñ des kin-
des lob vñ sein hailigkait wirt von
hungern biß gen marckburg. vñnd
vō marckburg in alle dise welt. vñ
got ist mit sein gnaden mit dē kinde
Es spricht der groß albertus. wie
bald hūb cristus an mitt dem kinde
do es dennocht beschlossen was in
seiner mütter leibe. do ward Frid in
dem selbē land. vñ ward alles erdt-
rich fruchtber von seiner hailigkait
vñ bracht sein geburt alle sālīgkait
Der landtgraf vō hessen hört von
dem hailigē kind. do gedacht er im
ach möcht das kind meinē sun wer-
den. der was nit mer dan dreier jar
alt vñnd trachtet so bald darnach
Do dz hailig kind geborn ward do
freuet sich sein vater vñ müter gar
ser. Nun spricht Albertus das ge-
schach nie kaim hailigē mer auferd-
trich das seines vaters land so vil
genad von ainem kind het. wān es
gieng seinē vatter nach allem seinē
willen. das kind wuchs an tugent
vñnd an allen sālīgkaiten. Der landt-
graf het stätigklich sein vorsch dar-
nach. ob das kind geborn wār als
der sternseher gesagt hett. Do sagt
im ain barfüßer die gangen war-
hait vñ sprach. ich kam zū dem kind
vñ was biß in das vierdt jar blind
gewesen. vñnd het ain lame hande
do gab mir das kinde ainen apffel
darein het es gebissen. vñ mitt dem

elsheten

apffel bestriche ich mein hand vñd
auch die augen. zehandt wurde ich
gesehen vñd auch gesund. Vñ das
ganz vngerland freuet sich des sel-
ben kinds wān sy haben seyde wed
geschworē noch gescholtē seid das
kind geborn ist. wān es hat allē fri-
de mit im bracht. do daz lantgraf
hört do ward er fro. Nun hett der
landtgrauē ainē ritter der hieß herz
Waltherz von varilla dē getrauet
er auß d massen wol vñd sprach zū
im. mein lieber freünd vor. iij. jar
do ich bey dem kaiser was do sagt
vñser maister klinckor er het an dem
gestirn gesehen daz die künigin vō
hungern ain töchterlin het empfan-
gen daz würd hailig vñ alles land
darvon selig. dauon so begert mein
herz des Kindes vñ ich bitt dich daz
du zū dem künig reytest das er das
töchterlin meinē sun Ludwig gebe
Do ritt herz waltherz von varilla
zū dē künig vñ zū seiner frauē. vñ
saget in was im d lantgraf embot-
ten het. do wurde sy fro wān sy er-
kanten des herre frūnkait wol. vñ
gelobte das töchterlin dē lantgra-
fen. vñ do dz kind fünff jar alt was
do wolt der lantgraffe nit geraten
man fürte im dan dz kind haim vñ
sprach. ich mag nitt frölich sein ich
hab dan meines lieben suns weibe
Do ritt herz waltherz von varilla
zū dē künig vñ sagt im was im der
landtgrauē emboten het Do beray-
tet man dz kind erlich auff mit kost-
lichem gewande vñ mit berlen vñd
mit gold. vñ jr wieglein vñ jr bad-

gelten die waren silbrin. Do sprach
 8 künig zū dē herin von varilla. ich
 befihl dir mein trost vñ trü in dein
 ritterliche eer vñ die künigin beual
 he jm auch jr tochterlin mit wainē-
 den augen. Do sprach er ich will sy
 geren in meinē treuen haben. do sp-
 rach die künigin. ich hab ainen ver-
 borgnē hort dē will ich meiner toch-
 ter elsbeten geben. vnd gab jr gold
 vñ edels gestain. do nam 8 heri vō
 varilla mit jm hinweg daz güt vñ
 dz sālīg tochterlin des selbē gūts le-
 get man vil vñd wegen an. dz and
 güt vnd sant elsbetē bracht man dē
 lantgrauen do ward er seiner haup-
 frauen fro. vñnd drucket sy an sein
 brust. vñ dancket got dz er jm sy zū
 gefügt het. vñd gab jr zūhand sibē
 juncēfrawen mit den sy jr weil ver-
 treiben solt. Es wonet auch 8 jung
 lantgrauē stetigs mit jr. Nun spilet
 sant Elsbet oft vñ vil mit den kin-
 den vñ glesine vingerlin vnd wēn
 sy in die abgewan. so gabe sy in die
 wider. vnd müst jr dan yegēliches
 ain aue maria beten. Vnd zohe mit
 iren gespielen geren vñ oft auff den
 kirchoff vnd sprach dan zū in. Wir
 sollen das gotzhaup alles vmbgen
 vnd sollen die weil ymermer beten
 daz thet sy darūb dz sy deſter lenger
 beten. vnd sprach dan zū den kinden
 Gedencet dz wir zū āschen werdē
 vñ sprach. hie ligen todt leūt die leh-
 ten als wir. vnd ſeind nun tod also
 geschicht vns auch. darumb sollen
 wir got liebhaben vnd sprechē mit
 das wort nach. Herre durch deinen

bittern tode vñnd durch dein liebe
 mütter maria erlöſ diſe von jr pein
 das thet sy gar oft. dan Albertus
 spricht. Ich wān das sy nie darein
 kām sy erlöſt zūm münſten ain ſeel
 mit jrē gebet. wān die kinden ſahē
 oft das vnſer heri jeſus zū jr kame
 vñ grüſſet sy. vñd ſpilet ſüſſigklich
 mit jr. ſo verbot sy es den kindē daz
 sy es nitt ſolten ſagen. Vñnd vnder
 weilen als die kind wolten beten ſo
 was es naß vñ beliben doch jre klai-
 der ſchōn vñ trucken. also geleichet
 vnſer heri jm ſant Elsbeten. wēn er
 ſeiner mütter waſſer haim trüg in
 ainē krüg ſo ward er auch nitt naß
 ſant Elsbeth die wonet auch gern
 bey irem herren. vñnd hieſ in lieber
 brüder. ſo hieſ er sy bül vñnd mein
 liebe ſchwēſter. vñd sy hienge jr ge-
 pend also ſeer für. das man jr ant-
 lüz kaum ſahe vñd für auch die kin-
 de oft zū dē kercker. vñ sprach. das
 ſeind der todtē gebain. knyend nider
 vñd ſpricht mir nach. Herre durch
 dein barmhertzigkait erbarme dich
 über die ſelen. vñd vegibe in jr ſün-
 de. vñd vns lebendigen dein gnad
 daz wir kōmen zū der ewigē freud
 die nymet zerget. vñd sy füret den
 aber jr gespielen in die kirchen vñnd
 sprach aber also. Herre jeſu chriſte
 du mein got vñnd mein herre. haſt
 du die groſſen marter durch mich
 arme ſünderin gelitten. ſo thūn ich
 tōlichen das ich dir nicht diene lie-
 ber heri mach mich hail mit deinen
 hailigen fünf wunden. das was je
 tanz vñnd jr ſpyle. das trybe sy biß

Von Sant

auff das zwölffte jar. do wolt man
 jr iren herre zulegen. do beeret sy mit
 grosser andacht vnd sprach. Zeter
 Jesu chrisste du bist gewaltig aller
 ding vnd aller hertzen. vnd waist
 wol das ich geren ain raine maget
 wär belibē. seid mich aber mein va-
 ter vñ mütter ergeben haben dē ich
 billichen volgen soll. so bitt ich dich
 herz durch dein marter. das du mir
 hie ain leben gebeest nach deinē lob.
 vñ mich behütest vor allē übel. vnd
 befalhe jr hertz got dem allmechti-
 gen. vñ redet zū irem man. wir sol-
 len vnser sünde beichten mitt ernst
 darnach füret man sy zū ire gema-
 hel in ain schönes gemach. ain hayli-
 ges zū ainē hailigen. vnd lebten da
 seligklich mit ainander. Der jung
 was frölich mit seinen gesellen. vñ
 wen sich sein diener vergassen. das
 sy vnnütz wort redten. so sprach er
 liebe kind das thünd nitt mer. wān
 damit betrübten jr mir mein hertz
 vñ lebt zū allen zeitē weislich. züch-
 tigklich vnd diemütigklich. Aines
 mals. begeret der kaiser das er den
 jungen lantgrafen solt sehen. wān
 er was weis schön vñ götlich. do
 rait er mit sein vater zū jm do nam
 d kaiser des jungē fürstē vast war
 vnd gefiel jm auß der massen gar
 wol. vnd sendet seinē kamrer nach
 wein vñ wolt dē jungen fürstē ver-
 süchen. vñnd leget jm die weile ain
 schöns frölin an sein bedt. vñ do er
 in die kamern kam do sprange er zū
 hand wider herauf. wān d haylig
 gaist hütet sein. vnd sprach zū dem

Elfbeten

kamrer. lieber freünd wer ligt mit
 an meinē bedt. do sprach der kame-
 rer. ich waiss sein nit. do sprach der
 herz. gibe jr mein böstes gewande.
 vnd dreü marcē silbers das sy sich
 damit nere vñ sich fürbaß vor den
 sündē hüt. Do die fürsten das sahe
 do genies in wol an dem herren.
 vñ sagten jm wie sy jm dz frölin an
 sein berth hetten gelegt. do sprach er
 zū jm. Ir sollent fürwar wissen daz
 ich nitt das römisch reich darumb
 nāme das ich ain sölichs ding thāt
 ob es doch nit sünd wāre. so wolte
 ich es lassen durch Elfbetē meines
 rainen weybs willen. Darnach ka-
 men sy bald haim vñ sagten es sei-
 ner haupfrawē. do dancket sy gott
 vñ sprach. Zet ich bin nitt würdig
 das du mich zū d hailigkait erwo-
 let hast. hilff vns daz wir beide die
 hailigen ee behaltē das wir mit dir
 ewigklich wonen. Darnach starb
 dem jungē lantgrauen sein vatter
 vñ sant Elfbeten mütter. darumb
 wainet sy seer. jr was ires herre vn-
 gemach laider dan irer mütter tod
 wann sy was gar gedultig in aller
 widerwertigkait. vñ thut güt vmb
 übel. nun wurd jr ir schwester feint
 darumb das jr d schatz entgangen
 was den jr ir mütter gelobt het. vñ
 auch darüb das sy jr herre also lieb-
 hett vnd das sy so milt was vñnd
 gern durch gottes willen gab. des
 acht sant Elfbeth nit. wann sy het
 sich got ergeben mit leib vñnd mitt
 seel. Nun was sy nit gelert daz was
 irem herren gar laide vñnd sedet

brief zu dem bapst gregorio mit seines brüders rat. Do der bapst den brief vernam. do sendet er nach maister conrat. der was also weiß das er in allen landen kein bessern weist vñ was auch götlich vnd bewärt zu pariß. den bat er das er sich der frauen durch gotes willen vnderwunde vñ jr die hailigen geschrifft bedeuñtet. das thet er durch des bapstes vñ des fürsten willen. Vñ do sy das horte. do vastet sy vnd peiniget jren leib vnd sprach. Ich armes sündiges weib. ich hyn nitt wirdig das mein der hailig man sol pflegē. Herz ich danck dir deiner genaden. vñ gieng gegen jm vñ empfieng in vñ viel auff jre knie vñ sprach. mein gaislicher vater empfah mich dein tochter durch got. ich bin dein nitt wirdig. vñ laß dir auch mein brüder empfolhen sein. Do sprach maister conrat. O herz Jesu. was würckest du mit den deinen. vñ was fro. darnach hübe er an mitt götlicher leer vnd leret sy da zwelf stuck. vnd die hat vns got vor getragen. Dzerst du solt verschmecht sein in williger armüt. vñnd biß darinn gedultig. Das ander. das du demütig seiest vnd alles gewaltes frei seiest. Das drit das du dich vor leipliche trost behütest. vnd vollust. wañ es punget der seel ewige pein. Das vierdt das du barmherzig seiest. Das. v. das du got hertz vñnd müte gebest. vnd allezeit an in gedenckest. Das sechst das du got danckest. dzer di che mit seinē tod erlöst hat. Das si

bent. das du gern leiden solt. wañ got vil durch vnsern willen gelitñ hat. Das achtet das du dich got gebest mit sel vñ leib. Das neündt. daz du dich bedenckest. wie du von got geflohen seiest. vnd solt auch alzeyt betrachte wie der wider zu dir kōm Das zehend. das du dein nechsten alles erlassest daz du wilt das er dich erlaß. vñnd jm auch alles das thüest das du wilt das er dir thue. Das ailfft das du allezeit gedenckest wie kurz das leben ist. das der jung schier stirbt als der alt. darüb wirckt allezeit nach dem ewigen leben. Das zwölft das du allzeit reit über dein sünd habest vñ biß got daz er dir sy vergeb. Darnach legt er je die epistel vñnd die ewangelia auß vnd do mercket sy die leer mit fleiß vnd behielt sy. darvon ward sy entzündt mit dem hailigen gaisst. vñ lebte da in volkōmenhayt. byß an ye end. vnd jr herz lebt auch sālighlich. ¶ Sant elsbet het ain juncfraw die hieß eisendraut. die bat sy das sy alle nacht weckte. vñ sy bey dem fuß züg. das thet sy. so stünd sy dan auff vñ schlug sich vñ festiget jren leib vnd beetet vñ dancket got das er da zu mitternacht geboren ward in armüt vnd in kelte. vnd schlug sich biß das jr arm müd wurden. ¶ Ains nachtes do begriffe eisendraut jres herin fuß. vnd wolt wānen er wär sant elsbeten. vnd das verstünd der herz wol. vnd wecket sy. wañ er günnet jr des sāligen lebens wol. nun het sant elsbet zwöl

Anton

töchtern vnd ain sun. der erbet das land hernach 8 hieß herman. do gab sy dem hertzog von parfant die ainē tochter. Zū der zeit do raite der herz auß. do legt sy ain hārin hemd an. vñ gieng barfuß vnd nam jr tochterlin an jr brust vñ trüg sy zū dē kloster. das bei eisnach ligt. vnd ist in der eer sant katherinen geweihet vnd sprach. herz jesu chrisste ich opfer dir vnd deiner lieben müter marie mein aller liebste fruch. vnd woz also barfuß gangen das jr ire füße blüeten. vund thet es in das kloster vnd dancet got das er jrem tochterlin ain gaisstlich leben behaltē het. Sy schlüg sich oft das jr leyb verwundet ward. do nam sy vnser herz bei der hande vñ tröstet sy selber. sy trüg vor mittag seiden an vñ brüß kainē ermel mer. ¶ Males mals do name sy ain sunder siechen der was greülich gestalt den beschar sy haimlich in ainem garten. vñ wüsch im sein haupt. do kam jr herz vnd sprach. Was sind die siechē. do sprach sy ich hab sy haim geschickt. vñ zehande verschwande der siech. do sahe der landgraf. das sy etwas in dē bāsem het. das was dz hare das sy dē siechen ab geschoren het. do sprach der herz gütlich. liebe schwester woz tregst du in dem büsem. do sprach sy es ist seiden. vnd thet es herfür vñ gab es dem herin. do warn es güt seidin knöpf worden vō dem willē gotes. sy waren ain tail goldfar. dz wundert den herin gar seer. Do kamen jr diener vñ strassent sy umb

elßbeten

das güt werck. das verträge sy in gütlich. vnd wan man vnser herren leichnā vnder 8 meß aufhüb so prian jr hertz in grosser liebe vñ andacht die sy zū got het. ¶ Males mals do het sy jr hend auff gehebt zū got. do kam ain liecht vō hymel vñ umbfieng sy. dabei stünd ain güter priester. dem thete gott seine augen auff. der sahe das man gotes leichnam da het vnd das sant elßbeten antlitz mit ganzer klarheit erleuchtet was. vnd schin recht als die sun vñ der schein gieng weit von jr vñ daz liecht bedeckt sy daz man sy niendert sahe. mit leiblichē augen. do erschrack der priester gar seer vnd erkant wol das gott grosse wonder mit jr thet. An dem antlaf tag het sant elßbet zwelf armer menschen geladen. der pflage sy gar wol mitt speiß. vñ wüsch in ir füß mitt iren henden gar diemütigklich. vnd gab yr yetlichem zwölff pfenning. vnd zwüg auch des tages den aussertigen jr füß. vnd küßet sy an die ende do sy versert warn. ¶ Males mals gelustet ain siechen visch. das klagt er sant elßbeten. do rüßet sy got mitt ernst an. vñ gieng zū ainem prunnē vñnd wolte den siechen ain wasser bringen. do schöpffet sy ain grossen visch heraus. vñ was vor nie kain visch im prūnen gewesen. do dancet sy got vñ pracht dem siechen den visch. do warde er gar fro. ¶ Ain arme frau gewan ain kind die erbarmet sant elßbeten gar seer. vnd half yr das dz kind getauft ward.

vnd hieß es elſbet nach jr. vñ gabe jr vier wochen ſpeiſ vnd ain mantel vñ zwen ſchüch. vñ zwen pfenning vnd geſegnet ſy. do gieng die arm ſraw von danen zů mitternacht mit irem wirt. vnd lieſſen das kind hind jñ. Vñ des andern tages do ſendet yr ſant elſbet würtz dz ſy krefftig wurd. do warn ſy hin weg vñ die diern fand dz kind allain. vñ was die mütter hingeloffen dz ſaget ſy jr. do hieß ſy dz kind bringen das es nit verdürb. vñ empfalhe es ain er ſrawen das ſy jm gütlich thät. vñ bat den ſtatrichter dz er die ſrawen überall lieſ ſüchen. do fandemar yr nicht. do forcht ſant elſbet mayſter conrat würd zornig vñ das kinde der ſprach zů yr. ſraw yr ſollen got mit ernſt bitten das des Kindes mütter wider kōm. do ſprach ſy. Ich getraw gott wol es werde geſchehen ich wil jñ bitten das er thū was ſein lob vñ eer ſey. Bald darnach came die ſraw vñ der man. vñ fielen für ſant elſbeten vnd baten ſy wainent das ſy jm die ſchuld vergāb. vñ ſagten yr auch das ſy auf dem weg müſten ſtehen. nnd mochten nitt fürbaſſgeen vñ do nam er die ſchüch vnd den mantel vñ gab es ainer andern ſrawen. das erbarmet ſant elſbeten vnd gab jr zwen ander ſchüch vnd beualhe jr das kind treulich. Darnach nach ainē dornſtag do gieng ſant elſbet in die ſtat gar reilich beklaidet. vñ ſeiden vñ von gold vnd het ain kron auf von edlem geſtein als ainer fürſtin zůgehört. do bat ſy

ain armer man vñ ain almuſen do het ſy nichts bey jr. do gab ſy jm ain ermel von ainem rock. der was koſper. das ſah ain junger ritter d̄ kauftet den ermel vñ dem arm en man vñ do er ſtechen wolt. do band er den ermel auff den helm. dz w̄z ſein klainet. vñ maint es gieng jm deſterbaſ. dz geſchah auch. wan es gieng jm fürbaſ allzeit wol. ¶ Aines mals do kam ſant elſbet in die kirchñ vñ betet vñ wainet vor vnſers herzen marter vnd ſprach. Oher jeſu criſte du höchſtes güt wie ſteest du hie. mit blüt berünen. vñ biſt mit ainer dürrin kron gekronet. Owee wie hab ich vnwürdigs weib geziert meinen leib vñ hab dich nie lieb gehabt als ich billichen ſolt. vñ viel nider in der andacht. do erſchracke jr geſünd gar ſeer. vñ guſſen jr do weichwaſſer vnder ire augen. vnd Eiſendraut nam ſy in jr ſchoß do ward ſy wider krefftig vnd wolt fürbaſ kain kronē mer tragen. darumb ſtraffeten ſy die andern edlen ſrawen. vñ ſprachen. es thūz kain fürſtin mer. do ſprach ſy. ich bin ain armes ſündiges weyb. vnd bin nit würdig das mich die erd trag. also gieng ſy fürbaſ diemietiglich biß an jr end. Do ſy haim came. do fraget ſy jr ſchwiger. wa d̄ ermel w̄r zehand pracht der engel ain andern ermel. wan criſtus wolt nicht das ſein liebe dienerin ſo hart erſchöcke des dancket ſy got. ¶ Aines mals kam jr gar ain vnſaubrer menſche den füret ſy mit jr haim. vnd badet

Von sant

in vnd zwüg im das haupt vnd le-
get in darnach an jr bedt. das sahe
jr schwiger vñ saget das irem sun
dem jungen landtgrafen vnd spra-
che zū im. Herre das ist dir kain eer
gee hin bald da vindest du ainē bey
deiner frawen. do klopffet er an vñ
west doch wol das sy kain übel nitt
thet. vñ do thet sy im auff. do lüget
er überal. vnd sy trüg ain hasen mit
laugen damit het sy dem aussetzigen
gezwagen. vñ het den hasen geren
verborgen. do sprach er gütiglichen
zū jr. Liebe schwester was tregstu
in dem hasen. vnd sy zayget im den
hasen do gieng ain güter geschma-
cke darauff als der balsam. vnd la-
gent oben auf dem hasen himlische
rosen. do warde er auß der massen
fro. vnd gieng widerumb zū seiner
müter vnd sagt jr das er kain man
bey jr gefunden het. Do sprach sy zū
im lieber sun. gee hinwider vñ süch
ain wenig bas. vnd do redt er vnd
sprach. Warlich müter du verdien-
est groß pein damit. vñnd versün-
dest dich gar hart an meiner fraw-
en. wann sy ist aller bösen sache vn-
schuldig. do sprach sein müter. Gee
nun hin zū deinem bedt. da vindest
du ain den sy vil lieber hat dan dich
Vnd do sprach er aber zū yr. war-
lichen du verdienest grosse pein da-
mit. vnd do sprach sy. was manes
bistu. du vindest ain an deinē bedte
ligen. durch den sy dich ließ verder-
ben. do gienge der landgraf aber in
die kamer vñ gedauchte sich solich
er hailikait vnwürdig. Do empfien

elßbeten

ge in sant elßbet gütiglichen. vnd
er gieng in ainem gütten synn über
das bedt. vnd warff die decke auff
do sahe er vnsern lieben herren Je-
sum cristum mit blütigen wunden.
do viel er auff seine knye nider vnd
sprach. Herz erbarme dich über mi-
che armen sündler. ich bin nicht wür-
dig das ich die ding alle sehen soll.
ich erkenne es auch wol. hilf mir das
ich ain mensch werde nach deinem
willen. vñnd nach deinem lob. Der
landgraf het ain leo an seinem hoff
8 warde ains mals ledig. do er des
morgens aufstünd. vñnd hett nun
ain hembd angelegt. do lieff der leo
gegen im in ganzem zorn. do hübe
der herz seine hend auff vnd getrau-
et im mit ganzem glauben. vñnd
mitt hoffnung die er zū gott hette.
der halff im auch das im der leo zū
hand gehorsam was. vñ leget sich
da für seine füß nider. vnd wedelte
mit seinem schwantz gütiglichen.
gegen im. damit vieng man den leo
widerumb. ¶ Der iung landgraff
von hessen was schön vnd minig-
lichen gestalte. er was auch rainer
gedenck. wort vnd auch werck. vñ
was schämig. vnd het ain süsse red
vnd was auch gütter sitten. vñnd
er kunde auch gar wol ritterlichen
leben. vñnd nach eren stellen. vñnd
was auch feck vñ manlich. Do na-
me die hailig fraw sant elßbet zū an-
demütigkait. an miltigkait vnd an
allen tugenden. vnd der fürst auch
darumb woneten die engel bei inen
¶ Zū der zeit sendet der kaiser nach

dem landgrafen vnd bat in das er
zū im kām. Do sprach er zū sant elsbeten. Liebe Schwester ist es dir lieb
so will ich zū im reiten. do sprach sy
Got gebe dir seinen willen zethū.
ich hab dich vnd mich geopffert in
dem namen solt du reiten. vnnnd do
ritte er mit grossen freūden. zū dem
kaiser. Der empfieng in gar frölich
en vnd bat in durch gottes willen
das er mit im über mōr fūre zū dem
hailigen grab. vnd das verhieß er
im. Nun het der kaiser gar vil von
sant elsbeten hailigkait hören sagen
darumb ritt er mitt dem landtgra-
fen haim. vnd mit im gar vil herren
vnd wolten da sant elsbeten sehen.
vnd do man nun essen wolt. vnnnd
die frau zū dem tisch solte geen. do
sendet jr gott 8 allmechtig zierliche
klayder bei ainem engel. das so schō-
ne klayder nie gesehen wurdent. dye
leūchteren als der mon vnd wa ge-
schah das. kainem hailigen nie mer
auff diser erden. Vnd do sy nun zū
dem tisch kament. do sahent die her-
ren das gewand alle. vnnnd sahent
wunder daran. vnd do warde der
landgraf gar fro. vnd sprach. Herz
jesu chrisste was wirckest du mit dē
deinen. vnnnd belib da kaim ob dem
tisch biß man geessen hett. Vnd do
man den tisch abrichtet. do gieng 8
jung landgraf zū seiner frauen vñ
sprach. Liebe Schwester wiewol ge-
felt mir das gewand. gott der all-
mechtig thūt vns gar vil eren das
wir im nymmermer mügen. noch
künden erdanken. vnd die himely-

schñ margariten die leūchteren gar
schon. vnd die himlische kron was
gar schön vnd auch loblich. damitt
hett jr got der allmechtig dye klay-
der wol vergolten die sy durch seint
en willen gegeben hett. ¶ Darna-
che do wolt sy gen kirchen geen. do
sah sy ainen frechen jūngling vnd
der was gar weltlichen beklaydet
mit vil der farben. vnd was auch
ser zerschnitten. do sprach sant elsbet
zū im. Sag mir lieber iūngling
trüg mein herz vnnnd der dein auch
soliche klayder an. nain er zwar. Le-
trüg vns alle demütigkait vor. vnd
vergoß auch sein rosenfarbes blut
vmb vnsern willen. daran solt du
gedencken. Do sprach der iūngling
Ich byn arm an aller tugent. dar-
umb liebe frau bitt got für mich.
das er mir helffe. das ich mich müg
bessern. ich wolt gern euer leer vol-
gen. do sprach sant elsbet. gee mit
mir in die kirchen. vnd do fūrt sy in
mit jr in die kirchen für gotes mar-
ter vnnnd sprach. Sihe an iūngling
wie dein vnd mein got für vns ge-
litten hat. vnd sy bat got den herin
mit ernst für in. do warde im seint
herz entzündet vñ sprach. hör auff
zebiten anderst mir zerspringt mein
herz in meinem leib. ich wil dir ge-
ren volgen biß in meinen tode. vnd
ward darnach zū dē barfüßen ait
mūnch. vnd bald darnach wolte 8
maister contrat predigen vō vnfers
herin marter. durch sant Elsbeten
willen allermayst. do w3 sy vnmiß-
fig mit zwaien siechen. das sy nicht

Sant elsbeten

rach. hab kain vnmüt darüb. wann
 ich will geren leiplichen trost durch
 got meiden. do nun die herin kamēr
 sy empfang sy gütlich. der grast sen
 det nach vil herin. vnd wolt sy letze
 wañ er wolt über möre als er dem
 kaiser gelobt het. do die herren kamē
 do besetzt er all sein bürg vnd stet
 vnd bat sy im vnd yr treu zesein vñ
 sy zū fürsehen. im schwür sein brüß
 hainrich vnd all herin. do man zū
 tisch gieng. do rüfft ain arm mēsch
 vnd bat er was von jr sy sprach. ich
 byn vnmüßig beyt biß nach tische.
 der arm sprach. dein gefind treibet
 mich auß. so mangel ich der gab. sy
 gab im den besten mantel dē sy hett.
 vnd hieß in belaiten für die bürge
 Albertus spricht. es wär vnser herz
 vñ wolt sy raizen. do sy zū tisch saß
 on mantel. do erschrack yr herre seer
 zehand kam der engel vñ pracht yr
 ain kostbern mantel. 8 schmecket als
 wol das alles volck dauon kressig
 ward. dz saget man maister contrat
 wie jr got ain andern mantel gesen
 det het vñ sy het groß lust vñ freud
 von dem mantel. dz mercket er vnd
 schlug sy ser darüb. wann er wolte
 das sy von kainem ding trost noch
 freud hett. wañ von götlicher liebe
 Do wolte der landgraf über möre
 faren. do baten in die herin dz er in
 dem land belib. er wolt es nit thün
 do baten sy sant elsbeten das sy den
 herin hulf bittē. do sprach sy dz will
 ich gern thün. vñ vnderwegen bat
 sy got. dz er yr zereden gāb was sein
 lob wär. Do sy zū im kam. do spra-

elsheten

che sy. lieber brüß sey es nit wiß got
 so beleibe bey mir. wañ wider seinē
 willen wolt ich dich nitt heben. vñ
 sprach zū jr. Liebe Schwester gönne
 mir daz ich hinfar. wañ ich hab es
 gelobt. do gab sy iren willen in go-
 tes willē vñ sprach. gotes milt vnd
 alle sälligkeit sey mit dir ewigklich
 das wünsch ich dir allezeit. vñ reit
 in dem namē gotes. des vrlaub was
 er fro. vñ bereit sich zū. vñ beualhe
 allen sein gefinde sein liebe frawen
 dz sy ir wol pflāgen. do sprach 8 kel-
 ler. ich wais wol daz mein fraw al-
 les das hin gibt dz sy hatt. vñ wirt
 vñ bringē in grosse not. do sprach
 der herz. das gönne ich yr wol laß
 alles dz hingeben dz sy will. dan die
 zwüfeste. warburg vnd neuburg
 die behalten mit. ob ich herwid ka-
 me. der herz was mit frawen iuncē
 frawen vñ herin wol gemüt. vnd
 wolte daz man kainer frawen übel
 thāt. ob es aber yemāt darüber tāt
 der müß dz land raumen. vñ wolt
 nit dz man schult oß schwür. Nun
 wolt der herz mit dē kaiser reitē. do
 wainten seine freünd ser vmb in. er
 het auch mer sorg vmb sein frawē
 dan vmb seinē leib. vnd gesegnet sy
 freüntlich vñ für dahin. vnd starbe
 darnach schier als es got wolt. nun
 hett er seiner frawen ain vnyngerlin
 zū letze geben mit ainē leschand. der
 stain het die art. wer im den geben
 hat stirbt 8 mēsch. so felte er zehand
 auß. Also geschah auch sant elsbē-
 ten. der viel 8 stain in jr hand. do er
 schrack sy gar ser. wañ sy weßt das

yr herz tod waz. do waz den herin al
 len laid vñ den tugentlichñ fürsten
 vñ dem kaiser waz sunderlich laid
 wan er was sein freünd. do namen
 sy den leichnam vñ bunden in in ge
 weichte tücher. vñ balsamiertent
 sein leib. vñ legten gütes gewürz
 zū im. vñ fñrten den edlen land
 grafen wider zeland. vñ wo er üb
 er nacht belib da müst man im vigi
 li singen. vñ des morgens selmes.
 mit schönen kertzgen. darnach saget
 man seine brüder landgraf hainrich
 das sein brüder tod wär. das was
 im gar laid vñ sagt es auch seiner
 frawen sant elsbeten. das was yr
 gar laid vñ sahe auf gen got in re
 chter andacht vñ sprach. die welte
 muß auch in mir sterben vñ leget
 ain hārin heimbd an. Zehād stieß sy
 jr schwiger auß der burg mit zwai
 en kindern on alles güt. do name sy
 das mādlin an jren arm vñ fñrte
 den sun bey der hande. nun verbott
 yr schwiger das sy niemant herber
 gen solt. do west sy nicht wa sy hin
 solt vñ sprach lieber herz iesu criste
 biß mein gelaiter. vñ gieng zū eiß
 nach zū ainem weinschencken. vñ
 lag die ersten nacht in ainer seüsteig
 vñ do die barfüßer münich mettlin
 lauten. do stünd sy auff. vñ gieng
 zū in vñ bat sy das sy yr: Te deum
 laudamus sungen. vñ auch gott
 danckten das sy so arm wär wordē
 als er arm in der kripp war gewe
 sen. vñ lobet got vñ sprach. herre
 dein will der muß an mir volpracht
 werden. Gester was ich landgrāf

fin vñ het bürg vñ stett. nun biß
 ich heüt ain betlerin. vñ will mich
 auch niemant beherbergen. vñ sp
 rach. lieber herz het ich dich in mein
 er herischafft bas erkannt vñ hett
 mer durch deinen willen geben das
 wär mir nun lieb. das hab ich layd
 nit gethan. Die lieb fraw sahe das
 ire kind hungerig vñ frostig wa
 rent. do sprach sy mit grosser gedul
 te. ich hab es verdient mitt meinen
 sünden. darumb hab ich billich reü.
Eines tags gienge sy an d strāß
 do stieß sy yr almüserin in das kott
 vñ sprach zū yr. woltest du nit ain
 land grāfin sein so biß nun arm. vñ
 gee hin vñ lig in dem kott. ich hilf
 dir nymmer auff. do warde yr das
 gewand kottig. des dancket sy got
 vñ sprach. das sey für das das ich
 vor gold vñ edelgestein trüg. herz
 ich danck dir aller deiner genaden.
 wann das ich dich ye gebetten hab
 das hast du mich geweret. Meine
 kind seind fürsten. vñ fürstin vñ
 sind erhungert. vñ ligent hye on al
 les stro. das beschwāret mir mein
 hertz vñ mein gemüt. das sy in ge
 bresten seind. wan ich bin der gena
 den vnwirdig. dz du mich zū gros
 ser armüt vñ zū grossen ellende er
 wolt hast. Die klag vñ das rüffen
 hort yr beichtiger dem waz gar laid
 vmb sy vñ er bat got den allmech
 tigen mit ernst für sy. do warde sy
 bald erhört. wann die äbrissin zū
 künzigen was yr mūm. die sendet
 nach yr. vñ verlihe jr gar ain güt
 tes gemach darinnen sy got dienet

Von Sant

do dancket sy got dem allmechtigh
seiner grossen genade vnnnd belibe
auch ain weil bey jr. darnach sendt
der bischoff von babenberg nach ir
do fürt jr mûm mit jr dahin. do rit
er jr entgegen vñ tröstet sy. vñ fürt
sy mit jm haim. vñ wolt jr auch ain
fürsten haben geben. das merckete
eifendiaut der was auß der massen
gar laid vmb sy vnd sprach. Ir be-
trübt sy. do tröstet sy sy gar gütlich
vnnnd sprach. wolt man jr ain man
geben. so wolt sy jr selbs die naß ab
schneiden. so würd sy allen manen
gar vnwerde. Ich will meinen lie-
ben herin iesum christum zû ainem
gemahel haben. Nun het der bisch-
off ain tag gemacht vmb sy. vñ ain
fürsten. do süget vnser lieber herre
das jr von irem ôhem brief kamen.
man præchte iren todten herren. do
gieng der tag ab. do sendet d bisch-
off nach des landfgraffen mütter
vnd vil andn herren. vñ fürt in mit
grossen eren ein. vnnnd heten grosse
flag vñ in vñ auch die lieb sant elf
bet. do sagten die gütten menschen
das sy die hailigen engel fûrten vñ
do sy nun zû der bar kamet do kame
ain licht vmb sy. das man sy kaum
gesahe. do man in wolte legen. do
was sein gebain weiß als d schnee
das bedeut dz er sein ee recht gehal-
ten het. vñ man sahe auß seim herze
ain gar wol gezieretes kreuz. daran
was vnser herren marter mitt der
dürne fron. das bedeut das das er
got allezeit mit fleiß gedient het do
für er auch zû den ritern gotes sy sa

elßbeten

he auß zû got vnd sprach. mein herre
vñ mein got laß dich mein betrübe
nuß erbarmen. wañ solte ich in hie
haben. so wolt ich in geren haben.
biß an mein tod. vnd wolt mitt ym
gebetelt haben. seid es nit sol sein so
opffer ich in dir. vñ beuilhe in dein-
er gûte. vñ bit dich durch dein groß
se barmherzigkait das du dich ü-
ber in erbarmest. vnd yn auch beher-
bergest in deinen freudē. Des war-
de sy von got gewert. vñ warde yr
gaist entzuckt vnd jr angesicht das
ward also liecht das sy niemant ge-
sehen mocht. dann die on tod sünde
warent. vnd die engel kamen zû yr
vñ sprachen. wes du gebetten hast
des bist du gewert wordē. do kam
sy wider zû yr selber. vnnnd dancket
got vnd vnser frawen vnd warde
lachen. das sahe yr schwiger vnn d
sprach. got muß dich tödtē wie kla-
gest du dein man. dein falschait kan
nit ander st. wañ sy west nitt was
got mit yr het gewirckt. das er sein
liebe seel durch yr gebet empfangen
het. do bat die lieb sant elfbet für yr
schwiger gebrechen. also warde yr
herre do besungē. vñ man ließ ain sei-
din tûch da. vnnnd fûrte in gen rein-
hartspuñen in dz kloster sant bene-
dicten ordens. da ward er mit gros-
sen eren begrabn. Sy bat darnach
vil mensche dz sy got für in bātē daz
thet sy als lang bis der engel gottes
zû jr kam. vñ sy darüb gar ser straf-
fet vñ sprach zû jr. Freündin gotes
du wirst zû babenberg gewert vñ
sihest deines herren seel mitt Cristo

on alle pein. Vnd vō dem troste ge-
 wan sy grosse freud vnd wun. Nun
 wolt ich sant elsbeten an jr gemach
 richten. des tröstet sich herre walt
 her von varilla. vnnnd ward zerede
 mit den andern herren vnnnd sprach
 vnser aid werdē gekrenckt die wir
 dem edlen fürsten vnd seiner hauf-
 frauen elsbeten vor zeitē geschwo-
 ren vñ geredt haben. die nun vil ar-
 müt leidet. vñ gar ser betrübt wirt
 ich fürcht wir verdienen die ewigē
 hell an jr. vñ redt zū landgraf hain-
 richen für die andern herren alle vñ
 sprach. der frauen kind solt des lan-
 des erbe sein. so ist mütter vnd kinde
 darvon verstoffen. Do sprach der
 landgraf zū varilla. das setze ich al-
 les in dein hande. das alle teütsche
 land meiner Schwester elsbetē wā-
 ren so behielt sy es mitt. sy gāb es al-
 les hin vmb gots willen. Nun gib
 jr bürg land vnd stet wid. wān ire
 kind seind vnser freünd. vnd bitt sy
 das sy mir vergeb waz ich wider sy
 hab gethan. das sagt herre walt her
 von varilla sant elsbetē. do sprach
 sy ich beger nit mer dan meiner mor-
 gen gab vñ mein kinden jr erb. Do
 gab man jr zehentausent marck. do
 ward sy gar fro. vñ hieß auch auß-
 schreien wer in zwaien meilen weyt
 das almüsen nemen wolte der solte
 kōmen. vnd gebot auch wer daz al-
 müsen zwir nāme der müste ain be-
 sondere pein darūm leiden. do kam
 ain grosses volck dar. do erschienen
 ire klaiden als die sunn. vnd waren
 weiß als der schnee. vnnnd gab das

almüsen selbs frölich durch got. do
 kam ain frau vnd nam das almü-
 sen zwai mal. das mercket sant elsb-
 et vnd sprach. wamit hastu aller-
 maist freud. do sprach sy mit meinē
 schönen har. da leg ich grossen fleiß
 auff. do sprach die lieb sant elsbeth
 so wiß dz ich es will haben. darfür
 nām ich nit dz mein sun bapst wā
 vñ mein tochter ain kaiserin. do sch-
 nit sy yr har selbs ab. vnnnd sprache
 Wilt du mer bey mir beleiben das
 ist dein nutz. do sprach sy ja wān ich
 hoff got thū mir des gütlicher. vñ
 will von eüch nit kōmen. do füre sy
 mit sant elsbeten haim vnd macht
 ain groß spital got zū lob. darauff
 verbauet sy fünff tausent marck vñ
 het fünff tausent marck auß geben.
 durch got. vñ nam in das spital. xx
 viij. mensche. darnach wolt sy meß
 hören in dē neuen spital. sy ward en-
 zündet in d gōtlichen lieb. vnd sahe
 der prieser daz jr angesicht glestet.
 vnd ob klar stern von on item ange-
 sicht glesteten vnd giengen. das sa-
 he eisendraut vnd saget es darnach
 das sy also geschinen het. vñ fraget
 sy wie jr wā. Do sprach sy. ich wil
 nit daz du mich yrzest. noch liberal
 niemantz der bei mir ist. darūb will
 ich dir sagen. was du mich gefra-
 get hast vnd sprach. Ich was also
 eutzündt darvon kain man gesagū
 kan. vnd sahe meinen lieben herren.
 iesum cristum der naiget sich zū mir
 vnd sprach senssemütiglich zū mir
 er wolt allzeit bei mir wonen. vnd
 hiesse mich seinen lieben gemahel.

Von Sant

Do sprach eifendrait. Liebe elsbeth ich sahe dich gar süßigklich lachen vnd lagent doch zäher auff deinen wangen. Do sprach sy. wenn er sich gegen mir kert so lach ich. wenn er si chaber von mir kert so waine ich vnd er hiesse mich Schwester vnd freündin vnd kert sein minnigklichen amplick gegen mir. vnd redet auch gar süßigklichen mit mir. vñ seiner lieben müter maria vnd auch von seinen lieben zwölfpoten. Johanne den sahe ich auch bey vnserm lieben herin steen des muß ich mich ymmer frewen. ¶ Maister albertus spricht. wa warde das ye gehört daz got so vil wonders trib mit ainem hailigen. ich wän es wære die hailgen drittaltigkait in irem hertzen. Darnache sprach mayster conrat zü jr. sy müst sich des trostes vnd ires gesindes verwegen vñ verlassen. vñ hieß jr ain klains heüßlin machen. dz was sy gehorsam vñ beduncket sy gütt. vnd wüscheden siechen vnd zwüg jnen ire häupter vnd ire füß vnd küßet sy vnd müst yr selber ire alte klaiden machen.

¶ Aines mals kam ain mensch zü yr das was lam an henden vnd an füßen der sprach zü jr. Aller weiber ain klare sun hilf mir durch deines mannes seel. wann ich bin von rain harts prunnen do er ligt. das ich gesund werd. do sahe sy in gar gütigklichen an. do warde er zehand gesund. des dancket sy vnserm lieben herren jesu cristo. Darnach kam ain frau zü yr. die gewan ain kind bey

elßbitten

jr das ward von irem andechtigē gebet getaufft. der frauen betlet sy mit fleiß vnd span nacht vñnd tag den kloster frauen von altenburg das sy die kindbeterin möchte hynbringen. vñnd was jnen speiß über ward die gaben sy jr. vnd vñdwei len ain altes klaid. Do nun die kindbeterin aufstünd. do verstal sy sant elsbeten alle ire klaiden. das sy bloß vnd nackent saß. darumb warde sy nie vñmütig. noch vñgedultig vñ sprach. mein lieber her du hast mich dir geleichet in dem. wann du kamest auch nackent vñ bloß in die welte vñ hiengest auch nackent an dem kreütz. vnd dancket vnserem herren der genaden. Do kam der engel vñ himel vnd pracht jr ain schönes gewand. vnd sprach zü jr. ich bringe dir kain kron mer als ich getan hab wann du leuchtest vor got der will dich selbs krönen mit sein götlichen eeren. ¶ Item dem vatter warde nun auch gesaget. das sy also bloß an eren vnd an güt wär. do sender er seine fürsten nach jr. das sy prächten. Do kamen sy in yr land. vnd fragten landgraf hainrichē. der sprach. ich will eüch mein Schwester elsbeten zaigen. die ist aller welte dörin. do hieß in der hailig gaisst reden. wän sy was dem allmechtigen ewigen gott ain auferwöltes vaf. Höre nun die im gott auferwölet hat. die seind der menschen thoren nun hett sy das engelisch gewande gen altenburg gesandt. darfür hetten sy jr alt lumpen geben. der was

sy gar fro. vnd trüg sy an. vnnnd do
 ires vaters fürsten kament. do fun
 den sy sy da spinnen vñ das täglich
 brott. do sprach ainer zū jr. das zim
 mer künden vñ küniglichen stamen
 nit das sy spinnen in armer wat. do
 erkennet sy wol das es ires vaters
 gesind was. vñ empfieng sy gütig
 lich. do sprachent sy zū jr. Es mag
 ewern vatter den edlen künig wol
 rewen. & ewer zū grossen eren geda
 chte hat. das jr also gantz zū nichten
 wordē sind. Do sprach sy. wer wöl
 lent ir wānē & ich sei. ich bin ain ar
 me sünderin vñ hab die gebot mei
 nes gotes nie gehalten. als ich von
 recht solt. darum fürcht ich got bil
 lichen. do sprach aber ainer zū jr. du
 edle künigin far mit vñ haim zū dei
 nem lieben vatter. vnnnd besitz dein
 reich vnd dein erb. do sprach sy. ich
 hoff ich besitz meins vaters erb vñ
 fers lieben herin iesu christi in ewig
 kait vnd wolt nit mit in haim. also
 schieden sy von jr. Darnach kame
 sant elsbet gen vesper vnd sahe in
 andacht irer müter seel. die sprach
 freüntlich zū ir. Ainige tochter bitt
 got dzer mir wölle helfen auß mei
 ner pin. do sprach sy zū got. heri ich
 bitte dich. das du meiner müter seel
 auß irer pein helfest. vñ mir jr leidē
 gebest. vnd entschlief also. do rüffte
 vnser heri vnd sprach. Wiß dz dein
 müter aller pein ledig ist. darnache
 erschien yr ir müter selb. vnd dancē
 et das sy jr genad vmb got erwor
 ben het. Vnd darnach gieng sy zū
 altenburg. da rüffte ir ain armer mē

sche nach vnd sprach. ich bin behaft
 in dem z welften jar. laß mich deinē
 saum berüren. so muß der böß gaist
 weichen von mir. do kniet sy nider
 auff die straf vnd küßet das mēsch
 vnd gieng in dem namen iesu chri
 sti. do für der böß gaist vñ dem ar
 men mensche. do kam sy zū dem flo
 ster. do sagt man jr yr beichtuater &
 wār siech. do gieng sy bald zū im
 do er sy sah do sprach er zū jr. Liebe
 tochter wen ich gestirbe wen wilt
 du denn haben. Do sprach aber sy.
 yr sterbent nicht. jr werdent erst re
 cht wider die kēzer predigen. so ich
 gestirb. vnnnd werdent ewer blüte
 vergiessen. Albertus der maister sp
 richt. er wār ain raine maget vnd
 auß der massen ain güter leerer vnd
 ain grosser martirer. ¶ Nun kame
 die zeit das sant elsbet sterben solte
 do erschien jr vnser heri vnd sprach
 elisabeth mein freündin kōm zū dei
 nen genossen. mein vatter will dich
 mit grossen eern setzen auff den stul
 der sālīgkait den er dir selb beraitet
 hat. Do kam yr beichtuatter zū jr.
 vnnnd sy saget ym. wye sy vnser heri
 iesus christus geladen het vnnnd ge
 uordert. vnd sprach. ich prinn in sei
 ner liebe. vnd bitt eüch das jr mich
 zū beicht hōrent. do was im layde
 das er sy verlieren solt. vnd bewa
 ret sy mit vnfers herin fronleichnā
 do sprach sy. ich bin nit frantz. wye
 mich got geuordert hat vnd berüf
 fet. do sprach er. liebe tochter du solt
 mir vergeben. was ich dir gethan
 hab. vnd das ich dich nit gezogen

Von Sant

hab als ich solt. Ich solt dich ziehē so zeühest du mich. vnd kniet für sy nider vnd sprach. ich bitt dich das du got für mich bittest. do sprach sy Stee auf wir seien gewert wir haben baid gleichen lon vor gott. Do saß ain diern vor jr thüre. dye höret auß jr kelen ain minnigliche styme die redet zū der frawē. Ach wie süß ist dein stym die in deinē mund klingen. Do sprach sant elsbet. mir warde ain vogel gesandt. der sang also süßigklich das ich frölichen mit im singen müst. wān sein gsang erwecket mich. do thet jr got kund. das sy in kain segfeür kōmen solt. wann der hailig gaist was mitt süßigkait bey jr. vnd ward vor mitternacht erleuchtet das sy die leüt nicht gesehen mochten vor dem glanze ob sy da lāg oder nit. Die lieb fraw sant elsbet lag vnd lachet vnd sahe vil lieplicher freūd. vñ höret die ewangelia lesen. die sy allezeit behaltē het darumb was got mitt jr. Sy gedacht jr auch. wie vil hab ich verlornē zeit. wie sol ich dem zoren empfliehen. vñnd het groß reū über jr sund. Do sprach vnser herz liebe freündin du solt in kain segfeür nymer kōmen. vnd die engel dienten jr. vñ hort sy süßigklich singen vnd sange selbsüßigklich vnd frölich mit jnen. Do wainten alle die da waren bei jr. do sprach sy. wainent vmb mich nit. wainēt vmb eüch selb. vnd nam das weiwasser vñnd sprenget das vmb sich vnd sprach. fleüch du böser gayst von mir. wān ich hab dyr

elßbeten

widersagt. Vnd sahe auch an jrem end vnsern herren an seiner mütter brust ligen. 8 himlischen kaiserin vñ ward ain güter geschmack vmb sy das allen denē ain freūd ward die vmb sy waren. vñ den selben allen gab vnser herz yglichem etwas besunders gütz durch jren willen darvon es erfrewet ward. vnd die bey in warent. vnd kame manige schar der engel zū jrem end. vnd vil juncfrawen vñ witwen. vñ vnser herz iesus christus mit seiner müter maria. ¶ Do nun kam die mittnacht do sprach sy. Zū der zeit ward mein herz iesus christus geboren mir vnd allen sündern zū ainem trost. ¶ Maria kōm mir an meinem ende zehilf vnd biß mein gelait. d amit verschiede sy. vnd jr sel für zū den ewigen freüden. do sy starb do was sy in dē rrv. jare wer die lieben frawen hieert dem wirt dort ewige freüd gegeben. das hat maister albertus gewert vnd vnser herz iesus christus. wān welcher siech jrē leichnam berüret 8 ward gesund. ¶ Ain mensche der nam ires hars 8 gewan genüg die weil er lebt. ¶ Aines mals do schnitt jr aines die negel ab. das het gelück vnd eer die weil es lebet. ¶ Die hailig frau sant elsbet bran vnder jren augen recht als ob sy lebet. vñ gieng vier tag ain güter geschmack über den andn von jr biß das man sy begräb zū marckburg: in hessen land. dz was nach vnser herren gepurt zwelfhundert vñ ain vnd dreißig jare. Vnd ligt in ainer

schöne capellen. darinn seind zwen altare in irer eer geweiht. ¶ Ain priester Cisterciensis der hett den ritten sibenz jar. das er in nie verließ dan die weil er mes sprach. der kam zu irem grab vnnnd rüffte sy an mit grossem ernst. do ward er gesund an sel vn̄ an leib. ¶ Ain prelat was zu kolen der het ain fraūn bild not zoget. die rüffte vn̄sere herren an vn̄ sprach. ich het mir keuschait vn̄ reinigkait außerkorn das klag ich lieber herz dir vnd deiner mütter marie das ich die verlor̄n hab. zehand kam das wild feur an den prelaten vnd prennnet in seer. darumb ward er betrübt. vnd begund zeschlaffen. do sprach ain stym̄ zu im. du solt gehen gen marckburg zu sant elsbeten grab die ist got ain außerswölte liebe fründin die solt du anruffen mit ernst so kömest du auß aller deiner not. do sprach er zehand. fraū sant elsbet ich gelob dir mein keuschait die weil ich leb. vn̄ hilff mir das ich gesund werd. vn̄ het groß reū über sein sünd. vn̄ rit zu dem grab vn̄ offeret sich vn̄ das freulin dem er sein eer genömen het. in sant elsbete spital. do warde er zehand gesund an leib vnd an sel. vn̄ ward ain frümer priester vn̄ sang täglich auff der altar ain in dē spital. do wurden. xvj. mensche lebendig. vnd. xxix. die wurden gesehent. sechzehen lame wurden gerad. fünf stumen wurden reden. vier taube menschen wurden gehörent. vnd sibenz wassersüchtig. wurden gesund. vnd von dem val

lenden siechtagen wurden gesund fünf. vnd die das gicht heten auch fünf. vnd sechzehen bedrifen die stündē auß. sibenz die groß geschwollen waren die wurden alle gesund zwen die der tropf hett geschlagen vn̄ ainer an dem harnstein. vn̄. xvj. wurden gesund vnd erlöst von dē bösen gaist. ¶ Es was ain fraū der was ir man zu kolen geschlagē biß auß den tod. do sy daz hort was yr gar laid. vnd schry iämerlich. do kam ain gütes münchlin zu ir. das sprach. gang zu sant elsbeten grabe vn̄ rüff sy mit ernst an die mag dir wol gehelffen. wan got versagt ir kein ding. do gieng die frau zu ire grab. vn̄ rüffte sy mit grossem ernst an. vnd bat sy das sy ir hulff. daz sy iren man sünd. vnnnd gienge wider haim. Nun was ain man dort die weil erhangen worden das waren sibenz tag. nu het ain reicher man zu kolen die gewonhait daz er vil auß dē veld spacieren rit. nun füget es sich das er neben dē galgen rit. do sprach der man dā hieng. lieber freunt de. sag dē bischoff vnd den pfaffen daz sy bald mit der proceß kōmen vn̄ die landtgreffin sant elsbeten empfahe. die mir vnder mein füßen stat. do das der burger hort vnnnd sahe do sagt er es dem bischoff. der kam mit grossem gesind vnnnd mitt der pfafhait die sahen all sant elsbeten das sy leuchtet als die sunn. Do namen sy den man ab dē galgen. vnd fürten in auß den thum zu dem fron altar. da empfieng er vn̄sere herren

Von Sant

fronleichnam. vñ verschied zehand vnd die engel fürten sein sel zu den ewigen freuden. vnd also bald do verschwand der leichnam vor in allen. vñ ward gefunden auf sant elfbeten grab. das wunder sahen vil menschen. ¶ Ain bischoff was zu mentz der hieß seüfride. der woz sällig vnd tugentlich. der het maister cünraten. sant elfbeten beichtiger gar lieb. die redten mit ainander von dē grossen zaichen die sy thet. Nun woz der bischoff ain grosser maister vñ het zu pariß den besten psaffen gelesen. der sendet nach vil psaffen die da wol gelet waren. do die alle kament. do stünd maister cünrat auf die kanzel. vnd saget von sant elfbeten sälligem leben. vnd von irem hailigen ende vñ sprach. Meyn herre der bischoff der will. wem ain zaichen geschehe sey das er es offentlich verkünde auff ainem tag. den leget er über vier wochen. do der tag kam. do kament gar vil menschen dar die lam vnd blind warent gewesen. vñ die ire kind todt bei inen funden heten. die schwürent aid dz sant elfbet die zaichen an in het gethan das machet der bischoff vnd maister cünrat handfesten vñ santen die dem bapst gergorio. der het sant elfbeten leben vor wol bekant vnd het jr maister cünrat zu ainem beichtiger geben. do nun der bapst die botschaft vernam. do gewert er sy frölich. vnd sendet zwen cardinal vnd fünff bischof mit in zu dem bischof seüfride. do kam kaiser fride

elßbeten

rich auch darzu vnd gar vil fürstē vnd herren. vnd erhüben sy gar erlichen. vnd andechtiglich. vñ kaiser friderich sagt jr sein fron auff. das geschehe nach irem tod vier jar. dz man sy loblich erhübe. da geschahent vil zaichen. vnd alle die gegenwertig waren. die wurden alle gesund. wölicherlai siechtums sy heten. die wurden all des gewert des sy begerten vñ baten. die armen wurden reich. vñ die betrübtē wurden sällig vñ frölich. vñ auch alle die da waren die horten die engel frölichen singen. ¶ Es was ain frau in engelland die woz. xx. jar geseßen mit ain man die gewunnen nie kain kind. do nun 8 man starb. das was jr gar fast laid. vnd klaidet sich die mütiglich in grawes gewand vñ schnit jr har ab. vñ name jr zwelff arm menschen zu kinden. die klaidet vnd speiset sy. vñ beherberget sy in irem hauß. vnd wüsch in hend vñ füß. vñ wo sy ain arms mēsch sahe dem gab sy ain almüsen durch got vnd sant elfbeten willen. wann sy het sy vor allen dingen lieb. vnd vor allen gotes hailigen. vñ vergaß jr gar selten in irem hertzen vnd gedachte alle zeit an jr hailiges leben. Die frau starb als es got wolt haben. do klaget man sy seer do riete 8 frauen beichtuater man solte sy zu sant elfbeten grab pringen. vnd sprach sy hat sich dar gelobt. do prachten sy jr freünd dahin. vnd do sy nun dahin kament. do rüfftent ire freünd an sant elfbeten mitt groß-

sein ernst an. do ward sy zuhand
wider lebendig vñ sprach wol mir
Ich hab gerüt auff sant Elfbeten
prust. Darum wolten sy ire freünd
wider haim haben gefürt do wolt
sy nit mit jnen. wann jr ward kund
gethan das sy zü altenberg beleibñ
solt sy lebt dānocht xv. jar seliglich
vñ schwig allwegen vnd redet nit
dān so sy beichten wolt. Do fraget
sy jr beichtiger warum sy schwig.
Do sprach sy. do ich auff sant Elfbeten
prust rüet do het ich also gros
sen lust vñ freüd vnd betracht wie
ich die gewüne vñ auch die ewigñ
freüd. Darnach zugen die freünd
wider haim zü engelland. do bege
gnet jnen ain blinder man den fra
gten sy wannen er gieng. sprach er
spöttlichñ von ainer die haist Elfbeth
daruon sagt man mit sy wār
hailig ich glaub aber an sy nit dān
ich bin bey jrem grab gewesen das
rüet mich seer. wān mir ist wirßer
dān vor. Do sagten sy jm von der
frawen die die selb wochen tod ge
wesen was. Do sprach sy Gee hin
wiß zü jrm grab so wirstu gesund
oder sy hilft dir wie du wilt. sprach
er. sy hat mich aynest geäfft sy äfft
mich nymermer. vnd kam darnach
zü mayster Contraten vnd sagt jm
auch wie jm geschehen wāre. Do
sprach er. gee wider zü jrm grab so
wirstu gewert nach deiner sel hail
Do sprach der blind. wie hayst jr
ob jr mich betrügēt das ich eich
nennen kind. do sprach er. gee hin zü
meinem kind sant Elfbeten vñ bit

mit ernst das sy dir helff das du ge
sehend werdest vnd sprich maister
Conrat hab dich dar gesandt. Do
knyet 8 blind man vor jm nider vñ
sprach. Herz bit für mich dz es mir
wol gee. so will ich sant Elfbeten
dienen die weil ich leb. vñ gieng zü
jrem grab vñ sprach. Hailge fraw
sant elfbeth hilff mir das ich geseh
durch deines haylgen beichtuaters
willen mayster Conrat 8 mich her
hat gesant. Also lag er in andacht
auff jrem grab vñ entschlief süßig
lich. vnd do er erwacht do gesach
er gar wol vñ ward fro. vñ sprach
fraw sant Elfbeth du hayliges
weyb ich will bey dir beleyben die
weyl ich leb. vnd ward ain gütter
mensch. ¶ Am andern tag do man
sant Elfbeth erhaben het vnd den
sach auff thet do dann jr hailges
gebain jñ lag darauß gieng ain gü
ter edler geschmack als der all apo
tecken het auff geton die da waren
vñnd man sach auß jrem gebain öl
tropffen recht als der taw ist auff
dem graf. vnd das öl ist lauter vñ
klar vnd hailfam. Es was ain edle
fraw die hieß Sophi von velbach
die het ain sun der was xij. jar siech
an henden vñ an füßen. vnd was
mit dem haupt gebogn zü der erdñ
als ain rind. den bracht man zü sant
Elfbeten grab vñ bat sy dz sy umb
got erwürb dz jr sun gesund wurd
do ward er zuhant gesund do wue
den sy fro vnd danckten gott seiner
gnaden vñ der hailigen fraw sant
Elfbeth. ¶ Aines mals was ain
m i

Von sant

juncfraw zehen jar lam gewesen an henden vñ an füßen vñ mocht nichtz gethün vñ hett ain hofer vñ mocht nitt wol reden: do rüffet sy sant elsbeten an mit grossem ernst do ward sy zehand gesund vñ dancket got vñ jr 8 gnad. ¶ Es was ain graver münch gar siech 8 kam zü sant Elsbeten grab mit grosser krankhait vnd bat sy durch all ire hailigkait vñ würdigkait die sy mit got hett. das er gesund würde. do ward er zehand gesund Wann er was wol fierzig jar siech gewesen Do erhört in sant Elsbeth vnd erwarb im das er gesund ward. do ward er fro vñ dancket got vñ jr 8 gnaden vnd dienet jr fürbaß mitt fleyß. ¶ Ains mals was ain grosser prelat der was gar edel von geburt vnd was ains vnkeüschen lebens vñ wie oft er beichtet so viel er wider in die sünd 8 gewan groß reu vñ kam zü sant Elsbeten grab vnd wainet seer vmb die sünd vnd bettet lang mitt grossem ernst vnd rüffet sy an vñ bat sy das sy im vñ got erwürb das er im sein sind vergäb vñ das er aus im ain menschñ macht nach sein lob vñ in fürbaß behüt vor sünden vñ in die ansechtung hinweg nāme. Do erhört in sant Elsbeth vnd erwarb vmb got dz er im sein sünd vergäbe vñ nach disem leben das ewig leben vñ machet ain güten menschñ auß im vñ berüret in die ansechtung nyimmer mer. do ward er fro vñ dancket got vnd sant elsbeten der gnaden vnd

elzbeten

dienet jr bis an sein end. ¶ Ains mals erlamet ain kind vnd wüchsen im die fiesß bis an seinen leib vñ faulet im der leib dz er ser schmeckt do fürt man es zü sant elsbeth grab vnd rüffe sy mitt ernst an do ward das kind frisch vnd wol gesund.

¶ Ains mals bracht man ain stummen zü sant Elsbeten grab vñ rüfften sy mit ernst an das sy vmb got erwürb das er reden würd. do erhört sy sant elsbeth. ¶ Ain man het ain sieche tochter die bracht Er zü irem grab vñ rüffet sy mit grossem ernnst an das sy im hülff das sein tochter gesunnd würde. do ward sy gesund. des wurden sy fro vnd danckten got dem allmechtigen vñ sant Elsbeten der gnaden. ¶ Ain fraw het ain junges kind das leget sy zü jr vnd ertrucket es gar zü tod das was jr gar laid vnd trüg das kind zü sant Elsbeten grab vñd rüfft sy an mit ernst vnd bat sy das sy jr hülff das ir kind wider lebendig würde das geweret sy Sannit Elsbeth. ¶ Ain schüler was fünff zehen jar alt der ertrancß do bracht man in zü sant Elsbeten grab vnd rüffet sy an das er lebendig würd. do stünd er auff vñ was frisch vñ gesund. do danckten sy got vñ sant Elsbeten der genaden. ¶ Hugidt hyeß ain fraw die het ainen sun der was xx. jar alt der ward siech vnd het ain jämerlich sucht vñ starb an der achtende nacht als 8 han kræet do ward die mütter betrübt vñd rüfft sant Elsbeth an mit andacht

vnd an der andern nacht. do 8 han
 træt do ward der sun wider leben
 dig vñ gesund von der genad sant
 Elfbeten das sahent vil menschen
 vñ lobten got darüb. ¶ Ain kinde
 viel in ain wasser vnd ertranc̃e an
 ainē suntag do man von sant Elfbeten
 meß sange vñ jren namen an
 rüffet do gab got dē kind das lebē
 wider durch sein liebe dienerin sant
 Elfbeten vnd erhört die menschen
 die sy darumb hetten angerüfft.
 Ain kind viel in ainen tieffen pnu-
 nen vñ ertranc̃ darüb wurden sein
 fründ betrübt vñ trügen es zū sant
 Elfbetē sarch. vñ rüfften sy an mit
 fleiß das es wider lebendig würde
 daz gewert sy sant Elfbet. ¶ Ain
 kind ward blind geboren dz brach̃e
 man zū sant Elfbetē grab. vnd rüf-
 fet sy mit andacht an daz sy im hulff
 daz es würd gesehent. do ward es
 gesehent vñ daz groß zaichē lobten
 sy gott vnd sant Elfbeten. ¶ Die
 würm heten ain mañ sein antlüz
 jamerlich gezerit 8 was in großem
 leiden. der kam auch zū jrem grabe.
 vñ nam der erden darvon vñ thet
 sy an sein antlüz. do ward er gesun-
 de von der hailigen erde vñ ward
 gar fro vñ lobet got vnd sant Elfbeten.
 ¶ Ain frau was fünff jare
 lam an henden vnd füßen die rüfft
 sy an mit großem ernst vñ mit an-
 dacht do ward sy gesund. do war-
 de sy fro vnd dancket got vnd sant
 Elfbeten das sy jr so genedigklich
 het geholffen. ¶ Ain man hett die
 wasser such̃t vñnd jm mochte nye

mandt helffen. do rüfft er sant Elfbeten
 an vnd bat sy jñigklich durch
 got vnd durch alle wirdigkait die
 sy mitt got het das sy jm vmb gott
 erwürb das er gesundt würd. Do
 gewert in sant Elfbet do ward er
 fro vnd dienet jr fürbas mit fleiß.
 ¶ Ain man was als vnfinig das
 man in ein müst legen. do rüfften sy
 sant elfbetē an daz er gesund werd
 do kam er wider zū jm selbs das er
 warb jm sant Elfbet vmb gott.
 ¶ Ain frau het den fallendē siech-
 tumb acht jar gehabt der kund nye-
 mand helffen die kam auch zū sant
 Elfbeten grab vnd rüfft sy an mit
 andacht do ward sy gesund vñnd.
 dancket got vnd sant elfbeten mit
 andacht. ¶ Es was ain man der
 hieß Rüdolff der gesahe an ainem
 aug nichtz der kam auch zū jrē grab
 vñ bat das sy jm vmb got erwürb
 das er gesehent würd das gewert
 sy in. ¶ Aines mals do was ain
 junc̃t frau die het sechß oren die ge-
 sahe in zwaien jaren nichtz an ainē
 aug. vnd do kam sy zū sant elfbeten
 grab vnd rüffet sy mit ernst an. do
 ward sy zehandt gesund vñ ward
 gar fro vnd dancket got vnd sant
 Elfbeten 8 genaden. ¶ Sant elfbet
 was der betrübten ain trösterin
 vñ der armen hoffnung. vnd was
 tugentlich vñnd jre werck waren
 mynnigklich. vñnd jre klayder ver-
 mächlichen. vñ jre gedanken rein.
 vnd was diemütig. vnd jr begird
 was haylig. vñnd jr gewissen das
 was güt vnd warhafft vnd treu.

opfferung marie

ir leben was sällig vnd gedultig in leiden. ir mütter was ainseltig vnd lauter. vnd ir hpsfnig was zü got Nun helffe vnnß sant Elßbet vmb got erwerben durch ir würdigkayt vnd hailigkait das wir mit ir vnd mitt allem himlischen heer besitzten die ewige sälligkayt. Das verleyhe vns got der vater vnd der sun vnd der hailig gaist Amen.

EVon der mütter gottes als sy in den tempel geopffert ward.



EDo vnser liebe frau Maria gottes mütter siben jar alt warde. do gaben sy ir vater vnd mütter in den tempel das sy gott darinnen diene- te. zü den zwölß juncfrawen. die waren alle von dem geschlecht da- uids. Aber die juncfraw Maria was die aller edelst an götliche ge-

in den tempel

naden vnd von geburt vnnnd was jung der jar. vnnnd was witzig an den synnen. wann sy lernet den psal- ter als bald. vnd alle die bücher die man ir fürlegt. daz alle die menschn wunder namen die es hörten oder sahen das sy die vernünfft het. vnd certen sy die anderen juncfrawen als ob sy ir künigin wär vnnnd her- tent sy lieb. vnnnd wurffen das loß wöliche das schönest werck kündt würcken. do viele das loß auff die juncfrawē Mariam. vnd hießen sy die andern juncfrawen frawe. vnd maisterin. vnd empfalhent yr die priester die hailigkayt vnd zierd des tempels der pflage sy mit groß- sem fleiß vnnnd ward oft entzucke das sy leyplicher speyß nicht nützet dann als vil ir die engel vonn gott brachten. Vnd leeret ire juncfraw- en all wie sy sölten gott dienen vnd in von ganzem hertzen lieb haben Vnnnd solten sich auch vor sünden hüten vñ auch vor allen vntugen- den. Vñ wo vnser fraw gienge do nayget sy ir haubte ain wenig vnd schlüge ire augen vnder vnnnd sahe nicht vmb vñ der mit ir redet dem antwurt sy diemütigklich. vnnnd yr gebärde warent schemig vñ züch- tig. wan sy was ain ebenbilde aller güten sitten vnd der klarest spiegel aller tugendt nach got in dem sich alle menschen wol ersehen mügent Wie ver: oder wie nahendt sy gott ist an den sitten vnd auch an tugen- den. wan sy hat alle tugent weisen- lichen an ir gehebt. vñ hat & mer in

essen trincken vnnnd in allen disigen
die sy jr genüget hat zū jrer noturft
dan kaines dings in jr selber.

¶ Aines mals was ain pfaffe der
het Mariam ser lieb vmb jren sch-
merzen den vnser herre ihesus em-
pfieng an den fünff wundn. do trö-
stet er sy all tag mit den fünf freüde
vnd sprach. Freüe dich götes gebe-
rerin vnnnd vnuermailigete maget.
Freüe dich das du von dē engel em-
pfangē hast. freüe dich das du bist
mütter vñ maget. wañ dich loben
alle creaturē. Mütter gottes bit für
vns des begeren wir ewige gebe-
rerin vō dir. Do nun der pfaff ster-
ben wolt. do forcht er sich ser. do er-
schyn jm vnser fraw vnnnd sprache
Kind warüb bidmest du vñ fürch-
test dir so ser. darüb das du mir die
freüd also oft verkünt hast. so freü-
dich vnd gang mitt mir da du dich
freüest ewigklich. damit verschyed
er seligklich vnd für sein seel zū den
ewigē freüde. Do man zalt vō Cri-
sti geburt tausent vñ. xxvñ. jar. Do
geschach in der stat litturch do die
cristen am ostertag gebeicht heten
do gieng ain juden kind mit den an-
dern kinden zū dē altar vñ nam vn-
sern herre. vnd do es haim kam. do
fragt es sein vatter wo es gewesen
war. do sprach es. ich byn mitt den
cristen kinden in der kirchen gewe-
sen vnd hab cristū genomen als sy
do ward d vater zornig vñ macht
ainen glüenden ofen vnd stieß das
kind darein zehandt was vnser
frawe da in der gestalt des bildes

das auff dē altar stünd vnd behüt
das kind das jm nye kain laid gesch-
ach. do was d mütter gar layd vmb
das kind vñ schry greülich das vil
juden zū lieffen vñ sahen in dē ofen
vnd sahent das kind frölichen dar-
jnen sitzen vnd daz jm auch dz feür
nit schadet. Do namen sy das kind
heraus vnd fragten es wie jm ge-
schehen wäre. do sprach es die auff
dē altar stünd die halff mir das es
mir nit schadet. vnd trib das feür
von mir. Das sagt man den cristen
do verstünden sy wol daz es vnser
frawen bild was gewesen. vnd do
kamen jr vil vñ schuben des kindes
vatter in den ofen der verbrant also
bald. Vñ das kind ließ sich tauffen
vnd ward ain güter cristen. Vmb
das zaichen lobtē die cristen got vñ
sein liebe mütter Maria. ¶ Aines
mals kament vil münich frū zū ay-
nem wasser vñ triben vil vnnützet
wort. do kamē die böß gais̃t als die
schiflūt her gefaren vnd machet
ainen grossen sturm in dem wasser
Do sprachen die münich. wer seind
jr do sprachen sy. wir seind böß gais̃t
vñ füren des künigs sel von franc-
reich in die hell. wañ er was ain ab-
trinniger münich auß sant Gallen
kloster gewesen Do die münich daz
horten do forchten sy jnen gar seer.
vñ sprachen. hailige junc̃fraw mā-
ria bit dein kind für vns. do sprach
en die bösen veind. jr habt mariam
wol an gerüffte. wir wolten euch
gar zerüffen haben. wann wir ha-
ben euch zū vnrechtter zeyt vnmüß-

Opfferung marie

fig funden vnd mit vnnützer rede vnd nit in dē lob gotes damit verschwündē die bösen veind. do wurden die münich gar fro vnd giengē in jr kloster. vñ danckten vnser fra-
wen der grossen gnaden. dz sy sie be-
hüt hett vor dē veind. ¶ Es was
ain schüler wild vñnd üppig. doch
het er mariam gar lieb vnd betet jr
tagzeyt gar andechtighlich vnd mit
grossen freuden. vnd ains tags do
er schlieff. do kam er für gotes geri-
chte. Do sprach vnser herr zū dē die
vmb in stunden. was gerichtts soll
über den geen der hie steet. ich habe
ym sein sünd übersehen vñ hab nye
kein besserung an im funden. dar-
umb verurtail ich in zū dē tod. Do
stünd maria auff vnd sprach zū jrē
sun. Allerliebste kind. ich birt dich
durch dein barmhertzigkayt daz du
ym die schwären vñtaile senfftigest
vnd ringer macheest. vnd laß in von
meinen genaden leben. Do sprach
vnser herr. Liebe mütter ich gebe dir
in durch dein gebet. vnd will sehen
ob er sich bessern wöll. do keret sich
vnser frau gegen dem schüler vnd
sprach. Gee hyn vnd sünde fürbaß
nit mer das dir nit wirser geschehe
damit erwachet der schüler vñnd
bessert sich. vnd kame in ain kloster
vnd ender da sein leben gar mit gü-
ten wercken vnd dancket marie der
genaden die sy im vmb got erwor-
ben hett. ¶ Do man zalt von cristi
gepurt. xxxvij. jar do was ain man
in Cecilia land der hieß theophilus
der was aines bischoffs vitzumb

in tempel

der richtet dē bischof der kirchē güt
vnd alle sach weislichen auß. vnd
do der bischof starb. do sprach alls
volck. er ist würdig dz man in zū bi-
schof mache do benüget in an seinē
ampt. vnd ließ ainē andern bischof
werden. vñ darnach do satzte man
in von seinē ampt. do ward er gar
ser betrübt vnd ergab sich dē bösen
gayst vnd verlaugnet gotes vñnd
marie vnd cristenliches gelaubens
vnd schryb es an ainen brief vñ ver-
sigelt da die hand geschriffte veste.
vnd gab es dem bösen gaist vñ ge-
lobt im sein dienst darüb das er im
hulff daz er widerumb an sein ampt
kām. Darnach an dem andern tag
do schafft d böß gayst das in der bi-
schof wider an sein ampt nam. Vñ
do gieng theophilus in sich selber.
vnd ward gar ser betrübt. darun
dz er sich dē bösen feind het ergeben
Vnd nam zūflucht zū mariam. vnd
bat sy oft mit grossen ernst daz sy
im zehilff kāme. do erschien sy im ain-
es mals in ainē gesicht vnd strafft
in so seer vmb sein sünd vnd sprach
zū im. Du solt dē bösen feind wider-
sagen vnd solt dich wider zū meinē
sun keren. vñ solt cristen glauben an
dich nemen das thet er. also brachte
in maria wider zū jres sunes gena-
den. vnd erschien im aber vnd gabe
im sein hand geschriffte wider. dye
dā der böß feind het gehabt. vnd
leget im die auf sein hertz im schlaff
zū ainem zeichen das im seine sünd
vergeben wārn. vñ do er erwach-
et ward er gar fro daz er des bösen

veinds knecht nymet was vñ dan-
cket vnser frawen das sy in erledig-
get het vnd nam den brieff vñ zay-
get in dem bischoff vñ allem volck
vñnd saget jnen wie im geschehen
was darum lobten sy got vñ ma-
riā. vñ über drey tag darnach starb
Theophilus seliglichen. ¶ Nach
cristi geburt ailffhundert jar. was
ain fraw vnd ain man nahend bey
der stat lugdin die hetten ain tochter
der gabñ sy ain jüngling zū der
ee von der tochter lieb wegen aller
maist do hetten sy den tochterman
bey jnen in dem hauß vñ hett in die
schwiger zemal lieb von 8 tochter
wegen. do sprachen ettlich böß leüt
zū ir sy hett in selber lieb durch jres
leybs lust vñ nitt durch der tochter
willen wan sy wölt iren willñ mit
im haben. do sy das hort was es ir
seer layd vnd forcht man würd sy
offenlich mit im zeihen vnd gelobt
zwayen buben yetlichem ain pfund
pfening das sy jren tochterman töd-
ten. vnd versperret die buben aines
mals in den keller vnd schicket iren
man aus vñ verschicket die tochter
auch vñnd schicket den tochterman
nach wein in den keller do ermürten
in die buben. do nam die schwiger
den tochterman vñ legt in in die ka-
mer an jr tochter beth vñ decket in
zū. do nun der wirt vnd die tochter
haim kamen sprach die mütter zū ir
tochter. Weck dein mann auff das
wir essen. Do gieng sy in die kamer
vnd fand in tod. do waynet sy vnd
elaget in jamerlichen. Do waynet

die mütter auch als ob ir layd wär
vnd ward das gefind seer betrübt.
vnd westen nitt wie im geschehen
was. Darnach gewan sy groß reü
über ir sünd vñ beicht et ainem prie-
ster mitt grossem layd. darnach er-
hüb sich ain krieg zwischñ dem prie-
ster vnd der frawen. do hüb ir der
prieester auff das sy an irem tochter
man schuldig wär. das horten sein
freünd vñ siengen sy vnd sy ward
verurteilt do war sy gar in grossen
ängsten vnd rüffet Mariā an vnd
gieng in die kirchen vñ bat Mariā
mit grossem waynen vñ innigkayt
das sy ir zehilff kām. do trib man sy
aus der kirchen vñ warff sy in ain
feür. do halff jr Maria das ir kain
laid geschach do maynten ire feind
das feür wär zū klain vñ machten
es vil grösser. do halff sy ir das ir
aber nitz geschach. do stachen sy
sper vñ spieß in sy danocht mochtñ
sy ir nit tödten. daz nam den richter
wunder vnd wolt ir nit mer lassen
thün vnd nam sy heraus. do hett sy
das feür nit versert sy het aber die
wunden von den spiessen do fürten
sy die freünd wið haim. vñ salbten
ire wunden vnd danckten got vnd
Marie der gnaden die sy ir gethon
het vnd an dem dritten tag starb sy
von dem willen gottes. ¶ Aines
mals was ain kloster in Teütschen
landen das ward zerstört von gros-
sem krieg do müsten die frawen vñ
not wider haim faren zū iren freün-
den do was vnder ynen ain schöne
fraw die hieß Agnes. do die zū ir

Opfferung marie

vatter kam do leget er sich über irn
willen zū ir vnd machet jr ain kind.
Do nun das kind geborn ward do
kam der teüfel zū jr als ain münich
vñ sprach er wär ir gborner fründ
vnd west wol das sy mit irem vat-
ter zeschicken hett das was jr gar
laid vnd was nahend verzaget. do
sprach der böß feind zū ir. liebe frün-
din vmb das das du mit dem kind
nit gemelt werdest so würsse es in
ain wasser wañ beleibt es lebendig
so mag es nit verschwigen beleibē
vnd do er das lang riete do volget
sy im vnd verderbet das kind. Do
sprach der böß feind zū ir. O du al-
ler böstes weyb was ist dir noch
vor dir ist nichtz wegers dann das
du mir alle dein sünd beichdest vnd
dich dan selbs ertrenckest. do sy das
hort do erschraek sy seer vnd rüffet
als bald Mariam an mit grossem
ernst do verschwand der böß gaist
vnd ließ ain grossem stanck hinter
im. Darnach kam sy in ain statt zū
ainer erbern frawen die halff ir zū
ainer jüdin die hieß sara der pflag
sy aines suns vñ belib fünff jar bey
ir in grossem jamer vñ laid vnd la-
chet nye vñ vastet all wochē zwen
tag wasser vñ brot vñ sagt der jü-
din vil von d̄ barmhertzigkait gotes
vñ von seiner müter marie wañ sy
was weiß vñ wolsprech vnd leret
die jüdin das Ave maria vnd das
Pater noster. den bettet sy alle tag
mit andacht. Darnach beichtet die
fraw agnes ainem priester d̄ schickt
sy zū dem bapst. vñ do er Ir ir sünd

in den tempel

vergab do kam sy zū ir frawen der
jüdin die empfieng sy gar schon vñ
freüntlich vñ batt sy das sy sich an
ir beth leget vnd rüet wañ sy was
gar müd. do nun d̄ jud des abends
haym kam vnd agnesen seiner am-
men innen ward. ward er gar zor-
nig vnd sprach. Die trügerin ist ir
selbs übel her kōmen wañ ich will
sy yetz töten vñ zoch sein messer aus
vnd gieng zū ir do sy schlieff vnd
stach ir drey stich in jr hertz. do das
sein fraw sahe do erschraek sy gar
seer klagend vñ wainend vñ gieng
in die kamer. do gieng der jud in die
schül zū andern juden vnd belib by
jn übernacht do enschlieff die jüdin
vnd sach sy in dem schlaff die hoch-
gelobten müter maria mit zwayen
juncfrawen zū der todten frawen
geen vnd trügen drey büchsen mitt
salben vnd haylten ir ain wunden
nach der anndern. Do der jud des
morgens haym kam vñ der todten
frawen nit sach. do gedacht er sein
wirtin het sy hin gethon vnd fragt
nit weyter wa sy hin kommen wär
Darnach über vierzehen tag kam
ain pilgerin vnd griesset den juden
vnd die jüdin von agnesen wegen
Als bald gieng er von jn. do sprach
der Jud zū der jüdin: O wee aller
meiner eeren lebt sy dann noch. Ich
wolt wānen ich het sy ertödt als sy
dan in dem beth lag. Do sprach die
jüdin. Ir herz got der vermag alle
ding vñ der hatt sy wider lebendig
gemache. do sprach der jud. des het
ich allwegen sorg. sy verkerzte dich

als sy layder gethon hatt. vñ ward
 zornig vñnd sperret sy in ain läblin
 vñd gieng überfeld. die weil gieng
 die frau aus mit zway kinden vñd
 trüg das dritt in irem leib vñ floch
 in ain kirchen vñd ward getauffet
 sy vñ ire kind do hyef man sy Ger-
 draut vñd kam mit iren kinden gen
 Cölen. do fand sy ir agnes. do was
 sy fro das ir frau getauffet was.
 Do fraget frau gertraut Agnesen
 wie sy genesen wär. do lachet sy vñ
 sprach. Mein herz Jesus cristus ist
 allmechtig das er die todten leben-
 dig machet. sprach sy. Ich sach das
 dir mein mann drey wunden stach.
 do sprach agnes. mich duncet nun
 wie mich dein man tödten wölt da-
 rumb gieng ich von dannen. do die
 frau das hort do griff sy ir an den
 hals vñd griff ir drey masen die ir 8
 jud gestochen hett. Die ding saget
 man dem erzbischoff zu Cöln. Dar-
 nach starb frau agnes mit grosser
 reu vñd andacht. vñd nam frau
 Gerdraut fast zu an cristem gelau-
 ben vñ dienet got mit vleyß vñ an-
 dacht ¶ Ains mals was ain offne
 sünderin die dient der welt vñ dem
 bösen gaist xvj. jar on reue vñd on
 beicht vñd was ains wilden hertzen
 vñd thett got nye kein dienst vñ
 aines tags begegnet ir ain priester
 der hyef Zacharias den griesset sy
 gar spöttlich mit üppigen Worten.
 des schemet sich der priester gar ser
 vñd weist nitt wie er ir antworten
 solt vñ sprach. O du gute frau bit
 got für mich. do lacht sy vast vñnd

sprach. wie soll ich got für dich bit-
 ten ich beth doch nymer nichts vñd
 kan nitt betten. sprach er. so lerne es.
 do sprach sy. soll ich für dich bitten
 so leer mich ain kurz gebet. sprach
 er. In der nächsten kirch steet oben
 an der thür vnser frauen bild die
 hatt ir liebes kind in der schoß vor
 dem sprich also. minniglicher vater
 vñ lieber herz 8 barmhertzigkeit
 du bist durch der sünd willen men-
 sch worden erbarm dich über den
 priester der mich her zu dir gesandt
 hat das ich für in bitt. do ward die
 selb frau von sein Worten getröst
 vñd was im gehorsam vñ gieng in
 die kirch vñd bat mit grossem ernst
 für in. Do köret sich das vnwillig-
 klich von ir zu der mütter vñd ver-
 schmehet der sünderin gebett vñnd
 sprach. Hörst du allerliebste mütter
 das wunderlich ding das mich die
 groß sünderin bit für ain frembden
 vñ bit nit für sich selber Do sprach
 maria. das sy nit für sich selb bit ist
 ir nitt züerweisen wann sy ward
 gar bald beraupt ires vatters vñd
 irer mütter die solten sy beten haben
 gelert. Do sprach das kind. du aller-
 liebste mütter du solt mich nicht für
 die sünderin bitten wan sy hat mir
 manige seel enpfrembt darumb er-
 barm ich mich nit über sy. do sprach
 Maria zu dem kind. Es ist auch ge-
 schriben das nyemant so mit groß-
 sen sünden überladen ist dem ablaß
 zeuersagñ sey. darumb soll dein barm-
 hertzigkeit grösser sein dan aller men-
 schen sünd. darumb bit ich dich das

Opfferung marie

du es durch meinn willen thust. vñ durch deines lieben freunds willen der sy zū dir gesandt hat. do sprach aber das kind. Liebe mütter mir ist vnzymlich das ich dir etwas versa- ge. alles das du mich gebeeten hast des biß gewert also vergab got der sūnderin all ir sūnd das sy es nymier thāt. Do lieff die fraw wider zū dē priester vnd schry mit lauter stym. Stand still. das thet er vñ hort ire wort. do sagt sy alles das ir wider faren was vnd beicht et all ir sūnd: vñ bessert sich fürbaß dauon benū- get sy wol vñ mercket die barmher- zigkait gotes. ¶ Es schreybt Cesa- rius das in dem lande ambiens die ketzerey fast zunam do giengē zwen frūm priester an ainem sambstag in die kirchen vñ sprachñ meß von vn- ser frawen. Do kamen die ketter in die kirchñ do dannocht die meß nit auß was vnd zugen den ainen prie- ster auß der kirchen vñ schlügen in ser vñ schniten jm die zungñ ab das er nitt mer meß mocht sprechen das was sein gesellen layd der hieß Cli- natus der nam in vñ füret in in ain kloster vñ beualhe in den münichen die thetten jm gütlich. darnach an der obersten nacht fürten in die mü- nich in die kirchen. do rufft er mari- am an mit ernst. do erschin sy jm vñ gab jm ain gūte zungen wider. do warde er fro vnd schry mitt lauter stym. O wee maria. do die münich das horten do lieffen sy all zū vñ lob- ten got vñ mariam darnach ward er ain münich in dem selben kloster.

intempel

vnd dancket marie der gnaden die sy jm gethan hett. ¶ Es was ain grawer münich der lebet gar vn- ordenlich der ward entzuckt in ain schwären siechtagn das die brüder wolten wānen er wār tod. vnd zu- gen in ab vñ wolten in gewaschen haben. do ward aller sein leib so sch- wartz als das bech. darnach rot als ain feüer. vnd ward darnach weiß als der schnee vnd ward do vnsau- ber als die heff. do was den brüde- ren layd vnd forchten sich seer vnd wolten besehen wie es ain end nām vmb in. darnach ward der tot wi- der lebendig vñ erseufft vñ sach auß. do fragten sy in wie es vmb in stünd. do sprach er do mein seel von meinem mund für do ward sy ge- henckt in ain haif bech dauon war- de mein leib schwarz. darnach war- de mein seel geworffen in ain feüer: do ward mein leyb rot. darnach do ward sy geworffen in ain kalt was- ser do ward min leib weiß. darnach ward sy geworffen in ain kessel. do ward mein leyb höffenfar. Vnd in den peynen hüben mir die bösen gai- ste auß. all mein versaumnus die ich in dem orden gethan het darumb so ward ich so ser geschlagen mit eyß- nin gaiflen das die schleg kain men- sch möchte erleyden. Vnd do mich got von seiner gerechtigkeit willen nit wolt vrtaylen vñ mich von seiner barmherzigkeit wegen nitt verloren wolt lassen werden dar- umb so hieß gott durch das gebeet seiner lieben mütter marie mein seel

wider zů dem leib kōmen vnd auch darůb das ich den leůten saget wie die sůnder pein můsten leiden vñ jr sůnd. Darnach machet der brůder das sich vil leůt besserten. vñnd gewanen rew őr jr sůnd. vnd er lebet fůrbaß sālīglichen vnd dienet marie bis an sein ende. ¶ Zů mayland was ain böser bůb der verspiet als sein gůt daz zig er vnsern herren vnd vnser frawen vnd schaltesy darůb vnd zoch vor zorn ain schwert auß vñ stach es in die erd vñ sprach. nun wölt gott das ich es in mariā gestochen het. vnd do er das schwert auß őr erd zoch do was es blütig. do erschrack er also ser dz er auff die erde viel vnd starb ains schentlichen todes. daruor vnß got behūt vñ sein liebe můter maria. daruon sōllen wir vnß alle fleissen das wir marie vñ andern hāiligen kain vneer beweisen. mitt worten. noch mit wercken vñ sōllen sy allzeit eren anders on zweifel es wirt an vnß gerochen. ¶ Es was ain gůter ritter őr het ain gůte gewonhait daz er die meß von vnser lieben frawen nit versaumet wo er mocht. der gieng ains mals in die kirchen do horte er das man in dē kōr anhüb vnser lieben frawen meß genāt. Salue sancta parens. das spricht zů teůtsche. Gegrűßet bystu gebererin gottes. Do kniet er nyder in vnser frawen eer. das sah ain jud der wartet sein darůb schalt er vnser frawen seer. dz thet dē riter wee an sein hertzen auff den juden vñnd gabe jm ain

halbschlag. vñ hort da die meß mit grosser andacht. vñ die weil gieng der jud zů dem richter vñnd klager őr den riter. vnd fund kain ander wortzaichen nit haben. dan das er nun ain aug het. vnd do das volck nach őr meß auß gieng do verbarge sich der riter in der kirchen. do erschine jm vnser fraw vnd macht in gesehen an dem andern aug. vñ hyeß jm gůtlich auß őr kirchē geen. dz thet er. do sahe der den riter an vnd sprach. het der riter nit mer dann ain aug so gedācht ich es wār der. der mich so hart vñ ser geschlagen hat. Do sprach der ritter du solt wissen das ich der bin der dich geschlagen hat vnd von der willen ich dz thet hat mit mein aug wider geben. vñ will durch jren willen hie geben vñ lassen leib vnd leben. Vñnd do dye menschen das groß zaichen horten do danckten sy vnser lieben frawen vñnd got vnd das zů ainem vrfunde in der selben stat sagten die chrysten auff das alle jar an dem selben tag die cristē ain juden schulten vñ dem selben juden solt ain cristē man ain straich geben nach allem sein willen. zů ainer gedechtnus des zaichens. ¶ Es schreybt cesarius das aines mals was ain ritter der hieß waltherr von biberg der het mariam sůnderlichen lieb. der wolt ains mals zů ainem turnier reytē. do kament sy vnderwegen zů ainer kirchen. do bate er seine gesellen das sy jm meß ließent hōren. vñ warteten sein oder das sy auch mit jm meß horten

Opfferung marie

des woltē sy nit thūn do belyb er allain da. vnd hieß jm ain meß vō vnser frawen singen vnd opffert mit andacht zū der meß vnd ritt do zū dem turnire. do kament jm vil leūt vnder wege die sagten jm 8 turnier wāt bald ergangen do fraget er sy wer das best het gethan. sprachen sy allsam. es hat herz walthere von biberge. den lobt man für sy alle. do ritt er erst in den turner mit seinem wappen vnd endet mit andern rittern mit groſsem lob: vnd nach dē turnier kamen vil ander riter zū jm vnd baten in das er in genad thāt. wān sy wāren all in dē turnier vō jm gefangen. do erkānt er wol das jm die groſſe er von vnser liebe frawen genad geschehē was die weil er het meß gehört vñ danckt jr mitt groſſer andacht vnd het sy fürbaß lieb. vnd dienet jr fürbaß mit fleiß weil er lebt. ¶ Als mals waz ain reicher gewaltiger pfaff der giengē über ain reichē siechen man 8 lag in ain schönē palast 8 was mit gold seyden vñ mitt vil ander zierlichayt geziert vnd alles das vmb in was do gewan jm 8 pfaff ab das er jm ain tail beichtet vñnd redet vil mit jm. wān er was geitig vñ hōſt er gāb jm vil gūtz die weil kam ain bot zū dē pfaffen dz er zū ainer wittwen kām die was arm die zūg zū dē tod do schwig er vñ wolt nit zū jr. Do sprach ain ewangelier zū jm vñnd stirbt die fraw on gotes recht von versamnis wegen das ist sūnde. Do sprach 8 pfaff du redest als ain

in tempel

vnſinniger soll wir von ainer wittwen willen von ainem edlen reichē man geen. do sprach 8 ewangelier ist es dir lieb so gee ich allain dar do sprach er ya. Do nam er vnser herren leichnam mit jm vnd giengē zū der wittwen die was arm an dem gūt vñnd was doch reych an allen gūten wercken. vñ lage auff der erden auf ain wenigen stro. vñ was krank von groſſer übung vnd festigung. do sahe er daz jr alles himliſches hōr dienet vnd kam auch vnser liebe fraw zū jr mit ainē schönē tūchlin do er das sahe do erschrickte er ser vñ nam in groſſe wunder vnd erzaget och vnser fraw gütlichen vñ viel mit allen jren juncckfrawen nyder vñnd bettet an jr liebes kinde Jesum cristū. vnd stünd da wider auff vñnd beraytet dem ewangelier ainen stūl do hort er die wittwen zū beycht vñnd gabe jr vnser herren leichnam vnd olet sy vnd giengē do wider zū dem reichen man. do sahe er vil schwarzer kagen bey seinem beth. do sprach der siech. O wee jaget die kagen von mir vñnd helffer mir armen. do kame ain greülicher man vñ stieß dē siechen ain krucken in seinen mund. Do schry der siech vast damitt gieng jm sein seel auß. Do der ewangelier das sahe do erschrickte er also ser das er vō jm selbs kam do erschien jm maria die sprach zū jm. fürcht den bösen veind mit er mag dir nit geschaden wān dir ist die ewig seligkeit bereit. do kam er wider zū jm selber vñ dancket gott

vnd marie mitt fleiß. Edle künigin
hymelreichs vnd ertdrichs durch
das wolgefallen das dein sun hie
auff erd in deinem dienst gethan hat
vnd durch das wolgefallen das er
in dir hatt vnd du in im ewigklich
vor allen lautern creaturē. Bit das
er vns helffe das wir in vnd auch
dir also mit grossem fleiß hie diene
vnd das alle tugent die du hie we-
senlichen hast gehebt vns zu trost
kōme vnd das wir die auch üben
nach vnserem vermügen das wir
damit kōmen zu den ewigen freu-
den da du vnd dein sun ewigkliche
seind Amen.

¶ Von sant Cecilia.



¶ Sant Cecilia ist von edlem rō-
mer geschlecht geboren vnd was
gar schön vnd flis sich vil tugent
in irer jugent vnd lernet cristen ge-
laubē do taufft sy der bapst Diba-

nus do dienet sy gott mitt grossem
fleiß vñ betet mit grosser andachte
vnd lebet vernünfftiglich. sy was
auch züchtig vnd keüsch vnd bege-
ret das sy auch vnuermailiget be-
libe bis an jr end. vnd festiget iren
leib ser mit wainen. betten. vasten.
vñ wachen. Zu der zeit achtet man
die cristen ser vñ vieng sy wa man
sy an kam. Vnd der cristen müsten
sich vil verbergen. daruō floch der
bapst in ain hol. ¶ Nun ward der
hailigen juncfrawen sant Cecilia
lob vnd eer weyt gebrait. do wur-
ben vil jüngling vmb sy. do gelobt
man jr ainen reichen edelman. der
hies ualerianus der het ainen brüd
hieß Tiburcius die waren hayden.
des erschack die juncfraw gar ser
vnd klaget jr leiden gott. sy vastet
vnd wachet vil vor der hochzeyt
vnd bat got mit ernst. das er jr keü-
schait behüt. sy bat auch ander güt
leit das sy got den herre bāten das
er sy behüt. vñ do die hochzeit solte
sein doorget sy ser darauff vnd be-
falch sich got mit andacht do leget
man jr schön gewand an das was
mitt silber vñ gold gewürckt aber
sy thet an den leib ain hārin hembd
damit erzaygt sy das cristus jr brēu-
tigam wār nun kament vil spilleit
vñ hofferet dar die tribent jr spile
auff der juncfrawē hochzeyt das
verdros sy gar ser vnd gedaucht sy
ain zergentliche wunn od traume
vñ was die spilleit tribent so was
jr yr hertze bey gott. vnd begeret
das er jr keüschait behütte. Do die

Valerianus

nacht kam vnd sy zū irem brütigā
in die kamer kam do sprach sy zū im
du aller liebster herre vernym mich
eben ich hab ettwas heimlichs mit
dir zū reden das solt du nyeman sa-
gen. do sagt Valerianus dz will ich
gern thun. do sprach sy es ist ain en-
gel bey mir d hüt meiner keusch gar
treulichē danon solt du mich nit an-
rüren o d er schlecht dich. bewarest
du aber mit mein rainigkeit so hat
er dich als lieb als mich. do sprach
Valerianus wilt du das ich dir ge-
laub so laß mich in sehen vnd auch
erkennen: sihe ich dan das er ain wa-
rer hailiger engel ist so thū ich was
du wilt. wilt du aber mich äffen so
hast du ainen andn lieber dan mich
so schlahe ich dich zū tod. dz du mir
fürbas nit mer liegest. d red ward
Cecilia fro vnd sprach. Liebes lieb
wilt du an meinē got glauben vñ
wilt dich lassen tauffen so sichst du
den engel gotes als wol als ich vñ
sagt im vil von cristen glauben das
im auch sein hertz erleuchtet werde
vñ sprach. er wölt es gern thun. do
sprach sy. so gang hin zū dem bapst
Vrbano vnd sprich ich hab dich zū
im gesandt. Do came er zū dē bapst
vñ do er hort dz in die lieb cecilia zū
im gesendet het do ward er fro vñ
hüb sein hend auff vñ sprach. Herz
jesu christe empfah heüt die frucht
die du an Cecilie geseet hast. wann
der man was ain leo vñ ist so senft
worden als ain lamb. Vnd die weil
vrbano die wort redt do sahe va-
lerianus ainen engel der was schön

Cecilia

vnd liecht vñ klar. vnd was schön
geklaidet vnd trüge ain büch in der
hande den engel hett got durch der
juncfrawē gebet dar gesandt Vñ
do valerianus den engel sahe do er
schrack er also seer das er nider viel
do hüb in d engel wider auff bey d
hand vñ sprach zū im. fürcht dir
nit vnd gang her vnd lyf da. do sa-
he er das büch mit guldin büchstā-
ben geschribē vnd stünd also daran
Es ist ain glaub vnd ain tauff vñ
ain herz des gewalt ist über alle din-
ge. do valerianus daz gelaß sprach
der engel zū im gelaubst du das. do
sprach er ya warlich damit versch-
wand der hailig engel in den schön-
nen klaidern. Do wurde Valeria-
nus getaufft von dē bapst vrbano
do freuet er sich gar seer das im die
gnad begegnet was vñ kam haym
zū seiner braut die was im nun lieb
worden. do sahe er ain engel bey ir
sitze do wurde sy gar fro vñ sprach
ir gebet zū got vnd dancket im sey-
ner genadē das er iren lieben gema-
hel bekert het vnd was des engels
gar fro wan er het in beiden zwen
krentz bracht von lilien vñ rosen
den ain gab er Cecilie den anderen
Valeriano vnd sprach zū inen. Ich
hab die zwen krentz auß dem para-
deis getragē vnd die rosen vnd die
lilien sy dorient nit vñ verlieren
auch iren geschmack nicht sy mage
auch nyemandt sehen dann der kei-
sch vñ rain ist darumb behaltent
euer keuschait recht in rainigkeit so
habt ir die rosen vnd auch die lilien

weil er lebt. Darnach sprach aber 8 engel zu Valeriano. seyt du getauft bist so bit was du wilt so wirst du gewert. Do sprach er. Ich hab ain lieben brüder vñ den selben bit ich das er bekert werd zu Christem glauben vñ zu der warhait die got selb ist. Sprach der engel des bistu gewert vnd schied von jm. zehand kam sein brüder für die kamer vnd schmecket gar ain süßen geschmack von rosen vnd lilien. do gedacht er von wannen mag nun der güt geschmack komen. vnd do er in die kamer kam do sahe er das sein brüder vnd sein gemahel ir gebeet zu gott sprachen. do schmecket er den gütten geschmack aber bas dann vor vnd sprach zu jñ Lieba lieben vñ wannen komend die Rosen vnd die lilien die also schmeckend. ist es doch yetzunt winter. vnd sprach. ich schmeckt all meine tag nye so gütten geschmack vnd seid ich den gütten geschmack vernommen hab hat sich mein gemüt vñ synn ganz verkeret vñ wundert mich ser der lilien vñ der rosen der ich nit sihe. Sprach valerianus Lieber brüder die rosen vñ die lilien die du schmeckest die haben wir hie bey vns vñ seind weiß als 8 schnee vnd hast nye schöner gesehen aber dein vngelaub irret dich das du es nit gesehen magst. bekörest du dich aber zu cristem glaubn vñ last dich tauffen so wüstu die schönen blumen sehen Do sprach tiburcius Lieber brüder seind die red ain schimpf oder traumt es dir sunst. vñ sprach

vñns seind die ding noch gar ferr. sprach Valerianus. ja warlich lieber brüder vnser lebñ ist bis her ain traum gewesen aber bis an 8 warhait gotes 8 will vnser fürbas pflegen. do sprach Tiburcius wannen waist du die red. Do sprach er. das will ich dir sagen. mir hat ain engel gottes die warhait kund geton vñ got Lassest du dich tauffen vñ glaubest an vnsern herren Ihesum cristum vñ körest dich von den abgöttern so last dich gott den engel vnd auch die rosen vnd die lilien sehen Darnach sprach Cecilia zu Tiburcio. es ist laider der vnglaubige so vil er gib dich vnd diene vnserm got der hymel vnd erde beschaffen hat vñ hat vns mit seinem tod erlöft. Die rede thet jm gar wol das jm sein hertz vñnd gemüt erleucht ward. do sprach er zu ir. du hast es recht wol außgericht ich will auch dein glauben recht gern lernen. do ward sy gar fro vñnd dancket vnserm herren vñ sprach. Freund got sey gelobt das du vñ dein brüder zu dem rechten glaubn komen seyt. darumb gee mit deinem brüder zu dem bapst vnd empfach den tauff so sihest du die engel gotes die hüttend dan dein mit grossem fleiß. do er dz hört sprach er. brüder wer ist 8 man Sprach valerianus. er haist vrbanus vñ hat mich auch getauft. sprach er. O lieber brüder den habn die fürsten in die acht geton. sprach sant cecilia. des solt nit achten wann es ist hie ain kurtzes leben vnd geet

Non sant

Darnach ain ewigs leben den menschen die cristem glauben bestond wann got ist recht barmhertzig das er nyemand laßt der im getrauwet wann er ist mensch durch vnser wil len wordn das wir güt mit im werden vnd hat den bitteren tod durch vns geliten. do ward tiburcio sein hertz vnd gmüet zuhand bekert vnd sprach. Brüder bring mich bald zu Urbano das ich getaufft werd vñ das ich fürbaß mein leben wirdig lich behalt vñ den engel gottes be sehe Nach dem kamen sy zu urbano der ward von hertzen fro vñ tauffet Tiburcium darnach sach er oft den engel gots. die lieb sant Cecilia vñ valerianus lebten keüschlich vñ in vil tugenden vñ tiburcius auch mit in vñ die Cristen die man ertöt die begruben sy vñ gaben jr güt ar men leüten durch got do ward Al machius innen das sy die todten be gruben das thet jm zorn vnd griff sy doch nit gern an wann sy waren edel Do bracht man sy für in. sprach er zu inen in zorn. warumb vergra bend jr die verdampfen die wir ge tödt haben. Ir müßend vnsern göt tern opffern vnd wölt jr das nitt thun so wirt es eüch gereüwen. do sprachen sy. Es ist billich das wir vnserm got opffern alltag. do war de Almachius gar zornig vñ hyef sy in den kercker legen vnd befalch sy ainem ritter hyef Maximus. der sprach zu in. Ir edln jüngling mich nimpt wunder das jr mit freüden in den kercker gand vnd doch wol

cecilia

wissen das jr darnach sterben müß send. Do sprach Valerius. wöltest du glaubn was freüd got den gibt nach disem leben du littest hie auch geren vñ saget jm als vil vom cri sten glauben dz er sich als bald tau fen ließ vñ alles sein gfind das thet der bapst urbanus. ¶ Do der mor gen kam das man sy tödten solt. do sprach cecilia Eya jr edlen ritter vñ kempfer Cristi. werffent von euch die werck der vinsternuß vñ legen an die waffen des liehta. do schlug man Tiburcio vnd Valeriano die häupter ab. do schwür Maximus das er jr selen sähe von in faren als die schön vnd wolgestalten junc frawen vñ die engel empfiengen sy vñ brachtñ sy in das ewig leben. do sprach Maximus Ich bin auch ain Crist. do das Almachius hort das thet jm zorn vñ hieß jm allen seinen leib mit grossen bleyen kniteln schla hen bis er starb do für sein seel zu den ewign freüden. do begrub sant Cecilia die hailgen leichnā all drey nun west d böß vogt wol das die zwen brüder vil güts het tñ gehabt darüm hieß er ceciliā für in bringn vnd do sy für in kame do sprach er. man soll sy für die abgötter bringn vñnd das sy die anbet oder sy müß sterben. do spottet sy der abgötter. da was gar vil menschn vñ sy laid vñnd waineten vmb sy das sy all schön edel vñnd reich was. do thet got grosse genad mit jr vnd sprach zu inen. Ir söllend vmb nichten nitt waynen jr söllend fro sein das ich

eüch allen angeficht hab. Es ist nit ain wunder das ich also jung stirb Ich kum zü got da wird ich nymer alt. ich gib ain schwachen leib vmb das hymlich gemach. vñ saget den leuten von cristenlichem glauben vil das sy gelaubig wurden. Vnd sprach weyter zü jnen. Gelaubent ir diser red die ich eüch gesagt hab. do sprachñ sy all gemaincklich Wir ge laubñ daz cristus ain warer got ist der alle ding vermag. Vnd santen all nach sant vrbano das er sy tauf set vnd sy cristen glauben leret. also leret er sy. Vnd tauffet wol vier hundert menschen. Nun höret der vogt vnd vernam das sy als vil zü chriſten glauben bracht het. do war de er gar zornig vnd hieß sy für in bringen vnd sprach. Sag an was ist dein leben. do sprach sy vnd redt also. Ich bin von geburt edel. do sprach er. darnach frag ich mit nichten. sunder ich frag nach deinem glauben. Do sprach sant Cecilia. dein frag ist ain affenhait. do sprach er. Was macht dich als kün. do sprach sy. Ich glaub an got der gibt kraft vnd ainen raynen müt das ich nitt verzag an jm. wann er ist mit mir. Do sprach er wayßt du nit das ich gewalt hab über dich. do antwort sy jm. Dein gewalt ist vngewiß vñ zerget als der wind vnd wirt dir daruon der ewig tod. Do nam in wunder von der red das sy jm als weißlich antwurten kund. Do sprach er zü ir. Du solt den abgöttern opffern das will ich von dir haben

do sprach sy. du bist mit schönen augē blind. wā du hast für got holz vnd stayn. do ward er zornig vnd hieß bald ain siedens wasser machen vñ hieß sant Ceciliam darein setzen. Do saß sy ain gantze nacht darin vnd lobet got der halffe ir das sy saß als in ainem kühlen tauw. Vñ do ward er gar zornig vnd hieß ir das haubt ab schlagen. Do empfah he sy ir seel dem allmächtigen gott. Do gab man ir dreyszig schloß dan noch lebet sy von der genade gottes. do was verboten das man ir kainen schlag mer dorſt thun. vnd giengen von ir vnd ließen sy da für tod ligen. do kame Urbanus zü ir. do sprach sy. Lieber vatter was ich gūts habe das solt du den armen menschn geben. vnd solt mein hauß zü ainer kirchen machen gott zü lob vnd zü eeren. Vnd solt darüber gewaltig sein. vnd laß dir die armen cristen beuolhen sein. Darnach star be sy an dem dritten tag sältlich vñ für ir seel zü den ewigen freuden. Nun bitten wir die hailigenn juncfrawen sant Ceciliam. das sy vns wöll vmb got erwerben besse rung vnſers lebens. vnd das wir nach disem zergänclichen leben besitzen das ewig leben Amen.

¶ Von sant Clemens.



Sant Clemens ist geboren von Rom von edlem geschlecht. vñ sein vatter hieß Faustinus vñ sein mütter madiana. die hetten drey sün der ain hieß Clemens der ander Faustinus. der drit Faustus. Vñ ir mütter was gar ain schöne fraw. darumb was ir ires mans brüder hold vñ bat oft das sy bey jm lāg. des wolt sy nit thūn vñ was ir ain groß leyden das er ir als fast darüb anlag. vñ dorst es irn man nit sagen vñ gedacht ir. möcht ich meinem schwager entweichen bis jm die vngeordnete lieb vergieng. vñ trachtet ir ain lüg. vñ sprach zū dem man. Lieber heri ich byn betrübt. wann mir hat getraumt es sprāch ainr zū mir du solt die stat bald raumen mit deinen zwai en kindē faustinus vñ faustus. vñ far als lang in fremde land bis das ich dich herwider haif kō-

men. vñ tūst du daz nit so möchtest du von deinen sūnen sterben dauon bit ich dich lieber heri daz du mir erlaubest daz ich far. do erschrack der heri gar ser vñ hieß sy da über mōr faren in die stat Athenis vñ gewan da ain schiff vñ auch gūt gelayt. Do für die fraw mit den zwai en sūnen hin. vñ den driten sant Clemens ließ sy bey dem vater der was fünf jar alt Do was die fraw gar fro das sy von irem schwager kōmen was. vñ do sy nun auff dem wasser schiften. do kā ain grosser sturmwind. der stieß das schiff als ser das es von ainander brach vñ das der leüt gar vil ertruncken. vñ die fraw genas von den genaden gotes. wan das wasser trüg sy em bor. Do het die fraw groß laid vñ ire kinder. vñ schlug ire bayd hend an ain stain vor grosser betrübnuß Do trösten sy die leüt gar ser die da waren. Do sprach ain junge fraw zū ir. gehab dich wol wan wir müssen hie leidn durch die ewigē freud Ich het ainen man der mich lieb het vñ ich in auch. der ertranc mir in dem mōr. do geschach mir also layd daz ich kainn nymermer nemen wil vñ will mich mit arbeiten ernerren.

Darnach für die jung fraw madiana mit ir haim vñ arbeitn bald mit iren hendn vmb ir narüg. aber madiana het ir hend erschlagē daz sy ir erlamten. doch half ir die jung fraw mit ir hyn. Darnach gewan die wittib ain grosse sucht das sy auß dem beth nitt mocht vñ mocht

auch nit arbeiten. Do gieng madiana von hauf zu hauf vnd betlet in das brot. vñ do sy nun ain jar was auß gewesen. do sendet Faustinus boten auß das sy besehen wie es ir gieng. vnd den künden: der boten saget kainer nichts herwider. Do sendet er ander botten auß. die waren lang auß. Do nun die botten haym kamen. do sprachen sy. es waist nye mant von deine frawen. noch von deinen künden nichts zusagen. das was im gar laid vñ gedacht im. ich will mein frawen vñ meine kind selber suchen vñ beualch seinen sun clemens vñ gab sein güt seinen freunden vnd bat sy das sy in das lieffen bevolhen sein vñ für auß vnd wolt sy suchen vñ do er auß daz mör kam do ward ain groß vngestümigkeit in dem möre vñ schlug in der wind als ver: das er nit hinwider kame. ¶ Nun was sant Clemens. xx. jare alt worden das er nye nichts höret weder von vatter noch von müter noch von brüdn. vñ was dannocht ain haid vnd lernet die haydnisch kunst als wol das man in ain mayster hieß. doch het er in seiner kunst das die seel vntödtlich wäre. Dar nach kam Barnabas gen Rom vñ prediget cristen glauben. do sprach Clemens zu im. bist du ain maister. so bericht mich. Warumb hatt die muck sechs füß vñ zwen flügel damit sy gar weyt mag fliegen vñ ist klain. vnd der groß helfant hat vier bain vñ ain flügel. warumb zwai ent sy sich. das thut das jnen die na-

tur gibt. Do sprang Barnabas zu im. Es ist billich das ir das nit wisent. seyt das ir nit rechten gelaubn habt an gott der mit allem gewalt alle ding wol vermag vnd die creaturen hat geordnet auff sein lob vñ das ir die creaturen groß vnd klain nit bekennen bekantent ir aber den schöpffer. so bekanten ir auch die geschöpff gottes. vnd saget im so vil von cristenliche glauben bis er sich zu got köret. vñ thet sich des zeitlichen gütz ab vñ der haydnisch kunst vnd kam zu dem zwölfften peter vnd warde sein junger. Do sprach sant peter was glauben seine freunde hetten. do sprach Clemens. mein müter vñ mein brüder seind in dem mör ertruncken vnd seind tod. das was sant Peter gar layd. ¶ Nun het symon der zaubrer zwen junger aquilla vnd niser die wurden innen das ir maister ain gauckler was. do wolten sy nit mer bey im sein vnd kamen auch zu sant peter vñ Clemens durch predigens willen. vñ kamen von geschicht in die innsel da Madiana inn was. da sach sant Peter grosse glöser in seülen des verwundert in seer. do kame sant Clemens müter zu Clemens vnd bat in vmb ain almüsen. vñ het ain großen leib er sprach zu ir. du soltest arbayten. wan du hast ainen starcken leib. do schämet sy sich gar ser vnd sprach. ich hab nit krafft in meinen henden vnd waynet vnd sprach. ich wolt daz ich mich ertrenckt het. do sprach sant peter waist du nit wer sich selb

Von sant

tödt. daz er ewig pein hat. sprach sy weßt ich fürwar das ain ander leben nach disem leben wär. ich wolt mich selb tödten darüb das ich meine kind sähe die mir ertruncken sind vñ saget alles das ir vñ iren kinden geschehen was. antwurt Petrus ich hab ainen junger der saget wie du. der haist Clemens. do ward ir hertz bewegt vor grossen freuden. vnd viel waynend für sant Petter vñ sprach. Saig mir mein liebs kind antwurt sant peter. er ist in ainem schiff nayg dich nit gegen jm so wil ich dich zü jm bringñ. das gelobt sy jm. do füret er sy zum schiff do freu wet sy sich ser das sy die gelübt nit volbracht vñ umbfieng ir liebs kinde mit freudñ. do stieß er sy von jm vnd sprach. Wer hat die thoroten frawē zü mir bracht. antwurt sant peter. stoß dein müter nit vō dir. do erkant er sy bald. do waynten sy beide vor freudñ. do macht petrus die frawen gesund. Do sprach sy lieber sun wie gehabt sich dein vatter. do sprach er. ich glaub er sey tod. do er seuffzet sy vnd was ir layd. do kamen die zwen dar aquila vnd niser die wunderten was die fraw mitt sant peter redet. Antwurt Clemens Ich hab mein liebe müter funden. Darnach saget sant peter alle ding von der müter vnd den kinden. wie sy verloren het ir sun faustū vñ faustinū. vñ do wurden sy fro vñ sprachen. Wir sein die selben zwen sün antwurt die müter frölichñ wie kamen ir von dem zerbrochñ schiff. do

Clemens

sprachen sy. wir behiengñ an ainem bret. do hulffen vns die leüt darauf vñ verwandelten vnser namen vñ gaben vns ainer reichen frawen zu kauffen die zoch vnser an ir Kindes stat. darnach wurden wir symonis des zauberers junger. vnd do wir wurden innen das er ain gauckler was. do kamē wir zü sant peter vñ seind sein junger vñ beeten. do kam ain alter man darzū vñ sprach. war umb beeten ir. ir beeten vmb sunst vnd rüfft ain got an ob er eüch helfen möcht daz ist nit. es hat nyeman mer gelück dan jm beschert ist do sahe in Clemens vast an wañ in gedaucht er het in vor mer gesehen. do disputirten sant peter vñ sein jünger mit dem alten man vñ sprachñ. vns hatt got fünff synn geben darnach sollen wir vns richten. vñ vnder andern reden. do hieß aquila den alten man vater. darüb strafft in sein brüder niser. vñ sprach zü dē alten man hab es mir nit fürübel daz ich mein brüder darumb gestraft hab das er dich vater haist wañ wir sollen keinen vatter haissen der ains andern glaubens ist. do lacht sant peter vñ sprach. du hast dein brüder darumb gestraft das er den alten man vater hieß vñ du hast in selb vater ge haissen. do sprach er. ich hab es gethan on sein tün. Do sprach der alt man. Ich mag das nicht lassen ich muß glauben das es ain sälige zeit sey vnd ain vnsälige des bin ich innen wordñ. wañ ich was ain reich er man zü Rom vnd het ain schone

frawen. vnd schöne kind vnd was
 vns beschert das mein weyb in vn
 keüsch viel. vñ darnach in dem mör
 ertranck. wann mein brüder saget
 mir sy wölt bey jm gelegen sein do
 wolt ers nit thün do legt sy sich zū
 ainem knecht. darnach saget sy mir
 ainen traum biß sy sich von mir bra
 cht. vñ für mit zwayen kinden auff
 das mör vnd starb also. das macht
 die vnsälig zeit die des selben mals
 was wañ wär ain sälig zeit gewe
 sen so wär das nitt geschehen. Do
 das die brüder horten do horten sy
 wol das er ir vater was vnd wur
 den fro vñ wolten vmb jn gefallen
 sein. do wincket jn sant peter haim
 lich. vñ sprach zū dem alten man: ob
 ich dich dein frawen ließ sehen vnd
 deine kind wilt du dein falschen ge
 lauben lassen den du biß her gebrau
 cht hast. do sprach er. als wenig du
 mein weib vñ kind gezaygñ magst
 als wenig mag ich lassen mein ge
 lauben das ich sy die vnsälig zeit ge
 nomen hab Do sprach sant Petter.
 das du inen werdest das es der zyt
 schuld nitt sey das du nit betrogen
 bist. so sich wie got deine kind erzö
 gen hatt. sich das ist Clemens vnd
 Faustinus gebrüder. do wurden sy
 all fro. do sprach er waist nyeman
 wa die mütter sey. Do kam sy auch
 vñ sprach. weicht alle vñ laßt mich
 meinen lieben man sehen. vnd vmb
 fieng jn vñ sy alle ainander freünt
 lich. Vñ er ward auch zū cristem ge
 lauben befert. vñ volget auch sant
 peter nach. Do nun symon der zau

bier inen ward das Faustinus vñ
 seine kind cristen warn. das thet jm
 gar zoren vnd macht zauberey. also
 das faustinus jm gleich ward das
 thet er darumb das der kaiser gebo
 ten het man solt den zaubier tödten
 vñ mainet man solt jn für jn tödten
 vñ verbarg sich. Vñ do faustinus
 zū seinen kindñ haim kam do fluhet
 sy jn vñ wolten wänen es wär der
 zaubier. do weßt er nitt das er dem
 zaubier gleich was vñ wainet ser.
 Do kam sant Peter vñ kam jn wol
 vnd sprach zū den kinden. warumb
 fliecht ir eüern vater. Do sprachñ sy
 er hat des zaubiers antlüz. do spra
 ch er. herz wie ist mir geschehen. ich
 hab meine kind erst gesundñ die flie
 hen mich yetz. Nun het der zauberer
 sant Peter geren gesehen vñ sprach
 zū dem volck es wäre ain falscher
 man hie der wölt sy äffen. das weßt
 sant Peter wol vñ sprach zū fausti
 no. es hat der zaubier gemacht das
 mir das volck alles veind ist vñ sp
 richt ich sey ain verkerer. vñ darüb
 solt du dem volck predign vnd solt
 es alles wider reden vnd sprechen
 das er geredt hat. vñ sprich Jesus
 cristus sey der war gottes sun vnd
 thū als ob du der zaubier seiest. das
 thet er. vñ kam vil volck an sein pre
 dig die der zauberer vor an sich het
 gezogen. do sprach faustinus. was
 ich eüch gelert hab das ist alles erlo
 gen. vñ wolt eüch damit betrogen
 haben. vñ was ich auff den knecht
 gottes geredt hab das er ain trüg
 ner sey das ist alles gelogen vñ reit

Anton

mich. vñ was er euch leret das solt ir halten. vnd solt im volgen. wann das ist das best vñ tüt das best. vñ thüt ir das nit so müssen ir vil dar umb leyden. vnd kam ich her vñ wolt euch ain anders leren. so sollen ir wissen das ich thorot bin vñ solt mich mit schanden auß der stat treiben. wann petro volget nach. Der red wurden vil menschen fro die in lieb hetten vnd sandten nach im do prediget er sy solten die abgötter lassen vñ solten an Jesum glauben daz thetten sy. Do sprach er sein gebeet zu got. do ward faustino sein recht gestalt wider. ¶ Darnach saget man dem zauberer symon das. das volck gemainlich sant Peter nachfolget. do kam er vnd sprach. Ich habe euch lang vor petro gewarnet so volgent ir doch seiner falschen ler das solt ir nymer thun. wann ir seyt damit betrogen. do schryen weib vñ man. du falscher böser man nun warst du neulich hie vñ sprachest sein ler war gerecht vnd gut. wir wollen deiner thohait nymer warten. vnd stießen in zorniglich auß der stat. darnach kam sant Peter gen Rom vnd wuest wol daz er sterben solt. Vnd macht zu bapst an seiner stat sant Clemens daz er der cristen hait vor war. vnd do nun sant Peter starb do besaß er den stül nach im. ix. jar. Doch wolt er nitt bapst sein gewesen darumb das es nit zu ainer gewonhait kam das die bapste ir freünd ainen vor irem tode zu bapst machen. do wolt in das volck

Clemens

nun habn zu bapst. do lebt er als tugentlich das in cristen hayden vnd juden lieb hetten. vñ horten sein predig geren. wann er redet süßiglich das in die menschen gern horten vñ wenn er ain mensch od ain kind taufte so pflager er sein hernach als lieplich als ain vater seiner kind. ¶ Zu der zeit lebet Domicilla die juncfraw die lert er daz sy durch got keusch be lyb des volgt sy im vñ enpfienge den seggen von im. vñ er erwölet sy zu ainer nünen. Nun was ain man in derselbe stat der hieß Sifinius der het ain tugentliche frawen die hieß theodora die beköret sant clemens auch zu cristen glauben. do das der man inen ward. do erschrack er vñ erzürnet. vnd gieng heimlich zu der kirchen vnd maynt er wolt sein frawen tödten. do in clemens sach do mercket er wol das er zürnet vnd rüft an cristum. do ward sifinius taub vñ blind vnd sprach zu seinem knecht. Ich hör noch sich nicht. do wolten sy in herauf geführt haben do funde sy der tür nit Do sprach theodora ir gebeet zu got vnd sprach. fürent in heim in vnser hauf. do funden sy die thür vñ fürten in heim. Do bat theodora sant Clemens das er mitt ir haym gang vnd ir iren man wider gesehent vnd gehörend macht. das thet er. do wolt er nit glauben vnd sprach. Sehendt wunder wie der böß man Clemens mit zaubernuß mich vnd mein weyb verwandlen kan vñ zürnt. vñ hieß in an ain saul binden. do bunden die knecht steyn

vñ holz an die saul die an dem berg lag. vñ maynten sy bunden sant Clemens vñ die würdige pfaff hait. do sprach sant clemens zu sifinio. Nun secht wie groß gricht über üch geet ir habt stain vñd holz für got das habt ir gefangen für mich. do wolt sifinius wänen man züge in vñ die pfaffen mit saylen. vñ sprach zu im. Ich hab dich gefangē. vñ wil dich tödten das ich vñd mein weyb frid vor dir haben. Do sprach clemens zu Theodora. du solt got mit ernst für dein man bitten das er in beker das thet sy. do erschyn ir sant Peter an irn gebeet vñ sprach zu ir. frau gehab dich wol dein man wirt bekert. damit verschwand er. do sant sifinius nach seiner frauen vñ sprach zu ir. Ich byn biß her betrogen gewesen an falscher leer. darüb bit für mich wā ich glaub an Jesum cristum. vñd will mich lassen tauffen. Do sendet sy nach sant clemens vñ ward fro vñd sagt vil von got vñ taufft in. vñ dreihundert menschen mit im. daz thet den römern zoren. vñ der kaiser sagt ain vogt der hieß clemens vāhen vñd sprach. er solt den abgöttern opfern. daz wolt er nit thū. do versandt er in in die stat cersona in die insel. do füren vil cristen mit im. do maynten die rōmer sy solten da sterbē. vñ do sy in die statt kamen. do funden sy zwen getauft cristen die wurden ir gar fro vñd eerten in vñ giengen gegen im vñd was in layd das man sy vertriben het. Do sprach sant Clemens.

Lieben brüder ir solt euch wol haben wā vnser herz cristus hat mich zu euch gesandt das ich mit euch leyd. das sollen wir gern thū. Do klagten sy in sy heten nit wasser by in. vñ müßten es sechs meyl auf irn rucken tragen vñ wurd in das wasser gar saur. Do sprach er zu in Lieben brüder wir sollen got bitten daz er vns fürsehe wā er laßt seine diener nit. Do knieten sy all nyder vñd beeten mit andacht. Nun thet got groß wunder vmb seiner lieben diener willen. wann es kam ain lamb vñ zaygt in ain stat mit dem rechten fuß. das sach nyeman dan clemens vñ sprach also. Grab da ein in dem namen des vaters vñ des suns vñ des hailgen gaists. do gruben sy in die erden. vñ fundē doch kain wasser. wā got wolt sant clemens die eer lassen do grub sant Clemens ein da in daz lamb gezaigt het. zuhand kam ain wasser vñd ain reicher vrsprung. do wurden sy gar fro. vñd danckten got. vñ ließen sich des selben tags wol fünfhundert menschen tauffen von sant clemens leer vñ von dem grossen zaichen. vñ zerbrachen der abgötter tempel vñ bauten lxxv. kirchen vnserm herren zu lob. vñd dienten im mit fleiß. Darnach über. iij. jar sendt der kaiser trianus ain hertzogē auß. das er all die solt tödten die an cristū gelaubten. der vieng sant clemens vñ hieß im ain stain an sein halb hengen vñd hieß in in daz mör werffen vñ ertrecken do für sein sel zu den ewigen freude

Von sant

do was sein jüngern gar laid vmb
in das sy in verlorn hetten vnd bat
ten gott mitt ernst das er sy weyset
wa sein hailiger leichnam war. do
sahen sy das das mör entwich das
nun blosser sand da was. vnd fun-
den das die engel ain schöneen mar-
melsteynin tempel hetten gemacht.
vnd ain schönen sarch. darinn lag
der hailig leichnā sant Clemens vñ
der stain der im an dem halß gebun-
den was. do wolten in sein junger
an ain andere stat gefürt habñ. do
ward inen von gott kundt gethan
das sy in da liessen in der wonung
die im got gemacht het vñ die liebñ
engel. do liessen sy in da vnd danc-
ten gott seiner genaden. Darnach
gieng das wasser alle jare dannen
auff sant Clemens tag vnd belib si-
ben tag trucken das die menschn zū
der kirch mochten geen vnd got vñ
den lieben hailigen eeren. ¶ Aines
mals gieng ein frau zū sant Cle-
mens mit irem kind vnd an dem si-
benden tag ward das wasser fließ-
sen vnd gieng wider zūsamen. do
fluhē die leüt bald vnd vergaß ir-
es kinds. vnd do sy herauf kam. do
gedacht sy an ir kindt do was es ir
layd vñ lügt vmb ob sy ir kind nien-
dert säch schwymen. do sach sy sein
nit. do hett sy layd vmb ir kind ain
gantz jare. vnd do das wasser hyn
gieng. Do gieng die frau mitt den
cristen zū sant Clemens zū dem erst-
en. vnd fand ir kind schlaffen ligen
do gedacht sy es war tod. vñ griff
es an. do stünd es auff wol gesund

Clemens

do ward sy fro vnd dancet got vñ
fraget dz kind wer sein pflegen het
das es nit tod wäre. do sprach das
kind. mich dunckt ich sey nur ain na-
cht hieinn gelegen anderß weiß ich
nit. do sagt die frau das groß zay-
chen. do wurden sy fro vñ danceten
got vnd sant Clemens. ¶ Es was
ain priester hieß Philosophus. der
laß von sant clemens hailigen lebñ
der kam darnach in die stat cersona
vnd bat die menschn das sy im wei-
seten wa sant Clemens begraben
läge vnd wa das wasser von dan-
nen gieng. Nun was es auß der ge-
wonhait kommen. das daz wasser
nit mer von dānen gieng wan das
volck was sündig wordñ das got
verhengt über sy das die haidñ dar-
kamen vnd der cristen vil hetten ge-
tödt. do machet er mit den psaffen
gar ain schöne proceß. vnd giengen
all zū dem mör auff das gestad vñ
baten vnsern herren mit grosser an-
dacht vmb sant Clemens leichnam
do erhöret sy got. vnd in ward ain
stat gewaiset. da gruben sy ein vnd
funden den leichnam. vnd den stain
der im an den halß was gebunden.
do wurden sy fro vñ danceten sant
Clemens der genaden. vnd namen
den hayligen leychnam mit grossen
freuden vñ fürten in gen Rom. do
geschahen vil zaichen vnd wunder
Nun bitten wir den lieben hailigen
das er vns erwerbe vmb got nach
disem leben das ewig leben Amen.

¶ Von sant Crisogono.



Sant Crisogonus was ain cristen vnd het got lieb vnd dienet im mit fleiß tag vnd nacht. mit vil beeten. vasten. wachen vnd mit ander güter übung. **Z**u den zeiten was Dyoclecianus kayser der ächtet die cristen gar ser vñ vieng sy vnd tödtet sy waer sy an kam vñ sieng sant Crisogonū auch. darnach hort der kayser von seiner hailigkait vñ sendet nach im vnd sprach. wilt du die abgötter anbeten so solt du vnser rat sein. vnd solt richter über das land sein. vñ wirst in grosse eer vnd wurdigkait gesetzt. do sprach er. Ich glaube an den warn allmechtigh got dem will ich allzeit opffern. vñ wil deinen göttern nit opffern. wañ sy seind vol des bösen gaists. vñ seind vol traurigkayt oder trugenhayt. darumb will ich ir eer allzeit schmechen wa ich zu in kan kommen. Do ward der kayser zornig vnd hiefs

im ab schlagen das haubt. do für sein sel zu den ewigh freuden. **D**a der zeit waren drey gut frawen vñ ain priester der hiefs Zoilus. vñ waren cristen. den was layd vmb Crisogonum. vnd füren vmb den leichnam. vñ brachten in zu zoilus hauf vnd begruben in mit andacht darinn. Darnach über vil jare zayget gott den priestern ain statt da hett das möre sant Crisogonus haubet auß geworffen. do funden sy es. vñ wurden des gar fro. Do was es dannoch als frisch als ob man im es erst des selben tags het ab geschlagen. vñ legten das haubt zu dem leichnam. Darnach kam sant Crisogonus zu dem priester Zoilo vnd sprach zu im. Es wirt der kayser die drey frawen schier vahn vñ wirt sy darnach tödten darumb das sy den abgöttern nitt opffern wollen. du bist aber ain alter man vnd stirbest sunst vnd komnest zu den ewigen freuden. do erwachet er vnd saget das den frawen. do empfalhen sy sich dem allmechtigh got vnd in dreissig tagen. do vieng der kayser die drey frawen vnd tödtet sy vmb cristen gelaubens willen. vnd der priester starb auch in dreissig tagen vnd füren ire seelen zu den ewigen freuden. Nun bitten wir den hailigen sant Crisogonum das er vns vmb got erwerb vnser seel vñ des leybs saligkait vñ nach disem leben das ewig leben amen.

Von sant Katherina



Es was ain edler reicher künig in Cipper land in der insel in ainer statt die hieß Solomina. der hieß costus. 8 het ain tochter die heiß katherina. die was schön vñ weiß vñ keusch vñ tugentlich. vñ do sy bey sechs jaren was do liefs man sy zū schül geen. do lernet sy gar wol vñ do sy als klüg was in der kunst do ward sy auch volkōmen darin das man ir gleichen nyendert fand. vñ man hieß sy ain bewārte maisterin in den siben höchsten künsten. vñ do sy zū. xiiij. jarn kam. zū den zeytten was maxencius kaiser in der friechen land. der sendet irem vater brieff vñ batt in das er zū im kāme. Do nam der künig sein frawen vñ sein tochter mit im vñ für erlich zū dem kaiser in Alexandria. Do empfieng man sy wol vñ begabet sy mit grosser gab. Do belyb der künig etman vil zeit bey dem kaiser. vñ für dar-

nach wider haym vñ ward siech vñ starb. Do ward nun die künigin vñ die tochter seer betrübt. do gedacht der kaiser oft an sant Katherina das sy als schön edel vñ reich was. vñ batt die künigin das sy ir tochter seym sun zū der ee gāb. das sagt sy der tochter vñ sprach sy solt iren willen darzū geben. Do sahe sant Katherina in ainen spiegel. vñ do sy sach das sy als überflüssig schön was. do sprach sy ich sich wol das ich schöner bin dan alle juncfrawen in Alexandria. darumb wil ich kainen man nemen. er hab dann vier ding an im. das er als edel vñ als schön vñ als weiß vñ reich sey als ich vñ sprach. Die vier ding fünd ich an des kaisers sun nit. Er fürtrifft mich am adel. so fürtriffe ich in an der schöne vñ an der weißheit. Do die mütter das hort. ward sy gar seer betrübt vñ vorcht sy müste des kaisers unhuld haben. Nun was ain herre nahendt darbey der merckt das die künigin traurig was der fragt sy warumb sy so betrübt wär. do sprach sy. Es hat der kaiser seinem sun vmb mein tochter geworben des will sy nit. nun fürchte ich er werd das an vns rechen. do sprach er. ich rat dir das du zū dem ainsidel in den waldt farest. der ist ain güter man was er dir rath das solt du thū. do für die künigin vñ die tochter zū im. vñ sagt im ir betrübnuß. Do saget er ir künfftige ding die von der gnad des hailighn gaists er wol gesagen kund. Auch

Das got besunder gnad mit sant katherina wolt wirckn. do sagt sy jm das sy kainen man wolt. er wäre dan begabt mit den vier gaben. schön. weisheit. reichthumb vnd adel. Do sprach der ainsidel. wilt du glauben an vnsern herren jesum christum. vnd wilt jm mit fleiß dienen. vñ wirst getaufft so gewinnest du ain würdigen gemahel. der hat die vier gaben überflüssigklich an jm. Er ist der aller weisest wann er hat den hymel vnd die erde mitt seiner weisheit geschöpfft vnd all ander geschöpffte. Er ist auch der edelst. wann er ist des obersten künigs sun vnd ist ewig vñ vntödtlich. Er ist auch der schönest wann sunn vnd mon wundern ab seiner schön. Vñ ist der reichest wann was in hymel vnd erde beschlossen ist des ist er gewaltiger herz vnd gott. den selben schatz mügen die dieb nit stelen. Do sprach sant Katherina. O wee wie ain sälige tochter wäre ich. möcht ich den gemahel zü mir bringen. dar nach bracht ir der ainsidel vnser frauen bild das hett ain kind an dem arm vnd sprach zü ir. du magst den gemahel nitt erwerben on die hilff seiner müter. darüb rüff die müter der gnaden andächtiglich an vnd dien ir mit beten vastn wachen vñ bit sy das sy dir helff das du den gemahel sehest des du begereest. Do ward sy enzündt mit grossem ernst vnd gieng haym in ir müter hauf vnd rüft Mariam an mit andacht vñ dienet ir mit beten vasten wach

en. vnd do sy sich ettlich tag geübet het. do ward sy in dem schlaf entzucket vñ sach vnser frauen vñ iren sun. der keret seinen minniglichn anplück von ir. das sy in nit sehen mocht. darumb ward sy betrübt wann sy het in geren gesehen. vnd bat vnser frauen mitt andacht das sy in sähe. des bat in vnser frau gütlich do wolt ers nit thun. vnd sprach sy wär jm nitt gleich an vier dingen. das was ir layd. vnd übt sich aber bas an gottes dienst vñ schlieff aines nachts. do kam vnser frau zü ir vñ sprach. du solt zü dem ainsidel geen vñ solt von jm getaufft werden vñ solt cristen glauben an dich nemen so laßt sich dan mein kind sehen. Do sy erwacht sagt sy ir müter was sy gesehen het vñ giengen mit ainand zü dem ainsidel vñ empfiengen den tauff von jm vñ beeten. vñ füren frölich wider haim vñ dienet got emfigklich. vñ entschieff aber. Do erschyn ir vnser frau mit irem liebñ sun in küniglicher zierd. vnd klarheit. do sach sy sein antlüz so gar klärlich vñ minniglich. vñ redet mit ir von der gemahelschaft. vñ vermähelt sich ir vñ stieß ir ain klains vingerlin an vnd sprach. O mein liebe katherina. ich will mich dir in deinen gelaubñ gemeheln. vñ also erwachet sy vñ fand das vingerlin an der hand vñ erkant alles das da war was. das sy in dem schlaff gesehen het. vnd dienet da irem gemahel mitt besunderm fleiß vnd ließ die haydnischñ gewonhait vñ

Im etwem

Von Sant

die abgötter vñ hüt sich vor hoffart vnd vor vnkeüsch. vñ vor aller vntugend vñ was mit dem band göttlicher lieb vermähelt in ainem rechten glauben. do starb ir müter do richt sy ir land weiflich auß. vnd verkaufft alles ir güt. vñ behielt ir nur ain notturft. ¶ In der zeit het mar encius gebotten das das volck gemeinlich den abgöttern solt opfern vñ waren in den tempel komen mit grossem geschelle. das hort sant katherina auf irn palast. wan der tempel stünd ir nit ver. do fragt sy waz das geschray wäre. do sagt man ir der kaiser het geboten daz sy den abgöttern müßten all opffern. do erschack sy ser vñ nam ires gesinds ain tayl mit ir. vnd macht ain kreütz für sich. vñ bezaichnet sich mit dem zaychen des hailigen kreütz. vñ empfah sie sich got vñ seiner müter vñ gieng in den tempel. man wick ir vast auß dem weg. do trat sy künlich für den kaiser marencium. do er bey den abgöttern saß vnd sprach. Es zäme deiner ere vnd würdigkait wol daz ich dir eer vñ zucht erbut wan dein hertz als güt wär das du got dienst vnd erkantest. so ertest du die abgötter das seind die bösen gäist den dienst du Du bist ain haubt on lob du solt wissen das es dein gewalt wol zäme. so hast du das volck her geladen zü ainer abenteür. wilt du deinen syn zü gutem keren. so sich an vnd nym war wie got alle ding vermag. vñ sich an wie er alle ding geordnet hat. sunn vnd mon vnd die

katherina

stern. den hymel vñ das firmament vnd die planeten leuchtent vmb vñ vmb vnd stond nit still. vnd das wasser vnd die erd. vñ wie das geweret hatt von anbegynn bis her. den herren vnd got solt du anbeeten vnd solt in eeren. vnd sagt im souil vor das er ir nit antworten kunde. Vñ do der abgötter opffer volbracht ward do sprach er zü ir. was geschlechts bist du. dein wolgestaltet antlütze bezeüget das du gar hoch geboren bist. do sprach sy. Ich byncostus des künigs tochter. vñ mein müter was ain künigin. doch so ist nyemandt edel dan der der tugentlich ist vñnd auch adelich geboren. Do hieß er die juncckfrawen behalten. vnd sendet überal boten auß in die lande nach den aller weysesten die waren. do kamen ir fünffzig die waren wol geleret in ir kunst. Do ward der kaiser fro. vnd hoffer die maister brächten sy von irem vnglauben vñ sprach zü jnen Es ist ain juncckfraw hie die spricht vnser götter seyen böß gayst vnd gelaubt an ainen got. Nun sehent mügent ir sy bringenn von irem vnglauben. so will ich euch reichen sold geben. do sprach ainer. wie ist dem daz du als vil mayster gesamelt hast durch iren willen; das der aller mynnst der vnder vns ist wol gericht vnd bekeret hett. Am abent do saget man sant Katherina die mayster wölten mit ir disputieren. Do gieng sy an ir gebeet vnd sprach also O götliche weifhait stand mir heütt bey

wann ich hab dich allzeit lieb gehabt
 Gib deine wort in mein mund das
 ich das best red wann ich vermag
 von mir selber nichtz vñ gib den die
 wider mich seind das sy gelaubig
 wörden. do erschien ir der engel sant
 michel sprach zū ir. hab künen müt
 wann got wil dir helffen fechten vñ
 gesigñ vñ die mayster wörden all be
 kert vñ gemartert. do ward sant ka
 therina fro vñ danckt got seiner ge
 naden. vñ do die zeit kam das sy zū
 den maistern geen solt. do thet sy dz
 hailig kreütz für sich an ir stirn vñd
 sprach zū den maistern. Die prophe
 ten vñ weissagen haben vor weiß
 gesagt von vnserm herren jesu daz
 er mensch worden ist vñ erstanden
 ist vñ ist in den hymel gefaren. vñd
 bewärt cristen glauben als wol in
 der alten vñ neuen ee. daz ir die mai
 ster kein antwort kunden geben vñ
 sprach ainer zū dem kayser: Es sey
 dann das du vnsern glauben bas
 mügest bewären dan er vns vor be
 wärt ist. anders wir keren vns all
 zū cristo von dē vns die juncfraw
 sagt. wann er gefelt vns wol zū ai
 nem got. do war sy gar fro. vñ der
 kaiser tobet vor zorn vñ sprach. wie
 find ir so toat worden das ir eüch
 ain junge juncfrawen über reden
 laßt. vñd hieß mitten in die stat ain
 groß feür machen vñ hieß die may
 ster darinn verbrenen Do sprachen
 die mayster zū sant Katherina. du
 edle gottes prant sollen wir nit ge
 tauft werden das ist vns gar laid
 do sprach sy. ir edlen kempffer cristi

eüwer blüt sol eüch wol tauften in
 dem feür da werdent ir getauft.
 seind nur starck an dem glauben
 gots nach disem wee geet die ewig
 freud. Do thet yeglicher mayster
 das hailig kreütz für sich vñ gieng
 frölich zū dem feür. do warff man
 sy all in das feür. do thet got ain
 groß wunder mit in. wann er nam
 ir sel von in das in nye kein har ver
 sert ward. noch ir leyb. noch ir ge
 wand. do füren ir seelen zū den ewi
 gen freuden. vñd ir antlütz schynen
 recht als die rosen Von disem zay
 chen wurden vil menschen bekeret.
 vñd die fünffzig mayster wurden
 haymlich begrabñ. darnach bracht
 man sant Katherina für den kayser.
 der sprach zū ir. O du schöne magt
 schon deiner jugent. laß deinen vn
 glauben so will ich ain bilde nach
 deiner gestalt lassen machen vñ die
 leüt müssen dich anbeeten vñd solt
 nach meiner künigin die gewalti
 gest sein. Do redet sy sprechend. die
 wort seind ganz verlorn. ich habe
 mir Jesum cristum außerwölt den
 waren gotes sun. den will ich zū ai
 nem gemahel haben dem habe ich
 mein leben ergeben. do ward der kai
 ser zornig vñ hieß sy abziehn. vñd
 ward an ain saul gebūdñ vñ schlü
 gen sy ser mit gertten vñd mit gais
 len das das blüt von ir rane vñd
 flos. vñd hieß sy in ainen kercker le
 gen. do warff man sy in ainen vin
 sterer kercker darinnen lage sy bis
 an den zwölfften tage also daz
 man ir da weder zū essenn noch zū

Von laut

trinken gab. do begabet sy got. vñ gab ir alle tag ain weisse taub von hymel die bracht ir züessen. vñ die engel kamen zü ir vñ trösteten sy mit grosser klarhait das die hütler dauo erschrecken. ¶ Zü der zeit müßt der kaiser auß reyten. do gieng die künigin zü porphirio der ir hüt vñ sprach zü im Laß mich in den kercker zü katherina. ich hab in dem traum durch sy gelitten. Do gieng er mit ir in den kercker. do sahen sy vil schöner engel bey ir die hetten ir die wunden vñ schleg gehailt mit der hymelischen salb. do schmeckten sy ain güten geschmack dauon wurden sy starck vñ sahen auch alt herren bey ir sitzen der antlitz schyn als die sunn. Do sprach sant katherina zü der künigin vñ zü porphirio. fründ nemptwar got hat üch erwölt das ir eüer blüt durch in vergiessent. vñ sagt in so vil von cristenem glauben das sy befert wurden. es stünden auch engel die hetten schön kronen auß. do nam sant katherina der kronen aine vñ satz sy der künigin auff vñ sprach zü ir. Du solt dich freuen wan über drey tag soltu mit grossen eeren gen hymel faren. vñ sterck auch porphiriu. vñ saget im von dem hymelischen lon biß daz er befert ward. do kam er zü den zwayhundert rittern vñ sagt in so vil von cristenlichem glauben das sy auch befert wurden. ¶ An dem zwölfften tag kam vnser herr selber zü ir mit ainer menig der engel vñ juncfrawen vñ tröstet sy minniglich vñ sprach. Liebe

katherina

tochter katherina du streytest durch mich deinen schöpffer vñnd erlöser biß stat vñnd fürcht dir nitt. ich will dich nymer lassen vñ alle die durch dich geläubig werden. der vil wirt vñ gab ir da sein hailigen fronleich nam vñnd sein rosenfarbes blüt mit seinen göttlichen henden. das was ain edle gab vñ was ain zaichn der grossen liebe die er zü ir het. Es soll nyeman daran zweyseln das ir got seinen hailigen leichnam gab. wan das sagt sy selber irem diener ainem haymlich der sagt es von der grossen gab die ir vnser herr thet das er ir seinen hailigen leichnam geben het. do ward sy ser getröst vñ het groß freud daruon. vñ dancket got mitt grosser andacht. do kam der kaiser wider vñ het sein sach gericht vñd hieß katherina für in bringen vñ sahe sy an. do was sy als schön als sy vor ye gewesen was vñnd nam in wunder das sy also schön was. vñ man ir doch wol in zwölff tagen nichts zü essen het geben. Er weßt aber nit das sy got versehn het mit der hymelischen speiß. Darnach sprach der kaiser zü ir. Du solt deinen glauben lassen. oder du müßt sterben vñd jämerlich gepeyniget werden auff scharffen redern. Der trawung achtet die lieb juncfraw nit vñ was stat an irem got. Do hieß der kaiser da dreü forchtsame reder machn. die waren mit schneydendn scharfsachen die solten da iren leybe allen durch schneyden. Vñ do sy die scharpffen reder ansah. do rüfft sy

sen reden ansach. do rüffe sy iren gemahel mit grosser andacht an vnd bat in das er ir zuhilff kām do erhört er sy. vñ kām ain grosser donerschlag vñ zerbrach die reder das sy zerfüren. vñ ertödt viertausent haiden do dancket sy got seiner gnadē do sprach die kaiserin zū irem man. wie lang wilt du wider den warn got fechtē. sichst du nit sein grossen gewalt. do hort er wol das sy ain cristin was. das was im layd vnd hieß ir die brüst abschneidē. do stieß man ir zwen eyßnin spieß durch ir brüst vñ wand sy vmb das sy ir her ab vielen. do het sy Jesum in irem hertzen vnd in irem müt. Darnach gebot der kaiser daz man ir daz haubt abschlög. Do sprach die kaiserin zū Katherina Bitt got das er mein seel empfach do sprach sy: Laß dir deinn leib durch got nemen so wirt dir heüt vmb ainen armen tod ain reiches leben. vñ got wirt dir geben heüt für ainen tödtlichen ain ewigē preütigam. do ward sy fro vnd sprach zū dem scherghē das er alles daz an ir thāt das er wolt. do schlugē man ir das haubt ab vñ ließ sy vor den hundē ligen. do für ir sel zū den ewigen freūdē. do nam porphirius iren leichnā by der nacht vñ begrüb in das sagt man dem kaiser man het die frawen begraben. do erzürnt er vñ wolt wissen wer es gethan het vnd vergoß vil vnschuldigs blütt darüb. vñ do das porphirius vernam sprach er zū dem kaiser. wilt du wissen wer daran schuldig ist. Ich

hüb sy mit meinn henden auff vnd begrüb sy. wā ich bin ain chriſt. do geschach im nye layder. vñ hieß im die zwaiahundert ritter bringen. vñ sprach zū in. Sagent mir wie euer herz an den vnrechten glauben kōmen sey. do sprachē sy vnser herz vñ wir haben ainen rechten glauben an vns genommen. vnd glauben an vnsern herin Jesum chriſtum wā er ist der war got. von dem wöllen wir nit kōmen was wir darüb leyden sollen. Do zürnt der kaiser vnd hieß die zwaiahundert ritter alle enthaubten. daz litten sy durch got. vñ füren ir selen zū den ewigen freūdē do gab in got der marter kron Darnach hieß er sant katherin für in bringen vnd sprach zū ir. das ich verloren hab mein weib vnd mein ritter all. das ist alles dein schuld. dauon will ich das man dir das haubt abschlach vñ do bracht man sy an die stat da man sy enthaubten wolt. do bat sy den scherghē das er ir da frist gāb biß das sy ir gebet sprach vnd das thet er. do hüb sy ire augen auf in den hymel vnd sprach. O herz jesu chriſte ain zierd vñ ain hail allen cristen. O gütiger jesu ain eer vnd ain hoffnung aller Juncckfrawen. ich sag dir genad vñ dancck das du mich auß erwölt hast. vnd das ich durch dein willen leyden soll. Vnd bitt dich dsa durch dein güt alle die menschen die mich anrufen. vnd mein martter eeren urch got das du denen zuhilff kommest in allen iren nöten. Do kame ain

Von sant

kün von himel die sprach kün mein
 liebe tochter vñ mein gemahel. des
 hymels thür steet dir offen. kün in
 das brautbeth deins gemahels. vñ
 die menschen die dein marter eeren
 vñ dich in nöten anrüssen den will
 ich kōmen zuhulf in allem leyden vñ
 do ward sy gar fro. vnd naygt dar
 ir kelen zū der erdñ. Do schläg man
 ir das haubt ab. vñ ir sel für zū den
 ewigen freuden. vnd zū irem gema
 hel Jesu cristo. da sy ymmer weren
 de freud vñ wun hat. do geschahñ
 zuhand zway grosse zaychen. Das
 erst zaychen das schöne milch von ir
 kelen flos vnd machet das erdtrich
 alles naß vnd feucht als ob es wär
 begossen. Das ander das die engel
 da waren vnd hūben iren leib hoch
 auff in die lufft. vnd fürten in auff
 den berge Synay. da gott Moysi
 die zehen gebot gab wann es was
 nyemandt würdig der die hayligen
 juncfrawen sant katherina begrüb
 dan die engel. darumb beraiten sy ir
 ain zierlichs grab in ainen marmel
 stain. vnd begruben sy würdiglich
 auff den berg Da sant katherina be
 graben ligt. da seind vil steyn vnd
 ist in ainem yegklichen stain ain zai
 chen als ain rüt. vnd wen man die
 stain auff ainander schlecht. als vil
 stuck auff dem stain werdent. so hat
 doch ain yegklichs stuck ain rütten.
 dass bedēitet die liebe in der sie die
 grossen schleg gedultigklich layd an
 der saul mit rüten. Die hailig juncf
 raw sant katherina die gab iren gai
 ste auff an ainem freytag. als vnser

Katherina

herz geborn ward. do man zalt nach
 cristi geburt. ccc. vnd. xv. jar Zū der
 zeit was Siluester bapst vnd max
 encius kayser bey dem ward sy ge
 martert Es geschahen auch vil zai
 chen auf dem berg da die hailig jun
 ckfraw ist begraben. vnd fleußt all
 tag auß irem grab öl. vnd von iren
 gelidern oder wa ires gebayns ist
 da tropffet öle auß. Der hailig die
 mer für über mōr mit andern bilge
 rin vñ kam an die stat da got gewe
 sen was vnd kam in die kirchen auf
 dem berg Sinai vñ sach das grab
 vnd den sarch sant Katherina. das
 was so adelich berayt von den en
 geln in ainen marmelsteyn vñ sch
 webet vñ was erhebt von dem erd
 trich. vñ sach das grab auß vnd zū
 tūn vñ sach das öl fließen. do gieng
 der bischoff mit im vnd beetet mit
 grosser andacht. Vnd der bischoff
 thet im das grab auff. vnd hieß in
 hinein sehen. do sach 8 lieb diemer
 ain schōns hailiges angesicht. vnd
 küßet es mit grosser andacht vñ be
 gird. vnd sach ire gelider an ainan
 der hangen vnd sach sy ob dem öle
 schwymen vnd sach das öl fließen
 von allen gelidern. als das wasser
 thūt fließen von den brunnen. Do
 fraget er wie ire gelider in die kirch
 en kōmen wär. do sagt man im Es
 wär ain ainsidel bey dem berg Sy
 nai der sach tag vnd nacht vil klar
 hait da. Wenn die menschen sant
 Katherina nit westen zū eeren. do
 eereten sy die engel vñ brachten
 brynnendt fergen an die stat da ir

hailiger leichnā was Do wundert den ainsidel was dz wār. vñ weſt nitt darumb vñ gieng herab in die kirchen die ligt an dem berg vñ ſaget dem biſchof von den münichn das geſicht das er täglich ſach. vñ zaiget in die ſtat vñ ſprach. da ſāhe er es vñ wurden gar fro. vñ gien gen andächtiglich mit dem ainsidel auff den berg. do funden ſy iren leichnam in dem ſarch. vñ weſten doch nit wes er was. vñ wunder- ten ſer wie er dar kōmen wār. vñ rüſten vnſern herin mit groſſer an dacht an. vñ baten das er in künd thāt wes der leichnā wār. do erhō ret ſy got vñ ſendet ain ainsidel dar den fürten die engel in den lüſſten. wol. xx. tagwayd von alexandria. da die lieb juncſfraw ſant katheri- na gemartert ward. biß zū dē berg ſynai. vñ der ſelb ainsidel ſaget in das es der hayligen juncſfrawen ſant katerina leichnā wār der wir- digen marterin. vñ er ſagt in auch das ſy in alexādia gemartert wār wordn. vñ auch das nyemand wir- dig wār der ſy begrüb. dan die hai- ligen engel die hetten ſy auf den ber- ge gebracht mit groſſem lobgeſang vñ mit ſaitenſpil. der biſchof ward fro vñ dancket got ſeiner genadn vñ kam alles gelaubig volck dar- zū. vñ namen da ſant katherinen leichnam. mit dem ſarch den die en- gel gemacht hetten. vñ trügen in in die kirchn. die da iſt auf dem ber- ge ſynai. vñ die münich die des gra- bes pflagen die ſagten dem hailigē

diener. daz vnſer heri vñ ſein liebe mütter maria noch oft vil leüten ſichtiglich erſcheinen. Es was ain münich in dem ſelbñ kloſter der wolt des öls von dem grab fürten. in ainem vāſlin. vñ kam damit in ain wüſt do kamen die ſchacher vñ rauber zū im. vñ namen im daz hai- lig öl vñ alles daz er het. vñ gien gen do von im vñ theten das vāſ- lin auff mit dem öl vñ verkaufften das ain tayl. do ward es als bald zū blüt. Vñ do ſy das groſſ wun- der ſahen. do namen ſy das vāſlin mit dem öl vñ was ſy im genomen hetten. vñ kamen wider zū im vñ baten in das er in des öls ain tayl gāb. das thet er. vñ thet das vāſ- lin auff. do geſchach aber ain groſſ wunder. das vor blüt was gewe- ſen das ward wider zū öl. do ſchye- den die ſchacher von dannen mitt ſchanden. Ain edel man was von der ſtat ſtopach. der wolt iren hai- ligen leichnam genomen haben vñ wolt in in ain andre kirchen haben gethan. vñ berait ſich darzū mit vil gefindes. do ſchläge ſy die göttlich krafft. vñ kam ain groſſer vñſter wind. das man kaum geſehen mo- cht. vñ groſſer erdbidem. der warf die groſſen berg vñ vellen nyder. das man es noch ſicht. Also rach got ſeinen gemahel ſant katharina do kam der ſelb edel man in die kir- chen da der hailig leychnam innen lag vñ gewan reü über ſein ſünd. vñ gelobet got vñ ſant katherina beſſerung. vñ gab den münichen

Von Sant

vnd zu der kirchen groß güt. Ains mals was ain gaistlicher man der het sant katherinā gar lieb. der furt ains mals tuch das gehort den münichen zu klaydern die ires grabes hüten vñ kam damit in ain stat. do kamen die rauber an in vnd namen im das tuch. Do klaget es der gütt man dem richter. in der selben zeyte verhänget got vnd sant katherina das die rauber erblindten vñ zitterten vnd bidmeten. vnd westen nit was in was. vñ wa sy hin wolten. Do gewunnen sy reu über ir sünde vnd gaben dem man sein tuch wiß do wurden sy gesehen vnd wurden gar fro. Es was ain offne sünderin die het sant katherinā lieb vnd thet das gantz jar nymmer kain güt. dan an irem abent vastet sy vnd beetet andächtiglich an irem tag. vñ het reu über ir sünd die sy daz gantz jar gethan het. vñ bat sy gar mit grossem fleiß. daz sy ir ain güt end umb got erwurb. vnd das sy von gott nymmer geschayden wurd. Vnd do sy das. xx. jar gethan het: do gieng sy an sant katherinen abent in ir kirchen vnd wolt nach ir gewonhait beeten. In der selben kirchen was ain groß bild sant katherina hoch auff gemacht. do viel sy nyder vnd beetet mit grosser andacht vñ reu. vnd het ainen guten fürsatz sich zu bessern. in der weyl viel das großs bild herab auff sy das sy starb. Do gieng der meßner in die kirchen vñ wolt vesper leüten. vñ sach die frawen also tod ligen. do sagt ers dem

katerina

volck. die erkanten die offen sünderin wol. vnd westen nit wie sy tod was. do gebot der kirchen priester dem volck. das sy got anrufften vñ in bäten daz er sy erkücket. das theten sy mit ernst. do ward sy wider lebendig vnd sprach. O du haylige juncfraw. wie grosse gnade erwirbest du den die dich eern vñ liebhaben. vnd hieß ir ainen beichtuater bringen vnd beichtet all ir sünd vñ empfieng vnsers herin fronleichnā vnd die hailigen ölung. Do fraget sy der priester wie ir geschehen wär sy sprach. Ich hab in. xx. jarn nye so ain güten fürsatz gehabt. das ich mein leben bessern wölte als heüt. Vnd do ich also in dem guten willen was. do vorcht sant katherina ich verlür den guten willen vñ volbrächt in nit. vnd verhenget das ir bild auff mich viel. vnd mich erschlag das ich in dem guten willen belyb. vñ also stirb ich anderwayd in jesu chusto. in dem ich mich ewiglich freu. vnd starb also. do für ir seel zu den ewigen freuden. Es was ain böser richter der hett sant katerina gar lieb. vñ wañ ir abent kam so globt er alweg etwas haimlich zelassen durch iren willen. das wolt er ir nit versagen. Do kam sy ains mals für in in ainē bösen rock als ob sy ain armes mēsch wär. vñ batt in das er ir etwas gāb durch sant katherinen willen. Do sprach der richter. was hettest du geren. Do sprach sy. Ich hett geren dein rechte hand. do gieng er hyn vñnd

nam ain beyhel vñ schlug jm sein rechte hand ab. vñ gab sy der frauen do verschwand sy. Do seine freün desahen das er nur ain hand hett. do schämpten sy sich gar seer vnd rieten jm das er solt in ain kloster kōmen. das thet er vñ do er sibñ jar in dem kloster was gewesen. do erschyn jm sant katherina vnd sprach zū jm. Ich byn die die dich deiner hand beraubt hat. das thet ich darumb das ich dich bey got behyelte. dan ich mocht dich mit kainer andern weiß zū got bringē. damit verschwand sy. do freüwet er sich des trosts den er von ir gegenwärtigkeit empfangen het vnd dancket ir der genaden. vnd dienet ir fürbaß mitt fleiß. vnd starb sälliglichen.

Ein bischoff was zū maylandt. der hieß sabinus der het sant katherinā gar lieb vñ eeret sy mit seinem andechtigen gebeet. auch mit allem dem das er vermocht. Der bischoff für mit dem abbt theodoro vñ mit zwaien caplonen. vnd sechs rittern vñ mit. xxx. diener. über mōr. zū dem hailigen grab durch ablaß vñ götlicher genad willen. vñnd wolten auch zū sant katherina grab. vñ do sy vnden an den berg komet do begegnet in ain greülicher haydnischer man. der kam mit gewappneten mannen von dem edlen soldan. vñ do er sabinū sach mit seinem gesind do ertödtet er jm als bald sein gesind. do das der bischof vñ der abt sahen. do baten sy den hertzogñ vñ sein gesind. laßt vns nur katherinā.

vorsehen. was ir dan mit vns thūt das wollen wir gedultiglich leyden. Do sprach der hertzog. wir wollen das vnser will vor gee vnd nit der eüer. vñ schnitten in zuhand die augen. zungen. oren. hend vnd füß ab. vnd verbranten da die abgeschnitten glider alle vnd fürten sy also verwundt zū sant katherinen grab auf iren thieren. Do sprach der hertzog. ich wil besehen was eüch des grabs haimsüchung helf. vñ wā eüch eüere gelider wider wachsen dz vnmüglich ist on zweyfel. so wil ich eüern glauben an mich nemen. vñ do sy zū sant katherina grab kamen do starb der bischoff zuhandt vnd der abbt. vnd als vil ir waren vñnd zū mitternacht erbydmet der gantz berg. do vorcht sich der hertzog vnd sein diener gar seer vnd wāren gern geflohñ do mochten sy weder hinder sich noch für sich. vñ darnach über drey stund erschyn inen ain groß licht do wolten sy wānen es wāre der licht tag vnder dem gieng die edel junkfraw sant katherina auf dem grab vnd salbet dem bischof alle seine gelider. om. augen nasen. zungen. hend vnd füß. vñnd machet in wol gesund. do erstreuet sich der bischoff sant katherine gegenwertigkeit. vnd des trosts den sy jm thet. vñ mocht den glantz irer schöne nitt leyden vnd vielen für sy do stunden zwen engel bey ir die hüben in wider auf. do sprach sant katherina. Du soltt wissen das dich mein lieber heri Jesus christus hie

Von Sant

vnd dort eren wil. dich vñ alle menschen. du hast ain zungñ durch meinen willen verlorn die kund nit mer dan ain sprach. so hab ich dir mein zung gelihen die kan kriechisch vnd welsch. vnd solt wissen das deines gefindes seelen all bey got sind vnd wen es tag wirt so solt du dem abt vnder dem ewangelio all seine gelider salben mit öl das da von meiner hailigen gelydern fleußt. so wirt er wider lebendig. vnd ee die meß außkompt so wirt er gesund vnd also starck als vor. Vnd darnach nam sy des bischoffs gerechte hand vñ gab im ain vingerlin vnd ain brief der was mit guldin büchstaben geschriben. damit verschwand sy. do belyb ain güter geschmack nach ir. do laß er den brief. da waren drey zeilen. an der andern zeil stünd geschriben Sabine du solt wissen. die büchstaben sollen zwischen dir vñ mir sein ain zeichen der ewigen lieb. An der andern zeil stünd. Dein grosser schmerz vñ lieb die du zu mir hast die berait dir die ewig freud. An der dritten zeil stünd geschriben. du solt den hertzogen tauffen. vnd solt noch .x. jar lebñ. darnach kömest du zu mir in den palast des ewigen küniges. do dancket er got des trosts den er von jr gegenwertigkeit gehabt het Vñ do es tag ward. gieng der hertzog auff den berg vnd sach den bischof also lebendig. vñ das er all seine glyder wider het. vñ sach das er zu dem abt gieng. vnder dem ewangelio. vnd im alle gelider salbet. do

Katerina

ward er wid lebendig vor dem hertzogen. do erschrack er ser vñ ee die meß aus was do was er ganz gesund. Do der hertzog das sach. do gewan er grof reu über sein sünd. vnd vil herren mit im. vñ glaubten an got do taufte sy der bischof Nun het der hertzog kain erben der verkaufft sein land vnd gab des güts ain tayl den brüdern die auff dem berg synai wonten. darnach zoch er mit dem bischoff vnd mit dem abt. vñ mit vil andern menschen gen rom durch den ablaß vñ für vil goldes mitt im. das gab er armen leuten. Darnach stiftet er ain kloster in sant katherina eer. das haist der sal gotes. vñ gab vil erbs vñ aigens dar ein vñ ward ain münich in dem kloster. vnd dienet got vnd seiner müter marie vñ sant katherine mit fleiß bis an sein end Vñ der bischof kund die zwü sprach wol kriechisch vnd welsch. vnd starb nach zweyen jaren vnd für sein seel zu den ewigen freuden. Do sucht man die zungen in seinem mund. do fand man kaine darinn. dauon sol nieman zweifeln dan sant katherina hab im die zungen wider genomen. die sy im vorzehen jaren gelihen het. vnd auch daz vingerlin. vnd den brief den behelet man noch zu mayland zu ainer gedächtnus des zeichens. ¶ Es was ains mals ain jüngling. der het grof liebe zu sant katherina der machet im selbs alltag ain frenzlin vō rosen oder von blümen. wann er sy gehabt mocht. dz trüg er dan in der

liebe der hailigē iunckfrawen sant katherina. ¶ Zu der zeite was ain riecher man der het groß neyd dar zū. der verderbet disen jüngling an allen seinem güt. do verhenget got über den reichen man das er an bai den augen wolt erblindt sein. vnd verstünde wol das er sich an dem jüngling versündt het. vnd demüti get sich gegen jm vñ widerlegt jm all seinen schaden. den er jm gethan het. do wurden jm seine augen wider güt von sant katherina genaden. ¶ Ains mals was ain münich der het sant katherinā gar lieb: vñ dienet ir zwölff jare auff dem berg synai. vñ het stāte begird vnd liebe zū irem hailtumb. vnd aines mals bettet er mit grosser andacht auf irem grab. do sach er dort her fließen in dem öl ain vinger gelid. do nam er das hailtumb mit grossen freuden vnd dancket got vñ ir des lons vñ das hailtumb name er mit jm vnd für frölich haim zū seinen brüdern. ¶ Es was ain güter man der het sant katherinam gar lieb vñ gedacht oft mit grosser innigkeit an sy das trib er langzeit. darnach lief er ab an der liebe die er zū ir het vñ gedacht selten an sy. vñ lief sy auß demüt. do sucht sy in wider. daran sollen wir ain ebenbild nemen das wir ir gern sollen dienen. Vnd ains mals entschlief der man in seinem gebet do sach er vil schöner iunckfrawen für in geen. vnder den gieng ein schöne iunckfraw die verhielt ir angesicht vor jm. die het er gern ge

sehen. wan sy leuchtet mit schōhait über die andern all. vñnd do wolte sy sich nit lassen sehen. do gieng ain schöne iunckfraw nach ir die fraget er wer die iunckfraw wär. die sich vor jm verberg. do sprach sy Es ist sant katherina die dir lieb was vñ du nun ir vergessen hast. darumb will sy sich nun nit lassen sehen. do erschrack der man gar harte vñ für auff vor laid in dem schlaf vnd het groß reu darumb das er sy auß dem synn het gelassen. vñ darnach keret er fürbas sein gmüt mit gāzer lieb zū ir. vnd dienet ir auch mitt ganzem ernst vñg an sein end. vnd starb do seliglich. dz erwarb jm sant katherina vmb got. ¶ Ain man der het katherinam gar lieb. & ward zū krieg mit ainem andern man vñ ward so zornig das er in zetod schlug. do er das het gethan do forcht er sich ser. wan er wißt wol ergriff man in das man in auch tödtet. vñ wär gern geflohn do mocht er niendert von stat kōmen. do was jm gar laide vñ gedacht jm in seinem grossen leyden an sant katherina die er lieb het. vnd sach auf vñ sach ires münsters nur ain wenig. wann er was nit ver von der statt. da das mord geschehen was. vñ do er die kirch an sach. gewan er hoffnūg zū ir vñ rüfft sy an mit grossem ernst. vnd sprach. O hailige iunckfraw sant katherina du grosse nothelfferin. ich bitt dich durch all dein wirdigkeit die du dan mit got hast vnd ewig klichē: das du mit mit lieb auß der

Von sant

not helffest so will ich dich eern die weil ich leb. vñ gelob dir das ich in deinem münster ligen wil. wañ ich stirb. vñ zuhand gieng er wa er hin wolt vnd entran. vñ was auß byß er vertādinget wurd. do ward er gar fro vnd laystet sein gelübt. vnd dienet ir fürbaß mitt fleiß die weyl er lebt. ¶ Es was ain man der het sant katherinam gar lieb vñ lief alle jar etwas durch iren willen. vnd beetet ir alle tag fünff pater noster der ward siech vñ ward geölet. vñ lag da ain gütte weil vnd schwig. vnd sprach darnach. O heri biß gelobt aller deiner gnaden die du mir getan hast. do sprachñ die menschn die bey jm waren. wie ist dir. do sprach er. freuent eüch. wann ich byn vor gotes gericht gewesen. vñ hab gefiget. wañ sant katherina hat mir geholffen. vñ hat mir vmb got erworben das er mir genädigklich gethan hatt. vnd nam vnser herren fronleychnam vñnd verschyed als bald sälligklich. ¶ Item ain man d hett sant katherinā gar lieb der solt vil gelten vnd hett nichts. darumb was der man seer betrübet dem er gelten solt. vnd wolt in gefangen haben. do entliesse er jm das er nitt weist wa er hin kōmen was vñ lief zū sant katherina kirchñ vnd rüfft sy mit grossem ernst an. do kam sein veind auch in die kirchñ. vnd sücht in. vñ sach gleich gegñ jm. danocht halff jm sant katherina das er in nitt sach. vñ entran jm. do ward er gar fro. vñnd dancet got vnd der

katherina

hailigen juncfrawen sant katherina der grossen genaden. ¶ Aines mals was ain handtwercks man der het sant katherinam gar lieb. vñ lief all jar etwas durch iren willen Vnd aines jars lief er das er kain missagen thet. vñ was die leüt vñ in kaufften so bot er es allwegenn als er es geben wolt vnd belib auch dabey vnd lief nit ab. vnd wañ er dann nitt ablassen wolt so giengen die leüt von jm. vnd wolt nyeman also von jm kauffen. vnd er verlore seine kauff leüt vnd nam gar ser ab an dem güt. dannocht mainet er er wölt die warhait halten. vnd solt er sein arm werden. Do wolt sant katherina iren diener nit lassen. vnd schickt es als es got wolt. das doch die menschen innen wurden das er gerecht was. vnd die menschen kamen wider zū jm vnd kaufften vñ in mer danñ vor. vnd er gewan bald herwider was er verloren het. vnd darnach ward er zū letst reich. dar bey mercken wir wol das sy den iren leyplichen vnd gaystlichen lonet ¶ Do man zalt von der geburt cri sti. M. cc. xxvj. jare do was ain kōheri zū wirtzburg der hieß mit dem zū namen der von wiltingen. Der was gar edel vñnd reich. der hett sant katherinā auß der massen lieb: vnd was sunst weltlich. der het ay nen tugentlichñ caplan. der sach aines nachts in ainem gesichte. das vnser heri jesus chistus zū gericht saß. vñ sein heri von wiltingen der ward für gericht bracht. vñnd ain

priester gieng mit seinem herren zu
tisch. die wurden bayd zu dem tode
verurteilt. das was der caplan gar
laid. Do kam sant katherina vñ ver
sprach den forherren vñ sprach. Er
ist mein diener vnd erwarb im daz
im von got ain jar frist ward gebe
ob er sein leben darin bessern wolt
vnd thät er das nitt so solt das vr
tail über in geen. des gebets gewer
te sy got. Do hett der ander priester
niemand der für in bät. do schlug
man im dz haubt ab. also gedaucht
den caplan in dem gesicht. vñ in
dem schlaff. vnd des morgens kam
er nit zu dem tisch. do wundert den
caplan was das gesicht bedeut vñ
gieng zu seinem herren. vñ saget im
was er gesehen het vñ sprach. Laß
vns besehen wa der priester sey dem
man heinacht das haubt ab schlug
das er nit zu dem mal kōmen ist. vñ
giengen zu seinem hauß vñ funden
in ligen tod an seinem bedt. Do daz
der herz sach erschrack er gar ser vñ
beschicket die pfaffen zuhandt vnd
gab allen dienen wider daz er in mit
vnrecht ab genōmen het. vñ richtet
sein geschäft vnd gab sein pfründ
auff vnd alle sein gots gaben. vnd
ward ain münich zu hailprunnen.
vnd dienet got vnd sant katherina
vnd büßet sein sünd vñ starb in ai
nem sāligen leben das erwarbe im
sant katherina umb got. ¶ Es was
ain mächtiger forherz der hett sant
katherina fast lieb. der sündet groß
lich mit hoffart. geyrigkeit vnd vn
lauterkeit. do im got lang übersach

vñ er sich nit bessern wolt. do wolt
in got straffen. Vnd aines nachts
do er entschlief. ward er entzucket
vnd ward für gericht bracht. vnd
vñser herz saß an dem gericht. vnd
der hailigen waren vil die das vr
tail über in sprachen. vnd ward ge
straft umb sein grosse sünd. vñ ver
urteilt zu der ewigen verdammus.
do erschrack er gar seer vnd was in
grossen angsten. vnd het große reu
über sein sünd. vñ was im laid das
er ewiglich solt pinnen. vñ rüffet
sant katherina an in seinem hertzen
do kam sy für gericht vñ wolt iren
diener nit in nōtten lassen. vnd ver
sprach in treulichen vñ erwarb im
vmb gott das seine tag erlāngere
wurden das er seine sünd solt büß
sen die weil er lebet. das verlich im
gott umb iren willen. do warde er
gar fro. vnd do er erwachet. geda
ch. er an das gesichte. vnd das im
sant katherina also treulich geholf
en het. vñ dancket jr der gnadē mit
grosser andacht vnd ernst. vñ war
de ain münich. vnd gab sein pfründ
williglich auff. vnd alles das er
het. vnd auch die welt. vnd ward
ains gūten sāligen lebens. vnd büß
set sein sünde vnd gedacht alle zeyt
es wär besser er peynigte seinen ley
be hie vnd hett dort ewige freude.
dan das er hie wol lebte vnd dort
ewige pein het. vnd dienet sant ka
therina mit grosser andacht. vñ
verdienet do die ewigen sāligkeit.
¶ Es haift ain stat. kameraten. da
ist ain groß frauen kloster da wa

Von laut

rensalig frawen inn. do was aine in dem kloster die was edel vñ reich vñ ains gerechten leben. vñ was äbtissin. vñ het ain brüder der was ain ritter der kam ains mals geritten vñ ain ander ritter mit im. der ward by dem kloster siech vñ müß da beleiben. do beualhe der brüder d' äbtissin. sy solt dem siechen riter gütlich tün. das thet sy vñ kam oft zü im vñ trost in. Do gewan er grosse lieb zü ir. vñ thet sein hertz gegn ir auff vñ sprach. Solt er seinen willen nit mit ir haben. so müßt er sterben. das was der frawen gar laid vñ nam in dauon so best sy mocht das half alles nit wan der böß veind hett in überwunden dem die keuschait wider ist. der riter ließ nit ab. als oft die fraw zü im kame. so lag er ir an darüb. bis daz die fraw ainen bösen willen gewan. sy wolt mit im auß dem kloster. Vñ gieng ains nachts vñ altar zü altar nach irer gewonhait. mit grosser andacht. vñ sy het der böß gaist gar überwunden. das sy ye mitt dem ritter wolt. vñ wolt vilob von den hailigen nemen vñ sprach. Liebe mütter vnser fraw. ich byn zü gar vast entzündt mit vngeordneter liebe zü dem ritter. vñ mag nit länger beleiben. darumb nym ich vilob von dir vñ bit dich das du dir das kloster lassst beuolhen sein. do erschyn ir vnser fraw vñ sprach zü ir. liebe tochter beleib stät an deinem gelouben. das du meinem sun jesu christo rainigkait gelobt hast. der ain blüm

Katherina

ist aller juncckfrawen. vñ ain spiegel aller rainigkait. Es ist nit nutz das man ain güt werck anhebe. man wöll es dann volbringen. die fraw keret sich nitt daran vñ gieng für des hailigen kreütz altar. vñ sprach zü vnserm lieben herren. Mich hat leiblich begird so gar überwunden das ich nit beleibn mag. do ließ got der herr sein wunden fließen vñ sprach zü ir. Liebe tochter kō dich nit von mir. ich hab dich herrigklich gekauft mit meiner marter vñ mitt meinem tod. vñ byn vmb dich gemartert wordn. dauon laß dich die ansechtung nitt überwinden das halff alles nit. vñ gieng zü letst auf sant katherinen altar die was ir lieb vñ was haubtfraw in dem selbñ kloster. vñ sprach zü sant katherina. Ich bin aller ding in der ansechtung überwunden. vñ mag nit bey dem kloster beleiben. Do erschyn ir sant Katherina vñ sprach. Liebe tochter gedencck daran daz ich ains edlen künigs tochter bin gewesen. vñ het groß güt vñ eer. vñ möcht wol vil lusts haben gehabt in zeitlichen dingen. das verschmächt ich alles vñ gab allen zeitlichn lust an durch meinen herren jesum chrustum vñ laid groß marter vñ pein. vñ ain herten tode von seinen wegen. Nun leydest du weder schlög noch stöß. vñ vergeußt dein blüt nit. so leid daz durch gots willen. vñ das half alles nitt an ir vñ gieng also drei nacht für die altar vñ nam vilob von den hailigh. Do sy nun hin

wolt. do geing sy für sant katherina altar vnd sprach. Liebe junckfraw sant katherina ich byn aller ding in der anfechtung überwunden. vnd befalhe ir des klostere geschäft. vñ gab dem bild des klostere schlüssel. vnd gieng mit dem ritter. Vnd do sy lang mit jm lebt wider ir sel hail vnd zway kind mit jm het die wurden erwen alt. do starb der riter. do gieng sy in sich selbs vnd gedacht an ir groß sünd. vñ an ir vnsehers leben. vñ das die barmhertzigkeit gotes als groß wär das er kein sünd verschmehet. vñ gedacht. Ich will wider in mein kloster. vnd will meine sünd büßen die weil ich leb. Vnd kam zu dem kloster an das venster. vñ mainet zü bitten die äbtissin das sy sie wider ein nām. do fand sy sant katherina an dem venster sitzen die het sy die jar alle. on aller menschen wissen in dem kloster verwesen. vñ kenneet ir nit. do sprach katherina zu ir. Es ist zeit das du auß der welt kōmest. vñ das ich zu hymel far. vñ laß dich wissen das ich dich die zeit alle verwesen hab an allen dem das an dem ampt zuthūn was. Dauon leg dein gaisstlich gewand an. vnd verwiß dein ampt als vor. wā es waist nyemand das du auß bist gewesen. do ward sy gar fro vñ leget ire klaid an. vnd nam die schlüssel von sant katherinen. vnd gieng in das kloster vñ vnderwand sich des ampts wider vnd wundert sy gar ser das sy sant katherina die lange zeit verwesen het. darumb merck

en wie ir demütigkeit das sy sich dem müe als vil vnderwand. vnd in ay nem gaisstlichē schein gieng vñ thet alles das die äbtissin tūn solt. Nun mocht die äbtissin die wunder nitt verschweygen die sant katherina mit ir gethan het vnd an der anderen nacht nach der mettin ließ sy capitel leyten. vnd saget den frawen allen die wunder offentlich wie sant katherina mit ir gethan hett. do sy das horten. do lobten sy got darüß vnd sant katherinam. Vnd die äbtissin büßet ir sünd die weil sy lebet vnd dancket got vnd sant katherine der genaden. vnd starb in ainem sāligen leben. ¶ Es was gar ain tugentlicher wolgeleerter schüler in der stat cantuaria in engelland. der hett sant katherinam. gar lieb. vnd dienet ir mitt fleiß tag vnd nacht. mit grosser andacht vnd bat sy all zeit das sy jm gottes gnade erwürb. Nun höret der künig von dem schüler. vñ dauon das er als frum was do sendet er nach jm. vnd empfalhe jm sein sun das er in lerete. do leret er in gar mit grossem fleiß. es halff aber gar wenig vñ lernet gar übel do schlug in der maister seer vñ het in geren wol geleret. vnd zoch in ay nes mals nackend ab vnd wolt ain gerten holen. die weil lieff der jüngling hin. vñ lief jm der maister nach vnd kam auff ain prucken vnd sach vmb vnd sach das jm der mayster mit ainer gerten so nahent was do erschrak er als ser das er in ain groß wasser sprang. das was dem may-

Han Sant

hät dich daz du kain andre für mich nemeſt. do verſchwunden die juncfrawen all drey. vnd 8 jüngling het das krenzlin ſchmeckēt auß dermaſſen wol. vnd iſt noch heüt bey dem kloſter als friſch. als wolſchmeckent wan er ſtiſſtet daſelbs ain kloſter. Das haift zū dem roſen kranz. von des ſelben krenzlings wegen. Dar nach bald wolten ſeine freünd nitt geratten. er nām dann ain frawen des weret er ſich vaſt. do gelobten ſy jm ain ſchöne edle frawen. über ſein willen. vnd legten ſy jm zū. dar nach ward die fraw aines kindes ſchwanger. danocht ließ er von ſeiner gewonhait nit. vnd ſtünd auff vñ gieng in die kirchen als vor von der lieb wegen die er zū ſant katherinen hett. Nun ſolt die fraw bald aines kindes gelygen. vnd gewan arckwon der graff gāng des morgens zū andern frawen. vnd ſy fraget ain magt darnach vnd ſprach. wayſt du nit wa dein herz des morgens hin geet vñ wa ſein geſchäft ſey. do neydet die magt den graffen vmb ſein gūte werck. vñ ſprach. Er geet zū der kirchen da ſiſt ain man der hat ain ſchöne tochter. zū der geet er. do ward die frau ſer betrübt. das mercket der graff vñ fraget ſy was ir wäre. do ſaget ſy jm waſ man ir geſagt het. er het es für ain ſchimpff vnd ſprach. es iſt des mans tochter nit die ich lieb habe. vnd zū der ich gang. ſy iſt noch tauſent mal ſchöner. Vnd do er mit jr geredt het. do verſtünd ſy ſich nitt

Katherina

das er ſant katherinam maynet. do es was gegen dem tag. do ſtünd er aber auff vnd gieng zū der kirchen do ward ſy ſer betrübt. vnd ſtünd auch auß. vñ nam zū ir ain ſcharpfes ſchwert vñ ſtach ſich darein vñ alſ bald ſtarb ſy. do kam er darnach zū der erſten ſtund von der kirchen vnd gieng in die kamer vnd fand ſein frawen tod. vñ gantz mit blüt berünen. do erſchrack er gar ſer vñ was jm auß der maſſen layde vnd ward onmächtig. vñ lag wol ain ganze ſtund. vñ do er wider zū jm ſelber kam do waynet er jāmerlich vnd ſchry vñnd klaget vnd rauſſet ſein har auß vnd ſchry von lautter ſtyme. O du mein leibe haußfraw wie haſt du als übel an dir ſelbs ge than. warumb haſt du dich vñ daz kind ſo jāmerlich ertödt. ich bin lay der deines tods ain viſach. das ich dir nit ſagt waſ mein geſchäft des morgens wäre. wann ich von dir gieng. vnd ſprach gar mit groſſer begird vnd betrübnuß. O haylige juncfraw ſant Katherina. wolt got daz ich für mein weib tod wär vnd das ich nur an mir ſelber nitt ſchuldig wäre. wann darumb das ich dich hab gelaffen vnd mein raynigkait nicht gehalten hab nach deinem willen. ſo iſt mir das layd geſchehen. wann ich hab ain andere für dich genommen. vnd er ließ do bald in die kirchen da er dan oft in der nacht eingieng. vnd er hüb an vnd beetet mit groſſer andacht. vñ küſſt ſant katherinam an mit groſſ

sen zähern. vnd do er lang gebeten
 het vñ weder wachet noch schließ
 do erschyn jm die hailig juncfraw
 an t katherina mit zwaien juncfraw
 wen als sy erschynē was. vñ gieng
 aber in der mitte. vñ was gekrōnet
 mit ainer guldin kron. vñ gieng zū
 dem grafen. vñ wūsch jm die zāher
 von den augen vñ von seinen wan
 gen vnd sprach. du hast nit recht ge
 than das du ainen andern gemahel
 für mich genommen hast vñ mich al
 so gelassen hast. aber seydu mich
 lieb hast vñ mir also fleißgklich die
 nest vñ als oft in die kirchen geest
 vnd mich lobest. darumb will ich
 dich nymer verlassen. weder hie jm
 zeit noch dort ewigklichen. Stand
 auff vnd gang haim. wann du vin
 dest dein frawen lebendig. vnd sy
 hat dir ain tochter gewonnen. die
 solt du nach mir katherina haissen.
 die wirt got als genām das sy dei
 nes vaters sel in ainem jar auß dem
 segfeür erlöset mit irem gebeet. der
 wār sunst vñ sein sünd ewigklich
 verdampt. die er mit rauben vñnd
 prennen begangen hat dan das ich
 jm an sein letzten zeitten reu beichte
 vñ büß erwarb. vñ solt in dem seg
 feür pñnnen vñ gepeiniget werdñ
 biß an den jungsten tag. Die gnad
 geschach jm darumb das er die kir
 chen in meiner eer gebawen het. vñ
 do sy das geredet hett do kam das
 volck von der vesten mit freudñ zū
 dem herren geloffen vñ weckten in
 vnd sprachen. Stet auff bald vnd
 geet zū eier frawen. die ist lebendig

wordñ. vnd hat ain schöne tochter
 gewonnen. des ward der herz von
 herzen fro. vnd gieng zū seiner fra
 wen vñ umbfieng sy vnd das kind
 vñ sagt ir wie jm sant katerina er
 schynen wār vnd das sy jm gesagt
 het das sy lebendig wurd. do sager
 jm die fraw wie die bösen gaist zū
 irem end kōmen wāren vnd hetten
 ir sel hingezuckt. vñ wie sant kater
 ina kōmen wār. vñ sy vō den bösen
 gaistñ het erlebt. vñ pracht sy wid
 er zū irem leib. Do wurden die leüt
 fro vnd lobtñ gott vmb das groß
 zaichen. vñ die hailigen juncfraw
 en sant katherinam durch der wil
 len er dise grosse dinge gethan het.
 darnach lebten sy ains tugentlichñ
 lebens. bey dreissig jaren. vnd besaf
 sen nach disem leben die ewig freud
 ¶ Zū kōlen in ainer kirchen da hat
 man san katherinen vinger ain. der
 ist in ainem wirdigen sarch vnd an
 irem tag so kmmen vil menschen
 vnd küssent den sarch mit andacht
 vnd wirditait ir zū eer vnd zū lob.
 Vnd ains mals an irem tag gieng
 vnder andern sāligen menschn ain
 wücherer hynzū. vnd het vil güt s
 mit vnrecht eingenōmen. der küsser
 auch den sarch. vnd gieng vmb den
 altar vnd was der sarch beschloß
 sen. vñnd der vinger sprang dan
 nocht herauf auf den altar das es
 alle menschen sahen die da waren.
 vnd der wücherer auch. do bekant
 er zuhand das es seiner grossen sün
 den schuld was. vnd gewan reu
 über sein sünd. vnd viel nyder auff

Von sant

seine kñye. vnd rüfft got mit grof-
ser andacht an. vñ bat in das er im
sein sünd vergäb. do wolt got er-
zaigen sein wunder das er die sünd
wid zū genadē wolt nemen durch
seins liebē gemahels willen. das er
zaigt er an dem wüchrer der beich-
tet zuhand sein sünd mit grosser reū
als vil er da gedencen mocht vnd
gelobet dem beichtiger das er kein
todsünd wolt thūn vnd gab nach
des beichtigers rat alles daz wider
daz er mit wücher het eingenomen
do er das getan het. sprang der vin-
ger wider in den sarch. der beschlos
sen was das es die menschen sahen
damit erzaiht got das im sein sünd
vergeben waren durch sant kathe-
rina willen. darumb sollen wir sy
geren anruffen daz sy vns auch reū
vnd layd vmb vnser sünd vñ misse-
that erwerb. ¶ In dem erzbistūb
zū salzburg da ist ain bistumb das
haißt wesside. daselbstē wolt ains
mals ain mechtiger graff über mōr
ziehen. zū dem hailigē grab. vnd zū
sant katherina. Do er zū dem mōre
kam in ain stat. vnd in ain herberg
zū ain wirt der was nit fast reich.
vñ was doch ain kunstreicher vnd
wolgelerter man der het ain junge
tochter die was zermal schön. vnd
hieß katherina. vñ was frūm vnd
erber. vñ het sant katherina ir raini-
kait gelobt zuhalten die weil sy lebt
Vñ do der graff sach das die juncf-
raw also schön was. do enzündet
der böß gaist sein hertz gegen ir. der
alle gūte werck neydet. vnd gewan

katherina

ain böße begird zū ir: vnd trachtet
fast wie sy im werden möcht. vnd
wie er zū ir kam vnd bey ir schlieff.
Nun was in dem selben hauf ain
alt weib die vil ding zūbūngē kund
zū d sprach er. Hilf mir daz des wir-
tes tochter bey mir schlaff. darumb
will ich dir vil gūts geben. vñ will
dich reich machen. vñ wil im auch
groß gūt gebē. do das daz alt weib
hort. gieng sy zū dem wirt vñ zū d
frawen. vñ sagt inen wie der graff
geredet hett. do sprach die fraw zū
dem wirt. wir seyen erber leūt vnd
seyen fast notig. wir sollen im vnser
tochter heinacht zūlegen. so macht
er vns reich. vñ wir tūen daz haim-
lich. das sein nyemant innen werde
vñ rüsten der tochter vñ sagten es
ir vnd sprachen. sein wirt nyemant
nymmer mer innen. so zeucht er mor-
gen über mōr. so ist es alles versch-
wigen. Do antwurtet die tochter
vatter vnd mūter vnd sprach also:
Ich thū es mit nichten nitt. wann
ich sag eūch daz ich hab gelobt der
juncfrawen sant Katherina mein
rainigkait die weil ich leb. vnd der
will ich es halten. vñ ward seer
wainen. aber vater vnd mūter het-
ten böß begird zū dem zeitlichē gūt
gewunnen. wañ der böß gaist het
in ir hertz verblendet in der geytic-
kait. vnd auch begird die sy zū dem
zeitlichen gūt hetten. vñ legten dem
grafen die tochter zū über iren wil-
len. Do ward sy seer betrübet. vnd
wainet inniglichen. vnd vorch sy
müß den schatz der raynigkait ver-

lieren. Do der graff sach vnd hort das sy als ser betrübt was. do sprach er. Liebe juncfraw warumb bist du so seer betrübt vnd wainest als bitterlich. ich wolt wänen. du soltest mir heinacht freud vñ trost geben vnd gütten mütt machen. so wainest du vñ betrübst mich Sag mir warūb du wainest. do sprach sy ich wain darūb dz vater vñ mütter als vntreulich an mir getan haben. wān ich hab mein raynigkait vnd dienst sant katherina gelobet. die weil ich leb. do sprach er ist dem also. so gehab dich wol vnd hab aller sorgen kaine. das dir ichts layds geschech. vñ sag mir wa du willen hast ir zū dienen die weyl du lebest. do sprach sy. Es ist nahent bey der stat ain frawenkloster darinn wolt ich gern dienen biß an mein end. do sprach er. waist du yendert ain stat da du gern wārest die nenn mir. do sprach sy. wolt gott das ich dahyn möcht kōmen. so benüget mich wol von gott. do sprach er. ich will die sünd gern vermayden durch sant katherinen. vnd will dich heinacht zū ainer tochter nemen. vnd will dir in das kloster helffen. vnd gewan ir des morgens ain pfriend. vñ gab ir vil güt darzū in das kloster. vnd beualch sy got vnd sant katherina. vnd gab dem vatter vnd der mütter auch vil gūts vñ zoch über mōr. Vnd do er vnd seine diener glücklich über mōre kamen do gedacht er oft an sein tochter. Do kam aines nachtes ain vergiffter wurm vnd

veruntraint im sein bain vñ stach itt darein das im gar wee geschach. wān es seind gar schedlich würm in dem selbē land. do müßt er da be Leibten vor frantzhait. vñ müßt sich da erzneyen lassen. Do sprachen die ärzt er müßt sterbē. od man müßt im den fuß ab hawen. do ward er ser betrübt vñ sprach. Es ist besser ich verlier den fuß dan das ich sterbe. vnd sprach. Ir sōlt mir morgen den fuß abhawen. do wolt im sant katherina des diensts lonen den er der tochter gethan het. ee er wider haim kām. vnd in der selben nacht do sein diener wider von im kamen vñnd sein kamer wider versperret was. do sach er ain minnigkliches gesicht. das vier engel ein giengen die trügen vier brinnent kertzen. vñ giengen vier schöner juncfrawen nach jnen vñ die letst was die schönest die trüg ain hübsches büchflin mit edler hyinlischer salb in ir hand die erst juncfraw was sant margreth. die ander cecilia. die drit sant thecla. die vierd sant katherina vñ die trüg die salb vnd wolt iren diener gesundt machen. vnd giengen do all vier zū dem bedt. da der siech inn lag. vnd do sy zū dem beth. kamen. Do sprach sant katherina zū sant margreten. was wilt du thun do sprach sy. ich will den fuß heben do sprach sy zū sant Cecilia. was wilt du thun. do sprach sy. ich will in umhhalten. do sprach sant tecla. so will ich mich auff in legen. das er nit auff stand biß das er gesalbt

Von Sant

wirt. do nam sant katherina der himelischen salben auß dem büchflin vnd salbet irem diener seine füß. do ward er zuhand gesund. als ob im nichts geschehen wär. vñ die hailigen engel die die kertzzen trügñ giengen wider auß vñ die juncfrawen vñ sprachñ zü dem grafen. Du solt wissen das die genad von der leiplichenn gesundhait dir die hailig juncfraw sant katherin des diensts damit gelont hat den du getanhast an deiner tochter das du ir schondest durch iren willen vnd sy in das kloster therest. Vnd do der graff des morgens erwacht vñ gesund was do was er von hertzñ fro des wonders vnd der besundern genad. vñ der gegenwirtigkait der hailigen juncfrawen sant katherina vñ saget das seinen dienern vñ allen den die da waren. do ward ain grosse freud vnd lobten got das er es getan het durch iren willen. vnd lobten auch sant katherina das sy irem diener als treulich gelont het. wan er saget in wie im geschehen was. mit seiner tochter. vnd wie sy in gesund gemacht het. vñ wie sy im mit dreien juncfrawen erschynen wär darüb eerten die menschen sant katherinam gar mit grossem fleiß. vñ der graff behielt sein treu an seiner tochter. vñ thet ir gar gütlich. darumb sollen wir sy eeren vñ sollen ir dienen. wan sy laßt kain dienst vñ belont. ¶ Auf dem berg synai da sant katherina von den engeln begraben ward. da ist ain kloster ge-

katerina

stiftet in vnser frawen eer. darinn seind gar salig münich aines hailigen tugentlichen lebens. vñ in dem for des selbñ klosters ist sant katherina grab. vñ die selben münich haben ain bischof. vnd fasten nahe über dz gantz jar in wasser vñ brot. dan an etlichen hochzeitlichen tagē so essent sy mit ainander in dem resectorio. vnd essen visch vnd von öl vñ trincken selten wein. vnd in irn capitel hauf. da ist die statt da der busch stünd den moyses sach pinnen. darein darff nyemandt kōmen. weder cristen noch hayden vnd kōmen vil menschen dar oft vñ dick. auch künig soldan selbs vnd sehen die wunder gottes. wan man hatt ainen guldin busch dar gemacht. nach dem busch den moyses sach. vñ christus bild ist auff dem busch. vnd moyses knyet also barfuß vor dem busch. vnd die selbñ gūten herren habñ allweg gnüg von sant katherina gnadñ. wan alweg an irn abent zü vesper kōmen gar vil klaine vōgelin dar. vnd yeglichs tregt ain zweyg öl in seinem schnābelin daran seind schwarze knöpflin als die krieglein darinn ist öle. vnd ain zweyg ist grösser dann das ander. aines hat vier knöpflin aines dreü. ains zway. vnd werffen die in iren kreutzgang. das thünd sy ymmer. von ainer vesper bis zü der andern so thütt man sy dann in ain grosse küffen. vnd pressendt dann das öle darauf. vñ die herren essend es. vñ prennent es in iren ampeln.

vnd habn̄ sein über das jar genüg
vñ ist schön vñ lauter. wēn das ôle
versizet das jare. so bringen sy das
nächst jar vil desterner. vñ bringn̄
den̄ daz ander jar darzū das sy sein
aber das jar genüg haben. vnd der
selben vōgel fündet man über das
ganz jar sunst wenig. dan̄ nur an
im tag. vnd abendt. ¶ Es was
ain ritter siech der het sant katheri-
nam lieb. vnd ruffte sy mit ernst an.
vnd bat sy das im vñ got erwürb
daz er gesund wurd so wolt er zū ir
em grab kōmen. do ward er von ir
en gnaden gesund vnd dancet got
vñ ir der gnadn̄. Nun het der ritter
wol gehört das die vōgelin das ôl
brächten. darumb kam er mit andn̄
herin dar auff iren tag. vñ sach die
schönen zaichen selb. das ist in kurtz
en jarn geschehen do lobten sy got
vmb das groß zaichn̄ das er durch
seins gemahels willen sant katheri-
nam thut. ¶ Sant katherina was
ains edlen geschlechts vnd ains kün-
nigs tochter. vnd ain ainiger erbe
des künigreichs. vnd ist ain gemā-
helte brant jesu christi. vñ ist ain be-
warte maysterin in den sibn̄ höch-
sten künsten vnd ist ain grosse mar-
terin. die groß pein vnd marter ge-
litten hat mit rechter gedult vnd in
rechter götlicher lieb. vñ darzū den
bittern tod mit dem schwert. sy ist
auch gewesen ain offne predigerin
des christenlichen gelaubens. Sy
was ain raine juncfraw vnd kei-
sches lebens vnd was ain überflüs-
siges schōns mensch. sy hett genad

vñ würdigkait empfangn̄ von got
darumb das sy willigklich aufgab
den falschen bösen haydnischen ge-
lauben. vnd alle zeitlich vnd welt-
liche eer. vnd verkaufft ir zeitliches
erb. das ganz künigreich. vnd gab
es armen leuten. vnd gieng on ge-
zwungē von irem freyen willen für
den kaiser maxenciū in den tod vnd
überredet wol fünffzig weiser mai-
ster von irer grossen weisheit. vñ
bekeret sy zū cristem glauben. auch
die kayserin vñ zwayhundert ritter
vnd gab sich willigklich in den tod
in der liebe cristi. darumb het ir Je-
sus christus zwölff myn̄zaichen vñ
edler myn̄reicher gaben erzaiget da-
mit er auch ander zwölff hailign̄ be-
gabt hat. dauon sollen wir sy allzeit
loben. wan̄ sy hat yegkliche gab be-
sunder verdient mit ainer. ¶ Des
ersten list man von sant Johannis
dem zwölffporen. das vnser herr zū
im kam ee er starb mit seinen jung-
ern vnd sucht in haim. Also kam er
auch zū sant katherina in den kerck-
er. gar mitt ainer grossen schar der
engel vnd der juncfrawen vnd sp-
rach. Tochter erkenn deinen schöpf-
fer durch des willen du die marter
leydest. vnd biß vast mütig. wann
ich will mit dir sein. vnd die genad
gischach ir von der grossen sundern
liebe wegen die sy zū got hett. dar-
umb sucht er sy haim. von besunder
genad wegen. ¶ Zum andern mal
hatt christus Mariā magdalenam
gespeysset mer dan̄. xxx. jar mit hym-
lischer speis in ainem hol also hatt

Von sant

er auch gespeisset sant Katerina do sy in dem kercker lag zwelff tag vñ nacht das man ir weder zñessen od zutrinken gab Do sendet ir cristus allweg ain weisse tauben die bracht ir die hymlischñ speiß. das sy damit verdienet daz sy allen leiblichñ wol lust versmecht het. darüb empfieng sy hymlischñ lust vñ sundern trost ¶ Zum dritten mal hat Jesus sant Blasio an sein lezten zeyten verhaiffen vñ mer hayligen. was man in bätt in sein namen das wolt er ge weren. daz gelobt er sant Katherina an irem end auch. wer sy anruff vñ eeret in wölchen nöten der mensch wär. so wolt er in hören. vñ sprach zü ir. Kumm her mein aufferwelte. was du gebeetten hast das bist du gewert. Die genad hett sy von irer grossen hailigkeit. wann erhörung ains gebets ist ain zaichñ ains hayligen lebens. ¶ Zum vierden begabet got sant steffan das er sach vor seinem tod die hymel offen. also liest man auch von sant Katherina. do man ir das haubt wolt abschlahñ kam ain stym von hymel vñ sprach Kumm her mein aufferwelter gemahel des hymels thür steet dir offen. die genad het sy von irem volkommen leben. ¶ Das fünfft mal thet got sant Margreten die genad daz die englich schar zü irem end came also kamen sy auch zü sant Katherina. Des ersten sant michel der tröstet sy in dem kercker. vñ sagt ir daz sy fünffzig mayster überwünde. zü dem andern mal do sy ir die wunde

Katherina

salbten. Zum dritten do sy die reder zerbrachen. die genad hett sy von ir edlen rainkeit. wan die engel seind juncfrawen von natur. aber sant Katherina was ain juncfraw von götlichen genaden. ¶ Das sechst man liest von sant paul do man im sein haubt abschlög do floss milich vñ blüt von im. Also geschach auch sant Katerina. do man ir das haubt abschlög. ran milch vñ blüt von ir kelen. die genad het sy von irer lauterkeit wegen ires hertzen. wan sy het sich gewaschen in dem blüt jesu christi mit rechter andacht. ¶ Daz sibent zaichñ christus hat sant peter begabt mit ainem grossen liecht do er sterben wolt. vñ in dem selben liecht ward sein seel gefüret zü den ewigen freuden. also geschach sant Katerina auch do sy lag in dem winter kercker. erschyn ir ain groß liecht. das sach die kayserin vñ porphirius. die vielen nyder vñ mochten den schein vñ die klarheit nitt sehen vñ wurden bekert. die gnad het sy von irem strengen gelauben den sy zü got hett das sy nyemandt von got bringñ mocht. Das acht got hat sy geleichet mit sant jörgen dem wurden scharpfste reder gemacht. do batt er vnsern herren das er in der marter überhüb. vñ das die reder zerbrächen. Do kament die engel von hymel vñ zerbrachen die reder. Die genad thet got sant Katherina. wann sy ruffet iren gemahel mit ernst vñ mit fleyß an. vñ batte in das er sy der marter über-

hüb. do kamen die engel von hymel vnd zerbrachen die reder. die genad het sy von grosser gedult die sy het in irem leyden. ¶ Das neündt. vnser herr thet sant Clemēs die gnad do er starb. do beraytē jm die engel ain grab vñ begrübē in Die genad thet jr vnser herr auch. dan die engel fürten sy wol zwainzig tagraiß auff den berg Sinay. da hetten sy ir ain grab gemacht vñ begruben sy würdigklich. die genad hett sy von irer demütigkait. darüb ward sy so würdigklich begraben. ¶ Zū dem zehenden mal thet cristus sant Nicolaus die gnad das aus seym grab öl floss. die gnad thet auch got sant Katherina. wā es fließt alle zeit öl aus irem grab. vñ wölcher mensch damit gesalbet wirt d wirt gesund von all seinen gebrechen. die genad hatt sy verdienet mitt irer grossen barmhertzigkait. das sy ir väterlichs erh verkauft vñ gab es armen leuten als barmhertzig was sy ¶ Die aylst gnad thet vnser herr sant margreten. do sy schön vñ edel was da von gewan der richter grosse liebe zū ir. vñ gelobt ir vil eeren vñ gūts do thet ir got die gnad das sy in verschmähert vnd alles zeitlich gūt vñ eer. durch die lieb christi. die genad thet auch got sant Katherina. die was noch vil edler. vñ was aines edlen künigs tochter. vnd was zumal schön vñ von der überflüssigen schöne vnd adel der an ir was. het der kaiser grosselieb zū ir vñ sprach zū ir. Du solt die allernächst nach

mir sein. vnd gelobt ir vil gūts vñ eeren. vñ wölt ain bild lassen machē nach ir. vñ wer fürgieng der müßt jm navgen vñ müßt es anbeten für ain göttin. do thet ir got die genad das sy in verschmächt. vnd die eer vñ zeitlichs gūt die er ir gelobt het durch die liebe gotes. die genad het sy von irem rechten leben. ¶ Die zwelft gnad thet got sant dyonifio do er in dem kercker lag vñ meß dar inn sprach. Vñ do er die oblaten gesegnet hett. do kam vnser herr selbs zū jm. vnd gab jm seinen fronleichnam vnd sprach. biß fro dann dein lon ist groß bey mir. die genad thet ir gott auch do er zū ir came in den kercker am zwelfsten tag do gab er ir selber seinen zarten fronleichnam mit seinen götlichen henden vñ sein rosenfarbes blüt. das was ain edle gab. vñ ain zaichn der grossen überflüssigen liebe die er zū ir het. Die genad het sy von der hoffnung. die sy zū got het. Do thet ir got noch vil ain grössers überflüssigers zaichen der liebe. vnd gar ain liepliche gab do er sy vermähelt. vnd ir ain guldins vingerlin an iren gold finger stieß mit seinn götlichen henden vñ sprach zū ir. O Katherina du mein auferwölter gemahel. Mitt disem vingerlin vermähel ich dich in ain cristenlichen glauben. das soll ain wares zaichn sein zwischen mir vñ dir ainer stäten ganzn liebe hie vñ dort ewiglichen. das solt du behalten biß an dein end. Die genad list man von kainem hailigē mer. Aber

Von sant

darumb das sy der allmechtig gott
sunderlich lieb het für all hailigen.
so hatt er sy vermähelt mit ainem
freüntlichen gemahelschatz. vnd er
zaygt ir auch die grossen liebe dar-
an die er zu ir hett. danon mocht sy
fürbaß weder lieb noch layd noch
der tod von got geschaiden. Vnser
herz begabet sy auch lieblich. das ir
gleich in der welt. an schön. an adel
vnd an reychtumb nye mer warde
gefunden. darumb sprach sy. Ich
will kainen man er hab dan die vier
vorgespochne ding an jm. seydt der
allmechtig got sant Katherinā so
mit manigfeltigen zaichn überflüs-
sigen gaben vnd tugenden begabet
hat gaislich vnd leiblich mer dan
ye kainen hailign in der zeit. so thut
er ir dort tausent mal mer genad in
den ewigen freuden ymer on ende.
darumb sollen wir kainen zweysel
haben. sy vermag nach vnser fra-
wen mer bey got dann kain haylig.
Wer will nun die hailign juncf-
rauen sant Katherinā mit loben vñ
eeren die got von hymelreich selbs
mit manigfaltiger gab hat geeret.
vnd sy so lieb hat gehabt das er so
grosse werck mit ir vñ durch sy ge-
wirckt hat Sy ist wol lieb zuhabn
vnd ir ist güt zu dienen. wann on
zweysel sy gibt widergelt. vnd laßt
kainen dienst verlorn werdñ. er sey
groß oder klain das sy oft vñ dick
bewärt hat. Das vindet man in ir
en zaychen. wann sy ist die nächst
nach vnser lieben frauen. vnd ist
ain gnädige fürsprecherin vor got

Conrat

allen den menschen die sy an rüssen
vnd eeren. darumb sollen wir ir all-
zeit gern dienen. ¶ Nun helff vns
die hailig juncfraw sant Katheri-
na vmb got vnsern herren Jesum
christum iren gemahel erwerbenn
durch all ir würdigkait die sy ewig-
lich mit jm hat. das wir hie men-
schen werden. nach gotes lob. vnd
vnser lebens ain gutes ende. vnd
darnach das ewig leben. Des helf
vns got der vatter vnd der sun vñ
der hailig gaisst Amen.

Von sant Conrat.



¶ Der lieb herr sant Conrat ist ge-
born von edlem geschlecht des teut-
schen lands. vnd die geburt seines
stammes ist geziert überflüssiglich
als ain auf geende blüm in dem pa-
radeys. vñ sein leipliche geburt die
erhöcht in. aber der adel seines gay-
stes erzaygt in vil höher klärer vnd
liechter. wan er was in seiner junes

ganz vñ gar mit ainander verwā-
delt in den adel des gais̃ts. von den
obersten genad̃n volget mit jm ain
anfang der tugend vnd er belyb in
dem gais̃tlichen leben in dem mittel
vnd auch im alter. ¶ Nun ward d̃
lieb herre sant Conrat von seinen
freunden bevolhen den brüder in
der kirchen zū Costenz. das sy in ler-
ten die hailigen geschrĩft In der sel-
ben gemayn vieng er an vnd war-
de ain diener des tabernackels der
got gemachet was wān sein hertz
was erfüllt mit der genad des hay-
ligen gais̃ts. darumb was ir ler̃ig
nütz. wān die götlich kunst beschloß
er in pr̃unstigtlich als ainen gelirni-
gen menschen gotes. Vnd der sam-
bracht manigfaltige frucht vnd ge-
nad. ¶ In der zeyt was ain wir-
di- ger bischoff der hieß Norvingus zū
Costents der sach vnd bekant des
lieben herren sant Conrats hailigs
lebens. darumb nam er in zū seinem
dienst vñ leret in wie er nach jm bi-
schoff vnd ain vorgeer des volcks
solt sein in gais̃tlichem für gang vñ
in allen gais̃tlichen sachen. wān er
was ain behend ratgeb mit seinem
herzen von der gnad gotes. Sein
weißhait was fleissig gemerck̃t in
allen sachen vnd von allen menschen.
Der lieb herre sant Cūrat hett
groß gūt von vater vñ m̃ter das
taylet er armen leuten mit. vnd het
grosses mitleyden mit in. vnd kam
in zū staten mit allen seinem verm̃-
gen. Nun hetten die armen ain gūt
ten fürsprechen an jm gegen dem bi-

schof. wān sy wisten wol das er in
geren halff durch gotes willen. on
alle müe vnd von seinen tugenden
vnd wercken. vnd erwölten in die
herren zū ainem probst von ains ge-
mainen nutz wegen. ¶ In der zeyt
starb der bischoff. do ward sein hai-
liger leichnā begrab̃n von dem hai-
ligen erwirdig̃n bischoff von aug-
spurg. Der gebot den priestern alle
das sy dreitag fasteten vñ den hai-
ligen gais̃t anrufften vmb ainen bi-
schoff der in nütz vnd gūt wār vor
got vnd vor den menschen. Do lief
ain groß volck zū von frawen vnd
männern die rufften alle got an vñ
ainen bischoff. vñ warteten alle
von sant Ulrich. wen er da des er-
sten nennet zū ainem bischoff. dauon
das er ain mechtiger man was. do
sprach der haylig gayst zū sant Ul-
rich in sein hertz. man solt sant Con-
rat nemen zū ainem bischoff. der nit
allain vnsträfl̃ich ist. er ist auch vol
kōmen in allem dem das der zwölff
bot spricht vñ schreibt. vnd zū hand
was die stym̃ in aller mensch̃n oren
erschollen vnd erhōret. Vnd sprach
en mit gemainer begirde. Den hatt
vns gott außervōlt vnd gegeben.
do erhōchten die von Costenz den
bischoff. vnd satzten in auff den bi-
schoff stül vnd erhūben in mitt vil
lobes vñ eeren die sy im erboten.
vnd freuten sich die priester das in
got als ainen gūten hett zūgefügt.
der in mocht vor sein. an weißhait.
vnd an fürsichtigkait. vñ das volck
alles gemaincklich. Do pflage der

Von sant

lieb herre sant Conrat des amptes mit grossem fleiß. vnd dienet got tag vnd nacht mit grosser andacht vnd grosser übung. vñ was er das volck leret mit Worten das volbracht er mit den wercken. Er gewan got vil selen mit seinem gebeet vnd mit seinen güten wercken vnd lere. Es sprachen auch die armen menschen das sy ainen vatter an im hetten. wā er tröstet sy emssiglich mit miltigkait. Vnd bawet in ain hauf in der stat. darinn waren zwelff armer menschen den schicket er all tag speiß vñ was armer menschn̄ sunst dar kamen. in wölcherzeit sy im tag kamen. so gab man in zū essen in dē selben hauf. ¶ Aines mals an ainem ostertag. het sant Conrat mēß vnd do er vnser herren fronleichnam empfangen het vnd das haylig sacrament von dem kelch empfahe wolt. vnd als er in auff decket do sach er das ain spinnen was darein gefallen. daruon der ausser mensch stirbt. aber der inner mensch tröstet sich des vntödtlichenn trancks. vnd het ainen festen glauben. vñ getrawet got es wār nicht tödtliches oder schädliches da vnd verzeret das sacrament begirlichn̄ mitt dem giffte. vnd gedacht daran das die giffte die alten schlangen überwunden het mit der gab des leydens vnser herren jesu chusti. Do nun sein diener sahen das er also dauon erblichn̄ was. do forchten sy er stürb daruon. vnd waren ser betrübet. Vnd nach der mēß gieng sant

Conrat

Conrat zū tisch vnd saß ain weyl vñd aß nichts. do fraget man in haymlichen was er thūn wolt. do sprach er. Ich wart aines gastes der kompt bald. vñ nayget sich mit dem haubt auff den tisch. vnd thet seinen mund auff. do gieng in die spynn wider herauf wā sy mocht in kainen schaden thūn. Das wunder sahen seine diener vnd wurden des fro. ¶ Sant Conrat mocht von natur nitt fasten. Vnd aines mals solt man in vischen. do für er auch mit den vischern ver von seiner herberg auff dem wasser. do legeten seine diener mit ainander an. das man das vischn̄ lang auff den tag verzuge. das er deßer lānger müß fasten. Do sein zeit kam das er essen solt. do sagten in seine diener warumb sy das vischen so lang hetten verzogen. do sprach sant conrat. so gesegen eūch got. vnd gieng auff dem wasser haym als auff truckner erdenn. Do sahen die diener wol das es gottes will was: vnd hetten in es nit für übel. Darumb essen die leüt in dem selbñ land ayer vnd käß. Do er nun seliglichn̄ het gelebt biß an sein ende. do ward er siech vñd starb an dem nächstem tage nach sant Katherina tag. do für sein seel zū ewigen freuden. Haliger herre sant Conrat hilffe vns vmb got erwerben das wir auch kōmen zū den ewigen freuden

¶ Von sant Gregorio
auff dem stain



Es was ain reicher edelman in aquitania in welschen landen 8 het zway kind bey seiner frawen ain sun vñ ain tochter die waren gar schön vñ starb in ir müter bald. Vnd do die kind bey zway jaren alt waren: do ward der vater auch siech vnd weßt wol das er sterben müßt. Vñ sendet nach den besten in dem land den er wol getrawet Do sy nun zū im kamen do sach er seine kind mitt jamer an vnd sprach. Soll ich yetz von üch schaiden. nun wolt ich erst freünd mit eüch haben gehabt. Vnd befalhe die kind dem herin. vñ do er sach daz die kind wainten. sprach er zū dem sun. warüb wainst du. Nun gefelt dir ain großland ich sorg nur vñ dein schwester. vñ redt weyter Sun bißs deiner schwester getreü. vnd hab sy lieb. vñ vor allen dingñ hab got lieb der müß eüer pflegen. Vñ laß dir mein sel empfolhen sein.

damit verschyed er Do vnderwād sich der junkherz seiner schwester. vñ pflag ir mit treüen. vnd was sy von im begert das gewert er sy alles vñ wonten allzeit bey ainander in rechter treüw vnd liebe. Der böß gniß neydet da die raine liebe vnd mocht sy nit erleyden vnd ryet dem herin nach seiner schwester liebe. do keret re sein liebe auff falschen mür vñ verirret in seiner schwester schöne. vnd der veind schüß das er bey seiner schwester schlieff. do ward sy ains kinds schwanger. Do sy daz mercket. ward sy ser betrübt vñ stellet sich jamerlich. vnd do der jüngling sein schwester betrübt sach. do sprach er. Liebe schwester sag mir warumb du also traurest. was gebüß dir. Do erseüßget sy von hertzñ vñ sprach. Brüder ich byn zwar an seel vnd an leyb tod O wee mir armen weib. warzū bin ich geboren. ich hab durch deinn willen gotes huld verloren. vñ auch der menschen. vñ müß ewiglich geschendet sein. warñ ich trag ain kind bey dir. Do ward er gar ser betrübt vnd was im layder vmb sein schwester dann vmb sich selber. vnd er wainet jamerlich vmb sy. do sach sy in an vnd sprach Brüder gehab dich wol vnd tröste dich gotes güt. do redet ir junkherz vnd sprach. Ich will vns wol raten. wir sollen es ainem weysen herren sagen. dem hat mein vatter getrawet vñ beualch vns im an dem todbeth der sitzet in ainem land vñ ist gar getreüw. vnd was vns der

Von sant Gregorio

eüch meins brüders tochter vñ bitt
eüch fleissiglich daz ir es selb taufft
Do der abt vñ die brüder daz schön
kind sahen do wurden sy fro vñ spr
ach der abbt. Seyd sy des klostere die
ner sind so sollen wir in des nit ver
sagen. vñ hieß das kind zü der tauf
tragen vñ hüb es selber auß der
tauff vñ hieß es nach jm Gregori
us vñ sprach. Seyd ich des kint
gaystlicher vatter byn so wil ich es
geren haben. vñ zeüch mir es schon
das will ich dir geren dancken. Vñ
er ließ kainen tag er sach das kind.
so lieb was es jm. Do nun der vi
scher das kind sechs jar gezogen het
do nam es der abt in daz kloster. vñ
klaidet es schön vñ hieß es die haili
gen geschrifftlernen. vñ was zü treü
en vñ zü eeren. vñ zü frümkeit gehö
ret Do lernet es gar wol. vñ was
es sein mayster hieß das thet es als
geren. vñ die kind die dreü jar vor
jm in die schül waren gegangen die
fürfür es mitt seiner kunst. vñ der
maister sprach. Ich sach vnder al
len kintden nye kain sinnreicher kind
Es ist der jar ain kind vñ der witz
ain man. Do es aylff jar alt was
do was es gar wol gelert daz kain
besser gramaticus was dann Gre
gorius. Darnach über dreü jar. be
ferten sich seine synn. das in die got
hait durchleüchtet. Wan die kunst
ist von der gothait. Nun hatt des
vischers frau iren mann das er ir
saget von wannen jm das gold kö
men wär. vñ gelobt jm sy wolt es
nit sagen. Do sagte er ir das es gre

auff dem stain

gorio was gewesen. vñ wie man in
auff dē wasser funden het das ver
schwig die frau biß das Gregori
us. xv. jar alt ward. do spilet er ai
nes mals mitt des vischers kintden
vñ thet ainem wee an sainem nack.
do lieff das kind wainend zü seiner
müter vñ klaget ir gregorius het
es geschlagñ do sprach die frau in
ain zorn. hab ich das an jm erzogñ
das er mein kind soll schlahen. nun
hat man in auff ainem see gefundñ
vñ waist nyemand von wannen er
kömen ist. Nun was gregorius mit
dem kind haim gangñ vñ hort von
der frau von wannen er kömen
was. das was jm laid vñ gedacht
ob die red war wäre oder nit. vñ
kam zü dem kloster vñ sagt dem abt
wie sein ain geredt hett vñ bat in
fleissiglichen das er jm saget ob es
war wär vñ sprach. Ist dem also
so wil ich mich mit ängsten vñ mit
nöten begeen als ain ellender knecht
Seyd sy spricht ich sey ain gesunde
kind. Der red will ich nymmer mer
hören. ich siind wol ain ander land
das nyemand waist von wannen
ich kömen byn. so will ich mich mit
kainer kunst hyn bungen. hatt sy es
heüt geredt daz es ainer gehört hat
so redet sy es ain ander mal das es
drey oder vier hören. darüb will ich
8 schanden nit ein nemen. das was
dem abbt layd vñ sprach. ich will
dir ratten als meinem lieben kinde.
dir hat got gar vil vernunft gege
ben das du dein leben magst schick
en zü eeren oder zü schanden. Dar

umb volge meiner leere das ist dir
nützlich vñ erlich. du solt kein ding
in zorn tûn. das es dich hinnach nit
gereüw. du hast nun mit der pfaff-
hait gewont. vñd hast darauff ge-
lernt. daruñ beleib dabey. wañ ich
hoff du werdest der geschüfft ain
weiser man. so sind dir die leüt ge-
maincklich hold. so bin ich nun altt
vñ stirb schier vñ hoff ich wöll dir
vñ die brüder erwerbñ das sy dich
nach meinem tod zñ aym abt mach-
en was mag dir ainer bösen fra w-
en kless geschadñ. so wil ich es wol
vndersteen. das sy es nit mer thüt.
gregorius sprach. Heri. habt ir got
an mir geert. vñd habt mir das best
getan vñ geraten. so ist meiner tum-
hait so vil das ich eüch nit gefolgñ
mag. ich waiss wol das ich des vi-
schers sun nit bin. vñd das ich des
geschlächts wol bin das ich ritter
mag werden vñd hab auch den wil-
len gehabt. hett ich die geburt vñd
das güt ich wölt ritter werden. do
sprach der abt. sun die red ist nit güt
wañ wer sich nach d pfaff hait stel-
let vñd darnach zñ ritterschafft kert
ber verwircket seel vñd leib. ich het
dich zñ ain pfaffen erwölt thättest
du das so wär ich fro. Heri ich bin
ain junger man vñd lerne noch wol
zñ der ritterschafft. ich sag eüch für
war seyde ich mich ye verstünd auff
güt od auf übel. so wär ich gern rit-
ter gewesen. wañ was ich kan der
geschüfft das gerau mich nye. ich
künd gern mer. dan wñ ich geren
alle bücher gekünt het. vñd wñ ich

ain büch het in meiner hand. so ge-
dacht ich ye an ainen schilt vñd zñ
dē griffel was es mir als ob es ain
speer wär. vñd wär mir nymier baß.
dan so ich auff ain roß saß. vñd den
schilt zñ halß nām. vñd das schwert
in der hand füret. vñd das speer vñd
die arm nām. Nun helff mir lieber
heri zñ ritterschafft. so habt ir mir
wol getan. do sprach der abt. Sun
du hast mir vil gesaget das mich
wüderet wie es dir in den syn komē
sey ich hör wol daz du des gemüts
nit ain klosterman bist. ich wil dich
nit wendñ. got geb das es dir wol
gee zñ der ritterschafft. vñd hieß im
auff dem pfeller den er bey im fand
ain gewäd schneiden zñ ritterschafft
das im zām. Do er nun riter ward
dennocht het im der abt nichts gesa-
get von der tafel vñd von dem gold
vñd gedacht wñ er zñ der rittersch-
afft nichts het so belib er da vñd vol-
get seiner rät. vñd versücht in aber
vñd sprach. lieber sun beleyb hie bey
mir du hast ritters namen. vñd wirst
dich schāmen das du nichts darzñ
hast weder freünd noch güt. do sp-
rach gregorius. ich will mit früm-
kait vñd herin vñd frawen verdienn
das sy mich gütlich grüssen vñd mir
hold sind. was bedarf ich mer. Ich
hab das pferd vñd ainen knecht vñd
bin wol geharnasch. vñd nam vilob
von dem abbt vñd sprach. Nun wil
ich nit länger beleyben. Do sprach
der abbt. Sun ich verstee dich gar
wol das dir ernst ist dauon gee her
mitt mir ich will dich sehen lassenn

Von sant Gregorio

was ich deines dnigs hab. do gab er jm die tafel. do laß er das er von zweyen geschwistergoten geboren wär. do erschrack er ser vnd waint vmb die sünde. Vnd laß auch das man jm mit den zwainzig marcken golds ziehen solt. Darnach sprach der abt. sun du hast gelesen wie all deinen dingen ist. so hab ich den vischern der marck dreü gebñ die dich haben erzogen vñ hab dir mit den sibenzehen marcken anderhalbhundertmart gewonnen. do sprach gregorius Got muß eüer ewiger lon sein vmb alle treü die ir mir erzaygt hab. vñ gesegnet in. Do waynten sy bayd vñ schyeden von ainander. Do saß er aüf ain schiff vñ nam als sein güt vñ befalch sich vnserm herren mit großem fleiß vñ bat das er in zü seinen freünden füget vñ mit jm wär. do für er lang auff dē was ser vñ schlügen in die wind in seiner müter land. das was verbrēnt als vor geschriben ist vñ was ir nicht belyben dan ain haubtstatt. Do er die stat ansach. do hieß er den schiff man hynzū schiffen. das thet er. do sagten jm die burger als bald das die stat groß veindschaft het. do sprach er. das fügt mir wol wan ich will gern streyten. Do gewan gregorius herberg bey seiner müter vñ sprach zü ir Ich will eüch geren dienen wie ir begerent. vnd was reichlich mit der zerung. Vnd wa er hin kam da was er ain würdiger lieber gast. Vnd do er höret das die fraw kainen man het. vñ das sy so schön

auff dem stain

was. do dienet er ir aber lieber dan vor. Do saget man der frawen gar vil von seiner zucht. vñ von seiner frümkeit. darumb sach sy in geten. vnd sach in fleissiger an dan ye kainen man. das was von seinem gewand. Vnd sy sprach wider sich selber Ist das nit dz schön seydin tuch das ich zü ainem mal zü meym kind leget. oder es hat villeicht ain hand gewirckt. vnd geniel ir Gregorius wol vnd sy jm auch. vñ er flis sich durch iren willen deßer mer zucht vnd eer. Vnd wen die brüder an die veind kamen so stritt er so manlich das man in für sy lobt danon ward er wol in dem land erkant vñ lobtē in ser wan sein begird stünd allwegen zü dem sper vnd schwert. vnd het rechte kunst von der ritterschafft ¶ In der zeit het der hertzog der stat veind was. das land seer verwüst verheret vnd verbrēnt. das jm nyemand angesigen mocht. Do gedacht jm Gregorius ich will den hertzogen fahen. wann ich hab die sterckin vnd den müt wol. vnd wil meinen leib vnd güt auff in wagen villeicht es gelinget mir das ich in angesige. des hette ich ymmer mer eere. Vnd saget sein maynung dem obersten herren haymlichen. vñ er zoch des morgens zü velde. Do halffe man jm für die stat. do batt er das man sein wartete. vnd wen er kame das man in wider ein ließe do gelobten sy jm das. Do rytte er haymlichen über das velde für des hertzogen gezeldt. do in der hertzog

sahē do wappnet er sich bald vnd hieß im sein pferdt bringen. vñ rytte gegn̄ im. vnd do in gregorius sahe do entwich er für das tor vñ wolt da sein bayten ob er im möcht werden vñnd ob er allain zū im kōmen möcht. do kame er zū im vnd ward fro. vñ sy schlügñ bayd mit schwertē zūsamen. do half got dem liebē gregerio daz er den hertzogñ zāmet vñ fūret in mit gewalt zum bruckthor. do eyleten im sein ritter nach. Do liessen die burger gregoriū ein mit seinn gefangen vñ schlügñ daz thor zū. do ward ain grosser streyt daruor. Darnach bracht gregorius den hertzogen für die frawen. Do schwūr er ir vñ den burgern daz er in nym̄er k̄ain layd wolt thūn. das hielt er auch. vñ erlōst Gregorius seiner mūter land vñ begieng grosse eer damit. Darnach sprachen die burger das lande wār vnbeewart von ainer frawen. sy solt ain man nemen das gelobt sy in. do wurden sy fro vñ sprachen das sy nām wen sy wolt. do nam sy iren sun gregorium vñ sprach. er hat mir mein land gelōst. darumb will ich in haben. Do het er sy mit ganzñ treuen lieb vnd beschirmt sein land mit fleiß. Vñ het die tassel haymlich in seiner kamer vñ laß sy all tag. vñ bat got das er seinem vatter vnd mūter ir sünd vergāb. ¶ Nun het er ain maget die mercket wol das er allweg gūts mūts was wēn er in die kamer gieng. vnd allweg traurig was wēn er darauff gieng. das wūdert

sy vnd maint sy wolt es innen wēden wauon das wār. vñ verbarg sich ains mals in die kamer. do sahe sy das er die tassel laß. vnd wa er sy hin legt. vñ do er auß kam. gieng sy hin zū der frawen vñ sagt ir das er allweg traurig auß d̄ kamer gieng vñ das sy gesehen het das er ain tassel laß vnd set darzū wainet. vnd zaiget ir wa er die tassel hin gelegt het. do laß sy die tassel vñ sahe das sy sein mūter was vñ kennet die tassel wol. Do erschrack sy seer das sy als in grosse sünd gefallen was vñ gedacht ich mag nym̄er fro wēdē wān ich bin zū der hell geboren. vñ klaget gott ir grosse peyn vnd leyden. Nach dem sendet sy nach irem man vnd do er zū ir kam. do was sy seer erblichen. do sprach er. fraw wie gehabt ir eūch. do sprach sy mit seuffzendem hertzen. Ich byn von hertzen laydes vol. gott von hymel sey es klaget. Herz saget mir baldt. von wannen ir geboren seyt. vñnd sprach. Seyt ir der von dem die tassel geschryben ist vnd weist im die tassel. so haben wir bayde leyb vnd seel versencket. so byn ich eūwer mūter vñ eūwer weyb vñ eūwer baß do erschrack er vñ sprach. Herz got von hymel. du hast mich anderst gewert dān ich maynt. dann ich batt dich das du mich fügtest zū meinn freūden. aber ich maynet nitt das mein mūter mein weib solt sein. ich hab mein freūnd gesehen dz ich nimmer mag fro wēdē. sy warn baide in layd ir leyb vnd ir seel. darnach

Von sant Gregorio

sprach die fraw. Lieber herr vñ sun mügent ir inich nitt trösten das ich mein sünd hie auf dem erdrich büßen müge. ich fürcht ich muß in den abgrund der hell. do sprach er. Du solt an got nit verzweyflen. wann ich hab gelesen das gott ware reu vñ büß für alle sünd nympt. wan sy dem menschen recht layd find. so vergibt er im sy durch sein grosse barmhertzigkait. du solt aber in dey nem land beleiben vñ solt dir ab brechen an essen vñ trincken. vñ solt fröde vñ gemach fliehen. vñ gib den armen dein güt durch got. vñ baw klöster durch got. damit senfftigest du gottes zorn. so wil ich auch mein sünd büßen. **N**üter daz sol die letst red sein. vñ du sichst mich nymer mer. damit schyed er von ir vñ gieng von dem land vñ bat got das er im ain wüste schicket da er sein sünde inn büßet bis an seinen tod. vñ gieng ainen schmalen weg bey ain see vñ kam zü ainem vischer vñ bat in das er in durch got beherberget do sach der vischer daz er ain starck en leib het. vñ handelt in übel vñ sprach. du trüger wen ich vñ mein weyb heint entschliessen so nāmeß du vns villeicht vnser leben vñ vnser güt. darumb gee fürbaß. do sprach er. Ir habt recht. vñ gab inen ain gute nacht vñ schyed lachend von in: vñ layd es geren vmb sein sünd. **N**un was es gar spat. darumb hett des vischers fraw groß erbärmde über in vñ sprach zü irem man. ich glaub er sey ain gütter

auff dem stain

mensch. so steet dein hauf ver von den leuten. vñ wenn dir gott des nachts gest her sendet so solt du inen gütlich thun vmb gottes willen. darumb erlaub mir das ich im herwider rüß. das thet er. do rüßte sy im herwider. vñ hieß in mit ir essen vñ trincken vñ wolt in der vn- wird er getzen die sy im gethon hett do wolt er nit essen. Do fraget in d vischer was mans er wär. do sprach er. Ich bin ain grosser sündler vñ süch ain stat in d wüste da ich mein sünd büß bis an mein end. Wissent ir nyendert ain stat in der wüste od ain hol bey ainem stain das zayget mir durch got. do sprach der vischer begerst du das so bis fro. dan es ist ain stain hie der mag dir wol werden. müg wir dich darauff bringen so nyetest du dich wol künners dar auff. seydu dein sünd wilt büßen so hab ich lang ain eyßen gehabt dz will ich dir darzü geben. daz du deine bain zü dem stain schliessest ob es dich gereu das du dein sünd müsest büßen Do ward er fro vñ dancket im fleissigklich. des morgens sprach der vischer stee auff vñ far mit mir do was er erst entschlaffen wan er het lang gebetet vñ schlieff so vast daz er sein nit hort do rüft er im ab er vñ sprach. ich verständig nächten wol das es dein wil nit was. do er nit wolt erwachē. do für er hin daz sahe sein fraw. die wecket in bald auf. do eylt er das er von not der tafel vergaß. vñ schry dem vischer nach. Bayt mein durch got. do für er

in vntugentlich auff ainē stain der was wild. vnnnd beschloß jm seine bain mitt ainem eyßen zū dem stain vñ sprach. Du müßt hie sterben vñ kumpst nit mer von danen. vnd er warff den schlüssel in ain tieffen see vñ sprach in ainem gespöt. wenn ich den schlüssel vinde. so hast du dein sünd gebüßt vñ für damit von jm Do belib gregorius auff dem stain vñ het kain schirm vor dem schnee vnd reissen. noch vorm regen. noch vor dem wind dan̄ nur des almechtigen gotes segen vñ het arme klāy der an. vñ wurden jm seine arm vñ seine bain bloß. Vnd hett weder zū essen noch zū trincken. dan̄ nur ain trunct wassers der ran außs dem stain tag vnd nacht in ainem grüb lin. des nerer er sich sibenzehen jar. dan̄ got was mit jm. vñ frist jn mit seiner güt. er wār sunst hungers gestorben. In der zeit starb der bapst. do hett jn got sein sünd vergeben. do rüßten die cristen got an. mit beten vnd vasten. vñ batten jn das er jnen kund thāt wer jn nütz vnd güt wār zū ain bapst. do waren zwen rōmer an irem gebeet die waren tugendlich frūm vnd warhafft. Zū den sprach die stym̄ gotes in der nacht. Ir söllent die rōmer des morgens zūsamen bringen. vnd sagen jn Es sey ain man auff ainem wilden stain zū aquitania in dem sibenzehenden jar. der haist Gregorius. den söllent ir zū ainem bapst nemen vñ wist ir kainer von dem andern das es jm auch kundt wār gethan.

do sagten sy es baid den rōmern. do wurden sy fro vñ sandten die selben zwen mann zū aquitania das sy jn überall sūchten. vñ jn brächten. das thetten sy Do gab jn got in iren syn sy solten jn in der wüste sūchen. vñ sūchten bis an den dritten tag. Do kamen sy von dem willen gotes zū dem vischer an den see. 8 jn zū dem stain geschlossen het. do wurden sy fro das sy die nacht rüen solten. do empfieng sy der vischer schon vnd hofft er genüß ir wol. darumb das sy reichlich giengn̄ vñ thet jn schon vñ sprach. ich hab heüt ain schönen visch gefangn̄. do baten sy jn das er jn den visch berayte. do bereit er jn vor jnen allen. do fand er den schlüssel in des vischs magen. damitt er sant Gregorium vor sibenzehen jaren in den stain verschlossen het. do wurden sy gar fro. Do sprach der vischer. Ich beken̄ das ich gesündt hab. vnd sagt jnen alle ding wie es jm mit sant gregorio ergangn̄ was vnd wie er jn zū dem stain geschlossen het. do wurden sy gar fro. vnd gedachten es wār der selb mensch. von dem jnen von got kund getan was. do batt sy der vischer das sy jm büß vmb sein sünd gāben vnnnd vmb das gespöt. das thetten sy. do batten sy jn das er sy zū dem stāyn weist. do sprach er. was soll die müe. ich waif woll das er langest erhungeret ist. doch ließen sy nicht ab. Des morgens weist sy der vischer zū dem stāyn. do sahen sy sant Gregoriū an do was er als jamer-

Von sant Gregorio

lich nacktet vnd bloß. vnd was mit
hat erwachsen. vñ was gar mager
worden. doch was der hailig gaist
mit jm gewesen. daz er der kunst die
er het von den büchern nit verges-
sen het. Vñ do sy in ansahen wayn-
ten sy vor freuden. vñ beschwüren
in bey got das er sagt ob er gregori-
us hieß. do sprach er ja. do sagten sy
jm warumb sy dar kōmen wāren.
Do erschrock er ser vnd waint. vñ
sprach **M**einer sünden ist so vil daz
ich billich hie beleib bis an mein tod
Ich zym zū kainen bapst. wān ich
hab in. xxij. jarn nie kain mensch ge-
sehen. Ob nun got durch sein gnad
meiner sünden vergessen het so gāb
er vns ain wares zaichen. vñ hulff
vns das wir den schlüssel funden.
damit ich verschlossen byn worden
in den stain. ob ich will hie sterben
Do viel der vischer für in mit way-
nen vnd schreyen vnd sprach. Ich
warffe den schlüssel in den see. vnd
hab seyde nye an euch gedacht bis ge-
stern. do fand ich den schlüssel in ay-
nem visch. vnd schloß die eysen auf
do legten jm die herren ain schönes
gewand an. vñ namen in auf dem
stain. Do batt sant Gregorius got
daz er jm hulff das er sein tassel fun-
de. do suchten sy die tassel vnd fun-
den sy vnder nesseln vñ vnder
kraut ligen. als er sy dar het gelegt
Do wurden sy gar fro vnd sprach-
en. Wārlichen er ist ain hayliger
man. vnd namen in vnd fürten in
mit freuden gen Rom vnd die speiß
ergab in gar wol wān was sy da-

auff dem stain

von nūmen so wurden ire vaf. wi-
der vol. Vnd vor ee sy gen Rom ka-
men. do leüteten sich alle glocken sel-
ber die in der stat waren. vnd ver-
kündeten das ir hailiger bapst kām
Do führen sy gen jm drey tag wayd.
vnd trügen jm hailtumb entgegen.
vnd giengen wullin vnd barfuß ge-
gen jm mit lobgesang. vñ mit gros-
ser würdigkait. vnd empfiengen in
mit grossen freuden. vnd es lagen
vil siecher auff der straß auf seinem
trest. die wurden alle gesund. wēn
er sy berüret mitt seinem saum oder
mit der hend wölcher lay siechtumb
sy hetten vnd lebet seliglichen vnd
den sündern gar gnedig vnd trost-
lichen. **N**un höret sein mütter wie
der bapst den sündern so trostlich
wāre. do gedacht sy sy wolt auch
zū jm kommen vnd ir sünd beichten
vnd kām zū jm vnd beichtete alle ir
sünd. Aber sy wißt nit das er ir sun
was. doch het sy sich so seer entsetzt
vor grossem laid vnd reu vmb ir
sünd. das er sy auch nit erkannt bis
das sy sich nennet do bekennet er sy
das sy sein mütter was vnd lobete
got darumb das sy in reu vnd büß
wertigkait lebt. auch danckt er got
das er sy sehen solt. Vnd sprach do
zū ir also: Wissent ir nicht ob doch
eüwer sun noch lebe oder ob er tod
sey. Do er seüßiget sy gar seer vñnd
sprach. **N**ayn. ich wißs aber das
wol das er so grosse reu über seine
sünd hatt das ich nicht glaub das
er noch lebe. in hab dann got groß-
lich enthalten. do sprach er. Sehen

ir in. erkanten ir in aber Do sprach sy. Ich gelaub sach ich in ich wolte in wol erkennen. Do sprach er wid erumb. Sāhen ir in aber geren. do sprach sy. Es möcht mir in der zeyt nichtz liebers geschēhē. do sprach er Es ist nit lang das ich in sach vnd er gehabt sich wol vnd ist auch hie Do sprach sy ach lieber heri helfent mir das ich in seh. Do sprach er vil liebe mütter secht mich an. Ich bin eür sun vnnnd eür man. Vnnnd wie groß mein sünd waren. so hat sich doch d allmächtig gott über mich armen sündler genediklichen erbar met vnnnd hatt mich zū seinem gewalt erwölet. vnnnd hat mich von seinen genaden. an gotes stat erwölt. vnd ich hab mich gott ganz vnd gar ergeben. do ward sy von hertz en fro. vnnnd sprach. Herich danck dir der grossen genaden. die du mir vnd im gegeben hast. das du vns zūsamē gfügt hast. Also beliben sy bey ainander in der stat bis an iren tod. Vnd er erwarbe seinem vater Vnnnd seiner mütter das ewig leben. Nun bitten wir den lieben heren sant Gregorium das er vns vmb gott erwerb nach disem leben das ewig leben Das verleich vns gott der vatter vnnnd der sun vnnnd der haylig gayst Amen.

¶ Von sant Saturino.



¶ Saturinus was ain crist. vnd het got lieb. vnd dienet im mit fleiß tag vnd nacht mitt betten. vasten wachē. vñ mit ander güter ābung Darumb machten in die hayligens zwelfspotten zū ainem bischoff vñ santen in in die stat Dolosam. Vñ do er dar kam do mochte die bösen gaist den menschen kain antwurt geben als sy vor hetten gethan. Do warn die haiden laidig vñ sprachē Wir sollen saturinum tödten vns gebē anderst vnser götter kain antwurt mer. vñ viengen in vnd wolten das er den götern geopffert het das wolt er nit thū. das thet in zoren. vñ bunden im ainen ochsen an seine füß. vnnnd jagten in die staffel auff's aller höchst auff die spiz. vñ wurffen in wider herab. do brach im sein haubt auff vnd viel im das hirn herauf vnd starb. do für sein sel zū den ewigē freuden. do kamen

Von sant

zwo frawen vnd begrüben seinen hailigē leichnā an ainer tieffen stat wān sy forchten die haiden funden in Darnach leget man in an ain andere erbere statt. Es was aber ain ander Saturinus in der statt affrica der was auch ain crist vnd hett got lieb vñ dienet im tag vñ nacht das ward dem richter zū rom gesagt das er ain crist was. do thet es im zoren. vnd vieng in vnd leget in in den kercker. darinn litt er hunger vnd durst. darnach nam er in wider herauf vñ hieng in auff. vñ schlug in mit gerten vñ mit stecken vñ premeten im sein seyten mit bünnen den sackeln. das layd er alles gedul tigflich durch got. do nam man in wid herab. vñ schlug im sein haubt ab. do für sein sel zū den ewigē freuden. Das was nach christi geburt zwayhundert. lxxvj. jar vñ ward gemartert bey dem kaiser maximiliano. **N**och was ain ander saturinus zū affrica der het ainen brüder hieß sauri. der ward gmartert mit im. vñ die zway geschwister got reuocatus vnd felicitas vñ perpetua wurden auch gemartert. wann sy warn all cristē Do sieng sy der richter. vnd wolt daz sy den abgöttern geopffert hetten. das wolten sy nit thun. Do ward er zornig vnd leget sy in den kercker. Das hort sant felicitas vater 8 lieff wainent für den kercker vñ sprach. Tochter du hast übel gethan. das du dein geschlecht enteert hast. wān es ist auß deinem geslecht nye kainer in kainen kercker

Saturino

kömen. do sagt man dem richter daz sy ain cristin wār. do ward er als zornig das er ir die augn mit ainem vinger wolt außgebrochen haben. den das man ir halff. do schry sy jämmerlich. Darnach entschlieff perpetua. vñ sach in dē schlaf ain gesicht vñ des morgens frū saget sy es den andern vnd sprach. Ich hab heynt ain guldine laiter gesehen. die was so hoch das sy an den hymel langet vñ was so eng das nur ain klainer man darauß mocht geen. Vnd an bayden seyten warn messer die waren gar scharpf geschliffen. vñ wer hinauff wolt der mocht weder neben sich noch hinder sich gesehen vñ vnder der layter lag ain schwarzer track. der erschreckt die menschn greulich die hinauff wolten. do sahe ich Saturinū an der layter übersich auff farn in den hymel. der sach vns an vnd sprach. Fürchtent den tracken nit vñ farent sicher herauf das ir mit mir in dē hymel sein mügen. Do sy das horten danceten sy got seiner genaden. Vnd erkanten wol das er sy zū der marter berüft het. Darnach füret man sy für den richter der hieß sy den abgöttern opffern das wolten sy nit thun darnach ließ der richter die mann von den frawen thun. vnd sprach do zū felicitas. hastu ainn man do sprach sy ich hab ainn man aber ich verschmähe in. Do sprach der richter. du junge fraw erbarme dich nur über dich selbs. vnd allermayst darumb das du da ain kind in deinem leyb

legst. do sprach sy zū im. Thū mir was du wilt du magst mich nymer mer von meinem glauben bringen. Darnach lieff ir vatter vnd mütter zū vnd trügen ain kind mitt in das was ir vnd sog dennoch. do stund sy die weil vor dē richter. vñ ir man kam auch darzū. Vñ do sy ir vater vor dem richter sach steen. do vieler für sy nider vñ sprach zū ir O mein allerliebste tochter erbarm dich über mich armen. vnd leb mit vns. do warf sy das kind vntugentlich von ir. vnd sprach mit schreyender stym. Geet von mir ir veind gotes. wan ich erkenn eūwer nit. do der richter ir stätigkeit sach. do ließ er sy übel schlahē. das laid sy gern durch got. Darnach leget man sy aber in den kercker. do warn die andern gar seer betrübt über sy. wan sy het ain kind acht monadt getragen in irem leyb vnd hatten got mit ernst für sy. Do ward ir in dem kercker wee zū dem kind. vnd gewan ainen lebendigen sun. do sprach der hūter ainer. Wie wilt du thūn wen du für den richter kumbst. so dir yetz so wee ist. do sprach sy. Für das heutig leyden so wirt mir dort ewig freid. morgens nam man sy alle auß dem kercker vñ band in die hend auf den rücken vñ zohe sy nackent ab. vñ fūrt sy durch die gassen. vnd ließ greüliche thier auff sy lauffen Leowen vnd andre thier. die frassen Satirū Perpetuā Reuocatā vnd Felicitatem. do fūren ir seelen zū den ewigen freiden. nach der geburt chūsti zwayhun-

dert vnd fünffzig jar. Zū den zeiten was Valentinus kayser. Nun bitten wir die lieben hayligen das sy vns vmb got erwerben die ewigen freid vnd seligkeit Amen

¶ Von sant Barlaam

vnd Josaphat *Nota*



¶ Damascenus schreibt vns in d hystori von Barlaam. vnd hatt es mitt grossen fleiß zūsamē gesezt mit der genad gotes vnd sagt vns das Josaphat Barlaam zū cristen glauben bracht hab. vnd das land India. vñ meret die cristenhait mit gaislichem leben mit münichen vñ mit cristen. Zū der zeit was ain mā chtiger künig der hieß Quennir der achtet die cristen seer sunderlich die gaislichen leüt. Nun het der künig gar ainen gūten freinde der was sein innerster rat der ward ermant von der genad gottes. das er des reichen künigs hoff auff gab vnd

Nun Sancharlam

ward ain gaislicher man. Do das der künig hort. ward er zornig auff in vnd hieß in überall suchen: das thet man vnd do man in fand. vnd in für den künig bracht. do hett er schöne klayder an vñ was mager. Das thet dem künig zorn. vñ sprach zu in. Du toz du hast ainen verdorbenen mü. das du dein eer verwandest in kind spil. do sprach er. wilt du hören warumb ich das gethan hab. so treyb dein veind von dir. do sprach der künig. Wer seind meine veind. do sprach er das ist dein zorn vñ böser will die irren dich das du die warhait nit magst erkennen weder die weisheit noch die gerechtigkeit. do sprach d künig. red an was du wilt. die sich nit verstecken. die verschmähen die weysen recht als sy thoret seyen vnd die vnweisen martern sy. wan sy haben nit versücht die gerechtigkeit gottes. dauon mügen sy nichtt wissen noch lernen die warhait gottes. als die gerechten. Vnd sagten dem künig von vñsers herin geburt vñ von cristen gelauben. do ward er zornig vnd sprach Wärest du nicht so lang mein innerster rat gewesen ich hieß dich verpennen. dauon flüch bald das ich dich nit mer an sehe. od ich verderb dich. Do schyed er trauriglich von in. wann er hett geren der martter kron erstritten Nun hett der künig auennir kainen erben. do ward in ain sun geborn den hieß er josaphat do ward er gar fro vñ lüd ain grof ses völk zusamen. die solten den ab

und Josaphat

göttern opffern. vñ solten sich des kinds freuwen. vnd den abgöttern der geburt dancken. vñ fraget die sternseher was künfftiges an dem kind solt ergeen. do sprachen sy. Es soll weis reich vnd gewaltig werden. Do sprach der fünfft vnder in Ich sich noch ain ding das sich eüwer kainer. vñ sprach zu dem künig Ich sag dir daz dein sun dein reich vernichten wirt. aber in wirt ainbessers. vnd er wirt ain eer aller cristen die du ächtest Daz sprach er nit von in selber. sunder von dem einsprechen des hailigñ gaissts. do das der künig hort. do erschrack er garser vñ sprach. das will ich wol fürkōmen. Vnd hieß dem kind ainen reichlichen palast machñ vnder die erden. vnd thet das kind darein. vñ vil schöner knaben vnd fürsten. die solten allweg bey in sein. Vnd gebot das man dem kind von kainer traurigkeit solt sagen weder von dem tod. von alter. von franchheit von armüt noch von kainem ding das in betrüben möcht. vnd sprach der künig. Mein sun soll allwegen in freuden sein vnd in wollust lebñ darumb sölt ir allzeyt sagen das er nichts künfftigs müg gedencñ vñ gebot wen seiner diener ainer siech ward. so solt man in zühandt von in thün. das er es nit sähe bis er gesund wurde. vnd das man in von christo noch von christem gelauben nit sagten. ¶ Zu der zeit het der künig ainen fürsten der was richter. der was in lieb. vñ was haimlich

ain cristen. Der rait ains mals mit seinem herren auff das gejäg. do sahe er ain armen menschen der was siech. vnd der selb herr der da sach li- gen den armen menschn imm holtz. der was ain großmechtiger herr in disem künigreich des künigs Auen- nir der der best vñ fürnemest an sei- nem hof was. Er was gütig vnd mil- t in dem glauben cristi. vñ was allzeit sorgfelig zu betrachten das hail seiner sel. doch thet er dise ding haimlich die zñ dem cristen glaubñ gehorten von grosser vorch wegñ des künigs auennir. vñ do er mit sei- nem herren dem künig ryt auff dem gejäg. begab es sich daz er allain in dem holtz vmb ryt. Do fand er in dem wald lygen ainen armen men- schen der was vast siech. wie oben geschriben steet. vnd er lag auff der erden vñnd was verseret von dem haubt biß auff die füß. Wan ain wild fraysam thier het jm ainn füß gantz vñ gar erknischt. vñ erfressen. Diser arm man als er nun sach den herren für reyten. wann er was ain fürnemer herr in dem selben künig- reich. vnd was dem künig vast lieb vñ haimlich. wan er was hoffmay- ster vnd richter an des künigs hoff. do bat in der arm mensch daz er nit für ryt. sñnder das er sich über in er- barmet. vnd in barmhertzikait mit- tailt. darumb das jm so übel gesche- hen was. vnd so mercklicher gros- ser schad widerfarn vnd begegnet wære von den wilden thieren vnd das er in haym füret in sein haufs.

Vnd redet fürbaß mer mit jm. vnd sagt jm weiter schreyend vñ sprach Ich bin dir nit vmb sunst erfunden wordñ. dan ich sag dir fürwar ich bin ain arzt wan ob ain mensch zñ zeyten in gespräch belaydiget oder in trübsal erfundñ wirt das kan ich mit ertzney der wort die darzñ gehö- ren haylen. das nit weyter trübsal vnd belaydigung darauff kommen. dan ob yemand wund wurde von worten den wolt ich gesund mach- en. Der red achtet der richter nicht. vnd fürt in haim in sein hauf. vnd hieß sein wol pflegñ. das sahen die bösen diener vnd neydeten den rich- ter das in der künig als lieb het. vñ sagten dem künig das er ain cristen wär. vñ sprachen. er maint er wöll dich von dem reich treyben. Vñ do der künig das hort ward er gar zor- nig. vnd sprach doch nichts darzñ. do sprachñ die bösen diener aber zñ dem künig. Wir ratten dir das du jm sein leben nemest ee das er dein reich auff geb. vnd frag in der visa- chen. vñnd sprich zñ jm. du wöllest ain münich werdenn. so wirst du dan des innen. do fraget in der künig vmb die sach. Do verstünde er wol das er versaget was vor dem künig. des flaget er got mit wainen den augen. vñ gedacht an die schñden welt das die alle zergeet. vñnd gab sich willigklich in das leyden. vnd gedacht an den arzt. der wort die er geredt het. vnd flaget jm daz. Do sprach der arzt. du solt wif- sen das der künig will wänen du

Von sant Barlaam

wöllest mit im kriegē. darumb schir bald deinen bart. vnd leg ain hārin gewand an. vnd gee morgen bald zū dem künig. vnnnd wenn er frage was du damitt maynest. so sprich. Nym war edler künig das ich bereit byn wie du wilt dir nachzeuolgen. wie du sein begerest. vñ wölchen weg du wilt das ist mir ring zū thun. recht als ich dein gesellin freuden byn gewesen Also will ich dein gesell auch sein in widerwertigkeit Do sprach der richter die wortt zū dem künig. do erschrack er seer vnd gedacht. Ich sich wol daz man im vnrecht thūt. vnd das er will was ich will. Des künigs sun was nun wol geleret in aller weißhait. vnd was ain milter knab worden. vnd wundert in ser warumb in sein vater einschluß. Vnd sprach zū seiner diener ainem. ich byn seer betrübet. darumb das ich nicht auß vnd ein thar geen vnd allweg hymnen soll sein. es lust mich weder essen noch trincken. das sagt man seinem vater. daz was im gar laid. vñ mocht doch nitt geleyden das er darumb traurig wär. vnd hieß in herauß führen. vnd hieß vil saytenspil berayten die vor im herauß giengen. vnd solten allweg vor im geen. Vnd gebot auch den dienern daz im kainer begegnen soltt der ainen gebrechen her. do begegnet im aines tags ain auffeziger. vnd ain blinder. do fraget er was meeschen das wär. do sprachen sy. es ist ain sunder siech. do sprach er geschicht es allen men

und Josaphat

schen. do sprachen sy. etlichen vñ etlichen nit. do sprach josaphat. seind nitt ettlich menschen hie die leyden müssen. do sprachen sy. Wir wissen nit künfftige ding. darnach sach er ainen alten man. der hett vil runtzeln vnd ainen krümen mundt. vnd stümet mit der red. Do erschrack er gar ser vñ fragt waruon das wär do sprach sy. von alter vñ von vil jarē. do sprach er. wie nympt es ain end vñ in. do sprach sy. Mit dem tod endt es sich. do sprach er. Sterben alle menschen oð nur etlich. do sagten sy im daz alle menschen sturben. do sprach er. nach wievil jaren sterben die menschn. sy sprachen nach achtzig oð hündert jaren stirbt der mensch. das behielt er allzeit in seinem hertzen vñ gedacht offft daran vñ was traurig. vñ bat sy daz sy in all sölche ding leren sölten. vñ wie traurig er was. so was er doch allzeit frölich vor dem vatter. ¶ Zū den zeitē was ain ainsidel ains vol kōmen lebens. der wont in dem wüsten land senaar der hieß barlaam dem ward von got kund getan daz er des künigs sun bekeren solt. do leg er kaufmans gewand an. vñ also gieng er in die statt vnd kam zū des künigs zuchtmaister. vñ sprach Ich hab gar ainen edlen stain. der machet die blinden gesehendt. vnd die stummen redent. vnnnd die vñ gehörenden gehörend. vnd die thoren weiß. Vnd der edel stayn zymmet des künigs sun. Darumb führe mich zū im das ich im den geb. Do

Sprach der zuchtmaister. du bist aynem weysen man gleich. aber du redest nitt weislich. wann es kan ain stain nit so vil kraft habē als du sagst. doch zaige mir den stain. wan ich kenn die stain wol. ist er so güt vnd bewärt. so begabt dich des künigs sun mit eern. do sprach er mein stain hat die krafft. wer in ansicht mit franken augen. vñ nit ains keuschen leben ist der verleirt die kraft seiner augn. so erken ich wol das du nitt gesunde augen hast. Aber ich hab von des künigs sun gehört er hab schöne gesunde augen vnd sey keusch. do sprach der zuchtmaister. Ist jm also so zaig mir deins stains nit. wan ich hab nit gesunde augn. vnd bin in synden. do füret er in zu des künigs sun. do empfieng er in frölichen. do sprach Barlaam. Du hast mich frölich empfangen. vnd hast mich meiner schñoden klayder nit engelten lassen. vñ achtest auch der nit die wol geklaydt sein. do sprach Josaphat. Ich hab gehört von deinem edlen stain. wie groß krafft er hab. laß mich in sehn. ist er so güt als du sagst vñ hat so vil krafft. so gilt ich dir in wie du wilt. Do sprach barlaam. Es zympt deiner adelkeit nit daz ich dich betrüg wan ich aber sich dein müt vñ dein adelkeit an dir das du die adelkeit vñ krafft vernemen wilt die an dē stain ligt. so sag ich dir sein krafft ee ich dir in zaig. wan mein herz hat mich mit kron in das land gesendt. des wort sol ich dir verkünden. vñ will dich

von sünden weysen ob du mir volgen wilt vnd sagt jm ain beyspil. Es gieng ain man auß vñ seet seinen samen. do viel sein ain tail auff ain herten stain den aßen die vögel vñ bracht kain frucht vñ verdarb. Der ander viel in die dorn. vñ giengen die doren mit auff. vñ erstecten den sam. Der dritt viel in die gäten erd. vñ bracht hundertfeltig frucht. Der sam ist das wort gotes. den sät man gar weyt. vnd bringt doch selten frucht. der sam der auff den herten stain viel. das seind die die das wort gots hören vñ nit behalten. der ander sam der in die doren viel. das sind die die das gotz wort hören. vnd mit sorgen forcht reichthum vnd mit der welt wollust bekümmert sind das der sam nit frucht bringn mag. der drit sam. der in daz güt erdtrich viel. das seind die die mit gutem hertzen vnd raynem müt das gots wort hören vñ es auch behalten. die bringn hundertfeltig frucht. vnd sprach zu jm: Sind ich den müt an dir. so sät ich meinen samen in dein hertz vnd thū dir des stains adelkeit gänglich kund von dē ich dir gsagt hab. ist aber dein hertz stainin vnd dornig wilt du denn so franck synn haben das du so leicht zergeest. vñ wilt die sögel den samē hin lassen tragen. so bin ich also gesendet. das ich meinen samen nicht werffe in die vnberhassten erden. Ich bin auch ser nach dir gegangen vñ hab auch gar vil erlitten. ee daz ich heer zu dir kōmen byn. darumb

Von sant barlaam

das ich dir die ding kundt thet die du vor nit hordest So hab ich hoffnung dein hertz vnd dein gemüt köre sich zū ainem gūten leben. Do sprach josaphat. Ich will dein red geren hōrn. vñ hab hoffnūg du lereſt mich ain bessers. vnd will dir gern volgen. darumb lere mich das best durch deines herzen willen. Do sprach barlaam. Du hast wol daran getan das du mich nit verschmecht hast. darnach sagt er jm von ainem künig der für alweg auf ainem guldin wagen. vnd was künigklich beklaidt. dem begegneten aines mals etlich arm menschen in zerrissen klaidern. do er die sach do gieng er von dem wagen vñ viel in zūfüssen vñ stünd auf vnd küſſet sy in götlicher lieb. das gedaucht sein diener vnbillich. vñ toirten in doch darumb nit straffen. vñ sprachen zū seinem brüder. Es hat dein brüder seinen eeren nit wol auß gewart. darūb zürnt d̄ brüder mit jm. Nun het der selb künig ain sitten. wen er des morgens ain menschn tödten wolt. so schickt er des nachts büttel für sein hauß vñ hieß busanen erschellen. so wiſt dan der mensch wol daz er in tödtē wolt. Vñ do es abent ward. schickt er die bütel für seines brüders thür vnd hieß sy busanen. do erschrack er gar übel. vnd forcht er müſt sterben. vnd het die nacht groſſ leyden. vñ des morgens schüſſt er sein ding vnd legt ain schwarz klaid an. vñ gieng mit seiner frawen vñ kamen mit grossen sorgen für die thür sei-

vnd Josaphat

nes brüders palast. do hieß in der künig hineingeen vnd sprach. O du vnweyſer. warumb fürchſt du die scherghn. waist du doch wol daz du nichts getan hast. ich soll mich billich fürchten vor dem scherghen meynes herin. wan ich hab wider in getan vnd der schal der busanen bezaichnet mir den tod. vnd daz gransam vitayl des jüngsten gericht. Darnach hieß der künig vier vāſlin machn. vñ die zway vāſlin hieß er übergulden vnd wol zieren. vnd hieß es mit todtē bainen füllen. die ander zway hieß er überbichen vnd hieß die mit berlin. vnd mit edelm gestain füllen. vnd hieß seinen dienern rüſſen die darumb gezürnt hetten das er den armen menschen zūfüſſ was gefallen. vñ legt in die vāſlin für. vñ sprach zū in. wölche vāſlin beduncken eūch am besten. do sprachen sy. die übergulden ſeind am besten. vnd die bichten ſeind nichts wert. do hieß der künig die übergulden auff ſchlahen. do gieng ain böſer geschmack auß. do sprach der künig. Die menschen ſeind den vāſlin gleich. die außwendig mit edlen klaidern geklaidt ſeind. vnd die inwendig vol vnſauberkeit ſind. Vñ hieß darnach die gebichten vāſlin auffthūn darauſ gieng ain süſſer geschmack. do sprach er. die vāſlin ſeind den armen geleich die ich eeret. vnd würdigklich empfieng wie sy außen in vnſaubern klaidern geen. so ſind sy doch inwendig vol gūts geschmacks vnd gūter tugent. Aber it ne

lora similim
ines pulcherr
us

men nur war dz aufwendig ist vñ
 das inwendig ist achtent ir nit. dar
 nach sprach Barlaam zñ josaphat.
 Dem künig hast du wol gleich ge
 tan. wñ du hast mich wol enspan
 gen. vñ sagt jm da wie vnser herr
 die menschen. vñ die welt erschaf
 fen het. vñ wie der böß gaist adam
 im paradeis betrog. Vñ saget jm
 auch von der geburt vnser herren
 vñ von seinem tod. vñ von sein
 er vñstende. vñ von seiner auffart
 vñ von cristem glauben. vñ thet
 jm do ain lange predig vñ saget
 jm von dem jüngsten tag vñ von
 dem ewigen lon den die gerechten
 haben. vñ von der ewigen peyn die
 die haben die nit gelaubig seind. vñ
 die den abgöttern dienen. vñ wie
 das so ain grosse tothait wäre. Vñ
 sagt jm auch von der zergenecklichñ
 freud diser welt. vñ wie der men
 sch ewige pein darumb leyden müß
 Vñ sprach zñ jm. die menschen die
 freude habent die seind ainem men
 schen gleich der floch von ainem
 ainhörn das es in nit ertödt vñ
 ließe als bald das er in ain grosse
 grüben viel. darinnen stünd ain klai
 nes bäumlin. daran hüb er sich den
 es was an dem grund so schlüpffe
 rig das er ain fuß nit setzen mocht
 vñd er sach zwñ meiß ain weysse
 vñ ain schwarze die nügen stetigs
 an des bäumlins wurtzen daran er
 sich hüb. vñ heten in nahent abge
 nagen. vñ sach vñden in der grüb
 ainen greülichen tracken dem gien
 ge feüwer auß dem mund. vñ sach

vñden in der grüben vier schlangñ
 heüßter. do was er gar in grossen
 nöten vñ er sach übersich do sach er
 ain wenig honigs in den östen des
 baums. Do vergaß er aller sorgen
 vñ angst da er inn was vñ gab
 sich in die süßigkeit des klainen ho
 nigs. vñd asse das vñ sprach do
 aber zñ jm. Das ainhörn bedeutet
 den tode der dem menschen allzeyt
 nach schleicht. ob er in müg begreif
 fen. Die grüb bedeut die welt. die
 ist vol sünden vñd boßhait. Der
 baum bedeut ains yeglichen men
 schen leben. das wirt verzert vñd
 gebissen von den zwayen meüßen.
 die weißs mauß bedeutet den tag.
 vñd die schwarz die nacht. Vñd
 die vier schlangen haubt bedeuten
 die vier element. dauon der mensch
 zñsamen ist geleget. Der greülich
 track bedeutet die verschlickung der
 hell. Die süßigkeit des honigs be
 deut die kurtzen freud der welt. da
 mit der mensch betrogen wirt. vñd
 mainet er soll es lange haben. Aber
 sagt er jm ain beyspil vñ sprach. die
 welt die ist ainem menschen gleich
 der het drey freünd. den ainen het er
 lieber den sich selber. den andern het
 er als lieb als sich selb. der drit was
 jm nit als lieb. der selbig mensche
 der ward versaget vor dem künig
 vñd vorch man würde in tödten.
 Vñ sprach zñ dem ersten freünde
 als er zñ jm kam. Ich hab dich lie
 ber gehabt den mich selber. darumb
 bit ich dich das du mit mir geest für
 den künig vñd mein wort sprechest

Von sant barlaam

Do sprach er. ich waiß nit wer du bist. ich hab ander freünd mitt den muß ich mich freien. vñ hab nichts das ich dir geleyhen müg dann ain hārin tūch damit du dich bedeckest das was im gar layd. vñ gieng zū dem andern fründ. den er so lieb het als sich selber vnd bat in das er im hülff. do sprach er. ich will gern mit dir geen biß für des künigs palast vnd nit ferrer. Do ward er seer betrübt vñ gieng zū dem dritten freünd de den er nur ain wenig lieb het. vñ sprach zū im. ich klag dir mein groß leydñ. vñ daz ich verlassen bin von meinen freündñ. so hab ich dich nit lieb gehabt als ich solt. das vergib mir. vnd ich bit dich das du mir helfest. do sprach er mit frölichem hertzen. Ich erken daz du mein ainiger freünd bist. vñ das du mir gütlichñ hast getan. darumb will ich mit dir zū dem künig: vnd will für dich bitten. vñ ich getraw im wol. er gebe dich nit in deiner veind hend. darnach leget er im daz beyspil auß vñ sprach. Der erst freünd ist das güt. das ainer mitt leyden gewinnet. des wirt im nit mer dan ain tūch darinn man in begrebt. der and freünd ist die straw vñ kind. vater vnd mütter. die geend nit ferrer mit dir denn für daz grab vñ geend darnach wider haim. der dritt freünd das seind deine gūte werck. daz almūsen. vnd das gebet. vnd die götlich lieb. vnd auch ander gūthait vnd tugent. die geend vns vor wen wir von diser Welt schaiden. vnd kōmen vns vor

und Josaphat

got zūhils. vñ erlösen vns von dem bösen gaist. Die lere nam josaphat in sein hertz vñ sprach. ich will das zergänglich güt gern lassen. vñ meinen vater vnd mütter. darnach sagt im Barlaam von ainem jüngling dem wolt man ain edle juncckfrawē geben habñ der wolt er nit vñ floh vnd kam in ain stat. da fand er ain juncckfrawen die was ains armen mans tochter die arbait seer. vnd beetet. vnd lobet gott mit grossem fleiß. do sprach er zū ir. du bist seer arm. vnd danckest doch got so andechtiglich. als ob er dir vil gūts getan hab. do sprach sy. es gibt got den menschñ genad dem armen als dem reichñ. also ist es auch. der got klainer gabñ danckt. der wirt groffer gab von im tailhaftig. Ich hab von gott groß gaben empfangen. wan er hat mich nach im gebildet: vñ hat mir syñ vñ kraft geben. daz ich arbaiten mag. vnd hat mich geordnet zū ewigñ seligkeit. vñ hat mir auffgethan die thür des ewigñ lebens. do der jüngling hort das sy also weißlichen redet. do gewan er sy gar lieb vnd batt iren vatter. daz er im sy zū der ee gābe. do sprach er. du magst mein tochter nitt nemen. dan du bist edel vñ reich. so byn ich arm. dennoch wolt er nit ablassen vñ batt in aber vmb die tochter. do sprach er. Ich mag dir sy nit geben wan sy ist mein ainige tochter. Vñ so würdest du sy in deines vatters landt fūren. vnd do sprach er. So beleybe ich hie bey euch. vñnd will

mich eüch in allen dingen gleichen
vñ legt sein edels gewand hyn. vñ
leget seins schwehers gewand an.
vnd belyb bey jm. Do gelobt er jm
die tochter. vnd do in sein schweher
lang hett versücht. do legt man jm
die tochter haimlich zü. vñ gab jm
ainn grossen schatz den het er haym
lich. des was mer dan seines güts.
Nun mercket josaphat gar eben auf
die ler das sy in angien. vñ sprach
Vatter sag an wie alt bist du. vnd
wo ist dein wonung. wañ ich will
mit dir. vñ will bey dir beleiben. do
sprach Barlaam. ich bin fünffund-
zwainzig jar in der wüß gewesen
do sprach Josaphat. Sag mir die
warhait. mich dunkt du seyest wol
bey sibentzig jaren. do sprach barla-
am. du hast mein alter erraten. aber
die jar die ich got nit gedienet habe
die zel ich nit. wañ ich was die sel-
ben jar tode. do wolt er mitt jm in
die wüste sein gegangen das wöret
er jm vnd sprach Ich wurd ain vi-
sach das man meine brüder darüß
würdt ächten wenn es dir hernach
wol süget so köm denn zü mir. Do
taufft er jm. vnd het darnach meßs
vnd gab jm vnsern herin fronleich
nam. vñ gieng do wider in die wü-
ste. Do nun der künig innen ward
das sein sun ein cristen was wor-
den. das was jm gar layd. vñ was
seer betrübet. Do trösteten in seine
freünd vnd sprach ainer zü jm. Ich
weiß ainn alten ainsidel der ist bar-
laam gar gleich. nach dem soll wir
senden. vnd sollen in bitten das er

des ersten cristen glauben seer lobe
vnd in bewär. vñ sich darnach laß
überwinden. vñ alles das widersp-
rech das er zü cristen glauben gere-
det hab. damit bringen wir deinen
sun wiß zü dem glauben. Sy süch-
ten den ainsidel vnd brachten in zü
dem künig. vñ sprach zü josaphat.
wir habñ dein maister barlaam ge-
fangen. das was jm laid vñ wainc
seer. do thet er jm kundt das es sein
maister barlaam nit was. do sprach
sein vater zü jm. Lieber sun du hast
mich in mein alter in groß laid gese-
tzt darüß das du dein glauben ge-
lassen hast vñ glaubst an jesum cri-
stum. do sprach er. Lieber vater. ich
bin von d vinsternuß zü dem liecht
kömen. vñ hab die jrsal gelassen vñ
bekenn die warhait dauon zürn nit
wañ du kanst mich nymermer von
cristen glauben bringen. wañ recht
als vnmüglich dir ist das du den hi-
mel mit den henden magst berüren
vnd das mör trucken magst machñ
als vnmüglich ist dir das du mich
von cristen glauben mügst bringen
do sprach der vatter. du thüß vn-
billich wider mich. wann ich habe
mer lieb zü dir gehabt dan nye kain
vater zü sein kind. Es ist wol war
worden das man dir zü deiner ge-
burt saget. das hett ich gar geren
fürkömen. aber es hatt alles nitt ge-
holffen. Vnd laß du deinen gelau-
ben nit so solt du nit mein sun haif-
sen. vnd darzü vätterlichs erbs be-
raubt sein. do sprach er. vater war-
umb bist du betrübet. nun byn ich

Von sant Barlaam

alles gûts taylhafftig worden des solt du dich billich freuwen. wer gesach ainen vatter ye traurig sein. wen es dem sun glüetlich gieng. da von haif ich dich nit meinen vater wan du bist wider mich. do ward er zornig vñ gieng zû seinem freünd Arachis. vnd sager jm seines suns statitait. do riet man jm er solt gütlich mit jm redn ob er in dester bas überkômen môcht. Do gieng er des andern tags wider zû seinem sun. vnd halset vnd kisset in. vñ sprach Kya du mein aller liebster sun. eere mein alter vñ volg mir. Nun waist du wol das du dem vatter gehorsam solt sein. vñ wie sünd es ist das man in erzürnt. do sprach iesaphat Es ist ain zeit der liebe. Vnd ist ain zeit der gehorsam. vnd ain zeit des frids. vnd ain zeit des streyts. darumb mag mich weder vatter noch mûter dartzû bringen. das ich meinem got nit gehorsam sey. das was dem vater layd vñ sprach. Ich hab deinen maister Barlaam gefangen der dich betrogñ hat. vñ will vnser gelert maister bringñ das sy mit jm reden vñ bewarn wôliches d recht glaub sey. Vñ gesiget barlaam. so wôllen wir auch an seinn got glauben Gefigen dan vnser maister. so solt du auch an vnser gôtter glauben. Vnd brachten die mayster zûsamen. Nun het der künig nachor fast gebeten der da barlaa solt sein das er den cristen glauben solt bewarn vñ sich den zû lest ließ überwinden das er vnrecht het. Do gieng josa-

und Iosaphat

phat zû nachor vñ thet als ob er in für barlaa het. vñ sprach. Du hast mich cristen glauben gelert. Vñ bewarst du den vor den maystern so beleib ich daran bißs an mein end. Last du dich überwindn so wil ich mich zorns an dir rechnen. vnd will dein hertz vnd dein zungen auß deinem mund reißen. vñnd will es für die hund werffen. das fürbas des künigs sun kainen mer betrug. do erschrack nachor vnd sprach. Bewar ich cristen glauben so thû ich wider den künig. Red ich dan darwider. so thû ich wider den sun der tödtet mich den. So ist noch besser ich tû wider den künig der laßt mich lebñ darnach kam nachor vnd die mayster zûsamen. do sprach der ain maister zû Nachor. du bist barlaam der des künigs sun betrogen hat. do sprach er Ich hab in nit betrogñ. sun der den rechten glauben gelert. do sprach der maister. wie tarst du wider vnser gôter redn. sprach nachor euer gôter sind böf gaist. vñ habñ kain krafft. Aber der cristen got der von himel kam. ist almechtig vñ ist d war got. vñ nam die menschlich natur von ainer magt an sich: vnd ist durch vnsern willen gemartert worden vnd getôdt. Vnd er erstân de an dem dritten tag vnd für zû hymel. vñ er gibt den gerechten nach disem leben das ewig leben. vñ den bösen die ewige pein. vnd bewaret den hailigen cristenlichen glauben so wol das die maister all schwigē vñ kund jm kainer antwort geben.

Do das Josaphat hort. do ward er gar fro das vnser herr die warhait bewärt het durch den veind & warhait. do ward & künig auennir fast zornig vñ sprach. Hört auff vñ laßt vns die sach morgen enden. do sprach Josaphat. vater laßt meinen mayster heint by mir das wir mit ainander reden vñ trachten wie wir vnser sach nach dem allerbesten volen den Vñ nym̃ deinen maister mit dir vñ tracht auch wie ir morgen thüt do ließ nachor mit im vnd het dennoch ain hoffnung er würd in verkeren Do synun mit ainander haim kamen do sprach er zū nachor. Du wilt wānen. ich hab dich für barlaam. ich waiß wol das du nachor der sterenseher bist. vñnd saget im vil von cristen glauben. vñ schickt in des morgens frū in die wūst. do empfieng er den tauff. vñ dienet got mit fleiß. Do das der künig innen ward. thet es im zorn. darnach kam ain zaubrer zū dē künig der hieß mit namē theodorus. vñ sprach. ich will deinen sun wol wider zū dem glauben bringen. do ward er gar fro. vñ sprach Thūst du das so will ich dir ain guldine saul machen. vñ wil dir opffern als den göttern. sprach der zaubrer. thū all dein diener von im vñ thū zū im schön frawen die wol geziert seind vnd im dienen. vnd in verkeren. so will ich ainen bösen gaiste zū im sendē der in zū & vnkeüsch rayzet. darmit überkompt man in bas dan mit kainen dingē. das thet der künig. die frawen vnd der böß

gaist rayzet in fast zū der vnkeüsch Do Josaphat der anfechtung empfand. do empfalch er sich vnserm herren jesu chusto mit grosser andacht vnd thet ain kreüz für sich. do vergieng im all sein anfechtūg darnach thet man aber ain schöne jūckfrawen zū im. die het er gern zū got bekert vñ sagt ir vil von cristem glauben. do sprach die jūckfraw. so nym̃ mich zū der ee. so wil ich an deinen got glaubē. wā die patriarchen vñ propheten haben all frawen gehabt. auch sant Peter. do sprach Josaphat Es nemen etlich cristen ee frawen. aber die got ir keüschait haben gelobt. die nemen nit frawen. do sprach aber die jūckfraw. Nun spricht ir doch wen sich ain sūnder bekōr. so freüw sich alles hymlichs hōr. darumb so lyg ain nacht by mir vñnd volbring meinen lust nur ain mal so wil ich des morgens frū ain cristin werden. Machst du mein selhail. so hast du grossen lon vor got vñ rayzten in fast mit red. vñ machten das er ainen lust gewan. do Josaphat so lang vñ ser angesochten ward von den bösen gaysten. vnd im sein hertze entzündet warde. do was es im gar layde vnd waynet vnd klaget got sein leyden. vñ rufft got mit gar grossen ernst an. das er im all sein sūnde vergābe. in der weyle do enntschlieffe Josaphat. Vñ sach in dem schlaf ain schöne wisen die was mit allerlay blūmen gar wol geziert. Vñ die baume vnd die öste gaben gar süßen don.

Von sant Barlaam

Vnd die frucht der bäum warn lustig anzusehen. vñ begirlich züessen vnd daz weter was schön vñ was ain süßer geschmack da vñ stündn stül da die warn von gold vñ von edlem gestain vnd waren zierliche wolberayte beth. vnd lautter klare wasser. darnach fürt man in die stat die selb maur was von gutem gold. vnd schyn gar klärlich. vnd ain schar von hymel sang ain loblichs gesang das kain tödtlichs ornye gehört het. vnd ain stym sprach zü im Die statt ist der seligen darnach wolt man in von dannen füren. do bat er daz man in da ließ. do sprachen sy. Er müß mit grosser arbeit dar kömen Do fürt man in an ain vnsaubere stat die schmaß gar übel. vñ sagten im daz wär ain stat der bösen vñ vngerechten darnach erwachet er vñ verstünd wol das die schöne der juncfrawen die vn sauber stat wär. daz sy seer schmeck et vnd der seel schädlich wär. Do kamen die bösen gaist wider zü dem zauberer. das thet im zoren das sy nichts geschafft hetten. do sprachen sy. Wen wir in zü dem gelust rayzten so thet er das kreuz für sich. do müsten wir fliehen. das was dem zaubrer gar layd. vñ gieng mit dem künig zü josaphat vñ hofte dānocht er brächt in von seym vngelauben. vnd er saget im vil wie vnrecht er het. do sagt er in als vil von cristen glauben biß das sich der zauberer befort vnd sich tauffen ließ. vnd dienet got mit fleiß biß an sein end. do

vnd Josaphat

verzagt der künig an seinem sun. vñ theilt sein reich mit im nach seiner besten freünd rath. vnd wie josaphat von ganzem hertzen begeret in die wüste. yedoch nam er dannocht daz reich auff ain weil durch des gelaubens willn. Nach dem als der künig sein reich von seinem sun getailt het vnd Josaphat in sein land kam. do thet im got die genad das alle menschen gesund wurden die zü im kamen. vnd es gieng im gar wol in allen sachen. an sel vnd an leib. vñ meret sich sein lob. vnd sein eer in grossen selden. vnd er nam größlich zü an zeitlichem gut vñ an demütikeit vnd ward sein eer weyt außgebrait. Aber seines vatters lob eer vnd gelück verschwand im zü allen zeyten vñ nam ye mer ab. Das mercket der künig vnd verstünde wol das sein sun sein glück von got het. Der gut josaphat meret cristen glauben seer. vnd bauet überall in seinen steten vil gots heüser. vñ erhöhet daz hailtumb darinn. vnd batt got täglich das er im hilff thät das sein vater bekeret wurde. Er batt in oft das er sich tauffen ließ vnd ain cristen würd. vnd batt seinen vater so lang bißs er sich doch tauffen ließ. do gab er seinem sun alles sein reich auff. vnd büßet sein sünd gar mitt grosser reüw. vnd nam ain sälliges ende. das erwarb im sein sun vmb gott. Nach dem bracht Josaphat das ganz künigreich zü cristem glauben vnd lebet tugentlichen vnd hailigklich vnd seligklich mitt allen

menschen vnd sprach zū dem volck. Ir sölent arachia an meiner stat zū ainem künig haben. wann ich will nyimmer künig sein. Das was dem volck layd vñ sprachen wir wölent kainen andern herren noch künig haben dan̄ eich. do floch er offst haynlich. so brachten sy in dann wider haim. vnd zūletzt entran er in doch. Vnd do er auff den weg kam. gab er sein künigkliches klayd ainem armen menschen vnd leget er des armen menschen klayd an. ¶ Der lieb Josaphat layd gar vil. vnd thet in der böß gaist vil zū laid. Etwo stünde er vor in mit ainem blossen schwert vnd sprach zū in. Lasse ab. ich schlach dich zū tod. Etwan̄ erschein er in in ainer gestalt als die wilden thier. vnd schry vorchlich so sprach er. Herz mein got kum mir zū hilff. Vnd gieng also in der wüste wol zway jar hyn vnd her vnd sücht seinen mayster Barlaam vnd fund in nit fündn̄. Darnach kam er von dem willen gottes für das hol. da barlaam sein maister inn was vñ sprach. Lieber vatter vnd mayster nun lob got das ich kum̄ vnd thū mir auff wann ich hab vil erlitten. Vnd do barlaam sein stym̄ hort do erkannt er in vñ lieff bald auß dem hol. vnd viel vmb in. do waren sy bayd zūmal fro. vñ er küßet vnd halset in vnd waren fro das sy ainander sehen solten. vñ Josaphat was als jämerlich wordn̄ von dem grossen leiden das er die zway jare auff dem weg gehabt het. vnd von der gros-

sen übung die er het. das Barlaam sein ancliz nit erkant. do saget er in alles das in widerfarn was von seinem vater. vnd mit dem zaubrer vnd mit nochor des dancket Barlaam vnsern herren seiner guaden. vñ sy beliben bey ainand. Vñ Josaphat festigt seinen leib mit vil übung vñ diener vnsern herren mitt grossen fleis. mit beten. vasten. wachen. tag vnd nacht. mit lang darnach ward Barlaam siech vnd starb seligklich vnd für sein seel zū den ewigen freuden. do ward Josaphat gar traurig vmb seinen maister vnd machte in ain grab nahendt bey dem hole. vnd trüg in mit der hilff gotes dar ein vnd mit der hilff der hailigen engel. do gieng ain süßer geschmacke von in. do viel er nyder auff seine knye vnd sprach. Herz mein got seyt du mir meinen vatter barlaam genömen hast. so biß selbs mit deinen genaden bey mir. vnd weiß vñ lere mich dein gebot durch barlaam deines dieners willen. vnd hilffe mir. wan̄ ich hab nyemandt meer. Vnd do er das gebett mit ernst gesprach demüthlich vnd mit seüßgen. do entschlief er bey dem grab. do sach er die engel schon gegn̄ in gegn̄. vñ waren gar liecht. vñ trügen schön liechte kronen. Do fraget er wem die schönen liechten kronen solten. do sprach ain engel zū in. dir sol die schönest liechtest kron werden zūlon. darumb das du deinen vatter den künig vnd vil menschen bekert hast. vñ die darnach die best ist soll

Von sant Barlaam

deinē vater zūlon werden. So wil
dir auch got das hymelisch land ge
ben ob du in der wüste beleybst biß
an dein end. vñ dir vnd deinem va
ter ist ain lon bereit der wert ewig
lich. vnd was ir hie gelassen habt
das wirt euch dort hundertfeltig
lich wider geben vnd das reich on
ende. do der engel das gesprach. ge
dacht im Josaphat. Nun ist mein
vatter neulich ain crist worden. sol
er dan gleichen lon mit mir haben
vnd do er das gedacht. sach er Bar
laam der sprach zū ym ernstlichen.
Josaphat du liebs kind du solt got
billich loben vñ eeren. darumb das
er deinem vatter die ewigen freude
geben hat. vnd solt dich deines vat
ters freud freuen. do antwort josa
phat. Lieber vatter vergib mir die
gedencken durch dein gūte. vnd sag
mir wo dein beleyben vnd dein ge
mach sey. Do sprach barlaam. Wie
mitten in der stat ist ain reicher pa
last den möcht nyemand vergelten
darinn ist alle freud vnd wunn on
alles leyden. darinn soll ich allweg
sein. do begert josaphat daz er auch
allweg darinn sein solt. Do sprach
Barlaam. du müst noch mer in di
ser weltte arbayten du kumest aber
schier zū mir. so hast du ewige freu
de mit mir. damit erwachet Josaphat
: vnd rufft got an vnd bat in
daz er im hilff daz er stāt an seinem
dienst belib. vñ nam barlaams lere
vnd leben an sich vnd leret götlich.
vñ ve lenger ye strenger. vñ het ain
englisch leben. vnd bekeret vil men

und Josaphat

schen zū got. vnd was willi glich
ain murrer vñ gar ain seliger reich
tiger. vñ was ain raine juncfraw
vnd ain rechter reuer. vnd bran sein
hertz all zeit mit jm. wan er was de
mtüg. Vñ do er in den wald gieng
do was er fünffundzwainzig jar
alt. do ward er siech vñ starb selig
lichen. vnd für sein sel zū den ewi
gen freuden. Der hailig Josaphat
het kainen frid an seinem end. dan
das hymlich hör was sein wör ge
gen dem bösen gayst: do saß ain gū
ter brüder nahent bey seiner zelle zū
dem sprach die stym gottes. du solt
wissen daz josaphat der diener got
tes tod ist. dauon stee auff vnd be
grab in. do gieng der brüder zū Jo
saphat vñ fand in tod. do legt er in
zū seinem mayster barlaam in das
grab vñ gieng do wider haim. dar
nach kame die stym gottes aber zū
dem brüder zū dem sy vor kommen
was. vnd sprach also zū im du solt
zū dem künig Bracha geen vnd thū
im kundt das Josaphat vñnd sein
mayster tod seyendt vnd sprich es
wöll got haben das er die hailigen
erlichen bestäte. Do gieng der ain
sidel in das land indiam. zū dem kū
nig Bracha. den josaphat an seiner
stat künig hett gemacht. vnd er sa
get im das der hailig josaphat tod
wār. vnd das er in zū seinem may
ster Barlaam begraben hett vñnd
das im got kundt gethan hett. das
er die hailigñ erlichen bestaten solt.
Vñnd do das der künig hört. do
waynet er vmb josaphat vnd hieß

den haligen ain reichen sarch bereit
ten. vnd sendet nach vil fürsten. das
sy im hulsen vnd rieten. das sy josa
phat in sein künigreich brachten. do
wurden sy fro. vnd füren in dem sel
ben jar nach dem liebñ hailigen. vñ
do sy das grab auff thetten funden
sy die hailigen leichnam vñ uersezt
vñ gieng ain süßer geschmack von
inen. Do hüb d künig jr hailig leich
nam selb auß der erd mit andacht.
vñ hieß ir pfeller reilich machñ als
künigen wol zam vnd füren sy mit
würdigkait haim. vnd do die men
schen in der statt horten das man
das hailtumb bracht do gieng das
volck gemainlich gegen jm mit lob
gesang. vnd trügen vil brünnender
kerzñ vnd vil hailtumbs. vnd des
lands bischof gieng auch gegen jm
mit aller pfaff hait vñ empfieng sy
mit aller würdigkait. vñ sunder die
hailigen leichnam mit andacht. vñ
brachten sy in das münster das jo
saphat selbs gebawen het vnd leg
ten sy mit würdigkait in den sarch
den der künig in bereit het. do wa
ren vil siechen dar kōmen die wur
den alle gesund durch ir hailigkait
die blinden wurden gesehend. die
krūmen wurden gerecht. die toubñ
gehōrent. die behafften wurden le
dig. Es warn auch vil haiden dar
kōmen. vnd do sy die zaichen horten
vnd sahen do glaubten sy. vnd ließ
sen sich tauffen. vnd der künig tay
let ir gewand. vnd gab das hayl
tumb vil herren. do wurden sy fro.
Nun helf vns barlaam vñ sein sun

josaphat vmb got erwerben durch
ir grosse hailigkait das wir hie in
zeit menschen werden nach gottes
lob. vnd vnser lebens ain güt end
vnd nach disem zergänglichlichen le
ben. das ewig leben: Das verleich
vns got der vatter vnd der sun vñ
der hailig gaist. Amen.

¶ Von sant Andreas



¶ Sant Andreas der zwelfspot
het got lieb vnd dienet jm mit fleiß.
tag vñ nacht mit betten. vasten. vñ
wachen vnd mitt vil ander gütter
übung vñ prediget in dem land ach
aia. darin befort er gar vil menschn
zū chriſten glauben vnd zū got vnd
kam do in das land patras. darinn
prediget er auch das wort gots vñ
bekert auch vil menschen zū got. In
den zeyten was ain jüngling bey
sant andreas der het in lieb vñ wa
ren in ainem hauf das was seinen
freunden gar layd. vñ zündeten das

Nun Sant

haus ob in an vnd do der rauch über sich aufgieng. So nam der jünger ain krüg mit wasser vnd sprengt auff das dach do erlasch es zuhand. do sprach sein vatter. vñ sein müter. vnser sun ist ainzaubrer worden. vñ sagten laytern an das haus vnd wolten daran hynauß steygē do erblindeten sy alle vnd mochten der layter nit gesehen do sprach ayner zu jnen. ir thoreten leut. ir arbeiten vmb sunst. wann es vicht gott für sy. das secht ir nit. darumb laßt darvon das sein zorn nitt über euch gee. das sahen vil menschen. die bekorten sich zu gott. Aber vater vnd müter starben bayde in fünffzig tagen. vnd man leget sy bayde in ain grüben. ¶ Ain frau die hett ainen morder. genömen. bey dem trüg sy ain kind. vñ do sy es gewinnen solt do was ir wee vnd mochte es nitt geberen das was ir layde vnd sprach zu ir swester. gee zu vnser gört dyana vnd bitt sy das sy mir genädigklich von meiner geburt helff. das thet sy. do sprach der veind auß der gört. warumb küßest du mich an. nun mag ich dir nitt gehelfen. Gee zu andream der mag dir wol gehelfen. Do bracht sy den zwelfspoten zu ir schwester. Do sprach er zu ir du leydest billich. wann du hast empfangen in vntreuwent. vñ hast angerüßt die bösen gaist. darumb hab reu darüber vnd gelaub an iesum christum. vnd wiß die geburt von dir. do gelaubet sy zuhand an. got. vnd gebar ain vnzeytigs kind

Andrea

vñ ward do gesund. ¶ Zu der zeyt was ain alter man der hieß niclaus d gieng zu sant andreas vnd sprach ich bin. lxx. jar alt vnd hab all mein tag in vnkeuschait gelebt. vnd nam etwan das hailig ewangelium vñ hatt got das er mir keuschait verlihe. do zoch mich die gewonhait wider zu sünden. Vnd ains tags entzündet mich der gelust vnd kam in das gemain haus. vnd wolt da die sünd volbringen vnd vergaß das ich das ewangelium bey mir hett. Do sprach die böß frau zu mir. gee auß gee auß du alter man. du bist gotes engel. vnd kōm nit zu mir vñ rüre mich auch nit an. wann ich sich an dir wunder. vnd das wundere mich seer vnd gedacht daran. das ich das ewangelium bey mir hett. Darumb bitt ich dich lieber herre sant Andreas das du got für mich bittest. Do das sant Andreas hort do waynet er jämmerlich. vnd batt got mit grossem ernst für in von der tertzzeit bis zu der non zeit. vnd stünd do auß vnd sprach. Ich will nichts essen vntz daz ich sich ob sich vnser herre über in erbarmen will. Vnd do er nun fünff tag gewastet do kam die stymm gottes zu im. vñ sprach. Andrea du bist erhört vmb den alten mann. Aber als du dich gehüngetet hast. also soll er auch thun. Das thet der man vnd vastet sechs monadt. mit wasser vnd brot. vnd ward ain gütter säliger mensch. vnd starb sältiglich. Do kam die stymm gottes vñ sprach aber

zū sant andreas. ich hab nicolaum von deinem gebett wider gewonnen den ich verlorn het. des danckt er got mit fleiß. ¶ Es was aines mals ain jüngling der was ain cristen der bekant sant Andreas hayllich gar wol. vnd kam zū im haymlich vnd sprach. darumb daz ich schon bin so hatt mein mütter ain böse begird zū mir vnd bat mich daz ich bey ir lāg. vnd do ich das nit wolt thun do ward sy zornig vnd gieng zū dem richter vnd sprach. ich wolt mit ir gesündet haben. darumb bitt gott für mich. wann ich will mich der sache nitt versprechen. vnd will vil lieber sterben dan das ich mein mütter zūschanden bring. darnach gieng der jüngling für gericht vñ sant Andreas mitt im. do rüget in sein mütter. do schwig er vnd wolt nit reden. Do sprach sant Andreas zū der mütter. O du aller vnbarmer hertzigste fraw. wilt du deinn sundurch dein bösen lust lassen verderben. Do sprach sy zū dem richter. Mein sun hat den lieb gewonnen. vnd wolt nach seinem rat bey mir gelegn sein. do ward der richter zornig vñ hieß den sun in ainen gebichten sack stossen vñnd hieß in in ain wasser werffen. vñ sant Andream in ainen kercker legen vntz er sich betrachtet wie er in tödten wolt. Do rüfft er vnsern herren mit ernst an das er erzeyget damit sein mechtigkait wer recht het oder nit. do kam ain grosser erdbidem das der richter von dem stül viel. vñ die leüt vie

len auff die erden. vnd es kam ain grosser donerschlag der schlug daz böß weib zū tod. Do gewinnen die andern menschen reu über ir sünd. vnd hatten sant Andreā das er got für sy bat. das thet er. do ward daz weiter gestillt. ¶ Do sant Andreas in der stat nicena was do klagten im die burger das ausserhalb d stat sibem böß gais̃t wären vñ tödten die leüt die da für zügen. Do kam er an die stat da die veind waren. vnd gebott in das sy sich dem volck zaigten. vñ zūhand sach man sy in hunds gestalt. darnach gebot er in das sy an ain stat zugen da sy kainem menschen möchten schaden do verschwundn sy zūhand. vñ do die menschen das zaichen sahen. do glaubten sy an vnsern herren jesum cristū. Darnach ging sant andreas in ain andie stat vñ do er zū dē thor kam. trüg man im ain todten jüngling entgegen: do fraget er die leüt wie im geschehen wär. do sprachn sy. Es kamen sibem hund in sein schlaff kamer vñ ertödten in. do sprach sant Andreas waynend. ich waiss wol daz die bösen gais̃t seind die da von nicena vertriben seind wordn vñ sprach zū seym vater. was gibst du mir. das ich deinen sun wider lebendig mach. Do sprach der vatter ich hab nit liebers dan den sun den will ich dir geren geben. do rüfft er vnsern herren an mit grosser andacht. do stünd er zūhandt lebendig auff vnd was gesund. vnd warde do sein junger. ¶ Aines mals do

Sanctus

schiften vierzig man zu sanct andreas die wolten cristen glauben. von im lernen Das thet dem veind zorn vnd beweget das moer das sy all ertruncken Do bracht man ir leichnam zu dem gestad vnd leget sy für sanct andreas vnd sagt im das sy den glauben von im wolten gelernt haben Do erwart er in vmb got mitt seinem gebett. das sy wider lebendig wurden. vnd leret sy den glauben. vñ keret sy zu got. In den zeiten kam sanct Andreas in das land Achaia. vnd machet vil kirchen darinn vñ bekeret vil zu got. vñ bekeret des richters egrauf frawen. vnd lert sy cristen glauben vñ tauft sy. des ward der richter innen. das er als vil volcks bekeret hett. do ward er zornig vnd ließ in fahen. das volck erzürnet. vnd wolten den richter ertödt haben. do erlöset in sanct andreas von iren henden vnd bat das volck das sy sein marter nit irreten. vñ sprach Unser herz iesus chistus gieng gedultiglich mit den die in viengen darumb leid ich billich vnd laß den richter seinen willen mit mir haben vnderstend meiner marter nit vnd auch euch selbs zu der marter bereit wann got will. vñ fürchten uich nit. wann sy mügent euch nur den leib nemen. vnd tröstent uich gotes vnd laßt die sünd vnd fliehent der helle pein. vñ verweget euch eures lebens vmb die ewigen freude die nimmer vergeet ewiglichen. Do er das geredt. do was daz volck gedultig. Des morgens sendet der ri-

Andreas

chter aber zu sanct andream vnd sprach. Mir ist layd das dein leer also brait worden ist. das du der leut als vil bekeret hast Du solt den abgöttern opffern od du müßt sterben do sprach er Mich hat got in daz land gesant. durch der sel hail. so hab ich mit der hilff gotes der menschen ain gut tail zu cristem glauben bracht die sollen sich freuwen wann sy kommen zu der ewigen freud die nimmer zergeet ewiglich. do ward der richter zornig vnd hieß in seer schlagen das das blut von im ran. das layd er gedultiglich vnd tröstet die leut in dem leyden vnd sprach. ich acht der marter nit. wann mein herz vnd got hat vil durch meinen willen erlitten. do sprach der richter. du müßt noch vil leyden vnd müßt gekreuziget werden. als dein herz iesus chistus. do sprach sanct andreas. des todes hab ich ye begeret wann ich byn des kreuz knecht. darnach hieß in der richter an das kreuz binden. darumb das sein marter dester länger werete. wann het man in daran genagelt so wär er gar bald tode. Vnd den leuten was laid vmb in vñ sprachen gemainlich der rain man ist ain freünd gotes. vnd hat nit verdient das man in kreuzigen soll vñ sy schryen vast darumb das man in also martert. do bat er das volck fleissighen das sy sein marter nit wendet vñ rüffet gegen dem kreuz. vnd sprach. Byß gegrüßet du vil hailiges kreuz der leichnam unsers lieben herren Jesu chusti hat dich ge-

hailiget der den tod an dir layd. da von bist du bas beklaydet dan das du mit gold wärest beschlagen. vñ mit edlem gestain wärest erhaben. die gelider vnseres herin iesu christi habñ dich geziert als die edlen margariten. O kreütze das da scheynet über alle dise welt. laß mich nitt irgeen als das schaff das nit hirtten hat. ich freu mich dein das ich zu dir kōmen sol. darüb freu dich mein vñ empfach dein junger vnd nym mich von diser welt Das horten vñ tausent man vnd weib vñ kind. die wurden all bekert zu got. Vnd des richters brüder sterocoles der was auch da. Sant andreas stercket die leüt an dem kreütz. vnd prediget in von got vnd von cristen glauben An dem andern tag darnach giengen die leüt zu dem richter vñ sprachen. sant andreas der diener gotes leydet grosse marter die hatt er mit kaim übel nye verdienet. Du solt in ab dem kreütz nemen. wañ wie grosse marter er leydt so predigt er heüt den andn tag ymermer. do erschrak egruß der richter gar ser das er den nocht lebet vnd gelobt in er wölt in ab dem kreütz nemen. vñ gieng selb zu dem kreütz vnd wolt das wunder sehen. Vñ do in sant andreas sahe. sprach er zu im. warumb bist du her kōmen. wilt du an vnsern herin iesum chistum glauben. so werden dir dein sünd vergeben. bist du aber darumb kommen das du mich von dem kreütz wilt nemen das soll nitt sein bis ich daran gestirb. dann ich

sich den künig von hymel der laßt mich zu im. vnd byn in freuden vor got. vnd sprach zu dem richter. Bekker dich oß du kumpst in die ewige pein. Do hieß er in ab dem kreütz nemen. vñ wañ sy zu im stygen so für er in die höch. das sy in nit erlangen mochten. daran versüchet sich manig mensch. vñ wolten in herab haben genōmen. do mochten sy es nit Do sach der lieb heri sant Andreas gen hymel auff vnd sprach. Herz iesu chiste. ich bitt dich das du mich nit laßest von dem kreütz nemen bis das ich mein leben auff gib. Do er das sprach. kam ain groß liecht von hymel. das schyn also seer das man sein nit erleydñ mocht. das weret lang vmb in. vnd in dem selben liecht für sein sel zu den ewigen freuden. Do sungen die engel ain neuw es süßes gesang. vnd fürten sein sel mit frōden gen himel. Zūhand warde der richter behaft mit dem veind der peiniget in so seer. das er bald starb. das sahen vil leüt die vorchten sich seer. vnd des richters brüder sterocoles gewan reu über sein sünd. vnd verstünd wol das er an dem vnrechten was. vnd rüßt sant andream mit ernst an: vnd batt in das er in vor übel behüte. vñ die andern mit im. vnd würdñ bekert vñ getaufft in dem namen gottes des allmechtigen. ¶ Zlines mals was ain heri der nam sant andreas kirchen ain acker. do bat der bischoff der selben kirchen got das er in darumb straffet. Do gewan der heri den rit

Von Sant

ten vnd verstand wol das sant andreas den acker an jm rach vñ bat den bischoff das er got für in bät daz er gesund würd so wolt er den acker wider geben. das thet der bischoff vnd bat got mit ernst für in. er ward gesund vnd gab den acker nitt wider. das was dem bischoff laid vnd gieng in die kirchen vñ zerbrach alle ampeln die darinn waren vñ sprach. Ich will kein ampel anzünden lassen bis daz sich got an seinem widerwart richet. vnd der kirchen das ir wider gibt. Do verhenget got durch sant andreas willen. das der herz siecher ward dan er vor nye was gewesen. vnd der selb herz sendet aber nach dem bischoff das er got für in bät das er gesund würd. so wolt er jm den acker geben od ain güt das als güt wär do sprach er. Ich het got für in gebeten. do erhört mich got durch sein güte. Darnach hieß sich der herz zu dem bischoff tragen. vnd bat in daz er in die kirchen gieng vñ got für in bät vnd do er in die kirch geing do starb der herz do helib der selb acker der kirchen. also rach 8 lieb herz sant andreas sein kirchen güt. Es was ain säliger bischoff der het sant andream gar lieb vñ eert in allzeit. vñ was sein zwölffspot. der het anfechtung von der vnkeüsch vnd widerstünd ir doch. das thet dem veind zorn vnd kam zu jm in ainer juncfrawen gestalt vnd sprach. Ich bin von küniglichem geschlecht vñ wolt dem allmechtigen got dienen

Andrea

darumb bit ich eüch ir wöl mit ain gemacht geben darinn ich got dienen müg. des gewert sy der bischoff vñ hieß sy mit jm essen. do setzet sy sich gegen dem bischoff über tisch. vnd machet sich ye länger ye schöner. do gewan der bischoff grossen lust zu der juncfrawen vñ maint er wölt mit ir sünden vñ hieß den hoff versperren. do kam sant andreas für die tür vñ sprach zu dem hüter er wölt zu dem bischoff. Do das die juncfraw hort sprach sy. man sölt in nit hinein lassen. er sag vns dann was das gröst wunder sey. das got ye hat geschaffen. Do sprach sant Andreas. das gröst wunder das got ye geschaffen hat. das ist. das got so vil angesicht geschaffen hat vnd doch ye ains anders ist dan das ander. vnd ains vor dem andern wol erkennt wirt. Do sprach die juncfraw. Haif vñ noch ain frag vñ richter wa das erdtrich höher sey. dan der hymel. do redt aber der lieb sant Andreas vnd sprach. Do gott vnd mensch auffür über alle kör der engel vnd da er sitzet zu der rechten hand seins vatters mit menschlich er natur. vnd da ist die erde höher dan der hymel. Do sprach aber die juncfraw. fragt in noch ain frag. vñ darnach laßt in herein. fragt in wie verri von dem hymel sey bis her auf daz erdtrich. do sprach andreas Geehin vñ sprich zu der juncfrawen. sy wiß es doch vorhyn gar wol wan sy hab es gemessen. danon daz sy von hymel herab viel. vñ danon

ward verstoßen. do man ir das sa-
get verschwand sy als bald. do be-
kant nun der bischoff wol das es
der böß gaisß was. vnd er was fro
das in got behüt het. vnd hieß den
bilgerin bald einlassen. do was er
verschvunden. das was im gar
layd. Do ward im von got kundt
gethon das es sant Andreas was
gewesen do dancket er got vñ den
lieben zwölffspoten das er in behüt
het. vnd dienet im fürbaß mit fleiß
bis an sein end. Nun helff vns der
lieb zwelfspot sant andreas vñ got
erwerbenn das wir verdienen die
ewige freud vnd sälligkait Amen

Von sant Barbara



In den zeiten do marencius kay-
ser was. Do was ain haydnischer
reicher fürst der hieß dyosterus der
bettet die abgötter an. der hett ain
junge tochter die hieß Barbara die
het er zūmal lieb. vnd hett ir grosse

sorg darumb macht er ir ain hohen
thuren darein wolt er sy verschließ-
sen das sy nyemandt sach. wann sy
was vnmäßig schön. In der zeyt
kamen gar edel fürsten vnd herren
zū irem vatter vnd batten in vmb
sein tochter Barbara zū ainem ge-
mabel. Do rüffet dyosterus seiner
tochter vnd sprach zū ir. Mein al-
ler liebste tochter. nym war es seind
fürsten vnd herren zū mir kōmen vñ
bitten mich das ich dich inen gebe.
Do sprach sy. Lieber vatter ich bitt
dich das du mich nit zwyngest ee d
zeit ich von dir far. recht als ob du
mir nit genädig seyest. vnd mich nit
lieb habest. wan du hast mich lieb
vñ liebest mich als dein ainiges kin-
de. Do das der vater höret do mai-
net er. er wolt sy kainem man mer ge-
ben über iren willen. Darnach hieß
er seinen abgöttern ainen schönen
tempel machen. vnd in ain wasser
in dem tempel machen. darauf man
das opffer waschen solt. das dann
der selben sitten vnd gewonhait ist
Vnd darnach hieß dyosterus zwai
venster in den selbñ tempel machen
do gabe er den arbaytern iren lon
für. wann er müß zū dem kayser rei-
ten. do gieng sant Barbara in den
hohen thuren. den ir ir vatter ge-
macht het. vñ sach die abgötter an
die ir vatter eeret vnd anbettet. do
ward nun ir hertz erleuchtet. vñnd
empfieng den hailigen gayst. do sy
die abgötter ansah do verschme-
het syß vnd spürtzt yn vnder ir ant-
liz vñ sprach zū in. Wee euch ir bö-
r iij

Ann Sant.

sen abgötter. vnd die eüch gemächē habē. wee allen dienen die hoffnūg zū eüch haben vnd zerbrach die selben abgötter vnd verderbet sy also gar das sy wurden als ain āsch. vñ gieng da in ires vaters tempel vnd sprach zū den arbaytern. Sy solten dreü venster in den tempel machen. Do sprachen sy. Es hat eüwer vatter nur zway hayssen machen. Do sprach sy. Ir sollen noch ains machen. vnd was eüch darumb angeet. so sprechent es sey mein schuld. wān dreü erleüchten alle hertzen vnd all creatures. vnd maynet damitt den vatter vnd den sun vnd den hayligen gayst. Vnd gieng in das wasser vnd rüfft vnsern herren mit besunderm grossen ernst an vnd sprach. Herz Jesu chüste hilff mir das ich in disem wasser getaufft werd durch dein güte. Do erhöret sy vnser herz vnd sendet ir Johānem den tauffer von hymel herab der taufft sy. vnd hieß sy Barbara. als sy vor hieß. Do ward sy gar fro vnd dancket got mit ganzem ernst seiner genaden die er ir gethan het. vñ gieng do auß dem wasser. zū des tempels stayn wandt. vnd trucket mit iren vingern vier kreütz darein. do wick der hert stayn als das wachs vnd bestünden die kreütz an der wandt. vñd ir füßtritt in dem wasser das man sy darinnen spürt. vnd sy glitzten als das silber. Nun kam ir vatter von dem kayser. vnd do er hort das sein tochter die abgötter zerbrochen hette. do ward er gar zornig

Barbara

nig auff sy vmb iren glauben. vnd lieff außs vnd bracht sein schwert vñd wolt sy haben ertödet. Do das sandt Barbara sach do bettet sy vnd rüffet got mit grossen ernst an. der kam ir bald zūhilff. vñ spielt sich der staynfelsen von ainander. vñd empfieng die hailigen junckfrawen an sich vñd verbarge sy vor irem zornigen vatter. vñ warff sy anderhalb auff ain berg darauff waren zwen herten. die hüten da ir schaf die sahen wol das sy von ihm zornigē vater auß dem felsen geflohen was. do kam ir vater vnd süchet sy überall. vnd kam zū den selbign herten. vnd fraget sy ob sy sein tochter Barbarā nit gesehen hetten. do mercket der ain wol das er fast zornig was vnd wolt im sein tochter nit weisen vnd schwür er het sy nit gesehen vnd wesse auch nitt wa sy wär. Der ander hirt zaiget mit ainem finger auf sy. Do das sant barbara sach do flüchet sy dem selben herten. zuhandt warde er zū ainer marmelsteinin saul. vñ all seine schāflin die wurden zō heüwoschrecken. Do nam der vatter sein tochter. vñ gaiselt sy gar ser vnd greülich vnd nam sy bey dem hare vnd zoch sy den hohen berg ab. vñd darnach versperret er sy in ain klaines kāmmerlin vnd bande sy mit eyßnin ketten. darumb das sy nyemand geledigen möchte. vñd setzet ir sicher hütter die ir hüten. vnd lief zū dem richter vnd klagt im sein leyden das sein ainige tochter ain cristin wordē wär

vñ sprach zū dem richter. Ir söllent sy darumb peingen. darnach gebot der richter das man sy für in brächte do pracht sy ir vater für den richter vñnd sprach zū jm. er solt sy tödten. Vñ do der richter sach das sy schön was. do sprach er zū ir. Liebe Barbara was wilt du an dir selbs tūn hilf dir selbs vñ opffer vnsern göttern. od ich tödt dich mit bitter marter. do sprach sy. Ich will nyemand opffern dan meinem herin jesu chriſto. der hymel vnd erden beschaffen hat vñ das mör vnd alles das darinnen ist. vnd all creaturn. So spricht der prophet von allen bösen gäſten die eüwer götter ſeind. Sy haben münder vnd mügen nitt reden sy habent augen vnd geſehent nitt. sy habendt oren vnd gehörendt nitt vnd habent hend vnd greyſſent nit sy habent füß vnd mügent nit geen vnd kein lebendiger atem iſt in irem mündt. vnd die sy gemacht habent die werdent jnen geleich. vnd die sy anbetten vnd eeren. Von der red ward der richter ſer zornig vnd hieß sy nackent abziehen. vnd ir ſlay ſch abzerien. vñ ire wunden mit härin hembdern reyben. vnd marterten sy vnd erzerten ir allen iren leyb das er blütſar warde. recht als ob man sy in blüt geduncket hett. vnd als manigen ſchlag sy empfieng als offt lobet sy got. vnd dancket jm ſeiner genaden. darnach füret man sy in den kercker vnd gab ir weder zü eſſen noch zü trinckend. das layd sy lang gedultiglichen. die weyl be-

trachteten sy ſich mit wölicher marter sy ſie tödten ſolten. Vñnd do sy nun keinen troſt hett. do tröſtet sy vnſer herie ſelber. Zū mitternacht vmbgab sy ain hymliſch liechte. do erſchyn ir vnſer heri ſelber vnd sprach zū ir. Liebe barbara gehab dich wol. wann alle die die dein peyn vnd marter eerend die werden ſich gröſſlich freüwen. du ſolt des wütrichs trawung nit fürchten. wan ich will alle zeyt bey dir ſein. vñnd will dich nymmer verlaſſen. vñnd will dich erlöſen von aller deiner peyn. darnach gabe ir vnſer lieber heri Jeſus Chriſtus ain kron von den blümen des paradeiſ vñnd sprach zū ir. die kron wirt dir nymmer dir ewiglichen. Do vnſer lieber herr das geſprach. do waren ir all wunden gehaylet das man weder wunden noch maſen nyendert ſach noch kain lay marter. darnach für vnſer heri wider auff gen hymel. das ſahc sy ſichtiglichen mitt iren augen. vnd er gab ir ſeinen götlichen ſegenn. do freüwet ſich die lieb juncſfraw ſandt Barbara des troſtes ſer den ir vnſer heri gethan het vnd dancket jm ſeiner genaden mitt groſſem fleiß. Do es tag ward do hießs der richter die juncſfrawen für in bringen. vnd do er ſy anſahc. do ſach er wol das die wunden an ir gehaylet waren vnd kein maß an irem leyb was. do maynet er ſeine götter hetten ſy geſund gemacht vñ sprach. barbara merck wie genädig dir mein götter ſeyen. vnd wie groß

Anton

lieb zu dir haben. Die wort versch-
machten ir gar seer. vnd sprach zu
dem richter. dein götter seind dir sel-
ber gleich. sy seind blind vnd toub
vnd künden nit reden. wie möchten
sy dan mein wunden gehailt habn
nun mügen sy in selber nit gehelfen
Ich will dir sagen wer mit meine
wunden gehailt hat. das hat chri-
stus mein her: vñ got getan der ist
mit sein gnaden mit mir den magst
du nit sehen. dauon das dein hertze
erheit ist. vñ das du den bösen gay-
sten dienest. Do ward der richter
zornig vnd wütig als ain leo vñ ge-
bot das man ir seyten zerren solt mit
brinnenden sackeln vnd hieß ir das
haupt erschlahen mit ain eisen ha-
mer das ir daz blüt zu dem müd vñ
nasen auß gieng. das layd sy gedul-
tigklich vñ sach auff gen hymel vnd
sprach. Her: jesu chüste mein herre
vnd mein got du byst ain bekennet
aller ding vñ aller hertzen vñ waist
wie ich dem tod entrünen byn vñz
her das du mich nit verlasset wan
ich hab die schleg hertiglich durch
dich erlitten. Darnach gebot der ri-
chter das man ir die brüst mit ainem
schwert abschneydn solt do sach sy
auff gen hymel vñ sprach. Her: ich
bitt dich das du mich von deinem
angesicht nit verwerffest. vnd das
du den hailign gaisst nit von mir ne-
mest. vnd do sy die marter erlytten
het. do hieß sy der richter nacket ab-
ziehen. vnd also bloß durch die stat
ziehen. vñ gebot das man ir frisch
wunden mit gaiseln durch schläg

Barbara

das laid sy gedultigklich durch got
vñ sach auff gen hymel vnd sprach
Mein got vnd mein helffer ich bitt
dich das du mein leib deckest. das in
die bösen man nit sehen. Vnd do sy
das gesprach. do sendet ir got ain
engel d legt ir ain weisses gewand
an. Do namen sy die ritter vnd für-
ten sy in daz aygen das da haist do-
lisiu an die stat der sunnen zu ainem
bösen richter der gebot das man sy
über blosser sweater fület. das layd
sy aber gedultigklich. vnd demütig-
klich. vnd sach auff gen hymel. Do
nun sant barbara die pein alle gelit-
ten hett. do fület man sy widerumb
zu irem vatter. der fület sy auff ain
berg vñ wolt sy selbs tödten vñ do
sy hort das sy sterben solt. do eylt sy
seer zu der marter. Nun hett die lieb-
juncfraw vnser herin fronleich-
nam sunderlich lieb gehabt. dauon
bettet sy andechtighen ee man sy
tödtet vñ sprach her: jesu chüste dir
müßent alle ding vnderthenig sein.
vnd deinem willen mag nyemandt
widersteen. ich bit dich das du mich
diser gebett gewerest. welcher der
ist der mich lieb hatt vnd antüßet.
vnd meyn marter eeret das der on-
dein hailige. i leichnam nymet ver-
schayde vñnd du des sünd an dem
jüngsten tag nymmer gedenckest.
vnd bis allen den genädig diemein
tod eeren. vnd gibe jnen ires lebens
ain gütt ende vnd das ewig leben.
wan du waist wol das wir frantz
seynd vñnd ainen blöden leyb ha-
ben. Vñnd do sy das gesprach. do

kam von hymel ain stym herab die sprach zu jr. Nun kom her du allerliebste. vnd rüe für das in wonung meines vaters. vñ alles das du gebeten hast des bist du alles gewert vñ zühand enthaubt sy ir aygner vatter. Do für ir sel zu den ewigen freuden Vñ an der selbñ stat ward sant Juliana auch gemartert Dar nach gieng ir vatter ab dem berg. vnd es kam das wild feür vnd verprennet in das er starb. also rach sy got an irem vater. Die haylig juncē frau sant barbara warde gemartert an dem vierden tag des monat septembriß. Vnd es kam dahin ain man hieß valentius der begrüßte en hailigen leichnam. in der stat der sunnen. Da thut gott vil zaichenn durch sy. Vnd do die hayden innen wurden das sy als vil zaychen thet do machten sy ir ain schönen sarch den hiengē sy an vier silberin ketten vñ hanget bey yeder ketten ain ampel. vñ pūnnent all vier mit balsam vnd das selb land ist gar dirr. vnd hatt mitten ain klains bächlin vnd wann es lang dirr ist vñ nit regnet. so haben sy nitt wasser. so tragen sy den sant barbara sarch zu dē bächlin vñ setzen in auff das wasser vñ so geet es weyt auß. daruon wirdt dan das erdtrich feücht vñ fruchtbar. ¶ Aines mals veraynten sich die christen das sy mit den hayden wolten streiten vmb cristenglaubē vñ legten sich für die stat solis. dauon die hailig juncē frau geborn ist vñ ligt auch da begraben. Vnd leg

ten sich vmb die statt auff all weg. das nyemandt weder ein noch auß mocht. vnd die cristen vnd hayden striten ser wider ainander. do wurden der cristen gar vil verwunt Zu letst sach der allmechtig got an die gerechtigkeit. vnd halff den cristen das sy gesigten wann er verlaßt die seinen nymer. vnd half in das sy die hayden all zutod schlügē. Darnach giengē die cristen in den tempel vñ hofften sy funden groß güt darinn vnd do sy darcin kamen wurden in alle wunden gesund die sy von den hayden empfangen hetten. do wurden sy fro vnd dancēten gott seiner genaden. Do sahen sy ain alten haiden in dem tempel bey dem sarch sitzen. der hütet sein. do fragten sy in was er da thät. Do sprach er. Ich hüt des sarchs. darinn ligt ain cristin die haist barbara. vñ sagt jnen wie sy wär gemartert worden vñ cristen glauben vñ wie sy mit irem hailigen leben vnd mit iren schönen zaichen vil menschn zu cristem glauben bekert het vñ sprach. Die juncē frau ist als hailig wann es lang nit regnet. vñnd das man iren sarch auff das klain wasser setzt so ergibet es sich zühandt das es über in geet. vnd geet doch nit in den sarch vñnd braytet sich weyte überall in das land. daruon wirdt dann das land feücht vñnd auch fruchtbar. vnd gewynnet dann forens genüg vnd was wir bedürffen. den so tragen wir den sarch mit würdigkayt wider in die kirchen. do das horten

Von sant

die cristen do wurden sy fro vñ knie-
ten all nyder vnd danckten got vñ
sant barbara 8 gnaden vñ sprach
Seyd got so grosse zaichen durch
der hailigñ junkfrawen willen tüt
so sollen wir all vnser gesellen her-
tragen die vns die hayden erschla-
gen haben. das gefiel in allen wol
vnd giengen zū den todten cristen
vñ trügen sy zū dem tempel. Vñ do
sy nahent darzū kamen. do hüben
sy an zūschreien vñ beteten vnd lob-
ten got vnd die hailigen juncfraw-
wen. vñ brachten die todten zū dem
tempel vñ sant barbara sarch vnd
rufften sy mit grossem ernst an. vñ
sprach. Hailige juncfraw sant
barbara wir bitten dich durch dein
güte die du mit got ewigklich hast
das du vns vmb got erwerbest das
dise menschen alle wider lebendige
werden Do erhöret sy sant barba-
ra vñ erwarb in vmb got das sy al-
le wider lebendig wurden: do wur-
den sy gar fro. vñ danckten got vñ
ir der gnaden vñ namen irn hailigē
leichnam vnd fürten in mit grosser
wirdigkait gen rom. **E**s was
ains mals ain marschalck in preuß-
sen der hieß Cūtrat der was ain
teütscher heit vñ was götlich vnd
darzū redlich. vñ was auch ain gū-
ter fechter vmb cristen glauben. Zū
den selben zeytten was ain hertzog
der hieß mit namen schwantzwol-
dus. der was ain haid. vñ thet den
cristen gar vil zūlayd. vnd peiniget
vñ martert sy wa er sy an kam.
Das wuest der vorgenante marsch-

Barbara

alck wol. vnd was in gar layd. vñ
thet es dem bapst zū rom kund. der
gab den cristen für alle ir sünd das
sy wider die vngelaubigen hayden
stritten. do gewunnen vil mensch-
en genad das sy ir sünd wolten büß-
sen. vnd mitt den hayden wolten
streiten vmb den glauben. Do nam
er die mitt in die da streytbar wa-
ren. vnd hüb sich auff die fart. vnd
kam an sant barbara abent in der
hayden lande. vnd gewunnen ain
festen die hieß scherzwitz. die was
des hertzogen schwantzwoldi. vnd
tödteten gar vil hayden vñ viengen
ain tail. vnd namen vil gūts vñ ka-
men in ain keller da was ain sarch
der was maysterlich geschmidt vñ
mit gūten schlossen verschlossen do
hatten sy hoffnung sy funden groß
gūt darinn. vnd des hertzogen insi-
gel was darauff getruckt. Do bra-
chen sy den schrein auf. do funden sy
sant barbara haubt innen. das hien-
ge dannocht an den adern. vñ fun-
den brief darbey. daran stünd gesch-
riben das das sant barbara haubt
wār. do wurden sy alle gar fro das
sy vor freuden waynten. vñ viel-
len auff die erden vnd betteten das
hailig haubt an mit andacht. dar-
bey was ain fraw die sach vnd hö-
ret das alles. die sprach. Ir sollen
fro sein. wann alle ding die ir heüt
gethan habent die seind mir heint
in dem schlaff scheynbarlichen für
kōmen. vnd sant barbara ist heynt
dreü mal zū mir kōmen in ainer
verborgen gestalt. Vnd sprach do

zu mir sy wolt hin faren. do fraget ich sy zu dem drittem mal. wa sy hin wolt farn. do sprach sy ich will gen Colmen vnd will da mess hören. do wurden sy fro. vñ namen das haubt mit andacht vñ fürten es in die stat Colmen. da empfiengen sy das hailtumb mit grossen freuden. vnd schonhait vnd wirdigkeit. darnach kam der von beham wenzelaus zu dem marschalck vñ batte in die herren all von dem teütschñ hauf mit grossen gebeet. vmb sant barbara haubt halb. das gewerten sy in. do nam er daz haubt halb vnd fürte es mitt grosser wirdigkeit geen prag. vnd bauwet ain schöne capellen. in sant franciscen kirchen. in sant barbara eer. da ist noch heüt das nider tail ires haubts. vñ das obertail ist zu colmen vñ geschehent an zwai en stetten vil grosser zaichen. ¶ Ains mals wolten drey äbt zu capitel reytten. vnd ritten durch ainen waldt. da hetten die rauber wonung inen do horten sy ain jamerlich geschray. do erschracken sy gar seer. wann sy wisten wol das morder darinnen waren. doch darumb das die stym got als seer anruffet do ritt der ain äbt hynzu. do was es ain haubt. do fraget er es wie im geschehen wär do antwort es. mich habent die rauber hie enthaubt vñ habent meinen leichnam dort in ainen busch gezogen. wann ich byn ain übeltätiger mensch gewesen. doch eeret ich die lieben juncfrawen sandt barbara alle tag mit ainem gebett. vnd batte

sy das sy mir vmb got erwürb das ich on gotes leichnam nymmer verschyede. darumb so ruffent eüwern brüdern her. vnd setzen mein haubt auff meinen leichnam. vnd fürten mich in die kirchen vnd helfent mir das mir gottes leichnam werde. so stirb ich. do rufft er den zwayen äbten auch zu im. vñnd saget in was im das haubt gesaget hett. do namen sy das haubt vñnd trügen es zu dem leichnam. vnd satzten es dar auff vnd fürten in vnder iren armen in ain kirchen. vñnd brachten im ainen priester. do beichtet er alle sein sünd. mit grosser reüw. vnd empfing vnsern herren fronleichnam. vnd sanct do als bald nyder vñnd starbe. vñnd was vor drey tage in dem wald gelegen vnd mocht nitt sterben on gottes leichnam. Vñnd do sy das zaychen hetten gesehen vnd gehört. do namen sy des groß wunder. vnd lobten got mit grosser andacht vnd sant barbara Darumb sollen wir ir och geren dienen vnd sy loben vnd eeren. Nun helffe vns sant barbara vmb got erwerben das er vns nymmer laßs sterben on seinen hailign fronleichnam das wir den empfahen mitt reüw vnd mit andacht. das er vnser gelayt sey von disem leben zu dem ewigen leben. Amen

¶ Von sant Nicolao

Sant

land. in der selbñ zeit solten vil schif
mit korn zů dem kayser farn. Vnd
von dem willen gots schlug 8 win
de die schiff mit dem korn in sant ni
claus land. das thet got durch sein
en willen. seinem volck zů nutz vnd
zů frumen. do sprach der bischoff zů
den schifleuten. Gebent mir des ko
rens vmb gots willen. auß yetliche
schif ain wenig. do sprachen sy. her
man hat vns das korn gemessen. do
sprach er nun thünd als ich eüch ge
beten hab. so wil ich eüwer bürg ge
gen got sein. daz üch des korns dort
nit abgeet. Do ließen sy im des kor
ens auff die red. als er in gelobt het
wan sy hetten vil von seiner hailig
kait gehört. vñ massen im dreihun
dert scheffel dauon. Vnd do die bot
ten haim kamen do massen sy jr korn
nach sant niclaus red. do funden sy
es gar von den gnaden gottes. do
wurden sy gar fro. vnd sagten das
zaichen überal in dem land von im.
vñ lobten got darumb vnd sant ni
colaum. vñ der lieb hailig gab über
al das korn armen leuten. wa er sy
fand. Nun was ain baum in 8 statt
vnd do das volck dannocht nit ge
laubig was. do hetten sy ain abgöt
tin die hieß diana in dem baum. vñ
eereeten den baum alle. das was im
gar layd. vnd hieß in abhawen. vñ
wöret den menschen das sy die ab
götin nymer eerten. Do was 8 böß
gaist zornig auff sant niclaus. vnd
trüg im darüb haß. vñ gedacht im
ainer bößhait. vñ macht ain böß öl
dauon branen die stain. vñ das was

Nicolaus

ser. er thet das öl in ain vaf vñ ver
wandelt sich in aines weibs bilde
vñ für auß dē mör vñ kam zů etliche
menschn die wolten zů sant niclaus
farn. vnd sprach ich wölt gern mit
üch zů dē hailigen farn so irret mich
groß vnmüß. daz ich nit dar kōmen
mag. darumb bit ich eüch das ir im
daz bringent von mir vñ salbent es
überal an die wend in seiner kirchn
vñ eylet da von in vñ verschwand
Zūhand kam ain anders schif dort
her. darauff saß ain man der was
sant niclaus gleich vñ sprach zů im.
Ir sölt mir sagen was eüch das
weib gebñ hab vnd was sy geredt
hab. do sprachen sy. sy hatt vns das
öle geben vnd spricht wir sollen es
überal an die wende streichen in
sant niclaus kirchen. Do sprach er.
das weyb ist der böß gayst gewe
sen. vnd wolt eüch betrogen haben
darumb werffendt das öle in das
wasser. so werdendt ir innen wie
schädlich es ist. do bran daz wasser
wie ain stro. do waren sy gar fro
das sy gött der allmächtig darvor
behüt het. Vnd do sy nun zů der kir
chen kamen vnd sant niclaus ansa
hen do sprachen sy all Du bist der
der vns dort von des bößen gaysts
lyst erlöst hast. Vnd do das sant
niclaus hort do dancket er got sein
er genaden die er durch yn gethan
het: ¶ Aines mals kam der kayser
geen Rom vnd sendet da drey für
sten in ain landt: Do kamen sy in
sant Niclaus land. do empfieng er
sy gütiglichen. vnd lüde sy haim.

vñ do sy bey jm sassen do sagt man
in man wolt drey jüngling vñ vn
schuld enthaubten. vñ der richter
thät es vmb ir güt. do was jm laid
vmb sy. Vñ er bat drey fürsten das
sy mit jm an die stat kämen da man
sy enthaubten wolt. das thetten sy.
Do lieff der bischoff gar bald vñ
schry halta halta. do bytten sy. Do
hieß er in die hende vñ die augen
bald auff binden. vñ sprach zü dem
richter. Du bist vol falschait. wan
du woltest sy vmb ain elaines güt
verderbt habñ. do baten die römer
den richter für sy. das er sy zü hulde
ließ kömen. das thet er. Vñ die drey
gefangen füret er mit jm haim Vñ
do die drey fürsten dem kaiser die sa
chen gericht hetten. füren sy haym.
do het sy der kaiser gar lieb das sy
jm sein sach als wol gericht hetten
vñ eeret sy darüb. das neyden die
andern vñ versagten sy gegen dem
kaiser. do ließ er sy vahn vñ leget
sy in den kercker. vñ sprach. Man
solt sy des andern tags tödten. Do
waren sy in grossem leyden vñ spi
achen oft. herz sich vnser vnschuld
an vñ hilff vns. do sprach der äl
test vnder in. Wir sollen sant Nico
laus anruffen. der dort drey man er
löset. vñ sollen in bitten das er got
für vns bitt. do rufften sy in all an
mit grossem ernst. do kam sant Ni
claus in der selben nacht zü dem kai
ser do er schlieff vñ erschyn jm vñ
sprach. du hast drey mann vmb vñ
schuld gefangñ die solt du ledig las
sen. oder du gewynst grosse vilüge

das dir dein veind angefigen. vñ
dich tödten. do sprach er. ich bin Ni
colaus der bischoff von mirien. da
mit verschwand er. vñ kam zü dem
der die drey mann versagt het. vñ
sprach zü jm. du solt achten das die
drey man ledig we rden od du müst
grosse not leiden. w an du wirst als
vñrayn von würmen das dich die
essen. do sprach er. Wer bist du. do
sprach er. ich bin Nicolaus vñ wilt
du mit gemacht. so thü als ich dich
gehaissen hab. vñ schyed also von
jm. Vñ do der kaiser des morgens
auf stünd. do kam er zü dem der die
drey mann versagt het. vñ sagt ir
ainer dem andern wie es jm in dem
schlaff ergangē wär. Vñ der kaiser
hieß die drey man für in bringen. vñ
sprach zü in. kēnent ir ainen bischoff
der haist Niclaus. sy sprachē ja herz
wol. vñ sagten jm von seiner hailig
kait. do sprach er. danckē got dē her
ren vñ auch jm. wan ich will eüch
durch seinen willen ledig lassen vñ
nemend da mein gab vñ bringend
sy jm von mir. vñ gab in vier gul
diner trincksaß vñ sprach zü in. Bit
tend in das er den almechtigen got
für mich bit. do füren die drey her
en zü sant Niclaus vñ brachtñ in
die gab vñ eerten in. vñ danckten
jm gar seer das er in geholffen het
Vñ do er hort das got also gnad
durch in het. do dancket er jm mitt
grosser andacht. Darnach warde
sant Niclaus siech vñ mocht gar
übel. Vñ do er sterben wolt do bat
er den allmechtigen got. das er in

ainen engel sendet der im an seinem
 tod bey stünd. das geweret in got.
 do lag er in grosser andacht. vñ em-
 pfing vñsers herren fronleichnam
 vnd die hailigen ölung vnd empfal-
 he sein gaist in die hend des almech-
 tigen gotes. vnd starb da seliglich-
 en. do für sein sel zu den ewigñ frei-
 den. do gieng ain güter edler gesch-
 mack von im. do berait man im ain
 schönes marmelstaines grab. vnd
 leget in mit grosser andacht darein
 vnd bestäteren in mitt grosser an-
 dacht. vñ thut got die genad durch
 in. das das öl allzeit durch seine ge-
 lyder fließt ¶ Nun kam ain bisch-
 off nach im der was ain güter seli-
 ger man. vnd befort vil menschn zu
 gott. den vertryb man von neydes
 wegen von dem bystum. do gabe
 sant Niclaus grab kain ölmer vntz
 der bischoff wider kam. Vnd dar-
 nach ward die stat mirren von den
 veinden verbrennt. do kamen. xlvij.
 ritter von der stat pare in sant Ni-
 claus münster. die hetten gott lieb
 vnd fragten wo sant Niclaus hail-
 tumb war. do weiseten yn vier mü-
 ni ch sein grab. Do wurden sy fro.
 vnd fundñ sein gebayn in öl schwy-
 men. vñ fürten das hailtumb mit an-
 dacht haim. vñ tut got grosse zaich-
 en an der stat durch des hailtumbs
 willen. Ains mals was ain man dē
 gieng seer an dem güt ab. do hatt
 er ainen juden das er im gold libe.
 do sprach der jud. setze mir bürgen
 oder pfand. do sprach er warlichen
 ich mage dir weder bürgenn noch

pfand setze. ich will dir aber ain ayd
 bey sant niclaus sweren das ich dir
 schon gelten will. Do nam der jud
 den ayd vñ libe im das gold. do ge-
 wan der crist vil mit dem gold daz
 mercket der jud vnd sprach. Du solt
 mir nun gelten. sprach der crist hast
 du vergessen daz ich dir golten hab
 do erschraet der jud seer vnd sprach
 du sagst nit recht. du hast mir nit
 golten du müst mir ain ayd schwe-
 ren darumb. do lief der crist ain ho-
 len stab machen vnd füllet den mit
 gold. vñ do er dem juden schweren
 müst. gab er im den stab vñ sprach.
 nym den stab bis ich dir geschwör.
 das thet er in der lüstigkeit das er
 möcht swern er het im das gold ge-
 ben. vñ schwür er het im vergolten
 daz er im gelten solt Do gab im der
 jud den stab wider vnd gieng von
 im betrübt vñ sprach. Eya Nicolae
 was sol ich dir güts vertrauen. er
 hat mir bey dir geschworn. vñ hab
 doch mein güt verlorn. Darnach le-
 get sich d crist an die straf vnd ent-
 schlieff. do gieng ain wag über in
 vnd den stab. vnd er starb. vnd der
 stab zerbrach vnd viel das gold her-
 auß. do sach man sein grose falsch-
 hait gar wol. do kam der jud auch
 darzu vnd sach es. do sprachen die
 leüt zu im nun heb auff das ist dein
 Also rach sich der lieb herr sant Ni-
 colaus an dem mann. Do sprach
 nun der jud. Nicolae du hast gar er-
 lich gethan. vñ thät er noch ain zay-
 chen. vnd machet den todten wider
 lebendig mitt seiner genad so wolt

ich mich tauffen lassen. do machet got den todtū lebendig durch sant Nicolaus willen. do bekant der jud das er an dem vnrechten gelauben was vñ ließ sich tauffen. vñ dienet got fürbaß mit fleiß. ¶ Nun was ain andrer jud der hett vil von sant niclaus zaichen gehört & wolt verzauf sarn. der hieß jm ain bild nach sant Nicolaus machen. vñ empfah he jm alles sein güt vñ sprach. Hüt wol biß daz ich wider kôm oder du müßt vil leyden. Vñ die weil er auß was stalen jm die dieb sein güt. Do er wider kam vñ sein güt nit fand do was er laydig vñ sprach. Eya sant Nicolaus du hast gar übel gehüt. das solt du innen werden. vñ schlug das bild seer mit gayfeln. vñ die weyl wolten die dieb das güt taylen. do kam sant niclaus zū jm vñ erschyn als er mit gayflen geschlagen wär vñ sprach zū jm. Die nott leyd ich von eüch. dann ich solt des güts gehüt haben so habt ir es ver stolen. gebt es wider oder ich mach das ir zū offen schanden. oder damit erhangen werden. do sprachen sy. wer bist du. do sprach er ich byn sant Nicolaus. do erschracken sy seer vñ brachten dem juden sein güt wiß vñ sagten wie jm sant niclaus erschynen wär. vñ wie er mit jnen geredt het. do bekert sich der jud vñ ließ sich tauffen. ¶ Ains mals was ain grosser rauber in dem bayerlande. der thet den herren vñ den fürsten grossenraub. vñ brach in groß lastwägen auff. vñ nam in daz güt

alles. vñ wān ain armes peürlein mit dem pflüg für so nam er ainem reichen pauren ain roß vñ gab es dem armen vñ müßt jm es lassen. vñ mocht jm es nit wider nemen. Vñ do er nun vil geraubt het. do thet man in in die acht. do rait er ain weil von dem land ain jar oðzway vñ kam do wider zū land. vñ thet den herren aber ainen grossen raub bey Regenspurg: vñ do sy das innen wurden. vmblegten sy in daz er niendert gefliehen mocht. do was jm layd. Do sach er ain klaine kirchen die was sant Nicolaus. do gedacht er jm. der hailig ist ain grosser nothelffer vñ gewan grosse hoffnung zū jm vñ rüßt in mitt ernst an vñ batt in das er jm hülff das er jnen entrunn. so wolt er jm sein bestes pferd geben. oder souil gelts darfür. als das pferd werdt ist. do was er auff ainem hohen berg der was als hoch als ain hohe kirchen vñ vnder dem berg floss die tonaw hin. do warf er dem pferd den mantel über den kopff vñ sprangt mit dem pferdt in die tonaw vñ rüßt die weyl sant Nicolaū an der halff jm das jm nye kain layd geschach. do ward er gar fraw vñ rayt in sant Nicolaus kirchen vñ dancket jm seiner gnaden mit grosser andacht. vñ legt so vil gelts auff den altar. als er maint das dz pferd wert wär. vñ wolt darnach das pferd auß der kirchen haben gezogen. do mocht er es nyendert pringū. do gedacht er jm. ich hab vñleich zū we-

Anton

nig gelts auf den altar gelegt vnd legt aber als vil darauff vnd wolt das pferd aber herauf ziehen. do mocht er es aber niendert bringen. do was jm gar layd vñ griff aber an die taschñ vñ nam alles gelt her auß daz er darin het guldin vñ pfe ning vñ legt es auff den altar. vnd nam daz pferd vnd zoch es auß der kirchen. do gieng es mit jm. vnd do er für die kirchen kam do sprach er. Zwar herr sant niclaus du bist der teürest vñ strengest roß tauscher & mir nye zū kam. ¶ Des ersten sang man die gemain histori von sant niclaus. Nun waren brüder in der kirchen die da haist das hailig kreütz. vñ ist in vnser frawen eer gweicht Die brüder hetten die aigen hystori von sant nicolao gar gern gesungē vñ baten den prior gar fleissig das er sy ließ singen. do sprach er Es ist nit güt das man die alten gewonhait mit neüwen sitten verker. Do hatten sy in aber fleissig darüb. do sprach er zornigklich zū jm. gee von mir wann ich erlaub eüch nymmer das neüer vñ schimpflicher gesang gesungñ werd. do was in gar laid Vnd do sant niclaus tag kam. sun gen die brüder die gemayn hystori mit layd zū mettin. Vnd do sy sich all nach der mettin hetten nyder gelegt. Do erschyn sant Niclaus dem prior gar scheützlich vñ nam in bey dē har vñ zoch in miten auff dz sch lass hauf. vñ sang die antiffen über das magnificat. O pastor. gar lancsam biß an das end. vnd nach yeg

Nicolaus

licher pauf der stym schlug er dem prior groß schleg auff den ruckenn mit dem besen den er in d hand het. Do erwachten die brüder all von dem geschray. vnd lieffen zū jm. do lage er onmächtig. do hüben sy in auff vnd trügen in halb tod in ain beth. Vnd do er wider zū jm selber came do sprach er zū den brüdern. Geet vñ singt fürbaß die neüen hystori von sant Niclaus das thetten sy vñ lobten in fürbaß mit freüden ¶ Es was ains mals ain reicher man & het sant niclaus gar lieb vñ lüd all jar vil menschñ an seym tag in seiner eer. Vnd ains mals het er vil volcks an seinem tag geladen. vnd do sy in der wirtschafft sassen vnd aßen do kam der böß gayst an die thür in aines bilgrinf weiß. vñ bat vmb das almsen Do sprach & vatter zū seinem sun. nym vñ bring jm das brot. Vnd do der sun dem bösen veind. das brot bracht. do brache er jm den halß ab. Do was der vatter seer betrübt. vnd leget in in ain kamer bißs die wirtschafft ain end nam. do gieng er zū jm vñ way net greülich vnd sprach. Wie bist du als jämerlichen tod vnd sprach O hayliger sant Niclaus. Ist das dein lon. das het ich dir nit getraut laß dich mein betrübnuß erbarmen vñ die weyl er also klaget do warf der sun die augen auff vnd warde lebendig vñ wol gesundt. Vnd also ward der vatter gar fro. vnd rüffet den püestern allen vnd saget das groß wunder do wurden sy all

fro vñ dancket got vñ sant niclaus der gnaden. Es was ain man der het sant niclaus gar lieb der bat in mit fleiß das er in vmb got erwürbe ainen sun. vñd gelobt in er wölt den sun zů seinem münster bringen vñd ainen guldin kopff mit in. do erwarb in sant Niclaus ainen sun vmb got. do ward er gar fro. vñd do das kind gewüchß. do hieß der vater ain reichlichen kopff machē do macht man in so schön daz er in als wol geniel das er gedacht ich will in behalten vñ selber daraufs trincken. vñ in ainen andern machen nach dem ersten. vñ für auff aynem schiff hin mit dem knaben. Do ward den vater gar seer dürsten vñ sprach zů dē sun Bring mir ain wasser in dem ersten kopff. do gieng der sun zů dem wasser vñ viel mit dem kopff hinein vñ ertrancē das was dem vater laid vñ für doch für sich zů dem hailigē. vñ kam in sein münster. vñ leget den andern kopff auff den altar sant niclaus. do sprang er wider herab. do satz er in wid dar auff. do viel er aber herab do erschack er seer. vñd satz in zum drittem mal darauff do viel er aber herab. wañ sant niclaus wolt sein nit. do sach der vatter den sun mit dem ersten kopff dort her geen. do ward d vater fro vñ sprach. sun wie ist dir geschehen. do sprach der sun. ich viel in das wasser vñ mich behütt sant Niclaus das mir nichts geschach. do ward d vater so fro das er sant niclaus hayd kopff opfferet. vñ dan

cket got vñd in der gnaden. vñ für widerüb haym. ¶ Ains mals was ain reicher man d het sant Niclaus gar lieb vñd bat in mit ernst das er in ain kind vmb got erwürb. Do erhört er in vñd gab in ainen sun. do ward er fro vñd dancket got vñ sant niclaus der gnaden. vñ macht ain cappellen in seiner eer. Vñd do der sun zů seinen tagē kam. müßt er ver außreiten. do steng in ain haid nischer heri. do das der vatter hort do rüfft er sant Niclaus an. vñ bat in das er in hülff das sein sun ledig würd Vñd an sant niclaus tag do solt sein sun seinem herren ain kopff mit wein vor halten. Do gedacht er an die hochzeit die sein vatter an sant Niclaus tag het. vñ was traurig er seüßget vñd wainet vor dem künig. do fraget in der künig warumb er waynet. do sprach er. mein vatter hat an sant niclaus tag vil wirtschafft vñd freüd so hab ich gar kaine. do sprach der künig. sant Niclaus mag dir nit gehelffen. du müßt hie mein diener sein vñ ward zornig vñd hieß den knaben einsperren. do ward er gar seer betrübt. vñd rüfft sant niclaus mit ernst an vñd batt in das er in hülff das er außs der gefängnus kam. vñd in dem entschlieff er. do kam ain grosser wind in das hauß vñd fürt den sun also schlaffend in seins vaters capellen da man inn sang vñd laß. damit erwachet er. vñd sein vatter vñd mütter wurden gar fro vñd danckten got vñd sant Niclaus der

Als maria

genaden. Vnd das volck alles lobet den hayligen vmb das zaychen. Nun bitten wir sant Nicolaus das er vns vmb got erwerb hail der sel vnd des leybs vnnnd nach disem leben die ewigen freud. Amen

¶ Von Marie empfangt nuss



¶ Ze das got hymelreich vnd erd rich erschuff. do het er Mariā auf allen creaturen aufferwölt zū ainer mütter vnd hatt sy darzū geordnet vnd fürsehen das sy ewigklich solt sein die aller würdigest vnder allen creaturen. die alten vāter vnd propheten begerten ir zūkunft gar begirlich vor lang ee sy geborn ward vnd lobten sy. vnd Isaias sprach. Nempt war es wirt ain rūt ausgeen von der wurtz yesse. vnd ain juncfraw empfach ainen sun der wirdt gehaissen emanuel. Vnd die andern propheten habendt von ir auch vil geweissagt Darnach über

empfangen ward

vil jar do kam ain sāliger man der was von nazareth vnd hieß Joachim. der nam ain frawn die hieß Anna. die waren bayde gerecht vñ dienten got mit fleiß tag vñ nacht vnd sy taiten als ir gūt in drey tail Das ain tail gabn sy in den tempel das ander tail gaben sy armen leuten. vnd das drit tail behielten sy zū irer notturfft das sy vnd ir gesünd darvon lebten. vnd waren xx. jare bey ainander das sy nye kain kind gewunnen. darumb waren sy seer betrübt vnd hatten got mit grossen ernst das er jnen ain kindt gābe. so wölten sy im es zū dienst gebn. darnach zū ainer hochzeit kam Joachim zū jerusalē vnd vil volcks. Vnd do er in den tempel kam zū dem altar vnd opffern wolt als die andern menschn. Do sprach der pūester zornigklich zū im. Wie getarst du zū dem altar kōmen wan du von got vnd von der ee verflucht bist vnd dein opffer ist got nit genām darumb das du vnberhasst bist. do erschrack er vnd schāmet sich so seer das er nit zū seim gesind dorst geen vn gieng zū seinen knechten die des vichs hūten auff dem veld. Do er ain klaine weil bey in gewesen was mit grosser trübsal. do kam der engel gotes vñ sprach Got hat mich zū dir gesendet vnd hat dein gebett erhört vnd hat dein scham angesehen. Dein fraw Anna soll dir ain tochter gebern die solt du mariam hayssen. die wirt gehayliget in mütter leib. vñ wirt erfüllt mit dem hai-

ligen gaist. vnd als sy von ainer vnberhafften müter geborn wirt. also wirt gotes sun von hymelreich vñ ir geboren. des nam wirt gehaissen Jesus vñ werden vil menschn von im selig. vnd hab dir das zñ ainem warzaichn. Wen du kömest vnder das guldin thor so begegnet dir da dein wirtin Anna. damitt verschwand der engel vñnd erschyn sant Anna auch vnd verkündet ir alles das daz er irem wirt geoffenbaret het. Darnach begegneten sy ainand vnder der guldin porten als in der engel gesagt hett. do waren sy des kinds sicher das von in geborn solt werden. vnd waren gar fro. vnd dancketen gott seiner genaden. Zñhand ward sant Anna schwanger des lieben kinds Marie. der schöpfet got ain lautere seel. die ward zñhandt gehailiget in ir müter leibe über alle engel vnd über alle hayligen vnd über alle creaturen. vñnd ward ir gleich nye. vnd wirt auch nymer ewigklich. wann sy ist von got mit sundern gaben begabt vor allen lautern creatur mer dan der höchst engel zñ hymel begabt was od adam in dem paradeis den gott selber macht. wañ sy körtē sich von gott. so mocht Maria iren willen noch ir gunst nye. zñ kainen sünden naygen. tödtlich noch tåglich. wañ sy was mit ainer vnuermayligten stätigkait zñ got dem herren gekert mit allen iren kressen. Also begeet man den tag der hailign juncfraw marie als sy gehailiget ward in ir

müter leib. wañ sy ist ain hoffnung vñ ain hail aller sündler. vnd sollen sich heit alle raine hertzn freuwen. wañ es ist heit ain tag der ain anfang ist aller menschen hail vñ ain widerbringūg aller ding in hymelreich vnd in erdtrich. vnd ist heit empfangen ain eer vnd ain kron aller juncfrawen. Vñ ist heit gehailiget ain wolgezierter tempel gotes vnd ain mägtliche müter gottes. vnser herren iesu christi. ain secret des hailigen gaistes vnd ain milte hand der hailigē diuālitait durch die vns ist geben der götlich schatz ¶ Es was ains mals ain abt der het vnser frawn gar lieb der wolt mit etzlichen münichen auff ainem schiff über ain wasser farn. do machte die bösen gaist ain groß sturm wetter das daz schiff zerbrach. do waren sy in grossen nöten vnd hetten sich ires lebens verwegen. Do rüfft der abt vnser frawen an mit grossem ernst. vnd bat sy das sy im zñhilff kām. Do erschyn im zñhand sant Peter der zwelfspot vñ sprach zñ im Gehab dich wol die du angerüfft hast die will dir helffen. vnd fñrt sy all an das gestad vñ sprach zñ dem abt. Vñser fraw will von dir haben das du iren tag eereft vñ begangest. als sy in irer müter leyb empfangen ward vnd da gehailiget ist worden. Do sprach der abt ich waiss nit wenn der tag ist. oder was ich an dem tag singen oder lesen sol. do sprach sant peter. der tag ist an dem sechsten tag des monats

Als maria

decembris daran solt du in alle jar
begeen. vñ solt von ir singen als du
von ir geburt singest vnd lyst. dan
daz du das wort natiuitatis. wan
dest vnd singest conceptio damit
verschwand sant peter. do saget es
der abt den andern menschen auch
vnd begieng den tag als maria em
pfangen ward. ¶ Als mals was
ain man gar aines bösen lebens vñ
het doch vnser frawen gar lieb. vñ
eert sy oft. vñ gieng ains mals ü-
ber ain weytes veld. vnd hungert in
gar seer. Do erschyn im vnser fraw
mit vil schöner juncfrawen die trü-
gen gar vil lustiger kost in vn-
saubern schüsseln. Vnd vnser fraw spr-
ach zu im. yß der kost. do sprach er.
die kost ist lustig vnd gut. Aber ich
mag jr nitt essen. darumb das die
schüssel vn sauber seind. do sprach
vnser fraw. Das lob vnd das ge-
beet das du mir sprichst das ist gut
an im selbs. aber darumb das daz
hertz vn sauber ist so hab ich kainen
lust dauon. damit verschwand ma-
ria mit den juncfrawen. Do bekert
sich der man so bald. vnd dienet vn-
ser frawe fürbaß mit grossem fleiß
die weil er lebet. ¶ Ain güter mü-
nich hett vnser frawen sunder lieb
für all ander hailigen der het ain ge-
wonhait von kindthait auff bis an
sein end das ließ er durch kainen ding
wan er vnser frawen höret nennen
so kniet er nyder wo er was vñ küß-
set das erdtrich. Vnd do er alt vnd
franc ward do gieng er daimocht
zu mettin. vnd wen man. Te deum

empfangen ward

laudamus sang. bis das man sang
Nō horuisti virginis vterum. Du
hast der juncfrawen leib nitt ver-
schmecht. so naygt er sich den vnd
küßt das erdtrich. vñ so er vorfran-
ckhait nit mocht auff steen so gieng
vnser fraw mit grosser schonhait
zu dem münich vnd hüß in gar senf-
tiglich auff. vnd sprach ains mals
zu im. Kum lieber fründ dir ist gro-
ser lon berayt. vnd ist zeytt das du
dein kron empfahest die du verdie-
net hast. damit verschwād sy. Von
dem gesicht erschrack der conuent
vñ giengen zu dem münich vñ fra-
geten in wānen der groß schein kö-
men wār do saget er in was er vn-
ser frawen von seiner kindhait auf
zu lob vnd zu eer getan het. vñ wie
sy in selbs het auff gehalten vñ wie
sy mit im geredt het. do danckten sy
vnser frawen. Vnd darnach bald
für vnser fraw sein seel zu den ewi-
gen freuden. ¶ Als mals was ain
fraw die setzet ir in ir hertzen für
wie sy wolt vnser frawen ain lob-
lichen dienst er bieten. Do erschien ir
vnser fraw aines tags vnd sprach
zu ir. Du hast allen willen du wöl-
lest mir ainen wolgefallen dienst er-
bieten. So rede gar wenig in der
kirchen vnd was du güts tūn wöl-
lest das thū nit das du darumb ge-
lobt werdest oder wöllest werden
du solt es mir vñ meinē kind zū lob
thū. vñ was man dir zū layd thūt
das leyd alles gedultiglichen. vnd
wer dir flucht den gesegen allezeit.
tūst du das so wif das du mir ain

loblich wolgefallen tust vñ in wö-
liche not oder angst du kömest da-
von wil ich dich erlösen Do daz die
fraw hort. ward sy gar fro vnd be-
hielt die leer mit fleiß. Do sy nun an
irem todbeth lag vnd sterben wolt
do het sy grosse anfechtung das sy
nahent an gottes erbarmung verza-
get was vnd die anfechtung nam
an ir zū vnd peiniget sy ser an irem
herze. Do kam vnser fraw zū ir die
ain trösterin ist aller betrübten her-
zen vñ sprach zū ir. wie gehabst du
dich Do sprach sy es geet mir übel.
wan ich hab groß leyden vnd ver-
zweiflung an gottes barmherzig-
keit wan ich fürcht ich sey ewiglich
verlorn. Do sprach vnser fraw ge-
hab dich wol wan darumb daz du
mein leer gehalten hast. so will ich
dich von diser not erlösen vnd will
dich führen da kein leyden ist ewig-
lich. Also starb die fraw vñ für ir
sel zū den ewigen freunden. ¶ Ains
mals waren drey gäistlich frawen
in ainem kloster die heten ainander
lieb. die zwū waren juncfrawen.
vñ die ain ain wittib. die hetten all
drey vnser frawen gar lieb. do starb
die ain juncfraw vnd die wittib
zoch zū dem todt. Do bat die dritt
möcht sy es habē an got das sy her-
wider kām vñ ir die warhait saget
wie ir gespielen der juncfrawen lon
wār vñ ir selbs lon. daz gelobt sy ir
vnd verschyed also. Darnach am
dreissigsten tag erschyn ir die wittib
bey ainem altar mit grosser schon-
hait vñ sprach zū ir. Ich bin kōmen

als du mich gebetten hast. Du solt
wissen das du meines lons nit ain
klains sticklin sichst. do ward sy fro
vnd ward gestercket in dem gäist.
vñ fragt sy von ir gespielen lon der
juncfrawen. Do sprach die wittib
Wār all dise welt bement vñ das
mōr dinten vñ alles laub vnd gras
federn vnd alle menschen die auff
dem erdtrich seind schryben. die mō-
chten die vnmāssigen freud vnser
gespielen der juncfrawen nit gesch-
reiben doch sage ich dir ain wenig
von ir freud die sy hatt. sy geet mir
vor an mangerlay lon als dan wol
billich ist. vñ sy füret gestern ainen
rayen mit vnserm herin jesu chris-
to vnd mit seiner mäter marie vñ mit
vil andern juncfrawen die waren
all gar schön. Vnd sang ain besun-
ders gesang. vnd trüg ainen frantz
mit schönen blümen auff irem hant-
bet. do batt ich sy das sy mir den
frantz nur ain stund lyhe. Do spr-
ach sy. das ist nit zymlich. yedoch
gabe sy mir der blümen von dem
frantz. die hab ich dir gebracht das
du die sehest vnd der blümen kraft
innen werdest. vnd leget die blüme
in ainen zirkel auff dem erdtrich.
do gieng ain sölicher güttler gesch-
mack von den blümen das die junc-
cfraw entzucket ward. vnd füre
dar wittwen seel do wider zū dem
hymel vnd der güttler geschmack der
blümen weret darnach etwen lan-
ge zeytte. ¶ Aines mals was
ain prediger über den verhenget
got das er gar grosse anfechtung

Als maria

gewan. do bat er vnser liebe frauwe
gar mit grossem ernst das sy im zū
hilff kām. Do kām sy zū im vñ spra-
ch. Sag in allen dein predigen von
mir vñ von meinem gewalt das thet
er. do vergieng im sein anfechtung
¶ Aines mals was ain rauber in
dem land vorwey d'entschlieff vor
müde auff dem veld do kamen sein
veind über in vñ tödten in also sch-
lassend. Do weltet sich das haubt
schnell zū ainem dorff vñ sprach O
hailige juncfraw maria verleyhe
mir ain ware reu vnd ain ware bei-
cht. do brachten im die leut ain pue-
ster die in getödt heten. do hieß der
puester das haubt zū dem leichnā
legē do beichtete das haubt bey den
glidern all sein sünd mit grosser reu
do sprach der puester im ablaß vñ
sprach Ich bitt dich durch got das
du mir sagest wamit du die grosse
gnad vñ got verdient hast. Do sp-
rach das haubt. do ich jung was
hoit ich. wer vnser frauen eert mit
fasten od mit ander güter übung.
das er damit verdient vor sein tod
ain ware reu vñ beicht all seiner
sünd. vñd wie böß ich bin gewesen
so hab ich den sambstag vnser fra-
wen zū eern geuast. vñ wayß auch
sunst kain güt werck das ich hab ge-
than vñ starb da zūhand seligklich
¶ Ains mals was ain frau d' star-
be it man die het anders trosts nit
dān ainem ainigen sun der ward ge-
fangen vñ schwarlich gebundē. do
sy das holt ward sy seer betrübet
vñd wainet jāmerlich. Do hett sy

empfangen ward

vnser liebe frauen gar lieb vñ bat
sy gar mitt grosser andacht das sy
iren sun ledig machet Vñd gieng ai-
nes mals in die kirchen für vnser
frauen bild vñd sprach. O du edle
vñ selige juncfraw maria ich hab
dich lang gebetten das du meinen
sun ledig macheß. O du müter der
barmhertzigkait. du bist mir in mei-
nem leyden noch nitt zūhilff kōmen
vñd hab dein hilff mit wainendert
augen begert. darūb das mir mein
sun genōmen ist. also nym ich deine
sun zū ainem pfand. Vñd nam vn-
ser frauen bild das kind von der
schop vñ trüg es mit ir haim vñ be-
hielt es mit grossem fleiß in ir gesen-
gknuß vñd freuwet sich des güten
pfands das sy an ired suns stat het
Vñd der selbñ nacht erschyn vnser
fraw dem jüngling. vñ thet da im
die thür an dem kercker auff vñd
sprach zū im. Gee hyn zū deiner müt-
ter vñd sprich das sy mir meinen
sun wider geb. dann ich hab ir den
iren geben. Do gieng der jüngling
haim zū seiner müter vñd saget ir
wie in vnser fraw erledigt het. do
ward sy fro vñd dancket gott vñd
nam das kind vñd bracht es vnser
frauen wider vñd sprach. Liebe
müter vnser fraw du hast mir mey-
nen sun wider geben. darumb gib
ich dir dein liebes kind auch wider
¶ Es was ain bischoff zū tolos.
der hieß Hildesonsus. der het vnser
frauē gar lieb. vñ macht ain buch
von ir grossen hailikait. do kām ma-
ria ains mals do er daz buch in der

hant hett vñ danckt jm der eern vñ
 würdigkait die er ir getan het. Dar
 nach wolt er jr grösser eer er bieten
 vñ gebot das man vnser frawen
 achtenden tag vor weihenacht mit
 andacht feyren solt vñ sprach. Es
 wär wol zymlich das man des er
 sten den tag der hochwürdigē hoch
 gelobtn juncfrawe marie begieng
 von der got vñ mensch geboren wä
 re in der welt. vñ darnach erschin
 sy jm aber bey dem altar vñ saß
 auf ainem hohen stül vñ pracht jm
 ain mes gewand vñ sprach zū jm
 Das mes gewand hab ich dir von
 meins lieben kints paradeis gepra
 cht. das solt du an meins lieben kin
 des tag anlegen vñ solt selbs auff
 disem stül sitzen vñ anders nyeman
 mer. vñ solt auch wissen das das
 gewand nyemand meer soll tragen
 dan du allain vñ mit disen Worten
 verschwand sy. vñ er dancket der
 hochgelobten juncfrawe marie der
 grossen genad die sy jm gethan het
 Vñ der nächstbischoff der nach
 jm kam der wolt das selbig mes ge
 wandt auch anlegen. do starb der
 von stund an. Do erschracken die
 andern bischoff seer vñ legten es
 zū dem andern hailtüb. ¶ Es was
 auch ain andechtiger priester zū al
 uern d hieß Bonifacius der het vn
 sern herzen vñ vnser frawen von
 ganzē hertzen lieb. Der selb priester
 gieng ains tags mit ainem grossen
 gesind in ain kirchē die was in sant
 michels eer geweicht vñ do er dar
 ein kam do stünd er in ainen winkel

darßib das sein hertz in reu vñ layd
 belyb von aller aufwendiger küm
 ernus. vñ do die mes auß was vñ
 die leüt außs der kirchen kamen do
 sperret man die thür zū. vñ er belib
 allain in der kirchen vñ des willen
 das er deßer leichtlicher möcht bet
 ten. do höret er gar ain süsse stymie.
 vñ erschyn jm vnser liebe fraw mit
 ainer grossen schar der engel vñ
 der hailgen. vñ singen mit grosser
 begird zū lob vñ eer vnser frawen
 vñ irem kind vñ giengen mit ain
 ander in dem for für den altar. vñ
 fragten wer die mes solt singen. do
 sprach vnser liebe fraw Vempwar
 es ist der bischoff bonifacius hie in
 nen d ist güt darzū das er daz ampt
 sing. vñ do er das hort. verbarge
 er sich noch bas vñ er maynet er
 wölt die mes nit singen. doch fand
 man in vñ für in für vnser fraw
 en. vñ leget jm ain schönes mes ge
 wand an. vñ fürten in für den al
 tar do sang er mes. vñ nach der
 mes do leget sich vnser fraw mitt
 irem caplan. vñ gab jm das selb
 mes gewand zū letze darinn er das
 ampt sang. daz zaigt man noch auf
 den heütigen tag in der stat aluern
 Vñ von was materi oder wie es
 gewürckt sey das kan kain mensch
 wissen noch erkennen vñ ist zūmal
 schön. ¶ Zū ainem mal waren vil
 bilgerin die wolten über mör faren
 do kam ain grosses sturm wetter.
 do vorchten sy sich gar seer vñ for
 chten sy verdurben. do das der sch
 yffman sach. do gieng er vñ ain

Als maria

bischoff vnd vil edler leut in ain anders schiff. Vnd do der selben ain in das schiff wolt treten do viel er in das moer vñ ertrant. Do sprach der schiffman zū den andern daz sy got anrufften vnd reu über ir sund hetten. wann sy müsten ertrinken. do gieng das schiff zū hand vnder. do enpfalch sich der bischof der da in ain ander schiff gieng vñ sein gesellen dem ewigen got mit grossem ernst vñ andacht. darnach sach der bischof hin vñ her ob er seiner gesellen die ertruncken waren nyendert kainen sach. Do sach er schneeweys tauben auff dem wasser schweben do verstünd er wol das die selben weysen tauben seiner gesellen selen waren. Er waynet jamerlich vnd innigklich das er nit bey in belyben was. Vñ do er an das gestad kam sach er seinen gesellen frisch vnd gesund. der auff das schiff wolt gestygen sein vnd in das wasser viel. do fragte sy in wie er auß wär kōmen er sprach. do ich in das wasser viel do rufft ich vnser frawen an mitt ernst die kam mir als bald zūhilff. vnd hielt mich vnder irem mantel vnd bracht mich on allen schaden an das gestad. ¶ Es was vorzeyten ain gaystlicher münich der hett vnser frawen gar lieb. vnd dient ir mit besunderm fleis. Vñ do er nun ain klaine zeyte in dem kloster was do gedaucht in die vastenspeys zūfrant sein vñ bat den abbt das er im vilob gāb von dem kloster wan er möcht ir kost nit leben. do sprach

empfangen ward

der abt zū im. Gee vor für vnser frawen altar vñ bit sy das sy dir es erlaub. vñ erlaub: sy dir es dan. so sey dir von mir auch erlaubt. do gieng der münich für vnser frawen altar vñ klaget ir jamerlich er möcht der kost nit gelebē er müst ye von dem orden. vñ bat vnser frawen daz sy im erlaubet vñ sach auff gen himel do sach er vnser frawen in grosser klarhait die het den aller schönsten mantel an den er ye gesach. dan daz er gar kurz was. do sprach der münich zū ir. du aller liebste fraw. wie ist der mantel so kurz. Do sprach sy daz der mantel ist als kurz. daz ist d̄ dienst den du mir in dem orden gethan hast. vñ nit volendt hast. dienst du mir aber in dē orden dieweil du lebst bis an dein end so wirt mir der mantel lang genūg. vnd ist mir dein dienst genām. Do sprach der münich zū ir. Liebe frau seyt dir mein dienst genām ist. so wil ich dir geren dienen die weil ich leb damit verschwand vnser fraw. Vnd der selb münich dienet ir in dem orden die weil er lebt. ¶ Sant gregorius der schreibt in dem būch Dyalogorū das ain juncfraw was die hieß Misa vnd die tanzet auß dermassen geren. vnd vor vnd auch nach dem tanz. do dienet sy vnser lieben frauwen mitt grossem ernst. Die lieb juncfraw was ains mals an irem gebette. Do kam vnser liebe fraw zū ir vñ vil schöner juncfrawen mitt ir die tanzten alle gar schon mit ainander. do fraget sy vn

ser fraw ob sy nit ewigklich mit diesen juncfrawen wolt tanzen vnd rayen. Do antwurt sy vñ sprach. ja vast gern. do sprach vnser fraw. so laß dein tanzen. xxx. tag durch meynen willen so wil ich an dem dreissigsten tag kōmen vnd will dich zū den ewigñ freuden fūrn; damit ver schwand vnser fraw. do beychtet vñ büßet die juncfraw all ir sünd mit grosser reu. vnd hūtet sich fürbaß vor tanzen vñ vor allen sündñ. Do kam vnser fraw am dreissigsten tag zū ir. als sy dan ir gehaissen het vnd fūrt ir sel zū den ewigen freuden. ¶ Als mals was ain reicher edler ritter der was gantz gewaltig. der ward alles sein gūt on mitt geyden vnd mit üppiger eer. vnd er ward gar arm. vñ als er vor groß gab het gegeben also layd er wider grosse armūt. Nun het der ritter gar ain frumē frawen. vnd ains mals nahet ain hochzeyt. Zū der selben hochzeit het der ritter vormals geben gar große gab vñ schāmet sich seer das er nur nichts mer het zū geben. vñ er gedacht in jm selb ich wil an ain wūste stat geen vñ mein leyden bewainen. Do er nun in die wūste kam. do kam der böß gāist auff ainem greilichen thier zū jm vñnd was vorchlich gestalt. vnd fragt in warūb er betrūbt wār. do saget er jm wie jm geschehen was. Do sprach der böß gāist zū jm. Wilt du mit in ainem klainē ding gehorsam sein. so wil ich dir helffen dz du mer eer vñ gūt gewinnest dan vor. Do

ward der ritter fro. vñ als bald gelobt vnd ver hieß er jm er wolt tūn alles das er in hieß. Do sprach der veind. so gee haym in dein hauß da fūndest du gold vnd silber vñ edelgestein. darūb beger ich nichtz von dir dan das du dein edle frawñ mir an die stat bringest. das verhieß vñ gelobt er jm vñ kam darnach haim vnd fand das gold vnd das silber vñ alles das jm der veind geweist hett. vnd kaufft da als bald schöne heüser vnd auch andere gūter. vnd gab reich gaben vnd löset sein ver setzte gūter vnd gewan vil diener. Do nun die zeit kam als er dē veind sein frawen gelobt het. do saget er der frawen nichts darvon. vnd be zwang sy das sy auff sein pferd müste sitzen vnd mit jm reytē. do empfalch sy sich got vnd seiner lieben mūter mit grosser andacht. Do sy nun so weyt vñ ver waren gerittē do kamen sy zū ainer kirchē. do drat des ritters weib von dem pferd vñ sy gieng von irer gūten gwonhait wegen zū der mūter gots mit irem gebet in die kirchen. vñ der ritter be lyb die weyl vor der thür vñ baytet ir. do befalhe sy sich vnser frawen vnd entschlief als bald. Do gieng die hochgelobt juncfraw Maria von dem altar vnd saß wider auff das pferd zū gleicher weis als ob sy des ritters fraw wār. vnd belybe da die fraw in der kirchen. vñnd rytt der rytter an die stat da jm der böß gāist hyn gezilet hett. Vnd zū handt came der veind mitt grosser

Als maria

vngestümigkait mit grossem grif. gramē vnd mit erdbidem. vñ dorst doch nie zū jm kōmen wañ er forcht vnser lieben frawen. vñ er sprach zū dem ritter. du böser hynderlistiger man warūb hast du mich betrogē Du gelobtest mir dein frawen zū bringen die hast du mir nitt bracht. Du hast mir die hymelkūigin mariam gotes mūter bracht. ich wolt mich gerochen haben an deiner frawen. wañ sy hat mir vil layds getan. so hast du mir die gebracht die mich versencken wirt in abgrund d hell. Do nun der ritter das hort. erschrack er seer das er nit reden kund noch mocht. Do sprach vnser liebe fraw zū dem veind. Ich gebeūt dir das du in die abgrundt d hell farest das du mein dienern nymer mügest schaden. Do für der böß gaist dannen mit grossem geschray. do was dē ritter layd vñ gewan grosse reū über sein sünd. vñ viel vnser frawen zūfüssen. do strasset sy in gar gülich. vnd ließ in wider haim reytē mit seiner frawen die dennocht in d kirchen schließ. vñ hieß in alles gūt auffgebū das er von dem veind genōmen het: Darnach kam er in die kirchē vnd fand sein frawen in der kirchen schlaffent. do weckter sy vñ sagt ir alles das daz jm widerfarn was. Vñ do sy wider haim kamen do gab er gānzlich auff alles gūt das jm der veind geben het. Vñ vnser liebe fraw halff in das sy bayde vil gūts gewūnen. vnd sy dienten got vnd seiner lieben mūter Marie

empfangen zu ward

mit grosser andacht biß an ir ende. ¶ Uns mals was ain gūter gaistlicher man der sach das die veindt ain todte frawen vmb zugen vnd gar jāmerlich peynigten. vnd sach das sy sie mitt eyßnin gabeln vmb wurffen ye ainer dem andē zū recht als man mit dem bal thūt. vnd fürten sy zū der hell mit freūdē. Do kam ir vnser fraw zūhilff in iren nōten. vnd jaget die bösen gaist gewaltig klich von ir vnd sprach zū in. Wie gedürent ir mein dienerin also übel vnd mit frenel angreiffen. Do sprachen die veind. Das weib hat lang zeit in vnkeūchait gelebt. darumb ist sy vnser. Do sprach maria. Das ist war sy hat gar vil gesūnder. Ab er mein liebes kīnd verlihe ir an irem end ware reū über alle ir sūnde vmb aines klainen diensts willen den sy mir gethan hat. wañ sy vermeidet die sünd am sambstag vmb meinen willen vnd opffert mir als oft ainen krantz darzū. Do fluchen die veind mit schanden darvon. do für des weybs seel in das segfeuer biß sy gebüßet all ir sünd. vnd biß ir Maria vnd ir liebes kīnd barmhertzigkait erzayget. vnd die sel für als balde in ainen kessel voll bech. vnd freuwet sich das sy da erlöset was von der bitteren hell. ¶ Ain mūnich hett ain gūtte gewonhait. wo er Mariam bildunge sach: so knyet er nyder vnnd grüßet sy mitt ainem andächtigen gebeet vnd wischet den staub allwegen von dem bilde mit seiner kappen. Vnd aines

bild mitt seiner kappen. Vnd aines
 mals stal er das almußen der sam-
 lung vñ gab es sein freunden. über
 die sünd gewan er grosse reu vñnd
 dorst es vor scham nit beichten. vñ
 hett als groß leyden vmb die sünde
 das er nahent was verzagt an der
 barmhertzigkeit gottes. vnd er viel
 für marie byldung nyder vñ rüfft sy
 an mit grossem ernst vñ bat sy das
 sy jm zühilff tām mit iren genaden.
 vnd jm aus der sünd hülff. do er al-
 so vor dem bild lag do entschlief er
 do erschyn jm die künigin Maria
 mit vil schöner juncfrawen. vnd
 mit vil engeln vn sprach zū jm. Es
 ist nyemandt auff der erden der so
 groß sünd ye getan hab dem ablaß
 sey versagt worden. vnd gieng vor
 jm lancksam in ain hauß. Do gieng
 ir der münich nach für das hauß.
 vnd es stunden vier mann vor der
 thür des hauß. die schryben all vier
 gar mercklich. Der erst schryb. Der
 thut diebstal der ainem nympt das
 sein on sein willen vnd wissen. Der
 ander schryb. der hat übel gewech-
 selt der mer zergänglichlicher ding be-
 gert dan ewiger freud. der dritt sch-
 rib. Die sünd wirt nymer vergeben
 man geb dann vor wider das man
 vnrechtlich. gewonnen vnd einge-
 nommen hab. Der vierd schrib. des
 sünders hail hebt an wan sein hertz
 darumb erseufft. Do nun der mü-
 nich die spruch gelaß. do batt er die
 vier man das sy jm hülffen für ma-
 riam gotes mütter. do sprach der ain
 Es stāt ain sündler vor der thür sol

man in herein lassen. do sprach sy ja
 do lief man in hinein für die hoch-
 gelobten künigin mariā. do viel er ir
 züsüssen. do hüb sy in wid auff mitt
 iren henden. vnd tröstet in vnd spr-
 ach zū jm. Du solt dich nit schämen
 das du dich mit haimlichen worten
 deiner sünd erklagst. durch des wil-
 len der an dem stamm des hailigen
 fron kreutz mitt lauter styme durch
 deinen willen seinen hailigen gayst
 auff gab. Do erwachet der münich
 vnd dancket der werden mütter got-
 tes die ain helfferin ist aller der die
 sy anruffend in nöten mit waynen-
 den augen. vnd er schob es nitt län-
 ger auff. vnd beichtet all sein sünd.
 vñ widerleget der samlung als das
 das er in mit vntreu het abgenom-
 men vñ hielt die büß in grosser treu
 die jm in der beicht aufgesetzt ward
 vñ dienet vnser frawen fürbaß mit
 fleiß biß an sein end. ¶ Es was ay-
 nes mals ain maler der hett vnser
 frawen gar lieb vnd wan er vnser
 frawen bild malen solt so malet er
 es so er aller schönest kund vnd mo-
 cht. vnd wan er den teüfel solt ma-
 len so malet er in so vngestalt als er
 auch kund vñnd mocht. ¶ Aines
 mals malet er auff ainem hohen ge-
 welbe. vnd er malet da gar ain zier-
 liches bild. das thet dem veind gar
 zorn. vnd kam zū jm vnd trawet jm
 fer. vnd bat in das er sein nit spot-
 tet. Do sprach der maler. das thue
 ich nitt. do zerbrach der veind das
 gerüst da er auff stund. vñ darumb
 das er zütod viel. Do rüfft der ma-

Als maria

ler vnser frawen an mitt grossem ernst vnd bat sy das sy jm zühilf kām. do bot jm vnser frawē bild die hand vñ hūb den maler das jm nye kām layd geschach. do ward er gar fro vnd dancket got vñ seiner liebē mäter. ¶ Zu den zeyten hetten die karteußer gar ain grof leyden do waren sy betrübt vñ batten vnsern herin dz er jm zehilf kām. Do ward ainem gūten mān kundert getan vnd jm von got. das sy alle tag nach der meß solten sprechen das ampt von vnser frawen. so kāmen sy auß alle leyden. das thetten sy vnd wurden erfreuet. Daruon habent noch vil leüt die gwonhait das sy das ampt sprechen wo sy seind. darūb hoffen sy besunder genad von vnser frawen. Es haben auch etlich die gwonhait. wen sy das Salue sancta patens anheben. so haygen sy sich mit grosser andacht in vnser frawē eer vñ die layen die nit mer künden die schlahen an ir hertz durch die grofē lieb die sy haben zū vnser lieben frawen. Es was ains mals ain pfaff by ainer frawen gelegen vñ het mit ir gesundt vñ do er haim wolt geen do laß er von vnser frawen ain mettin. do machten die bösen gaist das er in ain wasser viel vñ ertrancē vñ wolten sein seel hyn haben gefüret. Do wolt jm vnser fraw sein seel nit lassen. sprachen sy. er ist vnser wañ er ist in tod sünden verschayden vñ als der mensch gefunden wirt. also wirt er geurtailt. Do sprach maria Er ist in meinem dienst erfunden

empfangen zu ward

worden. wañ er laß die mettin von mir. dauon wil ich das jm mein sun wider lebendig mach. wie er dann gesunde werd also geschech jm dan Do machet jm vnser herz wider lebendig durch seiner lieben mäter willen. do sprach vnser liebe fraw. Ich will von dir habē das du meynen tag fürbaß alle jar begäst Als ich in meiner mäter leib empfangen ward. Vnd er entran den veinden mit vnser frawen hilff. vnd dienet ir fürbaß vnd begieng iren tag gar mit grosser andacht als sy dan von jm begeret. ¶ Es was ains mals ain graf ain thümherz. vñ was ain ewangelier. dem sturbē sein freünd vnd geniel das gūt vñ das land alles auff jm. Do sprachen sein freünd er solt ain frawen nemen. das das gūt nit erbloß wurd. vnd sy santen zū dem bapst. der erlaubet jm es. do gelobet man jm ain juncē frawen Nun hett er ain gewonhait an jm. das er all tag vnser frawen zeit laß vnd do man jm die juncē frawen zū legen wolt. do gieng er in die kirchē vnd better. vnd gedacht daran das er vnser frawen ir mettin nit gelesen het. do wartet sein ain grof volk die in haym wolten füren. die tryb er alle von jm. vnd hieß sy vor der kirchen warten. vnd er belyb allain in der kirchen. vnd laßs die mettin von vnser lieben frawen. Vnd do er nun die antiffen Benedictus laß do erschyn jm vnser liebe fraw so in grosser klarhait. vñ fūrten sy zwen engel gegen jm. do sprach die mäter

Das xlviii.

gottes. du hast yetzund in der antif-
fen gelesen. ich sey die aller schönst
vnd du hast dir ain ander weib ge-
nōmen. do sprach 8 thūmherz. das
weiß ich wol das du die allerschō-
nest bist. on dein kind das ist noch
schōner dan du. Darumb will ich
dich fürbaß für alle andere junc-
frawen vnd weib habē. Vnd sag
mir warumb du her seyst kōmen.
do sprach vnser fraw zū im. Ich
will von dir haben das du alle jar
meinen tag begeest. als ich empfan-
gen ward in meiner mütter leib. das
thet er fürbaß alle jar. Sy sagt im
auch wann der tag wāre. do gieng
er zū ainer andē thür vß vñ gieng
in das ellend. vñ dienet got vñ vn-
ser frawen mit grossem fleiß vnd
andacht. vñ ließ die weiber vnder
wegen. do wisten sy nit wa er hin
kōmen was vnd was in gar layd
vmb in. Darnach er getzet in vnser
liebe fraw die mütter gotes. das er
das gūt vnd die frawen durch irē
willen gelassen het. vñnd füget es
durch jr barmhertzigkayt dz er ain
reicher mechtiger ertzbischof ward
Du aller edelste iuncfraw maria
durch deinen aingebornen sun der
dich von dem anbeginne der welt
geordnet vñ fürsehen hat in vnser
sprechenlicher sālīgkait dan ye kai-
nen engel oder hayligen durch das
er dich vor allen creaturen auß er-
wōlt hat im zū ainer mütter. So bi-
ten wir das er vns helf das wir na-
ch seinem ewigen wolgefallen vnd
ordnūg hie in diser zeit also in groß

blat

sem fleiß leben als er vns gemay-
net. vnd fürsehen hat. Amen.

Von sant Lucia



Sant Lucia die hailig iuncfraw
we ist geboren von der stat Sira-
cusana vnd was auch edel vnd ge-
laubet an vnsern herren iesuz cristū
vnd dienet im tag vnd nacht mit
beeten. fasten. wachen. vnd mit vil
ander güter übung. vnd sy het ain
mütter die was siech. do giengent
sy mit ainander gen kirchē. do hōret
die lieb hailig iuncfraw sant lucia
das ewangelium von der siechen
frauen lesen. die vnser herre saum-
berüret. vnd ward do gesund. Vñ
do sprach sy zū irer mütter. Ich rate
dir das du mit ganzen treuen vnd
auch mit ganzem glauben zū sant
agatha grab kōmest vñnd bitte sy
auch das sy dir vmb got erwerbe.
das du gesund werdest. also gieng

yzü sant agatha grab mit grosser andacht. do entschlief sant lucia bei dem grab. da erschien jr sant agatha die het guldine klaiden an. vnd hett ain liechte kron auff von gold vnd waren die engel bey ir. do sprach sant agatha zü jr. Lucia mein Schwester. warum bittest du vō mir das du von got selb wol haben magst. dein mäter ist gesunt worden. damit erwachet sant lucia vñ was des gar fro worden. vnd sprach also. Mäter freue dich wann du bist gesund worden. vñ do warde sy gar fro. vnd dancket got vnd sant agatha der gnaden. Darnach sprach sant lucia zü jrer mäter. Ich bitt dich das du mich nit zwingest das ich den man neme zü der ee den man dann mir gelobt hat. vnd gyb mir auch fürbaß kein andern mane wann ich will got lieb haben. vnd was du mir zü der ee geben wöllest das gib armen leuten durch gotes willen. do sprach aber die mütter. Beyt mein liebe tochter byß ich die augen züthū. so thū darnach mitt meinem güt was du wilt. do sprach sant Lucia. du hast vil mer lon- es vor got darumb. wenn du das bey deinem leben gybst. wann hyn- nach so du stirbst. wān wēn du ge- stirbst so magst du sein nit mer ge- niessen. da volget sy jr. Vnd sy ga- ben bayde gar vil hin durch gotes willen. das verstünd vnd mercket nun der preütigam wol. vnd was im layd vnd sprach. Wye sy jr güt also hingäbe. Do saget man im sy

wölt ainen andern gemahel haben. Do er das höret das thet im zoren vñ es wār villeicht sunst ain iüng- ling. vnd do er höret vnd verstünd das sy an ihesum cristum gelaubet do klaget er es dem richter pascasio dem thet es zoren das sy ain cristin was worden. vnd er hieß sy für in- pungen vñ d sprach zü jr. Sy solt den abtgöttern opffern. do sprach sy Ich opffer meinē got alles daz das ich bin. do antwurtet jr der richter vnd sprach. Soliche red solt du de- cristē allenthalben sagen. wa du zü in kōmest. Ich wöll meine gōter ee halten vñnd der fürsten. do sprach sant lucia: Haltu dein ee. so will ich ewigkliche halten was mir der all- mechtig got. der hymel vnd erden beschaffen hat. vnd alles daz darin ist geboten hat. Nach dem sprach aber der richter. Du hast dein güt nit erlich verzert. do sprach sant Lu- cia. ich hab es erlich vnd wol verze- ret. in vñsers herin lob do ward er zornig vnd sprach. wenn man nun- der schleg als vil an dich geleet so wirt den zwar dein tochter mit- widerkeren. solich vermäge mein- krafft an dir gar wol. Do sprach sy. es mügen die hailigen gotz wort an mir nit verdruckt werden. do sp- rach er. Bist du dann got. Do ant- wurt sy. nain. Ich bin aber sein die- nerin. es spricht aber der allmechtig ewig got. Ir sollent nit sorg haben. wenn jr angsten habt was yr re- dent. wann der gayst gottes wirt. auß euch reden. Do sprach der rich-

ter. ist dann der haylig gayst in dir
 Do sprach sant lucia. der zwelfspot
 spricht also. wer keüschlich lebt. der
 ist ain tempel gotes. vnd der gayst
 gotes wonet in jm. do sprach d richter.
 Ich will deinen hailigen gaiste
 wol von dir bringen. Ich will dich
 in dz gemain hauf lassen füren. do
 sprach die lieb iunckfraw sant lucia
 Ob mir mein keüsch wider meinen
 willen wirt genömen. so wirt mein
 fron zwifach in dē hymel. Ich bin
 bereit zū der marter vñ zū dem tod
 wie du wilt. wes beytest du. du solt
 dich nit saumen. Dise red thet dē ri-
 chter pascasio zorn vñ ließ da fray-
 sam leo zū jr lassen. vñ mainet sy sol-
 ten sy tödten. da thetē sy jr nie kain
 laid. do erschrack der richter gar ser
 vnd hieß sy pringen in das gemain
 hauf. do half jr got dz sy unbeweg-
 lich ward. recht als ain thurn weye
 vil menschen darzū halfen so moch-
 te man sy doch niendert pringen.
 wān sy was recht als ain örne saul
 darnach hieß der richter vil ochsen
 darpringen. das thet man bald vñ
 spannet sy an die hailigen iunckfra-
 wen sant lucia. das half alles nicht
 Do sprach d richter zū zwaien zau-
 bern das. sy sie vonn irem glauben
 prächten. do redten sy lang mitt yr
 vñ heten sy geren von irem gelaubē
 bracht vnd sy droeten yr. noch halff
 es alles nicht an yr. Vñnd die leüt
 waren also blind das sy der zaichen
 nit achtē vnd bekerten sich auch nit
 do sprach sant Lucia zū dem richter
 Sihe das dein krafft an mir nit

hilfft. vnd hießest du mich noch ze-
 hentaufent menschen in dz gemain
 hauf ziehen. so möchten sy mich do-
 ch niendert pringen. wān die krafft
 gotes ist mit mir. do was d richter
 vol zorns. vñ hieß ain groß feür ma-
 chen. vñ nam bech. hartz vnd öl vñ
 machet es haif vnd goß es auf die
 iunckfrawen sant lucia. in das feür
 do halff jr got das jr nie kain layd
 geschach. Do sprach sy. ich hab got
 gebetten das er mit mir sey. der hat
 mich behüt vor der grossen hitz. dar-
 umb das die vngelaubigen nitt er-
 freuet würdē. Do ward dem rich-
 ter gar ser fast angst. das sah ainer
 von seinen freunden der stache ain
 schwert durch ir kelen. Sy redt ab
 er danocht auß dem gewalt got-
 tes des allmechtigen vñ sprach. ich
 sag eüch fürwar das der böß mari-
 mianus vñ dyoclecianus tod seind
 der cristen feind. vñ zehand kamen
 boten von rom vñ fürten den rich-
 ter mit gewalt hin. vnd wolten yn
 tödten. dz het er an jr verdienet vñ
 die weil gabe der priester der iunck-
 frauen vnser herren fronleichnam
 damit gieng yr die sel auß vñ für jr
 sel zū den ewigen freuden. Vnd dē
 bösen schnöden richter dem schlug
 man sein haupt ab zū rom. wann
 man saget offentlichen auß yn er het
 etlichen vnder massen gar vyl leü-
 ten yre güter raublichen genömen.
 Vnd also do begrüb man die hay-
 ligen iunckfrawen sant luciam an
 die stat do sy die ochsen solten hyn
 ziehen. vnd die cristen die machten

von sant

ain kirchen dahin ob yrem grabe.
Nun helf vns die hailig iunckfraw
sant lucia vmb gott erwerben das
wir auch kumen zū den ewigē freū
den da sy ist in der ewigen sālīgkait
Das helf vns got der vater vnn̄d
der sun vnd der hailig gaist amen.

¶ Von sant Otilia.



¶ Es waz ain andechtiger hertzog
der hieß adorucus. der wolt da flie
hen die welt vnd bauet im die fest
auff altenberg. do ward sein fraw
aines Kindes schwanger das was
die lieb sant otília. do das kind ge
born ward. do was es blinde. Do
sprach man zū seinem vater dir hat
got ain kind gegeben des solt du im
dancken. wann es ist billichen. das
man in lob vmb alle ding wie wol
daz ist dz es blind ist. vnd do ward

otília

er gar zornig. vnd schemet sich des
selben Kindes gar sere. vnn̄d sprach
man solt es tödten. das saget ain
herre der frawen. das was yr gar
laid. wān es was ir fast saur wor
den. vnd was ir auch gar lieb. dar
von bat sy iren herren das er es nit
tödtet. vñ das er es heimlich zū ai
ner ammen lief. das thet er. darna
che ward dem hertzogen vñ seiner
frawen von dem hailigē gaist ein
gesprochen. das sy der tochter dar
umb mit nichten seind wāren vmb
das daz sy blind gebořē wār. wān
es wār darūb geschehen dz got ge
lobt wurd. Vñ do die am̄ das kind
ain iar het gezogen. do für sy mit dē
kind an den rein. in ain kloster das
haist palma. darin̄ zohe er es sechsf
iar das es nit getaufft ward. Dar
nach ward dē hailigen bischoff vñ
andechtigen herren von der stat re
genspurg sant erhart von dem all
mechtigen got kund gethan. vnn̄d
ain stīm sprach zū im. Du solt an dē
rein kumen in dz kloster palma vnd
solt do dē hertzogē sein tochter tauf
fen vnd gesehent machē. vnd nym
den hertzogen vnd sein frawen mit
dir. das thet er vnd kam in daz klo
ster. do prachte man die tochter für
in. do hūb er seine hend vnd augen
auff. vnd lobet vnsern herren vñ sp
rach also von grund seines hertzen
¶ du wares liecht jesus cristus du
ain rechter erleüchter bist aller men
schen hertzen. Thū dein götliche ge
nad über dein dienerin. vnn̄d erleü
chte sy an sel vnd an leib. Darnach

tauffet er sy. vnnnd kñet nider vnd hieß sy Otilia. vnd crismet dem selben kind seine augöpfel vnd sprach Herr ich byt dich das du dem kind seine augen erleuchtest. vnd zehand nach dem tauff warde es gesehent Vnnnd do das sein vater vnnnd sein müter sahent. do wurde sy gar fro Vñ sant erhart der haylig bischoff der küßet das kinde. vnnnd dancket dem allmechtigen got seiner gnade vnd ritt do wider haim. ¶ Darnache belib das kind langzeit in dē kloster. vnd lebet hailigklich vnd was gar arm. Vnd aines mals do gedachte sy an iren vater vñ an ir zwen brüder vnd schrib den ain brief vñ bat sy mit ainander das sy iren vater baten das er ir etwas sendet od schicket zū irer notturfft. Do nun 8 brüder ainer dē brief gelaß. do sprach er zū dem vater. Lieber vatter mein schwester vnnnd dein tochter. die lebet noch vnd ist fast arm. darumb so sende ir etwas damit sy yr gütlich thū. vmb das sy desterbaf außenthaltē werd leiplich. do warde der vater gar zornig. vnd sprach Sun wilt du mein erbe besitzen so genähne deiner schwester. otília ny mer mer. do wartet sy ymermer ob man yr ichtz präch. do saß sy auf ainem wagen vñ für selbs zū irem vater. vñ do sy der sun hinzū sahe faren do erkñet er in dē gaist wol daz es sein leipliche schwester was. vñ ward gar fro. vñ sprach zū seinem vater. Gib mir daz botenbrot mein Schwester otília ist kōmen. vnd do

ward der vater so zornig daz er dē sun mit ainem stecken zetod schlug Also was die lieb iuncfrawe sant otília in dem hof daz sy für iren vater nit toist. vñ lebt wiser an dem hof dan kain magt. Darnach aines tags do gewan der vater groß reu vnd sendet nach seiner tochter otília. vnd do sy zū im kam do sprach er. liebe tochter vergib mir. was ich wider dich gethan hab. ich willes dich alles ergezen wie ich soll. Ich will dir nun fürbaf alles mein güt auffgeben. vnd thū damit was du wilt. vnd erwirb mir ablaß aller meiner sünd vnd darzū alles daz ich ie wider dich gethan hab. in sun derhait wider dich vnd dein brüder vnd starb darnach bald. do warde sant otília kund gethan. daz ires vaters sel groß leiden hett. do rufft sy got an tag vnnnd nacht das er sich über sein sele erbarmet. ¶ Es fügt sich das sy aines tages lag auf ainem haimlichen seiten des berges. do das selbig kloster auff stet an irem gebet. do kam ain groß liecht vom hymel auf sy. vnnnd sprach die stym gotes zū ir. Otilia du mein außewölte dienerin. du solt nun rüe haben. wan du hast deinem vater ablaß vmb got erworben. vñ du solt auch wissen daz er auß der hell erlöst ist worden. vñ die himlischen engel füren sein sel vnd wollen sy vñ die patriarchen setzen. do nun die stym die lieb otília höret. do ward sy gar fro. vñ sprach. Herr jesu chrisste ich danck dir das du mich dein vn-

von sant

otilia

wirdige dienerin erhöret hast von deiner barmhertzigkeit. vnd bauet da von ires vaters güt ain kloster zū seiner kircher vñ thet darein hūderz vñ dreisig iunckfrawen. do hett der ander brüder drei töchtern die nam sy auch in das kloster vnd sy lebten all darin hailiglichen. vñ sant otilia was ir äbtissin. vñ trüg inen ain güt ebenbild vor. mit irem hailigen leben. mit beten. vastē wachen vnd mit vil ander güter übüg vnd sy lebet hailiglich vnd tugentlichen. ¶ Nun het sant otilia sant iohannsen in sunderhayt lieb. vnd hett grosse genad darzū das sy ym ain münster bawen wolt. vnd bat in das er ir zū erkennen gāb wa sy das münster hin bawen solte. vnd ains mals viel sy ain wenig vor meten auff ain herten stain. vnd betet mit grossem ernst. do erschin ir der lieb heri sant iohāns der taufer mit grosser klarhait. vñnd die custerin wolt nun metten leüten. do sahe sy grosse klarhait vñnd erschrack sere darab. vnd sy gieng hinzū bas. vñ sahe sant otiliam mitt grosser klarhait beklaidt. do toist sy nichtz sprechen vñ gieng hin vnd leütet mette vnd in dem selben liecht thet ir sant iohannes der taufer kund wa sy dz münster bawē solt. Do nun die meten auß was. do fraget die custerin sant otiliam was das groß liechte bedeiutet. do sprach sy. Es was sant iohannes bey mir vñ thet mit kund wa ich ain kirchen bawen solt vnd des morgens hūb sy an die kirchen

zū bawen an die stat die yr gezaiget was. wann do die ochsen den wagen mit dem zimmer anff den berge zugen. als bald vielent sy den berge mit dem zimmer herab. der was si bentzig schüch lang. do lieffen gar vil menschen zū. vñnd mainten die ochsen wärent tod. do was yn nie kain laid geschehen. von den genaden gotes vnd sant iohannis. vnd sy zugen den wagen wider hinauff. Do nun die kyrche gar volprachte ward. do machet sy ain schlafhaus vnd ander amptheüser. ¶ Aines mals do die lieb iunckfraw sant otilia nach irer gewonhait fastet. vñ steent ain psalter laß. do kam die kellerin zū ir vñnd sprach. Es habent die schwestern nicht wein. do antwürt sy vñ sprach: Tochter biß nitt betrübt. vnd getraw got der mag inen wol wein gebē. der von fünff broten fünff tausent menschen speiset. darumb gee an dein ampt. vnd vergif des nicht das er gesprochen hat. süch des ersten das reich gotes vñnd sein gerechtigkait. Do gieng sy an yr ampt vnd do sy zū dem lären vaf kam. do was es vol weynes. das saget sy sant otilia. do rüft sy in allen zesamen vnd sprach. danckēt vnserm herin. wan er hat vnß weins genüg gegeben. darumb seyen wir im schuldig dienst zū erbieten. do waren sy fro vnd danckten got seiner güte. ¶ Vnd do sy nun got von diser welt nemen wolt. do ward sy siech. do was den schwestern allen gar layd. vnd sy warent

vil beyr Vnd ains mals do warn sy all mit ainander gen for gangen Vn do sy nun von dem for wider haim zü jr kam. do was sy verschaiden. dz sy also on alle gotzrecht tod was. do was jnen gar laid vmb sy vñ sy rüsten got mit grossen ernst an. das sy wid lebendig wurde. do ward sy wider lebendig vñnd sprach. Warumb habent jr vmb mein leben gebeten. wie der gerecht stirbet so fert er wol. Ich was nun vñ der barmhertzigkait gotes gesetzet zü meiner Schwester lucia vñnd zü jrer gesellschaft. wann sy was yr gaystliche Schwester in got. vñnd starb auch an jrem tag vñnd sprach weiter. Ich hett söllich fröde bey got. das kein zung reden noch gesagen kan. vñnd aussprechen. noch kein ore nimmer mer gehören mag vñnd kein auge gesehen mag. noch kein hertz erdencken. Do kam ain frummer priester vñ wolt jr vñsers herren fronleichnam geben. Do fand der selbig priester ainen kelch auff dem altar. vñ wyßt niemandt wie oder von waßen der selb kelch auff den altar kōmen was. oder wer in doch dohyn het pracht vñnd was vñsers herren fronleichnam in dem kelch. Es vermainten auch die leüt es heten die hayligen engel dē kelch von dem hymmel herab gebracht. vñnd do jr der priester vñsers herren fronleichnam wolt geben. do griff sy selbs in den kelch vñnd nam vñsers herren auß dem kelch zü handt. vñnd sprach. Ich bin yetz verklärt in

got dem allmechtigen. vñnd sy empfieng den fronleichnam cristi. auß jr selbs henden. vñnd leget sich in der vñnd gieng jr die sel auß. vñ verschide sältlichen. vñnd für yr sel zü den ewigen freude. Darnach über achtzig jare grub man in sant Otilia seüg ammen grabe. do was sy do gar verwesen biß an das gerecht brüstlin da mit sy ottiliam geseüget het. das was jr danocht also frisch als ob sy erst gestorben wär. Nun bitten wir sant ottiliam die haylige juncfrawe das sy vñs vmb got erwerb vñsers lebens ain güt sältig end. vñnd alles das vñs nütz sey an sel vñnd an leib. an eer vñnd an güt. vñnd darnach das ewig leben Das verleihe vñs got der vatter. vñnd der sun. vñnd der hailig gayst. Amen.

¶ Von sant Ioseph.



¶ Sant Ios was aines küniges
t iij

sun von britania der hieß Judicialis der het ain brüder der hieß auch Judicialis. do nun der vatter gestorb. do ließ er den zweyen sünen ein ganzes künigreich. das geniele alles auff sant iosen. wann sein brüder der meinet er wolt priester werden. dauon geniel auff sant Iosen land vnd leüt. vnnnd weltliches gericht. do bat er seinen brüder das er im acht tag frist gäb. darinn wolt er gedencen seiner sel hayl. In der selben frist do kament aylß pilgerin die wolten gen rom zü den gesellet sich sant jos. vñ verließ durch got seinen brüder land vnnnd leüt vnnnd nam mit im nit mer dan ainen stab vnd ain sack. das thet er das er got möcht volkōmenlich nachuolgen. Vnd er kame nach etlicher zeyt mit den aylß pilgerin in ain lande. das hieß pagapantin. do wurden sy von dem herzogen Hymo mit grosser andacht empfangen. Bey dem herzogen belyb sant jos so lang bis das er priester ward. vnd er ward darnach sein caplan. vnd hüb dem herzogen ainen sun auß der tauff. vnd nam vilob von im. vnd kame in ain wüste die hieß pracht. da bauet er ain klause vñ ain kirchen darinne was er. Do thet gott grosse wund mit im. wan es kamen auch manigerlai vōgel zü im. vñ empfienget speiß von sein hailigen hendē vñ die visch in dē wag die empfienget auch die speiß on vnderlaß vō im. Aines mals bettet der lieb sant jos in der kirchē. do kam ain armer

mensch in die klause. vnd bat das almüsen vmb got. Das erhört der lieb herz sant jos zehand. vnnnd bat sein junger mirmariū das er prott von ainander taylet. vnnnd das ain teyl dem armen menschen gäb. das thet er. zūhand kam ain ander vnd bat auch vmb das almüsen durch got. Do sprach sant jos aber zü seinem junger. das er das brot in drey tayl taylet. vñ der tayl ains dem andern menschē gäb. das thet er aber darnach kam aber ain and̄ mensch. dem hieß er der zwai tayl ains gebē. Do sprach der junger zü im waistu nit das wir an der speiß nit genüg haben. darüb behieltē wirs billich antwort im sant jos. lieber mein sun ne in got. du solt nit fast vñ die leiplichen speiß sorgen. Gedenc an daz gelüpt vnser herrender da spricht Gebent so wirt eüch auch gegeben die weil sant jos also redet. do kam zü dem vierden mal ain armer mensche. vnd bat auch durch gott. das man im ain prot geb. oo habe d̄ lieb sant jos das überig tayl oes protes darumb ward sein junger zornig. do tröstet in sant jos vnnnd sprach. Du solt gedultig sein. vnd saget im vil von freyer williger armüt. we nütz das wär. vnd stercket in. vnd die weil er also redet. do kam vier schif zü im gefarn. die gaben im vñ seine iunger essens vñ trinckens genüg. do wurden sy gar fro vñ danketen got seiner gnaden. Darnach flohe sant jos d̄ menschen lob. vnd kam in ain andere wüste geget. die

hieß mimaton. da was er vierzehē
 iar ain ainsidel. vnd dienet got tag.
 vnd nacht. mit beten. fasten. wach-
 en. vnd mit vil ander güter übung
 Er hett ayls hennen vnd ein hanen
 der ward er beraubt von ainem ad-
 ler. vnnnd zū dem letsten nam er den
 hanen. vnd fūrt in etwan ferz von
 dannen. des ward sant iosef gewar
 vnd thet dem adler das zaichē des
 hayligen kreutz nach. vnd gebot im
 bey der krafft gottes. das er im den
 hanen widerprächt. on alles layde.
 Als bald was im der adler gehor-
 sam. vñ prachte im den hanen wiß
 an die stat also gesund. vñ zūhand
 starb d' adler. Darnach gieng sant
 iosef gen rom vñd pracht groß hayl
 tumb mit ym heraus. vñ auff dem
 weg kam er zū ainer iuncf Frauen
 die selb was blind geboren. der hett
 got in ainem gesicht in dem schlaff
 kund gethan das sy zū sant iosen kā-
 me. vnd jr angesicht mit seinē hād-
 wasser bestrich. do kam sy zū im vñ
 thet das. vñ sagt im wie jr getrau-
 met het. do rüft sy vnsern herin mit
 grossem ernst an. vnd do ward sy
 wol gesehent. des dancket sy gott.
 vnd sant iosen dem lieben hayligen
 ¶ Darnach machet er die dritten
 zell in der wüste. vnd zoch ain graf
 mit im der wolke im darzū helffen.
 vñ ward gar müd von dem reiten
 vñ thet im die hitz gar wee. wann
 er het in der wüste ain wild geiagt
 vñ dirstet in gar sere. do funden sy
 kain wasser das sy truncken. do ent-
 schlief d' graf vor grosser müde. vñ

do kniet sant iosef nider mit grosser
 andacht. vnd bat got das er in für
 sehe mit ainem güten wasser vñnd
 stieß da ain durren stab in das erdt-
 reich in ainem gar güten vertrauen
 vnd hoffnung die er zū got het. do
 entsprang zehand ain kop prunnen.
 do warde er gar fro vñnd dancket
 got seiner genaden. Vnd er wecket
 den grafen. den nam groß wunder
 von dem zaichen. vnd sy truncken
 da mit freuden. vñ das wasser het
 die krafft. wā es die siechen trun-
 cken. so wurden sy dauon gesunde.

¶ Ains mals sprach sant iosef mitt
 andacht mes. vñ do er dz oblat ge-
 segnet. do sahe er das vnser herre
 mit seiner götlicher hand. den segē
 auch über dz oblat thet Den selben
 tag feirent die leüt alle iar in d' selbē
 stat. darnach warde er siech vñnd
 starb. vnd für sein sel zū den ewigē
 freuden. Nach dem als er gestarbe
 do lag sein heyliger leichnam vier-
 zig iar also gantzer. vñnd die weil
 er noch vngerailt waz. da wuchsent
 im die negel vnd sein bart vnd sein
 har. recht als er gelebt het. vnd sein
 er ohem zwen die besassen sein wo-
 nung; der ein hieß winoch. vnd der
 ander arnoch. die selben wüschent
 im seinen leib. vñnd schniten im do
 seine negel ab. vnd das selb tribent
 sy vierzig iare alle monet. ¶ Nun
 was nach dem hertzogen hymo d'
 dann sant iosen erzogen hett. her-
 zog dietrich herre. der selbig wolte
 nicht daz sant iosen leichnam gantz
 wäre. vñnd kame zū seinem grabe

Nun sant

vnd öffnet das mit grossem fräuel
do sahe er seinē leichnam also gantz
vnd nam des ain wenig vnd rüfft
mit lauter styme. O hayliger herre
sant jof. vnd er ward als bald ain
stumm. vnd belyb also vngehörnt
bis an sein ende. Nun was es seiner
frauen layd. das er den leib zertay
let het. vnnnd das er sich daran ver
sündet het. vnd gab sant josen zū sei
nem goghaus ain marckē vnd ain
dorff darfür. das er item man sein
sünd ver gāb. daz er an seinem leich
nam gethan het. ¶ Nun heten sei
ne zwen öhem winoch vñ arnoch
haimlichen wa sein leichnam läge.
vnd wolten das niemandt sagen.
wa er wār. vnd forchten man ver
stäl in das hayltumb. vnd do sy vñ
der graf sturben. do wyßt niemant
an wölicher stat der leichnam sant
josen in der kirchen lag. vnd hüten
doch des münsters mitt fleyß. das
man in mitt verstäle. Nun hetten
die menschen die hinach kamen ge
ren gewißt wa vñ an welcher stat
der haylig leichnam läge. das sy in
desten mer eeren möchten erbielten
¶ Zū der zeyt do was ein custor
pflag des selben münsters darinn
der hailig rastet. der hieß predianus
Der selb custor lag aines mals in 8
kirchen vnd schlief. vñ in gedaucht
er sāß in dem for vnnnd sāh gegen dē
altar. vnd sāhe das gegen der rech
ten hande des altars die erde schön
erhaben wār. als weit als ain grab
ist. vñ sahe das ain klarer man auß
dem grab auff erstünd. der selb het

iosen

schönes weiß gewand an vñ schō
nes har. vnd leüchtet im sein ange
sicht als ain liechter sterin. vnnnd er
gieng mitten für den altar. vñ spra
che zū dē custor. Man sol ain schō
nes goghaus bauen. vnd er het ain
bogen in der handt. den hūb er über
sich vnd schos ain pfeil. vnd zayget
darmit wie hoch man die kirchen
machen solt. vñ keret sein antlitz zū
im vnd sprach zūm dritten mal also
hüt dich dz du das gesicht verzund
niemandt sagest. vñ zehandt leget er
sich auff die erden als ain todter. dz
haubt gegen westen. vnnnd die füß
gegen osten. vnd hūben in da seine
zwen freünd. winoch vnd arnoch
auff. die heten auch weisses gwād
an. vnd legten in do erlichen in daz
grab. vnnnd darnach sahe sant jof
den custor ymmer mer an. das er de
ster minder zweifelte das das sein
grab wār. vnd dem gesicht desten
bas glaubte. da mit erwachet der
custor. vñ er was als fro dz er des
gesichtes nit mocht verschweigen.
vñ er saget es seiner müter. daz thet
yr zoren vñ sprach. lieber sun du solt
es niemant sagen. es ist ain verlog
ner traum. ¶ Drei menschen hettē
geren gewißt wa des haylige grab
wār. vñ baten got mit begirlicher
andacht. dz er inen den schatz offen
bar machte. Do erschien vnser herre
ainem gūten mann in dem schlaffe.
vnnnd sprach zū ym also. Gee in die
kirchen vnd sūche sant josen leich
nam mit fleiß. vnd do er erwachet
do gienge er in die kyrchen mitt et

lichen andern menschen vñ süchten den hailigen leichnam. dē zaiget in der lieb sant ioseph in ainē gesichte. vñ er gelobt in auch er wölt inen zehils kōmen. wān sy sein begereten. Des gesichtes namen die menschen wider die da, warent vñnd freweten sich des gelübtes. vñ zehand name der steffan ain hawen vñd grub in die erden. an der statt da er mainte das er lāg. vñ fand des hailtumbs nit. Nun was der custor predianus auch da. den baten sy ernstlich das er in riet wa sy eingrübē. do sprach er. du solt zū der rechtē seiten des altars eingrabē. vñ wa dz grab mit dreien bleien tafeln gezeichnet ist. da grab ein. da vindest du den hailigē leichnam. das thet er. vñ sy funden daz hailtumb. do wurden sy fro vñ samleten die pfaffen. vñd erhūbent sant iosen mitt grossen eren auß dē grab. vñd sagten in auff sant martins altar. mit grossem lobgesang. vñd mit vil prinnenden kertzen. vñ sy opfferten in gross gaben. vñ die menschen sunen vor freuden. vñd es offenbart der ewig got sein hayligkait den menschen zū trost. die in lieb heten. vñ thet vil zeichē durch sein lieben diener. Die blinden wurden gesehent. die stūmen redent. die tauben gehōrent. die krūmen gerad vñ sunst vil ander siechen wurden gesund von manigerlay siechtumb die sy heten. do die mēschen die grossen zeichen horten vñnd sahent. do lobten sy got mitt grossen freuden darumb. vñd den lieben herren sant

iosen das got die stat mit ainē also grossen hauptherren geziert het. do was nit zimlich das er so ain klaine kirchen het. vñd do ward von der fürsichtigkeitait gotz die alt abgeprochen. vñnd sy machten ain schōnes gross münster. vñ ain kloster darzū. Do ward predianus gar fro. das die kirchen gebauen warde. als in sant ioseph gehaissen het. In der frist die weil die kirch nit gebauen was do lag sant iosen leichnam in ainer andern kirchen. vñd es hūtetten alle nacht hūter bey in. Vñd aines nachtes do waren die hūter alle entschlassen bei dē hailtūb dān nur ain er nit. vñ es stunden sechs kertzē bei dem grab vñd hayltumb. der prant nur aine. Do sahe der 8 da wacher das die andern kertzen von in selber entprunnen von der grossen gaben des allmechtigen gotes. vñd gaben da alle liechten schein. daz die hūter alle daruon erwachten. vñnd was ain kertzē da die leuchtet für die andern alle. wann sy bran oben vñnd auch vñden. vñnd sy leuchtet über sich vñd stūnd auff nichten. vñnd schwebet in den lūfften embor vñd do nun der leichnaz in die neuen kirchen gelegt ward. do kam aines nachtes ain grosser wind vñd erleschet das liecht das vor sant ioseph prant. do erschrack 8 custor predianus sere der wolt auß der kirchen sein gangen vñd wolt ain liecht pringen. do entzündt sich dz liecht selbs von dē willen gotes. vñ sant iosen hailigkait. darūb lobet der custor got vñ

von sant

sant iosef mit andacht. Es laßt auch der ewig got vñ sant iosef kain and liecht vor jm pñnen. dan nun wäch sine liecht. ¶ Aines mals was ain man der hieß wampertus der was des grafen hildweins diener. 8 woz dem custor prediano nitt hold. vñd er mainet er wolt in vñ dem ampt setzen. vñd wolt ain andern an sein stat setzen. den er lieb hett. das thet er darumb das er mainet er wolte des hailtūbs gūt nemen. Nun gieng er aines mals an ainem suntag. in sant iosen kirchē die weil predianus meß höret. do laß man dz ewā geliū. Warūb gedencfent yr übels in ewern hertzen. do er das hort do ward jm so wee das er dreimal ergral. vñ was jm als ob man jm ain grossen schlag von oben herab auf sein haupt gethan het vñd viel nūß Vñ do er des morgens frū zū jm selber kam. gieng er wid in sant iosen kirchen vñd bat in daz er jm sein schuld vergāb. vñd in gesund machet das thet der lieb haylig. do warde er gar fro vñd gieng haim vñ die net jm fürbaß mitt grossen fleiße. ¶ Zū der selben zeit was ain ander man 8 hieß Hugo auch zū 8 selben zeit do was der graff zū partin vñ der graf von valamo an ainander veind vñd rayset ye ainer auff den andern. vñd es flöhenten vil mēsch en yr gūt in sant iosef kirchen die nahent darbey sassen. vñd maintent man nām jnen das gūt nicht. von des klosters ere wegen. vñd man wurd sant iosen schonen. Vñd do

iosen

nun hugo inen ward daz man das gūt zū sant iosen flöhenet. do name er böß leut zū jm. vñd hūb sich auff den weg vñd wolt dem kloster das gūt genōmen haben. vñd do er vñ seine gesellen in ain holz kamen do verhenget got daz greulich rappen auf den man hugo kamen vñ fragten jm seine augen auf vñd tödtetē in darnache. wann es warent böß gaist. vñd fūrtē sein sel mitt in hin. do forchten sich die andern gar sere die es sahen. vñ sagten es vil bösen menschen. Also behūt vnser herz dē menschen ir gūt durch sant iosef willen. ¶ In den zeiten was ain ander man der wolt 8 zaichen nit glauβe das sich hugo an jm versündet het das er tod wār. vñd nam seine gesellen mit jm. vñd mainet er wolte sant iosen sein gūt nemen. vñ came zū ainem wasser. do sahe er nun ain starcke weisse hand. die sahent die andern mit. vñ die hand gab jm ain grossen schlag. daz er zehand nahēt er truncken was. do zugent in seine gesellen widerumb herauf. do kam er von seinen syñen. vñ schlug mit grossen wūten an sein gesellen. do bunden sy jm hend vñd füß. Vñd do er wider zū jm selber kam do sprachen seine gesellen. Er solt got loben vñd eren vñd den lieben herren sant iosen. vñd solt jm dancken daz er jm seine synn wider het gegeben Do sagt er jnen das er die hand gesehen het die in schlag vñd er starb an dem driten tage. ¶ Darnache warent pfaffen die woltē dē sarch

mit dem hailtüb gestolen haben dē
sant iosef von rom gepracht hett. do
verhenger got über sy dz in als wee
geschahē. dz sy nichtz gethūn moch
ten. Vnd an dem tag do wamper
tus in der kirchen niß ward gesch
lagen. do was ain fraw gegenwer
tig die sahe es. vñ do sy nun meß ge
hört het. vnd vñ des klostērs thür
kam vñ haim wolt geen do wurde
yr die füß auf das geschwell geheft
oder gezwickt. dz sy nit von dānen
mocht kōmen. daz nam die mensche
wunder die es sahen vñnd horten.
vñnd hetten sy geren dānen pracht
daz mochten sy nit tūn. do redet die
fraw vñ sprach. Mir ist nicht wee
dān dz mir die solen vñ die bain er
kaltet seind. vñ stünd also biß an dē
andern tag. nechst darnach frū do
gelobt sy sant iosen dz sy von dē ge
schwöll erlöst wurd. so wolt sy got
in dem kloster dienen. die weil sy le
bet. do ward sy zehand ledig vñnd
gieng für sant iosef altar vñ ward
zū ainer nūnen geweihet. vñ dienet
got andechtighlich in 8 gehorsame
¶ Ain edle fraw die het ain tocht
er die hieß presentis die was von
den lenden hinab so siech dz sy von
stat nit mocht kōmen man hülff ir
dān. do woz ir mūter gar laidig vñ
sy vñ het ir gern geholfen. do sagt
man ir man het sant iosen leychnā
neulich zū richario in die kirchen ge
pracht. da thet er vil zaichen. vñ do
die selb frau das hört ließ sie die to
chter dohin tragen. vñ vielen baid
auff die erden vñ baten sant iosen.

mit ernst das er in vmb got erwur
be daz sy gesund wurd. do ward sy
gesund. do wurden sy fro vñnd dan
ckten got vñnd sant iosen der gnadē
vñnd opfferten jm gaben vñnd erten
in fürbaß mit fleiß. ¶ Aines mals
do was aber ain edle fraw der blū
tet die nasen zehen monet. Do was
iren freūden gar layd vmb sy. vñ
sy rieten das sy zū sant iosen grabe
kam. vñ do sy darzū kam vñ ir wir
diges gebet sprach. vñnd nit zehand
gesund ward. do ward sy ser betrū
bet vñnd wolt den hailigen nit mer
anrūffen. vñnd murmelt wider den
hailigen sant iosef. vñ mainet sy wöl
te sich sein verwegen. vñnd sprach
Herz sant iosef die andern menschen
vinden dich milt vñ gütig so vinde
ich dich vngeduldig. vñ reuet mich
dz ich her bin kōmen. vñ dich ange
rūfft hab. vñ gieng mit grosser vn
gedultigkeit auß der kirchen. vñnd
do sy auf den weg kam do ward sy
gesund. do ward sy fro vñnd dancket
got vñ sant iosef der gnaden. vñ bat
in das er jr ir vngedulte vergābe.
¶ Zū ainem mal do was ain prie
ster der hieß mitt dem namen gun
so. vñnd was von lutringen bürtig
der was wol sibē iar lam gewe
sen an henden vñnd an füßen der sch
lieff aines mals do sprach ain stym
zū jm. Du solt den arzet sant iosen
haymsūchen so wirst du dann ge
sund. Do sprach er. Ich erkenne
des arzes nicht. do sprach aber die
stymme. So laß dich in die gegent
partine fūren da selben weist man

von sant

dir dē arzet. vñ do er erwachet. do fraget er seinen freünd wie die stin zū im gesprochē het. do fürten sy in zū partine. vñ fragten nach dem arzet sant iosen. do weiset man yn zū des lieben sant iosen kirchen. do rüßte er in mit grossem wainen vñ andacht an. vñ bat in daz er in gesund machte. do ward er zehand gesund. vñ ward fro vñ sprach meß in der kirchen. vñ predigez darnach dem volck. vñnd saget das zaichen offentlichen. das im sant iof gethan het. vñ dancket got vñ sant iof der genaden. ¶ Aines mals was ain man der hieß robertus & gieng aines mals ainen wildē weg. do begegnet im der böß gaist der erblendet in vñ gedacht yn darzū er het nie kain aug gehabt. Do ward er ser betrübt. vñ ward im geraten er solt in sant iof kloster kumen. do kam er mit seiner mütter. mit seiner hauffrauwen vñ mitt seinem sun dar. Vñd gelobt dem abbt des klosters. machte in sant iof gesund. so wolt er im sein güt halbs geben vñ wolt er vñ sein sun dem kloster fürbaß dienen. vñ do er das gelobt do für man in für sant iosen altar. vñ hieß in den estrich küssen. Do viele er nider vñ lag in grosser andacht. vñnd do er aufstünd do sahe man das blüt von seinen augen fließen. do fürten sy yn darnach zū sant iof grab. vñ hießen in da schlaffen. do naiget er sein haupt auf das grab. do leüter man zehand vesper. Vñd do er nun die glockē hort. do ward

iosen

er wol gesehent. vñ sahe den tor vñ das münster. do ward er gar fro vñ dancket got vñ sant iosen & genaden. vñ laistet dem abt was er im verhaissen het. ¶ Wildemarus was ain edelman dem was so wee in sein haupt das er an ainem aug erblindet. Vñder dem ding hort er von den grossen zaychē die sant iof thet. vñ do er zū dem kloster came do ward er von dem willen gotes irre auf dē weg vñ er kam zū sant iosen prūnen. vñ sahe darein. vñ do er dz lauter wasser sahe. do wolt er sein hend damit waschen. vñ do er daz wasser anstrich an seine augen do ward er wol gesehent vñnd die gesundthait die er verz wolt süchen die fand er nahent. do ward er ser fro vñ dancket got vñ sant iof & genaden. Aines mals was ain alter mane der gehöret in sibem iaren nichtz. do füret in sein frau zū sant iosen. vñ rüßt den hailigen an vñ do er nit gehörent ward do ryet yridianus dz sy in auch zū dem prūnen sant iosen füret. das thet sy. vñ sy wüsch im sein haupt vñ thet ym des wassers drei malen in seine oim das erst mal gehöret er gar wenig des andern mals baß. des drytten mals wol. do wurde sy gar fro vñ giengen widerüb haim. vñ hetten sant iosen fürbaß gar liebe. ¶ Ain man der hieß magmardus der was mitt dem bösen veind behaffte das was seinen freünden gar laid. vñ fürten in zū sant iosen grave. vñnd rüßten in mit ernst an vñ baten in

durch sein hayligkeit. das er disen man erlediget. do ward er zehand ledig vñ loß. do wurde sy ser fro vñ danceten got vñnd jm der gnaden. ¶ Nun was ain ander man auch behafft. der kam zů dem grab vñd ward auch von seiner hailigkait ledig vñd loß. ¶ Ains mals do was ain man der hieß Kobentus d was auch mit dem bösen veind behafft der wüetet so fere. daz er die leüt mit den zenen wolt fressen. vñd mit den negeln zerzerren. do het er drei brüder die bunden in mit stricken vñd prachten in zů sant iosen an der mitwochen in den pfingstagen vñnd rüßten in mit grossem ernst an. do tobet er gar ser bis an den samstag do ward er wol syñig vñd sprach Bindent mich auff. wann ich byn von sant iosen hailigkait erlediget worden. Do löseten sy in auff. vñd danceten got vñd sant iosen der genaden. vñd giengen all frölich wider haim. vñd kamēt bald wider zů seinem grab. vñd prachten dem hailigen jr opffer. vñd danceten jm vñ das zaichen. vñd der gesund was worden der kam in das kloster vñd dienet got vñd sant iosen darinnen do hieß der abbt das zaichen dem volck verkünden offentlichen. Darnach wallet ain man mit seine kind zů sant iosen. vñd do sy in die statt kament da sein münster innen was do zündet ain haydnischer man die statt an. das was dem mann gar layd vñd er setzet sein kinde in sant iosen kirchen. in ainen winckel. vñd

empfalhe es dem hailigen mit grossem ernst. vñ gieng von jm. do bran die kirch auch ab. do was dem mann gar layde vmb sein kind. Vñnd do das feür ain end het genommen do süchet er daz kind. do was das kind nent zimmer auffes gefallen. das man zů jm kaum geraumen kunde. Vñnd do man zů dem kinde kame. do was es dannocht lebendig vñd es spilet frölichen mit den kolen vñ was jm nicht geschehen. Do das sein vater sahe do ward er gar fro vñd dancet got vñd sant iosen der genaden. ¶ Ains mals was ain man der het ain frawen wol neünzehen iar das sy jm nie kain kind gewane. do rüßten sy sant iosen mit grossem ernst an. vñd sy baten yn auch mit fleiß daz er inen vmb got erwurbe ainen erben. so wolten sy dann zů seinem münster kommen. des geweret er sy. do wurden sy fro vñd volprachten yr gelübte vñnd danceten got vñd dem himelfürstē sant Iosen der genaden. ¶ Ains mals was ain schöne iunckfraw in ainer stat. der warent drey burger hold. die gelobte sich all drei zů sant iosen vñnd baten in das er yn vmb got erwurbe das in die schön iunckfraw zů tail wurde. Vñd es kame nur der eltest zům ersten dar. darnach der mittel. vñ zům lesten kam der iüngst dar. vñ do der eltest wider haim kam. gab man jm die iunckfrawen. do saget er jr dz er durch ire willen zů sant Iosf wäre gewesen vñ er starb bald. darnach gab man

von sant

die frauwenn dem andern burger.
der saget jr auch das er durch iren
willen zu sant Iosf wäre gewesen
vnd starb auch bald darnach. do
gab man jrdem aller iüngsten bur-
ger. do saget er auch das er durch
iren willen zu sant iosf wäre gewe-
sen. Do antwurt die fraw vnd sp-
rach. sant iosf hat euch all drey mit
meinem vngelück erhöret. vnd für
bas het der burger allweg den hy-
melfürsten sant iosen gar lieb. vnd
dienet jm fürbas mit grossem fleiß
¶ Nun bitten wir den hymelfür-
sten sant iosen das er got für vns
bitt. vnnnd das er vns vmb got er-
werb sältigkeit der sele vnd des lei-
bes vnd vns geb nach disem leben
die ewigen sältigkeit Amen.

¶ Von sant Wunbold.



Wunbold

¶ Der lieb haylig herr sant Wun-
bold was ain edelman. vnd ain hy-
melischer diener gotes. Vnd do er
nun zehen iar alt ward. do was er
starck groß vñ schön. vñ wz noch
stercker an dē hailigen glauben als
in sein brüder sant wilbold geler-
et hett. Er ließ auch alle leiplich ge-
mach eer lust vnd güt. vñ auch alle
seine freünd. vñ gieng in daz ellend
kirchferten wallen. damit was jm
bas dan mit grossem reichthum di-
ser welt. Er gieng mit grosser an-
dacht mit seim vater vñ mit seines
brüder sant wilbold von ainē hay-
ligen zu dem andern. vnd kam über
etlich zeit gen rom zu sant peter. vñ
sant pauls vmb groß ablaß willen
Darnach kament sy in lamparten.
in ain stat die haist lotari vñ prach-
ten iren vater sant reichart also sie-
chen dar. 8 starb vnd ward da be-
graben. darnach giengen die zwen
brüder wiß gen rom in sant peters
kirchen vñ legten sich demütiglich
für den altar vnnnd rüffeten da die
zwelfspotē an mit grosser andacht.
do wurden vil menschen siech. do
thet in got die gena de das ye ainer
acht tag lag vnd der and dienet jm
die selben acht tag. vñ dienet ym so
lang. darnach der ander die andern
acht tag. so dienet jm diser. vñ sant
wilbold lernet den psalter in dem sel-
ben siechen mit der hilf gotes Nach
dē als er gesund ward. do lernet er
die götlich kunst. mit grossem fleiß
vñ do sy sibem iar mit andacht bey
ainand warn gewesen. do für sant

wilbold über mörzū dem haylige n
 grab vñ sant wunbolt kam wider
 haim. vñ lernet ettlicher seiner freū
 de vñ auch die frembdē daz sy got
 vor allen dingē lieb hetten vñ jm al
 lain nachuolgtē vñ die welt zūmal
 auffgāben vñ sich zū got kertē. dar
 nach kam er gen rom vnd belyb et
 liche zeit da. vnd nam zū in götlich
 er weisheit vnd übet sich in gūten
 werckē. do kam sant Bonifacius 8
 bischoff gen rom vnd was fro daz
 er seinen ohem sant wunbolt auch
 da vande. vnd ain getreuen helffer
 an jm het. vnd bat in daz er bey jm
 belibe vñ jm den hailigē gotzdiens̃t
 hülffe volbrinben. Do sprach sant
 wunbolt. ich will dir in allen dingē
 gehorsam sein. vñ vndertānig. des
 was er fro. vnd kament mit ainan
 der in tūringer lande. do weyhet in
 Bonifacius zū priester vñ ward
 gastlich vñ ward darnach ain abt
 do beualhe jm sant bonifacius. vii.
 klōster das er die regirn vñ ausrich
 ten solt. das thet er fleissigklich. vñ
 was. v. iar da vnd dienet got mit
 grossem ernst. mit beten wachē. fa
 sten. vnd mitt ander gūter übung
 Darnach kame er in bayerlande zū
 ain hertzen der hielt yn gar wir
 digklichen. vnd was. iij. jar bey jm
 vnd prediget das wort gottes mit
 fleis̃. vnd bekört vil menschen von
 iren sündē. vnd kame darnach gen
 Mentz zū sein ohem bonifacio dē
 ertzbischoff. 8 enpsieng in mit freū
 den. do hōret er wol das sein ohem
 das gotzwort fruchtberlichen pre-

diget vñ mit gūttē fleis̃. Darnach
 kam er wider zū seinem brüder. do
 enpsieng in das volck würdigklich
 wann sein lob was weit erbrait in
 allen landen. vnd eert in das volck
 vñ seiner hailigkait willen vñ het
 ten in lieb. Nun gedacht er jm seine
 gūtte werck wurden verwechselt.
 mit der welt üppigem lobe. vñ ge
 dacht jm er wolt die welt fliehen.
 vñ sich darvon ziehen in ain geschai
 denhait ains schauwenden lebens.
 vñ wolt sich in ain ainōd setzen. vñ
 gab die. vii. kirchen sant Bonifacio
 wider auff. vnd gieng in ain wüste
 in dem land bey schwansfelden. vñ
 sūcht ain stat die jm füglich wāre.
 do vand er ain stat als es got wolt
 in ain vinstern wald zwischen ho
 hen bergē ain tal mit fließendē pū
 nen. do gedachte er jm. wie wol ist
 dise stat gelegen zū ainē haimlichen
 kloster vnd ward seer erfreut vnd
 lobt got mit ganzem hertzen. vnd
 sprach mit lauter stym̃. daz ist mein
 rū. da will ich wonen die weyl ich
 leb. wān ich hab mir die stat auser
 wolt. vnd hūb als bald an vñ bau
 et ain capel vnd samelt sich vil sāli
 ger menschen da. vnd machten ain
 kloster sant Benedikten ordens. vñ
 haist daz selbig kloster haidenhaim
 Nun nament die selben brüder gar
 vast zū an dem götlichen dienst vñ
 in strengem leben. vnd auch an al
 len tugenden. vnd als sere sy zūna
 ment an gais̃tlichem gūtt. also na
 ment sy auch zū an leiplichem gūtt.
 dan das mert in got fast Do taylt

von sant

sant Wunbolt das güt mit den vrenen vnd thet in gütlich. vnd half auch den armen klöstern die vñ in lagen vnd taylt in das güt miltigklichē mit. Vñ als er nun vil zaichē hett gethan. vnd vil schwanfelder zū dem weg der götlichen warhait het gebracht. do ward im von gotte kund getan das im sein lon d ewigen sālīgkait nabente. vñnd ward siech. vnd do er vor alter vnd siechtumb nymer in die kirchen mochte geen. do ließ er im ain altar machen in sein kamer. vñ weñ er vor frantzhait mocht so sprach er alltag mes darauff. Vñnd als er sein zeyt lang hett in gottes lob verzert. vnd sich in vil tugenden geübt het do ward er gar frantch vñ nahet im der tode das was seinen brüdern laide. also tröstet er sy vnd sprach mein lieben brüder jr söllent eüere werck krefftiglich würcken. vñnd die thün in gotes lob. vnd söllent alles eüer leben verainen in den willen gottes. vñ söllent mir durch gotes willen vergeben ob ich eüch ye betrübt habe mit wortten oder mit wercken. vnd sahe auff gen hymel vñ sprach herri ich enpfilch dir mein gayste in dein hend. vnd starb gar seligklich also für sein seel zū den ewigen freuden. Es geschahent auch vil zaichē da damit got sein hailikait bewert wañ die glocken lauten sich all selber die do warēt weil er verschied. vnd entzünd ē sich die liecht offst bey seinē grab von dem willen gottes. vnd auch von seiner hailygkait we

thoma zwölffpot

gen. Nun bitten wir den hayligen abbt sant Wunbolt das er vns vñ got erwerbe hie in diser zeit ain seliges fruchtbers leben. vñ auch darnach gesellschaft geb mitt im in dē ewigen leben da freud vnd wunne ewigklichen ist Amen.

¶ Von sant Thoma dem hayligen zwölffpoten.



¶ Sant Thoma het got lieb vnd dienet im mit fleiß tag vñnd nacht mit beten. vassen. wachen. vñ mit vil ander güter übung. Vñ als vnser lieber herri sein lieb zwölffpoten überall auffendet in die land. do prediget sant Thoma in cesaria. do erschine im got vnd sprach zū im. der künig vō india gundoferus genante d hat gehört von dē tempel salomonis darumb hat er seinen boten Albanū aufgesendet das er im ain maister süch d im ain tempel mach

nach dē tempel salomonis. darumb
so send ich dich zū jm. Do sprach er
herz wo du wilt da send mich hyn
on in india. dann da sind greulich
leüt. Do sprach gott zū jm. ich will
dich nit verlassen. vñ will mitt dir
sein. wann du wirst mir vil volcks
bekerem. vñ wirst gemartert vñ en-
pfahen die kron d ewigen glori Do
sprach sant Thomas. du bist mein
herz vñ mein got vñ ich dein knecht
dein will der werd. Vñ die weil sy
mit ainand redten do kam d bot vñ
sücht ainē maister. do sprach vnser
herz zū alban. was tust du hie. ant-
wurt er. ich süch ain zymierman der
meinem herren ain zierliches haus
bawte nach Salomonis tempel.
do sprach gott. ich hab ain diener
d ist so wol gelert daz er dir machē
kan was du wilt vñ zaiget jm sant
Toman vnd sprach. für in mit dir
hin. do ward er fro vñ firt in mit
jm hin. Do sy auff dē weg warent
sprach der bot zū sant Thomā. bist
du aber des knecht der dich mit ge-
antwortet hat. er sprach ya. er hat
knecht on zale die vmb sunst willig-
klich tünd was man begert. ich bin
ain zymierman. vñ leg gruntuesten
die nyemantz zerbricht noch nymer
zerfallen. vñ kan venster machē der
liecht ewigklich werent. vnd wirt
mein baw so klar das jm nitz ge-
leicht. vñ baw als wunnigklich in
die höhe daz der freüdenreich wirt
der darinn wonen soll. do warde d
bot gar fro vñ sprach des maysters
wird ich grosse eer habē. do sprach

sant thoma. du hast gar war. dan
mein herre ist ain künig über all kün-
ig. vnd mag jm niemandt geleich-
en vnd ligt sein künigreich so hoch
das nyemants darein mag komet.
dann der dem er sein wol gan. vnd
in dem künigreich wirtt niemandt
siech noch arm. noch hunger. noch
dürst ist nit da. vñ ist allzeit wunn
vnd freüd da Dise red hort der bot
geren. vnd kamen mit ainander in
die stat atropolim. da was ain kün-
ig der gab seinem san ain frawen
vnd hett ain grosse hochzeit. dar-
auff warent vil menschen vñ man
lud sant Thomas vñ Alban auch
vñ do man essen wolt. do bett sant
thoma vor. das daucht die leüt sel-
zam. do sprach d schenck. was thut
ir hie ir torn. vñ schlug sant thoma
an sein wang. do sprach er es ist bes-
ser du büsest hie dan dort. nun was
ain fraw da die was von india die
hort vnd mercket sant thomas red
wol. vnd do man geessen hette. do
gieng der schenck für die thür nach
wasser. do kam ain leo vnd byf jm
die hand ab darmit er sant thoma
geschlagen het. daz het er an dē hai-
ligen verdient. do kam ain hund vñ
nam die hand. vnd trug sy für den
künig. do erschracken sy all. do sagt
in die fraw von sant thoman wie
er geredt hett. do hieß d künig auff
in mercken. do lieff die fraw zū sant
thoma vnd kust jm sein füsse. dar-
bey erkennet in d künig vnd brach-
ten den schencken zū jm vnd batten
in das er jm wider hülffe dz jm sein
vñ

von sant thoma

hande wider wurd. Also erkennet er sich seiner sünden. vnnnd do sant thomas sein reu sahe do gab er jm sein hand wider vnd macht in gesund. Vnd als der künig vñ die künigin das zaichen sahen do erkanneten sy sein hailigkeit. vnd batten in das er in iren sun vnd ires suns frauen gesegnere. Also gesegnet sant thomas die zway gemehelten. vnd wünscht in hail vō got. do wüsch dem preütigam ain volgelbeüimlyn in seiner gerechten handt das trüg ratteln die wurden als bald zeytig der asse er vñ gab jr seinē gemahel auch. dauon gewonnen sy keüsche hertzen vñ keüschen müt vñ legten sich baide rainigklich schlaffen. do traumet in bayden gleich. wie 8 künig von hymelreich zū in kāme vñ sprach gütiglichen zū in. eüch hatt mein diener den segen geben dē sōlt jr haben. vñ sōlt der erwōlten geselschaft tailhafftig werden. vnd in freüden bey mir sein vñ jr sōlt bald getaufft werden. darmit erwachten sy vñ sagten den traum ainander vñ sprachent. der künig 8 vns erschienen ist 8 ist 8 ewig gewaltig künig vñ die weil sy das redten. do kam sant Thoma für jr beth durch versperte thür vñ sprach jr sōlt fro sein der künig der eüch erschienen ist das ist got 8 herz der hatt mich her zū eüch gesendet daz ich eüch weise auff den wege des ewigen lebens. darumb haltent eüch rain wan der künig der eüch erschienen ist der hat eüch lieb. Die weil sant thomas al-

dem zuelfpot

so mit in redet do stünden zwen engel bey in die sprachen. vns hat got her gesendet das wir die red sōllen bestātē die sant thomas hat getan vnnnd was jr von got begeret. des wert jr gewert. do sy die red hörten eyltē sy vō dem peth vñ vielen für sant thoman nīd. do zohe er sy wid auff vñ sprach. seind fro vnd glaubent an got. vnd verlast die abgötterey so werdent jr künig vñ künigin in dē ewigen leben. vnd sagt in so vil vō got das sich 8 künig dyonisijs vnd sein haufsfraw pelagia lieffen tauffen vnd alles sein künigreich. Die mār kamē für den künig vō india 8 nach sant thoma gesendet hett. der ward gar fro das sein bot Albanus ain so weysen man in das land het gebracht. vñ hieß im geben was er wolt das er darmit baut. der künig für auß vñ was. ij. jar aussen do gab man sant thoma groß güt. das gabe er alles armen menschen vñ baut nichtz. do der künig wid kam do hörte er dzer groß güt hett vertan vnd nichtz darmit gebaut het. ward er ser zornig vnd ließ in vñ albanū vāhen. vñ sprach jr habt mich betrogen darüb müst jr sterbē. Nun müst 8 künig zū seinē brüder 8 was siech vnd starb vnd was verlorn. doch gab im got von seiner güte am dritten tag sein leben wider. der was gar ernstlich vnd sprach zū seinem brüder. brüder du hast gar übel gethan. das du sant thoma gefangē hast dan er ist ain hailiger man. vnnnd die engel gotes

seind bey jm. vnd hat ain wunnigk
liches hauf gebawen. vnd in dē sel
ben hauf wār ich gern torwart ge
wesen. do sprach d̄ engel zū mir. die
stat mag dir nit werden wan̄ das
hauf ist deins brüders das hat jm
sant Thoma gebawen darūb fare
wiß lebendig haim zū deinē brüder
vnd kauffe ain stat vñ jm. do ward
ich wider lebendig. Als das gun
doserus hort. do gieng er mit seinē
brüder wainet zū dē kercker vñ ba
ten sant thomas das er in jr sünde
vergāb. das thet er. also wurden sy
bald getaufft vñ vil volcks mit jm
vñ wurden güt cristen. vñ der kün
ig gab sant Thoman vil gütz das
gab er alles den armen leuten. Dar
nach über. iij. iar sprach er. er wölte
predigen sy sölltent zūsamē kōmen
als nun der tag kam do stig er auff
ain höhedo kam vil volcks für in
also sprach er sin gebet mit andacht
zū gott vñ bat in das er die siechen
menschē all gesunt macht. also wur
den sy all gesund. Darnach hüb er
an das gotz wort. vñ sprach. Wiß
sent alle sambt das yr mich nit für
got söllent habē dan̄ daran thetent
jr gar vnrecht. wan̄ ich bin sein nit
ich bin aber sein diener. er hat mich
durch euer hail herzū eüch gesente
das ich eüch sein namen verkünde.
vñ auch sage das jr den abgöttern
nit dienen. dann sy seind des bösen
veindes gespötte. jr sölt an ihesum
cristū glaubē der ain schöpffer ist d̄
erden vñ des hymels vñ d̄ auch al
le ding vermag vñ jm müßent alle

ding gehorsam sein. vnd als die pre
dig ain ende het do für er in dz ober
india vod wolt das volck auch be
kōren. nun was ain künig in dē selbē
land hieß Mesidius der hett ainen
ohem d̄ was ain hertzog vñ hiesse
karisius vnd sein fraw mindonia.
die ward gar bald gelaubig. wann
jr sagt ain andie fraw das sy erblin
det was do het jr sant thoma jr ge
sicht mit seinē gebett vmb got wiß
erworben. also bat Mindonia die
frawen das sy sie zū jm brächt. das
tet sy. also sagt yr sant thoma so vil
vō got das sy glaubig ward vñ en
psien die tauff Als d̄ hertzog das
hört klagt er es dē künig der ward
zornig vñ hieß sant Thoma fahen
do nam mindonia die frawen mit
jr die er gesehent hett gemacht vnd
giengen zū sant thoma vñ gabent
dē hūter vil geltz das er sy haimlich
zū jm lief. do waineten die frawen
seer vmb in. er sprach zū in ich lig ge
ren hie mir schadet kein hūt darūb
geet wiß haim so will ich zū üch kō
men. die frawē theten dz. also brach
ten in die engel vñ mitternacht zū
in. do tröst er sy freüntlich vñ saget
in von dē grossen lon d̄ in gegeben
würd wenn sy hie gedultiglichen
durch got lidtent vñ schied also vō
in vñ legt sich wiß an sein stat. dar
nach kame d̄ hertzog zū dem künig.
vnd sprach zū jm. herz bittent euer
frawen das sy die meinen von irer
torhait bring. ich kan sy wider mie
übel noch mit güt dauō bringē. das
thet d̄ künig. also gieng die künigin

von sant thoma

zū der hertzogin. vñ het sy gern ver-
kört. also sagt jr die hertzogin so vil
von got dē allmech. igen das sy die
kūigin bekört zū cristenlichē gelau-
ben. Als nun der künig das erhöret
ward er zornig vñnd sprach zū dem
herzogē. Mein fraw solt dein fra-
wen bekört haben. so hat sy die mei-
nen verkörte. vñnd ließ den hailigen
sant Thoman für in bringen. vñnd
sprach zorniglichen zū jm. Du hast
vnserer weiber mit zauberey verkör-
te. darumb müst du sterben. Sant
Thomas sprach. ich habe nye kain
zauberey gelernet. Der künig ward
zornig vñnd hieß glüende sper mach-
en vñnd ließ die in die erden stecken
darauff müst sant Thomā hin vñ
her geen. also halff jm gott das es
jm nit schadet. dan es ran ain was-
ser von ain prunnen über die spere
von dem willen gotes. das macht
sy küle. darnach thet man in in ain
glüenden ofen do schicket got ainen
wind der macht in so küldz jm nye
kain laid geschache. das was dē kün-
ig laid. nach dem hieß in der künig
für die abtgötter führen. vñnd sprach
zū jm. wilt du lebē so opffer vnsern
göttern. Er sahe den abgot an vñnd
sprach. Du böser gaiste ich gebeüt
dir das du von dem abgot varest.
vñnd für mich standest. vñ was ich
dich haif das thū. das thet er vñnd
stünd für in. yn sahe aber niemand
dan er: do sprach sant Thomas zū
jm. wen ich auff die knie fall. so zer-
störe den tempel. do sprach der böß
veind. vergün mir das ich die hai-

dem zwölffpot

den tödt. do sprach er. tū mit als ich
dich haif. vñ viel niß auf seine knie
also zeruiel der tēpel. des erschrackē
die bischoff sere. also stach ainer ain
spieß durch sant thoma. do für sein
seel zū den ewigen freudē. Do flohe
der künig vñnd der hertzog. dan der
merer tayle was mit sant Thoma.
vñ gienge gemainlich mit jm zū d
kirchē vñ begruben in mit andacht
Darnach erwarbe der künig von
siria von Alexandro das er jm sant
thoma gab vñ für in mitt grosser
eer in medissen. vñ legt in in ain kost-
lichen sarch d hieng mitt in d kirchē
an vier silbrin keten. vñnd geschahen
vil zaichen do. Vñnd an dem antlaß
tag so d bischoff vnseres herre fron-
leichnā segnete so gab in sant Tho-
ma den leuten die gebeicht vñnd ge-
büßt bettē mit seiner hand. man sa-
he aber d hand nit. Darnach füret
man sant Thomas in des reyches
haubststat die hieß hülff die ist vier
tagwaid weit. vñ die statmaur ist
so dick daz zwon wägen neben ain-
and darauff geent vñ ist gar hoch.
vñ miten in der stat fleußt der vier
wasser ains daz auß dem paradeiß
rinnt das gibt d stat fruchtberkayt
vñ andern wassern. vñ man vinder
gar vil edel gestaine darin vñnd ain
berg ligt nahent bey d stat. darüß
geet ain tieffer see. vñ auf dem berg
stet ain hoher turn auf dē steet sant
thomas münster. vñ in dē vmlauf
des bergs sind. xij. münster die sind
geweyhet in den eren der hayligen
zwölffpotten. Vñnd man mag vor

wasser nitt in sant thoma münster
 komen. dan 8 grof see geet darüb.
 vñ wen sein tag komen soll. so get
 das wasser. viij. tage vor alles ab.
 vnd. viij. tag hinnach. vnd wen 8
 patriarch das ampt begeen will so
 kompt alles volck züsamē. gelaubig
 vnd vnglaubig. vnd geen mit dem
 patriarchen in die kirchen. vnd alle
 die mensche die siech sind werdent
 von sant thomas gnaden gesund.
 Vñ im tor des münsters. ist ai wol
 gezierte zibori. mitt gold wol bede-
 ket: vñ mit edlem gestain wol gezie-
 ret die man in dē wasser vindt vnd
 in dē zibori hanget ain silbrine kron
 an ainer silbrin keten. vñ ain ampel
 ist vol balsams. die prünnet ain iare
 wen man sy ainest anzündet. vnd
 wirt des balsams nit minder. vnd
 wer mit dē basam vom patriarchē
 bestrichē wirt 8 wirt vō allē siech-
 tumb gesunt. darumb bestreicht er
 alle die darmit. die dar komen. Vñ
 wenn der patriarch mit den bisch-
 offen die vnder jm sind für den al-
 tar geet. so nemment sy das guldin
 tuch mit lobgesang darein sant tho-
 mas gemacht ist. vnd praitenz mit
 grosser andacht auff darnach ne-
 ment sy sein hailigen leichnā vñ setz
 en in nebē den altar auff ain guldin
 sessel. darinn ist alle sein gestalt vñ
 geleichnuß. vñ scheinet sein antlitz
 als die liechten stern vñ sein har ist
 praun vnd geet jm anff die achseln
 vñ sein bart ist auch praun vnd nit
 lang. vnd sein gewand ist so schön
 als do er auff erden gieng. also sitzt

er nebē dem altar auff dem guldin
 stul die weil man die messe vñ das
 ambt ist begeen. vnd zū der zeit als
 man die menschen berichten soll. so
 nympt der patriarch vnser s herin
 fronleichnam vnd legt in auff ain
 grosse guldine paten. vnd tregt yn
 sant Thoma dar mitt grösser an-
 dacht. vñ kniet für in nider mit vn-
 sers herie fronleichnā. vnd gibt jm
 in dan dar. den nympt sant thoma
 mit 8 gerechten hand. vñ geet dan
 dz volck zū jm vñ empfach vnser s
 heren fronleichnā von seiner rech-
 ten handt. ist aber ain mensch do 8
 in sünden oder in vnglauben ist. ge-
 et er dan hinzū vñ will vnser s her-
 ren fronleichnā enpfahen so zeücht
 er die hand wid zū jm vñ tüt sy nit
 auff die weil der mēsch gegenwür-
 tig ist. vñ der sünd nit auß 8 kirchē
 geet. aintweder er bessere sich oder
 gewinn ware reu über sein sünde.
 so gibt er jm den vnser s herie fron-
 leichnam. o8 er stirbt ee er auß der
 kirchen kompt. Das zaichen haben
 vil der vnglaubigen gesehen. vñnd
 sind dauon also erschrocken das sy
 gelaubig worden sind. Vnd so der
 patriarch vnd die bischoff all sant
 Thomas hochzeyt die acht tag be-
 gangen habent. so nemen sy seinen
 leichnā vnd setzen in wider an sein
 stat. vnd dann wirt es wider vol
 wassers als vor. ¶ Ain dorff haist
 helbach darin saß ain ritter der het
 sant thoma sunderlich lieb. vñ eert
 in für all zwölffpoten vnd versag
 kainem menschen kain almüsen der

Von sant thoma

durch seinent willen bat Vnd ains
mals kam d böß veind für sein thür
vñ klopffet an. vñ bat in das er im
herberg gäbe durch sant Thomas
willē. vñ als er hinein kam do froz
in übel. also lihe im d ritter ain cap-
pen daz er die aufsetzt biß er erwar-
met. Des morgens frū ward d bil-
grin verlor vñ man fund der cap-
pen nit vinden. do sprach sein frau
je seit oft wordē betrogen von so-
lichen schälcken vñnd beherbergent
sy doch. Do sprach der ritter. lyebe
frau seyt darumb nit betrübt. des
schadens mag vns gott noch wol
ergetzen. Das thet d böß gais̃t dar-
umb das er den ritter wolt zornig
machen das geschach aber nit sun-
der was der böß gayste zū übel ge-
maint het daz kam im zū grossen sel-
den. wā der ritter tracht zū hand
wie er zū sant thomas münster kom-
men möcht. vñ bereit sich darauff
mit allen dingen. vñd als er vertig
was do name er ain guldins ving-
erlin vñ brach es von ainander vñ
gab das ain tayl seiner frauē vñd
behielt er das and. vñd sprach zū ye
dē wartzaichē solt du glauben wēn
du das halb vingerlin sihest. vñnd
ich bitt dich fleissigklich das du. v.
jar mein wartst. ob ich die weil nit
wider kam so nym̃ darnach ain an-
dern man. das globt sy im treulich.
Darnach für er auß mit grosser ar-
beit biß das er in sant thomas stat
kam. do enpfing man in gar freunt-
lich. vñd man thet im vil ere durch
sant thomas willen. Also gieng er

Vom zwölffpoten

in sant Thomas münster vñ befal
he sich vñ sein frauē dem hailigē
zwölffpotē sant thoma vñ gedach-
te daran das die. v. jar an dē selben
tag auß wārent. vñ er seuffzet gar
innerlich vñd sprach wainende. O
herz mein got vñd du hailiger sant
thoma. nun nympt mein frau ain
andern man. wann got het im sein
weg veritrt. darumb das hernach
an im geschahē. vñ do er also um-
sahē do sahe er den bösen gais̃t dort
steen d het sein cappē auß. vñ sprach
zūm ritter. erhart kennest du mich
nit. er sprach nayn. aber die cappen
die du auff hast die kenne ich wol.
do sprach er. ich bin d bilger d dich
in sant thomas eer vñ die herberg
bat. vñ stal dir dein cappen. ich bin
aber darumb gar fast gepeyniget
worden. wā ich bin der böß veind
vñ mit ist worden gebotten ee das
die menschen heint entschlaffē so sol
ich dich haim bringen in dein hauf
wā dein frau hat ain andern mā
genommen die wöllent heint bei ain-
and ligen. vñ nam den ritter auß sei-
nen halß vñnd bracht in haym das
im nye kam laid geschach. Vñ do er
für sein hauf kam do gieng er hyn
ein do sahe er sein frauē bey dē preu-
tigē sitzen ob dē tisch. essen vñ trinck-
en. also bot man im auch zū trinckē
auß ain kopff. vñd als er getranck
do warff er das halb vingerlin in
den kopff das ersahē sein frau. die
nam das vingerlin auß dē kopff. do
erkeñet sy das zū hand vñ nam das
and tayl des vingerlins vñ hūb es

zū jrē tail das was ain ding. vñ er
kennet zūhand das er jr man was
für auff von dē rīsch vñ schry mit
freūdē. das ist mein man vñ gieng
gegen jm vñ vñsieng in. vñ gab
zūhand dē preütigam vñlaub. vñ
nam jren man. vñ wurden bayde
fro vñ danckten got dem allnech
tigen vñ sant Thoma der genaden
Nun bittē wir sant thoma den hai
ligen zwölffpōten. das er vns vñ
got erwerb das wir hie also leben
das wir von jm noch von Maria
seiner mütter nymer geschaidē wer
den Amen.

Von sant Anastasia.



Sant Anastasia was ain juncf
fraw. die het got lieb vñ achtet s
welt nit. vñ vermainet auch sy wöl
te got jr keüschait behaltē. jr vatter
was ain reich man in 8 stat zū rom
vñ was vñgelaubig. aber jr māt
ter was haimlich ain cristin. vñ ler

net jr tochter auch cristen glauben
mit fleis. vñ tauft sy sant Crisogo
nus. sy was demütig durch gottes
willen. man globt jr ain man über
jren willen. das was jr gar layd. sy
festiget iren leib seer. vñ flohe jren
man allzeit. vñ tröstet die ellenden
menschen in den kerckern vñ gab in
essen vñ trincken vñ gewand. des
ward jr man jnnen vñ thet in zorn
vñ setzet jr leüt die ir hūren vñ ir
darauff sölten mercken. vñ begeret
in seinē hertzen das sy stürb so wöl
te er mit jrem grossen güt ain andere
nemen. vñ hielt sy in grosser streng
igkeit vñ was jr gar hert. Nun er
löft sy got durch sein güt von jrem
man. er ward siech. sy ward fro.
vñ gab jr güt frölich durch got. sc
lichs thet dem bösen gaist zorn vñ
schüß das man jr vil laides anlegt
vñb cristenlichs gelaubens willen
Nun het sant Anastasia drey maid
bey jr die waren schwōstern vñ
cristin die dienten jr. Also erhört ain
herz dz sy cristen waren. 8 vieng sy
all drey vñ beschloß sy in ainer kuch
en vñ gieng bald darnach zū in vñ
wolt sein boßhayt mitt in getryben
haben. do behüt got die juncf frau
en. vñ verhengt das dem herre sein
sinn verrückt wurden. vñ do er zū
in gieng vñ sein willen mit in ha
ben wolt do vñsieng er ain hasen.
vñ ain kessel gar lieplich als in wol
gelustet. vñ halst vñ küste sy. vñ
truckt auch die pfannē also an sein
haut vñ brust vñ auch an sein
anlitz. vñ hett wol geschwooren

von Ianc

es wärent die drey maid gewesen. wan er het nit vernunft. do sahen die drey juncfrawen vil wonders von jm. vñ als er das vil getriben het gieng er herauf vnd mainet er wär sinnig. do sahe sein gesind das sein gewand vñ sein antliz als rüf sig was. vñ waren jm seine klaiden zerissen. do gedachte sy er wär behaft. vñ hūben in das er nyemant kain schade thet. also ward er ser zornig. vñ gieng zū dē kaiser vñ klaget jm. das man sein spotet. vñ das sy in geschlagen hetten. do sahe in der kaiser vñ die seinen als ain toren an vnd spotten sein auch. vñ schlugen in das müst er alles leidē Darnach kam er wider zū seinen sinnen. das was jm laid. vñ thet jm zorn auff die juncfrawen. vnd gedacht jm sy hetten in also bezaubert. vñ zohe synackent auß. vñ gedacht jm er wolt sy schenden als er vonn in geschender was wordē. also thet gott ain grof wund durch 8 juncfrawē will. vñ halff in das die klaiden als vast an in klebten das sy kain mensch von in bringē mocht. als 8 her das sach warde er also zornig das er sy zūtod ließ schlagen. do fūren jr selen zū den ewigē freuden. vñ got gab in 8 marter kron zū lon. Darnach sprach der kaiser zū ain ritter versuch ob du Anastasiam darzū bringen mügst. das sy vnsern gōttern opffer. so will ich dir sy geben. mit allē gūt. des ward 8 ritter gar fro. wan sy was schön vnd darzū reich darumb het er sy gern gehabt

anastasia

vñ hett hoffnūg er bräch sy von jrē glauben. vñ nam sy zū jm in sein hauf. vnd sprach jr lieplich zū. vnd bat sy. das sy den abgōtern opffert vñ thet sy das so müst man sy in hohen eren loben. Die red was jr vñmer. dan sy flohe die weltlichen ere allzeit. also wolt er sein willen mitt jr volbracht han. do verhengt got durch jrent willen dz er zūhandt er blindet. des erschrack er gar ser. vñ lieff zū den abgōtern vnd het hoffnung sy hülffen jm. vnd bat sy das sy in gesund machte. do sprach der böf feind. du hast anastasia zū grosem leyde bracht. darumb hatt vns got gewalt gegeben über dich. das wir dich in der helle peynigen. also ward er ser betrübt. vnd do er wiß haim geen wolt. do lait in sein knecht als er nit gesahe. also viel er niß vñ starb. vñ für sein seel in die helle darvor vns got all behüt. Nach dē enpfalch man sy ain andern herren der gedacht jm. wie thet ich dz mir jr gūt würd. vnd sprach zū jr. was mā dir sagt so wilt du nur ain crist sein. so thū als cristus lert 8 do spricht wer sich nitt aller seiner hab abtut 8 mag mein jūger nit sei. so hast du vil gūts das gib mir vnd sey du durch dein got arm. so laß ich dich auß vnd ein geen. Do sprach sy ich will dich die geschriff bas leren. er sprach. ich gibs armē leütē. do sprach sy. so bist du reich darumb so ist dein red vnnsunst. also ward er ser zornig vñ hieß sy in dē kercker legen vñ gebot dz man jr weder zū essen

hoch zū trincken gāb. vñ vermaint
 er wolt sy mit hunger darzū bringē
 das sy thāt was im lieb wāre Also
 ruffte sant Anastasia got mit anda-
 cht an in dem kercker vñ bat in daz
 er mit jr wāre in irem leyden vnd jr
 zū hilff kām. do fürsahē sy got mitt
 seiner gūt vñ sendet jr alltag speiß
 vō hymel biß in die achtē wochen.
 Vnd do der heri sahe das es jr nit
 schadete vnd noch als schön was.
 daz thet in zorn. vñ versendet sy in
 ain elende insel wol mit. cc. juncfrawen
 die wurden alle vmb cristen-
 lichen glauben versendet das sy da
 selben sterbē solten. Darnach balde
 do sendet der heri wider nach den
 juncfrawē die bracht man in vñ
 vil frawen vñnd mann mit in. die
 auch cristen glauben hetten vñnd
 hieß sant Anastasiam zū ain stock
 binden vñnd ain groß feur vmb sy
 machen. Also gab sy iren gaist auff
 do für jr sel zū den ewigen freuden
 vnd darnach hieß er die andern all
 tödtē. do was ain man vnder in 8
 sprach do man in wolt tödtē. jr mü-
 gent mir wol nemen mein leib vnd
 alles mein gūt. ich freue mich aber
 das jr mir vnsern herren jesum cri-
 stum nit nemen mügent. durch des
 willen so will ich gern sterben. dan
 er ist vmb meinent willen auch tod
 darnach tödt man sy all. vñ füren
 jr seel zū den ewigen freuden. do be-
 grübē die cristen sant Anastasiam
 heimlich. Nun helff vñ sant ana-
 stasia vmb got erwerben die ewi-
 gen freud vnd sältigkeit Amen.



¶ Der lieb heri sant Steffan der
 was edel vñ was symeonis sun. er
 was gelet vñnd die engel wonten
 bey in. vñ het got lieb vñ dienet in
 mit fleiß tag vnd nacht. mitt beten
 vñ wachen vñ mit vil and güt-
 ter übung: vnd was gar kün in dē
 dienst vnser herren. Zū den zeyten
 wuchs cristlicher glaub. das thet
 den juden zorn die trügē den cristen
 haß vñ hūben an sant Steffan an
 vñnd durchachten in vmb sein lere
 vñ rügten in vor dē volck vñ sprach-
 en er wār ain verk dier der ee vñ es
 müß noch die stat jerusalē zerstört
 werden vō jesu cristo der gekreuzi-
 get ist worden. vñ bezeügten noch
 vil mer über in vnd sprachen. er re-
 det wider got den herren vnd moy-
 sen. Do sprach der bischoff zū sant
 steffan. du hast nun gar wol gehö-
 ret die sachen darumb du gerüget.

bist worden. darumb antwurt vnß also thet got ain zaichē an sant stefan daz im sein antlitz als liecht vñ klar ward als die sunne. das sy all samt wunder an im sahen. do was der hailig gaist mit im vñ halff im das er sich weislich versprach. vñ überlieff die geschrift. vñ sprach. die eer gotes ist hailig vñ güt. vnd redet gar vil darvon. also wurden sy toben an yn. do sahe er auff zū got vñ sahe den hymel offen steen. vnd sahe jesum gütiglich zū 8 gerechten handt seines vaters steen. recht als ob er mit im wolt sein in seinē groffen leyden. Sant steffan sprach zū den juden. hört mich durch got ich sihe den himel offen steen. vnd sihe jesum steen zū der gerechten hande seines vaters. vñ als er dz geschach do hūb sich ain rüffen vnd geschrai vō den juden vnd erhūben ire oren vñ wolten in nit mer hören vñ sties sen in auß der stat. das laid er gedultiglich durch got. darnach brachen sy in an die stat da sy in wolten tödtē. das was vor 8 stat iherusalē neben dē tal iosaphat vñ zugen ire klaid ab das sy dester geringer wārent. also hūtet saulus irs gewandes daz er auch daran tail het. vnd er was noch nitt bekört. also wurffent sy vil stain auf sant steffan. daz laid er aber gedultiglich. vnd knyet nider vñ betet vnd sprach. herr vergib in was sy an mir thūn. dann sy wissen nit was sy thūnd. darnach stund er auff vñ sprach. herr ich beuilehe mein gaist in dein hend. damit

gieng im sein seel auß vñ für auf zū hymel. do lieffen sy sein hailigē leichnā vnwürdigklich ligen. do kam nicodemus vnd gamaliel die waren haymlich cristen vnd begrāben yn würdigkliche. darnach wurden sy baid erschlagē also legt mā sy auch zū sant steffan. Nun müsten die cristen all auß iherusalē aber die zwölff boten belyben. wān sy warent kün an got. Darnach über. cccc. vñ. lxx. jar nach cristi geburt do stünde es wol zū iherusalē vñ waren vil criste da vñnd west nyemandt wo sant steffan lag. nun was ain hailiger pster hieß lucianus 8 schlieff an ainer freytagnacht. do kam ain bot von sant steffan zū im 8 was schön vñ erlich gestalt vñ was alt vñ groffer het ain langen bart vñ ain schne weissen mantel an vñ trüg ain gul dine rūt in 8 hand damit rürt er yn an vñ sprach. du solt vnser greber offenbaren darin wir begraben ligen. wān vnser ist lang vergessen gewesen. dz solt du deinē bischoff sagen vñ sprich er soll vns nun erlich legē das wirt dē volck nütz vñ güt so wollen wir auch ain güt wetter vmb got erwerben des bedürffent ir wol. wān es hat lang nit geregnet. Do sprach lucianus wer bistu. vñ wer find din gesellen sagte ich bin gamaliel vñnd ligt bei mir sant steffan der gemartert vñ verstaint ward vnd Nicodemus den taufft sant Peter vñ sant Johannes. den schlügen die judē so seer das er halb tod was vnd lieffent in also ligen

do nam ich in vnd trüg in in mein
 hauß vnd pflage sein wol in seiner
 franckhait. dz laid er gedultigklich
 vñ starb bald darnach. do für sein
 sel zū den ewigen freuden. Also be-
 grüb man in bey sant steffans füs-
 sen. vñ ligt sein sun abdias auch da
 bey. 8 was tugentlich vñ was. xx.
 jar alt do man in taufft vñ behielt
 sein keüsch durch got. darüb so thet
 jm got vil gnad. damit verschwā-
 de gemaliel. Zūhand wacht lucia-
 nus auf vñ sprach sein gebet zū got
 herri ist das war das ich hab gese-
 hen so bit ich dich das du mir es zū
 dreien malen kund tuest. vñ als der
 and freitag kam entschlieff er aber.
 do kam gemaliel aber zū jm als vor
 vñ sprach zornig zū jm. Luciane lu-
 ciane wie hast du meine wort ver-
 schmācht. do sprach er. herri ich hab
 dich wol vernomen vñ habs dar-
 umb getan das ich mer bewārnus
 wolt haben von got. do sprach ge-
 maliel merck wölichs yglicher hay-
 lig sey. vñ thū deine angen auff vñ
 sich was ich dir zaigen will. do za-
 get er jm vier schöne vaf. die dreü
 warent güldin vnd das viert silb-
 rin. ain guldins vaf was vol roter
 rosen vñ die andern zwai vol weis-
 ser rosen. vnd das silbrin vaf hett
 ain saphir. vñ legt jm do auß was
 die vaf bedeüten. vund sprach das
 vaf mit den rotē rosen das ist sant
 Steffans sarch mit dem hailtumb
 die rotē rosen bedeütent sein grosse
 martter vñ die fron die er nun tregt
 vund die zway andern güldin vaf

mit den weissen rosen die send mein
 vñ nicodemi vnd bedeüten die lan-
 tern hertze die wir hetten. so ist das
 viert silbrin vaf meines suns abdi-
 as vñ bedeüt die keüschait die er het
 von sein kindtlichen tagen. darmit
 verschwand er. vñ lucianus er wa-
 chet vñ gieng aber an sein gebet vñ
 sprach. herri sey das gesicht war so
 laß mich es zū dem dritten mal sehen.
 Vnd am dritze freitag entschlieffe
 er aber. do kam gemaliel als vor vñ
 sprach zornigklich zū jm. warumb
 hast du nit geworben als dir besot-
 hen ist. darmit verschwand er. do
 stünd Lucianus zūhand auff vund
 gieng frölich zū dē bischoff Johan-
 nes. vñ sagt jm was jm im schlaff
 kund wär getan. do was 8 bischof
 ain gütter man vnd ward gar fro
 vñ lobt got darüb vñ gieng mit dē
 priester luciano vñ mit aller priester
 schafft mit 8 proceß vñ gieng ē bis
 an dē berg da man in hin het gewi-
 sen vñ grüben ein vñ weften doch
 die rechtē stat nit aygentlich. do er-
 schin gemaliel ain münch der hieß
 macharius. vnd sprach. gee bald zū
 dē volck vñ sprich zū dē priester luci-
 ano. wir ligen an der stat nitt da sy
 graben vñ zayg jm die rechten stat
 die ich dir zaig. damit verschwand
 er. do lieff 8 münch bald zū luciano
 vnd sagt jm was jm gemaliel em-
 boten het des ward er fro vnd grü-
 ben an 8 statt ein dahin in der mü-
 nich zaigte do geschach zūhand ain
 zaichen. vnd bewegt sich das erd-
 trich da die hailigen lagē. do ward

von sant

also bald ain gütter geschmack da
vñ ward als groß das. lxx. mensch
en gesund wurde von allerlay siech
tumb die sy hetten. Do wurden sy
fro vnd oben got darumb. vnd lu-
cianus vande die hailigen gantzlich
als im gamaliel gesagt het. vnd er
erkannte auch wölicher yeglicher
hailig was. Do namen sy das hail-
tumb mit freüden herauf vnd der
bischoff bracht sant Steffan mitt
grosser andacht in die kirchē die da
stünd auff dem würdigē berg syon.
da ward er begraben züm andern
mal. der berg syon ligt zü nechst bei
Iherusalem. aber die selb kirche ist
laider erstört worden vō den haide
vñ ließ im ain reilichen sarch mache
vnd leget das hailtumb mitt wir-
den darein. ¶ Sant steffan starb
im augsten vnd ward zü weihen-
nācht gefunden. vñ man verwan-
delt das hochzeit vnd begeet sy zü
weihennācht als er starb. darumb
das die hochzeyte grösser ist als er
starb dann do er gefunden ward.
vñ darumb hat man sy auch zü dē
nechstē nach dē cristag gelegt wā
er was der erst martirer. vñ begeet
in im augst als er gefunden ward
¶ Es was ain grosser fürst d hieß
Alexander. der wolt über mōr va-
ren zü dem hailigen grab. vnd sein
fraw mit im vñ kam gen Constan-
tinopel do hörte sy die grossen zaich-
en die got durch sant steffan tet. do
gewan d hertzog grosse lieb zü im.
vñ baut im ain schöne grosse kirch-
en. d bat das volck ob er sturb das

Stephan

man in dann legt zü sant Steffan
do starbe er. do legten sy in an sant
steffans seyten do belybe sein fraw.
vñ. jar in der stat. darnach wolt sy
haim faren vnd was jr ande vmb
jres herren leichnā. vnd bat den bi-
schoff als lang bis daz er ir gelaubte
das sy in mit jr fūret. vñ gieng mit
der frawē an die stat da alexander
vñ sant Steffan bey ainand lagen
in zwaien silbū serchen die waren
ainand gleich do weßt der bischoff
nit in wölichem sarch der herre lag
vnd sprach zü der frawen. kennent
ir eüern sarche mitt. do sprach sy ya
gar wol. vnd do sy die serch ansahe
do nam sy sant Steffans sarch vñ
sprach. das ist meines herren sarch
vnd wolt wenen er wers vnd bra-
cht in auff ain schiff vñ fūrt in mit
jr. do höret man die engel in dē luff-
ten singen vnd das schiff was vol
gütz geschmackes. vñnd kamen vil
böser gayst züm schiff vñ machten
ain groß vngewitter. vñ schrien vñ
sprachē. wee vns man fūrt den hay-
ligē martirer sant steffan des krafft
ist vns gar schwär. vnd ward der
sturm als groß das sy nahent wā-
ren ertrunctē vñ waren in grossem
leiden sy rüfften got an vñ sant stef-
fan. do erschien er in zūhandt vñnd
sprach. fürcht eüch mitt. ich bin eüer
helffer. daz weter ward still die bö-
sen gaist schrien ob in vñ sprachē zü
jrē fürsten. wie thūst du bößwicht
das du das schiff also last entgeen.
do vnser widerpart sant steffan in-
nen ist. verprienn sy all. Do kam ain

hymliſcher bot in zů hilff vñ truck-
et die ſelben böſen gaift in der helle
grunt. Also aurdē ſy fro vñ dancē
ten got vñ ſant ſteffan vñ kamen
wol zů land. Do wurden die ſtum-
men reden vñ ſprachē. 8 diener got-
tes ſant ſteffan iſt her komē den die
juden ſtaintē des freütē ſy ſich ſere
Darnach bracht man in gen Con-
ſtantinopel. da belieb er ettlich tag
vñ thet vil zaichē. Darnach kam ain
kaiſer hieß theodoſius 8 het ain toch-
ter hieß Eudosiā die was behafft
mit dē böſen gaift. do das jr vatter
erhört das was im laid vñ ſprach.
man ſolt ſein tochter gen conſtanti-
nopel führen ſo hett er hoffnung ſy
würdt geſund vñ ſant ſteffans hay-
ligkait. Vñ als man ſy dar wolt fü-
ren do ſprach 8 böß veind auß jr. es
iſt die arbeit verlorē das man mich
über mōr führt. ich will das vaf nit
raumen biß ſant ſteffan kumbt gen
Rom ſo müß ich dan auß. wān die
zwölffpotē wollen dz er zů in kum̃.
Do 8 kaiſer daz erhört do bat er die
prieſter fleißig das ſy im ſant Stef-
fans leichnā gāben. dz er in mit im
führt gen rom. vñ gelobt in er wolt
in ſant Lorenzen darfür geben. ſō-
lichs was in ſchwar. vñ theten es
doch durch ſeiner tochter willenn.
des ward er fro. vñ enbote es dem
bapſt. der legt es den cardinalē für
die enboten dē kaiſer das ſy im ſant
lorentzen woltē geben vñ ſant ſtef-
fan. vñ führen etlich cardinal nach
ſant ſteffan. vñ fürten in mit eren-
gen rom vñ führen die friechen von

Constantinopel mitt in. nach ſant
Lorentzē vñ als ſy gen rom kament
do gieng mā mit dē hailtūm̃ gegen
in. Die rōmer kament nun über ain
mā ſolte ſant ſteffan in ſant Peters
münſter bringē da kain feten iſt vñ
in da laſſen. vñ als ſy das hailtumb
für ſant Peters kirchthür brachten
ward es ſo ſchwar daz man es nit
fürbaß mocht bungen. des nam ſy
ſer wunder. vñ weſten nit wie ſy
tūn ſoltē. do ſprach 8 böß feind auß
des kaiſers tochter. ſant ſteffan wil
nit in dē münſter ſei er will bey ſant
Lorentzen beleyben. also hüben ſy in
wider auff. vñ er ward leicht als
vor. Do gieng die juncē ſraw hin
zů vñ berürt das hailtūb do ward
ſy zūhand erlöſt von dē böſen gaift
Also trüg man ſant ſteffan frölich
gen ſant Lorenzen. vñ legetē in in
ſein grab. do ruft ſant lorenz an ain
ſeiten vñ ließ ſant ſteffan gerulich
zů im. das ſahe daz volck vñ namen
groß wund darab vñ wurden fro
Nun wolt 8 kaiſer den friechen lay-
ſten als er gelobt het vñ ſprach zů
den boten. nempt ſant lorentzen vñ
fürent in mit eüch haim. also wol-
ten ſy in genomen haben. vñ grif-
fen den ſarch an. do vielent ſy all or-
mechtig dahin. wann er wolt bey
ſant ſteffan beleiben. Also erſchra-
en die leüt ſer. do bat 8 bapſt vñ die
pfaffhait für die friechē. also wur-
den ſy gekreſtiget auff die vespere-
zeyt. vñ ſturben darnach in zehen
tagen vñ etlich chriſten ſprachen
man ſolt ſant Lorenzen den friechē

von sant

geben. die selben verlorn jr sinn als lang biß das sant Lorenz wider zû sant steffan gelegt ward. do ward in allē baß. ¶ Darnach ward ain stym̃ von hymel gehört die sprach. Orom du hailige stat du hast zûsamen geschlossen in ain grab sant lorenzen den marttrer von hispanya. vñ sant steffan von iherusalem die her komen sind. von diser stym̃ wurden die menschen alle fro. ¶ Sant Augustin schreybt in vnser bûcher ainem das vnser herre manigē hab gesunt gemacht vñnd auß grossen nōten hat geholffen durch sant steffans willen. vñ er hat. vj. menschñ von dem tod erküct. ¶ Man hett blûmen auff sant steffans altar gelegt. wer die blûmen mitt andacht nam vñd zû den siechen trûg vñnd sy darauff legt. so würdē sy dauon gesunt. ¶ Eins mals was ain haidē hieß marcialis. der was wiß die cristen. der gewan ain sucht vñ lage in grosser fr̃anckhait. der het ainē seligē tochterman dē was laid das sein schweher als tōlich sterbē wolt in seinē vngelauben. der gieng bald zû sant Steffans altar vñnd nam der blûmen darab. vñ leget sy haimlichē vnder seines schwehers haubt. vñd do er ain weile darauff schlief. do hûb er sein haubt auf vñ sprach fr̃ōlich. sende mir nach dem bischoff bald. dañ mir hat got genad getan. do fand man des bischoffs nit. do kam ain ander priester von dem empfienge er die hailigen tauff vñd rûffet sant Steffan offt

sol

an. vñd gedacht an die wort die er sprach do er sterben wolt. herz ich beuilhe dir meinen gayst. dise wort sprach er auch gar offt. tage vñnd nacht mit andacht. ¶ Es saß ain wittib in cesaria die het. x. kind. vñ aines mals erzürneten sy die kinder do flûchet sy in den ritten. do gewûnen sy in vñd ziterten alle zeit. do kament die kinder ain tail zû sant steffans hayltumb. vñnd wurden als bald gesunde. Nun bitten wir den hayligen marttrer das er vns erwerbe die ewigen freud Amen.

¶ Von sant Sol dem hayligen abbt.



¶ Der lieb herz sant Sol ist geboren von Engeland vñ hatt seinem maister bonifacio nachgefolgt mit seinen gûten wercken. vñd er ist in allen seinen dingen vñnd ûbungen den zwölffpoten gleich. vñd hette

got lieb vñ dienet jm mitt fleiß tag vñ nacht mit beten. vassen wachen vñ mit vil ander güter übungē. vñ ward ain seliger mensch. vñ begert alle zeit das er ain ainsidel solte sein für die eere vnd zierde diser zergenglichen welt. Vnd gedacht alle zeyt an den spruch Davids 8 da spricht Ich hab mich mit dem hertzen von der welt empfiert vnd belib in der wüste. Vnd also ward er mitt den flügeln der tugendt zū gott geschwungen als ain ainseltige taub. vñ was mit dem gemüt vñ hertzen in der wüste. Vnd nach dē als Bonifacius starb. do was jm sant Wilbold vnd sant Wunbold. gar liebe vnd haymlichen. vnd hett gar treū helffer an jnen in allen seinē werckē vñ do das volck sant Sols hayligen wandel sahen. do dienetē jm etlich willigklichē. vñ etlich gaben jm vil gūts an sein kloster zū steure damit das 8 bar verbracht wurde. vnd kaiser Karel gabe jm auch groß gūt vnd ain auferwölte stat da er got wol möcht gedienen. vñ bat in das er got den herre auch für in bāt. das thet er vñ empfieng die gab willigklichen vñ dānütiglichen. Darnach macht in 8 kaiser zū ainē abbt in dem selben wirdigē kloster. Do nun sant Sol in tödtlichem leben ain englisches lebē geführt hett. an dem dritten tage des monets Septembris vñ dem gott dem er gedienet hett ist wol müglichen daz er mit dem selben lustlich vñ frölichen in den ewigen freuden

lebt. ward der lieb hailig siech vnd starbe. vñnd für sein sel zū den ewigen freudē. Darnach über etlich jar als der lieb hailig tod was. do was ain andechtiger bischof zū Nischter der wolt den lieben hailigen erhōhen vnd wolt in wirdigklich legen vnd grübē zū dem hailigen leichnā vnd do sy zū dem hailigē leichnam kamen. do forchten sy er wär nicht ganz er wär zermilt vñnd lāg nitt als wirdigklichē das es dem volck offentlich zewissen wär. do thet jm got sein gnad. do sy nun die truhē auff thetē darinn sein hailiger leichnam lag do gieng als ain süßen lustiger edler geschmack darauff das alle mensche die da waren darvon gekressiget wurden. vnd funden den leichnam gar vñnd gantzlichen bey ainander. vñ was so frisch vñ loblich gestalt als ains lebendigen menschen. vñ was sein leib wolgefar vnd waren doch vil jar das er tod was. vñ dancketē got vñ dem lieben hailigē der gnaden. vnd legten in da wirdigklichen an ain wirdige stat da er noch grosse zaichen thut an vil menche. Hailiger harz sant Sol wir bittē dich dz du vns vmb gott erwerbest vñsers lebens ain gūts sāliges ende. vnd nach diesem leben das ewig leben. das verleyhe vns got der vatter vñnd der sun vnd der hailig gaisst Amen.

¶ Von sant Johannes dem hailigen zwölffpoten.



E Sant Johannes d zwölffpott
ist geborn von küniglichem gesch-
lächt yesse vō vater vñ von mütter.
vnd sein vater hieß Zebedeus. vnd
vorcht got vñ het ain hailiges lebē
sein mütter die hieß Maria salome
vñ was vnser liebē frawē schwe-
ster von 8 mütter. vnd ist von dē ge-
schlecht gotes geborē. dauō ist sant
Johannes vnd vnser heri zwayer
schwester kinde. Sant Johannes
was ain sensstümiger mensch. vñ
was gar schön vnd was rain vnd
keüsch. vnd was nur achzehen jar
alt. do in cristus 8 heri vō 8 hoch-
zeit berüft. do was im ain fraw ge-
mehelt vñ was vnser heri auch zū
der hochzeit geladen. vnd erzaiget
im sein liebe vnd sein freüntschafft
vñ thet das erst zaichen zū 8 hoch-
zeit. wān do wein zerriß do macht
er günnen roten weyn auß wasser.
Vñ do er sant johanns die ere hett

angelegt. sprach er zū im Johānes
volg mir nach. zehandt ließ er seinē
gemahel vatter vñ mütter vñ allen
trost der welt vnd volget dē herren
nach. dauō thet im got vil gnaden.
Es spricht sant Jeronimus. es
geuiel got sant Johāns lautere seel
als wol dz er sein liebe auff in leget
vñ eert in für all zwölffpotten. wān
er ließ in sein haimlichait wissen all
zeit. vñnd nam in mitt im do er die
juncckfrawen lebendig machet. Vñ
er fñrt in mit im auß den berg vnd
verwādelte sich vor im. das sein an-
gesicht leüchtet als die sun. vñ seine
klaiden warent weiß als der schnee
Do horten sy moysen vñnd helyam
mit im reden. vnd sahent den hayli-
gen gaist vñnd horten des vatters
stymm sprechent. Dis ist mein aller
liebster sun. in dem ich mir wolge-
ualle. Vñ do sy die klarhait sahē. do
wurde sy erfüllt mit der götliche ge-
nade. Des mals do was johannes
nur. xx. jar alt vñ was nit lang vor
ee das gott gemartert warde. sant
Johānes was auch 8 junger ainer
dē vnser heri sendet dz er die oster-
n solt begeen vnd im die beraiten vñ
do sy das osterlam assen do sagt in
8 heri freüntliche an sein seyten. vñ
nam dz brot vñ segnet es vñ gab in
sein leichnā vnd segnet dē wein vñ
sprach Trinckt daz ist mein blūt do
ward Johānes 8 götlichen lieb er-
sat do redet got mit im von seinem
verräter. do ward sant Johannes
als bald betrübt dz er auß die brust
des herin niß viel. do trucket in got

der heri zytlich an sein brust. do flos die götlich süßkeit in sein seel dz sy nymermer darauß kam. In het got als lieb daz er im sein liebe mütter an dē kreütz beualhe. ¶ Sant johans vnd sant Peter predigetē cristen glauben vnd waren die cristen die in den kercker wurden gelegt. Vñ do got sant johanns auß sandt das er predigē solt. do beualhe er vnser liebe frawē sant Lucas vñ sein mütter salome vñ kam in Asia vñ prediget cristē gelaubē vñ zū epheso da prediget er auch cristen glauben vnd bekeret vil volcks. ¶ Aines mals predigt er an ain suntag zū tertz zit do was ain grosses volck an dē predig. Vñ do er als süß von cristo predigt do erhal dē hymel auß der massen süßigklich. vnd kam ain wasser wolck in ain donerschlag vnd mit ainē feürin plitz dē ließ sich herab vō dē hymel. vnd zucket sant johanns vor in allē auff. vñ fürt in gen jerusalem für vnser lieben frawen thür vñ die andē zwölffspotē auch. Do giengē sy zū vnser frawen hinein do sagt sy in dz sy wölt sterbē. do wurden sy ser betrübt. vñ waren bey ir biß das sy verschied vñ gen hymel für. darnach würdē die zwölffspotē all an ir stat gefürt. vñ sant johannes kam auch wider in epheso. vñ saget dē volck das wund wie er zū vnser frawen gefürt wär worden vñ wie sy verschidē wär vnd prediget den menschē aber als vor. do kām der richter vnd sieng in. vnd wolt das er den abgöttern geopffert het

vnd wolt in zwingen das er cristū wär verlaugnē. do sprach sant Johannis ich verlaugen got nimer. es ist billicher ich sey got gehorsā dān den leütē. der richter zürnet vñ legt in in ainē kercker. fürt in für dē kaiser domicianū schnite im dz schön har ab in spöt vnd setzet in in fiedens öl darinn saß er als in ainē külen taw do was got mit im vñ halff im dz im nie kain laid geschah. vnd gieng gesund vnd frölich wider herauß recht als ob er ani krafft von ainer gūten salbē empfangē het. Do der richter das zaichē sahe. do erschrack er vñ het in gern predigē lassen als vor do toist ers vor dem kaiser nitt tūn. do machtē im die cristē ain schönes münster in die stat feiretē den selben tag würdigklichen. Darnach prediget sant Johannes cristen gelaubē offentlich vnd dienet got mit fleiß. Do ward der keiser domicianus inen vñ hieß in in ain insel patmos sendē. die was gar ain forcht same stat. was vil vngewiters da Vnd do sant johanns kam. do bat er got dz er in behüt vor allē dē das in hindē möcht an dē dienst gottes. do ward er geweret das an dē selbē stat weder felt noch hitz nymermer kompt. vñ waren die engel bey im. vñ maint dē kaiser er solt da hūgers sterben. do fürsahē in got. vñ sant im alltag speiß bey dem engel vnd offenbar t im mer seiner haymlichkeit dān kainē menschē. vñ offenbaret im auch sein hailige dualitait vñ die neün kōr der engel Sant jo

VON SANT IOHANNES

hannes sahe ain grosse menig die mocht nyemant zelen. die stunden alle vor dē tron gotes. vñ die engel redetē mit jm. vñ sagtē jm alles daz er sy fraget. Sant Johāns ist mer dann ain prophet. denn jm hatt got die ding geoffenbart in 8 inseln die über alle menschē syñ seind. die weil er in 8 insel was machet er dz büch der haimlichē offenbarūg. ¶ In 8 zeit was der kaiser Domicianus er tödt. do widerüstē die rōmer alles das was 8 kaiser getan het vñ santen nach sant johanns Vñ do er zū 8 stat epheso kam do trüg mā trusi anā gegen jm die was tod vñ gieng ge ain grosse menig mit jr die empfiengen sant Johansen freuntlich vñ sprachen syhe an hailiger zwölfbot daz ist trusiana die dich oft gespeist hat vñ hat alle tag vō ganzem hertzen begert sprechent. Sölte ich dich nur ain stund sehen so wölt sy dan gern sterbē. Nū mag sy dich laider nit gesehen. dan sy ist tod. vñ hat groß leydē vñ dich gehabt daz erbarmet jn vnd sprach mit lauter stym Trusiana stee auff vñ gee frölichen in dein hauf vnd bereit mir zueffen vñ zehand stünd sy auff zū gleicherweyß als ob sy auß ainem schlaf erweckt wär vñ gieng haim vñ bereit jm zeeffen. do ward das volck gar fro vñ lobtē got vñ daz groß zaichen vnd sprachen. Es ist nur ain got den sant Johāns vns prediget. do gieng sant johanns in Trusiana hauf vnd af frölich mit jr. ¶ An dem andern tag kam ain

DEM ZWELFPOTEN

maister 8 hieß Cratan der prediget auff dem marckt wie man die welt verschmähē sölt. Nun waren zwen reich mā in der stat die hetē jr güt vñ edel gestain gebē. zū den sprach cratan. sy sölten die stain zerschlahē das sy fürbaß nitt mer nütz wāren das theten die reichē mā. vñ wurfsen sy an die straf. sant Johannes gieng dar vnd sahe das vñ sprach das ist nit nütz zū dē ewigen leben. Mein herz spricht jm ewāgelio. du solt verkauffen alles das du hast. vñ gib es armen leuten. so gibt dir got das ewig lebē. wöllent ir volckō men werden. so thūt als cristus gelernt hat sprach cratan. sey dein got ain warer got. so mach die zerprochē stain wiß gantz. vnd verkauff sy dan gib das gelte armen leuten. do wurdē die stain wiß gantz als vor das zaichen sahent vil leut. do viel cratan vñ sein jünger für sant johannes vñ baten jn das er sy cristen glaubē leret. das thet er. vñ taufft sy in dē namen gotes. do prediget cratan fürbaß cristen glaubē vnd die zwen junger gabē als jr güt durch got vñ folgten sant johanne. kamē mit jm in ain stat. do sahen sy zwen die wol beklaidet waren. vnd waren vor jr vndertan gewesen. do sy die als reychlichlien sahē do was jn laid das die zwen jr eer vñ güt gelassen hettē vñ trauretē darūb. do dz sant johāns hort vñ sahe sprach er. Traurt nit vmb das güt das jr gelassen habt. wölt jr got nit dienē so will ich euch euer güt geben. vñ

sprach bringt mir gerten vnd stain
her. dz thetē sy. do bat sant johaņs
got daz er sein gūte erzaiget. vñ die
gerten zū gold machte. vñ die stain
in edel stain. des gewert in got. do
sprach er zū den zwaiē. Nempt daz
gūt das ist besser dan dz eüer. doch
so sölent jr wissen daz jr gotes haß
habt. ¶ Zū der zeit starb ain jüñg-
ling 8 hieß stacheus der het nur. xxx
tag ain frauē gehabt. vñ was groß
flag vñ in. vñ wainetē sein freünd
vñ in. Do sant Johaņs den jamer
sahē. do erbarmt es in ser vñ sprach
Stee auff stachee in dē namē gots
vnd sage den zwaiē was wird sy
verloren habē vor got. do er das ge-
sprach. do ward er zehand lebendig
vñ strasset die zwē vast. vñ sprach
zū in. O wee warumb seind jr also
worden abtriñig ich sahe das eüer
engel ser traurten vnd die teüfel fro-
warent. das jr eüch zū in kert habt
dauō rat ich eüch treülich das jr ab-
laß vō sant Johaņs empfach. vñ
bittent in das er eüch eüer sünd ver-
geb. do er das redt vielen sy all drei
für sant Johaņs vñ begertē gnad
vō im vñ gabē im daz gold vñ edel-
gestain wiß. Darnach gebote sant
johaņs den zwaiē dz sy sibē tage
vastē. reü rñ laid über jr sünd hetē
vñ sprach sein gebet zū got do war-
de daz gold wiß zū gerten. vñ das
gestain vngestalt Nū prediget sant
johaņs den haidē in asia: do erzür-
ter sy vñ viengē in. vñ zugen in mit
gewalt für den abgott dyanon vñ
hiessen in opffern. vñ do er für den

abgot kam. sprach er. jr müßent in-
en werde dz vil böser gaist in dē ab-
got sind. vñ sprach sein gebet zū got
vñ gebot dē bösen gaist dz er mit dē
abgötern nyder viel dē mensche on
schaden daz geschahē. dan 8 tempel
viel nyd vñ ward zū āschen. vñ do
die menschen das sahen. do ließent
sich zwölff tausent tauffē on weyb
vñ kind. Nun was ain bischoff der
hieß aristodenus der sprach zū sant
johaņs. ist 8 gaist gotes bey dir. vñ
ist war dz du sagst. so nim ain trāck
vō mir vñ schadet es dir nit. so wil
ich an dein got glauben vñ wil im
dienen. vñ will dich vor lassen sehē
wie dein trāck ist. vñ gab dz trāck
zwaie manē die waren zū dē tode
verurtailt. vnd do sy das truncken
do sturbē sy bayd. Do sprach der bi-
schof nun sichstu wol wie dz trāck
ist. Do macht sant Johannes ain
kreüz über daz trāck vñ trāck es
auch in dē namen gottes 8 halff im
das im nichts geschahē Do sprach
aber 8 bischoff wilt du dz ich ganz
gelaub. so mach die zwen wider le-
bendig. do zohe sant Johaņs sein
rock ab vñ gab in dem bischoff vñ
sprach Leg in auff die zwen man so
sihestu die wunder gotes. das thet
er. do wurde sy lebendig vñ gesunt
do viel 8 bischoff vñ der landtrich-
ter für sant johaņs füß vñ begertē
die tauff von im. vnd bekerten sich
vnd barwetē ain kirchen darin hieß
im hernach sant Johaņs machen
ain grab do er wolt von hinnen fa-
ren. Es was ain jüñgling in asia.

Von sant iohannes

edel vñ reich der het ain schön weib
die was im zermal liebe. do starb sy
im bald do ward er set vmb sy be-
trübt dz er sich des lebens ver wag
vñ lieff wainet zū der bar. do man
sy in das grab leget. do viel er auff
sy. vñ wolt sy also vor liebe getren-
cket habē. das wolt got nit vñ ver-
henget das ain nater auß der erdē
schos vñ biß in zū tod. vñ er starbe
auf der todten frawē. do was den
menschē gar laid vmb sy beide. vñ
wolten sy begraben habē. Do das
sant Johāns hort do gieng er dar
vnd betet mit andacht vñ bat gott
durch sein eer das er den zwaien jr
lebē wider gāb. do er das gesprach
do würdē sy baide lebendig vnd ge-
sunt. do gab er sy wider zū dē vnd
würdē gūt menschē. sant johanns
kam ains mals in ain stat do sah er
ainē jüngling des vnderwande er
sich vñ tauffet in vñ beualhe in da
ainē bischof mit grossem fleiß. vnd
für wider zū epheso. do pflag d bi-
schoff des knabē mit treuē. Vnd do
d jüngling zū seinē tagen kam do ge-
sellte er sich zū dē raubern vñ ward
jr haubtmā. sant Johāns kam wi-
der in die stat vñ sprach zū dē bisch-
off. gib mir den schatz ich main den
jüngling den ich dir empfolhē hab
do er seisset der bischof vñ sprach
Es ist laider ain mord. dz was sant
Johanns gar laid vñ sprach Nun
het ich dir sein sel beuolhen. do zay-
get im der bischof auff die strasse
da er wonet. Do rite sant johanns
dahin do viengē in die morder. do

Dem zuelfporen

sprache er zū in. Bingt mir eüerent
haubtmā her. dz thetē sy. Vñ do er
in ansah da. schāmet er sich seiner
sünd als sere dz er bald flohe. do ey-
let im sant johanns nach. vñ schry-
mit lauter styn. Lieber sun warüb
fleucht dein vater. hab hofnüg ich
will für dich setzē mein sele. das dir
got d herz dein sünd vergibt. Do d
jüngling dz hort do viel er für in ni-
der vñ het reu über sein sünd. do zo-
he in sant johanns auff vñ fürt yn
wider zū dē bischoff. vñ sagt im zū
fasten dz thet er. vñ stercket in mit
güter lere biß das er in bestätiget in
ainē volkomen lebē. ¶ Unser herre
thet sant Johānes die gnad. wān
er sein handt auff die siechen legt. so
würdē sy gesunde an sel vnd leib. sy
würdē auch von dē schattē gesunt.
wann er sy ansah. ¶ Aines mals
bracht man im ain rephün dz griff
er lieplichē an vñ spilet mit im. das
sah ein jüngling der sprache. secht
wie spilt der alt man mit dē vogel.
das erkānt sant johāns in dē gaisst
vnd sprach zū dem jüngling. Was
thūst du mit dē bogen. den du in der
handt hast. do sprach er wir schief-
sen vogel damitt vñ hielt den bogē
gespānen. Vñ do sant johanns nit
mer sprach do ließ er den bogen ab
do sprach sant johāns warüb hast
du den bogē abgelassen. do sprach
er so er lang gespānen wār so wur-
de er zū frantē zeschissen. do sprach
sant johāns also geschāhe des men-
schen natur auch. wann man jr zū
hert wār. so wurd sy zefrantē. vnd

Das

mochtent dan die mensche got nitt dienen darumb mag man ain weyl ain kurtzweyl haben die on sünd ist daz die natur nicht zu frantk werd dz wir got dē herren dienen mügen

E Do sant Johannis neüntzig jar alt wordē was. do erschin im vnser herr mit seinē jüngern. vñ sprach zu im. Kum̃ mein lieber freünd wann es ist zeyt das du mit deinē brüdern essest meines vatters wirtschafft. vñ an dē suntag so ist der ostertag. so kōmest du in mein reychē. damit verschwand vnser lieber herr. vnd do d ostertag kam do kam ain grof volck zesamē in der kirchen. vñ do d han was krāen do prediget er vnd sprache mes bis auff tertzzeit. vnd sprach zu dē volck. Got der allmechtig will mich yetzund von der welt nemen. vñ ließ im ain grab bey dem altar machen. vñ hieß das erdtrich für die thür tragen. das gedaucht die menschen wunderlich. do gieng sant Inhañs in die grüb. recket sein hend zu got vñ sprach. Herre ich danck dir dz du mich zu deiner wirtschafft hast geladen. ich habe dich oft gebetten das du mich zu deiner wirtschafft nimest. so spracheſt du ich solte dir noch lenger dienen. ich danck dir auch daz du mich vor sündē behüt hast. ich beuilhe dir mein vndertan vñ nym̃ mich zu meinen brüdern. thū mir daz lebendig thor auff wan du bist d gewaltig herre der alle welt erlöst hat. darüb sollē wir deinen namē eren. Antwort dz volck Amē. Do kam ain grof liecht

klein

blat

vmb in das wāret lang. do mocht den schein nyemandt sehen. vnd do das liecht vergienge do fand man nichts in dem grab dan hymelbrod das wallet auf dz man es allwegē da vindet.

Es was ain münich in frantreich in ainē kloster d was edel vnd was ains freyen gemüts vñ wolt kain straff leidē. darüb hetten in die junge münich gar lieb vñ warent sein gesellen. do bracht er sy darzu dz sy auch vngheorsam wurden. darüb warent die andern münich betrübt die da frum̃ waren

Do kam in d tod an. vñ do er an dē letzten seüffzen lag vnd die brüder bey im beteten vñ lassen das ewan gelium. In principio erat verbum zehandt keret sich der münich zu dē herren vnd sprach zu in. Die bösen veinde wolten mich yetzund haben erschreckt vñ do ir anhubt In principio erat verbum. do fluhent sy all von mir vnd flag eüch das ich verdamnet bin vmb mein sünd. do batte die herren für den brüder vñ theten grosse gelübt für in. do keret er sich aber gegen in vñ sprach. Ir habent mir genad vmb got erworben d will mein seel durch eüers gebets willen behaltē. ich müß aber leiden grosse pein. vñ als er das gesprach starb er.

E Ains mals was ain schacher in ainē wald d thet kainer frawen kain laide. zu eren vnser lieben frawen vñ sant Johañs dē zwölff boten den het er lieb. vñ ließ all wochen ainē tag durch seinē willen dz er kainer menschen laid thet. Vnd

von sant iohannes

do er das lebē. xvij. jar trib. do kam
sant Johannis zū jm in ainer nacht
vnd sprach stee auff vñ bereit dich
wan du solt sterben. so hab ich dir
vñ got vnd vnser frauē genad er
worben. dauon hab reu über deine
sünd. do kam er zū ainē priester vnd
beichtet jm all sein sünd mit groß-
sem ernst. do gab er jm zū büß. das
er in das leben nymmer solt komen.
do bat er den priester das er jm vn-
sers herin leichnam gāb. vñ gelobt
got besserūg. daz thet er. Darnach
leget sich d schacher für das kreutz.
do gieng jm sein sel auff mit grosser
reu. do begrüb man jm an der selben
stat sant Ethimus d künig vñ enge-
land d het sant johāns gar lieb. vñ
was man in durch sein ere bat das
versaget er nit. Ains mals kam ain
pilgrin vñnd bat in das er in durch
seinē willen gāb do was der kame-
rer nit da. do het der künig nur ain
vingerlin das gab er jm. do kam d
künig in grosse not auff dē mōr. do
kam der pilgrin mit dē vingerlin vñ
sprach Durch dē du das vingerlin
hast geben embeüt dir. er wöll dich
auff aller not lassen. vñ zehant kam
er auff allē leyden. Ains mals kame
ain fürst d het ain schöne kirchen in
sant johāns eer gebawē vñ het sei-
nes hayltūbs nitt. do sandt er zū dē
bapst vñ bat in daz er jm sant Jo-
hāns hailtūb gāb. do gab der bapst
dē boren sant Johāns rock. do the-
ten sy schmelich vñ wolten sein nitt
do sprach d bapst. ich will euch laß-
sen sehen was der rock vermag. vñ

dem zwelfpoten

nam ain messer vñ schnit in dē rock
do ward d rock blütig do erschrack-
en die botē ser vñ namē daz hailtūb
vnd fürten es mitt in haim vñ sag-
ten dem herren daz wunder. ¶ Ains
herz rit auß dē solt man geltē. do ka-
ment die rauber vnderwegen an in
vñ viengen in. vnd bundē in an ain
baum. das jm daz blüt zū dē neglen
auff gieng. vñ namē jm was er het
do rüfft er sant Johāns an vnd ge-
bot jm mit fleiß zū dienē. do erschien
jm sant johans vñ sprach. Der frid
gotes sey mit dir. vñ grif jm an sein
handt. do vielent sy alle von jm. do
sprach sant Johāns. du hast mich
geert. darūb will dich got eren vñ
will dich nymmer in kainer not verla-
sen. damit verschwand er. vnd do
d man herdan kam vom baum. do
het man die rauber all ertōdt do die-
net er fürbaß sant johāns mit fleiß.
¶ Ains mals was ain ritter d be-
ualh sich alltag in sant johāns pfle-
ge. als jm vnser herz sein mūter be-
ualhe. der ritter nam ab am gūt vñ
gedacht jm er wölt stelē. vñ macht
sich bey d nacht auf den weg. do er-
schin jm sant johāns vñ sprach. du
hast dich alltag in mein pflege em-
pfolhen vñ magst nit beiten biß ich
dir hilffere wider dir gibt ain reich
man sein tochter über zwen tag da-
mit verschwād er. do kert er wider
do gab jm ain reich man sein toch-
ter vñ lebrē in der forcht gotes. vnd
heten genūg die weil sy lebten. Ains
jüngling het sant Johānes lieb der
ward siech vnd mocht übel. er ver-

sücht vil ärzt vñ mochte jm nit helf
fen. do rüfft er sant johāns an. vñd
bat in dz er jm vñ got erwurde das
er jm sein leben frist vñ gelobt jm er
wolt in eeren die wil er lebt. vñd
wolt sich bessern. do entschlief er. do
erschiñ jm sant johāns vñd sprach
zū jm. du hast mich angerüfft vñd
geert vñ griff jm an sein haubt vñ
sprach. du solt gesunt werde. vñd
hab dir erworbe vñ got dz du noch
dreissig jar lebē solt. do ward er fro
vñd für in dem peth auff. do was
sant johāns verschwunden. vñ er
ward gesunt vñd lebt do dreissig
jar. vñ starb darnach seligklich. do
für sein sel zū den ewigen freuden.

¶ Sant Echimus der künig von
engelland bauwt sant Johāns ain
kirchen vñd gab darzū was zū der
mess not was. Nun het er ain stück
von dē rock sant johāns das het er
gar kostlichen eingemacht das was
in der kirchē des nam ain schüler ge
war vñ verbarg sich in der kirchē
vñ wolt dz hailūb gestolen haben
vñ het eysen bey jm. damit er dz sch
loß auff wolt haben gethan vñd
macht sich in d nacht auf. vñ wolt
seinē bösen willen haben volbracht
do kam ain plitzen vñ ain donersch
lag. vñd schlug in zū tod vñ schlug
jm hend vñd füß ab. des morgens
fand man in also todt vñ die eysen
bey jm. Nun helff vns sant Johan
nes der zwölffpot vñd ewangelist
durch sein raines hailiges lebē vñ
got erwerben das ewig hymelisch
leben vñd paradeis Amen.

¶ Von den vnschuldigen kindlin



¶ Do gott geboren ward do was
ain puñ zū rom vñ das wasser ver
keret sich in öl. vñd ran auß in das
wasser tiberin. darbey verstünd dz
volck künfftiges hayl. vñd symeon
ward gesagt er sölt nicht sterbē. er
sölt vor der welt hailand an seinem
arm tragen vñd zū jerusalem was
ain juncfraw on arm geborn. Vñ
in der nacht do vnser lieber herz ge
bore ward. do wüchssent jr ire arm
so lange als sy zū recht solten sein.
Vñ da was auch vor ain stum ge
wesen der ward reden vñd sprach.
Zū diser zeyt ist geborn ain hailand
der welt vñd der wirt Adams val
wider bringen. Es erschyne auch
den dreyen künigē der stern do Jhe
sus geboren ward. do kament sy in
künig herodes land. vñd sprachen
zū jm. Wo ist der gewaltig judē kün
ig geboren. wir haben sein sterem

Von den vnſchul

geſehē in orient vñ wir ſeien kōmen
vñ wōllen jm opffern. do erſchrack
der künig herodes gar ſere. vñ vor
cht ſein reich wurd vndergeen. vñ
ſprach. Farent hin vñ betent in an
vñ wen jr in vindent ſo embietent
mir es das ich in auch anbette. Do
riten die hailigen drei künig hin vñ
funden dz kind vñ opfferten jm vñ
beteten in an. do ward in in dē ſch
laſſ fund getan das ſy nicht wider
zū dem künig herodes ſoltē kōmen.
Vñ do er mercket das er von in be
trogen was wordē do ward er zorn
ig vñ gedacht jm er wōlt alle die
kind die in der ſtat iheruſalem auch
allenthalben vñ die gegent tödten
Do erſchin ain engel joſeph in dem
ſchlaſſ vñ hieß iheſum vñ mariam
führen in egipten landt. do müſt der
künig herodes ſaren gen rom zū dē
kaiſer. wān er vñ ſein ſun hettē ain
krieg mit ainander. vñnd was also
zwei jar auß. vñ do er wider haim
kam. do ließ er tödten alle kindt die
zway jārīg warent vñd auch dar
under. vñ die auch enmitten gebo
ren wurden. ward maniger mütter
jr ſchoß geblütigt vñ jr kindes to
de. do ward der mütter klag vñd ja
mer ſo groſ dz es auffgiengē in die
hymel do die vnſchuldigen kindlin
an jren armen ſo jāmerlichē wordē
erſchlagē vñd zerhauen. der ſelben
kindlin waren hundert tauſent vñ
vierundvierzig tauſent. Vñnd het.
die zway geſchlācht ſere abgetōdt
beniamin vñnd juda. vñder denen
ſolt iheſus geweſen ſein. do hett yn

digen kindlin

Joſeph in egipten land geſlechnet.
¶ Nun hört wie herodes ain ende
nam Nun het herodes drei ſun. der
ain hieß Antipater Der ander aller
ander. Der drit. Ariſtobolus. Nun
ſprach Antipater der ain ſun zū dē
vater. mein zwē brüder wōltē dich
gar gern tödten. das was nit war
herodes d wolt aber wenē es wār
war. vñ ward gar zornig. vñ hieß
ſy vorzorn zū tod ſchlahen. darnach
ward er innen das er vnrecht hett
getan. vñd ward dē ſun antipater
gar veind. Do er dz hort. do maint
er er wōlt in ertōdten darumb. do
ward er gewarnet Vñd hieß ſeinē
ſun vāhen vñd in den kercker legen
Nun was herodes alt worden vñ
kam in ain groſſe ſucht. vñ es ſchüt
tet in der ritten gar vaſt. vñ ward
inwendigen faul vñd nügen in die
würm inwendigē Nun waren die
judē ſeines ſiechtūbs fro do er dz
hort do hieß er die da beten all va
hen. vñd hieß ſy auch in den kercker
legen. Vñd ſprach zū ſeiner ſchwe
ſter ſalome. es thūt mir ſo wee das
die juden ſich freuen meines todes.
Wilt du mir helffen ſo will ich jr le
ben betrübē das ſy nicht zū gail an
meinē end werdē. vñd bit dich alle
die ich hab laſſen vāhen ſo bald ich
ſtirb ſo laſ ſy tödten. wān er maint
man würd in nit klagen. also müſt
man in vñnd die andern klagen.
¶ Alins mals wolt er ainen apffel
eſſen vñnd ſchelet in ſelb do kam in
ſein ſucht an mit groſſem grymmen
do name er ſein ſelbs meſſer. vñnd

wolt sich selber erstochen habē des
 ward er überhebt von ainē diener.
 der vergach sich vñ vnder griff im
 den stich. das er noch lenger leben-
 dig belib. des ward ain ganze sag
 in dem land wie daz der künig tod
 wār. der meer ward sein sun jenen
 der noch gefangē was. vnd ward
 fro vñ gedacht im. Nun ist die her-
 schafft mein. vñnd sprach thut auff
 die thür vnd laßt mich hinauß ich
 will eüch alle reich machē. wān ich
 bin künig über das land das ward
 dem franken herode gesaget. das
 sein sun so fro wāre gegen seinē tod
 do hieß herodes seinen sun zūtode
 schlagen. Darnach über fünff jare
 do starb herodes do ließ sein swe-
 ster die gefangē all auß. wān so hof-
 fet daran wol vñnd recht zū thün.
 doch sagt vns die geschrißte et wān
 das salome die edlen ließ tödtē. Nū
 hüb sich ain grosse klag von jūngē
 vñ alten vō weiben vñ mānen daz
 wēste alles vor herodes des sele in
 der tieffe der helle ymer vnd ewig-
 klischen müß sein. vñnd ewigklischen
 gepeyniget werdē. vnd also ward
 im sein lon darnach er gerügen het
 mit seiner grossen boßhait. Nun bit-
 ten wir die auferwöltē kindlin die
 grossen wirdigen schar daz sy vns
 vmb got erwerbē die ewigē freü-
 d vñ die ewigē seligkait. Das verley-
 he vns got der vatter vnd der sun.
 vnd der haylig gaist Amen.

¶ Von sant Thoman
 von Candelberg.



¶ Sant Thomas vō Candelberg
 was geborn vonn der stat luduma
 vñ was gar schön vñ darzū weiß
 keüsch vñ rain. er was auch besch-
 aiden vñ tugenthafft vñ was der
 hailigē geschrißte vol vñ was auch
 reich vnd was des künigs kanzler
 vō engelland. vñ in het alles gesin-
 de an dē hoff auß d massen gar lieb
 vñ kam zū dem ertzbischoff. darüb
 das er begabt wurd von dē künig
 des ewigē frids. Do was der ertz-
 bischoff ain gūter pfaff vñ machet
 sant thoman bald zū ainē ewange-
 lier des gedaucht er sich vnwirdig
 vñnd übet sich allzeyt in tugenden.
 vñnd mocht in der welt reichthumb
 noch ere noch wollust nitt von got
 ziehen vnd er behielt sein keüschayt
 von jugendt auff vnser frawen zū
 eren. wān er hett jrs gelobt vñ het.
 sy sundlich lieb vñ nam zū an kunst
 so sein gesellē jrer leichtigē ayt nach

von sant thoma

giengent so wartet er seiner lernung
mitt andacht. darumb spotten sein
die gesellen oft. vnnnd legeten aines
tags mit ainand an. wölicher das
schönest klainet von seiner gesponß
sen brächte so sölten die andern vil
pfening verfallen sein. Do gieng
sant Thomas für vnser frawē bild
vñ bat sy mit grossem ernst vnd an
dacht. daz sy im ain klainet gābe do
reckt im vnser fraw die hende vñ
gab im ain kneülin dz bracht er seinē
gesellen. do sy daz sahent do spotetē
sy sein. vñ spiachē Sy hetten besser
gespöffen dann er. sy hett in bessere
klainat geben dan er het. do sprach
sant thomas das sein wār daz best
do zohe er dē ersten ainē fadē ab dē
kneülin. vnd darnach ain vmberal
vñ ain alben. vnd ain ganz meß ge
wand nach ainand das was alles
vō edlem gestain. do erschrackē sein
gesellen gar sere. vñ baten in gütig
klichē das er in das vergāb. do kun
de er das meß gewand nymmer zesa
men legen als vor. do gieng er wiß
zū vnser frawē. vñ erwarb vō vn
ser frawē das sy im es wider zū ai
nem kneülin macht vñ zesamē leget
Darnach thet im vnser liebe fraw
kündt daz er solt bischoff werdē vñ
sein erste meß in dem meß gewand
sölt fingen. nnd sprach zū im Wer
nach seinē tod in dem meß gewand
süng & stürbe des gāhen tods. Do
kam ain bischoff nach seinē tod der
sprach er wār als edel vñ auch als
wolgelert als sant thoman. vnnnd
übernam sich des so sere das er das

von sandelberg

meß gewand auch anlegt. do starb
er zehand. do erschracken sein nach
komen so sere das es kainer mer an
leget. Zū & zeyt. do starb der ertzbi
schoff vñ wurbē ir vil vmb das bi
stüb. do het & künig von engelland
sant Thomā gar lieb. dauon müßt
man in zū ainē bischoff machē. das
was im ser laid. dan er wār & eren
gern übrig gewesen. do müßt ers
tün vñ ward vō dē volck daryū er
wölt. vñ man weyhet in zū bischof
do pflage er des ampts mitt grofē
fleis. vñ was tugentlicher dan vor
vñ trüg an seinē leib ain hārin hem
met. vnd was mit yederman frid
sam. vnd thet den armen leüten gar
gütlich. vñ speyset alltag dreyzehen
armer menschen vñ zwüg in ir fūß
mit seinen henden vñ gab darnach
ainē yegklichē vier pfening. Er wz
auch kün diemütig. weiß vnd gere
cht. vñ dient got tag vñ nacht. mit
beten. vāsten. wachen. vnd mit vil
ander güter übung. Do gewan der
künig ainē haß zū im. darū das er
so gerecht was weder sein vāfare
wān des volcks freihayt der sy ge
wonet warent ward inen ain tayl
genōmen von des bischoffs gerech
tigkait wegē. Do bat der künig dē
bischoff mitt lūsten das er die frey
hait auch bestätigē solt als sein vā
faren im vnd auch den andern ge
tan hettē. das versaget er dē künig
wān er weßt wol das die freihait
wider got was Do ward & künig
zornig auf in vñ het bald darnach
ainē hōff vnd lūd sant thomā vnd

vil ander bischoff vnd sprach zû in allen. Wölten sy im die freyhait nit bestâtigen so wâren sy jres lebens nit sicher vor im. Do vorchte die bischof er wûrd sy tödten. vñ sprach er solt dē künig volgen. do übergrif sich sant Thomā vñ entschliesf im recht. vnd sprach. er wolt dē künig volgen. Nach dē als sant Thoman haim kam do bedacht er sich das er daz recht durch ain klaine vorchte gelassen het. das was im laid vñ mai net er wolt den gotz dienst die weil vnderwegē lassen. bis in der bapst vō den sündē embund. do kam der künig aber zû im vnd bat in das er im 8 freyhait ain brief gāb. do sprach sant thomā ich hab mich überdacht daz ich dir genolgt hab. ich byn aber yezund bey mir selber. vñ sage dir mit wolbedachten mût das ich dir an der sach nymer volgen will. die weyl ich lebe. Do ward 8 künig zornig vñ trib in mit vngesüg von im. Darnach lieffent zwen man für sant thoman vnd sprachent. Herz leich bald. dan es habent vil menschen geschworē sy wöllen dich tödten. Do flohe er durch 8 cristenhait willen zû dē bapst vñ nit durch seinen willen. do empfieng in 8 bapst gar schon vnd erlich. Darnach do kam er gen frantreich do ward 8 künig zermal fro das er in vertribet. vñ sendet boten zû dē bapst vñ bat dē das er im sein freihait bestâtiget. do wolt der bapst die botten nit für in lassen kōmen. Do der künig dz hort. do ward er auf 8 maß-

sen zornig vñ nam sant thoman alles sein gût vñnd auch allen seinen freündē. schuldigen vnd vnschuldigen vñ schendet sy all. vñ sendet sy ver in frembde land. Do sant thoman hort die grossen vneere die er sein volck anlegt. do wainet er bitter lichen vmb die armen menschen. die durch seinen willen müsten leyden. vnd bat got den allmächtigen alle tag für den künig vñ für sein reych. Do nun sant thomā sibem jar vergifur. do ward im von gott kundt gethan das er wider haim solt faren. vnd solt da sein blüt durch den willen gotes vergiessen. do vorchte sant thomas den tod nit. vnd richt sich bald auff den weg. do kam im botschafft vnder wegen von dem künig dz er sein bistûb widerûb nāme das thet er. do gieng das volck gegen im auß vñnd empfiengent in mit grossen freündē. do gelag des künigs zorn ettliche zeyt gegen im. do pflag sant thomā seines ampts gerechtiglich als vor. ¶ Zû den zeyten lag ain mensch an dē tod des sel ward auff gen hymel gefürt vñ sahe die hailigē vñ die engel auch die zwölffporē auff schönen stülen sitzē da was ain gar wolgezierter stule da sasse nyemandt auff. do frager des menschen seel wes doch 8 schön stul wāre. do sprach ain engel zû ir also. Es ist ain priester in engeland den will got frölichen krönen vnd will im disen reichē vñ wolgezierten stul geben. do die sel wider zû ir selb kam do verstünd sy sich wol dz

von sant thoma

der stül sant thomas was. vñ sagt den mensche allen das jm d stül gehöret. **Z**u der zeyt was ain priester d was nitt wol gelert der sang all tag daz ampt Salue sancta parens. vñ vnser frawē dan er hett sy gar lieb. daz sagt man sant Thomā d sandt nacht dē priester vñnam jm die pfarre andern menschen zū ainē ebenpild vñ exempel das sy dest mer lernetē vñ dest fleissiger wāren. do ward d priester ser betrübt vñ rüfft vnser frawē an mit großem ernst. dz sy dē bischoff sein hertz bekeret gegen jm. in der selben zeyte was dē bischoff ain hārin hembd zerrissen. vñ het die stück haimlichē vñ ain stro gelegt. Do erschien vnser liebe fraw dē selbigē priester genediglichē vñ sprach zū jm. Lieber capplan gee zū dē bischof vñ sprich zū jm. Der frawē der ich hab gedienet die hat dir bey mir embotten. sy habe dir dein hārin hembd genāet das vñdest du vñ deine pedtstro vñ haist dich bitten das du mich durch jrē willen widerüb auff die pfarr lassest daz warb d priester. do d bischoff das hort. do gieng er vñ sahe sein hembd. do fande er es wie jm der priester gesagt het. do gieng er widerüb zū dē priester. vñ sprach zū jm Diene fürbaß der edlen juncfrawē marie vñ biß stāt daran dar zū hab dir mein kunst vñ bitt dich daz du die botschafft vñ dē hembd nyemandt sagest die weil ich lebe. sant Thomas nam got zū ainē helfer in seinen sachen vñ saget dem

von sandelberg

künig vñ den rittern vñ allē volck das er in irer falscher freyhait nicht ginnen wolt. Do das d künig hort do hieß er in tödten: do lieffen sy in die kirchen da er das ampt beginge. Do das sant thomā sahe daz sy eingingen. do gieng er jnen entgegen vñ sprach. Was wolt jr daz jr also vnzogenlichē herlauffen über mich wān die kirch ist geweycht. do sprachen sy. da wollen wir dich yetz tödten. Do sprach sant Thomas den tod will ich geren leyden vñ die gerechtigkeit vñ will euch nit fliehē Ich gebeit euch aber bey got vñ be y dem ban das jr nyemandt kain laid thut der da hinnen ist. do wolten sy in für die kirch: n gezogen haben. do hūb in ain anderer pfaff wider. dē schlugen sy ainen arm ab. Do freuet sich sant Thomas ser gegen d marter. recht sam er zū ainer wirtschafft geladen wār zū lieben freündē. vñ reekt sein hende auff zū got vñ sprach. Herr ihesu criste ich beuilhe dir vñ deiner liebē mütter Marie vñ dem hayligen sant Dyonisio vñ allen den hailigē die hie patronē in diser kirchē seind die nen empfilch ich mich vñ mein kirchen. vñ nayget da sein haubte do zerschlugen sy jm sein haubt dz sein hiren zerströet auff der erden lage. do für sein sel zū den ewigē freündē Vñ giengē do von jm vñ lieffent in ligen in der kirchen. Do lieffe der pfaff bald dar vñ bestrich seinen arm mit sant thomas blūt vñ het hoffnūg er genuss seiner hailigkeit

vnd rüfft go an vn̄ sant Thomā.
do warde jmt sein arm zehand ge-
sunt do ward er fro Darnach zohe
man sant Thomā auß das man in
wäschē solt. do het er ain h̄arin hē
met an dz was so vol d̄ wūrm das
die menschē mainten jm het das ley-
den vō den wūrmē als wee getan
als der tod mit dē schwert. vn̄ als
bald da ward die stat brinnen vnd
kamē die menschē in grosse not. daz
hetē sy an sant thomā verdient die
gūten klagetē sant thomā vn̄ hūbē
in auß mit grosser würdigkait vnd
sunge jm ain selmēß. Vnd do sy das
requiē anhubent. do kam ain gro-
schar der engel vō himel. vn̄ hūben
das ampt vō ainē martreer an das
also spricht. Letatur iustus. Der ge-
recht freuet sich in dē herzen vn̄ hof-
set in jm. Vn̄ alle die raine hertzē ha-
bent die werdent gelobt von gott
Do das die pfaffen horten vn̄ alles
volck do wurde sy gar fro vn̄ sung
en die mēß auß von ainem martreer
als sy vō den engeln gehört hetē vn̄
freueten sich des grossen wonders
vnd dancketē got vn̄ sant Thomā
vn̄ begruben in darnach mit gro-
ßer würdigkait da geschahent auch
vil zaichen. die stūmen wurden re-
den. die frūmen gerad die taubē ge-
hörent die blindē gesehen t. die siech-
en gesunt. vn̄ etlich todtē wurde er
kückt. vn̄ die sant Thomā tödt hett
den ward vō got frist geben darin
sy sich solten bekört haben. vn̄ do sy
sich nitt wolten bekören do wurde
ß gar vn̄sinnig vnn̄d bissent in ire

ringer ab vn̄ jr hend mitt jrē zehen
vn̄ gewūnen das gegicht vn̄ stir-
ben all. Vn̄ die klaiden darinn man
sant thomā het getödt. die waren
bespienget mit blūt. das auß seinen
wundē floss. wan man die klaiden
in ain wasser thet. so wurde die sie-
chen menschē von dē selben wasser
gesund. ¶ Es was ain gūter reich
er man d̄ glaubt gar wol sant tho-
mas hailigkait. d̄ het ainē bösen sch-
alckhafftigē knecht. den sendet er zū
sant Thomas münster nach seinem
wasser. Do nam der selb knecht ain
anders wasser auß ainē bach in s̄ in
büchssen. vn̄ sprach zū seinem herrē.
Ich hab es bey sant thomas mün-
ster genomen. Do sprach d̄ herr. ich
hab es darfür du stelest mir offt. ist
aber wasser in d̄ büchssen. so hastu
mir nit gestolē. Nun helff mir mein
herr sant thomas dz es also gesche-
he. do was d̄ knecht gar fro. das er
dz wasser nit zū sant thomā genomi-
men het. wann das selb wasser het
die krafft wer gestolen het dz es jm
verschwand. do sprach d̄ knecht es
ist mir lieb das jr das wasser secht
vn̄ do er die büchß außsette do was
kein wasser darinn. das wunderet
die menschē die es sahent vnd lob-
ten got darüb vnn̄d sant Thomā
¶ Es was aines mals ain vogel
bey dē menschē erzogen wordē. der
redet vnderweylen was er vor jm
höret. der hett gelernet das er offt
sprach. Hilff hailiger herr sant tho-
mas als er vor jm gehört hette. do
kam aines mals ain sperber an den

von sant thoma

vogel. do schu 8 selb vogel. hilf hailger sant Thoma. do geschah ain grof zaichē von sant Thoman daz der selbig sperber zehand starb. vñ also ward der vogel erlöst. ¶ Do sant thoman noch lebt vñ zū paris ain schüler was. do zeran im zerüg vñ daz ains tags saß er nider an die straß die weil ander leüt assen vñ asse nichts dann er het nichts. Do gieng ain burger für in 8 sprach zū im. warūb sitzt ir hie vñ essent nitt do sprach er ich hab nichts das ich esse. do sprach 8 burger geet mit mir haim ich will eüch zeessen gehē. vñ sterbt nit hungers hie. do gieng er mit im haim do sahe in der burger fleissig an vñnd geuill im gar wol. dan er was gar schön vñ sprach zū im. jr wügent wol ain edelman sein sagend mir wie ir haist. do sprach er zū im. Ich haif Thomas. do sprach 8 burger. ich sag eüch fürwar daz jr noch bischof werdent. so söljt jr mich ainer bete geweren was ich eüch dan bit. so will ich üch in mein hauf behaltē bis eüch got der herzerung füget. das gelobet er im. do ward der burger fro. darnach kam im zerüg. do nam er vrlaub von dē burger. Darnach über manig jare ward der burger ser frant von dē gegicht vñd verzeret sein güt alles vñ het des gelübs alles vergessen. das im sant Thomā getan het. vñ die weil het man sant Thomā gemartert vñ getödt 8 thet vil grofser mercklicher zaichen überal in dē land an dē siechē mensche. das hort

von sandelberg

der burger vñ paris vñ rit auch zū seinē grab. vñ sprach hailger herz sant Thomā erwirb mir auch vñ got daz ich gesund werd do ward er zehandt gesundt. vñd ward als innigklichē gestalt vñ als reich als er was zū paris do er sant Thomā nam in sei hauf. do fragt er überal wer 8 thomas wär. do saget man im so vil daz er wol hort vñ merckte das es 8 selb Thomas was den er in seinē hauf behaltē het. do kam er wider auf sein grab vñ sprach Lieber herz sant thomā ich wißt nit dz du 8 warest den ich in meinē hauf behielt. ich man dich des gelübs das du mir in meinem hauf thetest dāvon so bitte ich dich das du mir vmb got erwerbest das mein sel in das ewig lebē kum anders bitt ich nichts do viel 8 burger zehand nider vñ ward siech als vor vñ starb also do fürt sant thoman sein sel zū dē ewigē freudē. vñ volbracht sein gelübt an im. ¶ Ains mals fande ain man ainē andern man bey seinē weib ligē. do ward er ser zornig vñ stach im die augen auß. do ward 8 man ser betrübt. vñnd kam auch zū sant thomas grab vñd rüfft in mit grossem ernst an daz er im vñ got erwirb das er gesund werd. da er hort in sant thomā vñ erworb im vñ got den herzē daz er gesah vñd schöne augen gewan. do warde er fro vñ lobet vñ danckt got vñ sant thoman 8 genaden. Ain gütter man der het sant Thoman gar lieb. der ward siech vñd siechet lang. doch

kame er zu sant thomas grab. vnd bat in daz er in gesuntheit vñ got den allmechtigen erworb. do erhörte er in vñ ward als bald gesunde do sprach 8 man. herz got ist es mir dz best. so will ich gern gesund sein vñ sprach. Hailiger sant thoma du hast mir gesuntheit erworben vñ got. ist es mir nit güt so bit got den allmächtigen. das er mich widerumb siech werden laß. do ward er von stund an der selben stat widerumb siech als vor. vñ laid den siech tagen gedultigklich durch gott den herin vmb das ewig leben. ¶ **A**ntes mals do was ain fraw die hett gor trancke augen. vnd het doch 8 welt auch geren wol gefallen. vnd kam zu sant thomas grab. vñ batt in mit grossem ernst vnd fleiß das er yr hulff. das jr die augen gesund wurden. do wiste sant thoma wol im gaist. das sy daz gesicht nit wolte prauchen zu dem lob gottes. vnd machet sy gar blind. Do rufft sy in zu dem andern mal an vñ sprach. O hailiger sant thoma. ich was zu dir kōmen. das du mir helffest das ich gesehe. so hast du mir dz gesicht gar genōmen. daz ich vor hett. vnd hab mein gebet an dir verlorn. vnd sprach. Gib mir nur das gesicht wider das ich vor habe gehabt. so benūget mich wol do half jr sant thoma das sy widerūb gesahe als vor. ¶ **N**un helffe vns der lieb hailig sant thomas auch vmb gott den herren erwerben. nach disem zergengklichen leben das ewig leben Amen.

¶ Von sant Columbina:



¶ **S**ant Columbina was zermal schön. vñ was ain cristin. vñ dienet got mit grossem fleiß. Zu den zeiten was die welt in haidnischer irsale vñ beteten die abtgöter an. vñ wer an ihesum cristum glaubet. den het man für ain bösen menschen. Zu dē zeiten kam der kaiser aurelianus vñ aufgang 8 sunnen vergoß vil blūt durch den namen ihesu christi. vnd kam in die stat senonis. do horte er von Colūbina 8 hailigen juncfrawen. das sy an ihesum gelauber. do ward er zornig vñ hieß sy fahen vñ do sy dz hort do wapnet sy sich mit dem hailigē glaubē cristi. do fraget er sy wie sy hieß. do sprach sy. ich haße colūbina. do fraget er sy. was gotes sy anbetet. do sprach sy. Ihesum cristum. der alle ding erschaffen hat do sprach er. ich sage dir fürwar dz du mit dem glauben betrogen bist

do sprach columbina. Ich glaube an ein andern gott dan an den der vns von anfang erschaffen hat nach seine bild. vnd hat sein aingebornē sun iesum cristum in die welt gesant durch vnsers hayles willen vō dem wir glauben daz er gemartert sey vnder pontio pilato. vnnnd hat die hailigē cristenhait erleucht durch die zūkunft des hailigen gaistes den erkenn ich das er warer got ist vnd was ee die welt ward. vnd ist durch vnsern willen mensch wordē Do sprach 8 richter zū jr. waist du nit vnser gesetz. daz alle mensche sollen vnderthan sein den priestern der abgötter vñ die anbeten. Do sprach sy. dein götter sind mitt den henden gemacht. vñ verderben mit den die sy anbeten. dann sy sind böß gayste vñ haben kein bewegnuß des leibs darumb ist besser daz man sy fliehe vñ sy verprei dan der böß gayst betrüggt eüere hertzen. mit falsche lust vñ mit zergenglichē eren. vnd gibt bösen lon. dauon so will ich liebhaben mein herin iesum cristū. wañ 8 hat sich vns selber gelobt. vnnnd die engel in dem hymel seind boten vnd dienen jm. in des würdigkait vnnnd eeren all menschen erschrecken. do sprach 8 richter. Liebe columbina ich gehais vnd schwere dir bei meinen götern. opfferstu meinen götern so will ich dir mein ainigen alerliebste sun gemiehel. wañ du bist von edlem geschlācht geboirē. darūb zimpt dir wol das du ain würdige frau werdest. vñ will dir als mein hauf

gefind vndertānig machen das du darüber zebieten hast wie du wilt do sprach sy. dein gelüpt ist mir nitt nütz vñ hab kein trost darauf. noch erfrewet mir mein hertz nitt. Mir ist das haylig ewangelii ain ebenbild vñ ain anfang zū got. aber du tregst des bösen gaystes ebenbilde. der got zū dreien malen versücht also thust du mir auch mit deinē versüchen. Der böß gayst nam vnsern herin vñ fūrt in auf ain hohen berg vñ zaigt jm alle reich diser welt vñ yr glori vnd eer. vñ sprach. Ist das du nider fallest vnd mich anbetest. so gib ich dir dise welt alle. do sprach vnser herr. du solt dein herin vñ dein got nit versüchen. dan es steet geschriben. Dein herin vñ got soltu anbeten. das ebenbild ist gleich deiner herschafft. wañ du mainest du wöllest mich darzū pringen das ich dein sun nem. vnd wöllest mich also abschayden von meinē lieben gesponsu iesu christo. das magstu nitt thun. wañ mich mag niemand geschaiden von dē ewigen gott wed du noch dein sun. mit kainer zeitlichen eer. noch mit weltlichem wollust noch mit kainer lay ding magst du mich darzū pringen daz ich dem bösen gayst diene. vñ mich vō got kere Aber du sprichst 8 böß feind sei got damit verdienst du die ewige pein vñ den ewigen tod. du kēest dan mein herin iesum christum. vnd glaubest. Du solt wissen daz ich dem ewigen künig vermähelt bin. auch dz du mich mit kaim zergenglichen

güt das du mir geloben magst nitt
 pringst von des ewigen gotes sun.
 dem ich gelobt bin. durch den mag
 ich mein flaisch vnd alles zergeng-
 lich güt geben vñ lassen. do sprach
 der richter. ich höre wol das du ge-
 nüg klaffen kanst. opfferst du aber
 vnsern götern nitt. so hast du ain
 frist. vñ ich haß dir dein keüschait
 böflich nemē. vñ laß dich darnach
 verpreñen. Do sprach colūbina. der
 ewig gott der mag seiner dienerin
 wol helfen. vñ mir meinen lāmbden
 mit grosser sicherhait wol behüteit
 wañ durch das verdienen iesu cri-
 sti bin ich bereit zū leyden alle peyn
 die du mir magst anlegen. darumb
 daz er mich kröne in d̄ angesicht der
 obersten burgerin. in dem ewigen
 leben. vñ mich setz in die schar seiner
 marterin. Nach dem do hieß er sy in
 ainē vinstern kercker legen. vñ hieß
 sy binden vnd ir fleissigklich hüten.
 Vnd gebot ain jüngling dz er zū ir
 gieng vñ yr yr keüschait nāme. des
 was der jüngling bereit vñ gieng
 zū jr. do sy in ansah. do sprach sy zū
 jm. Eya lieber jückherz warūb bist
 du so bald eilent zū mir herein gelof-
 fen. nun bist du doch ain man. vnd
 hast ain festes gemüte. wiß stee dyr
 selber. vñ volbring dein bösen wil-
 len nit. vñ sahe in an vñ sprach. ich
 mag mit dir nicht kriegen. ich wille
 mein herin iesum christū anrüssen.
 der mag mich kressigklich von dei-
 nem gewalt nemē. Do gieng er zū
 der juncfrawen vñ wolt sein boß-
 hait mit jr volpringen. Do sprach

sy. beyt ain klain weil. vñ merck waß
 ich dir sag. Du solt dein hertz berai-
 ten. vñ diene meinē herin mit rainē
 keüischem leben. wañ dem habe ich
 mich in mein leiden empfolhen. vñ
 hab hoffnung zū jm. darūb verlaßt
 er mich nit. darūb solt du dich hütē
 dz du nit gegenwertigklich geschla-
 gen werdest mit der götlichen rach-
 aines gāchen todes. Der red ersch-
 rackte der jüngling vnd warde sich
 sere fürchten. zehand kam ain berin
 geloffen vō dem wilden wald. die
 sendet got yr zehilf. vñ viel auf den
 jüngling. vñd warff in mit zoren
 auff die erden. do hüb er sein haupt
 auff. vnd sahe columbinam an. als
 ob er fraget was er thūn solt. do er-
 kant sy wol das ir die berin vō got
 was gesant. Do gebot sy der berin
 bey dem namen iesu christi dz sy jm
 nichtz thāt. do was ir dz wild thier
 gehorsam vñ ließ den jüngling. vñ
 leget sich für die thür das er nit ge-
 fliehen möcht. vnd daz auch zū der
 juncfrawē niemant hinein kōmen
 möcht. Do hüb sant columbina an
 vnd prediget dem jüngling in dem
 kercker vnd sprach. Nym war wie
 grosse krafft hatt mein herz ihesus
 cristus. der hat mir das wild thier
 von dem wald her gesandt. das es
 mich beschirme. vnd du sichst wol
 das es got sein herren vñ schepffer
 gehorsam ist. vñ dz es sein frapheit
 māfiget. vñd sichst wie sich gott
 an den richtet die jm vnd mir nit ge-
 horsam sind. vnd das thier ist vn-
 vernünfftiger natur. vñ ist doch ge-

hofsam. so bistu ain vernünfftiger
 mensch vñ bist geschöpfft mit fünf
 synnen vñ bist doch ver von der er
 kantz gotes vnd seiner bildnus.
 dauo rat ich dir. dz du ain crist wer
 dest. oder ich erlaub dem thier dz es
 dich zu stücken zerreiß vñ verzere. do
 gewan er groß reu vñ ward im
 sein hertz erleucht mit dem hailigen
 glauben. vñ schrye mit lauter styme
 wer cristu nit zu ain got vergicht
 der sol nicht lebendig hinauf geen.
 wan ich erkenn gantzliche das kain
 ander got ist dan der got da colu
 bina an glaubt. Vnd do er das ge
 sprach. hub sich das tier vor d thur
 auff. vnd gieng wider hinder sich
 do mercket er wol dz es gotes will
 was. vnd mit dem gab es de jung
 ling den weg auß zegeen. Vñ do
 er ledig ward. do freuet er sich der
 wunder die er gesehen het vñ rufft
 uöberalin der stat auß. Cristus ist d
 war got. der die welt vnd alle ding
 erschaffen hat. vnd gibt allen ding
 en ordnung vnd sprach. Daz hab ich
 vö sant columbina gelernet in dem
 kercker. vñ durch den got leydet die
 iunckfraw so vil. vñ saget alles daz
 dz im mit der berin geschehen was
 do daz d künig hort ward er zornig
 nun was daz thier dannoht bey d
 iunckfrawen in de kercker das es jr
 yr keuschait behütet. Do dz der rich
 ter hort. do sendet er sein ritter dar.
 vñ hieß die berin herauf treiben vñ
 ließ die iunckfrawen für in pringen
 do die diener zu yr kament. do sun
 den sy columbinam an irem gebett

vñ die berin bey ir. do forchtē sy sich
 sere vñ tosten vor de tier mit hinein
 zu ir. vnd sagten es dem richter. do
 ward er zornig. vñ hieß ain grossen
 holtzhaussen nemen. vñ für den
 kercker legen. vñ ließ das anzünden
 vnd mainet es solt sy vnd das thier
 verprehen. Do das thier sahe das
 das feur so groß was. vnd so vast
 pratzlet. do schrye es greulichē. do dz
 columbina hort do hett sy ain groß
 mitleiden mit de thier. vmb sein vn
 schuld. vnd sprach zu der berin. du
 solt dir nitt fürchten vor dem feuer
 das du sichst. wann es hat kain ge
 walt das es dich verprehen müg.
 dan got der alles vermag den trag
 ich in mein hertzen. d laßt vns das
 nit zu ainer pein geschehē. er laßt dz
 wunder durch sein vnmäßige ere
 geschehen. wan wer got in seine le
 ben erkennt vnd in lieb hat. den ver
 laßt er nymer. darumb hab kain sor
 ge. das du dein leben verlierst. wiß
 daz du wider in dein wilde wonung
 kömpst. do thet das thier nach sein
 er wilden art. vñ lieff schnelligklich
 durch daz feur auß in die wildnuß
 also kame das thier vñermayliget
 in sein wonung. Zehand darnache
 kam ain grosser regen. vñ erschlug
 das feur krefftigklich von dem wil
 len des allmechtigen gotes. vñ do d
 richter die grossen hilf gottes sahe
 do erschrack er. vñ keret sich zu colu
 binā vñ sprach. Nitt was gewalt
 überwindest du vns mit der weis.
 du zauberst die wilden thier her zu
 dir vñ machest dz sy dir zehilf kōm

men. vñ machest auch dz der regen
kômpt. vnd dir die pein leschst. die
wir dir anlegen. do sprach. sy du vn
säliger mensch. wie sere überwindt
dich die blintheit deines hertze das
du die krafft gotes nit erkênst noch
merckest das cristus warer got ist
darûb das du mich nit über windē
magst so mainest du ich gee mit zau
berei vmb. dise boßhait hab ich nie
gelernet. ich hab des ewigen gotes
sun. in meinē leiden angerufft. & hat
mich erhört vñ ist mir zehils kômen
Do sprach & richter. ich hab dir vor
gesagt. das du den namen jesu chri
sti nit solt erkennen. do sprach sy. du
böser verzucker des gaistlichen hai
les. wie getarst du die schar cristi so
gar vergiffen mit deinē mund vñ
dein böse red nit wilt lassen. damit
verdienest du vñ dein sun dz ir müs
sent sterben des ewigen todes. du
kânst aber die tochter des ewigen
lebens vñ irem gütē fürsatz nit prin
gen. do ward & richter zornig vnd
hieß sy enthaupten. vnd do man sy
an die stat pracht do man sy enthou
pten wolt. do sprach sy zû dē richter
ich fürcht dein zergenglichs vitail
nit. wân got & herr verneueret mir
mein andacht. in des lieb ich mar
ter leid. darnach sprach sy. es spricht
vnsere herre im ewangelio. wer sein
sel lieb hat in diser zeit dz ist sein lebē
der verleüret sy in dē ewigen leben
wer aber sein sel hasset in diser welt
das ist sein leben & vîndt sy im ewi
gen leben. darûb so fürcht ich das
iüngst vitail. wân cristus zû dē ver

dampfen ist sprechē. Geethin ir ver
flüchten in die ewigen pein vñ das
feür das dem bösen gaist bereit ist.
vñ allen seinen gesellen. zû dē vitayl
nahest du. vñ müßt ewigklich dar
in gepeiniget werden. vnd wilt du
deine werck nit lassen vnd wilt got
nit erkennen. vnd das vitail das du
über mich gibst dz ist klain gegen &
ewigen pein: vnd mit der zergeng
lichen vitayl behütest du mich vor
der ewigen pein. darnach hast du
kein gewalt über mich es hat nur &
gewalt über mich der mir leib vnd
sele geben hat. vñ der meine glied an
dem iüngsten tag erneüern wirdt.
Du fürchtest got nit vñnd bist ain
diener der boßhayte nun sihe mein
antlütz an. das wirstu denn erken
en wenn ich mit mein gespons cri
sto an dz iüngst vitail kôm. so wie
dest du daran gedencke vnd wirst
mich erkennen wie groß eer du mir
mit & marter erworbe hast. die du
mir angelegt hast. vñ mit der mar
ter bereitest du dir die ewigen pein
Do ward & richter zornig. vñ hieß
yr das haupt ab schlagen. vñnd do
man sy enthaupten wolt. do bat sy
dz man ir ain frist gâb. das sy ir ge
bet zû got spräch ee das sy von diser
welt schied. do gabe sy in ir gesch
meid. do wurden sy von der gab er
waicht vñnd gaben ir frist. Nach
dem viel die hailig iuncfraw auff
das erdtrich vnd beualhe sich gott
mit grossem ernst. vñ sprach. Herre
ihesu ewiger gott du waist das ich
durch das erkennen deines hayligen

von Sant

namen heüß den tod leid. herz verlei-
he mir hilf auß deiner vnmäßigen
güt vnnnd erbarmung. vnnnd behüt
mich vor dem ewigen tod. vñ nym
mich von der pein durch dein barm-
herzigkait. vnd bring mich zü den
ewigen freüden. Darnach stretchet
sant columbina iren halß dar. vnd
hüb yr hertz vnd yr sel auff zü gott
Do kam ain stym von got die ersch-
al vnd sprach. Kôm mein liebe dir
steen die hymel. offen vnnnd die kron
der ewigen fröiden ist dir berayt vñ
dir begegnet dein herz iesus cristus.
der ewig sun mitt grossen freüden
vnd beitet dein mit der kron damit
er dich ewigklich krönen will vnnnd
die hailigen engel sollen dich in das
ewig leben füren. Von der stymme
ward sy gar fro. vnd sprach. Herre
iesu chrisste ich beu. he dir mein sele
Nun ist mein will erfüllt. vnd habe
mein begirde volprachte. darnach
schlög man yr das haupt ab. do fü-
re yr sel zü den ewigen freüden. Sy
hat anch yr leben geendet von drey
erlay sach wegē. Des ersten vō zeit-
liche güt. daz sy verschmehet durch
got. vnd volget nach den gebotten
gotes. wan got spricht. wer durch
mein willen nit aufgibt alles daz er
hat der mag mein iunger nicht sein
dem gebot volget sy nach. vñ gabe
alles jr güt auff. Das and ist daz sy
kressftigklich facht wider den glust
vñ gab sich willigklich in die mar-
ter. damit verdienet sy den lone der
ewigen sältigkait. Das dritt das sy
yr blüt vergoß vmb den willen go-

silvester

tes. das geschah in der statt seno-
nis am andern tag des monats ja-
nuarij. vñ regieret mitt got vñ allē
hayligen. vnd ist geziert mit den en-
geln in ewiger sältigkait. vnd heüßt
mit in das hymelprott ymmer vnd
ewigklich. Haylige juncfraw sant
columbina wir bytten dich durch
dein grosse marter. vñ durch deine
grosse freüd so du mit got hast ewi-
klichen. domitt das du vns armen
menschen auch vmb got erwerbest
das ewig leben Amen.

¶ Von sant Silvester



¶ Sant Silvester was ain crist
vnd het got lieb vñ was edel vnd
reich. vnd was gar schön daz man
sprach er het ain englisch angesicht
vñ ward gelert den weg d gerecht-
tigkait von dē priester Cirino dem
volget er vñ lernet gar fleissigklich
die ewigen kunst. vnd priediget mit
fleiß cristenlichen glauben haimlich

vnd offentlich vnnnd dienet got mit beten. vasten. wachen. vnd mit vil ander gütter übung vñ thet den armen vil güt. vñ lüd sy in sein hauf Sant siluester hett thymotheum cristen glauben gelett der verbarg sich vor den fürsten. wān in gedachte er möcht der marter nitt leiden doch ward er ergriffen. vñ ward für dē richter geführt. der hieß in töten. des erschrack er vit vnd sprach Mein glaub ist gerecht vnd ich bin ain diener cristi. do schlüge man im das haupt ab. do für sein sel zu den ewigen freudē. darnach sendet der richter zu sant siluester daz er kame vñ do man in pracht do sprach der richter zornigklich zu im. gib mir thy mothei güt od du müst sterben. do forcht sich sant siluester nitt vor im vnnnd sprach. Ich hab mein güt armen menschen geben. aber thymotheus hat mir nichts gelassen. wān er verschmähet daz zeitlich güt. vñ hat verdienet den ewigē schatz mit sein tugenden. Do ward der richter zornig daz er kainschatz solt vinden. vñ hieß do sant siluester den abgöttern opffern thust du daz nit. so will ich dich morgen tödten. do sprach sant siluester. du thorechter man du stirbst ee daz der morgen kumpt vñ ferst zu der ewigē helle. do müst du erkennen den auß dē du yezund dein gespöt hast. do ward der richter gar zornig. vñ hieß in in den kercker legen. vñ mainet er wolt in des anderen morgens tödten. Do lüde man den fürsten zu ainer grossen

hochzeit vñ gab in visch. do er nuñ die af do kam im ain grad zwerts in die kelen. vnd kunde im niemand helffen vñ starb also zu miternacht mit grosser bitterkait. do kam sant siluester frölich auß dem kercker. do lebt er so tugentlich mit allē menschen. dz in die juden vñ cristen liebhetten vñ was gedultig vnd demütig Zu der zeyt starb der bapst zu rom do erwölten sy sant siluester zu ainē bapst. das was im laid. vñ thet es doch durch gotz willen. do gab im got sterck kunst vnnnd vernunft zu allen dingen. vñ vnder schid. do ga be er aber mer durch gott vñ fastet alle wochen drei tag. ¶ Nun was zu der zeyt constantinus kayser der was ain hayd vnd ächtet die cristen vnd hieß sy vahlen. martern vñ darzu tödten. wo man sy ankame. do der bapst höret daz man den cristen als vil zelaid thet do flohe er in ain hol. mit etlichen pfaffen durch der cristen willen. do ward 8 kayser auffezig vñ was man in ertzneiet. das half alles nitt. do ward er geleeret. er solte baden auß warmen kinds blüt. so wurd er gesunde. des wurden im auch die götter helffen Do schicket 8 kayser auß vñ ließ samlen mer dan tausent kindlin im zu ainem bad. do kamen 8 kinder mütter auch mit in. vñ schrien vñ waiten vñ klagten iämerlich vñ lieffen gegen dē kayser mit hangendē har vñ mit plosen brüsten. do erschrack der kayser gar ser. vñ erbarmet sich über die frauen vñ kinder. vñ sprach

zu den herren. Wir haben all vestigt
 klich glaubt. wer ain sein kind tod
 der muß selber sterben. darumb war
 es ain groß ding das wir die boß-
 hait an den kinden thäten. die nye
 kain übel gethan hetten. Es ist vil
 besser ich sterb dan die rainen kind-
 lin. vnd wißt dennocht nit ob mich
 die ertzney hulf oder nitt. würd ich
 aber in ainer stund dauon gesunde.
 so solt ich doch die boßhayt nit tün
 darumb laßt mich also sein vnd ge-
 bent den frawen ire kind wiß. vnd
 erfrewent die die ir betrübt habent
 vnd gebt in gelt darzu vnd beraite
 in wägen dz sy haim faren. Do die
 mäter des kaisers tugent horten do
 wurden sy fro vnd drungen all hin
 zu vnd namē ire kinder mitt freudē
 wider. ¶ Nun wolt got der alme-
 chtig dem kaiser der tugent nit vn-
 belont lassen. d da ain beloner ist al-
 ler tugent vnd alles gütz. Vñ an d
 selbē nacht do sich d kaiser also siech
 niß legt vñ entschlief. do came sant
 peter vnd sant pauls zu im. vnd sp-
 rachen. darüb das die kinde durch
 dein gesunthayt nit getödt hast na-
 che deiner göter rat. so hat vns cri-
 stus zu dir gesandt. das wir dir ra-
 ten das du gesund werdest. darüb
 solt du nach dem bapst siluester sen-
 den in dz hol. der wirt dir ain was-
 ser zaigen darvon wirst du gesund
 vnd was er dich leeret des solt du
 im mit gantzē fleiß volgen. so wir-
 dest du an leib vñnd sel. gesund. des
 gütē solt u got dancken. vñ glaub
 allain an in. wan er ist der war got

vñnd zerpuht der abgötter tempel
 durch sein willen. vnd baw im vil
 kirchen zelob. vñ was dich d bapst
 siluester haist dz behalt mit demü-
 tigkeit. do sy das redten do versch-
 wunden sy. Vnd do d kaiser erwa-
 chet do ward er zermal fro. vnd sen-
 det des morges nach sant siluester.
 vnd sant siluester stercket sy an got
 vnd sprach. Ir solt eüch nit fürchtē
 dann got ist mit vns zu aller zeyte
 wir sollen durch got sterben. wan
 er ist durch vns tod. vñnd beualhe
 sich vnd die seinen got. vñ came do
 mit den boten für den kaiser. Do en-
 pfieng sy d kaiser gütlich vñ stünde
 gegen in auff. do warde sant silue-
 ster fro daz er sy so freüntlich empfi-
 eng. darnach sagt im der kaiser wz
 im in dem schlaf begegnet was vñ
 sant peter vnd pauls vnd sprach zu
 in. Lieben brüd sagēt mir wer seind
 die göter sant peter vnd sant pauls
 Do sprach sant siluester. du solt sy
 nicht für götter haben. sy seind nun
 zwelfspoten cristi. vñnd sind bei im
 in sein ewigen freuden. vñ zaigt im
 ain gemalt tuch daran was sant pe-
 ter vnd sant pauls gemalt. do spra-
 che der kaiser. also waren sy heüt ge-
 stalt do ich sy sahe. Do sagt im sant
 siluester. wie vnser herz von hymel
 herab war gesandt. vñ wie er dur-
 che vns an dem kreüz tod war. vñ
 an dem dritten tage erstanden vnd
 wider zu himel für. vnd sagt im so-
 uil von cristenlichē glauben biß er
 geläubig ward. vñ sprach er wölte
 nymermer von dē glauben kōmen.

do ward sant silvester fro. vñ hieß den kaiser sibentag fasten daz thet er willigklich vñ geren. vñ ließ die gefangen cristen all ledig. Nach dē sibentagen segnet sant silvester ain wasser. vñ tauffte den kaiser in dē namen gots. do erschien ob dē tauff ain schōns liecht. vñ ward der kaiser cōstantinus gesund in dem tauff mit der hilff gotes des allmechtige. do ward er gar fro. vñ saget dem bapst wie er cristū in dem liecht gesehen het do wurde sy alle fro. vñ lobten got vmb das groß zaichen. vñ er ist der erst kaiser der bekeret ward. darnach schuf der kaiser den cristen allen gūten gemach. hieß schreiben. vñ bieten überall zū rom dz man cristum anbeten solt. vñ in haben für ain got. Des andern tages gebot der kaiser aber. wer cristum vñ sein namen verschmāhet vñ sich wiß sein glauben setzet den solt man schentlich gen hof pringen vñ an dem driten tag gebot er. wer ain cristen belaidiget dem solt man sein gūt halb nemē. Am vierden tag gebot er das die bischof vñ all gaislich menschen vñ alle ordnūg dem bapst gehorsam wārn. Am fünften tag gebot er. wer von veindtschaft wegen in ain kirchen fluche. der solt darinn frei sein. Des sechsten tages gebott er. das niemant kain kirchen machen solt on des bischofs vñ lob der über die statt wār geweihet. an dem sibenden tag gebot er. wer kirchen machet. 8 solt zehende vñ gūt darzū geben. das die diener der kir-

chen genūg daran heten. vñ mit dē gebotē ward die hailig cristenhait gar ser genestnet. Am achten tage kam der kaiser in die kirchen sant peters vñ beichtete da all sein sūnde. er hāb zūm erste an dz mūn ster zema-chen vñnd name die hawen in sein hand. dñ arbeitete so lang biß er rīf korb auf sein rucken auß trūb. vñ es arbeitē souil mensche an dē mūnster das es in kurtzer zeit volpracht ward. Nun was des kaisers mūter helena yenhalf des mōres. vñ was ain jūdin. wann sy het iren sun geflohen darūb daz er die abgötter anbetet. Vñ do sy hort dz ir sun ain crist was wordē. do was ir laid. vñ sy schrib im. Lieber sun dz du die abgötter hast gelassen. daran hastu recht gethan. doch bist du noch an dē vnrechten. wān du geloubst an ain got haist cristus. 8 ist auf erden gewesen ain mensch. vñ hat gelitten vñ er ist erhangē worden vñ schemlich vñ schentlich tod. vñ er hat nit krafft. do das 8 kaiser hōret. do schrib er seiner mūter helena hinwider. Du hast mich gestraffet vmb den glaubē den ich hab. wiltu mich danon pringen so nym mit dir ainē wolgelerten mayster vñ kōm mit im her zū mir. so will ich mein wolgelerten mayster auch nemen habe ich dan vnrecht so will ich dir volgen wān er herhoffnūg wen sein mūter zū im kam vñ hōret sein mayster den cristen glaubē also kōstlichen vñnd wol bewāren. so ward sy darvon bekert. als auch geschahē

alten ee. In macht die beschneydüg
nit gerecht. in macht die gehorsam
gerecht. yr wißt wol das maniger
beschniten ist derdannoht verlorē
ist. Es ist nit der schnit. danon man
behalten wirt. es ist der glaub vnd
ain gerechtes leben. dz den mensche
säligh macht. ¶ Darnach stünd go
doliass der drit maister auff vñ sp
rach. silvester du sprichst. dein gott
sey ain warer got. vñ ir cristen sagt
er sey vō ainer iunckfrawē geboren
vnd ward vom bösen gayst versü
chet. vñ ward gefangen vñ gesch
lagen. vñ sey mit essig vnd gallē ge
trenckt vñ tod vnd begraben. wie
mag er dan ain got sein. nun mage
doch got nit leiden. do sprache sant
silvester. Bist du ain weiser man so
sihe die geschriffte recht an. wann al
les das dz an vnserm got ergangen
ist dz haben ewer propheten vor ge
weissagt. vō seiner geburt vnd vō
sein tod. Es spricht ysaias. ain iuck
fraw sol empfangen vñ geberen ain
sund wirt genant emanuel. So sp
richt ewer weisag zacharias von
seiner versüchung. Ich sahe ihesum
bei dem engel steen vñ den bösen
gayst bey jm. vñ sah das man in sein
es gewandes beraubet. so spricht d
künig David vō jm. sy haben mey
ne clayder vnder sy getaylt. vnd ha
bent mich getrenckt mitt essig vnd
gallen. Iheremias spricht von sein
er grebtus den todten würt an sei
ner grebtus ain leben gebē. do sch
wig godolias. vñ künd jm nit mer
antworten. ¶ Nach dē stünd an

nas d vierd auff vñnd prach. Alles
das vnser propheten vō gūten leu
ten geredt haben. das legt silvester
auff sein cristum. do sprach er. alles
das ich auf mein got gelegt hab dz
ist an jm ergangen. wilt du daz nit
glauben. so sūch in den büchern ain
andern an dem es geschehē ist. den
ain iunckfraw geborn hab. der ver
raten sey. der das kreutz hab getra
gen. vnd d daran gestorben sey. vñ
begraben ward. ir verlurēt in auß
dem grab. sag mir wo er hin kame
do schāmet sich annas vñ künd jm
nit antworten. ¶ Nach dem stünd
d fünfft auff vñ sprach zū sant silue
ster. du sprichst das euer cristus vō
dauids geschlecht sey kōmen. r nnd
sey empfangen vnd vō ainer rainen
iuckfrawen geborn. vnd sey on alle
sünd gewesen. do er on alle sünd wz
warüb ließ er sich dann tauffen. do
sprach sant silvester. cristus ließ sich
tauffen nit darüb dz er rain wurd
er ward getaufft dz er d ee vñ besch
neydüg ain end wolt geben. cristus
ist ain vñ hab vnser glaubens vnd
empfieng den tauf vns zū ainē eben
bild. dz wir darnach getaufft soltē
werdē. vñ hat mit sein leib gehaili
get die wasser vnser tauff. wann
wer getauft wirt d wirt gerainigt
vō sein sünden. also gefiget silvester
Nach dem stünd der sechst jud auff
der hieß thasi. vnd sprach zū sant sil
vester. Du hast gesprochen. cristus
euer got sey von ainer rainen ma
get geborn. wauumb hat er die neu
en fremden gewonhait ausspracht

vñ an sich genömen. do sprach sant
siluester. das will ich dir sagen. ain
tail. warüb got von ainer raine ma
get geborn ist. Den ersten menschen
adam nam got von der erden. des
müter was die erde. dannocht ain
keusch vñ güt vor allem fluch. der
yr geben ward von der sund wege
do vñ ain neuer adam zetrost wol
te kōmen. 8 müst auch werden ge
boren vō ainer rainen erde. daz was
die rain maget maria. von 8 ward
got geboren vñ zū grosser s̄lyg
keit. der weißhait wz vñs gar not
die von dē kam des krasst vñs be
nemen möcht der bösen schlangen
list. die adam het betrogen. der neu
adam iesus ward von der schlangē
aufferde versücht. aber er überwā
de in kressigklich. Man sprach ab
er. sant siluester hatt gesigt. ¶ Ben
yamin der sibent mayster sprache
zū sant siluester. Du sprichst cristus
sey warlichen gotes sun. so sag mir
warumb hat in sathanas versücht
do in des hungers not zwang. vñd
hieß in auß den stainen brot machē
vñ hieß in die essen. dz was vñgöt
lich. vñ trüg in auß des tempels hō
he. vñ zaiget in die reich diser welt
vñ sprach. Bet mich an. so will ich
dich mit grossen eern vñ güt reichē
was er got als du sagst so fügt in
diser spot nit. Do sprach sant silue
ster. merck meine wort eben. wz ich
dich bericht. darumb das adam in
dē paradeis überwundē ward. vñ
dz er vñgehorflich af. aber cristus
hat die schlangē überwunden wān

er af des veindes rat nit. vñd drey
mal versücht werdē. vñs zū ainem
ebenbild. ob wir ain mal gesigten
daz wir vñs des nit übernemē. wir
sollen allzeit wiß alle bekerung strei
ten. vñ in allezit absigen. dan wer
gesiget den sicht der böß gaisste an
Er soll sich des überheben. dem sol
8 mensch auch wißteen. nach dem
rat vñ ebenbild cristi. vñ sollen ab
gesigen allē vntugenden. Do spra
chen sy aber. sant siluester hat gesi
get. ¶ Aruel 8 achtet sprach zū in.
die bücher vñ die vernunft sagen
vñs. dz niemand widersprechē mag
got was ye volkōmen an allen tugē
den vñ weißhait vñ allem güt des
geprach in nie in ewigkait. warüb
wolt dan got leiplich werden gebo
ren. do sprach sant siluester. daz die
die ding frembd sind daz ist nit vn
billich. wān du waist 8 lieb nit die
got zū vñs hat. vñd wie der hailig
gaisst mit seiner geschöpf gewircket
hat. vñ es noch thut an sein erwöl
ten. des ewigen vatters sun ist vor
aller zeit geborn ee der creatur leben
vñd wesen geborn ward. darumb
seind deine wort war dz got ye vol
kōmen was vñ in nie nichtz gebra
ste. aber do dz menschlich gschlecht
vō got viel. do mocht es nit wider
umb zū got kōmen dan mitt leyden.
do het got nichtz an in dz leidē mö
chte. do zwāg in sein grosse lieb die
er zū vñs het. dz er für vñser schuld
leidē wolt vñ von himel herab kō
men vñ geboren werden in der zeit
vñ gemartect. wān die gothait vñ

die menschait waren vngeschaide
do laid die gothait nit. aber die me-
schait cristi laid den bitteren tod für
vns. do fund im aruel kain antwur-
te geben. Ewald 8 neunt sprache
zū jm. du sprichst ewer cristus sei ge-
waltig. vñ sei das leben. wie hat er
sich dan in den schmehen tod geben
das er souil erlitten hat. wañ er het
nit krafft das er laid vnd starb des
magst du nit leügnen. vnd bericht
mich noch ainer frage. Ir cristen ir
sagt von ewerm got. wie in got ge-
bar in ewigkait. vñ sagt auch weye
in ain iuncfraw trüg. vnd gebare
die red ist wunderlich. ist er hye ge-
born vnd ist dort in ewygkait gebo-
ren. so müssen ir zwen sein ainer go-
tes sun. vñ ainer marie sun. Vñ zūm
dritten frag ich dich. ob er istus got
rñd mensch sey. vnd ist die gothait
mit der menschait verainet. wie mö-
chte dan die menschait so groß her-
tigkait leiden. dz die gothait nit be-
rühret. im kan also nit gesein dan hat
die menschait gelitten. so hat auch
die gothait gelitten. wann die zwū
natur seind verainet. als eüer glaub
helt. darüb bericht mich der frage.
oder dein weißhait ist nichtz werdt
Do sahe sant siluester vmb vñ was
sein begird dz man in solt eben mer-
cken vñ sorget nit daz er siglos wur-
de. wann er tröstet sich gottes vnd
sprach. Gotes sun ist darüb tod für
vns. das er vns daz ewig lebē ver-
dienet. vñ der aingeborn sun der vñ
dem vater ewigklich geboren ist. der
aus der iuncfrawen marie sun. ir

seind nit zwen. ir ist nur ainer. dan
er ist im himel vñ seim vater on ain
müter geboren. vñ ist hie auferd vñ
seiner müter on ain vatter geboren
der selb sun ist dz wort damit got 8
vater dort gebat. also ist er vnsich-
tig. vñ do in sein müter hie gebare.
do ließ sy sein menschait sehen. vnd
starb nach 8 menschait für vns. vñ
als in 8 vater dort gebat. also berü-
ret in nymier kain leidē. noch der zeit
lich tod. vñnd wir werden in nach
disem leben sehen im ewigem leben.
dz er warer got vñ mēsch ist. wañ
er ist in dem himel vnser ewige sālī-
kait. ¶ Thayra der zehent sprach
zū jm. du sprichst die menschait hab
gelitten vñ die gothait nit. das solt
du bewären. Siluester thet es mit
der hilf gottes. do stünd ain baum
in der sunnen glast. den durchschyn
die sun gar. wie vil man dem baum
leiden thet mitt schlagen oð hacken
das thet 8 sunnen schein nit wee. al-
so ist es auch vmb meinē gott. wie
vil leides sein menschait het so belib
die sunne der gothait lauter vñ rain
vnentpsintlich alles leides. do spra-
chen die zwen aber. Siluester hat
gesigt. ¶ Darnach stünd der aylst
auff der hieß saleon der sprache zū
sant siluester. die prophetē vñ weiß-
sagen habent vil iamers gesagt vñ
ewerm got cristo. warumb hat er
souil vnfrides gelitē. vñ ward mit
vil leides getödt. do sprach sant sil-
uester. er hatt es ales darüb getan
dz wir behaltē würdē. er ward ge-
fangen. darumb das wir von allen

vnsern sündē gelediget wurden vñ ward ver spotet dz wir spotes frey wurden. vñd ward sein haubt mit dōnen durch sto chen vñ gekrōnet. darūb daz wir mit der ewigē kōrne gekrōnt wurden. er trūg auch sein kreutz selber. ward vñ vnsern wil len entplōst darūb dz er vñs mitt d ewigen klarkait wolte klayden. vñ ward an dem baum erhangē ab dē eua den apffel af. vñd ward getrē cket mit essig vñ gallen. darūb das wir getrenckt wurde mit der men schait vñ mit der gothait in dē ewi gen leben. vñ starb vñ vnsern wil len am kreutz. darūb dz vnser leiden ain end nām. vñ erstünd frōlich vō dem tod. damit hat er vñs erwor ben das ewig leben. darnach für er auff gen himel. vñd sitzet zū der ge rechten hand seines vaters. vñ hat des hymels thür geōffnet. wān der vater hat in dē sun alle creaturen er schaffen. die pracht der sun dē vater wider zū lob. Vñd do sant siluester das gesprach. do lobten sy got das er jnen den waren glauben hett ge sagt. Thayra der mayster d stünd darnach auff vñ sprach der got der an dē kreutz starb ist nit ain warer got. er ist der weisen ain spot. wān ich waiß des hōchsten allmechtigē gotes namen. wie wol er zū dē wir digesten haist. wān der nam ist al so starck dz jm kain creatur gehōien noch geleidē mag. jñ mōcht ain stay ne nit geleidē. dauon pring mir ain stier her. d da starck ist. daran will ich eūch lassen sehē. dz ich war hab

so wyll ich in dem selben namen in seine oren dōnen. so stirbt er zehand do sprach sent siluester. wie ist dir d nam wordē kund. do sprach d mai ster. dir ist die grof hayligkait billi chen verbor gen. die an dem namen ligt. wān du bist ir nit würdig. die weil du die judē mit deiner ler wilt vertrucken. vñd wilt dein cristum mitt lere aufziehen. vñ sprach. bring gent mir den stier her. als ich gesp rochen hab. do was helena der red gar fro. vñ jr mayster die wider cri sten glauben waren. vñ heten hof nūg sy. überwūnden die cristē. sant siluester vñ seine pfaffen zweifelten nit an got. vñ warn ire hertzen vol freūden. Vñ do man den sti er pra chte. do gieng thayra d mayster zū jm. vñ sprach zū den menschen. Se hent nun will ich eūch dye ganzen warhayt hie kund machen. vñ rau ner dem stier seine wort haimlich zū do lūet das thier mit lauter stym vñd glūetē jm seine angen vor gros sem weetagen. vñd starb also. Sy wurden fro vñd mainten sy hettens gefigt. do sprach sant siluester zū dē zwai en maistern die das vntail sp rachent. Thayra hat den namē go tes nicht genennt. er hat des bōfen gais tes namen genennt. wann der kan tōdten vñ nit lebendig machen die kunst hat der leo. vñd manige thier vñ bōser wurm. aber mein cri stus kan nit allain tōden daz vnrai ne. er mag auch ain frōlich das le ben geben. wān er spricht selber ich bin got der dich tōdten mag. vñd

byn auch das ewig leben. vnd gib es wem ich will. dauon thayra gib dem thier sein leben wiß. so wollen wir dir glauben. Cenonilus vnd cratan die zwen vitayler sprachent thayra. siluester hat ain warn got er tödt vñ macht wiß lebēdig. kane er tödtē do ligt nit groß macht an. Ist er aber von got. so mach in wider lebēdig. da erschrack thayra vñ sprach. ich vnd siluester können das thier nymer lebendig machen. machet es aber siluester lebēdig so will ich geren glauben. daz sein got ain warer lebendiger got ist. dz sprach en die andern judē all. Des gelübts was sant siluester fro. vñnd sprach du todter stier. ich gebeüte dir in dē namen jesu christi. dz du gesund vñ lebendig werdest vnd aufsteest. daz horten alle menschē die da warent. do stünd er auf lebendig vñ gesund vnd gieng wie ain lam. 8 doch vor was blind. Do dz 8 kaiser sahe vñ die seinen. wurde sy fro. daz sant siluester gefigt het vor in allen. vñ sprach zū seiner mütter helena. wem wilt du des figes veriehē. do sprach sy. sant siluester hat war. vnd will mich zū sein got keren. ich waif auch wol. daz jesus cristus warer got vnd mensch ist. vñ ist mir laid das ich als lang von 8 warhayt abgefert hab. do was sant siluester fro dz die frau vñ die mayster cratan. vnd cenonilus vnd die judē alle glaubig waren wordē. vnd dancket got seiner genadē vnd leret sy cristē gläubē fleißlich. vñ tauft die fra

wen helenam. in dē namen gotz vñ alles volck. 8 waren dreütusent juden. vnd dreütusent hayden. Dar nach sprachen die römischē eewarten zū dē kaiser. seid du ain neuen glauben an dich hast genōmen so haben wir groß leiden vō ainē enstlichen tractē gehabt. wan er tödt vil volcks. Do sprach 8 kaiser. gehabt eüch wol. wan ich will wol darzū thün. vnd er saget es sant siluester dan dz volck sprach. Er het so groß krafft vñ möchte sant siluester den vergifften tracten tödtē. so wölten sy allesamt zehand sein glauben an sich nemen. do sant siluester dz hort do ward er fro. vñ er gieng an sein gebet. vnd bat vnsern lieben herren das er im hülffe. do erschien im sant peter. vñ sprach zū im. Silber freunde gotes dein gebet hat got erhört. vñnd will mit dir sein. darumb so gee zū dem tracten. vñ nym die priester mit dir. vñ sprich die wort zū dē tracten. wan du zū im kōmpst. Unser herr jesus christus der vō ainer rainen magt geboren ist. vnd im die zū ainer mütter außerkom hat vnd 8 durch vnsern willen den tod layde an der mēschait. der in ain grab gelegt ward. vñ erstünd von dē tode vnd auffür zū den hymeln. vnd ist da. vñnd sitzet zū der gerechtē hand gotes seines himlischen vaters vñ ist künfftig zū vitailen aller menschen sünd. Du böser vergüffter tract Ich gebet dir bey got das du neman kainen schaden thüest. vñ hie verborgen sieist bis 8 selb got kōm.

met vnd dir dein gewalt neme. vñ sprach. Bind im seinen munde vnd nym ain vingerlin mit dir das ain kreuz hab vñ was du im gebotten hast das muß er denn stat haltge. Darnach kompt die zeyt gar schier das dich got von diser welt will nemen. vñ wirt dir lonen mit schönen zierlichen kronē. damit verschwan de sant peter. Sant siluester tet als in sant Peter gehaissen het. vñ nam die zwen priester mit im. vñ gesegnet sich mitt dē kreuz. vnd gieng in dem namē gotes zū dē tracken. der schmecket gar übel. vñ seine augen glüeten im ser. do sprachen sy ir gebet zū got dē allmechtigē do ward von stundan der track gar vnkressig. vñ tet im nichts. do sprach sant siluester die wort als in sant Peter gehaissen het vñ vordt den tracken mit. vñ tröstet sich seines herre. Ihesu Cristi der halffe im auch das im nichts geschahē. Nun waren zwen zaubier dar kōmen. die wolten besehen ob sant siluester zū dem tracken kōmen töst die warent gar frant worden von des tracken bösen geschmacke. vñ do sant Siluester die zwen ligen sah. do sprach er sein gebet zū got dem herren mitt andacht von stundan do wurden sy gesund vñ glaubten an jesum christū. vnd giengen zū dē eewarten vnd sagten in wie in was geschehen. Also empfingen sy die tauff. vñ die rōmer auch. vñ die edeln all wurden bekōret. vñ lieffen sich tauffen. vñ was er sy leret das behielten sy mitt fleiß

vnd zerbrachen der abgötter tempel vnd weihten sy got dem herren zū lobē. Darnach warde er siech vnd wolt sterbē. also hieß er die cardinel vnd die pfaffen für in kōmen. vnd sprach zū in. ich mag euch nymer ge leeren nōtt der allmechtig ler euch mit seiner götlichen weyßhait. ich bit euch das jr die gebot gotes haltent. vnd habt in lieb von ganzen eüerm hertzen. vñ seit in seinē dienst fleissig. vñ beschirment die cristen- hait mit fleiß. vñ leerent sy den we ge der ewigē sältigkait. darnach em pfiehg er alle gotes recht mit groß ser andacht vñ starb sältiglich. vñ für sein seel zū den ewigen freuden. Nun bittē wir sant Siluester das er vns vmb gott erwerbe das er vns verleihe durch seinen sun ihe sum cristum das ewig hymnisch le ben Amen.

¶ Von den hailigen drei künigen



Von den hailigen

Dise materi der hailigē drei künig hat ain visprung von 8 prophecey balaams. 8 da was ain priester vō madiam. vnd ain haidnischer. 8 vnder seiner weissagunge sprach. Es wirt auffgeen ain stern von iacob. vñ vnder dē stern wirt ain künig geborn der gewaltig ist hymel reichs. vñ ertrichs. vnd wirt alles volck von israhel erlösen. Do nun die aller weifesten in orient vernomen die weissagung balaams. do wurden sy gar fro. vnd gelaubten gentlich das dē also solt geschehen. Nun ligt ain berg in orient jm land india der haist vaus der ist so hoch das er all berg in orient übertrifft. do nūmen die herren vnder den. xij. maistern die weifesten die man gehabt mochte in dē land orient. vñ schickten sy auff den berg vaus vñ wenn ainer starbe so nam man ain andern wider an sein stat vnd empfalch den maistern die da warent auff dem berg vaus obsach wäre das sy beytag oder nacht würden gewar an dem hymel aines vngewonlichen sterns oder in den lufften aines liechtz. das sy in das von stundan solten sagen. Also belib der selb leimut vnd das beiten des sterns vil zeit jm land orient. vñ von dem selben berg vaus ist noch heüt beytag ain grof geschlechte. die geschlecht sind geborn von dem stam̄ des künigs. Melchior. der vnserm herren opfferet das golde. als das buch hernach wol sager. Als man nun auff dē berg vaus allzeit war-

Drei künigen

tet des sterns als balaaz geweissaget het. vnd ye lenger sy sein warteten ye mer vnd ye mer darvon gesaget ward. vñ warent des vast begern das die zeit kām daz der stern auffgieng. Do nun got mensch geboren ward von 8 edlen rain juncfrawen maria 8 mütter gots. so ist auch got den nahent mit seiner hilf die in allzeyt in der warhait anruffen. also ließ auch got zū 8 selben zeit erscheinen den stern als balaam geweissaget het. Vñ als in die. xij. maister ersahen die dar von persia. vñ caldea allzeit auff den berg wurde geschickt. die selben. xij. maister sahen in der selben nacht vñ auff die zeit als cristus ward geborn do sahen sy ain stern auffgeen als die sun 8 erleuchtet all himel. vñ ließ sich über den berg vaus als ain adler. vnd belib da ob dē berge den tage allen vnd do die sunn was vmb mittage so doch jr schein an dē aller gröfsten ist do was 8 stern lauter vnd klar als die sun. Vnd do 8 hailig tag also hin kām do gieng 8 stern auff an den hymel. es sprach auch ain stym̄ auß dē stern. es ist geborn ain mensch der judē künig vñ herz des das volck gebeitet hat. daruñ sucht yn vñ beth in an. Do nun das volck in dē land den wund erlichen seltsamē stern sahen. vnd die stym̄ hörten do erschracken sy vnd gedaucht sy ain grof wunder sein. vnd zweifelten doch nit dan̄ das er wäre der stern den balaā vor langen zeiten het geweissaget. daruō die drey künig in

india in persia vnd in caldea von den maistern vnderweist wurden. do wurde sy zūmal fro. das sy verdient hetten das sy den steren sehen soltē des sy vñ jr vordern lange zeit begert heten. Nun waren die haylige drey künig zūmal verrainer vñ dem andern. vñ weest ainer von dē andern nicht. Es geschahen auch den hailigen dreyen künig vil zaichē vñ wonder. Der erst künig het ain strauff d zoh auß zwai en aiern ain lamb vñ ain leo. d zeit als got geboren ward. das lam̄ bedēut die grossen gedult das got vns vñ dē ewigen tod erlöst hat. vñ als d leo mit seinē geschray sein junge erkückt vñ lebendig macht. also seien wir lebendig worden von vñsers herre marter vñ von seinē tod. Der ander künig het ain hohen cederbaum in seinem garte d wüchß so vast. das er über all berg giengē. vnd beweget sich in der stund als gott ward geboren. vñ es flog ain vogel auff den baum. d satz sich auff ain zweig vñ sang mit menschlicher stym̄. vns ist ain kindlin geboren von ainer juncfrawē. Der drit künig het ain frawen die gewan ain kind in der selben nacht als gott ward geboren. das sprach mit lauter stym̄. es ist ain kinde vñ ainer rainē juncfrawē geboren. das wirt sterbē über. xxxij. jar recht als ich stirb über. xxxij. tag. also starbe auch das kind. Also nach den zaichen vñ auch als sy den stern hettē gesehen wañ er in allen dreien auf ain zeit erschien. do berayten sy

sich vnd alles jr volck auff die zeyt mit grossen reichumb vnd küniglichen klaiden. auch mit pferden vnd mit meulern vnd mit kemeltieren. vñ mit grossen volck vñ auch mit grossen schezzen. als solichen künigen wol gezaine auf ainē so garverren weg. vnd wolte suchen den künig der juden. der da was geboren. vnd wolten in anbeten. nach d stym̄ sage als auß dem stern ward gesagt. Sy berayten sich darumb so kostlich vñ so zierlich. wañ sy gelaubten das ain künig geborn wär der mechtiger vñ edler wär dan sy

Es ist gewonhait in allē orient das man des merern tailen bey der nacht ist reiten od geen. von d grossen hitz wegen die da ist. vnd ligen denn den tag still. Es ist zu wissen von den landē der hayligen drey künig. dann es seind dreu lande die man nennt india. vnd sind des merern tail insel in dē mer vñ sind vñ geben mit wasser vñ mit moß. mitt schlangen vñ mit vil tödtlichen tieren vnd mit manigerlay wund darvon vil zusagē wär. darüb ist es zūmal ain hertes hinein komen vñ vñ ainer insel zū der andern. In der ersten insel ist ain künigreich das nubia haist. in dē land zū den zeitē als got geboren ward do was ain künig hieß melchior. Es was auch das land arabia sein. in dem selben land da ligt der berg sinay vñ das rot möre. In dē andern india was ain künigreiche das hiesse Cedolie. da was zū den zeytē als cristus ge-

Von den hailigen

born ward ain künig & hieß balthasar der vnserm herren auch opffert weirach. Es was auch des selben künigs zū den zeytē das künigreich saba. in dem selbē land wechsť gar mengerlai gewürze. sunderlich so wechsť da weirach mer dan in andern landē. er tropffť auf den baumen als hie das hartz tůt. In dem dritē india was ain künigreich das hieß Tharsis. vnd zū den zeiten als gott geboren ward was da ain künig der hieß Caspar & vnserm herren mir opffert. es was auch sein ain grosse mächtige insel hieß egrofilla. in & ligt sant Thoma. ¶ Nun schůsse es gott mit seiner weißheit das die selben drey künig melchior. balthasar vnd caspar sich auff ain zeyt erhůben auff iren landē mit ire volck mit grosser zierde als vor geschribē ist. vñ do sy kamen auff den weg do erschien in & stern jr yetlichē mit seinē volck besunder. vñ leůcht in die nacht nit als der mon sunder als der sunnen scheine erleůchtet er in drey strassen. sy gedauchte auch die nacht nit anders dan wie & tag vñ also zugent sy des nachts durch stōte od durch dōrffer. dan es was zū den zeyten gar gůtter fride. das man kain stat beschloß. also nam dz volck groß wunder. dan man sah ewol das es groß vnd mechtig künig waren: auch name sy wunder vmb den steren der in also leůchtet als die sunn vñnd ward auch hernach lange zeit dauon geredet. Do sy nun kamē auff iren landē in frem

Drei künigen

de land do zugen sy mit allem irem volck vnd mitt irem vihe berg vñ tale vñ manige grausame straf on alle irung. wan sy es alles ain schlechter vñ ebner weg gedaucht. sy kamen auch weder tag noch nacht in kain herberg sy noch ire pfert noch kains irs volcks af noch tranck nye nichtz als sy vō hauf auff schieden bis sy kamen gen Bethleem. sy gedaucht auch als sy auff zugen yeder von seinē hauf das er nitt mer dan ain tagraif getan het gen bethleem vnd waren doch. xiiij. tagraif gezogen. Do sy kamen gen iherusalem do was eben die zeit der sunnen auffgang. es ist nitt zweifel sy funden Mariā vnd jr kind in dem hol. Es sagē vil bůcher mengerlai sach darumb die hailigen drei künig als ver. kamen in als kurtzer zeit. davon wissent als sant gregorius schreibt. wār das es menschlich sinn möchten begreifen des gōttlichen wůrckens. so wār es nit ain wund das die auferwōlten lieben hailigē drei künig als in kurtzen tagen so ainen verien wege gezogen wārentt dan gott sind alle ding můglich zū thūn. wan do got in & alten ee den prophetē abacuck in ain augēblick fůrt von india bis gen Babilonia. zū danielē. & selb got was auch gewaltig do sich die neuē ee anfinge. das er die künig in. xiiij. tagen fůret von orient bis gen bethleem. Vnd als & prophet abacuck daniel brachte zū essen durch beschlosne tůr also in der neuē ee ward gott mensch

Das

von 8 junckfrawen maria on alles vermayligē. vñ nach seiner virstend gieng er auch zū sein jungern durch beschloßne tür. vñ wer die geschrifte recht ergründt 8 vindt alles das das got durch die propheten in der alten ee verhieß das erfüllt er alles do die neü ee anfieng mit den hailigen drei künigen. in ain augenplick wurden sy gefürt vō india gen iudea. als er thet dē prophetē abacuck aber er wolt den menschen sein gebürt erzai gē mitt grossen wunder vñ götlicher krafft das die menschē gezeugt nūß geben müßent durch 8 land sy giengen oð zügen die das sahē bey nacht vñ tag. ¶ Do nun die hailigē drey künig yeglicher vō sein land mit allē jrē volck kament bey zweien meyen zū 8 stat iherusalē do bedeckt sy ain grosser nebel vñ ain vinsternuß. also verloren sy den stern. als auch ysaias het gesprochen auff iherusalē vñ erleucht dich Do kame melchior 8 künig von nubia vñ arabia des ersten mitt allem seinē volck in dē nebel zū dē berg caluarie. auff dē cristus nach seiner geburt ward gemartert. also belib er in dem nebel. Darnach kam künig melchior mitt den sein auch dahyn von gotes gewalt in dem nebel do kam auch als bald balthasar der künig vō tharsis sein besondern weg yenhalt an den selben berge in ain elain dorff hieß galilea von dem selben dorff sagen die ewangelistē zū mal vil. es ist nit chana galilea. dan das selb ligt drey meil von iherusa-

clerxi

ulat

lem. Do melchior vñ balthasar in dē nebel kamē an die stat. do gieng der nebel sitlich auff aber den stern sahen sy nit. do kam der dritt künig von codolie mit seinē volck do was der nebel vñ die vinsternuß zū mal hin. vñ sahen ainander wol. vñ sahen auch iherusalē die stat. vñ also nach dem willen gotes kament die drey künig mitt allem irem volck zū samen vñ wie wol ainer den anderen nye gesehen het doch enpfien gē sy ainander zū mal schön vñ freuntlich mitt grossen freuden. vñ wie wol jr yetlicher ain besundre zungē vñ sprach het so gedachte sy doch das jr yet redet des andern sprach vñ verstünden auch ainander wol Nun sagt ye ainer dē andern warumb er auß kōmen wār do was es alles ain sache. des wurde sy zū mal fro. Vñ do sy schnell zūnehentē der stat das jr nyemant gewar ward vñ gen iherusalē kamen. do erschrack herodes zū mal ser. dan des volcks was souil das sy in der stat nit sein mochten vñ belibent außserhalb 8 stat. Do die künig sahent die stat wurden sy fro vñ vermaineten sy fünden da der juden künig. Als sy nun mit allē volck gen iherusalē kamen. do was herodes auch aldo 8 was von dē kaiser dar gesetzt zū ainem künig 8 juden. vñ er was fast alt. do fragte in die drey künig wo der judē künig wār 8 also kürzlich geboren wār worden wan wir haben sein stern gesehen in orient darumb seien wir kōmen vñ wōllen in

Von den hailigen

anbeten. do erschrick herodes vnd alle die seinen. vñ besant die fürsten 8 priester. vñ die schreiber. vñ fragt sy wo cristus solt geboren werden do sagte sy all zu Bethleē in der stat iuda. wañ also ist geschribē in dem weissagen. Do herodes das vernābat er die künig fleissigklich wider zukomen. vnd fragt sy wie lang es wār gewesen das sy den stern gesehen hetten. also sendet er sy gen betleem. vñ sprach zu in. nun farent hin vnd fragt fleissigklich nach dē kind vñ wen jr es vindet so embietet mir es widerūb. das ich auch kumb vnd in anbet. Do sy das vernūmen do füren sy von danen vnd do sy auß der stat kamen do erschien in der stern wider. des wundert sy vnd sy erfreuten sich. vnd gieng in vor nach dē als er sy dan her geweiſte biß gen betleē. daz ligt zwū klain meil vō ierusalē auff dē selben berg funden sy die hirten an 8 stat da in 8 engel erschien vñ kunt thet die geburt cristi in bethleē. Do die hirten den stern sahen. lieffent sy zu den künigen vñ sprachē. in sollichem schein ist vns erschiñen der engel vnd hat vns verkündet die geburt gottes. vñ sagten den künigen wie 8 engel mit in geredt het. vñ wie sy dz kind vnd die mütter gesehen hetten. das hörten die künig vñ jr volck zu mal gern. vñ wurde des ser erfreuet vñ merckte die wort mit fleiß. Es vermainten auch die künig. do die stim ward gehört auß dē stern das wār aber der engel der den hirten hette

Drei künigen

verkünd die geburt cristi. Man saget auch noch in orient daz die judē glaubten. als got die kind vō israhēl furt auß egipten land mit einer feürin seül. also hab er auch die künig gefurt mit dē stern von orient biß gen bethleē. Vnd als die künig retten mit den hirten. do gewan 8 stern ye grössere vñ ye grössere klarheit vñ schein. Fulgencius spricht. Die künig vnd die hirten sind zwū gezeiognuß die aine kumbt von den haiden die and von den juden. Do nun die künig vō den hirten schiden do gabē sy in grosse gab vñ klaideten sich do in jr künigkliche klaiden als in wol getzam. vñ als sy wolte kōmen zu dē künig 8 geboren was. vnd als sy nahent kamen zu bethleē do nam 8 stern an sein schein ye lenger vñ ye lenger zu. vñ kament gen bethleē vmb serzeit. vñ der stern leit sy biß in das hol da got mensch jñen worden was. do stünd der sterē still vñ in klainer weil tait er sich zwischen 8 maur vñ der fürschupffen die da wāren vor dē hol mit sollicher klarheit das daz hol vñ alles das darinn was ward erleuchtet. vñ der stern gieng wider auff das fürschupff. aber 8 schein belyb in dē hol. do giengen die hailigen drey künig hinein vñ brachten dē kind vnd maria jr opffer. Vnd auff den tag als die hayligen drey künig kament gen bethleē mitt jrē opffer do was vnser lieber herr jesus christus mit seiner menschait. xij. tag alt. vñ nach seinē alter ward er gelegt vñ

gebunden in schnöden tüchlin biß
 an die arm vñ lag in 8 krippen vor
 dē esel vñ vor dem ochsen in dē heu
 Es sagē auch erlich geschüfft. das
 maria die müter jesu wār an 8 per
 son ain tail weiß an dē leib vñ prun
 vnd was do die künig eingien gen
 beklaidet mit ainem armen weissen
 mantel den sy vorn mitt 8 glincken
 hand het beschlossen. der mantel be
 decket jr das haupt on das antlitz
 vnd saß auff der krippen. vnd hūb
 das haupt des kints ihesu auf mit
 der gerechten hand. Do nun die kün
 nig küß en die erdē. als noch gewon
 hait ist in dem selbigen land. do leg
 ten sy jr opffer mit grosser andacht
 8 junckfrawen auff jr schoß zū des
 kints hauptē. Es was künig mel
 chyor von arabia vñ nubia der cri
 sto das gold opfert der klainest vñ
 der den dreien an der person. vñnd
 balthasar der künig von codolie 8
 was nit zū groß noch zū klain. vnd
 Caspar der künig vñ tharsis was
 8 grōß vñnd in vñ w3 ain schwarz
 er mor. Es spricht auch ain prophet
 Vor jm werdent die moren biegen
 ire knye. vñnd sein veind werdent er
 schreckē. Auch ist zū wissen. das die
 hailigen drey künig auß jren landen
 hetten brachte vil kostlicher klainet
 zū opffern dem künig 8 da was ge
 bouit aber do sy sahent das kind je
 sum in der krippen ligendē als in so
 grosser armüt vñnd als in auch die
 hirtten hetē gesagt. vñ als auch vor
 gesagt ist. Do der stern mit seinem
 libertreffenliche schein sich also kler

liche tailt do was in gleich als ob
 sy stunden in ainem glüenden ofen.
 vñ sy kamen auch in ain grosse vor
 cht vñnd schrecken das sy vergassent
 alles des das sy in des kints eer het
 ten dar gebracht jm zū opffern. vñ
 do sy jr scherz auf thetē do mocht jr
 kainer mer geopffern dann das jm
 des erste in die hand kam. Do was
 künig Melchyor der erst dem kam
 in die hand. xxx. guldin pfening vñ
 ain klainer guldiner apffel. das opf
 ert er dem kinde Ihesu. Darnach
 opffert künig Balthasar. dem kam
 in sein hand weirach den opffert er
 dem kind ihesu. zūm letsten do kam
 künig Caspar vñ opffert miri Sy
 waren auch all diey so begierig vñ
 andechtig zū dem opffer vñnd auch
 als in grosser forcht das sy vñlleicht
 nit hetten verstanden das Maria
 die junckfraw zū yegliche künigs
 opffer sprach mitt genaitē haupt
 got gnad euch. Do nun die hailigē
 drey künig dem kind ihesu jr opffer
 gebracht hetten. vñnd alles das vol
 brachtē darumb sy auß kōmen wa
 ren. vñ stundan hūbē sy vñ jr volck
 auch jr vihe an vñnd begundē essen
 vñ trinckē nach der natur gewon
 hait. wan sy het got gefürt von ori
 ent biß gen bethleē on alles essen vñ
 trincken. vñnd auch on allen schlaff.
 vñnd sy beliben den tag zū bethleem
 vñnd pflagent da jrer ru nach not
 türfft jrer natur. vñ sagten do dem
 volck warūb sy dar kōmen wāren
 vñnd wie sy der stern den sy gesehen
 hettē also mitt grossem wund dar
 y iij

Von den hailigen

het geführt das die juden deſterbaß geſchent wurden. die wol weſten das criſtus zu bethleem geboren ſolt werden. vñ wolten doch nitt glauben das er geboren wär. vñ die hailden wurden deſterbaß in dem glauben geſterckt. ¶ Als die hailigē drey künig den tag zu bethleem beliben do erſchin in d engel im ſchlaff vñ ſagt in. das ſy nitt kōmen ſolten zu Herodes. als geſchriben ſtat im ewangelio. vñ fürē ain andern wege. do ſahē ſy den ſtern nitt mer. vñ müſten auch durch die land ziehen. mitt leuten die ſy den weg weiſten vñ müſten fürbaß eſſen vñ trinckē vñ ſchlaffen als andere menſchen. Als auch jr yegklicher ain beſunderen weg was kōmen auß ſeinē lande. alſo fürē ſy all drey haim vñ zugen durch vil frembde land vñ ſagten dem volck des ſelbē lands alles das ſy geſehen vñ gehört heten. do wurde ſy würdigklich von dē volck enpfangē. Es mochten auch die juden in dē ſelben land d hailigē drey künig durch jr diemüt nymmer vergeſſen. Auch gebraſt in wißzerung noch koſt weder in noch irem vihe biß das ſy kament zu dē berg vauſ. Aber als jr yegklicher kam vō ſeinē land in. xij. tagen biß gen bethleem daran müſten ſy zwai ganze jar ziehen ee das ſy kament zu dem berge vauſ. darüb das ſy vñ andere menſchen deſterbaß weſten dē groſſen vnderſchayd zwifchen den werckē der gothait vñ d menſchait. ¶ Do herodes hört das er alſo betrogen

drei künigen

was worden vō den künigen das ſy nitt zu im kament. nach dē als er mit in het geret. do zohe er in nach mit den alten d juden. vñ mit groſſem volck. aber wo er zohe do vername er von den juden ye lenger ye mer von gotes gewalt. Sy ſagte wie ſy von dē ſtern in. xij. tagen geführt wurde vō orient biß gen bethleē. vñ wie ſy an d widerſart haim zu lande müſten kōmen do ſy den ſtern verlor. des verwündert er ſich zu mal ſer von dē volck d land: das ſy hin vñ her zugen vñ vnderweiſet wurden. Auch woneten in den ſelben landen zu den zeyten vil judē in ſtōten vñ in dōffern do die hailigen drey künig durch zugendt die ſchriben es auch herodes vnd den alten der juden. vñ kament jr etlich zu im vnd ſagten im wie die ſelben drey künig in ſo kurzen zeitē kōmen wāren gen bethleem vnd von dem groſſen übertreffenden wund das da geſchahē. Do ſprachē die haildē die der geſchafft nit weſten das criſtus ſolt geboren werden das die hailigē drei künig zaubrer wārent darauß ſy die juden auch vaß weiſetē die wol weſten das criſtus geboren ſolt werde. das thetē ſy in groſſem neid vñ haß. das belib alſo biß das criſtus ward gemartert vnd von dem tod erſtünd. do kam es erſt in ain gewonhait. das man ſy nennet die hailigē drey künig on allen zweifel ſy ſind groſſ mechtig künige gewēſen wann ſōliches bezeugent jr aigne land vñ ind leut noch heut bey

tag, die da kōment vō orient gen jerusalem oder anderswo, wān sy wōlen würdiger sein dān ander cristen menschen. ¶ Das yederman den zweifel laß das die hailigē drey künig so wunderlich kament gen bethleem vñ auch wid haim, vñ grüntlich auß zūreüten auß den haiden jr vnweishait vñ bestetē cristenliche glaubē. do wolt der ewig gott der in sein wercken wunderlich gewesen ist, wolt da alles volcke wissen lassen die so grossen vnderchaide zwischē den götlichen Worten vnd den mensche, wān die hailigen drey künig vñ alles jr volck vnd jr vihe on alles essen vñ trincken vñ on alle jrung kament sy in. xiiij. tagen von orient biß gen bethleem mit dem stern vñnd kament kaum haim in zwaiien jaren. Aber d allmechtig gott wolt sein geburt also war machen, wān sein götlicher nam was vor nur allain den juden bekānt, den macht er da mit seiner geburt offen allen zungen von d sunen aufgang biß zum vndergang. ¶ Do nun die hailigē drey künig kamen zū dē berg vaus mit allē irem volck do hießent sy da mit grosser gezierd vnd reichthumb bauen ain capellen auff dē berg vaus in der eer der juden künig den sy gesücht vnd gefunden hetten mitt grosser arbeit, vñ vnden an dē berge was ain stat hieß sodella da beliben sy an jr rü nach irer grosser arbeit die sy hetten, vnd sy vermaintē auch nach jrē tode da zū begraben werden sy kamen auch hernach all

ein mit iren fürsten vñ herren in die stat, als sy nun dar kōmen waren, do kamen vonn allen landen jr fürsten vnd herren vñ auch jr volck zū in, vnd empfiengent sy mit grossen eren als wol billich was, vnd waren irer zūkunft fro, vñ do sy hörte das groß wunder das got mitt ir het gewürckt do hett sy das volck fürbaß in grosser forcht vñ in grossen eren. Vñ do sy jr sach mit ainander hetten auß gericht do für yeder mitt den seinen haim zū lande, vnd sagten got lob vnd eer vnd sagten yederman was sy gesehen vnd gehört hetten vnd ließen auch in allen iren landen vñ in allen iren tempelmalen ain kindlin mitt ain kreütze, nach dē vnd er in auch was erschinen, dauon ließen vil haiden die abgöterey das man sy nitt mer anbete vnd beteten das kindlin an als ain waren got d er auch was. ¶ Zū d capellen die gemacht vñ gebawen wurde auff dem berg vaus kamen teglich von verreinen landen kauffleüt vñ mengerlai volcks durch die genade des Kindes da hin, wān nach dem vñ die hailigen drey künig kament von bethleem, do wurden sy allen mensche zūmal lieb vñ irs reinen tugentlichen lebens willen, vñ ward in dē land orient ain solicher rüß das gar lang daruon zūsagen wār, vñ waren also in jrē loblichen leben biß nach dem tod cristi ¶ Als nun vnser heri jesus cristus würd gemartert vñ von dē tod erstünd, vñ zū hymel für do ward sant tho

Von den hailigen

man von dē götlichen willen gese-
det in das land india zū predigē cri-
stenlichen gelaubē. in dē selben land
waren die hailigē drey künig. Nun
kam sant Thoma mitt gern in india
aber von der götlichen fürsichtig-
keit ward er dahin gesendet. do be-
gund er dem volck predigen cristen-
lichen glauben. wie das cristus ge-
born wār. auch gemarteret vñ am
dritten tag erstanden vñ darnach
gen himel gefaren. das prediget er
in vil landen vñ inseln. vñ bekört
vil volcks. wān mit dē zaichen des
hailigen kreutz vertrib er die bösen
veind von vil menschen vñ macht
sy gesund von meniger lai sichte
vñ er kam in den tempel der haiden
do fand er gemalet ain stern vñ ain
kind darin mit ainm creutz als es die
hailigen drey künig hettē gehaisst
do sy wider kament von bethleem.
als sant Thoma von den priestern
ward vnderweist. als man dann
des sterns lang hett begert auff dē
berg vaus vñ also erschine do die
künig auff zugen. vñ funden das
vñ im opffereten. als jr vor habt
gehört. Do das sant thoma also
vernam do ward er erfreut vñ er-
füllt mit dē hailigen gaist. vñ predi-
get von dē marter vñ virstend. auch
von dē auffart vnser herren Ihesu
cristi. vñ wie er das auch mit hett
wollen glauben bis das er mit sei-
nen vngern die wunden selb griff
do ward vil volcks bekört vñ ver-
liessen die abgöter vñ glaubten an
iesum christu. Do nun sant thoma

Drei künigen

kam überal in die stöt vñ in die lan-
de vñ die menschen wurden bekört
do weihet er dē abgöter tempel got
zū lob vñ macht do bischoff vñ an-
der die da got dientē nach gewon-
hait dē cristenhait. Darnach kam er
in die land da die hailigen drey kü-
nig selb inn waren. die waren vor
alter vast frantz worden. vñ do er
zū in kame. do wurden sy von im
grüntlich vnderweist von iesu cri-
sto. dē sy das opffer gebracht heten
vñ er wār getöt. vñ wie er erstünd
vñ auch zū himel für. vñ sonder-
lichen sagt er in von dē tauff on die
nyemant behalten möcht werden.
do wurde sy von sant Thoma mit
allē jrē volck getaufft. vñ wurden
auch mit dem hailigē gayst erfüllt
also das sy mit sant thoma wurde
auff rüffen das wort gots. vñ sag-
ten allem volck darvon wie es in er-
gangen wār do sy das kind suchte
vñ auch funden. Also zuge die hay-
ligen drey künig mit sant thoma vñ
mit allē jrē volck das sich zū cristen-
lichem glauben bekört hett auff den
berg vaus. vñ weihet sant thoma
die capellen die sy vor darauß hett
gemacht in dē eer des kindlins iesu
cristi vñ der juncfrawen marie.
vñ sagten dē volck darvon als dē ste-
ren den hailigē dreien künigē erschi-
ne vñ darinn ain kindlin mit ainm
creutz. daz auch dē selb kind wār ihe-
sus cristus dē marter het gelitten
am hailigen creutz durch das erlö-
sen aller menschen. Do in sant tho-
ma das alles auß leget. do wurde

ain grosse freud vnd dem volck vñ von dē grossen wund daz sant thoma do thet. do kam ain solicher ruf in alle land das von verre landen zu dem berge vaus gar mangel lai volcks kame. also das cristenlicher glaub vast ward auß geprait vnd auch gemert. darub sy auch bauten kirchē got zu lob. Do nun sant thoma dz volck alles mit seiner predig vñ mit großē zaichē die gott durch in thet. bekort von jrē vnglauben do macht er die hailigen drey künig zu erzbischofen vñ die machten do and bischoff. vñ setzten abt vñ priester. vñ was da zu dē gotzdiensz gehoret vnd wo ain tempel was der abgoter den weihetē sy in dēre ihesu cristi vñ seiner lieben mütter marie. Auch vnd weist sy sant thoma. wie sy die mess halten solten. vñ gesegnet den leichnam vñsers herren ihesu cristi. vñnd sunderlich vonn der tauff wegen das sy der mit vergäßen mitt der wir behalten sollen werden. Vnd do er sy die ding vñder weist het. do nam er vñlaub. vñ zohe in ain insel darinn ward er gemartert. ¶ Des andern jars vor ee sy sturbent do besendeten sy all fürsten vnd herre von irent wegen auch bischoff vnd die priester vnd gemaingklich alles volck. vñ sprach en. sy wären komen in das alter daz sy nit mer möchten arbeiten. sy hetten kain kind. vnd jr kainer nye kain weyb noch zu weybern komen sey. Man list in orient. daz sy all drey behieltē jr keuschait bis an jr end. Do

nun alles volck zu samen kame. do stündē auff die hailigen drey künig vñ manten vñ baten dz volck alles gemaingklich. das sy steet vnd vest belibē an dē gelaubē den sy sant thoma gelert het. Auch sprachē sy. seyt wir sant Thoma nit mer haben so sollen wir mitt gemainē rat erwölē ainen der vñs leere an seiner statt. dē sollen wir all gehorsam sein vnd vñdertēnig in gaisstlichē sachen. Er soll auch in dēer sant thoma ewigklich haissen thomas patriarch vñ soll auch vor aller menigklich geert werden. Es sollen auch all fürsten vnd herren vnd alles volck in allen landen im den zehenden geben vnd vñdertänig sein. Also wurde sy gemaingklich überain dz sy ewigklich ain solichen weisen man nemen solten. Do namen sy ain d hieß jacob der was bischoff zu anthiochia der was ain frumb man. dann er kam mit sant Thoma in das land. Sy sind noch heüt in jrē lande in judia jrē patriarchē vñdertänig als wir dē bapst sind. als vor geschriben ist. ¶ Do die hailigen drey künig kain kind hetten. do wurden sy des mit allem volck überain. das sy da solten erwölen ain frumen man vñ ainen wolgebomen d da heri solt sein in allen iren landen. also ward thomas patriarch in gaisstlichen sache vnd priester johann in weltlichen. noch heütt bey tage ist es erkennen in aller welte vnd sind im da vñdertänig als wir hie dē kaiser. Do nun die hailigē drey künig dis alles

Von den hailigen

ausgericht hetē. vñ auch iren freün-
den die auch geboren warē von ire
künigkliche stamē vil land vñ in-
sel geben. die selbē solten allweg ge-
haissen werden die fürsten von dē
berge vauis. Es ist auch noch heüt
dasselb geschlecht dz edelst vñ mecht-
tigste in dē land in dia in orient. vñ
dem samen warent zwen mächtig
fürstē vñ herren an des bapst hof
als man zalt von cristi geburt. M.
ccc. vñ. l. jar. ¶ Do nun die hailigē
drey künig nach dem willen gottes
alle ding hetten volbracht. do zugē
sy zū der stat sodella vñ vermaintē
da zū bleiben bis an jr end vñ lebte
denocht zwai jar. do erschien in ain
flaines liecht an dem hailigē tag zū
weinnächten ob der stat ain reuer
oder selzamer steren. do verstündē
sy darbey das die zeytt komen was
das sy schaiden soltē auß diser welt
vñ sagten dem volck wie in got d
herz gerüfft hette. Also liessen sy in
machen in der stat sodella ain grab
in der kirchen die sy selber hetten las-
sen bauen darin sy nach künigklich
er würdigkait solten begrabē wer-
den. vñ an dem selben weinnacht
tag do begundē sy dz zehent ampte
mit irer priesterschafft begeen. Dar-
nach am achten tag als künig mel-
chior das götlich ampt d meß hett
volbracht. do naiget er sein haubte
vor allem volcke vñ gab auß sein
gaist on allen schmerzē. Er hat ge-
lebt. c. vñ. xvj. jar. vñnd legten im
die andern zwen künig an die klaid
als ain bischoff haben soll. vñ trū

Drei künigen

gent in mit fürsten vñ herren vñ
vor allem volck zū dem grab vñ be-
gruben in als er wol würdig was
mit grossen eren. Darnach am ob-
ersten tag als künig balthasar von
codolie vñ saba volbracht dz ampt
der meß. do naigt er sein haubt vñ
starb auch on allen schmerzen. vñ
was. c. vñ. xj. iar alt. Von stunde
trüg in der ander künig auch wür-
diglichen zū dem grab. Am sechsten
tag darnach do d künig caspar vñ
tharsis gar miltigklich das ampte
volbracht do opffert er sein gayste
mit genaigtem haubt on alles wee
auf vor allem volck. Züstund trüg
en in die fürsten vñ herre gar wür-
diglichen zū dem grabe. Er was
c. vñ. viij. jar alt. von stundan ruck-
ten die leichnam der zwai künig
von ainander also legt man den künig
Caspar zwischen sy baid. Vñ
als sy ainander hie lieb hetē gehabt
do sy lebten. Also wolten sy auch
tode nit von ainand schaiden. Vñ
der vngewonlich stern der vor ire
tod erschine der belibe ob der statt
Sodella bis auff die zeytt das die
hailigē drey künig kament gen Kö-
len. Also vindet man geschriben in
india. ¶ Als got mit den hayligen
dreyen künigen vil wonders thett.
in irem leben also thet er auch nach
irem tod. Vñ wer sy antüfft ver-
oder naheht auß dem wasser oder
auß dem lande. oder mit wölicher
lai siechtagen ain mensch begriff-
en wirt dem hilft got genädigklich
darnon durch dafs verdienen der

hailigē drey künig also ward zū jrē grab von verre landē ain grosser zulauff von mengerlay volcks. Es ward auch vō den zaichen die gott thet durch die hailigē drey künig cristenlicher glaub gemert. Darnach über vil zeyt als cristenlicher glaub in orient vast prait vñ groß ward do kam d böß gaist vnd seet sein samen darund mit mengerlay ketzerey. darüb wurden d hailigē drey künig leichnam in kainen eren gehalten. wā in die land da wurden die glauben getailt vñ wurdē die land an ainander heffig als bald schied sich das flaisch d hailigē drey künig leichnam von irē gebain dan sy biß auf die zeit lagen recht als sy schliefen. do nun die böß ketzerey als krefftiglich in die land kam. vñ cristenlicher glaub abnam vñnd sich das volck ward ziehē von d gehorsam des patriarchē thomas vñ priester johan. vnd do sy es mit nichten ziehen mochten von dē vñ glauben do namen sy jr abgötter wider herfür vud wurd die statt sodella vñ die da warē von dē land d hailigen drey künig ainand tödtlich v einde. vñ ain yetlichs volck nam den leichnam seins künigs wider vñ fürten sy haim in jr lande. also belibent sy vil zeit von ainand. do es got aber geniel do thet er in kain gnade vnd richtet auff cristen glauben. ¶ Zū der zeyt herrschet constantinus im römischē reich den da bekört zū cristenlichem glauben der hailig bapst silvester. vñ macht in auch gesund

von der auffezigkait bey sein zeitē do schickt er sein mütter Helena gen iherusalē die solt da sūchen das hailig kreuz. vñ do sy das vand nach dem willen gotes do hūb sy an vñ bauet ain mächtige grosse kirchē in der eer jesu christi. vñ beschloß das hailig grab. vnd den berg caluarie darauff Cristus ward gemartert. vnd auch die stat da cristus marie magdalene erschiñ. Darnach zohe sy an alle die stet da cristus in seiner mēschait hett gewandelt vñ macht erzbischof vnd äbt. vnd ander die den gots dienst solten volbringen. vnd gab den groß gütt damit sy jē notturfft wol gehalten mochten. Darnach kam sy gen Bethleem zū dem hol da cristus mensch inn geboren ward. dz heten die judē durch grossen neyd vñ haß gemacht den menschē so widerzem das von der zeyte als gott wolt als er geboren warde nye kain mensch noch vihe da hinein kam. wā wer hinein gegangen wār der wār gewesen im bann der judē. Do nun helena hyn ein kam do vand sy das hembd marie vñ etliche tūchlin darein ihesus eingebunden was worden frische vñ schön in der trippen ligen. auch des heuß das des mals lage vor dē esel vud ochsen als des maria vergessen hette. do sy müßt fliehen vor vorchte der juden. das nam helena alles vñnd schickt es würdiglichen gen constantinopel in das münster sophie. da blib es alles biß auff die zeit des grossen kaiser karls der jeru

Von den hailigen

salē mit zacharia vñ mit iren patriarchen. vñ and stet die 8 kaiser auß dem gewalt 8 haiden bracht. Vnd als er zohe durch cōstantinopel do bat er vmb das hembd marie. vnd vmb die tūchlin da Cristus ward eingebunden vñ vñ das heü. das ward jm alles gegeben. also fñrt er es in unser frauen münster. das er selb gebaut het da es noch heüt ist. mit grossen eren. Aber das hol da got jñn geboren ward. vñ auch die hayligen drey künig jr opffer brachten dē kind ihesu. do macht die künigin ain schöne kirchen mit grossem reichthumb geziert. vñ neben dē for zū der linckē hand geet man in das hinab da got jñn geboren ward. dar inn ist ain altar. bey dē ist die krippe da ihesus ein gelegt ward. vnd ist bey vier schūhen lang die sicht man noch heüt des tags. vñ habē sy yetz die barfüsser jnn. Als nun sant Helena die kirchē volbracht mit grossen dingē nach dē willen gottes do gedacht sy jnnigklichen nach 8 hailigen dreier künig leichnā wie sy die möcht in iren gewalt bringen. vnd zohe mit grossem volck in die land india. die zū den zeiten 8 rōmer waren. vñ zerstört da 8 abgōter tēpel all zūmal vñ macht darauf got zū lob vñ ere kirchen vnd klōster. vnd bracht da den cristen glauben wiß der lange zeit was vñd gangen. vñ do die cristen das in dē land hörten das die haylig helena so vast darzū tet das 8 cristēlich glaub widerüb kām. vñ wie vil wonders got mitt

Drei künigen

jr het gewürckt do sy fand das hailig kreüz. vñ die hailigē drey negel vnd das hembd marie des wurde sy erfreuet. vnd auch dester stercker an dē glauben. des erschrackent die juden vñ die haiden auch die kēzer gar ser. do begund sant helena gar ser sūchē nach den hailigē drey künigen. Vnd do sant helena hōret das got der heri so grosse wund het getan mit den hailigē drey künigen lebendig vñ tod. do ward sy aber begiriger zū den hailigen. also erfüllet gott iren willen. als er noch allzeyt thūt den die in in 8 warhait anrūffen. also halff got sant Helena das sy fand das hailig kreüz. vnd halff jr auch das sy fand die hailigē drey künig. wān es got also ordnet. Vñ also 8 patriarche thoma vñ priester johann gaben die leichnā. dē künig melchior vñ balthasar der künigin helena. darüb das die gotes krafft vnd auch der glaub dester baß gemert würd. Also hort man in allen landen das grof wunder das got mit sant Helena würckt. Darnach do nam sy auch den leichnā des künigs 8 da hieß caspar den hettē die bösen kēzer die da haissen nestorini die wolten jr den vor grossem neyde nit geben. vñ sy füreten in in ain insel die was zū mal gar starck vñ vest. vnd hieß egrosilla. von der insel ward er anch genommen. vnd sy verborgen in gar an ain haimliche stat. nitt darüb das sy in eren wolten. aber sunder mer durch haß vñ neydes willen. Als nun sant helena

het die leichnā der zwaier künig do
wolt sy nit daz sy gesündert wāren
vñ sendet jr erbere botschaft zū dē
mächtigisten nestorin in die jnnfeln
mit dem schuff sy mit bett vnd sun-
der mit gabē der sy als vil gab biß
jr der durt künig auch ward. doch
müß sy darumb geben den hayligē
leichnā sant Thome. Auch was es
ain gemaine red das er solt genomē
vñ gefürt werden zū den hayligen
drei künigen an dem rein gen kōlen.
Man saget hie zū lande vil zaichen
von san thoma daruō man in ori-
ent nit waist zū sagē man sagt auch
das in der statt da sant thoma ligt
da müg kain kēzer über jar beleiben
noch kain jud. daz ist nit. dān er ligt
vnder den bösten kēzern die in der
welt sind. Die hailig helena hat las-
sen bauen. ccc. vnd. lxxv. kirchen. yē
halb des mōres an allen den stetten
da got der herz was gewesen. vnd
da auch grosse wundt seind gesche-
hen. Vnd do sy het die hailigen drei
leichnā do sendet sy die in die mäch-
tigesten statt Constantinopel die jr
sun der kaiser constantinus het ge-
bauē. vñ ist ain haubtstat in krieche
land. Do wurden die hailigē leich-
nam vnd ander hailtumb mit gros-
sen eren empfangen. als billich was
vnd wurde gelegt in die kirchen zū
sant sophia. Man soll auch wissen.
das die kirchen so weit vñnd groß
ist vnd so mit grosser gezierde ge-
macht als jr kaum aine in der welt
ist. Do nun d kaiser Canstantinus
vnd Helena von diser welt schiden

do erhüb sich zūmal grosse veinde-
schaft. vñnd man thet der cristen-
hait groß laid an. also das vil men-
schen wurden ertōdt vmb cristen-
lichs gelaubens willen. das wāret
gar lange zeit ee das daz leiden der
marter ain ende nam. Darnach ka-
me ain ander leiden. vnd ain andere
durchäch tung der cristenhait. das
was mit kēzerey vnd mit vngelau-
ben. Man list auch das dasselb ley-
nen den cristen herter sey gewesen.
dān die marter. vñ in dē leyden do
schidē sich die krieche vō ettlichen
articfeln des gelaubens. vñ von d
rōmischē kirchen. vñ machten auch
ain patriarchen dē sind sy noch vn-
dertānig als wir hie seien dē bapst
vñ in dē leiden blyben d hailigē drei
künig leichnā on alle eer daz man jr
nit acht. darūb gab got die krieche
vñnd die armenier in die handt der
haiden. die verwüsteten die land se-
re biß an die zeyt das d künig mau-
ricius kam d gewan es wiß mit dē
vō mailand. ¶ Man list auch das
d kaiser von krieche emanuel schickt
zū dē künig maurici ain gaystlichen
weisen man der hieß costridis. der
was dem kaiser so haimlich das er
jn zū bischof macht zū mailand. do
der kaiser von rom dē kaiser vō krie-
chen die land wiß ab gewan do be-
gert er von dē rat des bischoffs die
leichnam d hailigen drey künig. die
wurden jm all drey gegeben. wān
man jr da zūmal nit acht. Also fā-
ret sy der selb bischoff gen mailand
vñnd leget sy also in ain besunderē

Von den hailigen

kirchen die ist 8 prediger. do tet got vil zaichē durch die hailigen drei künig. ¶ Do man zalt von cristi geburt. M.c.vñ jm. lxxij. jar do setzet sich mailand wider kaiser fridrich. der des ersten dahin zohē mit grossem volck vñ gwalt für die stat vñ vermaint sy gar vñ gentslich zū zerstören. vnd belegeret sy an allen enden. also das in nitt mocht speiß zū geē nach irer nottursft. do halfte dem kaiser ain bischoff vō kōlen der hieß reynaldus. vnd vil ander fürsten vnd herren. er besetzet die statt so lang bis das er sy mit gwalt bezwang. nun was in 8 stat ain mechtiger herr hieß Azō vom thurn. dem was 8 kaiser in sunderhayt veynde. in des hauf kam 8 bischoff vō Kōlen. also gieng herr azō haymlich zū dē bischoff. vñ bat in vmb des kaysers hulde. so wolt er im geben die hailigen drey künig. vnd vil ander hailtū. das wefst nyemant wo es lāge dan er vnd die dreimächtigen. also gieng 8 bischoff zū dē kaysers vnd erwarb herr Azō die hulde des kaysers vñ bat den kaiser ob im herr azō brächt haimlich vñ in weiset an die stat da die hailigē drei künig legen. ob er im die wolt geben das er sy gen kōlen füret. das erlaubet im 8 kaiser. also schickt 8 bischof das hayltū gen kōlen. do ward es mit grossen wirtē empfangen. vñ ward gelegt in sant peters minster dahin komet noch heutz tags vil fürsten vñ herren auch sunst vil volkes. Vñ als man sy zū dē tor hinein

Drei künigen

fürt do was ain klains kind da daz was nur. xxx. tag alt das redet als bald. vñ sprach zū dem tor da man sy hat eingefürt. da wirt man sy widerüb auffüren. diser red erschrockē sy gar ser. vnd vermainten es wär gotes will nit. vñ wolten es yefür kōmen vñ vermainten das tor. also steet es noch. ¶ Es was ain künig in engeland der het die hailigē drei künig gar lieb. vnd begieng alle jar ir hochzeit gar loblich. vnd gab vil almüsen an irē tag. vnd ains mals het er grof güt verkrieget vnd solt vil gelten. vnd do der hailigen drei künig hochzeit kam do sprach er zū seinem kamerer. wo nemē wir gelt das wir almüsen geben ich hab gerechnet. das wir das jare wol. lxx. marck goldes habē müssen. do sprach der kamerer. wir haben kain gelt so haben wir als vil entlehent das vns nyemant mer leyhen will. also ward der künig gar laidig. vñ het die hailigen drey künig also gern geert vñ rüffet sy an mitt grösser ernst vnd die weile er also betet. do sahe er das sich ain sterren von den wolcken herab lies auß sein capellē mitten durch das tath. vnd gieng in der capellen nider durch die erden. in der sellben capellen hörēt der künig gewonlichen messe. vnd begieng auch der hailigen drei künig hochzeyt darinn. Also nam den künig grof wunder. was das bedētet daz der stern in die kirchen was gegangen. vnd het ain hoffnūg zū den hayligen drey künigen. vñ hieß

in die erdē graben da der stern hyn
ein was gegangen. vñ do man ain
 Elaine weil gegrabē het. do kament
sy auff ainen grossen stain. darnach
grübēt sy aber tieffer vnder sich ein
do funden sy zū male ainen grossen
schatz von gūt. vnd wißt nyemant
wie das gūt wār darcomen. Do
ward 8 künig ser fro vnd gab das
almusen gar reilichē widerūb auß.
armen menschen. vnd dancket got
dem allmechtigen vñ den hayligen
drei künigen der genaden vnd hett
sy fürbaß lieber dan vor. vñ bezalet
alle die den er solt geltē. Nun helffen
vns die lieben auferwölten hayli-
gen drey künig auch vmb gott er-
werbē daz wir hie in diser zeyt men-
schen werden nach seinem lob vnd
das wir auch komen zū den ewigē
freüden Amen.

¶ Von sant Erhart.



¶ Sant Erhart ist geboren von
schottenland von 8 stat Narbona
vñ was von kindhait auff vol ge-
naden des hailigē gaists. Vñ was
auß der massen gern bey denen die
die hailigē geschuift lernten vñ sch-
riben. vñ etwas von neuen dingen
machten. sunderlich von leiplicher
begird. vnd machet auch da seinen
leib seiner sele vndertänig. mit betē
vasten. wachen. vnd mit vil ander
festigung die er seinē leib thet. vnd
nam auff an tugendē vñ an ander
selikait vñ ward ain sāliger priester
vnd lebt so seligklichē in der priester
schafft daz man in zū bischof macht
Nun het sant Erhart ainen brüder
der was bischoff zū trier der lebet
so hailigklich daz sein güter leumt.
vñ sein gūt wort liberal in dē land
erhal. Do kam er auch zū seinē brüder
in das land das da haist Desagia
do ward er gar fro vnd empfieng
in auß 8 massen freüntlich. vñ hūb
in dē selbē land an zū bawen. vnd
sy bawetē vierzehen klöster. vñ yeg-
klicher bawet sibne. daz thetē sy mit
bapst leo vrlaub vñ mit seinē gunst
wan sy waren gar vñ edlem gesch-
lecht. vnd vermochtē sich gar wol
mit der hilff gottes. darnach nam
sant Erhart vrlaub von seinē brü-
der. vñ für ab gen bairen land vnd
prediget das gots wort cristi. vnd
weist die mensche gar süßigklichē
wie sy leben soltē nach dē willē got-
tes. ¶ Zū den zeyten do regieret zū
francreich Pipirus des mechtige
künigs Carolus vater. vñ vnder dē

Uon sant

zwayen herre was solicher frid daz die mensche mit gutem hertzen got wol gedienen mochten. daz erhal in de ganze franckenlande. Vn do es so weyt erhal das die zwen herre so guten frid machte vil mer erhal daz hailig leben sant Erharts. vn man soll es auch nit verhehlen. sunder offnen der hailige cristenhait das der allmechtig got selber geoffnet hat.

E Zu den selbigē zeyten was dem hertzogē Ethyromo ain blinde tochter geborn do er des jnen ward do schemet er sich sere. vn hieß die tochter tödten. do was der frauē laid vn bat den herre das er dz kind nitt tödten wär. vnd es haimlichen ließ ziehen. dz thet er. Darnach thet got dem hertzogē vn der frauen kundt das sy der tochter darüb nit veind solten sein das sy blind geborn wär wen es solt der allmechtig got dar von gelobt vn geert werden. Darnach bald was d̄ bischoff sant Erhart in bairen. ward im von gott kunt getan dz er an dē rein solt kōmē in dz kloster palna. vn solt des hertzogē tochter gesunt mache die zug man in dē kloster. do kam er zūhand dar do bracht man im daz kind. vn do er es ansahē do hūb er sein hend vn augen auff vnd dancket got seiner gnadē vn sprach. O du war es liecht Jesus cristus d̄ ain erleuchter ist aller gütten mensche hertze. Ich bit dich das du dein götliche gnad mit deiner dienerin thüest. vn erleuchtest sy an sel vn leib. Vn do er die wort sprach. do tauffet er das kind

erhart

vn hieß sy Otilia. zehandt nach der tauff do ward sy gesehent. Do das jr vater d̄ hertzog sahe vn jr müter do wurden sy gar fro vn danckten got seiner genaden. Nach dē als die lieb juncfraw sant Otilia getauft ward. vn gesehent was wordē. do sprach sant Erhart zū jr. sy solt sich wolgehabē vn tröstet sy mit seiner hailigē leer. vn küßet daz kind vn lobet got mit grosser andacht. vnd dancket im d̄ gnaden vnd des zeichens dz er durch in getan het. vn für da wider haim vn ward darnach siech vn bat got das er in vō diser welt nām vn in erlediget von dem kercker seines leibs. vnd erkenet das er ain ellend pilgerin wär gewesen des hymelischen vater landes. vnd hieß sich auff die erden legen. vn er seuffzet oft. vn hūb sein hend vnd augen auf zū got vn starb da selig kliche. vnd für sein sel zū den ewigen freudē.

E Zu den zeiten sant wolffgangs do was ain hailige klosterfraw die hieß künigund. vnd was sant Ulrichs schwester tochter. die sahe ains mals dz tuch darein sant Erhart gemacht. wurde auff seinē grab ligen recht als ob es zorniglich sprach. Warumb laßt jr mich in dem grab ligen. vnd legt mich nit an ain würdige stat. Nun hat mich alles hymelisch hōr in jr gesellschaft genomen vn erbietent mir alle freude vn eer. so laßt jr mich an ainer schmehen stat ligen. Vn man daz tuch ye vester mit d̄ erden bedeck t. als es da ye vester über sich auff wuchse

wan die mensche die des gozhaus
pflagē die woltē wenen es wār ay
nes andern menschen tūch. vñ wār
alt vnd nit tieff genūg eingegrabē
wordē Nun stūnd ain hūlgins kreū
ze bey sant Erharts grab. das sel
big kreūz ward wainen. vñ naget
zū seinē grab von 8 rechtē seiten biß
zū 8 glincken seyten. Vñ ainsmals
do solten die diener das gozhaus
keren. do sahē sy dz tūch vñ zugent
es vntugentlich herauf. do sprachē
der hailig gais̃t 8 vorgeantē juncē
frawen aine. die hūter habent ūbel
getan das sy daz tūch so vnerlichen
gezogē haben das grab ist des hai
ligen wirdigen bischoffs sant Er
harts. 8 ist vor got dē almechtigen
in grosser freūd vñ wirdigkait. vñ
ist ain offenbarung gewesen seiner
hailigkait. wan sant Erhart ist ain
sōliches liecht der cristenheit gewe
sen das es vnzimliche ist daz er also
verborgē solt ligen. man solt in erhe
ben. vñ man soll in an ain wirdige
stat legen. darūb das in die menschen
wissen zū loben vñ eren vñ irer
selen haile. Darnach do warde der
selbigē juncēfrawē kund getan daz
sy dz zaichen solt offenbarē den men
schen. vñ solt ordnen dz sant Erhart
an ain wirdige stat solt gelegt wer
den. das thet die juncēfraw. vnd sa
get es dem bischoff. vñ also warde
sant Erhart erhabē. vñ ward an ain
wirdige stat gelegt. dz er dan wol
wirdig waz. wan er het es manig
feltiglichen vmb gott verdienet.

¶ Aines mals was ain fraw. die

het ain dūre handt die kam zū sant
erharts grab vñ bat in mit grossem
ernst das er ir vñ got erwurde das
sy an der hand gesundt wurd. Do
ward ir die hand als bald gesundt
vñ thet als ainē grossen schnaltz dz
alles das erschrack dz in dē münster
was. vnd frageten was das wār
do sagt in die fraw das zaichē das
sant Erhart an ir gethan het. vnd
sy was fro vñ dancket got vñ dem
hailigē der genadē. ¶ Zū den zeyt
ten was ain frawe an allen vieren
krūm vnd lam. vñ was ainem mōr
wunder gleich. der seben fra wen
halbtail leibs ward zū prag gesunt
bey dē hailigen martirer sant Wen
gel. vñ der ander halbtail irs leibs
ward zū Regenspurg gesundt bey
sant Erharts grab. des veriahe sy
offenliche. vñ zaigt in dē selbenthal
tail 8 zū sant Erhart gesund ward
vñ dancket got dē allmechtigen vñ
dem hailigen 8 genaden. ¶ Zū den
zeitē het ain man ain pferd gestolen
daz mocht nit verschwigē beleiben
der kam zū sant Erharts grab vñ
opfferet im ain pfening vnd bat in
mit grossem ernst dz er im hulff dz
er nit vermeldet wurd. Vnd do er
aus 8 kirchen gieng do trūg er den
pfening wider in 8 hand den er dē
hailigē geopffert het. do er dz sahe
do erschrack er gar ser. vñ gieng an
derwaid hin vñ opfferet den pfen
ning aber auf sant Erharts grabe
vñ wolt aber aus 8 kirchē geen. do
fand er den pfening aber in 8 hand
ligen. vnd wundert sich ser vnd ge

Von sant pauls

dacht im Ich verfihe mich velleich
re wenn ich auß der kirchen gee. so
sind meine veind hie vnnnd wollen
mich vaben. vnd mit dem gedanck
gieng er auß d kirchen. zehandt do
waren seine veind da vnd viengen
in. do verstünd er wol das sein opf
fer sant erhart nit genām was dar
uinn daz die sünd nit haimlich mo
cht beleibē. ¶ Ains mals do was
ein frau mit dē bösen gaist behaft
die bracht mā zū sant erharts grab
vñ rüffetē in mit grossen ernst an
vñ baten in dzer in vñ got erwur
be das sy erlediget wurd: do erhō
ret sy sant Erhart vnnnd die frau
ward ledig vnd loß vō dem bösen
gaist. do ward sy fro vnd dancket
got dē herren vnd sant erhart d ge
nadē. ¶ Ain man was in sant Er
harts münster der pflage des gotz
hauf: d viel ains mals auff d kirchē
wol zwai er gaden hoch. do behüt
in gott durch seines dieners willen
sant Erharts dz im nichts gescha
he. darüb sollē wir got den allmech
tigen loben das er als vil wunder
vnd zaichen thūt durch seinē diener
sant Erhart. Er ist zermal vil vnd
offt des tēpels diener erschinen bey
seinē grab. vnd sy sahend offt brin
nent kertzen darbey brünnen. vñ sahen
in auch offt in bischoflicher ordnū
ge dz er got lobet vñ eert. Nun bittē
wir sant Erhart das er vns auch
vñ got erwerb nach disem zer geg
lichen leben das ewig leben Amen

¶ Von sant Pauls dem
ersten Ainsidel.

dem ersten ainsidel



¶ Sant pauls d erst ainsidel was
ain christ vnd het got lieb vñ dienet
im mit fleiß tag vñ nacht. mit beten
v fasten. wachen vñ mit ander güt
ter übung. Zū den zeitē hett Decius
d kaiser das reich jñen der selb kay
ser het zwen namē. er hieß auch Ga
lienus d ächt die cristen seer. vnnnd
vieng sy vñ marteret vñ tōdt sy
wo er sy an kam. das was do man
zalt nach cristi gepurt zwaihūdert
vñ in dē sechfundfünffzigsten jar.
Des selben mals vieng man zwen
cristen. dē ain bestrich man mit hō
nig an allem seinem leib. vñ legt in
an die suñen do kament die mucken
vnd die wūrm die marterten yn jā
merlichē. den andern leget man an
ain waichs beth da was süßer lust
da runnen die bäch. da klungen die
prūnen. da sungen die vōgel. da wz
güter geschmack von blumen. vnd
was vil lustes da. vñ er ward fast

gebunden daz er weder hend noch
füß gerüret mocht. vñ ward many-
gerlay blümē auf in gestreut. Man
thet auch zū dē jüngling ain freulin
das was gar schön vnd vnnersche-
met das griff im an alle scham. vnd
handelt mit im wie es lust do was
er vol görllicher liebe. Vñ do er des
flaisches bewegung empfieng das
was im laid. vnd do er sich nit ge-
weren mocht do bisse er mit den ze-
nen in sein zungē das das blüt dar-
nach gieng. vnd spürtzet dē freulin
vnder seine augen vñ vertrib mitt
dē schmerzē die beköruung. vñ erar-
net den sig des lobs von 8 pein die
man den zwaien anlegt. vñ vō der
andern pyn die er den cristen mēsch
en sahe anlegen. do erschracke sant
Pauls gar ser. vñ gab die flucht in
ainē grossen walde da wonet er in
ainem hohen stain. lx. jar dz in kam
mēsch nye wist. Nun was anthoni-
us 8 münich auch in dē selbē wald
ain ainsidel. dē ward in dem schlaff
kund getan das ain and ainsidel in
dē wald wār 8 wār vil besser dan
er. Do gieng er auß vñ sūcht in ü-
beral in 8 wildnuß. do kam im von
stund ain man auff ain pferde. der
zaigt im den rechtē weg. Darnach
kam im ain ander man 8 trüg pal-
men frucht. 8 het obnē ains mensch-
en bild. vñ vndē ainer gaif gestalt
do beschwūr er in bey got dz er im
sagt wer er wār. Do sprach er. ich
haif Satirus 8 wild. der da wald
vñ holz ergeet nach 8 jrsal der vn-
gelaubē. Darnach kam ain wolff 8

laitet in für sant Pauls zellen. Do
wist sant Pauls wol im gaist das
sant Anthonius da was. vñ riglet
die thür vast zū. do bat in sant An-
thonius durch got das er in hinein
ließ vñ sprach Ich will nymer von
der thür komen du thuest mir dan
auff. ich wolt ee da sterben. do thet
im sant Pauls auff. do vielen sy ze-
hand baid frölichen vmb ainander
Vnd do es nun essens zeit was. do
kam ain rapp. vñ bracht sant pauls
ain brot. dz was zwir als groß als
ains ander tag. Do sprach er zū
sant Anthoni. mir sendt got all tag
ain brot vnd hat mir heit zwir als
ain groß gesendet durch meins ga-
stes willē. das nam sant Anthoni
wunder vñ lobet got darüb. Dar-
nach kriegte sy gar süßigkliche mitt
ainander wer dz brot tailen sölt. vñ
wer des würdig wār. Do eert sant
Pauls den gast. do eert sant antho-
nius den altherren. Darnach lege-
ten sy jr hend baid an daz brot vnd
tailetē es gleich von ainander. vnd
assen mit freudē vnd redten innig-
lich vō got dē herren Vnd do sant
anthonius geessen het. do gieng er
wid haim. Vñ do er nahent bey sei-
ner zellen was. do sahe er dz die en-
gel sant Pauls sele füretē. do gieng
er als bald wider zū sant pauls. do
sahe er seinē leichnā auff gericht vñ
knyet als ob er betet. do wolt er we-
nen er lebt noch. Vñ do er sahe das
er tod was. do sprach er O du haili-
ge seel was du lebendig getan hast
dz erzagst du in deinē tod. do het in

Von sant

sant Anthonius geren begrabē do
besser nichts damit er in begraben
möcht. Do kament zwen leoen vñ
machte ain grübē. do begrüb er yn.
vñ die leoen giengē wiß in dz holz
Do nam sant antonius sant pauls
rock & was mit palmē gezeünet. dē
leget er an zū hochzeitlichen tagen.
Sant jeronimus der hochwürdig
lerer hat sant Pauls leeren schreibē
mitt grossen fleiß. das vindest du
volkōmenliche in 8 altuāter bücher
geschribē. Nun helff vns sant Pau
lus & hailig ainsidel durch sein hai
ligkait auch vñ gott erwerben die
ewigen freud vñ sälligkait Amen.

¶ Von sant Machario.



¶ Sant Macharius was ain cri
ste vñ het got den herren lieb vñ
verschmeht die welt mit ainander
vñ auch alles zergenclich güt. vñ
ward ain münich vñ dienet gote

Machario

tag vñ nacht. mit beten. vasten. wa
chen. vñ lebet gar hailiglichen. vñ
man macht in zū ainē abbt. do pfla
ge er des amptes mit grossen fleiß
vñ dienet gott aber fleissiglicher
dan vor. vñ der böß gaist thet im
vil zū laid. ¶ Ains mals do gieng
er in ain grebnuß da lagē vil haide
begraben. da leget er sich schlaffen
vñ nam ainē todten vñ leget in vn
der sein haubt als ainen bolster Do
kament die bösen veind vñ wolten
in erschrecken. vñ schrien vñ sprach
en. Stee auff vñ gee mitt vns zū
dem bad. vñ ain ander böser veind
vnder im schry recht als ob er auß
dē todten redet vñ sprach. Ich hab
ainē pilgerin auff mir vñ mag nit
komen. do forcht sich sant Macha
rius nicht. vñ stieß den todten vñ
sprach. Stee auff ob du magst. do
dz die bösen veind horten. do fluhñ
sy vñ sprachē. du hast vns überwū
den. ¶ Ains mals gieng er zū sei
ner zell do kam & böß veind vñ wol
te in erschlagē haben mit ainer segē
dz kund er nit tūn vñ sprach zū sant
Machario. du thūst mir vil gewal
tes vñ mag dich nitt überwinden
vñ was du thūst das thū ich auch
du vastest so ysse ich nymer nichts.
wachest. so schlaf ich nymer. vñ ist
nur ain ding damitt du mich über
windest. Do sprach er. was ist das
do sprach & veind dz ist diemütigait
damit vermag ich mich nicht. also
verschwād er. wen sant machariū
die bekörūg so sere ansachtē vñ be
schwärtē so nam er ain grossen sack

vol sands auf seine rugken vñ gien
ge in d wüste vñ. Vnd aines mals
do sahe er ainen der hieß Eusebius
der sprach Vater warüb tregst du
als ain grosse purd. do sprach er. ich
müe den d mich müet. Aines mals
do sahe er den bösen veind geen. in
menschlicher gestalt vnd het ain ge
wand an das was zerissen vñnd
durch alle löcher giengē ampeln. do
sprach er wa wilt du hin. do sprach
der böß vñnd. ich will geen vñ will
die brüd trencken. Do sprach mach
arius. warumb tregst du so vil am
peln. do sprach d böß veind da gibe
ich sy den brüder zū versüchen ob
ains ain mit gefall so gib ich jm ain
anders das jm wol geuelte. damitt
schied d böß veind von jm. vñ kam
do wider zū jm. Do sprach macha
rius wie ist es dir ergangen. do spr
ch er. sy seind all hailig. vñ hat mir
kainer geuolgt dan ainer der haist
theopertus. damit verschwande er
aber. do was macharius laidig vñ
gieng zū dē brüder vñ befort jm mit
seiner guten ler. darnach kam d böß
veind aber zū jm. do sprach er wo
hin wilt du. do sprach er. zū macha
rius brüder. do sprach macharius
so gebeüt ich dir das du herein kō
mest vñ sagest wie es dir ergangen
sey. do er herwider kame do sprach
Macharius wie ist es dir ergangē
do sprach er sy sind all hailig vñ ist
das das grōst übel. den ich vor hett
habich verlorn. vñ ist hailiger wor
den dan die andē all. Do er das hō
ret do was er fro vñ dancket got d

genaden. ¶ Aines mals fand sant
macharius aines todten haubt. do
rufft er got mit ernst an vñ sprach
zū dem haubt Wes bistu gewesen.
sprach es. ich bin ain hayden haubt
gewesen. do sprach sant Machari
us. wo ist dein seel. sprach es. in der
hell. Do sprach er. bist du icht tieff
in der hell. do sprach es. mein seel ist
so tieff in d hell als ver vom hymel
auff die erden ist. do sprach macha
rius. Ist yemand tieffer dan du. do
sprach es ja. die juden. do sprach er
ist yemant noch tieffer in d hell dan
die juden. do sprach es ja. die falsche
cristen die mit dē blüt vnser herin
erlöst seind vñ haben es ring gewe
gen die seind tieffer in d hell dan die
andern. do fraget er es nichts mer.
¶ Zū ainem mal gieng macharius
in ain wüste weyt vñ steckt nach
yeglicher meil ain tor. das er den we
ge hinnach möcht vñnd. Vñ do er
nein tag wayd gegangen was. do
lag er an ainer stat vñ entschliesse
do samlet der böß veind die tor zūsa
men vñ legt sy zū seinen haubten do
sach er die tor alle. vñ wißt wol dz
es der böß veind getan het. vñ ver
träge jms gedultigklich. vñ müst
doch hynnach grosse arbayt leyden
ee dz er wid haim kam. ¶ Es was
ain brüder den sacht der böß veind
gar vil an. do gedacht jm der brüd
es wär nit nützlich das er in seiner
zell wär. vñ vermainet wär er vn
der den menschen er möcht gar vil
menschñ nütz sein. die gedencē wißt
Macharius. do sprach er zū ym. sun

Von sant

du solt gedencke also antwurtē vñ also spreche. Ich will 8 zellen durch cristi willen hüten. ¶ Aines mals hett sant machariū ain muck od ain schnack gestochē. do tödtet er sy. vñ do er sahe das sy blüet daz was im zoren auff sich selber das er sich gerochen het. vñ gieng in die wüste also nacket. vñ was sechß monat da tag vn nacht. vñ ließ sich da die premē beissen vñ steche wie sy wolten. darnach siechet er vñnd starb seligliche do für sein sel zū dē ewigen freuden. dahin vñß gott auch helff. Nun bitten wir sant Macharium das er vñß auch vmb got erwerbe das wir menschen werden. nach seinem lob. vñ darnach besitzē das ewig leben Amen.

¶ Von sant Hylario



¶ Sant Hilaris ist geborn von der stat Pictancia vñ was ain cristen. vñ dienet gott tag vñd nacht

hilaris

mit beten. vasten. wachen. vñd mit vil ander glitter übung. vñd leeret sein frawen vñd sein tochter auch cristen glauben. vñ meret auch cristen glauben wo er mocht mit seiner gūten ler. Do macht man in zū bischoff in pictancia. do vñd wand er sich des ampts mitt grosser diemütigkait. vñ pflag des mit große erust. vñ forcht got vñ wircket gute werck. vñ prediget dē volck mitt grossen fleiß vō den dreien namen vñ auch von 8 drifaltigkait. vñ leeret sy wie sy jr sünd beichten sölten vñ jaget in von der freud die da ist in dē hymelreich vñd sprach. Wer getauft wirt. 8 wirt behalten. vñ lebt ewigliche mit got dem herren

¶ Zū der zeit was daz land voller keger. das was sant Hylario gar laid. vñ bekeret jr vil mit seiner lere das ward dē kaiser Cōstantino gesagt. das thet im zoren. vñd sprach Seyd ich im vñ Dionisio vō mayland. vñ eusebio nit er wören kan sy predigē den cristen glauben. so ver send ich sy in die jnnfeln asiam. Do sy darein kament. do hetten sy groß leidē darin wol vier jar. Do ward sant Hylario von got kundt getan dz sein tochter die er dahaim gelassen het ainē man wolt nemē. do schrib er jr ainē brieff das sy durch got vñ seinen vñ durch jren willen ain juncfraw belib bis dz er wider zū land kām vñd schub jr auch er hett jr ainē man geben mit dē solt sy leyb vñ sel behaltē ewigliche. Vñ do die tochter des vaters brief vernamē:

sprach sy zū jrer mütter. Mein vater hat gewalt das er mich gibt wem er will. darūb will ich beiten durch mein eer. biß er wider kompt vñnd durch seinen willen. Darnach im nechsten jare do gebot d̄ kaiser das die cristē vñ haiden zesamē k̄amen. so wolt er hören wer recht od̄ vnrecht het. vñ die recht hettē wāren gen. sin. die aber vnrecht herē wolte er vertreibē. Do kam sant hylarius mit d̄ cristen bischoff dar vñd gesigte den k̄ezern mit der hilff gotes an mit jrer gūten lere. Do d̄ kaiser jr lere hort vñ die k̄afft sahe die sy von got hettē. do bat er sy durch got dz sy im vergāben was er wiß sy getan het. vñ hieß sy wider haim faren in jr land. Nach dē ward hylario gesagt. die wūrm thātē groffen schaden in der jñseln gaimaria: do kam er dar. do man sein hailikait hōiet vñd sahe. do flagte sy im jr leiden. vñd baten in durch got das er in auß der not hūlf. Do nam hylarius ainē stab vñd macht ain kreūz damitt auff die erden do hett es so grosse k̄afft dz ain wurm nit belib do man dz zaichē sahe. ließ sich vil volcks tauffen. darnach für er gen Pictancia. do empfiengen sy in frōlichen. Darnach starb ain kind in d̄ stat das was nit getauft. dz was seiner mütter gar laid. die lief zū sant hylario. vñd sprach wainent. Es hieß sant Martin ainē todten auff steen d̄ was vngetauft tod. darūb hilff mir auch das mein kind lebendig werd. wān du bist vnser freun

de. Vñ ich gebeut dir bey got dz du es thuest. vñ do sant hylarius das gebot hōiet vñ sahe das das volck vñ das kind betrūbt was. do sahe er auff gen hymel vñ sprach mit an dacht. Heri jesu criste eer mich vñd das volck vñ mach das kind wider lebendig durch dein barmhertzigkait. do ward es wiß lebendig vñ stünd auff do gab er das kind seiner mütter wiß. do taufft sy es vñ lobte got. Darnach sprach sant hylarius zū seiner tochter. Liebes kind ich habe dich ainē man geben den solt du vor allē dingē liebhaben. dazist got vñ himelreich. wān der ist warer gott vñ mensch. vñd sein liebe vñd freud ist ewig vñd aller deren die got dienē. aber die welt ist zergenglichen vñ alle jr freud. Vñd ob du ainen man nimbst. so werent dein freud nūr ain wil. darūb liebs kind wirb vñ die ewigē freud die nimmer zergeet. Do volgt die tochter jrē vater. vñ belib keusch. vñ dienet gott mit fleiß vñd starb balde darnach seligliche. vñd für jr sel zū dē ewigen freuden. Do nun Abia sein tochter verschaidē was das was d̄ mütter gar laid. vñ wainet sere vñ die tochter. vñ bat vnsern liebē herren das er sy auch vñ diser welt nāme. darnach bald do starb sy auch do empfieng got jr sel. Sant hylarius berait vil haidē zū cristenliche glauben. Zū den selbigē zeyten. do was ain bapst der hieß mit namen leo der was ain k̄ezern. vñ er lūd vñ bischof zū seinē rat. die da kamē vñ

Von sant

kam sant Hylarius auch vngelade.
 Do das 8 bapst hort do thet es im
 zorn. vñ gepot das nyemandt solt
 gegē im auff steen. vñ soltē im auch
 kein statt lassen do er eingienge. do
 sprach der bapst. du bist ain gallus
 Do sprach er. ich bin vō gallē lande
 ain bischoff. do sprach leo. so bin ich
 des rōmischē stūls richter. do sprache
 Hylarius. Bist du leo 8 bapst so
 bist du doch nit von dē geschlācht
 juda. Vñ ob du sitzest vñ richtest so
 sitzest du doch nit auff dē stūl 8 ge-
 rechtigkait. Do stūnde 8 bapst zorn-
 nigklichē auff vñ sprach Beyt mein
 hie ain weil bis ich wið kum̃ so wil
 ich dir dan gelten als du dienest. do
 sprach Hylarius ob du nit her wið
 kamest wer soll für dich antwurtē
 Do sprach 8 bapst. ich will zehand
 widerüb kōmen. vñ dein hoffart
 diemütigē. Darnach gieng 8 bapst
 in das haimlich gemache der not-
 turft vñ starb also da. dan da gien-
 ge alles sein ingewaide von im. vñ
 nam ain vnseelig ende. Vnd do nye-
 mandt gen sant hylario auff stūnd
 do was er gedultig darin. vñ setzet
 sich auff die erd nyder vñ sprach.
 Gotes des allmechtigē ist das erdt-
 rich vñ alles dz darauff ist do thet
 got 8 herz ain groß zeichen an sant
 hylario. daz es wāchs dz erdtrich
 vnder im auff. das er also hoch saß
 als die andē die da warn vñ bald
 darnach saget man in das 8 bapst
 tod wār. Do stūnd sant Hylarius
 auff vñnd prediget den bischoffen
 vñ bestāt sy in cristenlichē gelan-

felix

ben. darnach fūren die bischoff all-
 widerüb haim. vñd sant Hylarius
 ward bald siech darnach do beual-
 he er sein sele got dem allmechtigen
 mit grosser andacht. vñd alle seine
 vnderthan. vñd do er sterben wolt
 do kam ain grosses liecht vō himel
 herab auff in. vñ verschied also in
 dē liecht. vñ für sein seel zū den ewi-
 gen freudē. do begeret er der visten-
 de cristi mitt allem hymnischen hōre
 darnach sol vñs auch belangē das
 wir von dē engeln in dē hymel ge-
 fūrt werden. darin wir vñs ewig-
 lichen freien. Des helff vns got 8
 vatter vñd der sun vñd der haylig
 gaist Amen.

Von sant Felix.



Sant Felix was ain gūter crist
 vñ het got auß der massen lieb vñd
 was ain wolgelerter schūlmaister
 vñ laß den kinden vor vñ leret sy dz
 sy gar weiß wurde. Zū den zeitē do

dientē die mensche dē abgöttern vñ
 ächtet die cristen sere. vñ viengent
 vñ tödten sy wo man sy an kam vñ
 man vieng sant Felix auch vñ den
 glaubē vñ furt in für die abgötter
 das er den opffern solte. dz wolt er
 nit thun weß durch lieb noch laid.
 vñ spot jr. vñ wēn er für sy kam so
 bließ er an sy. so half jm dan got dz
 sy herab vielen. darumb wurde sy
 jm veind. do was ain bischoff in d
 stat der was ain crist. vñ het got
 lieb vñ dienet jm mit fleiß das thet
 den haide zorn. vñ lieffen ains mals
 in des bischoffs hauf vñ woltē in
 zu tod schlahē. do flohe er vñ moch
 te vor forcht nit fürbaß vñ lag an
 dē weg. do kam sant Felix zu jm vñ
 sahe dz er frant was. do was jm
 aid vñ fragt wen oß wa her er flu
 he das sagt er jm. do het sant Felix
 gern etwas gehabt damit er in ge
 abet het. do sahe er weinreben na
 hent bey jm da fand er trauben die
 af er zesamen. vñ trucket jm die in
 einē mund. davo ward er kressfig
 Darnach nam in sant Felix auf sei
 nē rugkē. vñ trüg in in sein gemach
 vñ pflag sein ain weil. Darnach
 farb er bald vñ für sein sel gen hy
 mel. Darnach macht man sant Fe
 x zu ainē bischoff. do pflage er des
 mpts mit fleiß vñ prediget dē vol
 ke dz sy got vor allē dingē soltē lieb
 abē. Vñ wie sy sich vor sündē sol
 en hüten vñ die abgötter lassen.
 darumb wurde sy jm veind. vñ jage
 en in. do flohe er in ain enge reihen
 chand ward von dē willen gotes

ain grosse spinnweb darvor do lief
 fen sy jm nach zu d reihen. Vñ do sy
 die spinnenweb darvor sahen. do ge
 dachtē sy es wär lang kain mensch
 dahyn komen vñ giengen hynweg
 do gieng er wider herauf. vñ kam
 zu ainer wittib in ain hauf. da was
 er drey monat. vñ sahe die frauē nie
 an wie wol sy jm zeessen vñ trinckē
 gab. do gelag d zorn ains tails vñ
 kam wid auff sein bistub. do siengē
 in die haide. vñ gaben in den kindē
 die er vor in der schül geschlagē het
 vñ sprachē zu in. dz sy in wärē mat
 teren wie sy wölten. do stachē sy in
 mit griffeln so lang bis er gestarb.
 do für sein sel zu den ewigē freudē
Nun het er ain brüder d hieß sich
 auch felix. d was auch ain crist. den
 siengē sy auch vñ brachtē in für dē
 abgot. do sprach er wolt jr sein nitt
 geratē. so will ich in emblößen das
 er nider felt. daz thet den haide zorn
 vñ griffen in. vñ wolten in hin fū
 ren. do verhenget got über sy dz in
 allē die hend erkrūnten. die sy an in
 gelegt hetē. do waintē sy vñ schrien
 vñ baten in das er sy gesunt macht
 das erbarmet sant Felix. vñ sprach
 wer güt wid übel tūt dz ist ain vol
 kōmenhait vñ sprach darnach zu in
 also. schreient all. cristus ist ain wa
 rer got hymels vñ erden. so wer
 dent ir all gesundt. Do schrien sy es
 mit lauter stym. do wurde sy all ge
 sundt. vñ lieffen in mit frid. **A**y
 nes mals solt sant Felix über land
 geen. do lieff ain eward bald zu jm
 vñ sprach. Herz do mein got sahe

Von sant

Das du kamest do flohe er. do fragt ich in. warüb er fluhe Do sprach er er möcht deiner hailigkeit nit erleyden. vñ seydt dich der fürcht der ain got ist. so will ich dir gehorsam sein vñ will an deine got geloubē. vnd ward ain güter mensch vñ sant Felix prediget dem volck mit grossem fleiß. vnd weiset sy mit seiner güttelere auff den weg d ewigē saligkeit vñ bekeret die mensche zu got dem herren. Darnach ward er siech vñ wolt sterbē. do samelt er an ainem tag vil volcks vnd las in mess vnd do er den seggen gab. do viel er kreutz weis für den altar vñ betet mit andacht vñ gab seinen gaist auff. vñ für sein seel zu den ewigen freuden. Nun geb vns got durch sein hailigkeit hie als grosse andacht das vns werd des hymels seggen vñ der frid Amen.

¶ Von sant Mauro.



mauro

¶ Sant Maurus ist von edle geschlecht geborn. vnd was ain crist vnd het got lieb vnd dienet im mit grossem fleiß. vñ was d zwölfft d in sant Benedictē orden kam. do er noch jung was do grünet er allzeit in guten tugendē auch in gute werken. gnd het ainē hailigen wandel vñ was ain güter mitwörter vñ helffer sein s maisters sant Benedicten aller guten werck wund vñ zaichē. darüb het er in auch sonderlich lieb für die andern brüd all vnd er leeret in auch wie er got dē herre dienen solt. Sant maurus hett die gewonhait das er in d fasten weder kurtten noch rock an trug. er bedeket sich die selben zeyt nur mit ainem sacktuch. vñ nam nur zwir in d woche sein speß. ¶ Nun was ain bischoff in d stat Cenonamensis d hieß Wertieranius. d höret vō sant Benedictē hailigkeit. d sendet ainē botē mit grossem gut zu im. d was ain ewangelier der hieß ylogarius vnd sein vitzumb der hieß Hardigarius. vñ bat in daz er im etlich andechtig münich wär senden die im das münster recht regiertē nach seiner regeln. Do gab im sant Benedictus sant maurū mit vil gesellē. do kament sy an dem fünffstē tag in die stat Varcellis. do empfieng sy die pfaffhait gar schen. do viel Hardigarius geschwind das man zweifelt ob er lebte oder tod wære. Do sprach sant Maurus sein gebete zu got dem herre zchandt ward er gesundt. ¶ Darnach ward ain blind

man bey sant Maurus kirchen. vñ
do in sant Maurus sahe. do sprach
er sein gebet zū got. do ward er ze-
hand gesehent. do ward er fro vñ
dancket got vnd Mauro der gena-
den. Vnd nach dem zaichen kam er
zū bischoff Werticranio. do was
er tod vnd was ain ander bischoff
an sein statt komen auff das bistūb
Vnd in ward ain stat gegeben zū
dem münster bey dē wasser Liger-
tin. Vnd es was in der künig von
francreich Theobertus zū ainem
helffer gegeben. der hieß ain kirchen
bawen in sant Martins eer. In dē
selben münster thet sant Maurus
vil zaichen. vñ thet den jungē gūte
anweisung. vñnd warde darnach
siech vnd starbe im zwaiundfiben-
zigisten jar. vnd für sein sel zū den
ewigē freuden. Nun helff vns sant
Maurus auch vmb got erwerben
das ewig leben Amen.



¶ Von sant Marcello
dem hailigen bapst.

¶ Sant Marcellus het gott den
allmechtigē gar lieb vnd dienet in
mit fleiß tag vnd nacht. mitt beten.
vasten. wachen. vnd mit vil ander
güter übung. darumb machten in
die cristen zū ainem bapst. do pflag
er des ampts mit fleiß. Zū der zeyt
was Marencius kaiser der ächter
die cristen sere wo er sy ankam. dar-
umb straffet in 8 bapst oft. wann
er was kün an dem lob gotes. das
het dem kaiser zorn vñnd trachtet
wie er in das möcht erwerben.

¶ Nun hett der bapst Marcellus
ain witwen bekeret vnd het sy dar
zū bracht das sy sich der welte hett
abgetan. vñ macht ain kirchen auß
irem hauf got dem herre zū lob vñ
macht darein ainen altar vñnd laß
mes darob. Do nam der kaiser die
kirchen mitt gewalt vñ zerbrach sy
vnd macht ainen stal darauß. dar-
ein stellet er seine pferdt dem bapst
zū laide. das leiden laide er gedultig-
lich vnd belib manigen tag darin
vñ dienet got dem herren gar fleiß-
siglichen. vñnd bat auch got mit
grossem fleiß für die cristenhait. vñ
do in gott von diser welt wolt ne-
men. do ward er siech vñnd starbe
seligliche. do für sein sel zū den ewi-
gen freuden. Nun bitten wir sant
Marcellum das er vns auch vmb
gott erwerbe die hailigen freuden
Amen.

¶ Von sant Anthonio
dem ainsidel.

Von sant anthoni



Sant Anthonius der ainsidel ward in egipten land geboren vnd erzogen. vnd sein vater vnd müter warē cristen. das lerten sy iren sun auch mit grossem fleiß. des volget er in. vnd het got auß 8 massen lieb vñ do er zwainzig jar alt ward do starb im vater vñ müter. darnach ains tags gieng er in die kirchē vñ höret dz ewangeliū lesen dz da spricht. Wilt du volkomen sein. so gee vñ verkauf alles dz du hast vñ gib es armē leütē. so wirst du ainē schatz in dem himel vinden. Vnd zehand ward er ain ainsidel. vñnd ließ güt vñ eer durch got. vñ sein hertz was allzeit mit got bekümmert. vnd betet stätigklich vñ dienet got williklich mit beten. vassen vnd er arbeit sein leibnarüg mit seinen hendē. vñ gab das überig armen menschen. vñnd behielt nur sein rechte notturft. vñ wo er ainen andechtighen sahe

Dem ainsidel

leben vnd götlichen leeren das be- hielt er mitt grossem fleiß. vñnd er gieng den ainsideln allē vor an eren vnd an würdigkait. vnd was in al len lieb vnd hießent in die menschn den gotes eerer. vnd er laid gar vil von der anfechtung des bösen gay stes. **E**ins mals do hett er den bösen haist überwundē mit der an fechtung der vnkeüsch vnd bat vn sern lieben herren Jesum cristū das er in den bösen gaisste ließ sehen. der die jungen mensche ansicht mit der sünde. des geweret in got. vnd er schiñ im der böß gaisst in der gestalt aines kints. vnd strecket sich für in vnd veriahe im das er in überwū den het. Vñ do in sant Anthonius also sahe das er so schwartz vñnd grulich was. do sprach er. Du bist mir allda in ainer gar schnöden lä sterlichen gestalt erscheinen vnd für mich komen ich fürcht dich fürbaß nicht mer. Sant anthoni der lage des nachtes ye in den gröbern. **E**ines nachtes lage er aber in ai nem grab. do kam ain grosse schar 8 bösen gaisste zū im vñ zerissen im seinen leib. das in seine diener da für tod auff dē rugken in sein zellen trū gen. vñ klagtē in auch alle mensche die in nur sahent. vñnd wolten alle wānen er wār tod. vnd die andern entschliessen. do ward er wider le bendig vnd gesundt. vñdhieß sich seine junger also verwundet wi der in das grab tragen. vñnd do er mit dem schmerzgen darin lage. do betet er andechtighen do fachtē in die bösen feind aber an vñ erschi

nē in in mangelai greülicher thier
gestalt vñ zerietē in mitt iren zenen
vñ hörnern vñ rissen in sere mit ire
klawen. Vnd do sy in vast gepeini-
get heten. do kam ain liechter schein
vñ veriaget die veind all. do ward
er gesut. Do verstünd er sich wol
dz cristus gegenwirtig was. O lie-
ber herz ihesu-criste. wa warest du
in meinē grossen leiden. das du mit
des erstē hie warest vñ mit geholf-
fen hetest. vñ mein wundē hailtest
do sprach cristus. Anthoni ich was
hie mich gelust wol dz du so mani-
gen streit hetest. vnd bin allwegen
bey dir gewesen. vñ hab dein schos
empfangē. vñ deines streits arbeit
Darüb dz du als manlich gestritten
hast. so will ich dz dein nam in aller
welt geert werd. damit verschwan-
de christus. ¶ Darnach do dienet
sant Anthonius got aber mer dan
vor. vñ betet oft über nacht vñ af
nur ainest im tag nach 8 sunen vnd
gang. vñ belib vnd weilen zwen od
drey tag vngeessen vnd asse dan ge-
salzes brott vnd tranck ain wasser
darzū. vñ trug ain hārin hembd
an. vñ lag vnder weilē auf blosser
erden vñ festiget seinen leib mit vil
andern dingē vñ thet vil zaichn do
eerten in die mensche vñ sein hayli-
ges leben. do flohe er die eere in ain
fremde stat. Nun thet im 8 böß vein-
de vil zū laid. aber er hütet seiner sel-
mit grosser weisheit. ¶ Zū dē zey-
ten was Maxencius kaiser 8 ächt
die cristen sere vñ hieß sy tödtē wo
man sy ankām. do het sant anthoni

so grosse lieb zū got das er 8 martir
nach gieng. darüb das er mit im ge-
martert würd. vñ klagt täglich das
man in nit marteret. ¶ Ains mal 8
gieng er in ainen wilden walde. do
fand er ainē grossen silberin schlüs-
sel. do sprach er wiß sich selv. wie kō-
met diser silbun schlüssel daher wār
er ain wegfertigē mensche empfal-
len er wār sein billich inen worden
so groß er ist. vñ verstünd wol das
in 8 böß gaisst betrügen wolt. vnd
sprach. O du böser gaisst dz ist aber
dein böser list. du magst meinē wil-
lē nit verkē. do er dz sprach do ver-
schwand 8 schlüssel. Darnach fan-
de er ain groß stuck golds. do flohe
er das gold als das feur. wann er
weßt wol das in 8 böß gaisst damit
versuchē wolt. darnach kam er auf
ain berg da wont er. xx. jar. vñ thet
souvil zaichē das jr zū vil wār zū sch-
reiben. sant Anthonius was ains-
mals in dē gaisst enzuckt. do sahe er
die welt alle vol strick. vñ die strick
warē in ainand gewickelt. do schry-
er laut vñ sprach. O herz wer mag
den strickē empfliehē. do sprach ain
stym. die diemütigkait. ¶ Ains-
mals kamē die engel vnd fürten an-
thoniū hoch auf in die lüfft. dz thet
den bösen gaisstē zorn. vñ kamen zū
im vñ wurffen im alle die sünd für
so er von kindhait auff getan het.
do sprachen die engel. Die sünd solt
jr nit gedencen. wā sy sind von 8
barmhertzigkait gottes vertillget.
Wissent jr aber icht sünden. die er
gethan hat seyð das er ain münich

Von sant anthoni

ist wordē die sagent. do kundent sy nichts sagen vñ füren von danen. ¶ Zū ainē mal do sahe sant anthoni den bösen gaist d̄ was groß vnd lang. der sprach zū jm. Ich hab gottes krafft vnd sein weißhait. vñnd was du wilt das will ich dir gebē. Do warff jm sant anthoni spāicheln vnder seine augen. vñ setzet sich mit kressstē wiß in. vñ wapnet sich mit dē namē cristi. do verschwānde der böß gaist. darnach erschien er jm aber. do gedaucht sant Anthoni er wār als lang dz er mit dē haubt an den himel rürt. vñ fragt in wer er wār. do sprach er. Ich bin der böß gaist vñ wißt gern warūb die münich vñ die bösen verflüchtē cristen so vast wider mich find. do sprach sant Anthoni. sy thünd es billichen wān sy werdē vō deinē bösen listen oft beschwärt. do sprach der böß reind. ich beschwār sy mit nicht sy bekümerent sich selber wiß ainand. vñ ich bin zū nichten worden. wān cristus regiert in allen landē vñ ist gewaltig worden. ¶ Ain schütz sahe sant Anthoni frölichen mit seinē brüderen do er gert er sich. do sprach sant anthoni zū jm. was hast du in d̄ hand er sprach ainē bogen damitt will ich vōgel schiessen. do sprache sant anthoni. span̄ deinē bogen vast d̄ schütz sprach. ich möcht in so vast span̄en er zerprāch. sprach sant Anthoni. also geschāhe den menschen wēn man in wār zū hert. ¶ Es fraget ainer sant Anthoni was er tūn solt dz er got wol geniel. Do sprach

Dem ainsidel

er. Wo du hin geest so hab got vor augē. vñ alles das du thūst daz solt du mit d̄ hailigen geschriß bewārē tūst du dz so wirstu behalten. Darnach sprach ain abbt zū sant anthoni hab kain getrauē in dein gerechtigkeit deines leibs vñ deiner zungen vñ hab kain leidē vñ ain vergangē ding. wān als die vīsch sterbē so sy kōmen auß dem wasser. also ist den münchen so sy auß d̄ zellen kōmen od mit weltlichen menschen wonen. so werdē sy auß gefert. aber wer in der zeit sitzt. od rüet d̄ wirt dreyer streit ledig. vō hören. sehen. vnd reden vñ hat nur ainē streit wider sein hertz. ¶ Ains mals kament etlich brüder mit ainē alt herren zū sant Anthoni vñ wolten in sehen. Do sprach sant anthoni zū dē brüderen. Ir habt ain gūten geuerten gehabt an dem altuater. Darnach sprach er zū dē altherre. vater du hast gūt brüder mit dir bracht do sprach er. ich habe sy gūt funden. Aber ir wonung hatt nichts. vñ wer da will d̄ gee in den stal vñ lōß den esel. dz sprach er darūb wān waz in irē herten was dz was zehand in dē mund. Do sprach sant anthoni. Es ist zū wissen zū ainem mal do was ain man der gabe die welt auff vñ doch nitt genzlich en. wān er behielt jm et was selber. Zū dē sprach sant anthoni. gee vnd kauf flaisch. dz thet er. vñ bracht daz flaisch. vñ die weil er damitt gieng do zerüffent in die vōgel. do sprach der lieb vater sant anthoni. die sich d̄ welt verzeihē vñ gelt behaltē die

sind vngewis. vñ werden vō den bösen gaisten also zerrissen. ¶ Ains mals verdros sant anthonio in dem wald. do sprach er. ich wolte geren behalten vñ selig werden. so lassen mich meine gedenc̃ nit. vñ stund auf vñ gieng auß. do sahe er ain schönen engel sitzen. vñ wircket vñ kniet dañ n̄s vñ betet. do sprach der engel. thū also so wirst behalten. ¶ Ains mals do fragtent in die brüder von dē wesen d̄ sele. do kam ain stym̄ zū sant anthonio die nechsten nacht darnach die sprache zū im. gee auß vñ schaw. do sahe er ain langen greulichē man. des hauptē gieng an die wolcken. der selbig man weret etlichen die federn hetē. dz sy nit in den himel flugen. vñ mit aufrechten hend̄n vñ etlich flugen on hindernuß hinauff. den mochte er nit geweren. vñ hort ain grosse freud mitt grossen iamer gemischt do verstund er wol daz es die selen waren die auffüren. vñ dz in d̄ böß veind weret daz sy nit auffaren möchten. darūb daz sy in schulden waren d̄ sünd. vñ daz d̄ böß veind darumb leiden het dz die hailigen selen auffüren. vñ er in dz nit weren mochte. ¶ Ains mals saß sant anthoni vñ sahe auf gen hymel vñ sahe ain trauriges gesicht. do viele er nider vñ bat got. das er die plag abn̄m. vñ wainet bitterlichen. do fragten in die brüder. warum̄ er also wainet. do sprach sant anthoni. mit seüssgen. ich sahe den altar got des herren zerstreuen. do came ain

grosse menig vñ traten in vñ d̄ die süß. daz bedēit dz der cristenlich geloub großlich betreibt wirt. vñ die menschen die dem vich gleich se in d̄ die werdent die hailigkeit zerfüren wann es spricht die stym̄ gottes. sy werden mein altar entteeren. dz geschach auch über zwai iar. do came die ketzer in d̄ cristen land vñ sy betrubten die cristenhait gar sere. vñ verunrainten den tauff stain. vñ die kirchen. vñ and̄ hailigkeit vñ schlügen die cristen menschen auff dem altar zetod. ¶ Zū den zeitten was ain hertzog d̄ hieß balachius. vñ was ain ketzer. vñ thet den cristen vil zelaid. vñ hieß junc̄frauē vñ münch nackent abziehen. vñ ließ sy offentlich mit gaislen schlagen Dem selben hertzog schrib sant anthoni also. Ich sihe den zorn gotes über dich kōmen darumb so laß die cristenhait vngepeiniget. das dich der zorn gots nit tödt. Do der hertzog den brieff laß. do verschmehet er in. vñ speiet in an. vñ warf in auff die erden. vñ handelt yn gar übel. vñ schlug den boten ser. vñ embot sant anthoni hinwider. darumb daz du als grosse soig vmb die münch hast. so wirt die rach meiner hertigkaitē über dich kōmen. do verhenget got der allmechtig über den bösen hertzogen in fünff tagen durch seins liebē dieners willē sant anthoni. do er auff sein pferd wolt sitzen. do ward dz pferd als zornig dz es in biß vñ warf in auf die erde vñ rausst im sein har auß. vñ byß

Von sant anthonio

yn als greulich in sein haupt. das er in dreien tagen darnach starb vñ für sein sel zu der ewigen verdammnis. Darnach kamen etlich brüder zu sant anthoni vnd batten in dz er sy mitt seiner götlichen speiße auch speiset. do sprach er zu in: Habent jr nit die geschrifft gelesen. die da spricht. schlecht dich yemandt an dein wang dem beüte das ander auch. Do sprachen sy das mügen wir nit thun. do sprach er zu in. möchten yr aber ain backenschlag leiden. do sprachen sy. das mügen wir auch nit thun. do sprach er. wölt jr nitt mer dan ain schlahen der da vor geschlagen wär. do sprachen sy. das mügē wir auch nitt thun. do sprach sant anthoni zu sein iungern. beraytent den brüdern ain grobe kost wañ sy seind gar kostlich vnd zärtlich erzogen worden. wañ vns ist nun not. das wir bitten. Darnach do ward sant anthoni siech vnd starb sällig. vnd für sein sel zu den ewigen freuden. do er starb do was er hundert iar alt. vñ in dem fünfften iar vnd was nach cristi gepurt zweyhundert vñ in dem. lx. iar. Nun helf vns sant anthoni. der hailig altuater vñ gott erwerben dz wir nach disem zergenglichem leben kömen: zu der schar der lieben außerselten vñ also besitzen das ewig leben. Amen.

¶ Hienach volgt das lesen als gefunden ward der edel leichnam sant anthoni des hailigen ainsidels:

Dem ainsidel



¶ Zu den zeytten do constantinus der kaiser daz reich regieret zu bisancien in der stat. do geschahē das dz der kaiser kainē erben het. das was im gar laid. das das reich nach im erblos ist worden. vnd gieng aines tages in die kirchen vnd betet. vnd vastet. vnd do er cristo dem herren lang was aufgelegen vmb ainen erben. wañ er het gerē ain sun gehabt vnd gieng in die kirchē die was gestift in der eer cristi vñ sant sophie vnd ließ grosse zier darein machen. vnd stellet es auff den altar der gestift was in der eer sophie. also erbarmet sich got über in. vñ gab im ain ainige tochter. do sandt er nach dem bischof theophilo gen constantinopel. das geschahē nach zwaiien iaren. vñ ließ sy taufen in sant sophie kirchen. do nun die innekfraw x. iar alt ward. do ward sy weiß vñ schön von angeichte. Aines mals

gieng sy in ain garten vnd afs des
 obs. sy kam auch zu ainem brunnen
 vnd tranck darauf mit iren iunck-
 frauen vñ in selbñ wasser kamen
 neün böß gaist in sy. vnd hūb an zu
 lūen wie ain leo. Do daz die andern
 sahent do giengen sy zu dem kayser
 vnd sprachen. Kaiser kom deiner to-
 chter zehilf. do erschriack er vñ gien-
 ge auß dem palast in den garten. vñ
 hort die stym sprechē auß seiner toch-
 ter. do sprach er. O schöpfer himels
 vñ der erden. erlōß mein tochter. vñ
 gieng zu ir. do hūb sy an griß gamen
 mit den zenen vñ schry. do vñfieng
 sy der kaiser mit den hendñ vñ fūrt
 sy in den palast. do grinen die bößen
 gaist. vnd die iunckfraw bis ir selb
 mit den zenen ir zungñ. sy mocht nye
 mant halten. sy zerbrach all ketten vñ
 lūet als ain leo. do geschach dem kai-
 ser wee vnd ließ sy in ain wonung
 thun mit eyßen vermachet. darinnen
 was sy bis in das fünfft jar. das ir
 nyemant thoist nachnen. Aber got
 wolt sein tochter nit lassen verlorn
 werden. er wolt sy erlösen von dem
 bößen gayst. do hūbe sy an zurüffen
 mit lauter stym auß 8 iunckfrawen
 mund. anthoni der ainsidel vñ egip-
 ten land. wirt vns vertreyben. das
 trib sy ain gang iar. do das 8 kaiser
 hort do het er ain gūte hoffnūg vñ
 sendet boten in egipten land nach
 sant anthoni. vnd gedacht an den
 bischoff theophilo. der in sein toch-
 ter het getauft in der stat constan-
 tinopel. vnd nach allem sein volck
 vnd fraget ob yemandt geschriben

funde wa sant anthonis leichnam
 wār begraben wāñ die bößen gaist
 wolten nit hören zurüffen auß sein-
 er tochter. Do hieß der bischoff die
 pfaffen zu im kōmen. vnd fraget sy
 darūb ob sy nit gelesen heten in den
 büchern 8 hailigen wa sant antho-
 nius leichnam begraben lāg Do sp-
 rach ainer. ich hab gelesen daz er vn-
 serm herren mit grossem ernst gedie-
 net hab von seiner kindhait. mit hai-
 ligkait vñ sein wonūg was in dem
 land egypten. vnd auch wie er sein
 bñdern verbotten het. wēñ er von
 diser welt schayden solt. das sy sein
 leichnam begraben in die erden daz
 er den menschen nit wissend wār
 wāñ allain got. do er das vnd and-
 ding hort von dem hailigen vatter
 anthonio. vnd wa er begraben lāg
 dz vñd er nit geschriben. do stund
 theophilus auß vñ thet ain zeichñ
 mit 8 hand daz man schweigen solt
 vñ sprach. Geheil es sant anthonio
 als er gesprochen hat. daz niemant
 wiste wa sein hailiger leichnā wur-
 de begraben wāñ man dz nit gesch-
 riben vñdt. so sollē wir got all dar-
 umb bitten durch sein barmhertzg-
 kait. das er vns die genad thū. vnd
 vns dz offenbar. darum lieben brū-
 der ich gebeut euch das yr euch die
 mütigent mit beten. fasten. wachen
 vnd mit hārin klaidern. vnd sollen
 all mit gemainer stym zu dem allme-
 chtigen rüffen das er vns sein kne-
 chte wöll weisen. daz er sein maget
 sophiam erlōß von den bößen vein-
 den. do sy das alles vñspracht hetē

Von sant anthonio

do wolt gott den edlẽ schatz d̃ welt
offenbaren zũ ainem trost. vnd sein
nam wolt erleucht werden byß an
den iungstẽ tag. vñ zũ mitternacht
do erschien der engel gotes dem kay
ser vñ auch dem bischof theophilo.
vñ sprach constantine. do antwurt
er vnd sprach. Wer bistu. do sprach
der engel. Ich bin gabriel der ertz
engel. vñ dir embeüt got d̃ allmechtig
darumb das du allezeit in dem ge
bot gotes bist gestanden. darumb
so hat er dein gebet erhört. vnd ich
bin kōmen dz ich dich soll leren wie
du den leichnaz sant anthonis solt
vinden. vñ zũ trost d̃ stat bisancien
vnd deiner tochter sophie. do rich
tet sich der kaiser auf von dem bett
vnd hũb sein hend auf. vnd wolte
den engel angriffen haben wan der
gantz palast ward erleucht von dẽ
engel. do sprach d̃ engel. Es ist nit
zimlich. dz du mich angreifest. wan
ich byn deiner tochter herkōmen zũ
ainem hail. vnd sprach zũ jm. wann
du des morgens aufstest. so schicke
nach dem bischof theophilo vñ sen
de in selb zwelft gaislicher pfaffen
die got den allmechtigen fürchtent
in dz land egiptẽ. vñ merck ich will
zũ allen zeiten bei dir sein. vñ sy sölle
in nit fürchten. weder wasser noch
vngewitter. vñ also sagt der engel
theophilo auch. wie dem kaiser vñ
der engel schied zehand also von in
vnd des morges. als der kaiser auff
stund sendet er nach dem bischoffe
theophilo vñ nach allen seinen pfaf
fen. vnd saget jm alles das das jmi

Dem ainsidel

der engel gesagt het. do sagt der bi
schof auch zũ gleicher weis wie der
kaiser. Vnd am andern tag gieng e
d̃ bischof in ain schif. mit zwelf gai
stlichẽ pfaffen. als in d̃ engel het ge
haissen. vnd hũb an got zeloben vñ
sprach. der herr ist vnser erleuchtig
vnd vnser hail. wen fürchten wir.
vñ beraiten ire segel auff. vnd hettẽ
ain glückhaften wind. vnd füren
gen jerusalem. vnd d̃ bischof theo
philus tröstet seine brüder. vnd sp
rach. Brüder jr sölent nit verzagen
got ist vnser helfer. also kamẽ sy gen
jherusalem. vnd giengen an die hay
ligen stet cristi. vñ bettẽ da das hai
lig kreüz an. darnache giengent sy
gen bethleem. vñ sprachen yr gebett
bey der hailigen kripp. do gesegnetẽ
sy sich vnd giengen in die stat alexā
dia. do kamen sy zũ kaufleuten mit
den giengen sy gen libies vñ darna
ch giengẽ sy wol bey zwanzig tagẽ
bis zũ ainẽ wasser das haist meile
in ain straf die hieß ephesos. in dem
land egypten. do saget man in wa
sant anthoni gewont het. mit seinẽ
brüdern. in dẽ dienst gotes auf ain
hohen berge. in ain grossen walde
gar lange zeit. vnd wir haben wol
xx. tag waid darauf. vnd es ist gar
ain klaine wonung darauff. aber jr
werdent gar wilde thier darauff
sehen. do giengen sy auß vnd segne
ten sich mit dẽ hailigen kreüz. vnd
kament auf den berg vnd sprachen
Got der steet auf vñnd seine veind
werden vertilgt. vnd die in habent
gehasset die entweichen seinẽ ange

sicht. Also stünden auff dem berge greuliche thier. leo. tiger. leoparden beren. vnd ainhorn. do erschrackent sy gar übel vnd rüfften sant anthonium mit ernst an. vñ darnach fuit den sy ain dormitori da sant anthoni etwan gewonet het. vñnd vermainten sy wolten darein geen. Do erschien in ain alter man mit ainem klaren angesicht. mitt dem giengen sy zū der porten der kirchen. do sprach theophilus der bischoff zū dem alten mann. Wer hat diß stat zūm ersten gestiftet. do gab der alt man dē bischoff kain antwert. vñ wincket mit der hand. das er solte schweigen. das verstünd er wol. sy hielten ir regel im hermitori. vnd sprach zū seinen pfaffen. vnd dienern. Lieben brüder wir sollen all schweigen. dz die brüder nicht gehindert werden. vñnd zehand verschwande der alt man. Darnach giengen die. xij. brüd auß dem hermitori die hetten wild kappen auß mit kreüzen. vñ trügent ain rauchsaß mit jnen. vnd lobten got mit freuden vnd sprachen. O ir außerswölten nemen zū in dem weg der warhait. wir sollen auff steen vnd sollen vns in got frewen. Do sy das lob volprachten. do gab der prior des klostere dem bischof. vnd allen den seinen den fuß des frides. vnd fürte sy all mit im in die kirche des hermitorij. vñ die brüder wüschent dem bischof vnd den seinen ire füß. vnd hūben das gesang an zū singen das man singt am grünen donstag zū dem mandat. Do das

geschache do fürte sy der prior all in den rebenter. vnd sy in isten all schweigen do leitet man ain zeichen. vnd wüschent yr hend. vnd der prior hieße sy sitzen do leitet man zūm andern mal. do stünd der brüder ai ner auff vñ leget prot auf den tisch das was gar weiß vñ schön. auch etliche kreüter vnd wurzen. die schinackent gar wol. do sassen die ain fidel vnd die gest nach ainander. do leget man ye ain ain klaines halbs prior für. vñnd darnach leitet man ain zeichen. vnd gabe den brüdern ain wasser zetrincken. vnd do sy zedrey mal getrancken. do leitet der prior das ander zeichen. do stünde man auff von dem tische mit groser demütigkeit vñnd giengen für die hailigen vnd darnach in die kirchen. do gienge in der bischoff vnd der prior nach: vnd sungent mit dē pfaffen vñnd sprach int. Miserere mei deus. dē sprachen sy biß an das end. Vñ do sy kamen in die kirchen vñ daz gesang volpracht heten biß an dz end. do sprach der prior zū dē bischof. Diß wasser das ir yetzund getruncken habt den selben prūnen hat vns got gemacht. Auch ist bey vns ain prūn der hatt trüb wasser. den yr gesehen habt den hatt vnser herr vnserm hailigen vater sant anthonio gegeben. darin werdengeschen die füß der brüd. Vnd die brot die ir geessen habt das ist vns vnkentlich wa die gemacht seind: wann es kōmen allweg zwen leon für vnser keler das wissen wir wol

Von sant anthonio

Das es die leio seind die vnsern hailigen vater anthoniū begrüßent. da er ligt. dye pringent vns brotes genüg her souil wir sein bedürfen. vñ als diß hermitori geordnet ward. von d schickung gottes vñ vnserm vater sant anthoni daz vnser. xxiij brüder sollen hie wonen. Vñnd am hayligen ostertag vñnd pfingstag vñ an der hochzeit d hailigen zwelfpoten von dem willen got des allmechtigen so zwifachen die leio dz brot. dz ainem ieglichen ain ganzes brot wirt. als jr gehört habet wan als die stat gestift ward von vnserm vater anthonio. vñnd von der barmhertzigkait gottes. so habent wir das brot vñnd die ampeln. die wir in der kirchen haben. die hat vnser vatter sant anthoni her gestift in der eer got des herren vñnd seiner lieben müter marie. vñ er zündet sy selber an vñ sy seind noch biß her zü der meß vñnd zü allen zeiten beliben vñnd seind auch nie gemindert worden. Do der prior alles gesaget hett do sprach er zü den brüdn heimlich Wir sollen all vesper singen dz theten sy. vñnd do die vesper auß was. do beschauet der bischof die kirchen die was von eitel stainen gebauen vñnd was geziert. vñnd es was kain holz daran. vñ das kloster was an der kirchen maur. vñnd het fünflicht. ains vor dem hohen altar. vñnd zway vor zwayen andern altaren. die waren von cristall gemacht vñ die andern zway bey dem altare da man die gesungen meß auß hett die

Dem einsidel

warent auch von cristall gemacht Es warn auch gemacht. xxiij: stül vor den altaren. vñnd der altar do d prior innen saß der was gar hoche über die andern stül. vñnd was geziert mit edeln gestain. mit margariten. vñnd jr kainet getorß nit redē on des priors vilob. Aber wen ain brüder etwas not was. so gieng er zü dem prior vñnd knyet nider. vñnd naiget sein haupt zü ainem zaichen vñnd schryb mit ainem griffel in ain wech sine tafel. was jm nottürfelig was. So thet der prior ain exempel vñ ain bezaichen seins hailgen vaters Anthoni. so richtet er in auß nach seiner notturfst. do sprach der bischof zü dem prior. wie mag das menschlich flaische so ain strenges schweigen in jm haben. do sprach d prior zü dem bischof. Vater ich vergihe vor got dem herren dz vierzig iar ist dz vnser lieber vater sant anthoni von vns schiede. das wir in den iaren alle menschliche stym mit gehört haben. dan so wir dz lob gotes seien singen. do sprach der bischof. Vater ist es zimlich das wir bei euch seien in dem willen gottes. do sprach d prior. vater. wat üß fragst du mich. Nun waist du doch wol wat üß du auß geschickt bist wordē dat üß müst du wider an dein statt kōmen mit deinen brüdern. Vñnd do er daz geschprach. zehand sahen sy ain schneweißen vogel der pracht gar ain schōns liechtes feur in seine schnabel. do lief man in durch ain fenster ein. do zündet er die ampeln vor

dem altar an vnd floch do wiß hin
 Do fraget der bischof den prior wß
 das bedeütt. do sprach er das thüt
 er zü allen hochzeiten zü osteren vnd
 zü vnser frawen tag. vñ an vnser
 vaters tag sant anthoni. Do hüb
 der bischoff an von seiner fart wie
 sy auß wären gesant von des kay-
 sers tochter wegen von constanti-
 nopel. das sy erlöft wurd von neun
 bösen gäisten. vñ wie die bösen gay-
 ste auß ir schryen. wie sy nitt auß ir
 wölten byß sy sähen den hailigen
 leichnā zü constantinopel. darumb
 seyen wir mit der hilff gottes herkō-
 men. wa der hailig leichnā sey. das
 funden wir nye erfahren. darumb ir
 diener gottes ob ir icht wißt vom
 dem grab eüwers vatters beichti-
 gers vnd ainsidels sant Anthonis
 das ir vns das weist. das wir es
 durch eüch sünden mügen von der
 gnad gottes. Do sprach der prior.
 Lieber vatter wir seyen her gesant
 worden von beet sant anthoni we-
 gen das wir da halten sollen biß an
 den jungsten tag. vñ er ist von hin-
 nen geschayden mit zwayen vnsern
 vorfarn brüder der ain hieß hilari-
 us der ander prior die stiftten mitt
 ainander in egipten. xij. klöster. vnd
 vnser vatter sant anthoni kam wi-
 der von in. in ain land bey egypten.
 das hieß sophie in ainen wald. vnd
 bauet jm ain ainiges haufs. dar-
 nach kamen die vorgenanten brüder
 zwen an die statt da er wonet vnd
 do er krank ward. ließ er sy wissen
 wa er ligen wolt. aber in den ver-

gangen zeiten ward das hermitori
 zerstört von den mordern. vnd wir
 wissen fürbaß nicht mer dauon. es
 war dan das eüch got der heri mit
 seiner barmherzigkait das wolt of-
 fenbaren. darumb sollen wir beten
 drey tag zü got. das er vns den hai-
 ligen leichnam sant anthoni zayge.
 Vñ do das gebett geschach do sun-
 gen sy mes. do kam der engel gottes
 sant gabriel vñ hielt ain zedel in der
 hand vnd legt in auff den altar der
 hailigen jüctfrawen marie für den
 prior. Do das die brüder sahen. vie-
 len sy vor vorcht auff die erden als
 wären sy tod. do sprach der prior zü
 dem bischoff. nement hyn den zedel
 vnd lesent in. vnd was daran ge-
 schriben steet das sollent ir tün dan
 eüwer gebeet ist erhört worden. do
 schyed der engel von in. do sach der
 prior vñ vñ sach das die brüder all
 auff der erd lagen. vñ sprach zü in.
 Brüder steent auff ir sollen eüch nit
 fürchten. do stünden sy auff. do spr-
 ach der prior. lieben brüder das ge-
 sicht das ir gesehen habt. ist der en-
 gel gotes gewesen der hat vns den
 zedel bracht. vnd sprach zü dem bi-
 schoff. ir sollent eüch gesegen mit
 dem hayligen creütz vnd sollent hin-
 weg geen wann got ist allweg bey
 eüch vñ eüch wirt ain liechter stern
 er cheynen. der wirt eüch vor geen
 vñ wirt ob vnserm hayligen v. iter
 anthonio stylle steen. da grabent ir
 ein. so werdent ir sein hailigen wir-
 digen leichnam vinden. Do die mes
 volbracht ward. do nam 8 bischof

Von sant antonio

den seggen von dē prior vnd machet
das zaichen des hailigen kreutz an
sein stirn vnd gesegnet die brüder. vñ
den prior vñ schiedent also hin weg
Vñ do sy auß dem hermitori gieng
en. do erschien in der stern vnd gieng
in vor. do sprach ain stym. Volgent
dem stern nach. vnd rüffent got dē
herren an. darnach giengen sy über
ain grossen scharpfen hohen berg
in ain land haist josen. darin fun-
den sy gūtes gewirtz. vnd öpffel die
schmackten gar wol. der namen sy
vñnd assen jr. vnd lobten gott den
allmechtigen. Darnach giengent sy
über ainen vorchtsamen berg. dar-
auf wechset weder baum. noch kain
erlay creatur. Aber sy funden gar
vñmassen groß schlangen. vñ tract
en. leo. tiger. leoparden. vnd sorten
die seind als sunst schlangen. vñnd
basilisten. vnd ainhorn. auch sunst
vil greülicher thier. der natur sy nit
westen. Aber got der die seinen nit
verlaßt. & behütet sy das in nie kain
layd geschache. Vnd do sy. xix. tage
gegangen warn. do kam in in yr na-
sen gar ain böser geschmack. do vie-
len sy auf die erde als ob sy tod wä-
ren. vnd baten got das er sy von di-
ser welt nām. darnach stündent sy
mit der hylff gotes wider auff. do
sahē sy ain grosse grüb. darauf giēg
ain grosse feürine schlang. vnd hor-
ten auch vil rieffender stim schreien
vnd klagen. Do sprach ain stim. die
stat ist der peyn vnd gericht die da
gepeiniget söllē werden. die vnsern
herren ihesum cristum verschwern

Dem einsidel

vñnd die den hailigen glauben nicht
halten. vñnd verlaugnen gottes ge-
bot. vñnd do sy die stym hortent. do
erschracken sy. vñnd vmbgiengent
die stat vñgelegt. Vñnd do sy wol
vierzig tag waid gegangen warē
do kamen sy auf ain klain velde. das
was gar wunniglich auf dē veld
warn manigerlay baum gewechß
süßer vñnd wolschmeckend fruchte
ob der selben stat stünd & stern still
do sprach ain stym von hymel zū in
Ihre grabent ein. so vindent yr den
edlen schatz. vñnd leichnam sant an-
thonis. aber sy westen nitt. an wöl-
cher stat des veldes. do erschien inen
ain wasser vogel weiß als & schnee
der het ain roten schnabel. der stünt
auf ain baum & was geschickt als
ain gezelt. auß dem gieng ain prun-
der was süß vñnd het ain gūten ge-
schmack. do thet der vogel sein ve-
tich auff vñnd schlug sy zesamen. do
klungen sy als die schellen. do knietē
sy all nid. sprachen yr gebett zū gott
do hortent sy singen das aller süßest
gesang ob inen. vñ ain süßen gesch-
mack. do lobten sy got. vñnd der by-
schoff sprach. Herz du bist aller ver-
borgnet ding ain maister. darumb
waist du wol warūb ich auß kom-
men bin. darūb so bit ich dein grūd-
lose barmhertzigkeit dz du vns of-
senbarest mit ainē thier damit das
wir den schatz mügen vinden. Do
er das geschprach. do kamen zwen leo-
parden. vñ lieffen auß der wüstūg
do sy die sahent. do erschrackent sy
gar ser. doch gewunnen sy ain gūte

hertz vnd vertrauen zu got de all-
mechtigen. vnd die leoparden zaig-
ten in mit iren schwenzen. vñ legte
sich für des bischofs füß. vnd schri-
ent mit lauter stym. als wölten sy
sprechen dz in der bischof solt gebie-
ten. vñ sy leren wa sy ein solten gra-
ben. also zaiget er in die stat. do hü-
ben sy an zegraben vnd kratzte mit
iren kloen in die erden. do 8 edel sch-
atz sant anthoni lag. do gieng ein
güter geschmack auff. als war gut
gewürtz da. vñ der gut geschmack
gieng übersich. also gräbe sy ain gros-
se grüb. vñ kamen auf den sarch da
der hailig leichnam inn lag. do grü-
ben sy nit fürbaß. do gieng 8 bisch-
of mit der pfaffhait in die grüb vñ
kamen auf sein stain. darauf funde
sy geschriben krigisch vñ jüdisch vñ
was 8 lieb sant anthoni darein be-
graben. von seine zwaien iungern.
hylarien vñ prior. Do sy die gschrift
lasen. do wurde sy alle erfreuet mit
grossen freuden. vnd horten die en-
gel singen. do singen sy auch vñ
lobte got. vñ gruben den stain auf
vnd funden den leichnam sant antho-
nis. do gieng ain wolschmeckender
rauch vñ seine leichnam. dz sy wane-
ten sy waren in dem paradeis vnd
funden ain hembd das was von le-
der gemacht. vñ über daz was ain
klaid gewirckt. das wz von palme
das het sant pauls der erst ainsidel
gewirckt. vñ also erhüben sy in am
fünfften tag des prachmonets. vñ
die gantz gegent schmecket wol vñ
seine hailigen leichnam. do wolten

die leoparden nit von in kōmen. do
hüb der bischof vnd die pfaffen de
hochwirdigen leichnam sant anto-
ni auff mit gesang. vñ fürte in mit
freuden den wege den sy herkōmen
waren. in das hermitori. vñ die
leoparden giengen mit in. vnd der
stern leuchtet in auf dem weg. do 8
prior hort das 8 bischof mit de hai-
ligen leichnam kam. do gieng er vñ
die brüder mit grossen freuden vnd
wirdigkait. mit dem hailige kreutz
vñ weichwasser. vñ singen gegen
in. Do kamen fünf sunder sieche die
rüstten sant anthoni an. dz er sy ge-
sund machet. do wurden sy alle ge-
sund. do danckten sy got vñ sant an-
thoni 8 gnaden. Do sy etwan ma-
nigen tag in de kloster ware. do ließ
der bischof dz klaid das vñ palmen
gemacht was in de hermitori vnd
fürten den leichnam mit in. vnd do
sy. x. tag waid waren kōmen. do ka-
men sy auf ain füßweg. do funde sy
drey todt leichnam ligen die waren
von den wilden thieren getödt. do
sy daz sahen. do forchten sy sich gar
übel. Do nam 8 bischof die bar vñ
sazte sy auf die todtten leichnam. in
dem namē got des allmechtige. vñ
in der eer sant anthoni. do stündet
die todtten zehand auf. vnd hüben
an zeschreien. wie sy an die statt der
pein wān gefürt wordē. von dem
bösen gaist. vnd wie sy von dem ge-
bet sant anthoni wārent erlöft. do
fragt sy 8 bischof an wölicher stat.
do hüben sy an zu zāhern vnd spra-
chen in ain grossen rauch. vnd feue

Anton Sant

vnd vnser selen wurden bald ver-
zert. das erbarmet den bischoff vñ
wainet mit ym. vñ lobten got vnd
sant anthoni vnd giengen hinweg
Vnnd do der bischof .xx. tag wayd
was gangen mit den seinen vñ mit
den zwaien leoparden. vñ mitt den
dreien mensche. die sant anthoni vñ
dem tod erkückt hett. vñ als sy in d
wüstung über die hohen scharpf-
fen berg giengen. do kamen die wil-
den thier zū in. leo. tiger. vnd ander
vngeheür wūrm. do rufft der bisch-
of vnd die andern. sant anthoni an
der behüt sy das in kein laid gescha-
he. darnach kamē sy an ain wasser
das haist myli. vnd kamen an ain
stat die haist ephejos. da funden sy
ain starcken reichn man der hieß da-
niel. der was geborn von künigkli-
chem geschlecht. d was behafft mit
dem bösen gaist. vnd im waren alle
seine gelyder beschwärt mit eysen.
do er hort die zükunfft des hailigen
leichnams. sant anthoni. do brach
er sich auß den banden. vnd lieff an
das wasser myli. vñ die bösen gaist
schryen auß im mit lauter stymie. O
du hailiger vatter vñ beichtiger an-
thoni erlöf ain armen. erlöf ainen
gefangn. die stym hort man als ain
verschampter rufft. do lieff im das
volck nach auß der stat vñ westen
nit was er damit maynet. Aber do
er rufft. O hailiger vatter sant an-
thoni. vnd do man mit der bar kam
lieff er hinzū vñ griff sy an. zūhand
ward er erlöst von den bösen vein-
den. do schryen die bösen gaist. An-

antonio

thoni warumb treibst du vns auß
vnserm hauf. vñ schryen in den luff-
ten. Er ist hie der vns gayflet vnd
peyniget. das horten leüt auß ainer
purg. die vorchten sich vnd giengn
herab zū dem bischoff vnd fragten
in was das wär. Do sprach der bi-
schoff. Wir seyen von constantino-
pel des kaisers constantini botten.
vnd pringen den hailigen leichnam
sant anthoni. den haben wir fundē
do er das gesprach. do horten sy ain
stym die sprach. kōment vns zūhilff
wan es seind zehen wolf zū vns in
die burg gegangen vnd habent die
thier getödt. vñ fünff kind hinweg
getragen. do lieffen sy all zū vñ ruff-
ten sant anthoni an. do stunden die
wolff styll. vnd giengen zū der bar
als wāren sy vernünfftige thier ge-
wesen vñ legten sich nider als bege-
reten sy der gnaden. vnd die kind be-
liben vnuerferr. do lobten sy got vñ
sant anthoni. Darnach giengen sy
mit dem hailigen leichnam sant an-
thoni in ain schiff vñ fūren von
dannen mit grosser andacht. vñnd
kamen in die porten der statt Alex-
andria. Vnd da geschach ain grof-
fer erdbidem. vnd die bösen gayste
schryen in den lufften. Anthoni du
grosser haylig du peynigest vns
gar seer. do das die leüt höreren do
lieffen sy auß der porten des möres
vñ begriffen das schiff da d hailig
leichnam sant anthoni inn lag. do
bracht man die siechen menschen all
dar. vnd rürten die bar an. vnd zū-
hand wurden sy alle gesund. was

siech tagen sy herten. vnd die stummen wurden reden. do gieng 8 byschoff auß dē schif. vnd ließ daz machen. do wächse der leymund sant anthoni als weit die gantze gegent was vmb alexandria. ¶ Zū 8 zeit was ains ritters sun 8 hieß effron in 8 stat alexandria. der ward veruraten dem richter zūm tod. vñ hieß in hengen. vñ do man in zū dē galgen pracht. do schrien sein vater vñ mütter. vnd all sein freünd. O hailiger vater anthoni kōme vnserm freünd vnd sun zehilf. vnd erlöß in von den henden des bösen richters mandalis. vnd knieten auff ire knie. Vnd als man effron an den galgē gehengt het. do schry er. Hilf hailiger herz sant anthoni. also ließ man in hangen. do giengen seine freünd von im mit laudigem hertzen. Vnd am sibenden tag do kam sein vater zū dē galgen vñ wainet ser. do schri der sun. Lieber vater lauf bald zū dem richter wān ich leb noch. do dz der vater hort. do was er fro. vnd ließ bald zūm richter vñ sprach mein sun det leb noch am galgen. do daz der richter hort. do gieng er mit im vnd sahen dz er noch lebet. do hieße er in vom galgen nemen. vñ sprach zū im. wer hat dir geholffen das du noch lebst. do sprach er. sant anthoni behielt mich bei dem har. vñ sein gesell bey den henden. vñ in den. viij tagen hab ich wed geessen noch getruncken. aber von iren gūten Worten bin ich gespeist worden. do lobten sy alle samp̃ got vñ sant antho

ni. Do gieng mādalīs zū effron vñ die menschen auß der stat zū 8 portē des mōres vñ sagten dz groß zeichen dem bischof. des ward er vñ die seinen fro. Do het mandalis der richter wol. cl. gaislicher mān mit im genōmen. vñ mainet er wolt die bar mit dē hailigen leichnam in die stat gen alexandria getragen habē vnd viel auff die erde mit sein knien vnd als sy die bar angreifen wolte do vielen sy nider vñnd lagen wol. siben stund auß 8 erde. als ob sy tod wāren. do dz mandalis sahe do forchte er sich. vñ do dz 8 bischof sahe do nam er die bar mit dem hailigen leichnam. vñ leget sy auß die gaislichen mān. do stündē sy zehand auff vnd darnach torsten sy die bar nimmer angreifen. Do bat mandalis den bischof dz er im etwas von dē hailigen leichnam gāb. daz thet er. vnd gab im dz klaid halb darein er gemacht was. dz nam er mit groffen freüden. vñ danceten im 8 groffen gab. vñ der richter gieng wider in die stat. vñ hūb an ain schöne kirchen zebawen in 8 eer sant anthoni. Darnach gieng 8 bischoff mit seinē brüedern vnd mit effron vnd zwayen leoparden vnd mit den zwelfen in ain schif mit dem hailigen leichnam sant anthoni. vnd hūben an zeschiffen gen iherusalem. aber die bösen gaisste schrien in den lufften. O anthoni du diener gotes du peinigest uns erbarm dich vñser. wann das feur prentt vns gar bitterlich vnd also müste sy gen iherusalem. Nut

Anton

was ain blind man bei der stat der
betlet dz almußen. vñ do sy im wur-
den nahnen mit dem hailigen. Do
hüb er an zeschreiben. O hayliger an-
thoni gib meinen augen das liecht
vnd mein füßen den gang. also pra-
chte man in zü der bar. also bald er
sy anrühret. do ward er gesehen. do
lieff er in die stat. vnd schri mit lau-
ter stym. Es ist hie der hailig anto-
nius der mir geholffen hat. do man
das höret. do lieffent vil menschen
auf der stat. vñ funden sein nitt. do
wurden sy traurig. vnd beliben die
nach bey d stat. vñ funden sein nitt
do hortent sy ain süß gesange. als sy
gedaucht. dz sy wären in dem para-
deiß. vñ hortē auch die engel dz lob
gotes singen. vnd sahent doch nie-
mant. also kamē sy mitt dem hailigē
leichnam gen köln maritina do fun-
den sy schif die wolten gen constan-
tinopel. vñ sprachen zü den kaufleü-
ten was sy nemē wolten vnd sy gen
constantinopel führen wan daz sch-
iff da sant anthoni innen was das
was nit ganz. do sprachē die schiff-
leüt wir wölle. xx. vnd hundert gul-
din nemen. die gab in der bischof. al-
so trügen sy den leichnam mit in in
das schif. vnd führen dohin vnd als
sy auf dem wasser führen. do schrien
die bösen gayst. O du hailiger vat-
ter sancte anthoni. dein grosse hay-
ligkait preßt vns gar fast. Do das
die schifleüt horten. do sprachent sy
zü dem bischof. warüb habt jr vns
den grossen schatze verhält. wann
wir sind sein knecht vnd rüffent in

antonio

gar oft an. wan wir vngewitter
haben. vnd er ist vns oft erschinen
auff der port dese schiffes vnd wir
sahen in vnd er erbarmet sich über
vns darüb solt ir in vns nit verhält
haben. Vñ do sy inen wurden das
sy sein hailigen leichnam in dē schiff
fürten. do gaben sy die guldin wid
die in d bischof zelon het geben vñ
die wegfart vñ machten vil kergen
vnd stackten sy zü der bar. vñ zund-
ten sy an dem hailigen zü eern. Vnd
do sy also führen über das hoch mōr
do wurden sy sich übel fürchten. do
erschien in sant anthoni auf der por-
ten des schiffes. mit ainem klare an-
gesicht: vñ trüg ain stab in d hand
do er sich an steiret. vñ tröstet sy sp-
rechent. Ich bin es yr solt eüch nit
fürchten. do er das sprach. do gelag
das weter. vnd ward still vmb sy.
darnach ward ain glüer wind. als
sy drey tag vnd nacht warent gefa-
ren. do kam aber ain grosser wind
der wendet den segel gen aquilon.
do warent sy gar nahent verzwei-
felt. do viel der bischof für den leich-
nam. vñ sprach. Hailiger vater an-
thoni. weiß vns den rechten wege.
also führen die schifleüt wid iren wil-
len vierzig tag gen aquilon daz w-
nit d recht weggen constantinopel
do die vierzig tag vergiengent do
sahen sy von verre ain grosse insel
die was grausam. vnd waren we-
nig baum darin vnd do sy wol auf
ain stain wurst hinzü warn kōmen
do horten sy grofe donerschlege. sy
gedaucht dz sich die ganz insel da-

von bewegt. do segnetē sy sich mit dem hailigen kreuz vñ hortēt groß schlahen vñ klopfen mit eysnin hāmern. Do kniet d̄ bischof für die barbat anthoniū das er sy behütet vñ in zehlf̄ k̄me. vñ sprach sein gebet do er das geschach. do k̄mē zwelff die in der insel woneten dye waren lang. vñ heten zehen füß vñ waren groß vñ vinstet vñ gar forcht sam. Vñ do die selben die diener gotes sahen. do lüeten sy vñ giengen wiß hinder sich. do hūbe d̄ bischof vñ die seinen an zerüdern. darnache k̄ment wol fūnfzig vñ hundert auß der insel. die trügē zungen in iren henden. vñ eysnin gablē mit feürin negeln. die grūnten auf den bischof. vñ auf die seinen. vñ wolte in preñen. do was d̄ engel bei d̄ bar vñ hütet des hailigen vñ seiner diener. vñ warfe die vngeheüren in das mōr. do pran dz mōr nahent biß auf den grund. do horten sy den ganzen tag lüen. vñ schrien. do erlöset sy got aber. vñ fürte sy ain ge lückhafftigen weg in vier tagen vñ nāchtē in das land caldea. d̄nnd die bösen gaist schrien greulichē ob jnē O hailiger anthoni peynige vñ nit so sere. Do das die mensche horten lieffen sy auß der stat an die porten vñ sahent die bar. vñnd was siecher menschen dar k̄ment vñnd die bar anrürtē. die wurden gesund wölcherlay siechtagen sy heten. do wurden sy alle fro. vñnd danckten got vñ sant anthoni der genaden darnach k̄mē sy aber in ain stat die

haisset sotas. do lieffen aber vil mē schen an dz gestat. wan sy hortē die bösen gaist auch schreien in den lūf ten. Sie geet sant anthoni der vns gaistlet vñd peiniget. das horte ain grosser man. der hieße fronder. vñ der het ain sun der hieße abaron der het ain angesicht daz was wiß die natur. der k̄ame auch zū seiner bare mit dē sun vñ bat sant anthoni dz er sein sun hulf. vñ do er von dē gebet auf stünd. do was sein sun worden gesund. des danckte sy got vñ sant anthoni. der gnaden vñ giengen in ain stat. haist stauris die iß nahent gelegen bey constantinopel do das die menschen horten do lie sent sy an die porten vñnd die bösen gaist die sophiam des kaisers tochter besessen hetten. die schryent auß irem mund. wir werdent bald aus getriben. O hailiger anthoni war umb bistu so schnell herkömen. das du vns auß disem vaf wilt treiben da wir. vñ. iar jnn gewonet haben do dz jr vater hort do hieße er schiff beraiten. vñd saitenspil vñd alle die pfaffen die in der stat warent die thetent yr priesterliche klaid an vñ nament das kreuz mit jn. vñnd ain rauchsaß. das weichwasser vñnd dz büch daz da haist der psalter vñ giengen mit dē kaiser in dz schif. vñ füren gegen dem leichnam vñ do sy das schiffe weit sahent her geen do hūben sy jr hend auff vñd sprachen O hailiger herr erbarme dich über vns vñ do sy zesamen k̄mē do empfieng d̄ kaiser vñd die pfaffen den

Von sant anthonio

bischoff vnd die seinen mitt grossen freunden. do sprach 8 bischoff zū dē kaiser. dein mütter hat dich in ainer gütē stund empfangē. dan du hast verdienet zefündē disen edlen schatz vnd in zū besitzē. vñ gedencē wie dich got hat begabt mit wirdigkayt in diser welte zehilff deiner tochter. Do kniet der kaiser auf seine plosse knie. vnd betet vor der bar des hayligen leichnams. vñ do man den leichnam pracht zū dem thor 8 stat cōstantinopel mit grosser wirdigkait vnd mit saiten spil. Vñ do sy in dye stat giengen. do kamen in die menschen entgegen mit prunenden kerzē do leget man den hailgen leichnam auf sein wagen. vñ namē zwen ochsen vñ stelten die in den wagen vñ man leget die bar darauf vñ ließ sy geen. do zugen sy den leichnā an ain stat haist sentino. da waz ain ainsidel gesessen. do giengen zwen weg. do giengen die ochsen den weg zū ainer kirchen. die hett 8 kaiser gebauen lasen in 8 eer des hailigen vatters. anthoni. vnd die ochsen woltē den selben wege gegangen sein. do thet man drei par ochsen zū in. do giengen sy den weg zū der kirchen sophie Vnd do sy zū der kirchen kamē. do pracht man des kaisers tochter die mitt dem bösen gaist besessen was vnd was mit grossen schweren ketten gebunden. do fūrt man sy zū der bar do sant anthoni innen lage. do warffen sy die bösen veind nīd auf die erd. also trüg man den hayligen leichnam in die kirchē. do hūb man

Dem ainsidel

die iunckfrawen auf vnd fūrt sy auch in die kirchē vnd sagte sy auff die bar. do schrient die bösen veinde. O sant anthoni wirf vns von dyssem hauf. vnd prenn vns nit mer. Do das der bischoff vnd 8 kaiser horte vnd alles volcke do vielent sy an yr gebet vnd sprachent. Allmechtiger ewiger got. vnd hailiger sant Anthoni. erlōß den menschen von dem bösen veind. zehand giengen sy all auß mit grosssem geschrai. vnd mit dem viel sy nīd auf die erd als wār sy tod. do hūb sy der bischof bei der linckē hand wiß auß. do schri sy. ich will mich nit von dem edlen schatz schaiden. wān ich hab den hailigē sant anthoniū in dem schlaf gesehē do lobten sy got vnd sant anthonium. Do ließ der kaiser ain grab machen. von helfen bain. von gold. vñ von edlem gestaine. do leget der bischof den leichnam darein mit grosser wirdigkait. vnd vermachtet daz grab mit zwelf insigeln. vnd machten darauf büchstaben. kriehisch. hebraisch. die sprachen. Wie rüet 8 hailig leichnam sant anthoni. der ainsidel. der in 8 wūste ist gewesen in dē land egiptē. den vns theophilus 8 bischof hatt her pracht. do beliben die zwen leoparden vñ auch die. rü bei dem grab die mit im dar kōmen waren. die waren hūtē des grabes Vñnd was siechtagen der menschhet so er zū dem grab kam vñ in an rüßte zehand ward er gesund. wān er schmecket als süßigklich als wārent alle apoteken bey ym gewesen

Got gab jm die genad. was ainem
thier wee so rufft man jm an. so half
er jm zehand. Ain ietlicher. me insch
der jm anruffen ist. in ainem gütten
vertrauen dem hilfft er in seine nö-
ten. wann es ist an vil menschen be-
wärt wordenn. das er auch ist der
nothelfer ainer. vnd wer jm eert dur-
che vnsern herzen jesum cristu dem
gerünnt eer noch freud nymer ewig
klichen. Nun helff vns der lieb hay-
lig sant anthonius auch vmb gott
erwerben das wir hie jm zeyt men-
schen werden nach dem lob gottes
vnd darnach mit jm vnd allem hy-
melischen hore besigen dye ewigen
freud vund das ewig leben Amen.

Von sant Prisca der hay-
ligen juncfrawen.



Die hailig juncfraw sant Pri-
sca ist zu rom von edlem geschlecht
gehorn vnd was ain cristin. vñ het
got lieb. vnd dienet jm mit fleiß. vñ

da sy. xiiij. iar alt wz worden do hö-
ret ain zaubier von yr sagen. der fü-
ret sy zu dem kaiser claudium vñ sa-
get jm dz sy ain cristin war. dz thet
dem kaiser gar zorn. vnd gebot das
man sy in den tempel füret. das sy de
abgöttern opfferte. das thetten die
diener. Vñ do sy in den tempel kam
do betet sy mit grosser andacht. vñ
rufft got mitt grossen ernst an. do
kam der engel gottes. 8 machet ainē
grossen erdbidem. das sich die stat
dauon bewegt. vnd der abgot viel
nider. vnd zerprache. vnd das vier-
tail des tempels viel auch darnider
vnd ertödtet da der abgötter prie-
ster. vund sunst auch vil menschen.
Darnach zoheman sant Priscam
nackent ab. vnd schlug sy mit gerten
das das blüt von yr ran. das layde
sy gedultiglich durch got. darna-
che do leget man sy in ain kercker do
kam aber der engel gotes in 8 nacht
zu ir vnd stercket sy. do ward sy fro
vnd sang das lob gotes. die ganze
nacht. vnd des morgens frū name
man sy auß dem kercker. Vund goß
haifß öl auff sy. dauon warde sy nie
verseret. wann gott was mitt yr.
Darnach schlug man ain eifni raif
vmb sy das laid sy auch mit gedulte
darnach füret man sy aber in den te-
pel. vñ hieß sy de abgöttern opffern
do thet sy das kreutz für sich. vund
rufft got mitt ernst an. do came ain
grosser donerschlag. vnd das feüer
viel von hymel herabe vund ver-
prennet dem kaiser sein purpur gar.
von seiner rechten seiten. vund der

Von sant

abgott verprane zū ainem puluer. Darnach setzet man sy zū greüliche thieren. do sprach sy jr gebet zū got dem allmechtigen. do wurden die thier sensstimütig wie die lāmbli. Nach dem schnit man jr das flaisch mit krapffen von irem leib. bis auf das bain. vñ zarten jr die arm auß ainander. do sprach sy aber jr gebet zū got do ward sy wider gesunde. Do ward d̄ kaiser zornig. darnach hieß er ain groß feür machen. vnd hieß die juncfrawen darein setzen. do kam jr got aber zehilf. vnd sendet ainen grossen regen von hymel der leschet das feüre das yr nie kain layd geschach. do ward der kaiser aber zornig vnd hieß jr das har abschneiden. vñ sprach. sy het mit zauberei das zūpracht. vñ verschloß sy in dem tempel vnd vermaint sy solt darin hungers sterben. vnd gieng darnach an dem dritten tag zū ir in den tempel. vnd hoffet sy wär tod do fand er sy frisch vnd gesund. do sprach er. wer hat dich aufenthaltē do sprach sy. daz hat mein gaislich er trost ihesus cristus gethan. Do sahe der kaiser das der abgot nider was gefallen. do ward er gar zornig vnd hieß jr das haubt abschlahen. Do furt man sy ain halbe meil von rom. vnd da schlag man yr d̄z haubt ab. do fur jr sel zū den ewigē freuden. do begrüßent sy die cristen haimlich. vnd barweten yr ain kirchen ob irem grab. jr zū ern. Nun helf vns got durch jr hailiges gebet d̄z wir auch kōmen zū den ewigē freu

Sebastian

den do sy ist vñ sy sich ewiglichen mit got freuet Amen.

Von sant Sebastiano.



Sant Sebastianus ist geboren von mailand vnd wns ain gütter ritter. vnd het got lieb vnd ain cristen. vñ er tröstet die gefangen cristen menschen. vnd weist sy auf dē rechtē weg zū got. auch w̄z er weiß vnd k̄n vnd sein wonūg was zū mailand. Zu der zeyt was Dyoecianus vnd Maximianus kaiser die hetten sant sebastianū gar liebe vñ eerten in vmb sein weißhaite auch vmb sein eer das er ain k̄ner ritter was in streiten. sy warn haiden. vñ warn den cristē gar veind darumb trüg sandt Sebastianus sein ritterschafft mit im. vnd was haimlich ain cristen. darumb dazer den cristen möchte haimlichen nutz sein. wann wo er hort das man die

eristē wolt vaben od tödtē. so war
 net er sy vñ vnderstünd daz als vil
 vñ er mocht. vñ dienet got mit bet-
 ten vasten. wachen. vñ mit vil an-
 der güter übung. Nun sūgt es sich
 das man zwen frum̄ mann vienge
 vmb cristenlichen gelauben. der ain
 hieß Marcellianus. 8 and̄ marcus.
 die hetten an ainander gar lieb. vñ
 warent zwen brüd̄. do hieß man sy
 die abgötter anbeten vñ in opfferin
 des wolten sy nit tūn. do gebot der
 kayser das man sy enthaubten solt.
 des erschracken sy nit. vñ waren ge-
 dultig durch got. also bracht mā sy
 an die statt do man sy enthaubten
 solt. vñ sant sebastiā kam auch dar
 zū. do bat man die zwen güt mann
 das sy den abtgotern solten opfferin
 vnd jr müter was auch da. die sp-
 rach. liebe kind gedenc̄t daran das
 ich eūch baide mit mein̄ prüstē ertzo-
 gen hab. vñ schonent mein vñ laßt
 mich eūern tod nit sehen. vñ betrü-
 bet mich so yemerlich nit. vñ kerent
 noch wider. darnach fūrt man jrē
 vater auch dar. dann er was siech
 vnd krank. vñ do er sahe das man
 sein sun wolt tödtē. do sprach er lie-
 ben sūn secht an mein veterlich treū
 vnd betrübent mich nit so sere. er-
 freut mir mein hertz damit vnd be-
 tent die abgötter an durch meinent
 willen. vñ ich vñ eūer müter solten
 erst trost von eūch haben so wölte
 jr hie tölich sterben vñ wölt vñ se-
 re hertzen damit betrüben. vñ schri-
 en vñ waineten gar yemerlich. Was
 was sant Sebastian laid das sich

die klag red also lang verzohē. vñ
 vorch die zwen würdē vom glau-
 ben treten. vñ von 8 selben klag we-
 gen belib er bey in. Darnach kamen
 auch jrē weiber vñ trügent jrē kin-
 der mit in. vñ waineten vñ schrien
 yemerlich vnd sprachē. jr stainhert-
 ten man. wem wölt jr eūre kind las-
 sen. in wār besser sy wārē tod. wer
 soll vnser verweser sein. vñ tribent
 das geschray so lang das die zwen
 man wurden zweifeln. das merck̄t
 sant sebastian vñ thet sein hertzen
 gar wee. vnd het den glauben vor
 haymlich getragē den macht er dō
 offenbar. vñ sprach zū marcelliano
 vñ zū seinē brüder marco. O jr star-
 ken ritter die jm got selber hat auß
 erwölt zū große lon. jr solt eūr kron
 durch eūer freunt vñ durch eūre kin-
 der nit verlieren. vñ sprach zū jren
 freunden. laßt eūer bittē durch gotz
 willen vnd laßt sy die ewigen kron
 verdienen. vñ jren sy an 8 ewigen
 freud nit. dann sy beraitent eūch ob
 jr wölt vnd mügent eūch wol vñ
 got erwerben mitt jrem leiden das
 eūch nütz ist an sel vnd an leibe. nun
 sehent jr wol das die welt betrogē
 ist. vnd heid vnd has vnd üppige
 eer darinn ist. das ist der sel schade
 aber es bedünck̄t der welt kind güt
 vñ das heūt gesund ist. das ist mor-
 gen siech. vnd der yetz liebe hatt der
 hat morgē laid. der heūt lebt der ist
 morgen tod. vñ was wir hie wol-
 lust haben oder freude. das nymp̄
 alles in ainer stund ain end. aber die
 pein darnach ist ewig. Aber die mē

sehen die hie durch got den herre leident die habent darnach den ewigen frid vmb so kurze pein. do sant Sebastian also redet. do kame ain schöner engel zū jm vnnnd kame ain groß liecht vmb in das es die menschen sahent. nun was ain herre da hieß nicostratus. der hett 8 zwayer hailigē mān gehüt vnd höret auch die red vñ sein frau zoe was auch da die wz. vj. jar gewesen ain stum vñ do sy die red gehört het do giengen sy von allē volck zū sant sebastiā vnd viel für sein fūß vnnnd wincket jm als ob sy spräch. deine wort sind war. bit gott das er sich über mich erbarme. des nam das volck groß wunder das die frau die mit gereden mocht vor dē ritter lag. vñ do sant Sebastian der frauē diemüt sahe sprach er bin ich ain warer gotes knecht. vnd ist die rede war die du vñ daz volck gehört habt. vñ so du an got glaubst so beger ich vō got 8 zacharie sein red wider gebe das er der frauen jr red durch sein gūte auch wider gebe das sy an in glauben mīg. Also erhöret in gott zūhand. vñ geschach ain groß zaichen an der frauen das sy zehand redet. vñ sprach zū sant sebastian. gelobt sey got vñ deine wort. wān alle die dein Worten glauben die sind selig wān sy sind war das bezeug ich. wān ich sahe dz ain schöner engel zū dir kam 8 het ain bñch in seiner hand vñ was du redest daz namest du auf dē bñch. vñ do jr man nicostratus da 8 groß wund sahe

vñ hört do viel er auch mit grösser reu für sant sebastian vñ begert ab las seiner sūde vñ glaubt an got vñ hieß marcū und marcellianū ledig lassen. do wurden sy vō sant sebastianus red so wol getröstet das sy mit wortē ledig sein. vñ sprachen Wir haben das ewig leben nahent erstriten das wöll wir mit der hilf gottes wol überkōmen. Do stach man sy mit speren zū tod. do fürent jr sel zū den ewigē freuden. vñ gab in got zū lon der marter kron. darnach tödt man die frauē auch. do für jr sel auch zū den ewigē freuden. ¶ Darnach kam ainer zū sant sebastiā hieß claudius 8 het zwen siech sūn. 8 ain het die wassersucht. 8 ander was wund in den tode vñ hett vil krankheit darzū. den er warbe er vñ got gesuntheit vñ bekört sy des dancken sy got vñ jm der gnaden. Darnach kam zoe in dē schlaff zū jm vñ bat in das er jren leichnā begrüb. das tet er. Darnach bekört sant sebastian 8 zwayer hailgē vater vñ mütter vñ. lxxviii. mān die tau fet sant Policarpus all. vnd do der zwayer vater getaufft ward ward er gesundt von allen seinen siechtagen. dz hört ain reicher vogt zū rom der hieß carmacius der kam zū jm. vnd fragt in wer in gesundt het gemacht. wann er was auch krank. vñ wār gern gesund gewesen. Do sprach er. mich hat sebastianus vñ policarpus gesundt gemacht. Also sendet er nach in vnd sprach. ratent mit das ich gesundt werd des bit

ich eüch. Do sprachen sy. wilt du gesund werde. so solt du die abgötter zerprechen. 8 waren. cc. die zerprach man all. do was der vogt danocht siech. do sprach sant sebastian vnd policarpus. du hast aber die abgötter in deine hertzen. do sprach er. es hat mein vater ain hailigs ding gewürckt daz hab ich noch daran ist des hymels vñ der stern lauffe gar maisterlich gemacht. do sprach sy die weil du daran glaubst. die weil wirst du nit gesund. darüb thū daz werck dyn. Do sprach er. was ich hab das mir ain irsale ist das will ich gern hintün vñ willeüch volgen. Nun hett der vogt ain wolgewachsen sun der hieß Thiburcius der sprach. ich will nit gestaten daz man dz hailig werck zerprech wan er ist mein erb. jr globt mir dan dz jr in ain glüenden ofen geen wölte. wen jr das werck zerprecht. vñ ob mir mein vater darvon nit gesund würde. Do sprachen sy. das wölle wir gern thün. Also zerprach man daz werck. do kam ain engel vō got der sprach. cramacie gott hat dich darumb gesündt gemacht. das du dein leben solt bessern. Also wurde er gesund. vnd viel sant Sebastiano vnd Policarpo zū füssen vñ bat sy das sy in taufften. do taufften sy in vnd sein sun vnd. cccc. menschen mit in. ¶ Nun was ain grosser fürste zū der zeit 8 was dem kaiser gar lieb der hieß Fabianus dē thet gar zorn daz man die abgötter zerprochē het. vnd hieß der mensche vil ertöd

ten vmb cristenlichen gelauben. do füren jr selen zū den ewigñ freuden. Darnach vieng er thiburciū auch. vñ hieß vil glüender kolen auff die erdē schütten. vñ sprach zū im wilt du die abgötter nit anbeten so müst du auff die glüendē kolen geen. Do sprach Thiburcius. ich will den bösen gaist nit anbetē. vñ macht das hailig creutz über die kolen. vñ gienge darauff das im nie kain laid geschache vnd sprach. sihe du tumber man was doch mein herr jesus cristus vermag. ob ich mich sein scheimen soll. dan ich überwind in seine name alles leiden vnd ist mir recht als ob ich auff rosen gee. Do ward er zornig vnd sprach. euer christus vnd euer gott hat eüch geleret das eüch daz feur nit schadet. do sprach Thiburcius. schweig du vngläubiger hund. vnd thū deinen mund zū wan du bist der grossen hailigkait vnwürdig das du den name gotes solt nenen. wan du bist doch ewig verlore. do sprach der fürst. du hast mich übel gescholtē das will ich an dir rechen. vnd lief im vor zorn das haubt abschlahen. do für sein sel zū den ewigen freudē. ¶ Sant Sebastian was so edel vñnd kōn das in der fürst nit toist angreifen. vñ versagt in gegen dem kaiser vñnd sprach. kaiser warüb hast du Sebastianū so lieb du solt wissen das er vnser götter spot vñ gelaubt an Jesum christum. do ward dyoclecianus gar zornig vnd lief in vabē vnd für in bringen. vñ sprach zū im

Anton

was hast du mit deiner treu erworben gegen mir. nun hab ich dich in ganzē treuen lieb gehabt. das hab ich nun alles an dir verlorn. Do sprach sant Sebastian. warlich ich hab gott mit fleiß für dich gebeten vñ für dein reich. Solichs thet dē kaiser zorn. vnd hieß in zū ainer seil binden auff dē feld vñ hieß in schiessen. das thetē die diener vnd schusssen so vil pfeil zū im daz er so rauch dauon ward als ain ygel. darnach namē sy in vō der seil vñ ließen in für tod lgen. do gab im gott krafft vñ macht vnd halff im dz er genas do gieng er mit den andern rittern wider zū dē kaiser auff den palaste vñ stünd hoch über sy auff. do saßen die andern für in nyder. do prediget er in vnd strafft sy darūb daz sy den cristen als vil laids anteten. Do sprachen sy. ist das nit sebastianus den wir auff dē feld zū tod schusssen. er sprach ya ich bin d selb. got hat mir geholffen das ich gesundt bin worden. vnd soll euch straffen vmb die sünd. Das thet in zorn. vñ bundē vnd schlugē in als lang mitt knütteln biß daz er starb. do für sein sel zū dē ewigen freudē. darnach legte sy in haimlich in ain sprachhaus das in die cristen nit für hailig hetten. vnd in der selben nacht erschien er ainer hailigē frawen hieß Lucia. vnd sprach zū jr ich lig an ainer vnwürdige stat darūb nym mich heraus vñ leg mich zū der zwölffpote fuß. dz thet die fraw. vñ nam frum mensche zū jr vnd begrub den hay-

Sebastian

ligen als er begert het. vnd sy belib bey dem grab. xxx. tag mitt grosser andacht vñnd machet ain capellen darob. ¶ Es schreibt sant gregorius im ersten buch dyalogorū. das ain fraw in dem land dustari wār die kam zū sant sebastians kirchen. vnd viel des andern nachtz mit ire mān in die sünd. vñ gieng des morgens wiß in die kirchen vnd achtet der sünd nit. do sy nun in die kirchen kam zū sant Sebastian do für der böß gaist in sy vñ peiniget sy yemerlich vor den mensche allen. do nam der priester ain altarzwehel vñ be deckt die frawen damit. do für der böß gaist zūhand in den priester. do fürten die frawen jr freünd zū ain zaubier vñ baten in das er jr hülffe mit seinem zaubern. vnd do sy nun anhuben mit irem zaubern. do verhenger got das ain vinsternus bößer gaist zū jr kame. das waren. vj. tausent. vj. hundert vñ. lxxj. die theten der frawen mer verdrief. dann jr vor was geschehen. do was ain hailiger man der hieß fortunatus. den erbarmet die fraw ser. d sprach sein gebete zū gott do ward sy von den bösen gaiste erlediget. des warde sy fro vnd dancket got dē herren mit andacht. ¶ Aines mals was ain grosser sterb in dem land italia bey des künigs zeytten Gumberti. vñnd was der sterbent als groß. das der mensche nit genüg waren das sy die todten begrübē. vñ starb allermait zū Rom vñnd zū bayeren do sahent vil menschen ainen engel

dem gieng ain böser gaist nach der trüg ain messer in der handt dē gebot d' engel dz er die mensche schlüg vnd tödtet. vñ als oft d' böß veind an ain hauß schlüg. als oft trüge man ain todten herauf. Do ward ainem gūten menschen vō got künde gethan das der sterben nitt auffhöret biß man sant sebastian ain altar zū sant Peter baut. do sager er es dem volck. also machte sy im ain altar in sant Peters münster zū dē banden. do höret der sterb zūhand auff. do ward das volck fro vñnd eerten sant sebastiā fürbaß mit grosem fleiß. vñ dancken im. vñ brachten seins hailtums von rom. Darumb sollen wir in auch bitten das er vns behüte vor ainē gehen tod. vñ vor allem das vns schedlich ist an seel vnd leib Amen.

¶ Von sant Fabiano.



¶ Sant Fabian was ain ritter in der stat rom vñd was ain crist. er het got lieb vñd dienet im mit fleiß tag vñd nacht mitt beten. wachen vasten. vñ mit vil ander gūter Übung. Zū den zeyten do ächt man die cristen mensche gar ser. man vieng sy vñ tödtet sy wo man sy an kame wan daz volck in d' stat zū rom waren gemainglich haiden. In d' zeyt do starb der bapst. do samlete sich die cristen mensche alle vñ sant Fabian kam auch darzū vñ batē gott das er in künde thäte wen sy zū ain bapste solten nemen. Also flog ein schneweise taub auff sant Fabian. do sahen die menschen wol das in gott zū ain bapst wolt haben vñd weiheten in dester lieber darūb daz er ain rōmer was. also pflag er des ampts mit fleiß vñ dienet got aber mer dan vor vñd het ain grof mit leiden an seinem hertzen daz man so vil hailigē martret vñd jr leben nitt an schub. den menschen zū ain gūte ebenpild. vñnd sendet überal in die land. dyacon vñnd subdyacon. wo man die hailigen menschen erschlagen het. vñd hießen in ir leben sagē. vñd schuben es in ire bñcher vñnd brachten es dē bapst fabiano. d' ließ es mitt fleiß behalten. durch ander gūter mensche willen. Darnach erschlūg man dē bapst auch vmb cristenliche glauben vñ für sein seel zū den ewigen freūdē. dahin vns gott der allmechtig auch helffe Amen.

¶ Von sant Menrat:

Bij



Es was zū saulgen auff 8 tho-
naw ain graf gefessen 8 hieß berch
told von saulgen vnd was edel vñ
wolgeborn dan das er nitt vil gütz
het vñ er het kinder die müst er be-
ratē nach seinē vermügen. Also het
er ainen sun 8 hieß mit namē Men-
rat. vñ do der knab was in dē fünf-
ten jar do fūrt er in in die reichnaw
vnd beualch in ain abt 8 hieß otto-
der was des selben grafen nechster
freünd. vñnd bat in das er das kind
in den orden enpfienng vnd das es
gaystliche zucht leeret. Der abt em-
pfienng das kind durch got vñ seins
ohems willen. vñ ließ es gen schül-
geen do lernet es gar wol vnd wū-
chß vast. vnd leget in die gaystlich
kunst wol zū vñ kam für die ande-
ren knaben all. vñ ward ain spiegel
aller münich in der reichnaw. vnd
nach dē lauff 8 jar ward er gewei-
het zū priester. vñ het er wol geler-

net in schülerweiß do tet er vil bas
an dē priesterlichen ampt. wann er
leuchtet für all priester. als 8 morgē-
stern für ander stern thūt. Nun lag
ain kloster am zürchersee das haist
yona darinn waren .xij. münich die
baten den abt in der reichnaw das
er in ain münch sente der die schüler
leerte. also sendet in der abt sein ohē
sant mentrat zū ain schülmaister. vñ
do er vil jar da gewesen was do zo-
he in sein gewissen in die wüstung
vnd in ward sein begierd als groß
das er ains mals zū ain jungen mü-
nich sprach. lieber sun laß vns über
see faren in die wüste vnd wildnūß
das wir in den bächen die in 8 wilt-
nūß rinnen darin vischen. er sprach
ya her maister. Also fürent sy den
see ab gen rapperswil. da warent
heüser vñnd yenhalt des sees was
kein hauf. do sy kament in die statt
do giengent sy in ainer frumē wit-
wen hauf. vnd als sy über wolten
faren do lieffent sy jr gewande da
das sy die nit zerprechen vnd füren
hin vnd kōreten gen dem wald an
das wasser ville vnd hūben an zū
vischen durch daz wasser bis in ain
anders wasser daz haist die alb do
kamen sy an ain ebne die geniel sant
mentrat gar wol. vñ hett in seinem
sinn vnd hertzen die mainung das
er wōlt sūchen ain ende in der wū-
ste darinn ain prun vnd ebne wār.
vñnd wie er gen den leüten spräche
das er nur vmb viffche auf kōmen
wäre. vñnd das der jung münich
auch nit anderst wēste dan das er

wär von vischens wegen außkō-
men. Vñ als sy in den bächen gieng
en. do sprach der jung münich. her
maister wir habē visch genūg. vñ
als oft d̄ jung münich also sprach.
so sprach er allweg. wir haben nitt
genūg. das thet er darūb daz er in d̄
wūste ain stat sūcht die jm gefellig
wār das er sein leben da wolt ver
zeren biß an sein ende. Vñ als sy biß
an den dritten tag waren gegangē
do k̄amen sy an die vinstern stat in
dem wald. da vnser lieben frawen
capellen yezund steet. die stat geniel
jm so wol das er in seinē hertzen er
seuffzet. vñ gedacht jm. daz ist die
stat da ich mein leben verzeren wil
Darnach k̄ōreten sy widerum. vñ
sant Menrat sprach zū dem jungē
münich. nun habē wir visch genug
vñ giengen wider gen rappers
weil zū der wittib do sy jr gwande
bettē gelassen. vñ soden vñ prieten
die visch die sy mit jn gebracht hetē
auß der wūste. vñ nach ymbs do
fūren sy wiß haim in jr kloster. vñ
ee sy von dannen schiden do sprach
sant menrat zū d̄ witwen ich wōlt
eūch gern etwas haimlichs fragen
das hōrt durch got den herren. do
sprach die fraw das will ich gern
thūn. do sprach sant Menrat. liebe
fraw ob ain armer priester begeret
in dē wald sein leben durch got dē
allmechtigē da zūuertzeren wār ye
mant hie gefessen d̄ jm almūsen gā
be durch gots willē das er nit hun
gers stürbe. do sprach die fraw ya.
sicherlich. her ich bin ain arme wit

wen vñ hab weder man noch kin
der vñd hat mir doch got der her
vil gūtz verlihē. vñ wo ich den prie
ster wēste der sein leben also durch
got verzeren wōlt dē wōlt ich k̄ain
gepresten lassen. Mitt den worten
schid er also von jr. vñ k̄am wider
in das kloster. Darnach ward sein
anfechtūg vñ begird als groß wie
er wiß in die wūst k̄am das er k̄ain
rū mocht haben. vñ mit dem streit
strit der leib vñ der gais̄t vast mitt
ainand: doch gefigt dē leib d̄ gais̄te
ab das er durch gots willen in die
wūstung wolt geen. vñd der krieg
weret ain ganz jar. das sagt die ge
schafft vō jm. also nam er vilob vō
sein abt. vñ was vō allen zeitliche
dingen abgeschaiden. vñ beualhe
sich got vñ k̄ōrt sich vō yona dē klo
ster zū der witwē gen rappersweil
do vand er sy in allem willen wie
er sy gelassen het. vñd er gab sich jr
zuerkēnen d̄z er der selb priester wā
re der durch got in die wūste wolt
geen. sprach sy. mein her vñd mein
kind ich fürcht jr seyt dē rauhen le
ben zū jung. dan sy sahe wol das er
ain jung man was bey den. xxiij. ja
ren. vñ sahe auch an jm das er ade
lich vñ lieplich erzogen was wor
den. do sprach er. fraw vñd mütter
ich hab mich got ergebē d̄ thū mitt
mir allen sein willen. Do die fraw
hōrt das er sich got ergeben het vñ
vest vñ stat an jm was. do liesse sy
jm ain zell in den wald machen nitt
ver: vō ain dorff auff dē berg auff
die hoffstat die man neit sant men-

Ain Sant

dem andern. zünt bald ain liecht an als er vns hatt gebeten. do nament sy die kertzen auff dē altar vñ wolten hin zū dē feuer sein gangen vnd woltē sy anzünden. do sprach 8 ain gee vnd zünd sy an. vñ der ain belib bey sant Menrat. vnd als diser die kertzen anzündē wolt. do wurde sy von dē himelischen liecht angezünt do das 8 mörder sah das sy on zeyt lichs feur prunnen do schry er seinen gesellen vñ sprach. sihest du das zai chen das hie geschehen ist. gott der hat die kertzē selb angezündet. wol auff bald laß vns vō dānen fliehen dāñ ich fürcht daz der mord nit vn gerochen beleib. vnd flobent auß 8 zell. vñ so bald sy auß der zell giengē do warent die zwen rappen da vñ stachen zū in vnd fragten sy vnder iren augen vnd zerieten in das har auß vñ schrient in nach als sy dānen giengent das der wald er hale. vñ theten in gar getrang. dann sy hetten geren iren herren grochen. vñ volgtē in nach. vnd do die mörder gen wolraw kamen. do stünd ain zimermā vor ain hauß vñ sein brü der bey im. vnd do die mörder also mortlich sahent vñ so vast lieffent. vnd die rappen als ser auff sy flug ent. sprach der zimerman zū seinem brüder. sind nit das die rappen mei nes geuatters menrats. do sprach er ja sicherlich. vñ sprach. warlich die leüt habē im etwas gethan dāñ die rappen rechē es gern. do sprach der zimermā. so erman ich dich brü derlicher treu das du in nachuolg-

Menrat

est wahin sy wöllent. so will ich zū meinem geuattern in den vinsteren wald lauffen vñ will lügen wie es vmb in stee. Das theten sy. Vnd do der zimerman erst in den wald ka me do schmecket er ain gūten süßen geschmack des nam in wunder vō wann er kame. also vand er sein lie ben geuattern tod vnd ermōrdet li gen vnd sahe daz die kertzen zū seinē haubt prunnen. vnd als er das sahe do lieff er auß dem wald. vnd als er gen wolraw kame do schicket er sein frawen vnd ander erber leüt in den wald das sy sassen bei der leich darnach fraget er wer im kame ob yemant zwen māñ gesehen het auff die zwen rappen geschryen hetten. also ward er vō den leüten geweist die das wund von dē rappen gese hen heten. vñ gieng in nach biß gen zürch. vñ als er dar kam do sahe er sein brüder 8 het die mörder verspe het. do sprach er zū im. o wee lieber brüd es ist laider übel ergangē mein geuater ist ermürdet. do sprach sein brüd warlich ich versah mich wol das den dingē nitt recht was wen die rappen lieffen nye ab. Nun sagt vns die geschriff das die mörder saß sen auß dem marckt zū zürch in ain offen wirtzhauß. do stachē die rap pen durch die venster hinein vñ flu gen auff den tisch vñ schüteten den wein vmb vñ was sy hetten vor in vñ fragten sy vnd iren augen. das kund in nyemant erwerben dāñ got wolt es also habē. Do das 8 zimerman sahe vñ sein brüd giengē sy vn

erschrockenlich in die stuben vñ vielen sy an für mörder vñ antwurten sy dē richter. Do thet got sein gnad als bald sy dē weltliche richter geantwurt wurde für mord. do ver-yahen sy das sy schuldig wāren vñ den hayligen man ermürdt hetten. vñ sagten offentlich die zaichen die da geschehen waren. Do nam der richter die burger vñ richten sy vñ wurden nach rechtē gericht verurteilt. vñ man setzet sy auff reder. do waren die rappen bey in bis sy gesturben. darnach flugent sy wid in den vinstern wald. da sicht man sy alle jar an sant menrats abent auff dem münster. der ist an sant Agnes abent. Diser mord ward gesagt dē abt auß d̄ reichnaw do sandt er seine brüder vñ sein botschaft in den vinstern walde nach dē leichnā in sein gotzhaus das er darin wār rñ en in seiner kirchen. vñ do sy in also brachtē vorn auff den ezel do wolt sich sant Menrat nit fürbaß tragē lassen. do setz man in nyd vñ schnit in auff vñ nam das ingewaid auß im vñ begruben es da. Darnach macht man ain schöne capellen dar die noch auff dē ezel steet. darnach ließ sich sant Menrat von dannen tragen. do trüg man in in die reichnaw do ward er gar erlich bestet. do lag er darin nach seinē tod hundert jar vñ darnach stünd sein zelle ix. jar. das menschliche wonüg nye da was. Darnach über ix. jare do kam die stym̄ gotes zū ainem künig in engellande der hieß Gregorius.

vñ was ain hailiger klausner vñ was ein beschlossen zū Rom auf ainer burg die hieß Celio. dise stym̄ was also sprechen. Gregori du solt faren in teutsche land in den vinstern wald in des hailigen sant menrats zell. vñ solt darvon nit schaiden du solt da wonen dan got der allmechtig will wunderliche ding da würcken. die stymme kam also drey nacht nach ainand zū im. Nun was zū der selben zeyt ain dechant zū Strasburg der hieß ebergart d̄ was gesessen auff dē bistumb. der was weiß vñ frum̄ das weder kaiser noch künig noch all langherren nicht thetē on sein rate. zū dem kam auch die stym̄ gotes gleich wie zūm künig. Nun was Gregorius gesessen zū Rom in grossen sorgen. wie er das gebot volbrecht daz im got d̄ herr getan het wan er weste nit wo er hin solt in teutsche land. oder wo d̄ vinstern wald wār. vñ als oft er prediget so verkündet er allwegen ob yemant weste wo der vinstern wald wār. Vñ ains mals do prediget er in anno iubileo vñ fragt aber ob yemandt höret sagen in welchem lande der vinstern wald läge. daz höret ain brüder von zürch der stünd auff vñ sprach. herr ich waiss den vinstern wald wol. dan er ligt nit verre vonn zürchersee. in teutschen lannden. do sprach Gregorius wider zū im. lieber brüder waist du nit ob auch yemants da wone. er antwurt. herr yetz ist nyemandt da. aber ich habe doch wol

Von sant

gehört das vor vil jarē ain hailiger
brüd da was geseßen d̄ hieß Men-
rat der ward ermürdt. Do sprach
gregorius. lieber brüd dich hat got
hergesendet. darūb bit ich dich lau-
terlich durch got nimm mich mit dir
in teütsche land d̄z du mir den vin-
stern walt zaigst da hab ich willen
mein leben verzeren. Do das d̄ man
hört des ward er fro. vñ fñrt gre-
goriū mit jm in teütsche land. Ann
sagt die geschrifft. Auff den tag als
Gregorius in den wald kame auff
den selben tag kam auch eberhart d̄
dechant von straspurg vñ so bald
sy ainander ansahen do weßt yeder
von d̄ mainung war sib er da was
als in got verkündt het. Darnach
do sy etwen vil zeit da waren vñd
als die cell sant menrats nyd geual-
len was. do hūben sy an zū bawen
ain capellen. vñ giengē an die was-
ser vñd trügen stain vñd sand mitt
jren henden auff die hailigen hof-
stat da sant menrat gewesen was.
vñd praunten kalg. vñd bauten on
aller maister hilff. dan̄ das in diese-
ligen leüt hulffen die bey in wonten
Do sy die capellen volbrachten. do
sendeten sy gen Costantz nach sant
conrat d̄ bischof was vñ baten yn
das er zū in kām vñ in ain capellen
weihe in d̄ eer vnser lieben frauē.
Do das sant conrat hört do ward
er fro. wann er weßt wol das die
hailig menschen warent. vñ wolt
es gern tūn. vñ thet in fund das sy
sich darnach richten er wolt bey in
sein an des hailigen creutz abent in

menrat

dem herbst vñ wolt in die capellen
des morgens weihe. Sant con-
rat nam mit jm sant Ulrich den bi-
schof von augspurg vñ ander hai-
lig pfaffen die giengen in den vin-
stern wald. vñ do des die menschen
in der gegent jnen wurden. die gien-
gent zū der weihe das sy der gena-
den tailhafftig würdē von dē hay-
ligen ampt. ¶ Wir leo bapst vñd
ain knecht aller knecht gotes. es zy-
met wol bestlicher fürsichtigkeitait.
wo hailig hofstet sind. vñ die gaist-
lich wesen haben das wir den mitt
willen zūhilff komen die das beger-
en vō grund jrs hertze oder die dar-
umb bittent mit schneller diemütig-
kait. dan̄ damit verdienen wir vor
got dē schöpffer aller ding dē höch-
sten lon. dai ūb wo wir gotzheuser
wissen zū bessern so thūen wir allē
cristen menschen zū wissen die yetz
leben oder hernach geborn werden
das der erwidig vnser brüder vñ
mitbischoff zū costantz bey vnserm
lieben vñ vñdertenigē sun kaiser ot-
ten. frau adelhaiten seiner eelichen
wirtin vñ ander fürstē vnser wir-
digkait fürbracht hat das er gebet-
ten vñ berüßt worden sey zū ainer
zell haist menrat zell in dem bistūb
Costantz gelegen. Das geschehe
nach cristu geburt neūnhundert vñ
xlvij. jar. das ain capellen solt wer-
den geweicht in der eer der hochge-
lobten juncfrawen marie. Vñd
do sant conrat nach seiner gewon-
hait durch gotes willen auff stün-
de do höret er vñd auch ander güt

brüder das aller süßest gesang das es vil zünil was. do wolt er erfarn was es wär. do ward er jnen das es die hailigen engel warē. die waren in d selben stund beklait als die bischoff die ain kirchē wölten wei- hen. vnd do er vnd die andern des morgens frū bereit waren. vnd in die capellen giengent vnnnd wolten weyhen nach gewonhait als ain bi- schoff tūn solt do verzohe sant con- rat das ampt nahent biß auff mit- tag. do strastten in die andern pre- laten darumb das er also lang ver- zogen het. vnd do sy die weihunge des ampts ansiengent hörten sy all das ain himlische stym sprach. hör- rent auff lieben brüder es ist gesche- hen. do erschracken sy all vñ hörten daz die vorgeschriben tat hailig vñ war was. Do für sant conrat gen Rom zū sant Peters vnd pauls kir- chen vñ pflag vnser getreuen nutz vnd rats ob diser weihung kain bi- schoff die capellen mer weihen soll vnd auch kain hand nymmer daran solt gelegt werden mit rat des vor- genanten bapst leo vnser bischoff. die hie geschriben steen. Otto ain bi- schoff vō Metz. Bruno ain bischof von Kōlen. Anno ain bischoff von Worms. Owin ain bischoff von hil- desheim. otto ain bischof von mir- midone. eckenbalt ain bischoff von strasburg. Ulrich ain bischoff von Augspurg. Erhart ain bischoff von fur. Eckhart ain abbt auß der reich- nam. Bernhart ain abbt von sant Gallen vnnnd ander vil mer gütter

man. mit der aller rat do ward die capell bestetiget ynnmer vnd ewig- lich zū beleiben. vnd das der vor- genant bischoff Conrat von Co- stenz noch kainer seiner nachkome- sein hand nymer ewigklich daran solt legen. das gepieten wir in ge- walt vnd gehorsam der hailigē für- sten sant Peters vnnnd sant Pauls vnd aller vnser vorfarn vnd nach- komen darumb durch groß gebers vnser lieben sun sant ottonis. des kaisers d sunderlich die capellen lieb- hatt gehabt vnd sein frumē hauf- frau adelhait. vñ mit rat der vorge- nannten vnser brüder. vnd bey ge- zeügtnuß götlichs rechten. vñ hayl- gotes ban besitzten wir vnd gebiet- ten ob kain mensch gewaltig oder vngewaltig. gaistlich oð weltlich wider vnser gebot vnd hantueste. frefenlich thet. oder wer das vorge- nant goghaus oder kainē gūt das yzo oder hernach. durch die hilffe gotes des allmechtigen gewunne. abzuhe. es geschehe dan mit gunst des bessern vñ des wirdigern tails des abts vnd conuentz die got die- nen oder sy von dem schlaffe treibē jr rü oder jr lere wo sy geseßen sind frefenlich an greiffent. der soll von dem gewalt gottes vnd auch von vnserm gwalt gestriekt sein in den ban vñ von gotes reich ewigklich abgeschaiden sein. Aber alle die diß gebot haltent die sind gesegnet vō got vñ von den hochgelobten für- sten sant Peter vnd sant pauls. vñ auch von den gnaden der hailigen

Von sant

cristenhait vñ von den gnaden vñ
gwalt des stüls zū rom sagen wir
ledig von schuld vnd von pein alle
die mensche die dise vorgenat hof-
stat od capellen suchen vñ besehen
mit diemütiger beicht vnd reu irer
sünd. Dis leben beschrib petrus ain
schreiber vñnd cantzler des stüls zū
Rome im dritten herbstmonat. an
sant Martins tag. da was gegen
wirtig normedis darzū leo 8 bapst
auff seine stül bey sant Peters altar
des hailigen zwölffpöten. otto der
kaiser. otto sein sun. adelhait die kai-
serin. vnd auch die vorgenautē vn-
ser wirdig brüder. vnd auch sunst
manig fürsten von teutschen vñnd
welschen landen. vñ bestet mit der
hand des hailigen bapsts Leo des
achten dises namen. vñnd an der
zal der ordnung was er der. c. vñd
xxx. vñ geschah nach cristi vnser
herren geburt neunhundert vñ im
liiij. jaren. ¶ Allmechtiger ewiger
got las vns deiner liebe müter ma-
rie haymsüchunge geniessen als sy
manig güt mensch zū den ainsideln
haysucht. das wir irs güttē ge-
betes auch geniessen. vñ des lieben
herren vnd hailigen sant Menratz
vnd auch wir hie menschen werde
nach dē lob götes. vnd nach disem
leben besitzen die ewigen freude vñ
seligkait. Das verleich vns got der
vater vñnd der sun vnd der hailig
geist Amen.

¶ Von sant Agnes.

Agnesen



¶ Die hailig vñ hochgelobt juncē
fraw sant Agnes was ain rōmerin
vnd was auch ain cristin vnd hett
got lieb vñ dienet im mitt fleis tag
vnd nacht mit beten vasten wach-
en. vnd mit vil ander güter übunge
vnd flis sich gar grosser tugent in
iren jungen tagen. vnd gelobt got
ir keuschait zū haltē. Sy was auch
darzū schön vnd wolgestalte. vnd
wie junge sy an den jaren was. so
was sy doch in irem hertzen weis.
vnd glaubt vestiglich an gott den
herrē. vnd was wolgelert in 8 liebe
cristi. vnd lernet die geschafft mitt
fleis vnd gieng zū schül Vnd aines
mals do sy von schül gieng. vñnd
bey. xij. jaren was do ersah sy des
richters sun das sy schön vnd zart
was do gewan er grosse lieb zū yr
vñ was werben vmb sant agnes.
vnd bat sy das sy in zū der ee nāme
vnd sprach. er wölte ir groß gaben

geben auch erb vñ aigen. Sant agnes achtet des nit. vñ was er sy bat. auch was er jr gelobt das was jr alles ain schimpff. dan sy het got lieb für alle ding. Sy sprach zū des richters sun. schweig du tor des todes. wann all dein gesellschaft ist sündig. vñ mir ist dein leib nitt nütz mir verschmähet dein rat vñ gab. du bist mir als ain traume. ich will ain edeln preütigā haben. mich hat ain and vor dir erwölt des rat wil ich volgē. er ist vil reicher edler vñ würdiger dan du. wan sein mütter ist ain raine juncfraw. vñ sein vatter hat kain frawē. den preütigam will ich lieb haben. ich will jm mein leib vñ sel enpfelhe. ich wil jm auch von gantzem hertze dienen. dan jm dienen die engel. sun vñ mon. vñ nement wūder ab jm. vñ sein reich tumb beleibt ewiglichen. vñ alle ding müßent jm gehorsam sein. der edel rauche der von jm geet der hat als grosse krafft das die todte darvon lebendig werdē. vñ sein liebe schwecht mir mein eer nit. vñ ye nāher jm mein hertz ist. ye rainer es ist den will ich lieb haben. er hat mir des glaubens vingerlin an meine hand geben. darumb ist mir ringer das ich jm in allē dingē volg. wan er hatt mir reiche gemahelschafft mit getailt. vñ hat mir meinē halß geziert vñ mein gerechte hand mit edlem gestain. er hat mir ain reichs flaid an gelegt das ist mit gold gewurckt. vñ hat auch mir mein antlitz bezaichnet vñ verfigelt das

ich kain andern mag werden. ich mag mich nit von jm keren vñ mir wirt mein mund vñd meine wang mit sein edlen blüt geziert vñd hat mich mitt sein armen vmbfangen. vñd hat mir so grosse vnmässige freud gelobt dz ich stet an jm beleib durch seint willen in meiner keuschhait. darūb so weich von mir. wan dein rat vñ gab ist vnrain. ich will bey meinē herrē beleiben. wan er ist rain vñd güt vñd on wandel. Do das 8 jüngling hort das sy jm versagt vñd sein nit wolt. ward er betrübt vñd gieng haim in seins vatters hauß vñd ward vor laid siech das er si ch müß nit legē vñ mocht vor vnmüt wed essen noch trinckē. jm stünde sein hertz stätigklich zū jr dan sy was gar schön vñd zart. Do sein vater sahe daz der sun als siech was do gewan er jm ärzt die sprachen es gebrech jm nichtz dann das er sich nach der juncfrawen senet. vñd er solte besehen ob sy jm nement wölt. Do das 8 vater hort do gieng er zū jr vñd sprach. Du solt mein sun nemen nach deiner freünd rate. Do sprach sy. daz thū ich nit durch vil sachen die ich dein sun hab gesagt. dan ich will den willē meines gemahels erfüllen vñ will in habē es zām mit nit das ich in ließ. wan er ist edler vñd reicher vñd würdig er dann dein sun. vñd darumb so wär ich nit weiß daz ich den ersten ließ dem ich gelobt bin. vñd darūb ist dein bet gar verlor. Do sprach der richter. wer ist dein preütigam

Sanct

den du zu ainē gemahel hast aufer-
lesen. vñ an dē du so stet bist von dē
du so vil sagst. do sagt jm ain man
8 stünd bei jm das sy ain cristin wā
re vñ sprach zu jm. sy hatt cristū als
lieb daz sy jn nit laßt solt sy darumb
sterbē. Do das 8 richter hort ward
er laidig. dan er was ain haid. nach
dem do hüb er ander waid an. vnd
bat sanct agnesen vñ gelobt jr alles
sein güt das sy seinen sun nāme. do
sprach sy. ich bin über ain kōmen daz
ich kain andern man nit will. dann
dem ich mein keüschait gelobt hab
den gemahel bab ich in rechter stā-
tigkeit. wān was du mit mir thūn
wilt daz thū beizeit. wān ich ergib
mich an dich nymmermer. noch an
deinen sun. Do der richter das hort
do ward er zornig vñ sprach. wilt
du mich nit geweren so zeucht man
dich in das gemain hauf. darinne
mußt du dein keüschait verlieren es
sey dir lieb od laid. vnd 8 richter ver-
maint er wō ltsich vast an sanct Ag-
nes rechen vnd troet jr vnd torst jr.
doch kain gewalt an thūn vor jren
edelen freunden. vnd er zohe für. sy
war ain cristin. vñ sprach jr solt nie-
mant helfen dan er wōlt sy marter-
ren vñ peinigē. des erschrack sy nitt
vñ sprach zu dē richter. ich will dei-
nen vñ rainen göttern nitt opffern.
die weile ich leb darzu so fürcht ich
das gemain hauf nit. wān der en-
gel gottes behüt mit mein rainig-
keit. Die statē wrck vñ wort thetē
dē richter zorn. vnd sprach zu seinen
dienern. zieht jr ire klaid ab vñ pei-

Agnesen

nigent sy mit ichanden bringent sy
in das gemain hauf. Do zugent sy
die diener nackent auß. do beklaidet
sy jr gemahel jesus cristus mit schö-
nem gelbē har das ward als weyt
das es jren leib überal bedeckt. das
man sy niendert bloß sahe des ver-
wunderten sich die vngelaubigen.
darnach zugen sy sy in das gemain
hauf. do kame ain klarer engel vnd
legt sanct Agnesen ain schönes klaid
an. vñ es kam ain schönes liecht vñ
sy das man sy nit sehen mocht. Vñ
die menschen die das zaichen sahen
die wurden bekört zu got. das thet
dem richter zorn. 8 hieß sy all tödtē
do fürn jr selen zu den ewigē frei-
den. des danckt sanct Agnes got sei-
ner gnaden die er mit jr gethan het
vnd betet mit grosser andacht. do
kam des richters sun mit seinen ge-
sellen in das gemain hauf vñ wolt
zu jr geen vñ hieß sein gesellen zu 8
thür steen. vñ wolt besehen ob jm
ichz geschāhe. Vnd do sy das groß
licht bei sanct Agnesen sahen. do er-
schrackent sy vñ giengent wid hin-
der sich. Do das des richters sun in-
nen ward do spotet er sanct Agnes
vnd sprach zu seinen gesellen. jr seit
recht zagen vñ gieng zu dem liecht
vñ wolt sanct Agnes an greiffen in
dem liecht. do er wüßte jn der böß
gaist. vñ do gieng seiner gesellen ai-
ner hinzū vñ wolt sehen wie es jm
gieng. vñ sahe das er tod was. do
rüßte er mit lauter stymm. secht die
böß hür hat des richters sun ertöt.
Do daz sein vater hort sprach er zu

sant agnesen. Du greüliches weyb warumb hast du dein zauberei an meinē sun erzaigt. Do sprach sy. ich hab in nicht getödt. er wolt durch des bösen gaist willē volpracht haben mit mir. sein bösen willen. & hat in ertödt. Do sprach der richter gū sant agnesen. ist es nitt geschehen durch zauberey. so bit dein got von dem du sagst. dz er mein sun wið lebendig mach. do sprach sant agnes es ist billich das die krafft gots soll geöffnet werden. vñ rufft got mit ernst an. vñ bat in das er den jüngling durch sein eer von dē tod erlücke. vnd so bald erhört sy gott. von irs gebetes willen. do stünd er auff vnd woz lebendig vñ sprach. Es ist nit mer dan ain warer got in himel vnd in erde. vñ über dz mōr. das ist der cristen got. Do sprachē die priester & abgöter. tödtent die zauberin wan sy hat es mit zauberei zewegē pracht. Nun hete & richter agnesen geren erlöst. do torste er es vor dem kaiser nitt thūn. dauon setzet er ainē andern richter an sein stat. der hieß pascasius. vnd er flohe von danen. Do hieß sy der selb richter auch den abgötern opffern. dz wolt sy nicht thūn. do hieß er ain groß feür machen. vñ satzt sant agnesen mittē dar ein. do geschahē ain zaichē. das feür tailt sich mitten vō ainand. vñ thet yr nie kain laid. vñ das feür verferet die haiden. Do thet sant agnes jr gebet zū got vñ sprach. allmechtiger got ich bitt dich vñ dein genad die du mir thūst dz du das feür durch

dein sun jesum erlöschest. an meinē seiten vñ ich hab die bösen überwunden. Nymwar dz ich vō dir glaubt hab dz sihe ich yetz. vñ das ich von dir gehofft hab des bin ich gewert do es der richter hort. ward er zornig. vñ hieß ain schweert durch sy stehen. dz theten die knecht. do starbe sy. vñ got empfieng jr sel mit fröde das woz nach cristi geburt hundert iar. darnach kamē sant agnesen freünd vñ begrübe jren leichnā haimlich mit großem laid. Do dz die haiden innen wurden. do lieffen sy gū vnd wurffen mit stainen in sy. das man sy kaum mocht begraben. Do waz ain juncckfraw hieß emerancia die was erzogen mit sant agnesen vñ het sy gar lieb. vñ gelauget auch an jesum christū. vñ wār gern getaufft wordenn. Do sy die größe vnzucht sahe die die haiden hetten do straffet sy die darüb. vñ sprach zū in. eüch soll got die grossen vnzucht nit übersehen. die ir mitt seinem gemahel treibet. das verschmahet die haiden vñ wurden zornig auff sy. vñ verstainten sy bey dem grabe do woz got mit ir vñ empfieng jr sel. Darnach kam ain groß wetter mit plitzen vñ donerschlag. dz schlug & haiden vil zetod. vñ die andern fliehen. do begrüb man sant emerancia mit frid bey sant agnesen. do wurden sant agnesen freünd gar ser vñ sy betrübt. vñnd flagten sy die acht tag mit großem laid. vñ wachten all nacht vñ waintē bey dem grabe. Vnd an der achtenden nacht do sa

Von Sant

hent sy vil schöner iunckfrawen bei dem grabe die waren mitt schönen klaidern beklaidt. vñ zū ainer hand stünd der iunckfrawen ain schönes weiß lamb. do wurden sy des schönen gesichtes gar fro. vñ sant agnes tröstet jr freünd. die vñ sy waineten. vñ klagten. vñ sprach zū yn. yr sollent mich nitt mit den todten klagen vñ wainen. wann ich byn bey den iunckfrawen in den ewigē freuden. do haben wir on massen grosse freude ymer vñ ewiglichen Von des schönen zaichē willen vñ vonn des waren gesichtes wegen dz die frūmen sahen. so begcet man sant Agnesen iren achtenden tage. **E**n zū der zeyt was ain kaiser hieß constantinus: vñ was ain haid der het ain tochter hieß constancia. die het wol gehört das sant agnes iren freünden bei dem grab erscheinē wz do gieng sy auf ir grab. vñ betet mit grossem ernst sant agnesen an. das sy yr vmb gott er würb das sy von irer aussetzigkeit erledigt wurde. vñ in dem gebet entschlief sy auf dem grab. do erschien jr sant agnes mit grosser klarheit. vñ sprach zū ir Constancia wiltu mit ganzē hertzen an vnsern herren iesum chrustum glauben. wann er will in allen ding en lieb gehabt sein. so will ich dich gesund machen. do vermainet sy sy wölt es thū. vñ in dem erwachet sy. vñ wz in der selben weil gesund worden. vñ do sy dz an jr empfand do lies sy sich taufen. vñ glaubt für baß an got den herin. vñ gelobet

agnesen

im ir keüschait zū behalten die weil sy lebet. vñ machet sant agnesen ain schönen sarch. vñ ain münster vñ ain kloster. vñ nam vil iunckfrawē zū yr vñ dienet gott vñ sant agnesen in dem kloster. Darnach über etlich iar. do ward das kloster bawfellig. Zū den zeiten was ain güter priester. der het sant agnesen gar lieb den bat der bapst dz er sich des klostere vnderwund. durch gotz willen. vñ sant agnesen vñ bat in fleisigklich das et das kloster baute vñ im es ließ beuolhen sein. vñ sprach zū im. du solt dir sant agnesen zū ainm gaislichen gemahel nemen. vñ gab im ain kostlichs vingerlin. mit ainem smaragd. do gieng der güte priester zū ainer wandē daran was sant agnes gemalet vñ bitt dem bild das vingerlin dar. do geschach ain groß zaichē vñ dem willen gotes. wann das bild recket ain vinger von der wand. do stieß der priester das vingerlin dar an. do zoche dz bild den vinger mit dem ringling an die wā. nun het der priester lange zeit groß anfechtung gehabt von der vnkeüsch. die vergieng im zehande von den genaden sant agnesen. do ward er fro. vñ gewan groß lieb vñ andacht zū dem kloster. vñ het sant agnesen aber lieber dann vor. vñ dienet jr fürbaß mitt fleis bis an sein end vñ versahē dz kloster mit fleis. Nun helf vns sant agnes vmb got den herin auch erwerben nach disem zergenglichem leben. das ewig leben Amen:



Sant Vincencius was ain cristen. vnd het got den allmechtigen auß der massen lieb. vnd dienet im mit fleiß vñ was in ainer stat hieß augspurg. vnd leeret die menschen cristenlichen glauben. mit groÿsem ernst. vnd woz bei ain bischoff hieß valerius dis dyacon was er. Vnd der selb bischof was nit wol gespräch. dauon bat er sant vincencium das er dem volck an seiner stat predigen solt. Vnd das er sy den wege zû d ewigen sãligkait weiset. wã er was gar weiß vñnd wolgeleert. auch wol gespräch. des gebets was im sant vincencius gehorsam. wã sy hetten ainander gar lieb. in groÿser andacht. als ain vater sein kind Also leeret sant vincencius die menschen. cristen glauben gar fast vnd bekeret vil mensche. Zû den zeitẽ do was dyoclecianus kaiser. d was al

len cristen veind. vñ achtet sy wa er sy ankam. do sagt man im auch vñ sant vincencio. vñ valerio dem byschof. daz sy auch cristen wãren vñ das sy vil volcks bekeren zû cristen glauben. das thet dem kaiser zorn. vnd er hieß sy vâhen. das thet man vñ do man sy vieng do legt man sy in ain kercker. vñ verbot dz man yit weder zû essen noch zetrincken gâb vñ do sy in dẽ kercker lagen. do kam vnser herz jesus christus zû inen in den kercker. vnd speiset sy. Nun het der kaiser gũte hoffnung sy wãren gar krank vor hunger vñ durst vñ hieß sy für in pringen. das thetẽ die diener. vñ do man sy für in pracht. sahe er das sy gar schön vnd rôflat wãren. vnd das in das nit schadet. das man sy so lang ungeessen vnd ungetruncken het liegen lassen in dẽ kercker. Do sprach er zû valerio. du hast allzeit geschinen als ob du ain guter mēsch gewesen seiest. vñ hast nun ain valschen glauben an dich genomen. Nun was valerius alter vnd krank worden. vnd gabe gar wenig antwurdt. Do sprach sant vincencius. Vater warũb thũst du das. dz du so wenig antwurt gybst vnd last dir die red empfallen. als ob du dir fürchst. dz soltu nit thũn wir sölle in dem leiden nit verzagẽ vñ sprach zû im. vater ist es dir loblich so will ich für mich vñ dich antworten. Do sprach er ia liebes kind wã du bist gar wol gespräch. vñ was du wilt das red. gott sey mite dir. Nach dẽ hũb sant vincencius an

Gr. by / von / at
Vincencius

Von Sant

vñ sprach zū dem kaiser. Du fragst warumb wir cristen so stāt an vnserm glauben seien. das ist vmb die grosse hoffnūg die wir zū den ewigen freunden haben. do das d kaiser hort. do ward er ser zornig auf sant vincencio. darum dzer so iung was vnd jm solich antwurt gab. vñ schonet des bischoffs alter. vnd wolt in nit martern noch tödten. aber er hieß in in ain verz land senden. darinn müst er sterben. Also ward valerius versendet. darūb gehūb sich sant vincencius gar übel. Darna ch hieß der kaiser sant vincenciū bei dē armen auf hengen vñ ließ in ser schlahen mit gerten vñ gaislen dz theten die diener. vñnd hiengen in auf bey armen. vñ schlugen jm sein leib das dz blūt von jm ran. Do sprach der kaiser. vincenti sihe dein armes leben an. das du also vñ dein vnrechtē glauben leidē müst. Do sprach er. O du sālige zeit die mir daz leben gibt. des ich lang hab begert. durch des willen leid ich die marter geren. Do sprach der kaiser. wiltu die abgötter nit anbeten. so wirst du groß leiden wol gewert. wann ich will dir alle die marter anlegenn die ich erdencken kan. Do sprach sant vincencius. kaiser du solt wissen. ye zorniger du auff mich bist. ye baß mir zū mūt ist. wā ich bin durch mein got bereit zū leiden wye du wilt. so will ich jm meinē francken leib gern opffern. wann er ist mein got vnd herr. Do der kaiser hort das nichts an jm halff. warde er vor grossem

Vincencio

zorn töbig. vñ schlug seiner diener ainen gar übel in der töbische weis. Do sprach sant vincentius. es ist recht das du mich an meinen veynden rechest. vñnd du schlechst sy als ain scherg. Do das der kaiser horte. do ward er noch zorniger dan vor. daz er in zū ainem scherger schätzet. dar nach versüchet der kaiser neun marter an vincencio. vnd hieß sein diener hacken nemen. vnd ander krūme eisen. vnd hieß sy in sant vincentio schlahen. also namen sy die hacken vnd die eisen vñ schlugen sy dē hailigen in sein leib. vnd zerreten dz flaisch von jm bis auf das gebain. vñ etwan sahe man jm daz ingewayd vnd wār got nit mit jm gewesen. so wāre er in seiner grossen marter verschayden. Do sprach d kaiser zū jm. vincenti erbarm dich selber. vñ laß dein vnglauben. vñ opffer vnsern götern. so will ich haissen auff hören mit d marter. Do sprach sant vincencius. das leiden ist mir ain troste. darūb so thū was du wilt. wā ich wais wol das dich d arbeit vil fester verdreist die du mit mir hast dann mich der pein. Die wort verschmachten den kaiser gar sere. vnd ward aber zorniger dann vor. vnd er hieß in auf ain rost legen. vñ hieß vil glüender kolen darunder schütten. vnd sprach. darauf solt ir vincencium praten. Do namen die diener den rost vnd die kolen vnd bereiteten vnd ordnetē es zū. Do strafft sy sant vincencius das sy so lang damit vmb giengen. er hett so grosse

liebe vñ ernst zū got dē allmechtige
 Also namen sy sant Vincenciū vñ
 legetē in auff ainen rost vñ mach
 ten ain grosse glūt vñder in vñ rōs
 ten in. Vñd als er auff dē rost lage
 do stach ainer sant Vincenciū mitt
 ainer glüenden gabel in sein lungen
 vñd lebern. do lobt er vnsern herren
 vñd dancket jm seiner gnaden vñd
 ward nie vngedultig. also namen
 die diener saltz vñd wurffen es auf
 die tolen vñ in sein wunden darūb
 ob sy in vngedultig möchtē machen
 das halff alles nicht. vñ sahen wol
 wie vil man jm pein vñ marter an
 thet. so lobet er gott ymermer. Do
 das kaiser sahe daz er daran starb
 do hieß er in in ain vinstern kercker
 legen. der warde durchstrōet mitt
 scharpffen glascheiben. do namen
 in die diener. vñd theten in in den
 kercker. vñd vermainten er sōlt dar
 in sterben do thet jm got sein gnad
 vñ halff jm daz die scharpffen schei
 ben senfft wurden als die blumen.
 vñd sant Vincencius rüet darauff
Darnach kamen die hailigen en
 gel zū sant Vincencio mit ainē gros
 sen liecht vñd sungē ain süß gesang
 vñd lobtē got vmb die grossen ge
 nad die jm geschehen was. vñ trōs
 teten in. Do das die hirten horten
 do sahen sy in den kercker. vñ sahen
 das groß minigklich liecht. dauon
 wurden sy zū got bekert. das saget
 man dem kaiser do ward er laidig
 vñ erdacht ains. vñ hieß sant Vin
 cencio auß dē kercker nemen. vñ ließ
 in auff ain waiches beth legen das

er wider zū seiner krafft kām daz the
 ten die diener. In dē vermaintet der
 kaiser er wōlt in vñn neuen anhe
 ben zū marteren. vñd do man sant
 Vincenz auff daz waich beth leget.
 dancket er got seiner gnadē. vñ em
 pfalhe got seine gaist mitt grossen
 ernst. do für sein seel zū den ewigen
 freuden. do man das dē kaiser sagt
 do ward er gar zornig. wen er ver
 mainet er wōlt in noch mer gemar
 tert habē vñd sprach. Nōcht ich in
 nit lebendig überwindē. so will ich
 in aber todt überwinden vñd hieß
 seine todten leichnam auff daz veld
 werffen für die vogel vñd die thier
 vñ mainet sy sōlten in zestückē reiß
 sen. do behütet got seine diener. vñ
 sendet ainē rappen dar. der hütet sei
 nes hailigē leichnams mit fleiß. vñ
 trib andere thier vñ vogel von im
 die zū im kament. do kame ain falck
 zū im. d wolt seine hailigen lei chnā
 geessen habē. do biß in der rapp vñ
 schlug in sere mitt seine flügeln biß
 daz er in mitt d hilff gots überwan
 de. do man das dem kaiser sagt. do
 hieß er in ainen stain an seine halß
 binden vñ hieß in in das mōr werf
 fen. daz thetē die diener. do schwam
 er zehand übersich vñ kame an das
 gestadt vō dem willen gottes. Do
 kam ain gute wittwe mit etwa vil
 mensche vñ hūbē seine hailigē leich
 nam auf vñ begrub in mit grosser
 andacht. Hailiger sant vincencius
 erwirb vns armē sündern auch ge
 nad vñ ablaß vñ got den allmech
 tigen daz wir kōmen zū den ewigē

Sant Basilius der was ain cri-
sten vnd hett got lieb vñ dienet im
mit fleis tag vnd nacht. mit beten
vasten. wachen. vñ mitt vil ander
güter übung vñ was ain bischoff.
vnd hett sein ampt got zů lob. vnd
was diemütig. vñ lebt seliglichen
Nun was ain altuater zů der zeit &
hieß effrem. dē thet got sant basili-
us hailikait kund. Alins mals betet
Effrem mit andacht. do warde er
entzuckt. vñ sahe ain feüre saul. die
was also groß vñ lang. das sy vō
dē hymel biß auff die erden raicht
vñ hōret ain stym die sprach. Basili-
us & bischoff ist die saul die auff er-
den raicht. gleich an seiner diemüt
vñ sein hohe tugent raicht auff biß
in dē hymel. wān er prünnet in hitzi-
ger lieb gegen got. vñ sein nechsten
Vñ do Effrem w^{er} zů im selber
kam nam in groß wunder. das der
bischoff mit seiner große herrschaft
so diemütig sein mocht. vñ gedacht
im. er wolt es erfahren. vñ kam zů ai-
nem hochzeitliche tag zů dē bischof
vñ was vil volcks dar kōmen vnd
was wol beklaidet in bischoflich-
er ordnung. vñ het ain schöne insel
auff seine haubt als & bischof recht
ist. mitt gold vñ mit berlin. Vñ do
in effrem also wol beklaidt sahe do
gedacht er im. Die herrschafft die &
bischoff hat ist dē nit gleich dz mir
gesagt ist. vñ geuiel im nit. vnd ge-
dacht im. Tregt er solliche eer in sei-
nem bistūb. so mag er wenig gais-
lichait haben. soll er ain feürine saul
sein das nympt mich wunder. Ich

erfare es dann noch anders. Nun
weßt sant Basilius wol im gayste
daz sich Effrem sein geerget het vñ
lūd in in seine palast. vñ het got in
seine hertze vñ redt. inpreinstiglich
mit im von got. Vnd do sy in dem
lob gotes bey ainander sassen do sa-
he effrem das dē bischoff sein zung
im mund glüet. Vñ redt so andech-
tiglich von got. das er vō grosser
liebe entzündet war d. vñ do das ef-
frem sahe do erkannt er wol das er
ain hailiger mensch was. vñ sprach
mit freuden. Basilius ist groß vor
got. vñ ist warlich der cristenhayt
ain saul. vnd sprach darnach zů im
ich hab begert daz ich die krieichisch
en sprach wol künd reden. darumb
bit ich dich von liebe wegē. das du
mir gott darūb helffest bitten. Do
sprach Basilius sein gebet mit an-
dacht vñ bat got dz er Effrem sein
begir durch sein gūte erfüllt. do kun-
de er zehand krieichisch wie sein her-
ze begert. do ward er fro vñ danck-
et got seiner gnadē vñ gieng vō im
Zů den zeitē was ain ander ain-
fidel & het auch vil von sant basili-
us gehört. vnd in geren gesehen vñ
kam auch an ainem hochzeitlichen
tag in die kirchē. vñ was vil volcks
darinē. do gieng er schon mit der
procession. vñ het ain kostliche insel
auff. das geuiel dem ainfidel nit vñ
gedacht im Eya heri was hat man
vō des bischoffs hailigkait gesagt
ist er diemütig daz sicht man an sei-
nem gewand vñ an seiner insel nit
es mag on hoffart nit sein im muß

wol damit sein. do entschuldiget
got sein diemütigē diener. wān es
höret & ain fidel ain stim ob dē altar
die sprach zū jm. Du hast dich des
bischoffs geergert daz er wol gezie
ret ist. vnd mainest er sei hofferig.
du solt wissen das er diemütig ist
vnd das du mer lustes hast das du
dein katzē straichest. dan er mit allē
sein reichthū hatt. do erschrack der
ain fidel sere. vñ gieng wider haim
vñ bat got das er jm sein sünd ver
gäbe. ¶ Es was ain kirch in ainer
stat zū der zeit was vil kriegs vñ
von zwaien tailen. der ain tail war
cristen. & ander tail was ketzer. vnd
hieß Ariam. vnd wolt yeglich tail
die kirchen haben. Die gab & künig
den ketzern. dz was den cristen gar
laid. wann der vngelaub nam gar
vast dauon. zū. vnd klagten es dē bi
schoff basilio. der kame zū dē künig
vñ sprach zū jm. Warūb verschme
hest du cristenlichē glauben daz du
den ketzern die kirchen hast geben.
Der künig ward zornig. doch erleu
chtet jm gott sein hertz. das er sich
vorcht. vñ sprach zū dē bischof. Du
solt dar komen vñ solt den gelaubē
baidenthalbē verhören. vnd solt sy
des rechten vnderweysen. vnd solt
den krieg verrichtē. das thet er. vñ
kam dahin. vnd hieß die kirchen zū
schliessen. vnd hieß die zwen tail für
die thür komen. vnd sprach zū jm. da
geet von ainander. vñ bitt yeglich
er tail got den herre das er jm helff
vnd wer recht hab das sich die kir
chen dem selben tail entschließ. das

geniel in wol. vñ wolten das thūt
Do baten die ketzer drey tag vor der
kirchen. do was sy ymmer beschlos
sen. vñ wolt nit auff geen. Do rufft
Basilius got mit grossem ernst an
vñ bat in das er jm zehilff kame vñ
den cristen. vnd leget sich darnach
an als ain bischof. do ruffte die cri
sten got auch mit grossem ernst an
vnd giengē mit der procession. vnd
gieng in der bischof vor. vñ schlug
ain wenig an die kirchthür mit seine
stabe. do entschloß sich die kirch ze
handt. do giengent die cristen mit
freudē in die kirchen. wān sy was in
gefallen. do wurde die ketzer betrü
bet vñ schieden von danen. Vñ do
der künig höret dz die cristē die kirch
en gewūnen heten. do was jm laid
wān er het es mit den ketzern. vnd
torst es doch nit offentlich an dē cri
sten rechen. vñ sprach zū dē bischof
Freund stee mir bey. vnd sprich ich
sey gerecht darūb will ich dir groß
eer vñ güt geben. vñ will alles das
thū das du wilt. Do sprach er zū
dē künig du redest doch gar kindt
lich. du solt wissen das ich meines
rechtē glaubens durch kain zergēg
lich güt nit verlaugne. do warde
er gar zornig das in & bischof also
verschmehet. vnd fand in seine her
zen ainē argen liste. vnd gedacht er
wolt in versenden. vñ schrib ainen
brieff mit seine henden. vñ als bald
er das erst wort schrib. do zerbrach
en jm drey federn. vñ ward er jm
die hand gar vast pidmen. do war
de er so zornig das er den brieff zer

Von Iant

riß. also halff got dem bischof von
 dē künig das jm kain laid geschahe
Zu dē zeiten was ain güter man
 der het ain tochter die was auß der
 massen schön vñ was zū iren tagen
 kōmen. vñ jr vater het sy gern in ain
 kloster getan. vñ sy het auch grosse
 lieb darzū das sy keüschlichen leben
 sölt. Do raiget d böß gaist ires vat
 ters knecht. das er jr zū der ee bege
 ret vñ ward jm als wee nach jr. dz
 er kain rñ mocht gehabē. vñ fenet
 sich allzeit nach ir. vñ was jm doch
 vnmöglichen. wan sy was edel vñ
 reich. do bat der knecht ainen zaube
 rer. das er jm hulff das jm die juncf
 raw mocht werde. do sprach der
 zaubrer zū jm. Wilt du das dir die
 juncfraw werde. so müst du dich
 dem teüfel ergeben. Do sprach der
 knecht. das will ich gern thun. So
 gee an die statt in d nacht so kōmet
 dir d böß gaist. das thet er. do kame
 sathanas in den lüfften. do bat in d
 knecht. das er jm hulffe das jm dye
 juncfraw würd. do sprach der böß
 veind. Wilt du deins gots verlaug
 nen. vñ wilt dich mir ergebē so wil
 ich dir helfen das dir die juncfraw
 werd. do sprach er. dz will ich gern
 tūn. Do sprach d böß veind ich kenn
 euch criste wol jr habt mich oft ge
 äßt. so jr mein bedürfft so ergebt jr
 euch an mich. vñ wenn euch das
 wirt das jr von mir begert. so ver
 schmächt jr mich dann vñ kerent
 euch wider zū euerm cristo d nympf
 euch den gern wider auf. do sprach
 der knecht. Got soll mir nymer helf

basilio

fen. wan ich will sein verlaugne. do
 sprach der böß veind. des gibe mir
 ainē brieff. dz du mir des nit abgeest
 do schub d knecht ain brieff vñ gab
 den dē bösen veind. Do macht der
 sathanas dz die juncfraw des kne
 chts begert. vñ in lieb gewan. Do
 sprach sy. Lieber vater gib mir den
 knecht. wan ich will in ye habē. do
 erschrack d vater übel vñ sprach lie
 bes kind ich will dich got geben vñ
 opffern. Was er mit jr redt dz half
 alles nit. sy wolt ye den knecht habē
 Do wainet d vatter ser. do wainet
 die tochter noch mer. vñ lag jm vñ
 allen iren freündē so lang darumb
 an biß das man jr dē knecht gab. do
 gab in der vater grosses güt zū ain
 and. vñ sprach zū jr. Du hast dein
 willen volbracht warte wie es dir
 gee vñ keret sich zū got. vñ do sy zū
 ainand kament. do dienet die fraw
 vnserm herre. aber ir man was ge
 wonlichē bey den spilern. vñ bei an
 dern bösen mensche vñ kam nymer
 in kain kirchen noch zū kainen gütē
 dingen. vñ segnet sich auch nichts
 das vermercketen die mensche vñ
 sprachē zū der frawen. Warte wer
 dein man sey. er ist nit ain cristen. do
 erschrack sy. vñ sprach zū jm. man
 hat mir gesagt du seiest nit ain cri
 sten ist dem also. so mag ich nymer
 fro werde. do sprach er gehab dich
 wol jm ist nit also. Sprach sy. So
 gee mit mir in die kirchen. so glaub
 ichs. Do verstünd er wol dz es nit
 verschwigē mocht beleibē. vñ sagt
 seiner frawen das es darzū kōmen

was. do schry die fraw vnd sprach
 O wee der schande vñ des leydens
 soll sich der böß veind vnser sündi-
 gen lebens freien. Darnach gieng
 die fraw vñ jr man zů Basilio vnd
 klagtē jm das leiden. Do rufft Ba-
 silius got mit ernst an. vnd bat in
 das er den menschen vō dem bösen
 veind erlöft. vnd sprach zů jm kne-
 cht wilt du dich zů got keren. do sp-
 rach er mit grosser reü. O wee wol-
 te mir got mein sünd vergeben. so
 wolt ich sy gern büßen. het ich mei-
 nen brief wider den ich dem veind
 gab. so wölte ich mich fürbaß vor
 sündē hüten. Do sprach basilius du
 solt nit an got zweiflē. den es ward
 nie kain sünd so groß. so der mensch
 reü vnd laid darüber hat. got ver-
 gibt jms durch sein gūte: Wilt du
 behaltē werden so müst du mir ge-
 hoisam sein vñ müst thūn was ich
 will. Er sprach dz will ich tūn. Do
 gesegnet in basilius mit dē hailigen
 kreüz. vñ sunst mit vil gūtē wortē
 vñ spert in drey tag ein. vñ bat got
 mit grossem ernst für in. An dē drit-
 ten tag fragt in d̄ bischof wie es im
 gieng. do sprach er die bösen gaiste
 treybē manigerlay geschrai vor mir
 vñ zaigen mir dē brief oft. vñ spre-
 chē. Du kompst zů vns vñ wir nit
 zů dir. vnd du gabeſt dich vns wil-
 ligklich. dz bezeügt d̄ brief der angst
 vñ not hab ich die drey tag gar vil
 gehabt. do sprach d̄ bischof. hab nur
 stete reü in deinē hertzen. vñ hof zů
 got so mügen sy dir nicht geschadē
 vnd thet ain kreüz über in vñ ver-

schloß in aber. vñ gab im alltag ain
 wenig zů essen. vñ sprach zů im sp-
 rich all tag dein gebet mit andacht
 zů got dē herre das wil ich für dich
 auch thūn. vñ verzweifel nit. Dar-
 nach bald kam d̄ bischof aber zů im
 vnd fragt in wie es im gieng. do
 sprach er. die bösen veind seind mir
 verzwordē. vñ ich sihe sy nymmer. sy
 schreien aber vñ schelten gegen mir
 Do sprach d̄ bischof so halt die büß
 in grosser reü. dein leidē wirt noch
 gūt. vñ thet daz kreüz aber über in
 vñ verschloß in aber. vnd bat got
 für in. vnd do er vierzig tag darin
 gelegen was. kam der bischof aber
 zů im vñ sprach. Lieber sun wie get
 es dir yezund. do sprach er. Vatter
 ich bin genesen mit der hilff gottes
 vnd mit deinem gebet. wann die bö-
 sen veind sind mir verzwordē. vnd
 got ließ mich heinnacht sehen dz du
 erlichē für mich streitest gegē dē bö-
 sen veindē. vñ ich sahe das dein tu-
 gēt die veind überwand. do ward
 d̄ bischoff fro vñ nam die psafhait
 zesamen vñ machten ain proceß. vñ
 nam den sündigē man herfür. vnd
 hieß sy all für in bitten. Vñ do sy all
 für in kament. vnd d̄ man gieng ne-
 ben dē bischoff. Do schreie die bösen
 veind. man soll vns dē menschen las-
 sen. dan er ist vnser aigen. vnd grif-
 fent in an. vñ wolten in hingefürt
 haben do schry der man mitt lauter
 stym. O wee vatter hilf mir. wann
 die krafft der bösen veind will mich
 hinfüren. vñ hielt sich an den bisch-
 off. Vñ ward so ain groß lüen

Von Iant

vō den bösen veindē. das 8 mensche vil fluhent. die bösen veind zuge in hin der bischoff zohe in herwid. vñ stritten also mit ainand. Do sprach der bischof zū den bösen veindē. fliehent jr bösen gaist vñ laßt gott die eer an 8 edlen geschöpft die sein edle krafft nach jm gepildet hat. vnd farent bald in die ewigē pein die euer erbist. do fürent die bösen veind hohe über sich. vñ mochte bey dē hailigē bischof nit beleiben. vñ sprachen W basili du rüst warlichen vnrecht das du vns vnsern diener nympt. der sich vns geaignet hatt sihe die waren vitund an disem brieff. Do hieß jm 8 bischof den brieff gebē. do sprachē die bösen veind das wölle wir nit tūn. wir wollen in behalten vñ wollen damit bezeüigē das vns vnrecht geschicht. do sprach der bischoff sein gebet zū got. vnd gebot dē bösen veindē daz sy jm den brieff gāben. Zehand wurffen sy den brieff nyder. do hüb in 8 bischoff auff. vñ fluchen die bösen veind von jm. Do sprach 8 bischof zū dē man kēnst du den brieff. do sprach er ja wol. do zerriß basilius den brieff vñ verpreñet in. vnd bracht den knecht mit jm in das münster vñ bestetiget in an dē glaubē. ¶ Nach dem kam 8 kaiser julianus in die stat da Basilius bischoff innen was. do begegnet der dē kaiser vnd eert in mit gut stē brot das brot sahe der kaiser vnwürllich an. vñ hieß Basilio heü hinwider geben. vnd sprach zū jm. Seydt du mich richlichen hast gespeysset. so

basilio

speiß ich dich auch richlich. do sprach Basilius hinwider. ich hab dir speiß gebenn die wir selber essen. so hast du getan dz dir nit zympt. vnd hast mir heü zeessen gebē do warde er zornig wañ er merckt wol daz er ain crist was. vnd sprach. Wen ich vō persia herwider kum vnd mein ding gericht. so will ich die stat alle nyder legen. do ward Basilius sere betrübt das 8 kaiser die eer gots an der stat wolt verdruckē. Do gieng er in vnser frawē münster. vñ betet mit grosser innigkait biß in die nacht vñ bat got dz er die hailigē cristenhait fürsāhe vnd sy behütet. do ward er entzuckt. vñ sahe ain grose schar der engel in 8 kirchen vñ sahe mitten vnder in die schöneste juncfrawē die er noch nye gefahe. wañ es was vnser liebe frawe. die was reichlichen gezieret. die sahe überal vñ vnd sprach. Küß mir mercurium dē ritterlichē helden. dē hab ich mir außerswölt dz er mich vñ mein kind an dē bösen juliano rech an dē abtrünigen münich. wañ er hat dē cristē vil laids getan vñ in dürstet sere nach 8 cristen blüt. darüb will ich daz in mercurius bald verdruck Nun was Mercurius ain tugentlicher riter gewesen die weil er lebt vnd het in der böß julianus neulich vmb cristen glauben getödt vñ gemarteret: vñ sein seel was bey gott Aber sein hailiger leychnam. wapen schilt vnd spere lag in der kirchen. do rüfft vnser fraw mercurio do kam er zehandt als ain wol ge-

wapneter ritter mit schilt vnd mit
 sper zū vnser lieben frawē. vñ nay-
 get yr. Do sprach sy zū jm. reitent ei-
 lent hin vnd tödtent den bösen iuli-
 anum der mich vnd mein kind so ser
 ächt. vnd vns souil zelaid thur. do
 rit der ritter hin vnd thet als in vn-
 ser fraw het gehaissen. damit kame
 basilius zū jm selber. vnd sahe also
 bald ob mercurius noch in dē grab
 lag. do was er nit darinn. er besahe
 auch ob sein wafen da wärent. do
 waren sy auch hin. Do fragt er die
 andern wo es wär. do sprachen sy.
 wir wissen sein nit. es was et st des
 nachtes hie. Vnd an dem anderen
 tag do gieng der bischof wider zū
 dem grab. do vnd er mercurium
 darin ligen. vnd fand auch dz waf-
 fen an seiner stat blutig. vnd was
 frisches blüt daran. Vñ da zwisch-
 en kam ain man von dem kaiser. der
 saget er wär tod vnd sprach. Wir
 lagē zepeld. do kam ain wolgewap-
 neter man auff den kaiser geritten.
 vnd stach ain starckes sper mayster-
 lich mitten durch sein leib vnd was
 man schry das half alles nicht vnd
 ritt bald wider sein weg. vñ weste
 niemant wo er hin kam oder wo er
 was. Vñnd do der kaiser in seinem
 blüt lag. do name er sein hand voll
 blüts vnd warf es übersich vñ sp-
 rache. Ihesus von galilea du hast
 mich yezūd überwunden. vñ starb
 also on reü. do erbarmet es niemāt
 der in begrüb. vnd lag vnerlich da
 do danckt sant Basilius got seiner
 genaden. das er in vñnd die hayli-

gen cristenhait vonn seiner hande
 erlöst het. Darnach ward er frant
 vnd mocht übel vnd wolt sterben.
 do gieng ain iud über in. der hieß io-
 seph. den sahe d bischof geren. wān
 er hoffet er wurd gelaubig. do wz
 der iud ain gütter artzet. vñnd herr
 sant basilio geren geholffen. vñnd
 griff jm an die adern. dye genuelent
 jm gar übel. do erschrack er ser vnd
 sprach. Der bischoff mag nit gene-
 sen. das hort er wol. vnd erschracke
 doch des nit. vnd sprach zū dem iu-
 den. Ioseph du bist verirret dir ge-
 bricht der kunst hie. do sprach d iud
 Gelaubt mir dz ir nit mer leben ha-
 bent. vñnd ee die sunne vnder geer so
 seind yr tod. do sprach sant basilus
 ich leb ob got d herr will noch disen
 tag. do sprach d iud. ist ewer natur
 vñmüglich. do sprache der bischoff
 Ob ich morgen vñ die zeit leb was
 wiltu darzū thun. do sprach der iud
 vnd sterbt yr nit so stirb ich. do sp-
 rach sant basilus. das selbig beger
 ich von got nitt. das du in den sün-
 den sterbest. do sprache der iud. ich
 verstee wol was yr vermainet. ich
 will euch warlich volgen vnd lebt
 yr morgen. so will ich mich tauffen
 lassen. do getrauet der bischof vn-
 serm herrn er ließ in bis morgen leb-
 en. vñ sprach zū dem iuden. dz soltu
 stāt halten. Des andern tags lebet
 der bischof danoch von den gnadē
 gotes. vnd do der iud das sahe spra-
 che er. Herre du bist ain warer got
 tes diener. wān got hat dein natur
 verwandelt mit seinē gewalt durch

Von sant

seinen willen. darumb so begete ich des tauffs. do gab got der allmechtig dem bischof souil krafft. das er von dem bedt auf stünd vnd zu der kirchen gieng: vnd das er den juden selbs taufft. Vnd do er das volprahte. leget er sich wider nider in sein bedt. vnd sprach sein gebet fröliche zu got dem herren. vnd dancket ym seiner gnaden. die er mit ym het gethan. vñ gab do sein gaist auff mit grosser andacht got dem herren. do für sein sele zu den ewigen fröden.

Es sant basilus siech ward. vñ starb do was ain frau die het schwärlich wid got den herren gesündet. die schrib jr sünd an ain brief vñ schrib die grossen sünd zuletzt. vnd gab do den brief dem hailgen bischof sant basilio die weil er noch lebt vnd bat in mit grossen ernst das er got den allmechtigen bat das er jr die sünd vergäb. das thet er. vñ er gab der frauen iren brief wider vnd do sy den brief aufthet. do waren all yr sünd abgetilget. dan nun die aller gröst nit. Do die frau das sahe do was jr gar laid vñ sprach zu sant basilio. Erbarme dich über mich gotes diener vnd erwirb mir ablaß über die sünd als über die andern mein sünd. Do sprach sant basilus zu jr. Frau gee vñ mir. wann ich bin ain sündler. vnd bedarf also wol ablaß als du. do wolt die frau nit ablassen vnd bat in noch ernstlicher dan vor das er got den herren für sy bat. do sprach sant basilus Gee zu dem guten man effrem. der

basilio

mag dir wol vmb den allmechtigen got erwerben was du von got begerest. do gieng die frau zu effrem vnd saget im das sy sant basilus der bischof zu im gesandt het. das er yr ablas vmb got den allmechtigen. erwirb über jr sünde. Do sprach effrem. Gee von mir zu sant basilio wann ich bin ain sündler vñnd er ist ain hailiger würdiger man vñ mag dir wol ablaß vmb got den allmechtigen erwerben vmb dein sünde. vñ gee bald. damit das du in lebendig vindest. Vnd do die frau wider zu sant basilio wolt geen do trügem man in todt gegen jr. vnd man wolt in begrabe. Do schry die frau laut vñnd sprach. Nun sehe es got der allmechtig an. vnd vrtayl zwischen mir vnd dir. wann du hettest mich wol mit got dem herren versöhnet vnd hast mich zu ainem andern gesendet. vnd warf den brief mit grosser betrübthuss auf die bar. vñ bat in daz er got für sy bat. vñ nam den brief wider von der bar. do waz die sünd abgetilget. Do dancket sy got dem herren vnd sant basilio der genaden. vñnd alles volcke das da was das lobet got vnd sant basilium vmb das groß zeichen. Nun bitten wir sant Basilium durch sein hailigkeit daz er vns auch vñ got den herren erwerb ablaß vnser sünd vñ nach disem leben das ewig leben Amen.

Von sant Johannis dem al-
müßner vnd patriarchen.



E Sant Johannis der almußner was ain hailiger patriarch vñ die net got dem almechtigen mit großem fleiß. vñ beetet offte die ganzen nacht mit grosser andachte. vñnd ernst. vñnd aines nachts da betet er do sahe er ain schöne juncfrawen. die het ain grünes krenzlin auf von ölbaum. do fraget er sy. wer sy wär. Do sprach sy. ich bin die barmhertzigkait. vñ pracht den sun gotes vñ himel auf die erde. in vil leiden vñnd in den tod. vñnd du solt mich zñ ainē gemahel nemen. wān ich will dich geren zñ ainem gemahel haben. so will dir got der herz mit mir eer vñ güt geben. Vñ do er wiß zñ jm selb kam. do gedacht er jm. got der herz hat mich dz gesicht durch güt trostung lassen sehen. darane mir kain zweifel ist. vñnd gewan tugent der barmhertzigkait gar lieb. vñnd gabe vil almüßen. das man in johannes

almüßner hieß. wann er het die armen mensche gar lieb. das er sy sein herin vñnd sein frawen hieß. vñnd sprach. Das himelreich ist der armen vñ will ich es haben. so müß ich es von in kauffen. vñnd alle sein predig was auf barmhertzigkait. **E** Ains mals sagt er ain beispil an ainer predig vñnd sprach. Es was ain reicher geitiger zoller. der thet kain armen nymer kain güt. der hieß peter. Nun lagen vil armer menschen an d sunnen vñnd lobten die. die vyl gabent vñnd redten auch von den die in nitt gabent vñnd sunderliche von disem peter. vñnd ain betler sprach zñ dē andern. Was wöllt yr mir geben ob ich disem kargen ain almüß ab gewinn. seid yr nun allsamt sprechen er geb kain almüßen. vñ hab nie kaines geben. Do gelobten sy jm etwas zugeben. do lieff er bald hin zñ des kargen hausthür. vñnd do er ain gütte weil gefessen was. do gieng der karg peter haim. vñnd ward zornig das der betler vor d thür saß. wān er was in vngewon. vñnd do er für in gieng do bat er in durch got das er jm etwas gāb. do sahe er vñ nach ainē stain vñnd wolt in damit geworffen haben. do fand er kain. vñ alle weil trüg sein knecht ainen korb mit brot in sein hauß do lief er jm nahe vñnd nam ain brot auß dem korb. vñnd warf es an den armē man mit zorn. wān er het gerücht das es ain stain wär geweest. do nam der betler das brot. vñnd ward set fro vñnd gieng zñ den armen vñnd zaigt yn

Von sant iohannis

das almüßen. do gaben sy im daz sy im gelobt hetten. Darnach sprache sant iohannis. Nun mercke wye es got dē hat geben. darumb das wir den armen auch geren geben sollen. darum gibt vns got die ewig freude. wān do d̄ peter dē armē d̄z brott dar het geworffen. do ward er darnach siech. vnd gab im gott durch sein barmhertzigkait für groß übel groß güt. wann er ward entzuckte vnd gedaucht in er wār tod. vñnd kam für gotz gericht vñ wie er sein sünd auff ainer wag sahe. die wāren gar schwār. vnd wie sein gūte wercke auf dem andern tail lāgent die wāren gar wenig vnd ring. do stündē etlich darbei in weissen klaidern den w̄z ser laid das sy nit mer gūter werck heten auf zelegen. vnd hetten dem peter gerē geholfen. do sprach ainer. wir haben nichtz das die wag nider schwār dān daz brot das er dem armen über sein willen gab. vnd legten es auff die wag do wurden die zwen tayl gleich. do sprachen die in den weissen klaidern. Nun sihe wievil deiner sünde seind vñ wie wenig deiner gūten werck sind. dān das sy got mitt dem brott geleichet hatt. dauon so leg mer gūter werck darzū. thūst du das nit so füren dich die schwarzen moren in die ewige verdamnus. damit ka me er wiß zū im selber. vñnd ward bald gesund. vñ ward gar milt gegen armen menschen vnd gab alles durch got das er mocht haben. vñ sprach. seid mir ain brott als wol zū

Dem almußner

statten ist kōmen. das ich wiß mein willen hab geben. so hilfft mich d̄z noch baß. das ich mitt willen gibe. ¶ Eins mals kam ain man zū petro. der waz kaum auß ain wasser also bloß kōmen. d̄ sprach. Herz bedecke mich nackenden man. wann ich was auf ainem schif d̄z er sprach. do kam ich kaum dauon. do gab im petrus das best gwand d̄z er antrug do verkaufft d̄ arm man das klaid darūb das man im vil darūb gab. Do sahe petrus das klaid auf dem marckt. vnd wainet ser vnd sprach Mir ist laid das ich nit wirdig bin das mich d̄ arm mensch in seinē gebet hab. vñ mocht vor laid den selben tag nit essen. do erschien im got die selben nacht in kaiserlichen eren sitzent auf ain stül. vñ het auf seinē haupt ain schōns kreutz vñ waz reich geziert. vñ het das klaid an daz der karg peter dē armen man hette geben vnd sprach. Gehab dich wol mir w̄z des klaid not. wān mich froz. Von dē gesicht w̄z petrus fro vñ dancket got seiner gnaden. vnd gabe fürbaß noch mer durch got. dān vor vñ sprach. Ach wie grose eer hat d̄ mensch vor got der den armē gibt. wān d̄ reich man mage es wol tūn. so ist d̄ arm gottes sun vñ vnser vater hilft im sein leidē vāterlich tragen. Sālig muß er ymmer sein der durch got arm ist. ¶ Darnach do nam petrus zehen pfundt goldes vnd sprach zū seinem knecht nym hin das gold vnd thū damitt was du wilt. vnd far gen iherusa-

lem. so will ich dein knecht sein vnd will dir vnderthenig sein. vnnnd verkauff mich als ain ander vihe. vnd was mir fürbaß laiders geschicht. da sorg nit vmb vñ thū arinē menschen gütlich. Do sprach der knecht das thū ich nit. do sprach Petrus wiltt mich den cristen nit zekauffen geben. ain weß verkauf mich oder ich verkauff dich. do wolt sich der knecht nit verkauffen lassen. vñ tet seins herren willen. vnd für mit im gen jerusalem. vñ ließ seinen herren knecht sein. vñ kaufft mit dem gold was er wolt. do dienet im Petrus diemütigklich als ain knecht in bösen klaidern. dan er het als sein güt durch got gebē. do verkaufft in sein knecht vñ dreissig pfening. vñ gab die pfening armen menschen als er in vor gebeten het. vnd für hyt mit seinem güt. vñ ward ain kauffman. vnd belib petrus seins herren knecht in der kuchen. vñ laid vil vō rauch vnd von arbeit. das layd er gern durch got. vnd ward nye vngedultig. do thet im got vil genadē vnd zaiget im die klaid die er durch seinē willen hett hingeben. vnd die pfenning darūb er sich verkauffen ließ. vñ sprach Petre ich sihe ain vnkund das ich dich ewigklich zū ainē freünd will haben. danō empfienget petrus so gütē trost das in fürbaß kainer arbeit durch gott verdros. vnnnd arbaytet mitt grossen lust.

¶ Nun was Petrus vor reich gewesen vñ het auch reich freünd. dē was gar laid das sy in verlori het

ten. vñ süchtē in vnd kament in die herberg darin petrus was. Do empfienget d herz die gest schon. vñ gab in wol zeessen. vñ trüg in vil gütter speysen für den tisch. vnd über sein ampte. vnd wartet seiner schlüssel die weil redtē sein freünd wie sy petri verloren heten. vnder dē sahe in ainer an. den bedauht es wār der selbig peter. vnd sprach. Warlichen er geet hie vor dem tisch vñ sprach Ich kē in gar wol. do wurden sy fro. vnd wolten in hin zū in genommen habē. do erschrack er übel vnd schemet sich. vnd lieff zū dē thor. do was d torwart ain stum. vnd wer auß oder ein wolt der müst im ain zaichē mit ain finger gebē. Do vergaß petrus des zaichens vor großem eilen. vnd sprach. Thū auff das thor zehand geschahē ain groß zaichen durch sant peters hailigkayt. das der stum gehöret vñ redt vnd schloß d thor frölich auff. Do lieff sant peter hin vñ schloß d torwart wider zū. vnd lieff bald hinauff zū den gesten für den tische. vnd redet mit in. do sprachē sy sag vns durch got wer hat dir geholffen d du redest. do sprach der thorwart. petrus der kuchen knecht d hieß mich das tor aufschliessen. do er daz gesprach do giengē in auß seinem mund ain feüriner flain die berüret mir mein zungē vnd meine oren. do geschahē daz zaichē an mir. wan er ist ain diener gotes das ist an mir wol schein worden. do wurden sy fro vnd liefen in nach vnd süchtē in. vnd sun

Von sant iohannis

den in nit das was in laid daz sy in
ye erzürnet hettē. aber got gedacht
sant peters gar wol. das müg wir
wol gelaubē. Dise geleichnuß sagt
johānes d almüßner mitt grossen
ernst. darüb das die menschen gern
durch got gāben. vnd desten barm
herziger wāren. ¶ Alins mals ka
me ain reicher man zū sant johāns
beth. der het alles das durch gotes
willen geben. daz er het. vñ het nur
ain schwarz tūch ob seinē beth. daz
erbarmet den man ser. das der edel
reich man als vil frosts laid. vñnd
hieß im ain kostlichs decklach mach
en dz gab er im. do nam er es durch
gotz willen. vñ kund die selbē nacht
nichts schlaffen vñ wainet vnd sp
rach wiß sich selb. ¶ W eeherz wie
lig ich hie aller eern frey. vñ hab ain
klaid ob mir es heten meiner herren
hundert daran. wie manig armer
pidmet vor frost. dem füget es baß
dān mir. so hat maniger nit geessen
so hab ich heüt visch geessen. vñnd
saw ander leüt frūmen an dē deck
lach. vñ seinen schadē. vnd hieß daz
decklach des morgens am marckte
fail tragen vñ maint er wolt die ar
men mit gelt trösten. do sahe es der
man der ims geben het. d kaufft es.
vñ gab es sant johāns wider. vnd
bat in das er es im behielt. do kund
er die nacht aber nit schlaffen. vnd
legt es des morgens aber auff den
marckt. Do sahe es der reych man
aber vñ was im laid. vñ kaufft es
aber vñ sprach. Ich will das du es
nit verkauffest. hab es auff deinem

Dem almüßner

beth vñ brauch es vñ als oft du es
verkauffest. als oft will ich dir es
wider kauffen. vñ solt ich als mein
gūt darauf legē. ob ich dir müg an
gesigen. ¶ Alins mals bat ain ar
mer mensch sant johāns das er im
etwas durch gott gābe. do hieß er
im. vj. pfening gebē. do man im die
gab. do verwandelt er sein gewād
vñ kam hinwider. bat in das er im
ettwas gāb. do hieß er im aber. vj.
pfening geben. do sprach seiner die
ner ainer. d betler ist vor auch da ge
wesen. do wißt er es wol vñ wolt
es doch nit melden. Do kam d bet
ler zū dē dritten mal. vñ het aber an
der klaiden an. vnd bat in vñ ain al
müßen. do sprach d diener haimlich
zū dem herren. der man ist zū drey
malen hie gewesen. do sprach sant
johāns. Gib im sechs pfening. wer
waist ob es Christus würcket der
will mich villichte versūchen. ob
mich des gebens nicht verdrief. do
man im die pfening gab. do versch
wand er zūhand. wān es was cri
stus gewesen. ¶ Ain mal kam ain
armer mensch zū sant johāns. vnd
bat in dz er im etwas gāb. do hieß
er im fünff pfening geben. die ver
schmaheten im. vñ redet böse wort
vñ schalt in. daz verdroß die diener
vnd woltē in mit knütlen habē ge
schlagē. do sprach sant johāns laßt
in mit frid durch gott. ich hab wol
vierzig jar gelebt. in den jaren hab
ich meinē got gar oft erzürnet mit
meinē bösen leben dz richt er an mir
vñ sprach. trage her dē sack mit dem

pfeningē vnd laß in nemen wie vil er will. do gryff der betler in dē sack vñ nam als vil er wolt. Sant Johannes betet oft mit grossem fleiß vñ andacht. vnd sprach an seinē gebet zū vnserm herren. lieber herr was ich dē armen gib ist alles dein wann du gibst mir es vñ die armen seind auch dein. vñ was ich dē armē gib das gib ich dir. vñ du gibst mir. so gib ich dir. nun laß sehē wer ee müd werd. wann auff erden will ich mir deins gūts nichts behaltē. Also lebte er mit grossen tugenden. biß an seinen tod. ¶ Aines mals hett ain man ain klosterfrawē auß irem kloster genōmen. do rüget man in vor sant johāns darumb. vnd redeten dem man übel darū. vnd sprachen er wär im bann. als ainer der zwū selen het verderbt. die seiten vñ die iren. Do sprach sant johāns. Kinder cristi im ist nicht also. Ich will beweysen das yr wider das gebot gotes tünd zwū sünd. Das erst ist wiß das gebot gotes. do er spricht Ir sollent nyemandt vrtaylen. dz jr nicht geurtailt werden. Das and das jr nicht wißent. ob sy die sünd gebessert oß gebüßt haben. vñ mit der red geschwayget er sy. Vnd do sant johāns sterbē wolt. do sprach er. Herre ich danck dir das du mich vō deiner gūte erhört hast wen ich gestirbe das man nur ain helbling bey mir vinde. den hieße er den armen geben. in ainem gūten vertrauen. Vnd empfalch sein sel dem allmechtigen ewigen got. do füret

sy sein braut vnser liebe fraw mit grossen freüden mit jr in das ewig vaterland. Do trüg man seinē hayligen leichnā mit grosser andacht. in die kirchen. vñ legt in in ain grab do lagen vor zwē bischof in zway en sarchen bei ainander die wichen von ainander. vnd gaben sant Johāns ain stat zwischen jnen. do begrub man in mit grosser andacht vnd freüet sich das volck des grossen zaichen. ¶ Es kam ain frawe kurglichen ee das er starb. die hett auß der massen gar ain grosse sünd getan. der schemet sy sich so ser. das sy die nitt beichten torst das klaget sy dem patriarchen sant Johāns do sprach er. Liebe tochter so schrey be die sünd an ainē brieff. so will ich got bitten das er dir dein sünd ver-gebe. do schrib sy die sünd an ainē brieff. vnd versigelt in. vñ gab den sant Johāns. do bat er got mit ernst für die frawen. vñ starb darnach. Do die fraw hort das er tod was. do hett sy gar grosse sorg. sy wär mit dem brieffe zū schanden. vnd vorchte er het den brieff etwan gelassen. vnd ließ zū sant Johāns grab. vñ wainet yāmerlichen. vnd schry. Ach ach mir armē wittib. ich wolt wenen ich solt schanden meyden. so fürcht ich. ich müß vor allen menschen zū schanden werden vnd betet mit grossem ernst bei dē grabe vñ bat sant Johāns das er ye hulffe das sy mit dem brieff nitt zū schanden wurde. vnd ir zaiget wo der brieff wär. Vnd do sy so bitter

lichen bey dem grab wainet. stünd
sant Johannis auß dem grab auff
vnd die zwen bischoff die neben im
lagen mit im. vñ waren all bischof
lich beklaidet. Do sprach sant Jo
hans zu der frawen. warumb hast
du vns gemüet. vnd last mich vnd
die andern hayligen bey mir nicht
rüen. vnd sprach. Nun sihe vnser
gröber an. vnd sihe wie naß du die
mitt deinen zäheren gemacht hast.
vnd gab der frawen jren brieff wi
der. do was er dannocht versigelt
als vor wie im den die fraw geant
wurt het. vñ sprach. Sihe das in
sigel an. vnd thû den brieff auff. vñ
do sy den brieff auff thet. do waren
all jr sünd abgetilget. vñ fand dar
an geschriben Durch meins dieners
willen sant Johannis des almüß
ners seind dir dein sünd vergeben.
do ward die fraw auß der massen
fro. vñ dancket got dem allmechti
gen seiner genaden. vnd dem lieben
hailigen. Darnach do gieng sant
Johannes vnd die bischoff wider
in das grab. das geschah nach cri
sti geburt sechshundert vñ in dem
fünfften jar. O hailiger patriarch
sant Johannes bitt got den herren
für vns vñ erwirb vns auch barm
hertzigkait vmb in das wir barm
hertzig werden nach seinem lob. da
mit das er vns sein barmhertzigkait
ewigkliche wöll mitailen. des helff
vns got der vatter vnd der sun vñ
der hailig gayst Amen.

¶ Von sant Paula.



¶ Die hailig frau sant Paula was
ain güte cristin. vnd het got den all
mechtigen auß der massen lieb vnd
dienet im mit grossem fleiß tag vñ
nacht. vñ wonet auch vil bey sant
Jeronimo der hat auch jr leben ge
schriben vñ spricht also. Ob alle mey
ne glider zungen wären dannocht
künd ich nit volreden noch sage das
wirdig leben vñ die tugent sant
Paula. sy was 8 aller edlesten vnd
reicheste römerin aine. sy was aber
noch vil edler vñ jrer grossen hayli
kait vnd ward auch vil mer vñnd
baß gepreist mit 8 armüt cristi dan
was ich vñ ir sage wird daz ist we
nig gegen dē lob das sy mit tugent
der diemütigkait verdienet hat. sy
was die minst vñ allen menschen.
darüb dz sy die gröst vor got wird
als vil sy sich nidert als vil erhöcht
sy cristus. Sy flohe eer. vnd verdie
net eer mit jrer grossen tugent. vnd

begeret das sy verschmecht wurd
von den mensche. Die lieb sant pau
la het fünff kind die hießen Blesilla
Bonifacius. Eustachia. eufina. vñ
Corat. das was jr jüngstes kinde
Vñ do jr man starb do was jr laid
vñ in. vñ keret sich gantzlich zu got
vnd tailt jr gut vñ arm leut. vnd
ward angeweyset von zweyen bi
schossen in jr leben das sy got von
hertzen lieb het. vñ ließ alle zergeng
liche ding. auch jre kind. vñ gieng
an das wasser vñ jr jüngstes kind
Corat stund an dē land. vñ recket
seine hendlin senliche nach jr. vñ jr
tochter Eufina bat sy wainent daz
sy noch ain weil bey jnen belib. aber
die edel fraw warff jre augē auf in
den hymel. vñ opfferet got jre kind
on zäher vñ hoffet in die barmher
zigkait gotes. vñ vertrauet got er
fürsah jre kinder. wā sy wolt cri
sto nachuolgen. vñ wolt im on jr
sal dienen. doch hett sy ain bitteren
schmerzen vñ jre kind. aber sy freu
et sich dz jr lieb so groß zu got was
das sy jre kind wol mochte lassen.
durch gots willē. Aber die lieb sant
Paula sahe nicht hinder sich: wā
sy mocht jre kind on grossen schmer
zen jrs hertzen nit ansehen. jr toch
ter für mit in. ¶ Do sy nun an die
hailigē stett kamen da vnser lieber
herz auff erdtrich gangen was. do
erkant sy d herz des lands palastini
wol. vñ sendet sein ritter vñ knecht
zu jr. vñ bat sy das sy zu im kame
vñ hieß sein hauffrawē zieren. vñ
zu bereitē auff sy. Der eren wolt sy

nit auff nemen. vnd er wölet jr ain
diemütiges zellin. da wouet sy jñet
vñ dienet got mit fleiß. vnd gieng
an alle stet daran cristus was ge
wesen. die weil er auf erdtrich gien
ge vnd sahe die als mit grosser be
gird. vñ andacht. vñ waint vnder
dē kreutz. vñ betet als diemütiglich
als ob sy vnsern herre gegenwertig
lichen sah hangen. vñ gieng auch
in dz grab vnd küßet das grab dar
inn cristus gelegē was. vnd küßet
den stain den der engel von dē grab
welzet. vnd hett grosse begird an
der stat. vñ wainet gar ser. vnd er
seuffzet oft vñ vnsern liebe herren
¶ Nach dem kam sy gen bethleem
vnd sahen das hauff da vnser frau
das kind jñen gebat. vñ sahe gaist
lichen daz kindlin jesum in tuchlein
gewunden. vñ in d krippen wonen
vnd sahe das drey künig got anbe
reten. vñ sahe den stern scheine vnd
sahe auch vnser liebe frau vñ jo
seph vnd die herten. vnd sahe auch
mariam. vnd joseph mit dem kind
lin in egipteland fliehē. Do sprach
sy. Salue gegrüß seyst du hauff
des brotes. darinn geboren ist das
brot das von hymel herab ist kom
men. daz gesicht saget sy sant Jero
nimo. sant Paula die kessiget jren
leib so sere dz sy so jamerliche ward
das sy nyemandt kund erkenen. vñ
gieng diemütiglich nach jres man
nes tod vntz an jr ende. vñ afs mit
kainem mann wie haylige er was.
vnd badet auch nichts. dann wen
sy empfande das sy dauon krankē
D iij

sy gesprochen het. Es ist ain frau
aines kints schwanger worden. dz
soll Johānes hayssen vñ weñ das
kind sechzehen mess singt so würd
ich arme sel erledigt von 8 pein. des
tröstet ich mich lieber tott das mir
got 8 herz hat kunt gethon. darum
zohe ich dich so bald auff priester-
schaft damit das 8 armen sel gehol-
fen wird vñ darum so kum jr noch
zuhilff. do sprach er. Vater ich will
thun was du wilt. Do sprach der
bapst. du solt alle tag mess lesen bis
das jr sechzehen werden. denn so
wirt der sel geholffen das thet Jo-
hannes gar mitt grossen ernst für
die seel. darnach ward sy von aller
pein erlöst. darnach machet in der
bapst zu ainem bischoff. vñ sendet
in auff sein bistumb. do was er de-
mütig vnd dienet got mit grossen
vleyß an seinem ampt vñ prediget
so süsse wort das man in Johānes
mitt dem guldin mund hieß. dar-
nach do vertrib man in von seinem
bistum do kam er in ain wilde wü-
ste. Do schrib er gar vil vonn gott
dem almechtigen vnd wañ im der
tinten zerian so schrib er auß seinem
mund. so wurden es eytel guldin
büchstaben Vñ do in got der herz
vñ diser welt wolt nemen do ward
er siech vñ starb seliglichen do für
sein sel zu den ewigen freuden. Nun
bitten wir den hayligen sant Jo-
hannes das er vns auch vmb got
den allmächtigen wöll erwerben
das ewig leben. Amen.

¶ Von Sant Juliano.



¶ Symon der gleyfner der vn-
sern lieben herren in sein haus lüde.
do sant maria magdalena bekeret
ward 8 was außezig. do machet
in vnser herz gesunt durch sein gros-
se barmhertzigait. Darnach do der
haylig gayst den jüngern gesendet
ward von gott. do taufften yn die
zwelfpotten vñ hyessen in Julianus
vnd weyheten in zu ainem bischoff
do dienet er got tag vnd nacht mit
betten. vasten. wachen vnd mit vil
ander güter übung vnd pflag des
ampts mit grossen fleyß vñ lebt so
tugentlich vñ hailiglichen das er
got vnd den menschen lieb was vñ
thett got grosse zaychen vñ vil
wunders durch in. wann er gabe
dreyen todten jr leben durch sein an-
dächtiges gebet. vñ lebet gar sällig-
lichen bis das in got auß diser zeit
nam vñ starb. do für sein seel zu
den ewigen freuden. Dahin vñ

got helff durch seines hayligen gebettes willen. ¶ Nun was ain ander man der hieß auch julianus vñ was ain cristen vñ het got lieb vñ begert allzeyt dz er durch got wird gemartert. vñ gieng williglichen zū den vnglaubigen die er west die die cristen martereten vnd straffet sy vmb jr sünd. Das ward Crispino gesagt. das thet jm zom. vñ gebot seinen dienern dz sy in siengent vñ in zūtod schlügen. do das julianus hort do gieng Er gegen yn. do siengen sy in zehand vnd zugen ain schwert gegen jm auß. do erschrack er nit vñ bot seinn halß williglich dar. do schlügen sy im sein haupt ab do für sein sel zū den ewigñ freuden. Darnach namen sy sein haupt vnd trügen es zū seinn gesellen vñ sprachē zū jm. dz haupt haben wir deinem gsellen abgeschlagñ. wilt du an vnser götter glaubē so wöllē wie dich nit tödten. do sprach er das will ich nit thū. Ich will an vnsern lieben herren jesum cristū glaubē. do schlügen sy in auch zūtod. vñ ließen das haupt juliani auff jm ligen. do für sein sel auch zū den ewigen freuden. Do hūben in die cristen menschen auff vñ begrūben in haimlich. Dar nach über vil jar do cristenlicher glaub außgebrait ward do fand mā sant Julianus haupt das was dan noch als frisch als ob es jm wäre erst abgeschlagñ. dabey erkanten sy sein hailigkayt. vnd thet auch sunst vil zaichen. ¶ Ains mals baut mā sein kloster vñ man nam sant julia

nū zū ainem baumā durch sein hayligkayt. Zū ainer zeit hütet yn jr hirt Irer schaff auff dem veld. do kam ain böser man zū jm vnd wolt jm die schaff nemen vñ fragt in wes sy wären. da sprach d hirt sy seynd sant Julianus. do sprach er Er bedarf weder schaff noch beck zuessen darum so gee haym vnd schlaff ich wil mir die hert haben. do kam den bösen man das fieber an vnd thet jm als wee dz er der schaff von der stat nit mocht bringen: vñ schry jamerlichen vor hitz vñ sprach. mich prennet sant Julianus der martter. Bringent bald wasser vnd külent mir mein hertz damit. vñ wiewil die knecht wasser auff in gussen halß als nit vñ gieng ain böser vnrainer geschmack vō jm. das die menschn von jm fluhent vñ starb. also rach got seinen diener. ¶ O hailger juliane bit got dz er allzeyt mit vns sey vñ vns vor übel behüte Amen. ¶ Es was aber ain julianus d hett ainen brüder hieß Julius die waren edel vō geschlecht vñ waren cristen vñ hetten got lieb vnd dieneten jm mit vleyß. Zū der zeyt was ain kayser der hieß theodosius d was glöbig den baten die zwen brüder dz er yn erlauppt das sy der abgötter tempel zerbrächen vnd got zū lob kirchen bauten. vñ baten in auch das er gebute. wer da für gienge das er an d kirchen müßt helffen. vnd das sich des auch nyemandt solt weren. do sprach der kaiser. ich will euch fride machen vñnd gabe in ainen gütten

brieff das nyemandt wider sy solte
sein. vnd das man in zu der kirchen
solt helfen. Do nament sy den brief
mit freuden. vnd zerbrachen vil ab
göter tempel. vñ machten vil kirch
en gott zu lob. do getoist sich niem-
mandt geweren wer dē brieff sahe
vñnd hort. ¶ Zu ainer zeit arbay-
ten sy an ainer kirchen. da wandletñ
gar vil menschen für. Do kame ain
karr mit narren gefaren. die hetten
sorg sy müstñ an d kirchen arbaiten
vñ funden ain bösen list. Do sprach
ir ainer. ich will tñ als ob ich tod
sey. vñ will mich nider auff den kar-
ren legen. So sprechent jr. ir müßt
mich begraben. Do sy zu der kirchñ
kamen. do sprach Julianus. Lieben
brüder helft vns got dem herin zu
lob arbaiten. do sprachen sy daz mü-
gen wir nit thñ. wann wir füren
ain todten den müß wir begraben
do weste Julianus wol im gayste
das sy nit war hetten. vnd sprache
zu jm. Ir habent eüch ainer lügen er-
dacht. wañ er ist nicht tod. Do sch-
würten sy groß ayd er wär tod. do
sprach iulianus. seyt frey von vnser
arbit. vñ was jr gesagt habt daz
werd war in dē namen gotes. Do
füren sy mit freüde hin vnd sprachē
zu dē der auff dem karren lag. Stee
auff wir seyen darvon komen. do la-
ge er gleich als er schliesse. vnd wie
vast sy im rüßte das halff alles nit
das thet den gesellen gar zorn. vnd
griffen in an do was er tod. Do dz
groß wunder vnd das zaichen die
menschē horten. vñ sahen. do were-

ten sich die menschē fürbaß nit mer
vñ hulffen den zwaie diener gotes
an der kirch. Die zwen gotes hay-
ligen praiten gottes eer überal auß
in dem lande. vnd dienten got mitt
ernst vnd starben seliglichen. das
hymelreich was jr lon. da haben sy
ewig frid. dahin helf vns got auch
¶ Nach dē was ain and iulianus
der was auch ain crist. vnd dienet
got mit fleiß. Vñ zu ainer zeit kam
er auff das veld vnd jagt ainē hirß
nach seiner gewonhait. vnd was
die weil nyemad bey jm wed hund
noch knecht. Do geschahē ain groß
wunder. der hirß gieng ain tail vñ
jm. vnd keret seine hörner gegen jm
vnd sprach mit menschlicher stymē.
Juliane warüb jagest du mich. du
wirßt deinen vatter vnd müter zu
tod schlahē. do erschrack er gar seer
von dē wund. vnd schied gar trau-
rlich von jm vñ gedacht jm. Ich
will meinē vater vñ müter fliehen
vnd will in ain frembd land faren.
da niemand waist wer ich bin. vñ
rite haimlich in ain frembdes land
vñ kam zu ainem herren dem dient
er gar treulich als ain knecht. vñnd
was starck vnd weis. vnd was in
streitten gar ain manlich heldt. do
gewan in der herz gar lieb. vñ ma-
cht in zu ritter. vnd gab jm ain erbe
re frawen vnd ain burg darzu. do
waren sy gar fro vnd dienten got
mit grossem fleiß. Sanct Julianus
vater vñ müter waren sere betrü-
bet vñ jren sun vnd sendetē botten
überal in die land das sy in süchten

vñ über ettlich jar do machten sich vater vnd müter selb auff vñ süchten in überall in dē land. vnd kamen auf ain burg do er auf wz do was er nit da haimen. do kamendt sy zū seiner frawen. die empfieng sy gar schon. vñnd weßt doch nitt wer sy waren. do redeten sy dauon. das sy iren sun Julianū heten verlor. vñ wie vil jar das wāren. do das die fraw hort. do verstünd sy sich wol das jr herz jr sun was. do ward sy gar fro. vnd leget sy des nachtz an jr beth. Vñ des morgens gieng die fraw gen kirchen nach irer gewonhait. die weil rite d herz ein. vñ kam in sein kamer. do sahe er die zwai an seinē beth ligen. do erschrack er gar ser vnd sprach. O herre der grossen vñeer so mit widerfarē ist. dz mein fraw bei ainē andern ligt. daz wirt jr nit vertragen. schlug mit seinem schwert seinen vater vnd müter zū tod. do wolt er wānen es wār sein weib. vñ het ainen frembden man zū tod geschlagen vñ gieng do wider auß der kamer. Nun saget man der frawē in der kirchen jr herz wār komen. do warde sy fro vnd gieng bald haim zū hauß zū jrē man vnd do sy Julianus ersahe. do wundert in seer das sein fraw noch lebet vnd sprach. Liebe fraw meine. wer sind die zwai die an deinē beth ligē Do sprach die fraw. das sind dein vater vñ müter. do erschrack er als ser das er nicht gereden mocht. vñ wainet vnd sprach. O wee meines hertzen laides. wie groß sünd habe

ich gethan. durch das ich geflohet bin. was hab ich nun gethan. vnd sahe auf gen hymel. vñ sprach. Wie war hat d hirs gesagt nun bin ich in groß sünd geuallen vñ wil nimmer geruen biß ich innen wird das mir gott mein sünde hab vergeben. vnd sprach zū seiner frawen. Liebe Schwester gib mir vrlaub vnd gott der allmechtig sol dein pflegē wān ich will von hiñen faren. vnd will mein sünd büßen. do was seiner frawen gar laid vñ in. vnd sprach gehab dich wol wān es muß sein ich will mich nimmer von dir schaiden. weil ich leb. vñ wo du hin wilt. da will ich mit dir. vnd vmb kain sache will ich dich lassen. wān ich freude vnd eer mit dir gehabt hab vñ güt gemacht. so will ich auch mit dir leyden. vnd will alle mein freud lassen do warde er fro das sein fraw als getreülichen redtt. vnd bracht alles sein güte zū pfeningen so er beldest mocht. vñ fūr verz auß dē lande vñ het grosse reu vmb sein sünd. Nun kam er vñ sein fraw zū ainē wasser darüber was ain sorgsam überfart daran legten sy als jr güt. vñ machten ain spital da. vñ sein fraw blib bey jm. vnd beliben keüsch vñ rain vnd er halff allweg mit ainē schiff den mensche über das wasser Vnd dienten got tag vñ nacht mit großem fleiß. vnd darnach über lange. do schlieff Julianus aines nachtes wān er het den tag allain gearbeit vñnd was gar müd. vnd es was gar kalt. vñ groß vngewiter vnd

Don Sant

regnet. do hort er ain stym zū miter
 nachte yenhallen des wassers die
 schry so jamerlich vñ sprach. Stree
 auff vñ für mich hinüber do stünd
 er bald auff vñnd sahe das es ain
 nackends mensch was vñnd was
 gar nach erfrom. do furt er es über
 das wasser vñ trüg in in sein hauf
 vñ macht ain feur vñ setzet dz arm
 nackent mensch zū dem feur. do sah
 julianus dz sich d mensch verkeret
 als ob er sterben wolt. vñ was ge-
 stalt als ain aufsetziger. do was im
 gar laid vñ trüg in an sein beth. do
 ward im sein angesicht gar licht.
 do sahe er wunder an im. darnach
 für der siech frölich auff vñ sprach.
 nun biß frölich ich bin ain engel vñ
 hat mich got der herz zū dir gesant
 das ich dir sag dz du dein sünd ge-
 byest hast. damit verschwand der
 engel. do ward Julianus vñnd sein
 frau fro vñ danckten got seine ge-
 naden vñ starben darnach bald vñ
 füren jr selen zū den ewigñ freuden
Es was aber ain and julianus
 der was gar böß vñ lernet die sw-
 artzen kunst in seiner jugent. Do
 sprach sein maister. wiltu der kunst
 ain maister werden so fleuch das
 kreutz wo es ist. vñnd seggen dich nit.
 das thet er. vñ flohe das kreutz an
 allen enden. do sagten im die bösen
 veind Er solt noch kayser werden.
 darnach ward er ain münch durch
 sein salchait. do wolten sy wānen
 er wār hailig doch zwang er sich
 ser vñ gleifnet vil vor den menschn
 do machet man in gar bald zū aym

Juliano

lesmayster. do ward sein eer weyt
 geprayt. **E**zū d zeit was ain reiche
 mechtige wittib die het drey köpff
 golds daransff het sy äschen gesäet
 vñ getrawet nyemant zū den köpf-
 fen dann dem münch juliano dem
 empfalch sy die köpff haimlich vñd
 saget nyemant dauon. do besach ju-
 lianus was vñden in den köpfen
 wār do waren sy vol golds. do er
 das sahe stal er das gold alles her-
 auß vñ füllet sy mit äschen Do nun
 die wittib kam vñ wolt jren schatz
 sehen do het sy das gold alles ver-
 lorn das was jr ser laid vñ getorst
 es niemant sagen wann sy het kain
 zeugen. vñ waren die köpff juliano
 vol äschñ geantwurt darun müß
 sy es beleyben lassen. darnach trach-
 tet julianus wie er das gold haim-
 lich auß dem kloster möcht bringen
 vñ das er zū kayser wurd wann er
 was dartzū geboren. dauon het er
 destet mer höffnung dartzū wann
 sein brüd was burger zū Rom. Do
 empfiengen in sein fründ gar schon
 wiewol er ain abtrinniger münch
 was vñ mit sein grossen güt zoch
 er die menschen an sich das sy in zū
 ainem künig erwölten. do ward er
 mit grossen eren in das land Galli-
 cia gesant. Darnach kam er wider
 gen Rom vñnd ward gewaltiger
 kayser. Do nam alle tugend ain end
 die er valschlichen het gehebt. vñd
 bracht sein schwarze kunst herfür
 vñ martert die cristen vmb cristen-
 lichen glauben. **E**zins mals do be-
 schwür er den bösen gayst dz er im

ain botschafft brächte von Persen
land. do für 8 böß veind dahin. do
was sein weg für ainē ainsidel. der
betet andechtiglichen. also das er
vor sein andechtigē gebet niendert
kund für kōmen. do kame er wiß zū
dem kaiser vñ sprach. Ich habe dir
nichts geschafft. dan ich kam an ain
stat da was ain güter münich der
betet zehen tage. das er sein füß nie
ab der stat setzet. do thet mir sein ge
bet so wee das ich nit für in mocht
kōmen. das thet dem kaiser zorn. vñ
schwūr er wolt dartzu kōmen. vñ wolt
den münich er tödten vñ alle die cri
sten die er an kām. do fürsah got 8
herz die seinen. auch sein liebe müt
ter Maria. wañ es gebot vnser lie
be fraw ainē ritter der hieß Mercu
rius. das er sy vnd jr liebes kind vñ
die cristen menschn an dē bösen Ju
liano räch. wañ er het die selben cri
sten vor vñ cristen glauben getödt
do jm das vnser liebe fraw gebott
stünd er von dē grab auf vnd nam
seinen schilt vnd sper mit jm. vñ
rit zū dem kaiser. der was auf dem
veld an ainē streit. vnd stach in mit
ainē sper zū tode. die ding sahe sant
basilius in ain gesicht vñ dem wil
len gotes do wurde die cristen gar
fro. das sy got vñ jm erlediget het.
vñ dancket jm seiner gnaden. Vñ
die mensche von persen land schun
den den kaiser als ainen visch. vñ
liessen das af vor den hunden lign
vñ wolten in nit begraben. vñ na
men sein handt vñ legeten sy dē kün
ig vñ sein füß. wañ er wolte die

von persen ser gemartert habē. Al
so erlöset gott der allmechtige seine
freünd von dem bösen juliano. Nun
bitten wir vnsern herren jesum cri
stum das er vns erlöse vñ allen vn
sern veinden sichtigen vñ vnrichti
gen. vñ von allen angsten der seel
vñ leibs. vñ geb vns nach disem
leben das ewig leben Amen.

¶ Von sant Bugida:



¶ Bricida die haylig juncfrawe
ist von schottenlandt geboren. gar
vonedlem geschlecht. vñ jr vater
hieß Dictagus der het sy bey seiner
maid hieß profsch. wañ sein fraw
was gar lange zeytt bey jm gewe
sen das sy nye kain kindt bey jm ge
wan. Vñ do die frawe des innern
warde das die maget ain kind bey
dem herre trüg. ward sy zornig. do
gabe der herre 8 maget vñlaub. vñ
sprach wenn sy das kind gewun
E iij

so wolt er es haben. Do gieng die maget mit laid auß dem hauf. vnd kam in ain dorf in ains baurē hauf da was ain ainsidel ein gegangn. & sahe das die maget ain liechten sch ein vmb jr haubt trüg. vñ zehandt erkenet er von dem einsprechen des hailigē gaysts. dz ain hailige frucht von jr solt kōmen. vnd kniet gegen jr nider vñ sprach. Gott der hat grosse genad mit dir gethan. wān dein frucht ist hailig. vnd gebürest ain kind on allen schmerzen. als vn ser liebe fraw jr kind auch on allen schmerzē gebat. also gebat die maget on allen schmerzen dz kind. wie jr der ainsidel gesagt het. Vñ was zermal schön. vñ het got den herren lieb vñ dienet jm mit fleiß tag vnd nacht. mit vasten. wachen. vñ mitt vil and gūter übung. vnd versaget jr got kain ding wes sy got bat des geweret er sy. Vnd do sy zū iren tagen kam. do wolten jr ire freünd ainen man habē gegeben. Do sy das jñen ward do was jr gar laid vnd bat gott mit ernst das er jr ettliche krankhait vñ gebrechen gāb. das sy des mannes überig wurd. do erhōret sy got vñ verdarb jr ain aug do ward sy ain klosterfraw. vñ kamen vil juncfrawē zū jr in das kloster vñ lebten seligklich. vñ tugentlichen. vnd besunder sant Brigida vñ thet vil zaichen. vnd kam jr hailigkait gar ver. ¶ Ains mals kam ain man zū jr dē was ain handt abgeschlagē: vñ bat sy das sy jm hulff damit das jm sein hand wiß würd

Do sprach sy jr gebet zū got dē allmechtigen mit andacht. vñ satz jm sein hand wiß an. do warde sy jm zehand gesundt wie am ersten. do ward er fro vñ danckt got vñ sant brigida & gnaden. ¶ Zū den zeiten waren achzehen samlung. die kamen zū sant Brigida vñ klagten yr sy heren nur ain wenig bier auff die osteren. do hieß sy bier preüen vñ sendet yegklicher samlunge ain lāgelin mit bier. do thet got sein gnad darzū. dz sy des biers genüg hetten biß die osteren ain end namen. darumb danckte sy got das er sy fürsehñ het durch seiner dienerin willen. ¶ Es kam ain aussetziger man zū sant brigida vñ sprach. ich het nur ain rind das hat mir & schelm genomen. vñ bit dich dz du got bitest das er mir mein rind wiß geb. do sprach sy. du hast dich offte versaumet. an dem dienst gotes. so besser dich. so will ich mit dir got biten das er dich erfreu. vñ sy bat gott mit ernst für in vnd er auch. do der man haim kam do fand er sein rind gesund. ¶ Ain siech fraw kam zū sant brigida vñ bat sy das sy jr ain milich gābe. do sprach sy ich hab kain milch. het ichs ich wolt dir es gern gebē vñ sprach ich hab wasser dz will ich dir gern geben. do sy & maid das wasser gab do ward es zū milich. do sy & milch getranck. do ward sy gesund. vnd ward fro. vñ danckt got vñ jr der genadē. Darnach kamen drey aussetziger man zū sant Brigida. die macht sy auch gesund. vñ zwen blindē

die vielen auch für sy. vnd sprachen
 Got hat vns vnser gesicht genom-
 men. vñ mügen nit arbeiten vñ ha-
 ben frawen vñ kind vñ müssen mit
 vnsern töchtern thun das wiß got
 ist vor hūger. wann du vns nit helf-
 fest. do sprach sant Brigida. wölte
 jr eüer tochter zū got keren vñ eüch
 selber vor sünden hüten. so will ich
 got mit üch biten. dz er eüer sünd be-
 nem. do lobtē sy jr grosse besserung
 do bat sy got mit grossem ernst das
 er in jr gesicht wiß gābe. do gab er
 in jr gesicht wiß durch seiner lieben
 dinerin willen. ¶ Als mals wolt
 sant Brigida durch jr grosse not-
 turst wege über ain wasser faren.
 do stieß sy sich an jr haubt dz sy blü-
 tet. do waren zwū frawen da. die
 hortē nit vñ kunden nit redē. die na-
 ment das blūt in ain veflin. vnd be-
 strichen jr om vñ jre münd damit
 do wurde sy gehōrent vnd redent.
 des dancketen sy got. Darnach do
 kam ain mensch d was ainfeltig in
 des künigs hof. vñ nam ain guldin
 kopff in die hand vñ was in scha-
 wen. do empfiel er jm vñ zerprache
 do wurde des künigs diener zornig
 vnd siengē in vñ legten in in eysen.
 Do das sant brigida hort. do was
 jr laid vnd nam die scherben wider
 zesamē vñ ward wider ain ganzer
 kopff. Zu den zeiten hett ain frau
 schön opffel in jrē gartē. die sah ain
 aussertiger man. d bat sy durch got
 das sy jm ain apffel gāb. dē versagt
 sy jm zorniglichen. das horte sant
 Brigida. vnd erbarmet sy d kranck

man gar übel. vñ bat got den herin
 das er der frau sünd dort hin nitt
 spart. das er jrs hie abnām. vñ das
 er jr die opffel ließ verschwindē. dz
 geschahē. vñnd der garten dorret.
 ¶ Als mals für sant brigida auß
 mit jrn frawen von notturst we-
 gen. sahen sy ainen man mit seinem
 gefind auf dē veld geen. vnd sahen
 in schwitzen vor grosser müde vnd
 arbeit. das erbarmet sy vnd hieß jr
 frau absitzen vñ gab in jre zway
 ropf durch got vnd mangelt selber
 do mochtē sy nit wol geen. vnd setz-
 ten sich auff ain wasen. sprach sant
 brigida. die straf vert manig men-
 sch. dē geschicht oft wee vor durst.
 darüb helfent den wasen auß gra-
 ben das thetē sy. do gieng zehant
 ain schōns wasser darauß. do wur-
 den sy fro vñ danckten got der ge-
 naden. ¶ Nun ward ain hertzogē
 gesagt dz sant Brigida jre ropf dur-
 ch got het geben. vñ sy selber man-
 gelt. do gab er jr vier bessere ropf dz
 füget got darüb dz jr jre schweste-
 ren nitt haß trügen. ¶ Als mals
 was ain grosser rat vor dem bapst
 da was ain grosse pfahait bey. do
 kam ain weib vñ bat gericht über
 ainen bischof vñ sprach. er hat mich
 nozogen vñ hab ain kind bei jm ge-
 habt. vnd er will mir nitt geben
 das ich der amē auch geb. dz was
 dem bischof laid das sy in das zū ge-
 doch was er vnschuldig. Do spra-
 ch sant brigida. ist d bischoff schul-
 dig so schwere ainen aid das es sey
 war. wann sy verstünde wol das

Von Sant

er vnschuldig was. do schwür daz böß weib ain aid. daz er wär schuldig. das rach got der heri so balde an jr. vñ zerpläet sich daz weib vor sünden an der stat. Darnach beschwür sy das bei got vnd der ewigñ warhait. ob er sein vater wär. Do sprach das kind. man thüt dem byschoff vnrecht. er ist nit mein vater der büß ist mein vater der dort stet do wurde sy alle fro. vñ die pfaffen lobten got vmb das groß zaichen.

Es kam ain fraw zü sant Bugida vñ klaget jr ir armüt. vnd bat sy das sy jr ettwas gäb. do gab sy jr ain küw. do sprach sy. Ich will jr nitt. ich fürcht ich verliere sy. gib mir etwas anders. do gab sy jr ain gürtel vnd sprach. die gürtel trage zü den siechen vñ bespieng sy damit auß dē wasser so werdñ sy gesund. Do ward die fraw gar fro. vñnd macht vil menschen mit der gürtel gesund. damitt warde sy gar reich vnd was sy selber nit bedorfft das gab sy durch got. **Z**ü den zeitten kam ain hunger jar in das land. do für sant Bugida in imbria vñ bate den bischof vñ koren do hett jr der bischoff nitz zü geben. dann speck vñ herts brot. das müßt er vñ hunger not essen. wā es was in der vastē. do asse sant Bugida mit jm was er het. do wolten jr zwü die nerin das flaisch nit essen. do ward der speck vñ das brot zü zwaien natern vor jnen. Do sprach sant bugida zornigklich zü jm. warüb woltñ

ignacio

jr nit essen do es eüch ward geboten. het vnser wirt ander speyß gehabt. so het er vns nit flaisch geben dauon so bitent got den allmechtygen dz er eüch die vngheorsam vergeb. do halff der bischof got dē herren auch biten das er jm die sünde vergäb. do wurde die natern widerumb zü flaisch vnd zü brot. des danckten sy got dē herren. darnach bald do ward sant Bugida zermal siech vnd starb seligklich. do für jr sel zü den ewigen freüden. das wir auch dahin mögen komen von jrs hayligen gebets willen. Des helff vns got der vater vnd der sun ic.

Von sant Ignacio.



Sant Ignacius was ain crist vnd het got lieb vnd dienet jm mit fleiß tag vnd nacht vnd was sant Johānes des zwölffpoten junger vnd was jm gehorsame. vnd nam vast zü an güte leben. darüb macht

in sant Johannis zu ainem bischof
in der stat Anthiochia. do was er
dem bistumb mit vil tugenden vor
vnd prediget mit fleiß. vnd bekeret
vil mensche zu got mit seiner guten
lere. Darnach über etliche zeyt. do
schrib er vnser lieben frawen ainen
brieff die lebt dannocht. Der die cri
stum trüg. vñ in gebat embeüt Ig
naciuss sant Johans des zwölffpo
ten junger das ich vil wunder hab
gehört von deinem sun. de wolt ich ge
ren zu end komen. vnd wolt 8 gern
bericht werden. vñ seid du im heim
licher gewesen bist dann kein men
sch. vñ alle zeit bei im bist gewesen
so waißt du seine wunder die er ge
than hat aller aigenlichest. wan er
hat dir nicht verborgen. als billich
ist. dauon so sähe ich dich zermal ge
ren. vñ redet auch geren mit dir vñ
denen dingen. Vnd do maria den
brieff gelaß do schrib sy im also hin
wider dem lieben ignacio der nach
der warhayt fraget dem schreib ich
ain diemütige müter jesu cristi. vnd
laß dich wissen was dir dein may
ster Johanes hat gesagt daz ist die
gantz warhait dz solt du im gelau
ben. volg im so wirst du selig. an
sel vñ leib. vñ was du predigest dz
erfüll mit guten wercken. Vñ was
dir dein veind zu laid thünd. daz ley
de gedultigklich vñ tröst dich gott
tes. wan got laßt dich nit. vnd für
sich dich mit seinen genaden. vñ laß
dich wissen dz ich vñ sant johans
schier zu dir wollen komen. vnd zu
den andern cristen die mein sun lieb

habent. do sant Ignacius den brief
gelaß. do ward er gar fro. vñ lebet
aber seliglicher vnd hayliglicher
dan vor. vñ ward volkomen in al
len guten tugende. vñ bat mit fleiß
für die cristen. vñ bekert vil menschen
zu cristen glaubē. ¶ Zu der selbē
zeit was ain böser kaiser hieß Trai
anus 8 ächt die cristen seer. dz was
sant Ignacio gar laid. vnd do der
kaiser hort dz sant ignacius ain cri
sten wordē was. dz tet im zorn. vnd
hieß in vahen vñ für in bringē. Do
segnet sich sant Ignacius mit dem
hailigē creutz vñ kam für den kaiser
vñ straffet in vñ sein vnglauben
vnd vñ das groß leiden daz er den
cristen anleget vñ sprach. Dein ab
götter sind nur ain gespöt. vnd ver
müge kein güt. do ward 8 kaiser zor
nig vñ hieß in mit eysen verschmi
den. vñ beualhe zehen rittern daz sy
in mit inen gen rom brächten. Vnd
die weil man in gen rom fürt. sch
rib er den cristē liberal brieff. wie sy
got vor allen dingē sölten lieb habē
vñ sölten alzeit begern zu leiden dar
umb wird in die ewig freud. Vnd
schrib auch brief gen Rom ee er dar
kam vñ bat sy fleissigklich dz sy sein
tod nit vnderk ämen. vnd die weil
er vnderwegen was. do sprachen
die vnglaubigē zu im. er sölte seinen
glauben lassen. vnd thät er das nit
so wölten sy in zu wilden thieren
setzen die wurden in fressen. do be
geret sant ignacius mit grosser be
gird 8 marter. vñ sprach dz ich ge
fangē bin dz hab ich für ain freihait

wolt got dz die zeyt schier kām das ich solt leidē. O jr hailigē thier möcht ich schier zū euch kōmen. das jr mich soltent essen als man mit gelobt hat. vnd wē ich zū den tierē kum. so soll man sy vast auff mich hetzen. das sy mein flaisch zū stücken zerreißen. ich hab gehört dz die tier ettlicher mensche geschonet haben. vñ in nichtz theten. Nun wöll gott das mir das nit geschehe. vnd sihe ich das sy mein schonē. so will ich sy auff mich selber raizen. vñ will offentlich haissen das sy mich zerreißen vnd essen vnd mein nicht schonen. wā ich waiß wol was mir fūgt. mir ist lieb wie vil man mir leides anlegt mit dē feur vnd mit den wilden thierē. Ir solt mir meine glider zerschneiden. vnd sollten sy von mir werffen. wā mir ist ring alles das das mich peinigē mag. vñ getödtē durch meinen herren Jesum cristū. Do sprachen sy. warūb nennest du den namen jesu cristi ymermer. nun waißt du wol das man dich durch seine willen tödten will. Do sprach er. ich mag sein nit gelassen. wann sein nam ist in meinē hertzen geschriben vñ begraben mit guldin büchstabe. dz ich sein nit vergessen mag darnach bracht man in für den kaiser. 8 sprach zū jm. Warūb hast du die mensche in Anthiochia mit deinem falschen glaubē betrogē. vñ zū cristenlichem glauben bracht. do sprach 8 bischoff zū jm. het ich dich also betrogen vñ zū cristen gelauben bracht. so belib dein reich in ewig.

kait. do ward der kaiser zornig vñ sprach. Verlaugē deines gotz. vnd opfer vnsern götern: so wil ich dich vor allen eewarten eren. do sprach er. ich achte deiner eeren nit. dauon thū was du wilt. ich will ye deinen götern nit opffern. es steet mein leben hie vor dir. do ward der kaiser zornig. vñ hieß in mit pleien kolben schlahen. das laid er gedultigklich darnach zarten sy im sein haut. vñ flaisch mit krälen von sein leib. das es vñ im hieng. vñ namen do stain vñ riben im sein wunden herrtklich damitt. do nennet sant Ignacius den namen vnser herren jesu cristi ymermer. im wār wol od wee. vñ do der kaiser das sahe das er so stat an got was. do hieß er im vil glüender kolen bringen. sprach er wölt in damitt peinigen. Do sprach sant Ignacius dich hilfft dein peinigen nit dz du mir thūst. wā mir hilfft mein herr jesus cristus all dein pein überwindē. siedendes wasser glüender kolen die mügē mir die liebe nit erleschen die ich zū meinē herrē jesu cristo hab. Do sprach der kaiser ist das jr euch criste als lang vor dem feur fristent. es muß doch mit zauberei geschehen. do sprach sant Ignacius 8 bischof. Wiß kaiser dz alle die die den abgötern dienē. die dienen dem bösen veind. vñ geent mit zaubernuß vñ. aber wir cristen dienen dē ewigen gott. 8 aller ding gewaltig ist. hymel vnd erden erschaffen hat. do ward 8 kaiser gar zornig vñ hieß im saltz in sein wunden

reyben. Das laid er gar gern durch got. vñ sprach. Herz das leyden ist klain vñ mügē damit nit verdienen das ewig leben. wān durch dz verdienē deines aingebornen suns vnser lieben herren jesu crist. Du gibest dich vns vō deiner lautern gūte. darūb leyde ich gern vnd billich. Darnach leget man in in ainen kercker. vnd gab im weß zū essen noch zū trinckē. do was got der allmechtig sein trost. Vnd an dem dritten tag nam man in herwider auß. vñ füret in zū dem kaiser Der sprach zū dem volck allem Ignacius der byschoff ist wider vns mit seinē glauben. darūb soll man zwen hūgerig leuwen auff in lassen das sy yn zer reißen zū klainen stücken. do sprach sant Ignacius. ich will gern durch meinen herren jesum sterben. wann ich bin sein armer diener. vñ bin nit würdig das ich leid. doch vermage ich von mir selb nichts gūts. gott gibt mir den gūtten willen den wir zūm leiden haben: vñ hat vns groffen lon darūb behalten. vnd sprach zū den leon. Wolher jr grymen tier vñ volbringent eüern willē an mir. Do lieffen die leon auß sant julianū vñ erschreckten in das er starb. vñ hetten in doch nie kain wunden gemacht. des nam dz volck groff wunder. do für sein sel zū ewigē frūden. Do ward dem kaiser sein hertz ain tail waich. vnd sprach. Wollen die cristen mensche Ignaciū begraben solles in nyemandt weren. do kam men die cristen vñ begruben in mitt

grossen eern. do gedachten des kaysers diener daran das er het gesprochen. Er möcht nit gelassen er müst den namen vnser herren jesu cristi oft neñen. wān er wār in sein hertz begraben vñnd geschriben. vnd schniten Ignaciū auff. vnd namen sein hertz heraus. vñ schniten es vō ainander. do stünd ihesus darinē mit guldin bűchstabē erhaben. das sahent vil menschen. vñnd wurden von dem zaychen zū cristenlichem glauben bekert. Nun biten wir sant Ignacium das er vns auch zū den ewigen freüden helff Amen.

¶ Von vnser lieben frauen zū liechtmeß.



¶ Do nun die tage der rainigung der ewigen juncfrawē marie volbracht waren. Als geschriben steet nach dē gesetz Moysi. do füret maria vnd ioseph das kind gen iherusalem vnd wolten es vnserm herren

Von unser frauen

opffern als geboten was. das yeg-
klichs erstgeborns kind solt gebore
werde vnd geneint ain hailiger vn-
sers herren. vnd das sy got daz opf-
fer brachten als geschriben steet in
dem gesetz vnsers herren ain turtel
tauben od zwu jung taube. Nempt
war es was ain mensch zu iherusa-
lem hieß Symeon der was gerecht
vnd forcht got. vñ wartet des tro-
stes der geschehen solt de vorck vñ
israhel. vnd der haylig gayst was
in im. wan im het der haylig gayste
kund gethan das er nymer ersturbe
er sahe dan den gesalbte vnsere her-
ren. Also kam er von de einsprechen
des hailigen gaystes in den tempel
vnd do das kinde jesus in den tepel
komen was. vnd man mitt im solt
thun als in d alten ee was geboten
nach der gewonhait. do nam Sy-
meon mit freuden an seinen arm je-
sum vnd lobt got vnd sprach. Nun
laß herz deinen knecht nach deinem
wort in frid. wan meine augen ha-
ben gesehen dein hayle. das du ge-
macht hast vor de angesichte alles
volcks von israhel Maria vñ Jo-
seph die verwundertē sich von den
dingen die von de kind gesprochen
waren. Vnd symeon gesegnet das
kind. vñ sprach zu vnser liebe frauē
Nym war der ist gesetzt zu ainē val
vnd zu ainer vifende vil menschen
die von dem geschlecht von israhel
seind. vñ zu ainem zaichen de wider
gesproche soll werden. vnd dein seel
soll durch geen ain schwert das ge-
offenbart soll werde. die gedencken

zu liechtmeß

vil mensche. ¶ Do maria all ding
volbracht nach de gebot vnsers lie-
ben herren. do keret sy wider haym
vñ kam alle jar zu osteren gen iheru-
salem. vnd belib ain jar zu bethleem
nach dem vñ sy gebare. Nach dem
mußt sy den künig herodes in egip-
ten fliehen. vñ belib sibē jar da.
Darnach do kam sy mit irem kinde
gen Nazaret da belibe sy zway vnd
zwainzig jar. vñ het so manige süß-
se gesellschaft mit denen die ir kind
mit ganzē treuen maintē. vnd do
ir sun zwölff jar alt was da furt sy
in mit ir auff in de tempel nach der
gewonhait der hochzeylichen tag
Vñ do die hochzeit ergangen was
do gieng die juckfraw Maria wi-
derüb haim. vñ ir kind belib zu ihe-
rusalem. das weft sy vñ joseph mit
vñ wolten wānen er wāt bei seinē
freunden Vnd do sy ain tag waide
waren gegangen do sücheren sy in
vnder iren freunden do fundē sy in
nit. do kament sy wider gen iheru-
salem. vnd funden in an de vierden
tag in de tempel. sprach Maria zu
irem kinde wie hast du vns gethan
dein vatter vnd ich haben dich ge-
sücht mit schmerzen. Do sprach er.
warüb habt ir mich gesücht wißt
ir nit das ich in den dingē müß sein
die mein vater angehört. also gien-
ge Maria vnd joseph vnd ir kinde
mit in vñ was in vndertänig. vnd
vnser liebe fraw merckt die ding al-
le vnd betrachtet sy in irem hertzen
¶ Zu ainem mal was ain hochzeit
in galilea. zu d hochzeit ward Jhe-

sus vnd maria auch geladen. Vnd
 do man aß do zerran wein. Do sp-
 rach sy zū irem sun. Kind sy habent
 nit wein. do sprach er. Fraw was
 geet es mich vnd dich an. mein zeyt
 ist noch nit komen. Do sprach sy zū
 den dienern. was er eūch haist das
 thūt. do sprach iesus zū in. Füllent
 die krūg mit wasser. das theten sy.
 do verwandelt der herz dz wasser
 in gütē roten wein. ¶ Zū den zeitē
 do bonifacius bapst was. do was
 ain grosser krieg in der stat zū rom
 zwischen den cristen vnd den judē.
 die judē sprachē. es wār vnser frau
 vnser herren schwanger worden
 von ioseph. vnd nit vom hayligen
 gaist. das ist wider den cristen ge-
 lauben. vnd wolten die juden von
 dē krieg nit lassen. dz thet den cristē
 gar zorn. vñ wolten sy auß der stat
 treiben. Nun was ain blinder man
 zū rom. der was gar wol gelert der
 ward entzündt mit d lieb des haili-
 gen gaysts d gieng künlichē zū den
 juden. vnd vndericht sy d sach gar
 wol mitt der hailigē geschuift das
 sy in ain ainigs wort nicht kunden
 antwurten. wurden sy zornig. vnd
 sprachē. Seid du in sünden geborn
 bist. wie getarst du dan den cristen
 glauben beschirmen. vnd getarst
 so fräuenlichen reden. Nun merckt
 man an deinem cristo wol. das er
 nichtz vermag. seyde er dir dein ge-
 sichte nit wider gibt. Do sprach er
 beytent nun biß an den drittē tag so
 werden jr die grossen genade meyn-
 nes herren iesu cristi sehen. daz was

drei tag vor liechtmes. do die juden
 das horten. dz was in vnglaublich
 vnd spoteten sein vñnd sprachen.
 Dein cristus dē vnser vāter gekreū-
 tiget haben d mag die blinden nitt
 gesehent machē. wān er mocht sich
 vom tod nit erlösen. macht er dich
 aber gesehent. so wöllen wir all an
 dich gelaubē. daz er des lebendigen
 gottes sun sey. vñ gelobten in das
 vñ sprachen. Wölicher aber nit an
 in gelaubē wil. dem sol man alls sein
 güt nemen. vnd soll in auß der stat
 treiben. des glüdds warde er fro.
 Darnach giengen die juden haym.
 do hieß sich d blindt zū dē bapst fū-
 ren. vñ sagt in wie er sich vnd die
 juden gegen ainand versprochē het-
 ten. do der bapst daz horte do ließ er
 den juden gebieten. das sy zū vnser
 frauē hochzeit kāmen. Vñ do vn-
 ser lieben frauen tag kam. giengen
 all pfaffen vñ juden in die kirchen.
 vnd der blind hieß sich miten in die
 kirchen fūren. vnd er het kain zwe-
 fel in erhōret got vñ do die pfaffen
 die mettin heten gesungē biß zū der
 achte legen. do hieß sich der blinde
 fūr vnser frauen altar fūren. Do
 er fūr dē altar kam do laynet er sich
 über den stab den er in d hand hett.
 vieng das respons an Gaude ma-
 ria. das spricht in teitsch. Freuwe
 dich maria du edle jüekfraw. wēn
 du hast vertilget allen kätzerlichen
 vnglauben. Du bist die die da ge-
 laubt den Worten des hailigen fūr-
 stengels do du juncfraw gebarest
 got vnd menschen. vnd du beleibest

Von unser frauen

nach d geburt ain vnuermayligete
junctfraw ewigliche. so spricht d
verß also. Wir gelaubē maria das
dein junckfreulicher leib schwäger
sey wordē von dem hailigen gayst.
darüb schem sich d vnseelig jud der
da spricht das Maria schwanger
sey worden vnfers herren jesu cristi
vō joseph. das gesang machet der
blind zwen tag von vnser frauen
tag vnd mit dē gesang beweiset er
schon die warhayt cristelichs glau
ben. vnd schendet damit die juden
als bald der blind das gesang vol
bracht. do geschah ain groß wund
vor allen den die gegenwertig wa
ren. vñ gab jm vnser herr der das
war liecht ist vō seiner liebe mütter
marie bet wegen zway gesehendi
augen. wañ er het in dem gesang je
en keuschen magtüb vestiglich be
wärt on alle forcht. Vnd do die cri
sten das groß zaichē sahen sun gen
sy mit freunde Gloria in excelsis deo
das spricht. Got sey lob vnd eer ge
sagt in d höhe. Von dē zaichen ließ
sen sich funffhundert judē tauffen.
vñ die andern fluhent auß der stat
vñ also mit d hilff gotes ward cri
stenlicher glaub vestiglich bewärt
Darnach sagt man auff. das man
in ainer kirchen alle tag sung vō vn
ser frauen zū lob dz responß. Gau
de maria vñ den verß Gabriele. in
dē stat geschribē Erubescat iudeus
infelix. Geschendet sey d jud der da
spricht das d ewig got geboren sey
vō joseph. Vnd den verß hieß man
alle tag ainē schüler singē. der sang

zu liechtmess

gar wol. das thet den juden zoren
vnd betrachten wie sy den schüler
vonn dem leben möchten bringen.
¶ Vnd ains tags woltē die juden
in die weingärten geen. do hörten
sy den schüler singen. des schemeten
sy sich gar ser vnd thet in zorn. vnd
tödteten den schüler. vñ do sy in ge
tödt hetten vñ von jm kamen. Do
kam vnser liebe fraw zū dē schüler
vñ machet in wider lebendig. vnd
sprach zū dē schüler daz er den verß
künliche sung vñ on alle vorch. vñ
do in die juden den verß aber hortē
singen. do namen sy wunder darab
ob es der schüler wär den sy ertödt
heten oder nit. fragten in heimlich
en ob er es wär. do sprach er ja für
war. ich bin der den jr ertödt habt
aber Maria machet mich zehandt
wid lebendig. do dz die juden hortē
do bekereten sich vil zū cristenliche
glauben Marie zū lob vñnd eeren
¶ Es was ains mals ain ritter
d beraubt alle die er an kam als lan
ge biß das er groß güt gewant. vñ
het maria gar liebe. er thete jr aber
kainen dienst dan ains mals prenet
er jr ain liecht zū ainer liechtmess dz
was nit ainer span lang. Do rufft
er vnsern herren mitt grossem ernst
an das er jm zehilff kām das er sich
des raubens abret. vñ jm wāt helf
fen das er sich sunst wāt heren. vñ
ains nachz entschließte er bei seiner
frawē. do traumet jm wie d jungst
tag komen wär. vnd vnser herr zū
gericht saß vñ den gūten die ewigē
freud geb vñ die bösen verurtayle.

te in die hell. vñ wie er wår vernur-
 tailer zū der bösen schar. vñd bey in
 saß. gedacht er im. ach her: solt ich
 bey den gütē sitzen vñ was in groß
 sem leiden. vñd sprangē der gütten
 schar zū. do gryffe d böß gaist nach
 im vñ sprach. was thūstu. du müst
 wider zū deiner schar. do het er sich
 gern verborgē. vñ was in grossen
 nöten. do sprach d böß veind. wol-
 auff ich will dich ewigklich beher-
 bergen. Do sprach d ritter. Du bist
 ain böser gaist. gee ich wil nit dein
 herberg. do sprach der böß veind zū
 vnserm herre. sihe wie d vnder der
 gütten schar sitzt d mir hat gedienet
 sprich das er zū mir kum. do sprach
 vnser her: zū Petro. Sprich zū dē
 ritter. das er zū der bösen schar gee
 sant Peter sprach zū dem ritter. du
 hast d gnaden nit verdient. darüb
 so gee zū den bösen. das hat dir got
 enbotē. Do erschrack d ritter ser vñ
 sprach. wer bist du. er sprach ich bin
 Petrus. do sprach er zū im. du ver-
 laugnest gottes in ainer stund drey
 mal. das hab ich nie getan. darüb
 so will ich still sitzē. also sprach sant
 peter zū vnserm herren. Her: sende
 ain andn dar. er willes durch mei-
 nent willē nit tūn. er hat mich übel
 gehandelt. Do sprach vnser her: zū
 Paulo. Sprich zūm ritter das er
 die stat raum. das thet sant Pauls
 der riter sprach. wer bistu. er sprach
 ich bin paulus. do sprach er. du bist
 gewesen ain durchächter der criste
 hait. ee dir gott sein gnad thet. also
 hoff ich auch zū genaden zetomen.

Söliches sagt sant Pauls vnserm
 herre. also sprach vnser her: zū seiner
 lieben müter Maria sag dem dz er
 gee zū den bösen. dz sagt vnser frau
 dem ritter. Er sprach bist du maria
 gotes müter die vil mensche genad
 hat gethan so erwirb mir auch ge-
 nad vmb dein sun. do sprach vnser
 frau. hast du mir ye kain dienst ge-
 than. er sprach ya ich prennet aines
 mals ain liecht durch deinent willē
 do sprach sy. so gehab dich wol das
 liecht soll dir helfen. du müst aber
 mit dem bösen veind kempffen. do
 sprach der ritter. das will ich gern
 tūn. Also fūrt in vnser frau für ire
 in vñ bat in das er im durch iren
 villen genad thāt. do sprach vnser
 her: liebe müter er hatt zūvil wider
 mich getan. do sprach vnser frau.
 lieber sun er hat ain liecht geprennt
 durch meinent willen des laß in ge-
 niessen. do sprach vnser herre. so laß
 sy mit ainander kempffen. also trat
 der böß gaist gegen dē ritter in ain
 kraiß vñ het ain greülichē kolben in
 der hand vñd sprach. ich will mich
 an dir rechē. do sprach der ritter. so
 helf mir got vñ sein liebe müter. do
 sprach d böß veind. des ist dir not.
 also gab vnser liebe frau dē ritter
 das liecht in die handt. das was so
 lang als ain schwert vñ pran. vñd
 gab im auch ain pugler. vñ sprach
 zū im. du solt nit berüren des vein-
 des schilt vñ solt ain kreüz für dich
 machen mit d kerten gegen dē bö-
 sen gaist. damit veriagest du in. vñ
 sprich den psalm. Deus misereatur

Von unser frauen

noſtri. darbei mag d böß gaiſt nitt
beleiben. vñ der böß veinde ſchläge
ain ſchlag dar. do erſchrack d ritter
vnd wollt geflohen ſein. do ſprach
vñſer frau. ſchlaß als ich dich ge
leret hab. alſo ſchlug er kreüzweiß
gegen dem böſen veind. do flohe d
böß veind vñ ſprach. O wee mich
prennt maria kertzgen ſer. Alſo name
vñſer frau den riter. vñ fñrt in fñr
iren ſun. vnd ſprach zñ dē ritter. du
ſolt dich fñrbaf vor ſñnden hñten.
er ſprach. das will ich gern tñn. vñ
erwachet darmit. vnd ſchry laut. o
wee. wie ſchwerlich hab ich geſch
laſſen. do was er worden grau vñ
was jm ſein har vñ bart gewachß
ſen biß zñ der gürtel. do ſprach ſein
frau. was iſt dir. er ſprach. ich hab
mit dē böſen veinde gefochten. das
ich aller ſchwitz. do griffe ſy jm an
den langē bart vñ ſchri. O wee wo
iſt mein man hinkñmen. vñnd ſpra
ch wol auß jr maid vnd knecht ſich
hat ain betler gelegt zñ mir. dz was
dē riter laid vñ ſprach. ich bin dein
man vñ iſt mir heint in diſer nacht
mein har als lang vñ grau wordē.
dan ich hab mit dem böſen gaiſt ge
ſtriten. vñ ſprach mer allmechtiger
got hilff mir. vnd maria du mñter
gottes die mir heint hat geholffen
das mich mein frau kenne. vñnd
ſprach zñ jr greiff die wunden zñ al
lem wartzaichen die ich alzeyt habe
gehabt vnd erkeñ mich darbey. do
erkañt jñ ſein ſun bei der red. do ſa
get er jñ alle ding die jm geſchehen
warent. vñ legt ain graes gewand

zu liechtemelz

an vñ gieng zñ der kirchen. vñ ver
lobt allen raub. vñ beicht ſein ſñnd
vñ ward ain gaiſtlicher ordenman
des nam die menſchē groß wunder
die in kañten. vnd ſein frau ward
auch gaiſtlich vñ verdienten mit d
hilff gottes bayde das hymelreich
¶ Es was ain jud ain reich kauff
man. der hett ain ſchöne tochter. die
was jm gar lieb. vnd der jud kñnd
die ſchwarzen kñnt. vñnd müſten
jm die böſen veinde ſagen. was er
wolt vnd ains mals fñr er mit ſei
ner kauffmanschatz auß. do ward
ſein tochter ains kind s ſchwanger
bey ſeinē knecht d was ain criſt. do
ſy nun des jñnen warde. do ward
ſy ſer betrñbet vnd ſprach. ich waiff
wol das mein vater des alles jñen
wirt von dē böſen veind was wir
getan haben vñ vñdet er dich bey
mir ſo wirt er mich vñ dich ertñdtē
darñb ſo fleñch vñ hñnen. ich waiff
aber laid mit wo ich hin fliehen ſoll
do was dē knecht gar laid. do ſpra
ch aber die tochter. ich hab von ai
ner juncckfrauen gehñret die hayßt
maria die rñſſen die criſten an in jrē
leiden ſo hilfft ſy jñ. darñb gee zñ ai
nem prieſter vñ beicht die ſñnd die
wir mit ainand getan haben vñ ſy
gab dem knecht ain guldins vinger
lin vnd ſprach. opffer das vinger
lin fñr mich vñ dich ain prieſter in
vñſer frauē eer das ſy vñs zñ hilff
kñm. das thet d knechte. do gewan
die frau das kind mit vñſer frauē
hilff das es nyemandt weſte dann
der knecht. vnd do jr vater kam do

was sy ernstlich vnd forcht sich ser vor jm vater. also fragt er sy was jr wär. daz wolt sy nit sagen. do beschwür er ain bösen feind vñ fragt in was jr wär. Er sprach. ich hab sein vergessen. aber ich habs an ainem zetel geschriben vnd bracht den zetel der was abgetilget das was im layd vñ sprach zü dem judē. gee zü dem priester d waist es wol vñ haif dir es sagen. Das nam den juden wunder vñ gieng zü seiner tochter vñ bat sy vleissigklich das sy im saget was jr wär. vnd gelobt jr er wölt ir kain laid daruñ thun. Also verjabe sy im wie es ir ergangen was mit dem knecht vnd mit dem vingerlin. Als er nun das erhöret sprach er. wir sollen och cristen werden vñ sollen fürbas Mariā eeren die dir als treulich hatt geholffen. vnd lieffen sich bayde tauffen vnd dienten vnser frawen vñ jm kind bis an jr ende. vñ starben saligklich das erwarb in vnser fraw vñb jr kind. ¶ Ains mals stunden die cristen vor vnser frawen bild zü rom in d stat do kam ain ketzer vñ schalt vnser frawen vñ sprach zü den cristen. O jr toren sy mag nyemant gehelffen wan sy ist ain fraw als ain andere fraw. do wurden die cristn zornig vñ rüfften Mariam an mit ernst. vñ sprachen. Liebe müter maria rich dich vñ vns an dem ketzer. Zühand füren pünnende geschoss an den ketzer daz er erblint Er schry kleglich vnd sprach. O maria gib mir mein gesicht wider so gelob ich

dir das ich dir fürbas dienen will bis an mein ende. Also ward er zühand gesehend vñ ward ain güter mensch vnd dancket vnser lieben frawen der gnaden vñ dient jr bis an sein ende. ¶ Es was ain jüngling der verlaugnet gottes vñ cristenlichs glaubes vñ gab sich dem bösen vñnd darüß das er im gäbe vil güt. also gab im d böß gaist vil goldes des nam er als vil aus ain berg als vil er sein getragen mochte vñ wolt von im gangen sein. Do sprach d böß vñnd. jr cristen habe ain frawē die ist gewaltig vñ thut vns grossen schaden mitt irem gewalt d soltu verlaugnē. Do sprach d jüngling. das thū ich nit. vñ ließ das güt ligen vñ gieng wid in die stat vñ gieng in ain kirchen vñ het grosse reu das er gots verlaugnet het. vñ nach d meß do die mensche auß der kirchen giengen. belyb er alain darin. das mercket ain reicher burger d verbarg sich dz er sein nit wēste. also gieng d jüngling für vnser frawen bild vñ bat sy mit ernst das sy in mit jrē kind versönte. Also bat zehand vnser fraw jr kind das sy in irer schoß het das er den sünd durch iren willen zü genaden nāme Das wolt er nit thun vnd sprache er hat mich ser erzürnt. Also setzt vnser fraw jr liebes kind nider. vñd gieng vom altar vnd nam den sünd der bei der hand vnd knyet mitt im für jr kinde. Do d burger das sach das sy in versönet mitt jrē kind. do gab er im sein tochter vñ vil güts

Von vnser frawen

darzū also ward er reich an seel vñ an leib mit vnser liebñ frawen hilff.

Es was ain man der het vnser liebe fraw gar lieb. der ward ain graer münich vnd hielt sich gaystlich den sacht der böß veind an mit vnkeusch. also viel er in die sünd vñ man büßt in hertigklich. also gwan er grosse reu vmb die sünd. er rufft vnser frawen an mit gar grossem ernst vnd bat sy das sy im sein sünd vergäb. vnd als er lang in der büß gelag do ward er enzugt vnd sahe vñ vnser liebe fraw das sy trüg ain kind an irem arm als ob sy es seugen wölt. vnd höret auch das sy jr kind für in bat. also bat er och vnser frawen mit andacht das sy im ablaß vmb jr kind erwürbe. do keret sich das kind von dem sünd. also bat vñ vnser fraw das kind oft das es den sünd ansehe. do erhört es syn müter vñ kert sich gegen dem sünd. vñ sahe in freuntlich an vñ vergab im all sein sünd. do ward er fro vnd dancket vnser fraw vnd irem kind.

Es was ain edle fraw die zoch nach ires manns tod zū irem vatter vñ trüg ain kind bey im. vñ do sy des kinds genas do ertödt sy es als bald vor grosser scham vnd forcht. darnach beicht sy es vñ volget des beichtigers rat nit vñ verzaget an der barmhertzigkait gots von irer grossen sünd wegen. vnd schickt all jr mägt vñ jr vñ erhieng sich selber do zerbrach 8 strick also stach sy ain messer in sich dānocht kund sy nit sterbñ vñ lag gleich als

zu liechemetz

sy tod wär vor grossem schmerzen vñ do sy also lag do gedacht sy an diemüter 8 barmhertzigkait der sy vor oft gedient hett: wie sy mocht oder kund vñ gewan ain hoffnüg zū vnser frawen vñ rufft sy an vñ gannzem hertzen. zuhand kam die juncfraw maria jr zuhilff in iren nöten. wā sy ist ain trösterin aller betrübten hertzen. vñ strafft sy dar vmb das sy verzweifelt wolt sein. vnd sprach. meins kinds barmhertzigkait ist grösser dā all mensch sünd. do gelobt sy vnser lieben frawen das sy kain sünd nymmermer wölt thū. also hüb sy vnser fraw gesund auff on allen schmerzen vñ gelobt jr sy wölt jr an dem dritten tag ain beychtiger senden dem sy erlich möcht beichtñ on alle forcht vñ an dem driten tag kam maister jordan zū der frawen. do weft sy wol das in vnser fraw dar gesendet hett vñnd beicht im all jr sünd. vñnd ward ain gaystlich mensch. nach seinem rat vñ starb seligklich darnach.

Eines mals bawt ain bapst ain Capell in vñ vnser frawen eere vnd Er hieng zwū ampeln in die capell mit balsam. das sahe ain kauffman der gedacht im er wölt den balsam von gewinnes wegen kauffen vnd batt den bapst das er im den balsam gäb zū kauffen. sölich versagt im der bapst darnach bracht er im vil berayts gelts do 8 bapst das gelt ersach das was im so lieb das er den balsam dem kauffman also zū kauffen gab. vnd byes

öl in den ampeln pennen. vnd er be-
hielt das gelte. Darnach kam sant
Peter mitt dē schlüssel vñ sprach zū
im. O wee du geiziger bapste. dir
stünd des himels thür offen. die ist
dir nun worden versperret. Do er-
schrack 8 bapst ser vñ gieng zū ain
gütem man vnd sagt im wie im ge-
schehen wär. vñ bat in vñ rat wie
er den dingen solt thun. Er sprach
Ist dir beschlossen des himels thür
so gee zū ain venster hinein. das ist
durch vnser liebe frawen. wan es
steet von jr geschriben. sy ist 8 himel
venster wordē. Also gieng 8 bapst
in die capell. vñ bat vnser liebe fra-
wen. kniet nider vñnd grüßt sy vñ
lobt sy on vnderlaß vier tag an ain
ander. do erschin im vnser frau vñ
sprach zū im. dein lon ist verlorn vñ
vñsunst. vñ er sprach dz ist mir laid
Darnach viele er aber vier tag für
vnser liebe frawē vñd rüffet sy mit
grossen ernst vñ andacht an. Also
erschin im vnser liebe frau aber vñ
sprach zū im. Ich erbarm mich ü-
ber dich nit. do sprach er. wer bist du
sy sprach. ich bin die mütter 8 barm-
herzigkait. Er sprach. darumb das
du die mütter der barmherzigkayt
bist so solt du dich über mich erbar-
men. rüßt du das nit so verleürst du
deinen namen. Do sprach vnser lie-
be fraw. verleür ich den namen ob
ich mich nit über dich erbarm. Er
sprach ya. du verleürst in für ware
Do sprach vnser liebe fraw. darüb
das ich mein namen nit verlier mit
den wercken so hab kain sorg vmb

des hymels thür. wen du kumbst zū
ain venster hinein das ich dan sel-
ber personlich bin. ¶ Es was ain
mals ain ritter dem lihe ain jud vil
gütz auff pfand. vñ do er also arm
warde das er nymer pfand het do
wolt im 8 jud nymer on pfand lei-
hen. do schemet sich der riter seiner
armüt seer vñ was in grossen nōtē
do sprach 8 jud. ich will dir wol ra-
ten daz du bald reich wirst wilt du
volgē. do sprach 8 riter ich will dir
gern volgen. vñ do die leüt ab dē
weg kament do rüfft 8 jud dem bö-
sen veind vñd sprach zū im. ich hab
dir dē man herbracht der will sich
dir zū aigē geben darüb das du im
vil gütz gebst. also sprach 8 böß gai-
ste du müßt gotts verlaugnen vñd
cristenlichs glaubens. Do sprach 8
ritter. daz will ich gern tū. do spra-
ch der böß gaisst du müßt gotes mü-
ter auch verlaugnen od ich hilf dir
nit. do was dem riter gar laid. vñd
sprach zū dem bösen veind. gib mir
vmb das verlaugnen das ich got-
tes vñ cristenlichs gelaubens habe
getan. Do ward 8 jud zornig auff
den ritter. vñ gieng vō im. vñd ließ
in on allen trost steen. Also versch-
wand 8 böß gaisst. do gieng 8 riter
lang jr vñ kame zū ains edelmans
hof in dē stānd ain capell darein er
gieng für marie bild vñ viel dafür
vñd het grosse reü vmb sein sūde.
do gedachte in wie vnser fraw jr
kind vñ jrer schoß setzt vñ tet recht
als sy auf ire knie für in vallē wolt
do vergab daz kind dē ritter all sein

Von unser frauen

sünd durch seiner müter willen marie. Vñ do der ritter zū im selber kame do ward im sein hertz gar ring vnd wolt dannen sein gangen do was der herz da des 8 hofe was 8 het das alles gesehen. vñ fragt den ritter warū er für das bild nyder wār gefallen. das sagt im der riter do gabe im der herz vil gūts durch vnser lieben frauen willen. ¶ Es was ain gūte frau die het ain man die bat vnser frauen vil jar das sy durch jrent willen auß jrē mān ain gūten menschen macht. die selbig frau af. viij. jare auß jrs mannes schüssel haimlich vor im das sy nie kains flaischs enbiß. das mercket er nie. vñ ains nachtz stānd die frau auff auß jrē beth vñ rufft vnser frauen aber mit ernst an. do ward sy entzuckt. vñ sach das vnser liebe frau jr liebs kind bat dz es sy erhōret. vñ jrs leides ain end gāb vñ ain gūten mensche auß jrem mān machet. sprach das kind. liebe mütter ich hab noch vil mer durch jrent willen erliten. vñ zaigt seiner müter seinen leib also bloß. der was überal gar ser durchschlagen. vnd sprache ich erhōr sy nit durch jrs leides willen. ich erhōr sy nur durch deins gebets willn. do kam die frau wider zū jr selbs. gieng zū jrem man der het sich verkört nach jrē willen vñ ward darnach ain mūnch. vñ wolte sein tochter auch gāstlich haben gemacht. do namen sy die fründ vñ gabent yr ain man. darumb das sy besāße das erb. vnd do sy die juncf

zu liechtmeß

frauen wolten zulegen do entran sy in mit der hilffe des allmechtigen gotes vnd kam in den orden zū jrē vatter. ¶ Es was aines mals ain frūme frau die het vnser liebe frauen gar lieb. vnd dienet jr vñ jrem kind mitt grosser andacht. die selb frau het ain sünd in jrer kindthait gethan der schemet sy sich als ser dz sy es nit toiste gesagen vñ beichtet doch alle jar jr sünd gētzlich. vñ sprach allwegē nach der beicht ich gib mich schuldig der sünd vor aller meiner sünden vñ begere ablaß darüber von gottes barmhertzigkeit. vnd maint die haimlich sünd vnd mainet sy wolt sy beichten vor jrem ende. vnd klagt die selbē sünd mit betrübtem hertzen vnser lieben frauen in der kirchen. des ward jr beichtiger jnen das sy die sünd verborgenlich beichtet vñ weist sy gütlich auff ain rechten weg. dannocht versperret jr 8 böß gāst den mund das sy die sünd nit kund gebeichtē vnd starb also in der sünd. darūb ward sy vō gott schwerlich geurtailt. do erwarb jr vnser liebe frau das sy wider lebendig ward vnd beicht all jr sünd gētzlich. vñ enpfienng vnser herren fronleichnā mit andacht. vñ sagt ju allen die bey jr wārendt wie yr geschhehen was. vnd starb in dem frid gottes. ¶ Es was ain edle frau die hett vnser frauen gar lieb die macht jr in jr hauß ain capellen. vnd ain aigen capelan 8 jr all tag meß laß vō vnser lieben frauen. vñ kurtzlich

vor liechtmeß wanderet 8 priester
 über veld vñ belibe als lang aussen
 das er die frawē versaumet an vn
 ser lieben frawen tag zū liechtmeß.
 das sy kain meß mocht gehabē. das
 was der frawē ser laid. vñ gieng
 in die capell vñ legt sich für den al
 tar do ward sy entzuckt. vñnd sahe
 ain grosse schat mit juncfräwen.
 vñ vor den allen gieng gar ain schō
 ne die het ain köstliche kron auff. vñ
 der den trüg ainer ain grosse kertzē
 vñ gab sy der juncfrawē die den
 andern vor gieng. vñ darnach gab
 er den andern allen kertzē. vñ gab
 der frawē auch aine die nam sy mit
 grossen freuden. vñ sahe auch sant
 Lorenzen vñ sant Vincenzē die
 warē ewangeliet vñ epistler. vñ
 vnser lieber herr was der priester.
 nach der offen beicht. hūben zwen
 engel das ampt der meß an mit lau
 ter stym vñ die andern sungen auch
 mit. do es nun kam das man opffe
 ren sollt do opfferet die schön junc
 frau jr kertzē vñ darnach die an
 dern all nach dē als gewonlich ist.
 vñ do die frau mit jrer kertzē nitt
 wolt zū opffer geen do sendt vnser
 liebe frau zū jr vñnd enbot jr war
 umb sy den priester als lang lief bei
 ten. do sprach die frau: dz man die
 meß für sich sungē sy wolt jr kertzē
 nitt opfferen. do sprach aber vnser
 frau zū dē boten. gee hin vñnd nym
 die kertzē. das thet er. vñnd wolt jr
 die kertzē genomen habē. do hielte
 die frau vast vñ zugē hin vñ her
 als lang biß die kertzē entzwei brach

vñ belig dem boten das ain tail vñ
 der frauen das ander tayl in der
 hande. vñd sy kam zūhand zū jr sel
 ber. do was sy gar fro vñd danckt
 got dem allmechtigen vñd Marie
 irer genaden. das sy. sy an dem tag
 nit gelassen het on ain meß. vñd die
 kertzē behielt sy als ain ander hail
 tumb vñ zaiget sy zū ain warzaich
 en ains grossen wonders. vñd die
 frau dienet also fürbaß vnserm her
 ren Jesu christo vñd der juncfra
 wen maria biß an jr end. ¶ Du
 aller wol gezierester tempel des all
 mechtigen gottes. du brachtest got
 den herre in den tempel. deinen vñd
 seinen eingebornen sun 8 da ist das
 aller würdigest vñ genemest opffer
 das jm ye ward gebracht in 8 alten
 vñd neuen ee. den selben deinen lieb
 en sun vnsern herren Jesum cristū
 den bite das er vnser frants leben
 so wir hie in diser zeit habē. das jm
 von vnser sünd wegen widergem
 ist vñd jm nit gefallen mag. das er
 jm das in seinem volkomen leben in
 seinem vnmeßigen verdienen wür
 dig mach vñd das er vns mit allem
 gūte das er selbs ist in götlicher vñ
 menschlicher natur seim vater opf
 fer zū lob vñd eer vñ vns geb nach
 disem zergenglichē leben das ewig
 leben. Des helff vns got der vater
 vñd der sun vñnd der hailig gayst.
 Amen.

¶ Von sant Blasio:



Sant Blasius was ain cristen vnd het got lieb. vnd dienet jm mit grossen fleiß. tag vnd nacht. mit beten. vassen. wachen. vnd mitt vil ander güter übung. vñ fleisset sich auch aller tugent gegen got vñ seinem nechste cristen mensche. darüb hetten in die cristen gar liebe. Nun was in dē land capadocia ain statt die hieß sebasti die selben menschen hetten sant Blasii gar lieb. wan sy heten gar vil von seiner hailigkeit gehört darumb erwölten sy in zū ainem bischoff. do pflag er des amptes mit grossen fleiß vnd prediget cristenlichen glauben mit grossen ernst. Zū dē zeitten do ächt man die criste gar ser vnd vieng sy wo man sy ankam. das was sant Blasio ser laid. vnd mocht das leyden an den cristen mensche nit sehen. vñ flob in ain wildes hol vñ lebt wie ain ain fidel in der wüste. darüb daz er got

dem allmechtigen mit ganzem hertzen gedienen mocht vngehinderet von meniglichem. Do fürsache in got der herr. dan es kament vil vögel zū jm vnd brachten jm sein speiß. Es kament auch die thier für sein thür vñ wolten nit von jm. er gab in dan sein seggen. vñ wen ain thier siech oder wund was so kament sy bald zū seiner zell. wenn er es dann gesegnet. so warde es zūhandt gesund vnd gieng dan von dannen. Zū den zeitten was ain richter über das land d hieß agriculus. der was ser wider die cristen. vñ ains mals woltē sein knecht jagen vñ vermaienen sy wölten wild vaben durch kurtzweil willen vnd auch vñ jren nutz. do spürten sy vil wildes in der selbigen wüste do sant Blasius in was. vnd sahent auch vil wildes vmb sant blasius zell. da yagten sy vast in dem wald nahent den ganzen tag. do waren die tier so schnelle das sy. sy. nit gefahen mochtent das thet in zorn vñ ritten haim vñ sprachen zū jrem herin. wir haben kein wild gefangen vñ ist sein doch vil bei ainer zell darinn ist Blasius das thet dem herre auch zorn. vnd sprach zū den knechten. vabent yn bald vnd bringt in her. vnd in der selben nacht do in die boten bringen soltē do erschien jm vnser lieber herr als er mit andacht beeter. vñ sprach zū jm. blasii ste auff dan du solt mir ain opffer bringen. do was er jm zūhandt gehorsam. darnach kament die boten zū jm do empfieng er sy

schon vñnd sprach meine lieben kind
 ich bin fro das jr mich vñhen wolt
 wñ ich sich wol das got mein nit
 vergessen hat. do sprachent sy. der
 richter hat vñs nach dir gesendet.
 also für er gütlich mit jñ. vñd leret
 sy cristen glauben vñderwegen vñ
 hofft er bekört sy. do luffent jm die
 thier alle nach. do vorchten sich die
 boten ser vñ fluchen. do sprach sant
 Blasi. fürcht euch nitt sy tünd euch
 kein schaden. vñ macht die thier ge
 sund die siech waren vñ gab jñ vñ
 laub vñ gebot jñ das sy bliben. das
 theten sy. vñ sahen also traurig das
 die boten wñd darab namē. do sy
 das zaichen sahen do bekörten sy
 sich vñd enpfingent die tauff ee sy
 haim kament. Nun kam ain frau an
 dē weg zñ jm die trüg ain jungs kind
 de an dē arm dem was ain grat jm
 halß besteckt das was jr layd vñd
 sprach. lieber herre helfft mir mein
 kind das will erworgen. do sprache
 er sein gebet zñ got do ward es ge
 sundt des ward die frau fro vñd
 danckt got vñ sant blasio 8 gnaden
 darnach kam ain andere frau zñ jm
 vñ sprach. lieber herre ich klag dir dz
 ich nur ain schwein het das hat mir
 ain wolff hingetragen. ich bit dich
 das du mir helffest das es mir wi
 der werd. do sprach sant blasi. liebe
 frau gehab dich wol dir wirt wi
 der dein schwein. do kam der wolff
 zñhand vñ trüg das schweinlin dz
 lebet dannocht vñd leget es nyder.
 Darnach bracht man den bischoff
 für den richter. 8 sprach. du solt vñ

sern götern opffern vñ solt sy anbe
 ten. das wolt er nit tñ. do hieß er
 jñ in den kercker legē. das laid er ge
 dultigklich. vñ an dem andern tage
 nam man jñ herwider auß. vñ der
 richter hett jñ gern von crstenliche
 glauben bracht. vñ mainet er wolt
 jñ mit güter red dauon bringen vñ
 bat jñ gütlich das er sein abgöttern
 opfferte. das wolt sant blasius nit
 thñ vñ sprach zñ dem richter dein
 falsch götter seind ain spot vñ müß
 sent ewigklich in 8 hell brñen vñd
 alle die menschen die an sy glauben
 die müßent auch in die helle. Do
 ward 8 richter zornig. vñnd hieß jñ
 ser mitt knütteln schlagen. do sprach
 sant blasius zñ dem richter. hey du
 vnfinziger mane. wilt du wñnen.
 das du mich mitt der marter darzñ
 bringen mügst das ich meins gots
 in mein hertzen verges vñ die gros
 sen lieb in meinem hertzen vertrucke
 du magst mich mit keinerlai peyne
 darzñ bringen. wñ mein herre jesus
 cristus gibt mir krafft vñd macht.
 Darnach leget man jñ aber in den
 kercker. das hört die frau 8 das sch
 weinlin wiß ward. do schlug sy jr
 schweinlin vñnd nam e ain liecht
 vñ ain brot vñ die schweinfuß vñ
 brachtz sant blasi in den kercker. do
 ward er 8 speise fro. vñ sprach zñ 8
 frauē. du solt mir alle jar ain liecht
 zñ eren brñen. vñ wer das thut des
 will ich vor got gedencen vñ will
 jm das ewig liecht vñ got erwer
 ben. Do gieng die frau vñ thet es
 vñ leret es manig mensche hernach

Von Sant

vnd ward s̄alig. Darnach bracht man sant Blasii aber für den richter & sprach zū jm. wilt du noch den abgöttern opffern do sprach er nain ich will meinem herren Jesu Cristo opffern mein seel vñ mein leib. Also ward der richter zornig vñ hieß in binden vñ lyeff jm sein leib erzerten mit krapen. vnd hiengen in bey den henden auff vnd zerzten haut vñnd flaisch von jm. do was den cristen gar layd vñ jm. Darnach legt man in aber in den kercker. do ran das blüt von jm das selbig blüt namen siben frawen vnd vermaineten es wär haylsam vnd haylig darumb das es sant Blasii vmb got vergoff vñ ain yekliche truckt es durch ain rüch mit grosser andacht das thet dem richter zorn vñnd sendet nach den siben frawen vñ sprach zū in sy solten den abgöttern opffern oder sy müsten sterben. sprachen sy wilt du das wir den abgöttern opffern so bring sy zū dem wasser wan wir seyen blütig vñnd wenn wir vnns waschen so wollen wir in dan opffern. Also ward der richter zornig vnd lieff die abgötter zū dem wasser bringen. do beyteten die frawen bis es in füget vñ wurffent die abgötter in das wasser vñ sprachen. sehend eüwere götter lassen sich in das wasser werffen. an wen glaubend jr ir toretz volck. wāren sy götter sy lieffen sich nit darein werffen do ward das volck zornig vñ hieß jm der richter die siben frawen bringen. vnd hieß bley in ainer grossen

blasio

pfānen zerlassen vñ lieff auch siben glüende banger machen vñ sprach zū den frawen. nun laßt sehen ob jr lieber sterben wölt oder ob jr lieber meinen götter wölt opffern. opffert jr in nit so nemend die hembder vñ legt sy an. also will ich eüch marteren. Do sprach & frawen aine mich verdreüß & red vñ nam daz hembd vnd warff es in das feur. wann sy wolten gern durch got leyden. Die selb fraw het zwen sün die rüfften jr nach vñ schryen. liebe mütter wo sollen wir hin. nym vns durch got mit dir wir seyen dein kind laß vns die ewigen freünd mitt dir haben. Das thet dem richter zoren das sy also stāt an got waren vñ hieß die frawen all mit den henden auffheben das theten die diener vñ zerzen in das flaisch mit kreülen von irem gebain do thet got ain groß wund es floss milch für blüt auf iren lybñ darnach sendet got ain engel zū in der nam in iren schmerzen vñ hailt in ir wunden. Do der richter sahe das in das alles nit halff do lieff er ain für machen darein warff man die frawen do was got aber mitt in vñ half in daz sy darin sassen als in ainem külen tawe. das thet dem richter aber zorn vñ sprach es wär ain gauckelspil vñnd sprach zū den frawen. hört eüch noch zū vnseren göttern die haben eüch eüwer lebñ behalten. so laß ich mein zoren ab. Antwurtñ sy. wir beten dein götter nimmer an. wir wollen gern durch got gemartert werdñ thū mit vns

Was

was du wilt. wān vnser got rüfft
vns zū d ewigen kron. do erzürnt d
richter vnnnd sprach. ich gebüt das
man sy enthaubt. do rüfftñ die frau
en all zū got vñ sprachen gelobt sey
est du got das du vns auß der vñ-
sternuß zū d ewigen liecht hast ge-
bracht her: wir opffern heüt vnser
leben dir. vnd wir biten dich durch
dein güte daz du vnser selenpfabest
vñ knyeten darnach all sibem nyder
do schlug man in ire heubter ab. vñ
got enpfieug jr sel in sein reich. Dar
nach bracht man sant Blasi für dē
richter. der sprach zornigklich zū im
hast du dich nit bas bedacht. laß dei
nen glauben noch vnd opffer vn-
sern götern so will ich dich frey laß
sen. do sprach sant Blasi. du magst
mich von mein glauben nit bring-
en. ich fürcht weß dein troen. noch
dein marter vmb ain har nit. Sō-
lichs thet dem richter zorn. vñ hieß
im ain stain an dē half hengen vñ
in ain wasser werffen. vnd vermai-
net er sōlt ertrincken. Also macht er
ain kreutz über dz wasser vñ gienge
darauff als auff ain trucken sand.
do sprach sant Blasius. sind euer
götter war götter. so geent in irem
namen her vnd laßt jr krafft sehen.
do waren der hayden eewarten so
kōne das jr. krūñ. auff das wasser
giengent in jrer götter namen vnd
ertruncken all. Also erschien sant bla-
sio ain engel. der sprach. Blasi gee
über das wasser an das gestatt vñ
empfach die kron die dir gott will
zū lon geben. do gienge er über das

ffel

blat

wasser mit trucknē süß zū dē volckē
dennoch waren die menschen so
herit das sy von dē grossen zaichen
nit bekōt wurden. do sprach d rich-
ter zū sant Blasi. wilt du mein gōt-
tern noch nit opffern. er sprach mir
hat mein got verbottē das ich den
bösen gaysten nitt soll opffern. Do
hieß der richter die zwai kind tödtē
die jr mütter heten verlorn. vñ hießē
sant Blasii auch tödten. do hüb er
sein hend auß zū got vñ sprach. her:
ich bit dich durch den ich mich töd-
ten laß dz du alle die erhōrest in wō-
licher lai leyden sy seient vnnnd in gū-
hilff kōmest die meinē namen eerent
vnd mich anrūffent. do sprach ain
stym ob im. alles das du in gebeten
hast des bist du geweret. darnach
enthaubtet man in vnnnd die kinde.
O hayliger sant Blasi bitt got für
vns Amen

¶ Von sant Agatha.



Uon sant

Die hailig junckfraw sant Agatha was gar schön. jung. reich vñ edel. vñ het grosse lieb zū got dē allmechtigen. vñ dient jm mit grossem fleiß tag vnd nacht. mitt beten vasten. wachen. vnd mit vil ander gūter übung. vñ begert von ganzem hertzen das sy keüsch vñ rain belieb. vnd flis sich aller gūtter tugent. Zū den zeitē was quincianus richter in der stat 8 was ain hayd vnd hett grosse lieb zū der junckfrawen sant Agatha. vñ begert jr mit ganzer krafft damit das sy jm zū der ee würd. sy was aber vil edler dan er vñ also sendt er leüt zū jr das sy jm vmb sy würben. do sprach sy zū yn. nain. ich will sein nitt. mir geschehe darüb wol oder wee. Do was ain böse fraw in 8 stat hieß afrodozia. die het. jr. tōchter die waren all vñendlich. die schickt 8 richter zū sant Agatha. das sy jr iren mūt verkerē sölten. das thetē die frawen vñ sageten jr das jr 8 richter vil gūtz geben wölt. wölt sy in aber nit nemen so wölt er sy gar greulich martern vnd peingen vñ zū lest tōdten. Do sprach sy was jr mir gūts od übels dauō sagt so bleibt doch mein hertz vn bewegt. wān sy het got in irem hertzen vñ begert daz sy gern durch gott gemarteret würde vñnd auch stürbe. darumb das sye bald zū jm kām. do nun sant Agatha wol. xxx. tag bey den frawen gewesen was do sprach afrodozia zū dem richter. du magst ee herit staine erwaichen das sy fließen. vñnd auß eyssen pley

agatha

machē ee du sy von jrē got bringest. Das thet dem richter zorn. dann er het sy zūmal ser lieb. vnd hieß sy für in bringen vnd sprach. Agatha sag mir wer du von geburte seyest. do sprach sy. ich bin von edlem geschlecht geborn vñ meine freünd seind freyen. do sprach er. wie edel du bist so wilt du doch nitt erlich leben vñ zeühest dich ermlich. Do sprach sy. ich bin Cristo vermehelt vnd füget mir wol dz ich jm diene als ain dirn. Do sprach er. du wilt ain edelman haben vñnd wilt dich nitt schemen das du ain diern bist. Do sprach sy das ist mein höchste freyhaite. das ich Cristū lob in armūt. do sprach er. laß nur die wechsselled bleyben. aint weder opffer vnsern gōtern so laß ich dich mit fride vnd gemache oder bleib an deinem cristo vnd laß dich martern bis das du gestirbest. Do sprach sant Agatha. du solt leben wie dein got in piter. vñ solt ain weib haben als dein göttin venus daz thet dem richter aber zorn vnd hieß sy mit flacher hande schlagen an jr wang. das thetē sy. do sprach er. das hab dir vñ hüt dich das du fürbaß mit dem richter nit kriegest. Do sprach sy. bist du nun ain weiser man so wundert mich das du mir verübel hast dz ich dich zū dein gōtern gleich. verschmachtz dir dz ich dich zū in gleich so tū dich jr ab. also ward er noch zorniger. vñnd hieße sy in ainen kercker legen. vnd sprach zū jr. ich will mich nun bedenccken wol in mir selbs. was ich mitt dir

rū das du 8 pein übrigwerdest. do sprach sy. du diener sathane du solt wol gedencke wie du tuest das du der ewigē pein über werdest. Darnach legt man sy in den kercker. des andren tags hieß sy 8 richter für in bringen vñ sprach zū jr. wes hastu dich noch bedacht vmb dein hayle. do sprach sy. mein haile ist cristus 8 herz. do hieß sy der richter mitt den henden auff hencken vnd ließ allen iren leib durchschlahen. do sahe sy in dē leyden frölich auff vnd sprach wie wol mir ist. mir ist recht als ai nē menschen das fundē hat wes es begeret hat. es geet mir nach allem meinē willen. das thet dem richter zorn. vñ gebot das man jr die prüft solt abschneiden. do namē sy scharpf spieß vñ stiessens durch jr prüft vñ wunden irs so lang vñ das sy irs herab zerten. do sprach sy zū dē richter. schemst du dich nit das du mir die prüft last abschneiden die du an deiner mütter gesogē hast. doch solt du wissen das die innern prüft meiner seel noch ganz sind. Darnach hieß sy 8 richter aber in den kercker legen. do giengē sy so frölich darein als ob sy geladē wār zū ainer wirt schafft. darinn beet sy mit andacht vnd sprach. herz du sihest mich vnd weitest meins sterbēs wā ich Streit durch dich. vñ wolt nitt gehorsam ein dem fürsten darūb bin ich auff gehenckt geschlagē vnd gepeinigt worden. hilff mir herz mein gott in pein meiner prüft. Vnd do mitter nacht kam do tröst sy got mitt seinē

boten vñ kam ain alter man zū jr 8 was weiß vor alter er trüg ain büc en mit güter salb in der hande vnd stünd vor 8 juncfrawen vnd sprach zū jr. liebe tochter ich hab dein pein vnd marter gesehen. vnd bin darumb zū dir komen das ich dich vnd dein prüft haile will. vnd was auch bei dir do mag dir die marter an tet du solt auch wissen das der richter berrübet ist das du jm also könlich hast geantwurt. do sprach Sant agatha. leiplicher ärtzt hab ich nye gepflegen wā ich hab mir vnsern herzn Jesum cristū außerwelt das er mein artzt sein soll. der mag mich wol gesund machn wen er will. do erschien ain liecht in dem kercker vñ sprach 8 allt man zū jr. ich bin sant Peter 8 zwelfspot vñ hat mich got zū dir gesant in seinem namen soltu gesund werden vñ lyes die ertzney vnderwegen. do ward sy zū hand gesund worden vñ viel auff die erden vñ danckt jm seiner gnaden vñ hett jr prüft wider als vor. Do die hūter das groß liecht sahen erschracken sy gar seer vnd wurden in iren hertzn ains tails erlicht vñ theten den kercker auff vñ sprachen zū sant agatha. gee hin wo du wilt. do sprach die hailig juncfrawe sant Agatha. ich will 8 marter kron verdienen vñ will nit fliehen vñ wil eüch auch nit in laid bringen. Nach vier tagen hieß sy der richter aber auß dem kercker nemen. vnd sprach zū jr opfferest du vnsern göttern nitt so will ich dich von neuwem pey-

Anton

nigē. do sprach sy. mir mag des hymels thür nit offen werdē ich leide dan. do sprach er. wer hat dich gesund gemacht. sy sprach mein herre Jesus cristus der war gotes sun. er sprach. wie getarst du den nennen durch den ich dich yezund will tödten. sprach sy. do ist er mir liebe das ich sein in meinē hertzen vñ gemüte nit vergessen mag do sprach er. ich will dich peinigen vñ martern vñ will besehen ob dir der müg gehelfen. do sprach sy. got der ist güt vñ als tugentlich das er mich nitt verlaßt er hilfft mir. thüß du aber die wilden tier zū mir. wē die vnsern herren jesum christum hören nennen so werdē sy zām. setzest du mich aber in ain feur das mügent die engel wol kühlen als den taw. daz thet dem richter zorn vñ hieß vil glüender kolen machen vñ sezer sy dar ein vñ ließ sy hin vñ her welzen vñ verprent der juncfrawē leibe überal. Do rach got d̄ heri sein dienerin vñ kam ain grosser erpidem das der selben stat ain grosser tayl nider viele vñ erschlög zwen ratz herren. do schry das volck alles vñ sprachen zū dē richter. der erpidem ist darüb komen daz man die juncfrawen so vnschuldiglichen marteret. do erschrack der richter ser vñ hieß sant Agatha aber in den kerker legen. do was sy auff den kolen verpinnen das sy sich kaum geregen mocht. do sy kam in den kerker do sprach sy Heri jesu chrisste der du mich erschaffen hast das ich über

agatha

wundē hab die pein vñ mein hertz keüsch behalten hast. enpfach mein gaist in dein hend vñ barmhertzigkait. damit gieng jr die sel auß vñ für gen hymel. Darnach kamen die cristen vñ bgrüben sy mit ernen vñ die weil man sy begrüb do kam ain schöner jüngling. dē giengent mer dan hundert kind nach vñ waren so schön beklaidt das man nie iren gleichen gesehen het. vñ der jünglingh der vor in gieng hett ain marmelstaine tafel in d̄ hand die legt er zū dē haubt sant agathe. damit verschwand er vñ die kind. do lassen sy die tafel dran stünd geschribē. mente scām spontaneā honorem deo et patrie liberatōm. das ist in teütsch mitt der hayligen wi rdigen armüt hatt sy got geert. vñ gekrōnet. vñ wirt das landt beschirmt. dise geschafft was wol war dann sy laid armüt willigklich durch got. Nach dem als das volck die tafel gelesen vñ die schönen kind gesehen het. do wurden ire hertzen bewegt vñ fōrteten sich zū cristenliche glauben vñ eerten fürbas sant Agatha. vñnd hetten sy gar lieb. vñnd also warde sy ain schirm über das land. Es eerten auch die juden vñ haiden sant Agatha bey irem grab durch jr hailigkait vñ vmb die wunderzaichen die sy thet. Darnach wolt d̄ richter reiten nach sant agatha güt do kam er zū ainem wasser do bisse yn das pferdt als greulich daz es in in das wasser warf. vñ starb. nyemāt weist wo hyn sein leichnam kam. d̄

het er an sant agatha verdient. Vñ
 über ain jar darnach do man jr ho-
 chzeit begienge hett man ain tuch
 über jr grab gelegt. vñnd an dem
 selben tag gieng ain grof feür auß
 dē berg gegē d stat vñ verschmel-
 zet holz vñ stain. vnd was in das
 feür kam. do heten die haidē grosse
 hoffnung zū sant Agatha vñ trau-
 ten jr wol sy hulf in. vñ lieffen zū dē
 grab vnd namen das tuch herab dz
 darob lag hielten es gegen dem feü-
 re do erlasch das feür so bald. des
 wurden sy fro vñ lobten sant Aga-
 tha vñ das grof zaichen vñ heten
 sy fürbaß aber lieber dan vor. Hay-
 lige juncfrawe sant Agatha wir-
 biten dich durch dein marter dz du
 vns vñ dein gemahel jesum cristū
 erwerbest das er vns hie menschen
 mach nach seinē lob vnd vns dar-
 nach helff in das ewig leben Amen

Von sant Dorothea.



Sant dorothea die hailig juncf-
 raw ist geboren von edlem gesch-
 lecht vō rom. jr vatter hieß thorius
 vnd was ain rather zū rom. vñ jr
 müter hieß thea. vñ was auch von
 edlem blüt d ratzherin zū rom gebo-
 ren. Vnd zū den zeiten hūb sich gar
 ain grosser krieg gegen den cristen
 das man sy ser durchächt in dē rō-
 mischen land. do wolt thorius dē
 abgöttern nit opffern. wan er was
 ain cristen mensch. vnd er gedachte
 im er wolt entrinnen von rom auß
 der stat vnd wolt hinder im lassen
 erb aigen weingertē bürg vñ was
 er het. vnd macht sich auff mit sei-
 ner haussfrawen thea. vñnd schiff-
 ten in capadociam über ain wasser
 mit zwaien töchtern cristin vñ ca-
 lixtin die het er auch getaufft vñnd
 cristen glauben geleeret. darnach
 kam er in die stat cesarea. in der sel-
 ben stat gewan er ain hailigs töch-
 terlin das tauffet ain priester vñnd
 hieß es Dorothea nach vatter vnd
 müter. wann sy hetten es gar lieb.
 do ward das kind bald erfüllt mit
 dem hailigē gaist. vnd lebt frölich
 vñ tugentlich. vnd was keüsch vñ
 wolgeleert. auch züchtig vnd zūmal
 schön. vñ fürtrass all juncfrawen
 mit der schōne in der selben gegent.
 vnd was sensstmutig vñ het gott
 von hertzen lieb. vnd vast. vnd beet
 vil. vnd was auch volkomen an d
 liebe vnser lieben herren jesu chri-
 sti. Vnd sant Dorothea trüg zwū
 kron. aine von irem keüschē leben.
 die ander vō irer marter. Das rain

Sanct

leben mocht der böß gaist nit leidn
vñ riet dem richter Fabiano in der
selben stat das er grosse lieb zū jr ge
wan vñ het sy gern zū ainr eelichn
hauffrawen gehabt vñ sender ain
botten zū iren freunden vnd bat sy
vleißigklich dz sy im die juncckfraw
geben wann er het grosse lieb zū jr.
vnd verhyef jr groß gütt on alles
widergelten. vñ begeret nichts an
ders von jr dan das sy sein gema
hel wär. Do das sanct dorothea hö
ret das was jr gar laid vñ wöret
sich vnd verschmehet in vnd alles
sein gütt vnd auch allen weltlichen
wollust als ain staub vñnd sprach
offenlich. ich will kein gemahel ha
ben. wan ich hab mich jesu christo
vermehelt dem aller obersten herin
Das saget man dem richter das sy
in verschmehet vñ das sy ain cristin
wär. do ward d richter seer zornig
vnd saß zū gericht vñ ließ sy für in
bringen vñ do sy für in kam sprach
er zū jr Du solt vnsern göttern opf
fern so behütst du dich vor vil pein
vñnd würst auch nitt getödt. Sy
sprach. got der in den himeln ist der
hat auß seinem göttlichen mund ge
sprochen. Du solt got dein herin an
betten vñ im allain dienen. vnd hat
mer gesprochen. nit die abgötter die
da nit erschaffen haben hymelreich
vñ ertrich. darum ist wol auffzuse
hen wölichem kaiser ich vnderkenig
sei dem hymelischen oder dem jrdi
schen oder tödlichem got der men
schen. Do sprach der richter. Doro
thea ich rat dir das du den abgöt

dorothea

tern opfferest oder du müst gar vil
darumb leiden. Sy sprach. du kanst
mich nymer darzū bringen das ich
den bösen gaiste opffer die wonung
habent in den üppigen bilden. vnd
die gelebt haben als die thier. vñ er
kannten iren schöpffer nit die weyl
sy lebten. d da erschaffen hat hymel
vnd erden vnd alles das darin ist.
vnd das mer. darumb so bünen jr
sel in der ewigen pein. d bild betent
jr an in mangerlai geschmeid. vnd
körent euch vñ euerem schöpffer. vñ
betent die abgötter an die euch nitt
gehelffen mügen darumb müst yr
auch in das ewig feure. Do ward
der richter gar zornig vñ hieß sanct
dorothea in wallendes öl setzen. al
so halff jr got dz jr nie kein laid ge
schach. vnd was jr recht als ob sy
mit edlem balsam wär gesalbt. vñ
do sy sahe das vnser lieber herz jhe
sus cristus das zaichen an jr getan
het do lobt sy in mit grossen freude
vnd dancket im seiner gnaden. das
zaichen sahen vil haiden vnd wur
den darvon zū cristenliche glauben
bekört. Do warde der richter aber
zornig vnd sprach sy her es mit zau
berer gethan. vnd ließ sy in ain vin
stern kercker legen darinn lag sy. ix.
tag vñ necht das jr niemandt zū es
sen noch zū trinckē bracht. do fürsa
he sy got d allmechtig. vñ speiset sy
ain engel von himel. Am zehenden
tag nam man sy wiß auß dem ker
cker vñ bracht sy für den richter. do
was sy als schön als sy vor nye ge
wesen was. dz nam daz volck wun

8 das sy so lang on speiß was gewes-
 sen. vnd danoch so schön vnd wol
 mügent was. Do sprach 8 richter
 zu jr. Dorothea sag dir fürwar
 vnd betest du die abgötter nicht an
 yetzund. so muß man dich an ainen
 galgen hengen. do sprach sant Do-
 rothea. die pein ist zergänglichlich. vñ
 darüb das ich 8 ewigē pein überig
 werd. so will ich die zergänglichlichen
 pein nit fürchtē. wann es spricht got
 Ir sölht die nit fürchten die eüch den
 leib tödtē. jr sölht den fürchtē der
 eüch leib vñ seel in die hell versenckē
 mag. Do sprach 8 richter. opfferest
 du vnsern göttern nit. so müßt du
 grosse pein leiden. do sprach sy. thū
 mir was du wilt datumb das ich
 den sehe durch des liebe ich den tod
 mit nichten fürcht. do sprach 8 rich-
 ter. wer ist der des du begerest. do
 sprach sy ich beger meinen herren je-
 sum cristum des lebendigen gottes
 sun. vñ sprach Nach seiner allmech-
 tigkeit ist er allenthalbē. aber nach
 seiner menschart so sitzet er zu der ge-
 rechten hand seines hymlichē vat-
 ters. do sprach der richter aber. du
 solt vnsern göttern opffern vñ an-
 betten. sprach sy. ich will den leben-
 digen got anbeten. vñ nit den bösen
 veind. wann deine götter sind böß
 veind. vñ sy viel nider auff die erdē
 vñ richt ire augen auff gen hymel.
 vnd bat iren gemahel jesum cristū
 mit grosser andacht. das er sein ge-
 walt erzagt mit ainem schön zaich-
 en. darüb das die menschen erkennen
 das er allain der ware allmechtig

got wär. vñ kein ander. Nun was
 an 8 selben stat ain hohe saul auf ge-
 richt. darauff het der richter seinen
 abgot gesetzt. das man in da anbe-
 ten solt. zehand erhoit got 8 junck-
 frauē gebet. vnd sendet ain grosse
 schar 8 engel von hymel herab. die
 zerbrachē die saul vñ den abgot. dz
 niendert kein stuck gantz belib. vnd
 die menschen die da waren hörten
 die bösen veind in den lufften schrei-
 en vnd sprachen. O dorothea war-
 üb wilt du vns also vermüsten vñ
 vertreiben von vnser wohnung du
 tust vns vil zu laid mit deinē gebet
 Von dē zaichen wurden vil haiden
 zu cristenlichem glauben bekert die
 das horten vñ sahen. do ward der
 künig zornig. vñ hieß sy all martern
 vnd tödten. do füren jr selen zu den
 ewigen freudē. Darnach redet der
 richter aber zu sant dorothea gütig-
 lich vnd het sy geren von irem ge-
 laubē bracht. des mocht er nit thū
 vñ do er jr stätigkeit sahe das sy nit
 wolt ablassen. do hieß er sant doro-
 thea an seinē galgen henge. do hien-
 ge man sy mit den füßen gen hymel
 vnd mit dē haubt gegen der erden.
 vnd schlugē sy mit gerten vnd mit
 gaislen. vnd zerzeriten sy auch mit
 krälē. Darnach do hieß er jr ir brüst
 abpreñen mit pünne dē sackeln. vñ
 der grossen marter was sy nahent
 tod. vnd hieß sy da in ainen kercker
 ziehen hiesse sy behalten bis an den
 andern morgen. do ward sy in 8 sel-
 ben nacht wolgesund von der ge-
 nad gotes ires gemahel jesu cristi

Am dem andern morgn frū do hieß sy der richter für in bringen Do er sy ansah waren all jr wunden gehaylet vñ verschwunden das er an allen jrm leib kain masen noch mal sahe. das verwundert den richter gar seer vñ sprach zū jr O du myn-
 nikliche schöne juncckfraw ker noch wider von deinem vngelauben wañ du bist gnüg gemartert. Nun hett sant dorothea zwū schwestern wie vor gesagt ist Cristin vñ Calittin die hetten sich von got dem herren geköret vñ waren vnglaubig worden von grosser forcht wegen vnd marter. do hieß der richter sant Dorothea zū jren schwestern thun ob sy sy von jrm glauben möchten bringen. do sy zū jren schwestern kam saget sy in so süßigklich von cristnlichen glauben das in jr hertz erleucht wurden vñ bekerten sich wider zū cristenlichem glauben vñ verjahren offentlich. vñ betteten cristū an den waren lebendign got. Do sagt man dem richter das sant dorothea jr zwū schwestern bekert hette. do ward der richter zornig vñnd hieß den zwayen schwestern die rücken zesamen binden vñ hieß sy verprennen. do füren jr selen zū den ewigen freuden. Darnach hieß der richter sant dorothea aber für in bringen. vñnd het sy gern von jrem glauben bracht vñ sprach zū jr. sag an dorothea wie lang wiltu vns noch auffziehen mit deinen zauberlisten aintweder bett vnser abgötter an. oder ich haif dir das haupt abschlahen.

do sprach sy frölich zū dem richter. Nimm war alles das du wilt das will ich gern leyden durch die liebe vnser herin Jesu cristi. in des garten will ich mich ewigklichen freu-
 wen vñ will darin die schönen öpfel brechen vñnd die zarten rosen. do das der richter hort. ward er zornig vñ hieß sy mit stecken in jr angficht schlahen das sy so jamerlich ward das sy nyemant erkennen kund vñnd leg sy wider in den kercker. Am andern tag hieß sy der richter aber für in bringen. do waren jr aber all jr wunden gehailt von der gnad gotes do gebot der richter das man jr das haupt abschlūg do rufft sy mit lauter stim vñ sprach. O liebhaber der seelen ich danck dir das du mir hast gerufft zū deinem brautbeth. Do man sy auß der Stat füret do sach sy theophilus der des richters schreyber was der gedacht an die red die sy vor dem richter getan het do sy sprach. sy wolt sich freu-
 wen mit jrem gmahel vñ wolt in seinem garten die rosen vñ die süßen öpfel brechen. do redet Er gar spöttlich mit jr vñnd sprach. Dorothea wenn du in den garten zū deinem gemahel kommest so sende mir der süßen öpfel vñ der schön rosen. do sprach sy das will ich gar gern thun Aber Theophilus hett kainen gedingen das sy das gethūn möcht. Vñnd do man sant dorothea an die stat bracht do man sy enthaupten wolt. batt sy mit grossem ernst vñ vleyß für alle die jr marter ereten vñnd sy

anriessen. das sy got erlöset vō allen
 iren trübsalen. vñ zū dē andern mal
 das sy got behüt vor allen schanden
 Zū dem dritten mal das er sy behüt
 vor grosser armüt. Zū dem vierdē
 mal das er sy eelöset vor falsche sch
 ulden. Zū dem fünfften mal bat sy
 das in got gāb ain rechte reu an ire
 ende. vñnd auch ablas irer sünden.
 Zūm sechsten male bat sy vmb die
 frawē die kinder trügen. vñd sy an
 rüstē in irer geburt. das yn got ire
 schmerzen ringerte. vñd in mit lieb
 von irer geburt hulff. Zū dē sibendē
 mal bat sy für alle die die in feur oð
 in wasser wāren vñd sy anrüstē.
 das denen got zū hilff kāme. Zū dē
 achten mal bat sy für alle die die in
 feurs nōten wāre. das in got auch
 zehilff kām wen sy ire namen anrüs
 fen. Zehandt do sy die gebet volbra
 cht. do kam ain styñ von hymel die
 sprach. Kum her mein auferwōlte
 kum her mein lieber gemahel. wāñ
 alles das du hast gebeeten des bist
 du gewert. Darnach do naigt sich
 sant Dorothea vnder das schwert
 do erschin ir ain schōns zartes kind
 lin. das was beklaidet mitt purpur
 vñd gieng barfüß vñ het ain frau
 ses hārlin. vñd an seinem gewand
 waren allenthalbē gestreuet guldi
 ne sterclein. das selbig zart kindlein
 trüg in seiner hand ain schōns korb
 lin darinn waren drey rosen vñnd
 drey öpffel. Do sprach sant Doro
 thea. Herz meiner ich bitt dich das
 du das korblein bringest Theophilo
 dē schreiber. vñd zehand do wurde

sant Dorothea enthaubt. do für ie
 sel zū den ewigē freuden vñd zū ire
 gemahel Jesu christo in das ewig
 vaterland. da hat sy die ewigē freu
 de. Do sant Dorothea gemarteret
 wurde. do zalt man nach cristi ge
 burt zwaihundert jare vñd in dem
 sibē vñd achtzigsten. an dem ach
 tenden tag des manats februarij
 ¶ Zū den zeitē stünd Theophilus
 in dē palast des richters do kam dz
 schōn zart kindlein das also schōne
 was beklaidt mit purpur. vñ gieng
 zū theophilo dē schreiber. vñd zohe
 in da gar haimlichē an ain ort vñd
 sprach zū im. Nym hin die rosen vñ
 die öpffel die hatt dir vnser schwe
 ster dorothea gesendet auß dē para
 deis von irs gemahels wegen vñd
 zehand da verschwande dz kindlin
 vor sein augen. do gewan theophi
 lus grosse reu über sein sünd. vñ er
 ward getaufft. vñd lobet gott den
 allmechtigē vñd sieng auch an vñ
 prediget cristen glauben. der wirdi
 gen juncfrawē sant dorothee. vñ
 sprach jesus cristus der ist allain ge
 waltig vñd vermag alle ding. dāñ
 er hat in dē kalten monat februario
 in dē alles erdtrich yetzund erfroren
 ist. seiner lieben dienerin rosen vñd
 öpffel gesendet so man sunst weder
 grüns gras noch kain kraut vñndt
 Von der red vñd predig die Theo
 philus thet. von dem zaichen. do
 ward nahent die gantz statt bekert
 zū cristē glauben. do das fabricia
 nus 8 richter hort. vñ auch sahe do
 ward er auß 8 massen zornig. vñd

Von sant

gebort das man Theophilo noch grösser marter vñ leiden antun solt dan man sant Dorothee getan het Do man Theophilum vil gepeyniget vnd gemarteret hete. dan noch was er vest vñ stät an dē hailigen glauben vñsers lieben herre jesu cristi. Darnach hieß in d̄ kaiser zū klainen stucken hawē wolt er von seinē glaubē nit lassen. Do sprach Theophilus zū dē richter. Ich will vmb cristenlichen glauben geren sterben gibe mir nur ain klain weil frist. des bitt ich dich. das thet d̄ richter. In der selben weil empfieng er vñsers herre fronleichnam vñ sein hailigs blüt. Darnach hieß in d̄ richter zū stucken hawē wie er vor geschafft het. vñ das man in dan für die tier vnd vögel solt werffen. damit das sy in ässen. dz laid theophilus alles gedultigklich vnd gern vñnd starb also seligklich vñ für sein seel zū vñserm herren jesu cristo. der seine hailigen zū allen zeytten eert. vñnd der auch allzeit von inenn geeret wirt der da rigiert mitt dem vatter vnd dem hailigen gaist. ain herre vñnd ain gewalt von ewig zū ewig. O du hailige juncckfrau sant dorothea vnd hayliger Theophilus erwerbent vns auch vñ got den allmechtigen das wir hie in diser zeit verdienen das wir auch komen zū den ewigen freidē. des helff vns got d̄ vatter vnd der sun vnd der haylig gaist Amen.

¶ Von der hailigen juncckfrawen sant Apolonia.

apolonia



¶ Sant Apolonia was ain tochter des kaisers. Eusebij. vñ jr mütter hieß iatina. die warent vō alexandria vnd waren haide. vnd ward Apolonia ainer frawen geben das sy das kind solt ziehen. die selb fraw was auch gar vō wirdigem hohē geschlecht vñ noch wirdiger an dē glauben vnd an sitten. die freünde der juncckfrawen waren von dē geschlächte die hießen. Penellampen. Vnd sant Appolonia was ain cristin vñ was schön. dauon ward jr gemacht ain hoher turen in dē solt sy wonen. vnd zwölff juncckfrawen die jr müsten dienen. Vnd do sant Appolonia kam zū den sechs jaren do ward jr gegebē ain weiser wirdiger allther. dz er der juncckfrawē solt hüten der hieß Emblicanus. jr vater hett jr ainen guldin tisch gemacht vñ darzū ain guldin stül vñ

alles dz sy nützet was als gemacht
vō rotem gold. sy het auch dreyleip
lich brüd. aber der jüngst het sy auß
der massen lieb. vñ alles das er klü-
ges od kostbers het daz gab er jr be-
girlich. das gab sy heimlich alles ar-
men menschen. do merckt jr brüder
dz sy nit zierlichs trüg. wed feirtag
noch wercktag als ander juncf-
rauen. do straffet er sy. dz sy durch sei-
nen willē nit trüg das er jr gegeben
het. Do sprach Appolonia ich hab
es alles behaltē. da ich es dan will
nütze. so es mir nützlich ist. der brüd
voricht sy hett es verthort. darumb
wolt er es nur sehen. Do sprach Ap-
polonia. wiß mein lieber brüd. das
ich dir mein heimlichkeit gern sagen
will. wilt du mir volgen so wirt dir
ewiger lon nachfolgen vñnd das
ewig leben hie vñd dort. Auch lie-
ber brüd so laß ich dich wissen das
ich mir genommen hab ainē gemahel
der ist edel. wan er ist der war got
tes sun vñ warer mensch. glaubest
du an in so wirt dir ain kron des rei-
ches. wann er ist ain künig über all
künig. vñ ain herr aller herin durch
den hab ich geben armē leuten alles
das du mir gegeben hast. d ist mein
got vñd kainen andern got hab ich
vñ er gibt es hun dertfeltig wider
was man durch seinen willen gibt
den hab ich lieb vñ zū ainē gespons
wan er ist ain got der rainē juncf-
frawe. vñd ain eer vñd ain leben al-
ler die an in glauben. on in ist kain
ewigs leben. vñ kain warhait. vñ
alle ding sind nur ain jrsal vñ sind

vinster. vñ er ist allain das war lie-
cht. Von der red ward der brüder
zermal zornig. vñd kam zū sein brüd
vñd klaget in mitt laid wie vngüt-
lich sy sein güt verthan het vñ das
sy nun war in der jrsal der cristen
do kam zūhandt zū jr d elter brüder
vñ straffet sy vestitlich. Do sprach
Appolonia. es steet geschriben. Ir solt
lent euch samlen ainen schatz in dem
himmel. da in die milben noch die scha-
ben nit nagen mügen: noch die dieb
nit außgraben noch stelen. darumb
hab ichs den armen geben. wan ich
beger das ich behalten müg die ge-
bot meins herin Jesu christi. Aber
wee euch die da samlen silber vñnd
gold. vñd damit zierent euer heuser
vñ auch mit irdischem gemäl. das
auflegt jr euer schatz vñ faren dan
nackent von der welt. Du solt nit
sprechen das ich veritit sey. wann
ich bin erleucht mitt d warhait des
göttliche liechts. aber du vñ dein ge-
find seind behafft mit der jrsal des
bösen gaists die jr eeren vñ anbet-
für göter. darüb werdēt jr gewor-
fen in die hellischen pein. vñd wer-
dent ewiglich mit in binnen. Von
der red wurde die brüd ser betrübt
vñ sagten es der müter vñd droeten
jr. wolt sy es nit rechen. so woltē sy
es dem vatter sagen. Die künigin
ward betrübt vñ het jr tochter ge-
ren abgelait. vñnd versucht es mit
übel vñ mit güte vñ hieß jr darbun-
gen allerlai saiten spil. vñd auch vil
edler juncfrawē dz sy mit jr üppi-
gklich solten spilen. damitt das sy cri-

Von sant

stenlichs gelaubens vergaß. vñ die weile sy also spileten vñnd sungen. die weil sang sy vñ lobet gott in ire hertze. vñd sprach. Ich lob vñd soll loben den herin des hymels. ich lob in in der höhe. darzü raitzt sy die andern vñnd sprach. Lobent gott mit bendtlen an dem tanze. vñ lobet in mit dem saytenspiel vñd mit 8 engel done. Do nun die mütter sahe vñd die brüder das es alles nicht halffe do müste sy es auch dē vater kundt thun. do nun Apolonia für den vater kame. do mercket er eben das sy was ain blöde tochter vñ stillt den zorn seiner sün. vñ beualhe sy 8 mütter. das sy sy sölt ablaite. Do sprach Apolonia. Mütter du arbaist vmb sunst vñ peinigest dein hertz. wann mein gemüt ist gebawen auff ainē starcken velsen vñ in cristo vergraben. deine wort empfahe ich als ainen wind. vñ dein erschreckung ist mir als ain regen. Do sprach die künigin zū dē künig die kislung möcht man vñlleicht ee ermalen vñd verkeren in pley. ee man verkeren möchte jr synne. Do nun sant Appolonia fünffzehen jar alt was wordē. do traumet jr auf ain nacht. wie sy ain taubē sahe die trüg ainē ast in irem schnabel von ainē ölbaum. die flog ein durch das venster. vñ leget den ast auff den tisch. darnach flog ain adler ein 8 trüge ain kron gemacht von dornen blümen. vñ durch das ander venster flog ain rapp ein der trüg auf den tisch ain lebendige schlangen. vñd do sy des morgens er-

apolonia

wacht. do saget sy den traume dem altherin. 8 sprach zū jr. Die taub beüt zwai ding. daz erst ist dz sy berhafft ist. das ander daz sy ist on galen. Also wirst du auch berhafft vñ 8 gnad des hailigē gaissts. vñ wirst vil vngelaubiger haiden bekeren zū cristo. Der erst ast des ölbaums beüt die hailigen tauff. Der adler 8 die kron trüg vñ dē blümen. beüt die hailigen überflüssig marter recht als 8 adler hoch fleügt über all vögel. Aber der rapp 8 die schlangē trüg. beüt grosse trübsal vñ leidē. Do das sant Appolonia hort wie das sy noch vngetaufft was. dannocht trüg sy den namen Cristi an dechtiglich im hertzen. vñd begert zū behaltē iren gemahel cristo treulich an zū hassen. Zū dē tag do 8 künig. Carsius komen solt vñ wolt hochzeit haben do viel Appolonia auff ire knie vñ betet andechtiglich mit wainenden augen. das sy gott beschirmet vor dem vngelaubigen künig. vñd do sy auß gebet hett. do erschien jr ain engel 8 sprach Appolonia far behend in ain stat da vñndst du ain hailigen man ainen ainsidel der soll dich leeren den weg 8 warhait. vñd soll dir helfen das du getaufft werdest vñ gesterckt an cristenlichē glauben. Etlich sagen der engel sprach zū jr thimotheus sant Pauls junger soll dich tauffen. vñ brächt sy 8 engel an die stat. da warde sy getaufft vñ gesterckt an güten dingen. Darnach kam sy wiß haym vñnd zerbrache alle abgötter die da

waren in jres vaters thuren. Dar
nach gieng sy vñ predigt an offner
straß cristen glauben. dise mār ka-
men überal in die stat vñ kam auch
für jren vater. do er höret das sein
götter all waren zerstört. ward er
zornig vnd saß zu gericht vnd hieß
die tochter für in bringñ vñ sprach
Appolonia waist du nit das du an
bettest ainen vngerechten menschn
der von seiner boßhait wegen ver-
dampt ist. den all kaiser allermayst
hassen. Antwurt jm Appolonia.
Vatter erkantest du die gnad got-
tes du redtest mit nichten die wort
vñnd kerettest dich auch von allen
deinen göttern vnd würdest allain
anbetten den waren got der da ist
in den hymeln das ist Jesus cristus
warter got vnd mensch. wañ do er
was bey einem hymlichen vatter.
wolt er mensch werden vnd wolt
widerbringen die schuld des ersten
menschen Adams. darumb ist gott
mensch worden. vñnd hat die mar-
ter durch vnsern willen willigklich
gelitten. vnd nit von seiner aygen
boßhait wegen vnd ist am dritten
tag gewaltigklich erstanden von
dem tod darumb das er menschlichs
geschlecht mit dem vatter versönet
das von schulden was verdampt
vñ das er mit seinem tod vertilcket
vñ abthät den ewigen tod. darumb
ist er tod vnd darumb mag ich sein
mit nichten verlögnen. Ab den wor-
ten ward der künig toben vor zorn.
vnd hieß sy in den kercker legen bis
er mit den weysen jurat wurd. Do

sprachñ sy er solt Appolonia in den
tempel iouis fürn mit grosser freud
vnd zierd vñ mit allerlay saytenspil
darnach solt der künig vñ die kün-
gin den göttern frölich opffern vñ
darnach die vndern all. do das ge-
schach. sprach der künig zu seiner
tochter Appolonia. Liebe tochter
Wer die abgötter das sy dir in irem
zorn kain layd thuen. do sprach sant
appolonia. Ich waist wol das mir
der böß feind allweg wider ist dem
du yetz geopffert hast für deine göt-
ter Aber ich will opffern got der in
den hymeln ist vnd nit dem bösen
veind. do sprach der vatter. Es sey
dann das du den göttern opffereest
mußt du mit bitterer marter sterben.
Do sprach Appolonia dein marter
fürcht ich gar nicht Ich fürcht vil
mer du werdest dich über mich er-
barmen. ye greülicher du mir tust
ye frölicher ich würd. Do gebot er
man solt sy peynigen das aller jrer
leyb begossen würd mitt blut. das
laid sy gedultigklich durch got. dar-
nach legt man sy in ain vinstern ker-
cker. do erschien jr vnser herr Jesus
Cristus mit ainer grossen schar der
engel vnd juncfrawen vñ sprach
zu jr. O liebe tochter bekenn deinett
herren vñ schöpffer durch des wil-
len du treüwlichen gestritten hast.
Du solt wissen das du gesund bist
worden. darumb solt du stät sein an
got. damit verschwand vnser herr
da ward sy gar fro vñnd sagt got
grossen danck seiner genaden.

Des anndern tags hieß jm der
G iiii

Quintus

könig sein tochter für in bringē. do
sah er das jr all wunden gehaylet
waren. Do sprach d̄ könig mit laut
ter stym̄. Tochter wer hat dich ge
sund gemacht. do sprach sant Apo
lonia. dz hat mein her̄ jesu cr̄stus
getan dē ich von ganzē hertzen lieb
hab. d̄ hat mich sein dienerin genā
diglichē beschauet von des süßen
gesichts wegē bin ich gesundt wor
den vñ gesterckt. do sprach d̄ vater.
Wilt du nit die abgötter anbeten die
alle dein vorfaren habent angebett.
Do sprach sy. nain. ich wil den anbe
ten d̄ himel vnd erd̄ erschaffen hatt
den will ich eren vnd jm dienen. do
ward der vater zornig vnd hieß jr
die augen aufprechen. vnd ire oren
füllen mit pley darüb das sy jrē got
nym̄er möcht hören noch sehen. Do
sprach Appolonia. das ist mir ain
merck̄ des veinds. du solt aber wis
sen das ich in meiner sele oren vnd
vñ augen hab. darüber du kainē ge
walt hast damit sihe ich dannoch
die götlichen klarhait. vñ hōre das
englisch gesang. Nach dē hieß er yr
die zen aufprechē. do rufft sy got an
vnd sprach. Mein zen die du selbs
hast gepflanzt die beuillhe ich dir!
Do jr vater sahe dz er sy nit bekerē
künd. do hieß er sy aber in dē kercker
legen. do erschien jr d̄ engel gotes in
der nacht mitt ainem grossen liecht
vñ tröstet vnd stercket sy vñ gab jr
all jr zen wider. des dancket sy gott
mit grossen freüden. Des morgens
hieß er sy für in bringē vñ sprach be
test du vnser gōter nit an. so müstu

apollonia

mit grosser marter gepeiniget wer
dē. Do sprach sy. Ich will meinem
got opffern vnd seinē aingebornen
sun vnserm herren jesu cr̄sto d̄ mir
leib vñ seel erschaffen hat auch hy
mel vñ erden vnd all creatur besch
irmet er. aber deine gōter verschme
he ich die weß jnen selber noch an
dern jrē anbetern gehelffen mügēt.
Do gebot d̄ vater man solt sy gebū
den vnder sein pferd werffen das sy
das pfert ertretē solt zū ainer ersch
reckung aller cr̄sten. do für ains dar
vñ biß den könig in ain arm das er
also siech ward. dz er darnach bald
starb. darnach ward ain roß mit d̄
juncckfrawē reden vñ sprach. Appo
lonia du bist ain selige juncckfrau. ze
hand do würdē ledig alle ire band
do ward sant Appolonia gebetten
vō irer mütter. auch von den die da
bey stunden. dz sy iren got solt bitten
für iren vatter. das thet sy zehandt
ward jr vater wider lebendig. vñ
ward jr vater vñ mütter gelaubig
vnd liessen sich tauffen. vñ dreitau
sent menschen mit in. also empfien
gen sy den tauff vō sant Pauls jun
ger. d̄ hieß Thimotheus. do der kai
ser Eusebius sah die grossen wun
derwerck̄ die got wircket durch sei
ner tochter willē. do gab er auf sein
kaisertumb. darüb daz er jesu deſter
baß dienē möcht. Nach dē kam ain
kaiser der hies decius. der wolt ap
polonia bezwungen haben dz sy dē
gōtern geopffert hett. vñ warff sy
in ain grübē die was vol fraßlich
er thier vnd auch schlangen. darin

belib sy vierzehen tag vngeessen on
 alle schaden. Do das 8 kaiser Deci-
 us hort. do hieß er ire bain vñ arm
 abschlahē. daz laid sy alles gedultig
 klich. vñ rufft got den herre an. der
 sandt jr ainē engel der macht sy all
 baid gesund. Darnach hieß er sy in
 ain rad setzen. das sy lieff noch bels
 vmb dan ain adler mocht gefliegē
 vñ der pein belib sy vnuerfert. von
 dem zaichē wurden achtausent men-
 schen gelaubig vñ getauft. do nun
 der kaiser gestarb. do ward sein sun
 Calor kaiser 8 ward zornig auf die
 junckfrawē. vnd sucht sy vnd seine
 ritter mit jm. das er sy wolt verstat-
 nen. do begegnet sy jm in der stat al-
 lexandria vnder dē thor. Vnd do sy
 Appolonia ansahent. do erblinde-
 ten sy all vnd vielen hinder sich nyd
 do bat die junckfraw für sy. do wur-
 den sy wiß gesundt vñ stunden auf
 vñ teten fräplicher dan vor. vñ sch-
 lügē jr groß negel durch jr füß. vñ
 fülleten ainē sack mit sand vñ henc-
 ten den an jr kelen vñnd ya geten sy
 das sy also dreimal müß lauffen do
 rufft sy aber gott an. zehandt thete
 sich das erdtrich auff vnd versch-
 land zehen tausent man. vñ Calor
 der kaiser der ward von dē engel er-
 schlagen. Von dem zaichen wurde
 dreissig tausent man gelaubig. vñ
 Appolonia belib on allen schaden.
 Darnach gieng Appolonia durch
 die stet vñ märckt. vñ prediget vn-
 erschrockenlich cristenlichen glaubē
 vnd bekeret vil menschen. Nach dē
 als 8 kaiser Calor gestarb do ward

sein ohem Numeracius kaiser. der
 hūb sich zehand an die junckfrawē
 vñ mocht jr nit angesigē. do ward
 er gar zornig vnd hieß 8 rin oxsen
 machē die waren glüent. vnd hieß
 Apolonia ye von ainē in den an-
 dern werffen vnd hieß sy darnach
 in ain glüends durchsichtiges vaf-
 setzē. Do verhenget got 8 heri über
 den kaiser. das er sich nit gerüre mo-
 cht do hett er mit zauberei geren zū
 wegen bracht. das er sich bewegt
 möcht haben do saß er recht als ob
 er behafft wär. vñ sant Apolonia
 belib aber vnuerfert. Von dē zaich-
 en wurden zehen tausent menschen
 bekeret zū got dē herren. do ward dē
 kaiser so wee das er sterbē müß. do
 er dz sahe do gebot er seinē richtern
 wolt sy seinē göttern nit opffern. so
 sölt man sy an iren brüsten ser peini-
 gen. do hieß sy 8 richter zehand mit
 eyßnin keten binden vñ hieß sy hoch
 auff henccken. vñnd hieß brenendes
 feür auff sy legen. do kam der engel
 gotes vñ löset sy aber von den ban-
 den vnd von dē feür. Von dē zaich-
 en ward 8 richter bekeret vñ sunst
 vil menschen. Do erschal jr grosse
 hailigkeit vnd kame für den künig
 vonn persia der hieß Samitte. der
 hieß appolonia für in bingen. vnd
 hieß sy mitt grosser peyn marteren
 noch was sy danocht stat vnd vest
 an irem glauben. Darnach hieß er
 sz enthaubten. vñ do sy an die statt
 kam do man sy enthaubtē wolt. do
 kniet sy nider vnd sahe auff zū dem
 himel vñnd sprach. O du gewalti-

Von sant

ger got du bist ain ding vñ ain hail
 aller gelaubigen. vñ ain schöpffer
 aller creaturen: Ich danck dir das
 du mich darzü gewirdiget hast das
 ich dir ain opffer soll werden. vñ
 bit dich das du yetzund mein sel em-
 pfahest in dein hend. damit das ich
 auch kōme zū deinen himlischē eern
 O jesu chrisste du bist ain zierd aller
 juncfrawen ich bitte dich das alle
 die mensche die meines leidens ge-
 dencken. das du in an jrē ende gene-
 dig seyest. vñ in wölicher nott sy
 mich antüssen vmb den schmerzen
 jrer zene. gewere sy durch dein barm-
 hertzigkeit. Do sprach die göttlich
 stym das sy aller jrer gebet gewert
 wär. des grossen trostes ward die
 hailig juncfraw sant Appolonia
 fro. vñ sprach zū dē ächter. Lieber
 brüß nun zerstör das hauß der not
 turfft wan der hymelisch vatter &
 will mir ain bessers gebē. do schlug
 er jr ir hailigs haubt ab. do waren
 die hailigē engel da. vñ empfiengen
 jr seel. vñ fūrten sy in die ewigē frū-
 de. do begrüb man jren hailigē leich-
 nam mit grossen eren vñ wurden
 vñ es geschahent vil grosse wund
 vñ zaichen bey dem grab. Die blinden
 wurden gesehen. Die behafftū
 wurden erlōst von den bösen vein-
 den. vñ wurden vil mensche gesunt
 von manigerlai siechtūbs. wan sy
 mit andacht zū jrem grabe kament
 vñ es wurden vil menschen von
 dē grossen zaichen gelaubig vñ em-
 pfienge den tauff. vñ sy ward ge-
 marteret in dem monat february.

reichart

O hailige juncfraw sant Apolo-
 nia erwirb vns vñ got besserung
 vnser lebens. vñ ain güt salig end
 vñ nach disem leben das ewig le-
 ben Amen.

Von sant Reichart.



Sant Reichart was von edlē
 geschlecht geboren. wan sein vater
 was ain künig in engelland & hieß
 künig otto. do der selb künig starbe
 do geniel das künigreich sant reich-
 harts vater vñ nach seinē tod ge-
 niel es sant reichart. do wär er der
 eeren geren überig gewesen wan er
 erkant wol das jm d̄z leben nit fūgt
 vñ vermaint er wolt d̄z künigreich
 ainē andern empfelhē do zwang in
 sein volck vñ seine freünd gemain-
 flichen das er künig müst sein. wan
 er geniel got wol. vñ hetten in die
 menschen lieb. er was schön vñ
 aines keüschē hertzē er was gütig

an wortē vnd wercken. vñ vest an der ritterschafft. vñ kün am streyten gerecht an dem gericht. bescheiden an dem gerechten. vnd beschirmet wittwen vnd waisen. het got sonderlich lieb. vnd dienet jm mit fleiß tag vñ nacht. mit beten. vassen wachen. vñ mit vil ander gütter übung vñ richt dz künigreich würdigklich vnd wol auß etliche zeit nach gots lob vnd nach seines nechsten nutz. Darnach do erkant sant Reichart vñ merckt das in dz weltlich geschäft vñ die eer vñ das güt irret das er got nit möcht nachuolgē. vñ gedacht auch oft in seinem hertzen er wolt gottes eer allain nachuolgen vñ gedacht vil an den spruch der in dē ewangelio geschriben steet. 8 da spricht. Wer durch mein willen nit auff gibt freünd eer vñ güt vnd alles das er hatt. 8 mag mein junger nit sein. Darnach ließ er sein künigreich vñ alle sein freünd eer vñ güt vñ bereit sich mit seinen zwaiē sūnen sant Wilbolt vñ sant wūbolt vñ wallet liberal mit in zū dē hailigen als ain ellend pilgrin. Vñ ains mals warent sy auff ainē schiff vñ sunst vil mensche. vnd wolten über ain wasser do macht der böß gayst ain groß vngewitter der 8 menschen hail allzeit gern irret. das erkant sant reichart wol. vñ het ain ganz vertrauē in got. vnd betet mit andacht vud bat in mit ernst daz er sy beschirmet. do erhört in got zehant vnd ward ain stille vnd kament gelücklich zū dem gestadt zū ainer stae

die hieß Rotomagus. da schlugē sy ain gezelt auf vñ rüten da ain weil Nach dem kame sy in die stat Luta vñ heten vil kirchen vñ gotzheüser durchgangē. vnd belib etliche zeyt in der stat mit seinen zwaiē sūnen in gütter übung. darnach wurde er siech vnd mocht gar übel. vñ do er mercket das in got von diser welte wolt nemen. do sprache er zū seinen zwaiē sūn. Lieben sūn jr sollt gott lieb haben vnd mit fleiß dienen. des volgte sy jm gern. darnach empfieng er vnsern herren fronleichnā vnd die hailigen ölunge mit andacht. vñ starb da seligklichen. do für sein seel zū den ewigen freüden. was seinen sūnen laid vñ in vñnd begruben in würdtlich in sant Fridigons kirchen. nun sollē wir vns sant reicharts tod freuen wan er hat den tod nit empfangen er ist jm ewigklich enttrunnen. er hat auch das lebē nit verloren sonder hat das zeitlich in das ewig verwandelt. ist von der menschen gegenwirtigkait erzuckt. vñ ist der engel gegenwirtigkait gegeben. ¶ Zū ainē mal do was ain tugentlicher man 8 was lam vñ mocht nit übersich gesehen. er mochte sich auch nit streckē noch niendert geen zū kirchen der höret von den grossen zaichē die sant reichart thet do hüb er sich auff dē weg vñ kam auch in die stat Luta vñ fragt wo sant reichart begrabē wär. do weist man in in sant Fridigons kirchen. vñnd do er zū seinem grab kame in der statt Luta. do viele er nyder

Von sant

auff das grab. vnd rüfft den hailigen mit grosser andacht an vñ bat in das er jm vñ got den allmechtigen erwurbe das er gesund würde. Do erhört in got vñ ward zehandt gesundt. do ward er fro vñ danckt got vñ sant Reichart 8 gnaden. vñ ließ die krucken zū ainē wartzachen in der kirchen. vñ giengerecht vnd schlecht wider haim vñ het den hailigen fürbaß allweg lieb. vnd dient jm mit fleiß. vñ sagt überall das in sant Reichart gesund hett gemacht. Do die teütschen menschen sölichshorten. do lobtē sy got vñ den hailigen darumb. vnd eerten in fürbaß ¶ Ains mals was ain kinde in der stat Luta dē geschwal sein kelen vñ sein angesicht also ser von nongzeit bis auff vesperzeyt. das sein müter vñ ander mensche nahent verzageteten mit dem kind. forchtē es wolt gleich sterben. dan es mocht vor der geschwulst nicht essen. Vnd do die mensche alle auß giengen. do belybe die müter allain bey dē kind vñ entschlieff vñ das kind auch. vñ es sprach in dē schlaff zū 8 müter. Dank gott wan ich bin gesundt worden Do sprach die müter. Liebes kind wer hat dich gesundt gemacht. do sprach dz kind. das hat sant Reichart gethan. damitt erwacheten sy beide. vñ weßt die müter nicht ob es war was oð nit. Vñ fraget das kind ob es wär gesundt wordē. do sprach es ja. liebe müter. do was sy fro vñ fraget vil mensche. ob sy nit ain hailigē erkannten der sant Reich

reichart

hart hieß. wann sein nam vnd sein hailigkeit was den mensche in der stat Luta nicht wolbekant. Do sprach jr Schwester. ja er liget in sant Fridigons kirche darein do giengedie müter als bald. vñ dancket dem hailigen der genaden. vnd sagt das zachen vil menschen das der hailig gethan het. vnd seine freünd hetten den hailigē gar lieb vñ eerten in fürbaß allwegē mit andacht. ¶ Nun was in 8 selben kirchen ain ewangelier der hieß Jörg. 8 hett groß liebe zū sant reichart. 8 selb het ain grosse sucht in den lenden. das er darauff nit mocht ligen. vud mocht kain rü haben. vnd mocht so übel das sein freünd forchtē er müßt sterben. der kam auch zū sant Reicharts grabe vñ rüfft in mit grossem ernst an do warde er zehandt gesundt. do dancket er got vnd dē hailigen der gnaden. ¶ Do man zalt nach cristi geburt zwölffhundert jar. do verhenget gott der allmechtig das vil mensche behafft wurden mit dē bösen veind in dem bistumb Luta. vñ irer grossen sünd wegen. 8 wurden vil bey sant reichartz grab gesundt vnd von den bösen veinden erlöset. wen sy den hailigē mit ernst anrufften. ¶ Vñ ains mals was ain erbere frau die was mitt dem bösen veind behafft das sy vil man kaum oder etwa nit mochtē behalten. do was iren freündē laid vmb sy vñ rufftē sant reichart mit ernst an vñ baten in das er jr vmb got erwurbe das sy erlediget wurd. do ward

sy zehand gesund. do wurde sy fro
vñ danckten got vnd dē hailigen 8
genaden. Nun bitten wir den hay-
ligen sant Reichart das er vns vñ
got erwerb das ewig leben Amen.

¶ Von sant Vedasto.



¶ Sant Vedastus was ain criste
vnd het got lieb vnd dienet jm mitt
gantze fleis. mit beten. vassen wach-
en. vnd mitt vil ander gūter ũbung
Vñ do das volck sein hailigkait sa-
he. do machten sy in zū ainē bischoff
in 8 stat traicta vñ in weyhet sant
Remigius zū bischof. Vnd do er in
die stat wolt vñ darzū kām. do fan-
de er zwen arm mān. der ain was
blind. 8 ander lam. vñ baten in das
er inen daz almūsen gāb. do sprach
er. ich habe eūch weder fillber noch
gold zegeben. das ich aber hab das
gib ich eūch. vñ er thet sein hailges
gebet mit ainem kreutz ũber sy baid
do wurden sy zehandt gesund. do

wurden sy fro vnd dancketen gott
vnd dē hailigen bischof sant Veda-
sto 8 gnaden. ¶ Nun was ain wū-
ste kirchen die was mit dornen ver-
wachssen. darinn wonet ain wolff
der thet den menschen vil schadens
wan er lieff oft auß. das was dem
byschof Vedasto laid. der kām dar
vnd gebot dē wolff bey got das er
dañen fluhe. vnd nimer wider kām
do was jm 8 wolf gehorsam. vnd
man sahe in darnach nimer. do nun
8 hailig bischof vierzig jar da w-
gewesen. vnd vil menschen zū gott
vñ cristen gelaubē het gezogen mit
worten vnd wercken do sahe er vñ
hymel herab geen ain feurine saule
bis in sein haup. do erkant er wol
das sein end was nahent. darnach
ward er siech vnd starb seliglich
do für sein sel zū den ewigen freudē
do begrub man in wirdiglich das
was nach cristi geburt fünffhun-
dert vnd ain jar. Vnd do man sant
vedastus des hailigē wirdigen bi-
schoffs leichnā erhūb. do was ain
man der hieß amandus. der was
vor alter erblindt. dem was layde
das er sant Vedastus leichnam nit
solt sehen vnd rufft in mit grossem
ernst an vñ klaget in sein leiden. do
ward er von seinē gnaden zehandt
gesehent. do ward der man fro vñ
sahe sein hailigen leichnā mit groß-
ser begird vñ mitt grosser andacht
an vnd dancket got vnd dē hailigē
der genaden mit ganzem fleis vnd
ernst vnd sprach darnach. Nun so
ich den hailigen leichnam gesehen.

Von sant

hab. so will ich dan gern blind sein als vor. do erblindet er zehand wiß Nun bitten wir den lieben hailigen das er vns auch vmb got erwerb. das wir nach disem leben besitzten. die ewigen freud Amen.

¶ Von sant Amando.



¶ Sant Amandus ist geboren vō edlem geschlecht vō vater vñ müt- ter. vnd was ain güter cristen. vñ het got lieb vnd dienet jm mit fleiß tag vñnd nacht. mit beten. vasten. wachen. vñ mit ander güter übūg vñ ward ain münich vñ betet hay- liglicher dan vor. Vnd ains mals do gieng er in dem kloster vmb. vñ sahe ain grosse schlangen do sprach er sein gebeet. vñnd thet das hailig kreutz über sy. vñ bezwang sy in ain grüben. vnd gebot jr das sy nymer heraus kām des müß sy jm gehor- sam sein. Darnach kame er zū sant

amando

Martins grab. da belib er fünffze- hen jar. vñ festiget seinē leib. vñ aße nur wasser vnd brot. vnd trüg ain hārens hembd an vnd kam gen ro- me vnd wolt in dē münster über na- cht sein belibē. do stieß jn der custor jämmerlich auß der kirchen. do legt er sich für die kirchen thür vñ entsch- ließ. do erschien jm ain hailiger man d sprach zū jm. Du solt in das land celeā geen. vñ do er wachet do kam er in dz land vñ straffet den künig. Sebardū gar sere vmb sein sünde. do ward er zornig vnd trib jn auß dē künigreich. Vñ het d künig kai- nen sun vñ bat got fleissigklich das er jm ainen sun gāb des geweret jn got. Vñ do der sun geboren ward do gedacht d künig wen er den sun tauffen wölt lassen. do gab jm got in seinen syn. jn solt sant Amandus tauffen. do sandt man nach jm vñ bracht jn wider zū dē künig der viel jm zefüßen. vñ bat jn das er jm ver- gāb was er wider jn getan het vñ bat jn das er jm sein sun tauffet. do vergab er jm was er wiß jn getan hett. er wolt jm aber sein sun nicht geren tauffen. do bate er jn so lang darüb bis dz er es jm gelobt. vñ do er das kind taufft vñ die menschen all still schwigē. do sprach das kind amē. die gnad hetes vō sant Aman- do. do macht jn der künig zū ainē bi- schoff in der stat Traiecta da predi- get er dē volck mit fleiß wie sy gott lieb haben solten vñ jm dien. do ver- schmeheten sy sein predig. darnach do kame er in vestrino. do leeret er

mer daz gotz wort. do spotet ain lotter seiner predig. do verhenget gott der allmechtig über in dz er zehand mit dē bösen veind behafft warde. der peiniget in auß der massen sere. das er sich mit seinen zenen riß vnd frasse. do veriahe der lotter offentlich das er das leiden an dem hailigen het verdienet. vñ starb darnach zehandt ains gāhen todes. ¶ Ains mals do zwüg sant Amandus sein hend. das sahe ain bischoff der bekennet sein hailigkait wol vnd hieß das wasser behalten. Darnach do kam ain blinder man dem bestriche man seine augē damit. do ward er zehand gesehent vō sant amandus hailigkait. do ward der man fro vñ dancket got vnd sant Amando der gnadē. ¶ Ains mals do wolt sant Amandus an ain stat ain münster bawen mitt des künigs willen. do was ain bischof in der nechsten stat darbey dem thet es zorn. Vñnd sendet seinē knecht zū im. vnd hiesē im das wören. vñ sprach zū im. Wölt er es nit vnderwegē lassen. so wölt er in tödten. do kamen die diene r zū im. vnd sprachen in vntreüen zū im Das er mit in gieng. vnd in ain stat weiset die güt zū ainē münster wär. Do erkānt er in dem hailigen gaisst ir bosheit wol. vnd rayt doch mitt in auff den berg. da sy in tödtē wolten. wān er begeret das er gemarteret wurd. aber gott d allmechtig behüt in. vnd es kam so ain grosser regen vñ ain groß vngewiter. das bedecket den berg allē. da s sy ainan

der nit gesehen mochten. Aber sant Amandus sahe sy wol. do forchten sy in seer. vñnd bedachten sich wol das in got behüten wolt. vnd vielen im zefüssen. vnd baten in das er in ire sünd vergāb. vñ lebendig vō im ließ kōmen. Do sprach sant amandus sein gebet zū gott vnd erwarb in ain schönes weter. do riten sy wider haim. Also genase sant Amandus mit der hilff gottes vor inenn vnd bawet ain kirchen vñ thet hin nach vil zaichen. darnach ward er siech vnd starb sältiglichen. vñ für sein seel zū den ewigen freunden. do begrüb man in wirdiglichen. das was nach d geburt cristi fünff hundert vñ im zwainzigstē jat. bey dē kaiser Eraclius. Nun helf vns sant Amandus auch vñ gott erwerben nach disem zergenglichē leben das ewig leben Amen

¶ Von sant Sauianus



Von sant

Der hailig heri sant Sauianus der het ain Schwester hieß Sauina vñd waren gar ains edlen herien kind der was ain haiden. Nun laße sant sauianus ains mals den vers. Asperges me dñe ysopo et munda- borre. vñd fraget was er bededeutet vñ kund sein nit versteen. das was jm gar laid. vñ er gieng in sein schlaffkammerlin vñd lag in der aschen in ainē haren tuch. vñ vermainet er wolt lieber sterben. dan das er den vers nit versteen solt. do erschin jm der engel gotes vñ sprach zu jm. du solt dich nicht peinige das du sterbest. wan du hast genad funde bey gott. wenn du getaufft wirstest so wirstu weisser dan der schne so versteest du dan das du yetzud begerst damit verschwand der engel. Do ward sauianus gar fro vñd wolt fürbaß kainen abgott mer anbeten darumb do ward jm sein vatter ser straffen vñ sprach zu jm. Es ist besser dz du die abgöter anbetest. dan das du vñ cristen glauben soltest sterben vñ daz wir mit dir verdurben. do wolt er es nit tün. vñ flohe heimlich vor seine vater. vñd kame in die statt creatasim. vñd do er zu dem wasser kam das da haist seuena do bat er vnsern heri mit großem ernst vñ fleiß dz er jm hulff daz er getaufft werd. do wurde er getauft. do sprach vnser heri zu jm. du hast funden daz du lang begert hast do ward er fro. Nach dem steckt er sein stab in die erden. vñ sprach sein gebet mit grosser andacht zu gott

Sauiano

dem heri. do ward 8 stab als bald grün. vñ blüet vor vil menschen dz sy es sahen vñd von dem zaychen wurden zwölffhundert. vñd achte mensche bekert zu cristenliche glauben. vñd empfiengen den tauff. das ward dem kaiser aureliano gesagt vñ thet jm zermal zoren. vñd sendet vil riter nach Sauiano vñ hieß jm vaben. da funde sy jm an seine gebet vñ toisten nit zu jm geen. Do sandt 8 kaiser mer ritter zu sant Sauiano den vor. vñ do sy zu jm kame do hüben sy an vñ beteten mit jm. Do stünd er auf. do sprach sy zu jm der kaiser hat vns nach dir gesandt do gieng er mit jm zu de kaiser. Do sprach 8 kaiser zu jm. du solt de abgötern opffern. daz wolt er nit tün. dz thet de kaiser zorn. vñ hieß jm hend vñd füß binden. vñ hieß jm mit eysen riglen schlagen. Do sprach sant Sauianus. mach der peyn mer ob du magst. do hieß er jm mitn auf die strass auf ain banc binden. vñd hieß holz auff jm legen. vñ feur darund machen. vñ do das feur brennen wurde. hieß der kaiser öl darein gießen. dz sein marter deßer grösser würd. Darnach sahe der kaiser das sauianus mitten jm feur stünd vñ betet. do viel 8 kaiser vor wunder nydet für sich vñ stünd widerüb auff. vñ sprach zu de hailigen. Du vngeheures thier hast du nit genüg an de seen die du betrogē hast. du woltest auch mitt deiner zauberey vns betrüge. Do sprach sant sauianus. es sind noch vil selen von mir die ge

laubig sollen werden vnd du selbst auch. do schalt er vor zorn den namen unsers lieben herren Jesu cristi. an dem anderen tage hieß er in an ain saul binden. vnd hieß mit pfeilen zu ihm schiessen. do was der allmechtig got mit ihm. vnnnd halfte ihm das die übersich auff in die lufft füren. vnd theten ihm keinen schaden. Do came der kaiser zu ihm vnd sprach Sauiane wo ist dein got vñ herr der kün vnd erlöse dich von dem geschosse. zehand do kam ain pfeil vnd für den kaiser in ain aug. dz er daruon erblindet. do ward der kaiser gar ser zornig. vnnnd hieß ihn in ainen kercker legen. Des andern tages do hieß er sant Sauiano sein hailigs haubte abschlahen. do bat sant Sauianus den allmechtigen ewigen got mit grosser andacht das er ihm hulff dz er an die stat kame da er würd getaufft. zehand do brachen die band darin er gefangen lag. vnd stünde die thür offen. Do gieng er mitten durch die ritter auß vñ kam an die stat da er getaufft ward. Do hieß ihm der kaiser vast nach eylen. vnnnd hieß ihn selber enthaubten. do eyleten ihm die ritter schnell nach. Vnd do sy sant Sauianus sahe daz sy ihm also nach eyleten. do gieng er auff dem wasser als auff ainem sand. Vnd do die ritter zu ihm füren auff dem wasser. do forchten sy sich vñ getorsten in nit tödten. Do sprach sant Sauianus seyt sicher. vñ schlahent mich zu tod. vnd wenn ich gestirbe. so nement meines blüts vnd bringent es

dem kaiser das er seine augen damit bestreich. so wirt er gesehendt vnd wirt die krafft gottes erkennen. do schlug man ihm sein hailiges haubt ab. do für sein sel zu den ewigen freuden. Do nam sant Sauianus sein haubt in sein hend vñ trug es von der stat in ain andere stat da er liegen wolt fünffzig schrit. do begrubent ihn die cristen menschen mit grosser andacht. do bracht man dem kaiser seines blüts. vnnnd man bestrich ihm seine augen damit. do ward er zehand gesehendt. vnd sprach. warlich der cristen got ist groß vñ gewaltig vnd gut vnd dancket gott vnd sant Sauianus der genaden. ¶ Do höret ain juncfraw das der kaiser von dem blut gesehendt was worden. die was auch zwölff jar blind gewesen. vnnnd sy hieß sich auch an die stat füren. vñ ruffte sant Sauiano mit grossem ernst an. do warde sy wol gesehendt. Vnnnd dancket got dem allmechtigen. vnd dem lieben hailigen der genaden. vnnnd sy sagt das zachen überal. sant Sauianus ist gemartert worden do man zalt von cristu geburt zwölff hundert vñ sibenzig jar in dem monat februario. Vnn helff vns sant Sauianus d hailig martirer auch vñ got den allmechtigen erwerbē das ewig leben. Des helff vns gott der vatter vnd der sun vnd der haylig gaisst Amen.

¶ Von sant Valentin.



Sant Valentein was ain crist vnd het got lieb mitt grossem fleis vnnnd dienet jm mit ernst tag vnnnd nacht. mit beten vasten wachē vnd mit vil gūter ũbung. vnd was ain frum̃er andechtiger p̃riester. Zū dē zeyten do was Claubias kaiser der āchtet die cristen gar ser. vñ vienge vnd tōdtet sy wo er sy an kame. Er hort vō sant Valentein daz er auch ain crist wār. das thet jm zorn. vñ hieß jn für jn bringen vnnnd sprach. Warūb gelaubst du an cristū d dir nit helfen mag. Du solt den abgōt tern dienen. vñ die anbeten. dauon gewiñest du grof eer vnd nutz. do sprach sant Valentein. Wistest du das mein got dē gāb die an jn glauben vñ jn liebhabē. du liessest die abgōter vñ glaubtest an meinen gott dann er gibt vns eer vnd freud. do sprach des kaisers herrē ainer zū jm valentein mainst du dz vnser gōter

die eer vnd gūt vermāgē so hast du war. Do sprach er. nain ich waif kain eer vō jn zū sagen. Sy waren menschē als wir. sy trügen neid vñ haß im hertzen vnd müsten sterben vnd sind vñ sünd gen hell gefaren darinn werden sy ewigklichen gepeiniget. Do ward d kaiser zornig vnd sprach. sag mir ist cristus war er gott wie ist dem das ich es nit waif. do sprach sant valentein. Ja auf mein aid cristus ist d war gott dieneſt du jm vñ gelaubest an in so zer geet dein reich nym̃er. vnd wirt dir nach disem leben das ewig lebē. do sprach d kaiser zū dē rōmern hōrt all sein red ist gewis. Do wurden die fürsten zornig vñ sprachen zū dē kaiser. Bist du auch bekert vñ glau best an d cristen got vns haben vnser eltern von kindthait auff ainen glauben geleeret den sōllen wir behalten. Do beualhe man sant valentein ain fürsten d legt jn gefangen das laid er gedultlich. vñ het got in sein hertze. do was ain jūckfraw da die was ains fürstē tochter die was blind das was jrē vater layd do sprach der fürste. Valentein du hast vns oft gesaget vō cristo der sey das war licht. vnd thue seinen freundē vil gnadē mag er die augen mein kind wider entzünden. so wil ich dir volgen vñ will an cristū glauben. vnd will mich tauffen lassen. des warde sant Valentein gar fro. vnnnd sprach sein gebet mit andacht zū got dem herren. do warde der juckfrawē zwai schōne augen

S. Valentin macht ein blinde sehend

Do ließ sich der fünfft tauffen vnd alles sein gefind. lobten vnd eerten got den allmechtigen vñ dancketen im seiner gnaden. ¶ Es was ains mals ain man zū Rom 8 künde auß der massen vil kunst vnd was dar zū ain weyser vernünfftiger mane. der het ainē sun der hieß Sinceron der was dreü ganze jar siech gewesen vnd künde vñnd mocht im kein artzet gehelffen. do kam der haylig sant Valentein. do bat in der man mit grossem fleiß vñ ernst daz er im seinen sun gesund macht so wölter er sich lassen tauffen vñ wölt ain cristen mensch werde. do sprach sant Valentein sein gebete mitt grossem ernst vñ andacht zū got dē allmechtigen. do kam ain liecht in der nachte von gott das leuchtet wie 8 sunnen schein. do warde der siech gesundt von aller seiner krankhayte. vnd sant Valentein gab in seinem vater vnd mütter wider do wurde sy auß der massen fro. vnd danckten got dem allmechtigen seiner gnaden vnd sant Valentein. vñ vatter vnd mütter vnd alles sein haufgefind ließ sich tauffen vnd gelaubten an vnsern lieben herren Jesum cristum der warer got vñ mensch ist. Do ward dē kaiser gesagt. daz sant valentein so vil mensche bekert hett do ward 8 kaiser zornig. vnd hieße sant valentein mit stecken schlahen dz im die seel auß gieng. do für sein sel zū den ewigē freuden. Nun helff vns sant Valentein auch erwerbe das ewig leben Amen.



¶ Sant Juliana die hailig juncē frau ist geborn von edlē geschlecht sy was schön vñ weiß. vñ was ain cristen vñ het got lieb vñ dienet im mit grossem fleiß. mit beten. vassen wachen. vñ mit vil and gütter übung. vñ gab vil durch got. vnd begrüb die todte cristen. Zū den zeiten was Maximianus kaiser. vñ achtet die cristen seer. wan sy was ain haidin. vnd jr vater was auch ain hayd. aber juliana was ain cristin vñ hielt die gebot gots. do sy zū jrē tagen kam. do gelobt sy jr vater ainem fürsten 8 hieß elogius. der was auch ain haid. vñ als die juncē frau hörte das man sy hin gelobt het. do sprach sy zū jrē gemahel. ich bin ain cristin. wilt du das ich dich nem so laß dich tauffen. vnd glaub an cristen. so wil ich dir tūn was du wilt wilt du aber das nitt thūn. so will

Van

sant

ich dein nit. Vn do 8 fürst das hort
do erschrack er gar ser. vnd er saget
jrē vater wie sy het geredt. dz was
jrem vater laid dz sy ain cristē was
vñ vermainet er wolt sy mit güttrē
worten überredē vñ sprach zū jr. sy
solt den abgöttern opffern. so het sy
grossen reichumb wunn vnd eere
bis an jr end vnd hett grosse freud
auff erden vnd wurde all jr freünd
vō jr geert Wolt sy aber jren glau-
ben nit lassen. so würd sy ser versch-
mecht. vnd müst vil darumb leiden
vnd sprach sy solt gelaubē als jr vor-
dern glaubt hetten. tāt sy daz nit. so
wurd sy jr sel verlieren. auch so scho-
net man jres adels nit man tödt sy
darüb. Auch betrübest du mich vñ
dein müter seer. vñ versündest dich
damitt an vnnß. das du ewigklich
verloren bist. vnd hast vnser göter
zoren. darüb volge mir vnd deiner
müter. als lieb wir dir seien. darna-
ch sprach sant Juliana zū jrē vater
du solt nit gedencen. das ich mein
sel verlieren wöll durch dein willen
vñ meinen freündē eer kauffen dar-
umb mein sel ewigklich gepeyniget
wurd. darüb will ich der welt rei-
chait nit nemē für die kron. 8 ewig
kait die allen cristen von got berait
ist. vñnd die ewig freud die nymē
zergeet. Vñ wer eüern götern die-
net der ist verlorn. wan sy vermü-
gent kain güt. darüb solt du lieber
vater an meinen got glauben. der
gibt dir nach disem lebē das ewig
leben. die rede thet jrem vatter gar
zorn. das er sy von jrem gelaubē nitt

iuliana

bringē mocht. vñ schlug sy gar seer
dannocht was sy stat an got Vnd
do er sahe das er sy von jrem glau-
ben nit bringen mocht. do antwurt
er sy jrē preütigā. vnd sprach zū jm.
Ich hab dir gelobt mein tochter die
spotet vnser göter. darüb nim sy zū
dir vñ bring sy mit lieb oð laid dar-
von. Do füret er die juncfrawē in
sein hauß. vnd sprach zū jr Juliana
laß deinen glauben vñ volg deinen
freünden. so will ich dir thun was
dir lieb ist. do sprach sy. Du solt an
cristū glauben so will ich dir gehor-
sam sein. tust du das nit. so will ich
dich zū kainem gemahel haben. vñ
will vñ meinen glauben genesen
oð sterben wie got will. Do sprach
er wirt der kaiser innen das ich an
dein cristum gelaub. er ertödt mich
zuhand. sprach Juliana. fürchtest
du den kaiser. der ain tödtlich man
ist. so solt du mir nit fürübel haben
das ich auch den vntödtlichen got
fürcht. der ain kaiser ist aller kaiser
vnd der des himels vñ der erden ge-
waltig ist. vñ des reich nymē zer-
geet den will ich lieb haben. vñ wil
sein nit verlaugnen. darüb thū mir
wz du wilt. dein lieb ist gar verlorn
do ward er zornig vñ hieß die juncf-
rawē nacket abziehen. vnd hieß sy
bey den zöpfen auf hencken. vñ mit
gerten schlahē das das blüt von jr
ran. das laid sy alles gedultigliche
vñ so sy ye vester geschlagen ward
so sy ye stäter was an got. darnach
do hieß er jr wallendes pley auff jr
haubt gießen. do halff jr got daz jr

die hitz nit schadet. daz thet jm zorn
vñ hieß sy in den kercker legen. vñ
verschmidet sy mit banden. des ley-
dens was sy fro. vñ dancket gott
tag vñ nacht. vñ bettet mit grosser
andacht. do kam der böß gaist zū jr
vñ sprach. Juliana du solt fro sein
wan ich bin ain engel. vñ hat mich
got zū dir gesant. vñ hat dir em-
boren ee du dich tödten lasset. so sol-
test ee den abgöttern opfern. do wai-
net sy vñ jr hertz ward ir schwach
vñ sprach. O wee herz got soll ich
den abgöttern opffern vñ sol zū ge-
spöt werden. vñ zweiflet ob er ain
engel wär. vñ bat got das er sy be-
hüt vñ sy nit zū gespöt ließ werdñ
vñ das er ir züerkennen gāb ob di-
ser bot sein bot wär. Nach dem als
die hailig jüekfraw ir gebet sprach
do sprach ain stymm von got zū ir.
Wilt du wissen wer der bot sey. so
greiff in manlich an. vñ zwing in
daz er dir sag was er wöll vñ wer
er sey. do griff sy in mit bayden hen-
den an. vñ drückt in an die erdñ vñ
sprach. Sag mir was du wöllest.
od wer du seyst. vñ zuhand vielen
ab ir die ketten damit sy gebunden
was. Do sprach der böß veind. far-
schon gute magt. ich bin ain böser
gaist. vñ hat mich mein maister her-
gesant das ich dich sol verraten. do
sprach sy wer ist dein maister. er sp-
rach beelzebub vnser fürst. vñ wen
wir von eüch cristen überwunden
werden. so schlecht er vns gar seer
daz hab ich gewiß. do sprach Julia-
na sag mir wen ir die cristen aller-

maist fliehñ. do sprach er. wen man
mef hat. die bringt den cristen güt-
ten wücher. vñ zū der predig auch
da gewynnen sy reu über ir sünde.
Darnach band sy den bösen veinde
mit ketten die gefallen waren ab ir.
daz er nit zū ir kōmen mocht. do ver-
lor er sein krafft vñ was jm laid do
band sy jm die hend auff den rucken
vñ schlug in mit ketten die knepf het-
ten. do schry der böß veind vñ bat
sy daz sy in ledig ließ vñ sprach Laß
mich daz mich die mensche nit sehen
durch den hohñ got wan mir mag
nit layders geschehen. do sprach sy
warüb seyt jr vns cristen so veind.
do sprach d böß veind. darüb daz ir
die stat sölt besitzñ daruon wir ver-
lossen seyen. vñ das wir die selen
verliern von eüerm glauben die vn-
ser solñ sein. vñ do er also mit ir ge-
redt het do gieng d tag aus. vñ sen-
det der richter nach d juncfrawen
vñ wolt sy tödten vñ do man den
kercker auff thet do het sy den bösen
veind an gebundñ. vñ do in die hai-
den sahen. do erschracken sy ser vñ
fluchen. vñ vorchten sy müsten ster-
ben von seim greülichen angesicht.
vñ heten nahent ir sinn verlorn. dar-
nach nam Juliana den bösen gayst
vñ fñrt in mit ir auß dem kercker.
vñ sprach zū den haiden. secht das
ist eüer abgot an den gelaubt ir. vñ
dem dient ir. der mag jm selbs nit
helffen. daz was jm laid vñ wär ge-
ren geflohen vñ sprach. Ja fraw
man spricht ir cristen seyt barmher-
zig. daz erzaigst du an mir nit wan

Anton sanct

du bist mir gar hört. was er sy bat so wolt sy in danocht nit lassen. vñ fñret in mit jr auf den marckt. vñ nnd warf in in ain hñle. do floh er wai nent vñ jr vñd schri das alles volck erschrack. vñ verschwand mit den bandē. Do fñret man sy für gericht vñ der richter sprach zñ jr. wilt du deinen glauben nit lassen so müst du sterbē. do sprach sy. ich will mei nes gotz nit verlaugnen darñb thñ mit mir was du wilt. do hieß er ain greñlichs rad machen daz was mit scharpfen scharfachsē durchschlagñ darcin satz man die juncckfraw. vñ trib ainer daz rad vñ. do durchsch nit es jr allen jren leib vñ zerret jr dz flaisch ab bis auff das gebain. das vñ jr floß das blñt. Do rñfft sy got an vñd bat in das er alle die durch jrē willen vñ durch sein gñte bekert die vñ sy stñnden. vñd bat in auch das er jr zehilff kñme in jrem leiden do erhört sy got. vñd sendet jr ainen engel der zerprach das rad. vñ wo jr leib wundt was. do ward sy hail vñd do man das wunder sahe. do sprach man. Es ist nur ain got dar an Juliana gelaubt vñd sprachen. Got hat als vil wunder mitt Der juncckfrawē getan das wir erkenen sein gñte vñ wñllen an in glauben was wir darñd leiden müssen das wñllen wir gern thñ. vñd ließent sich vil mensche tauffen. das ward dem fñrsten gesagt. ð ward zornig vñ hieß sy all vñhen mañ vñd fra wen. der waren mer dan zwaihun dert vñ sprach zñ in. Wñlten sy die

Juliana

abgöter nit anbetē. so wñlt er sy all tödten. do sprachen sy. sy wñlten an cristñ glauben. do hieß er sy all töd ten. do fñren jr selen zñ den ewigen freñden. Nach dem hieß ð fñrst ain glñenden ofen machen. vñ setzt die juncckfrawē darcin. do rñfft sy got mit andacht an. vñ bat in das er jr zñ hilff kñm. do sendet er jr ainen en gel der macht jr ainen kñlen winde vñ kñlet den wind in dē ofen das je nie kñin laid geschache. do warde sy fro vñd dancket got seiner genaden do bran der fñrst vor zorn vñd hieß wallendes bley in ain kessel machñ vñd setzet Julianā darcin. do was got mit jr in ð hitz. vñd halff jr daz sy darinn saß als in ain kñlen taw vñ das bley schoß auß dē kessel auff alle die. die des kessels pflagen. vñd verprennet sy das sy all sturben. do der fñrst das sahe. vñ das die juncck fraw gesund was. do flñcht er sei nen götern vor grñnigkait vñd spr ach. wie sind vnser göter so ser ver zagt. das sy die juncckfrawē nit kñn den tödtē die doch gar wider sy ist. vñ gebot vor zorn das man sy ent haubt. vñ die weil man sy über den marckt fñret. do kñm der böß gayst neben sy in aines engels gestalt der vor bey jr in dē kercker was gewe sen vñ raizet die menschen ser auff julianā vñd sprach. jr sñlt nit schon nen. wañ sy hat vnser götter ser ge spott. das sñlt jr an jr rechen. vñ die weil er daz sprach. do sahe die juncck fraw auff vñd wolt sehen wer da wñr der auß jren schadē also redet

Secht do kame der böß gaist auff in die lufft. vñ sprach. O wee das sy mich nit begreiff als vor vñnd schlahe als sy mich vor geschlagen hat vñ do sy an die stat kam. do man sy enthaubtē wolt. do sprach sy jr gebet zū got vñ beualhe jm jr seel mit grossen ernst. Do schlug man jr ir haubt ab. do gab jr got 8 keüschait kron zū lon die sy mit freüden ewig klichen tregt. do kament die cristen vñd begräben jren hailigen leichnā mit andacht zū ainē wasser von dē mōr ain meil. Vñ bald darnach do wolt der fürst mitt dreissig manen über mōr faren. do gieng das schif vñd vñ ertruncken all. do schwam der fürst über sich vñ zerissen in die vōgel vñ die thier. vñd für sein seel in die hell. das het er alles an 8 hailigen juncckfrawen verdient. ¶ Ihesus cristus 8 ain kron ist vñ haift aler juncckfrawen. als er spricht in dē ewangelio Mathei. Die weysen juncckfrawē namen ol in ire vāslin mit jrē ampeln. wañ ich vnwürdiger prediger soll loben die achtbern hochgelobten juncckfrawē rainikait vñ besunß die vñ jr juncckfreüliche keüschait vmb jrs lieben gesponsen jesu cristi willen geliten haben. Als juliana. Agnes vñd sant katherina So sprich ich daz die zarten keüschē juncckfrawen über alle maß lobes wert sind das sy so klüge gegen in selber sind vñd vernünfftig gegen jrē gesponsen cristo. vñd so fürsichtig gegen jrē neben cristen menschn gewesen sind in allē jrem leben. dar

umb sy haissen wöllē vor den augē gotes die weissen juncckfrawen. die das ol der vñschuldigen vñ der vñ strāflichē gewissen tragē in so krankē fāßlin jrs jungen keüschē lebens haben mit den ampeln ains gürten ebenbilds. daz ich mich wol scheme müß meins lebens. vñ ain yegklich torothe juncckfraw die geren hören vñ lösen oft mitt dē hailigen leben sant katherinen samnt Agnesen vñd sant Julianā jesu christi gesponsen weishait ligt an den dreien tugenden die wol mit erst bedencken. vñ bewainent jr thorotz leben. daz and wol zū erkenen ist vñ sich behüt in dē armen sorgklichē leben. das dritt wil ich vor fürsehen vñd stat farn zū dem künfftigen leben. vñd darüb hat gestrafft moyses die thoroten juncckfrawen die 8 dreier tugent nit haben. do er sprach. Es ist ain volck on rat vñ on gelückhait. vñd wölt got dz sy schwencken vñ bewaineten jr thorotz vergangens leben vñ verständen die gegenwertigē boßhait der welt vñ fürsehen sich weißlich zū jren letsten zeiten. da wil ich die vögenanten klügheit aller hayligē juncckfrawen schreibē mit dreien thierlin. die ich auß 8 hailigen geschriffst hab vñ die man lobt durch die vögenantē klügheit. Das erst die nater. von der sprach vnser herre zū seinē jungern. als Matheus schreibet am zehendē capitel. Ir söllent klüg sein als die nater. Das ander ist der han von dē schreibet Job am xxxviij. capitel. Wer hat dem hanē

Von sant

geben die verstanthait. Das drit ist die amais. von 8 spricht Salomō in dē büch der sprüch an dem sechs-ten capitel. Gee du träger mēsch zū der amais vnd lerne vonn jr die weishait. hab auffsehen auf jr weg Ihesus spricht. Seydt klüg als die nater die hatt die ersten klügheyte wenn sy empfindet das jr haut alt wirt vnd sy beschwärt. so wirt sy vnlustig zū essen. vñ darüb hebt sy an zū vasten manigen tag. nach dē sücht sy enge löcher vnd den stainen durch die dringet sy sich also lange biß sy jr haut abzeüchte. Darnach wechsyt jr ain andere haut. vñnd sy wirt von neuē lustig vñ jung. Also leget das Augustinus auß in seiner regel zū seinē brüdern in 8 wüste. also sollen wir vnser alte haut. das ist vnser altes leben mit vasten vñ ke-figunge abziehen durch die fünff wunden cristi. Also hat gethan ma-ria magdalena vnd sant juliana. sy wolt volgen irem vatter. der het sy geben dē grossen gewaltigen mann zū der ee. vñnd das verdienen der fünff wunden ihesu cristi den erwöllet sy zū ainem warē gesponsen. vñ ließ iren zarten leichnam mitt iren zöpfen anhencken. vnd mit gerten schlagen ainen ganzē tag. vnd dar-nach mit wallendem pley giessen das sy verunraint ward. vnd gar ain neuē gespons Cristi. Die natter hat die andern natur das sy gift tregt in dem mund. also wen sy yemand will belaidigen das sy sich gewōn- mūg. vnd macht dan ainen bogen

Juliana

vnd spant vnd scheüß. darumb ge-leicht sich cristus zū ainer schlang an dem hailigen kreütz do er spricht recht als moyses erhöht dē schlang en in der wüste. also muß erhaben werden des menschen kindt. So sp-richt Isidorus. moyses nater was gegossen vno ertz vnd hat wol die gestalt 8 nater. aber nicht die giftt Also was Cristus gleich zwischen zwaiē mordern. als ain sündler. der doch spricht sant peter. Eain sünde nie getan hat. noch Eain falscher list in seinem mund fundē. Also soll ain keüsches juncckfreüliches hertz in sei-ner anfechtung sich halten als die nater vñ die gift in gedechtnus der schmachait der marter jrs gesponsen cristi. der durch iren willē gelit-ten hat. das sy soll widersteen allen weltlichē sachen teüflischer leiplich er anfechtüg vnd soll 8 gesigen. vñ recht als die nater alle gelider tödt ee sy verleüßt jr haubt. für das gibt sy iren leib. Also soll sy sich ee tödten lassen vñ jr leben verliren ee ain zar-ter gespons verlür iren gesponsen. Also hat getan sant Juliana. sy ließ sich mit ainer keten binden vñ in ay-nen vinstern kercker legē. do erschin jr der böß veind in aines manns ge-stalt vñ wolt sy betriegen. vnd hieß sy opfern. do gab jr cristus jr lieber gespons die tugēt die er wenig kay-ner juncckfrawen gegeben hat sy sei-dan sein besundere braut. dabey so mag man erkenen die list des teüfels wan sein. stym kam. vñ sprach julia-na nym vnd greyß an den mag. es

ist der böß veind & will dich betrieg-
gen. vñ bind in vnd frag in wer er
sey. vñ warüb er her kōmen sey. vil
keüsch juncfrawen betrügt & böß
veind die also die genad & beschay-
denhait nit haben. Vnd das wäre
nit ain groß wūder vō dē juncfra-
wen. Es werden groß hailig lerer
offt von in betrogē. als Ciprianus
schreybt. als sant Paulus schreybt
Got gibt manigerlay genad mani-
gen menschen. so ist doch vñ allen
genadē die beschaidenhait ain gōt-
lich genad vñ die aller grōßt. wān
die hayßt gott im ewangelio ainen
züg. vñ ain lucern des leichnās vn-
sers wercks. vñ ist ain laiter in vn-
sers lebens die hayßt der rat. darüb
spricht Salomon kind on rat soltu
nichts thū. darumb ist es nicht ain
wunder ob ain hailige juncfrawe
vol ist aller tugent. das sy danocht
der böß veind betreügt. wēn sy nitt
den rat hat. vnd hat yetz erfarn sp-
richt Cyprianus. wie groß haylig-
mensche geuallen sind. vñ ain haili-
ges lebē haben angefangen. vñ ha-
ben daz geendet mit böser begirlich-
er boßhait. vnd neulich hab ich daz
gesehen vnd erfarn an ainem hayli-
gen vater vñ abt ains klostere den
ich erkennt hab: O wie vil schöner
juncfrawen hab ich armer sūnder
erfarn die & böß veind schemlich ge-
felt gat. vñ vngehört groß schand
Etliche ist erschinen mitt vnrichti-
ger falscher lieb. sūnderliche gayst-
lichen mānen. etliche mit übergroß-
er haimlichait. vñ nun all zū vil ge-

trawen mit zū geent. vnd mitt allem
besitzē. mit liebnuß sendē. mit hochē
dienen. betten. wachen. ratfragen.
Etlichen mit den schönen klaidern
etliche mit vil laden. lachē. sehen. re-
den. mit den weltlichen mannen biß
das stro prenen wirt. O sy hettē nit
die stym die sant Juliana het. sy be-
trogē die nater vñ die schlangē als
Augustinus schreibt zū sein brüder
Als die feldmauß betreügt die sch-
langen wēn sy sicht daz sy vñ jrer
domheck in jre loch ist. so steigt sy
oben über dz loch. vñ mit jrem sch-
wanz macht sy vor dem loch ainen
schatē. so wānt sy es sey ain tier daz
tod sey. vñ hebt den kopff über sich
mit dē giffte so beißt jr die feldmauß
oben den kopff ab. Got wie oft wi-
derfert daz den rainen juncfrawē
die zū vil getrawen. vnd sich doch
klüg duncken. vñ mainen den bösen
veind zū betriegē. so sy ain juncfrewē
liche kron verdienē wōllen grōßer
dān die andern. die sich hūten. vnd
verbergē wo sy hin mūgē vor welt-
licher freūd vñ eer. so nemen die die
also klüg wōllen sein als groß offen-
übung mitt ander besunder weyse
vñ nemen das über nyemantz rate
so sind sy nun geren in jren löchern
dz ist in jre stülē gar andechtighlich
wainent so steigt die feldmauß vñ
nympt was oben in dē lufft die tei-
fel vol noch mer dann des gestüp-
pes in der sunnen schein. vñ macht
ainen schaten vor jrem loch in dem
sy pflegen jr andachte nach dem er
vor erkennet war. zū jrer nature ist

Von sant

genaiget. als Augustinus schreibt. Das er ainē yeglichen ansicht nach dem vñ er sein natur erkennt darzū sy genaigt ist zūm loch der mensche etlich zū schönē mañen. etlich zū schönē klaidern. zū lachen. tanzē lang schlaffen. darnach machet er mit seinem schwantz ainen grossen langen klainen schmalen oder breiten schatten das dann ain soliche thorote gespons wirt jr getrawen vñ sich erlusten. vnd auch lieb gewinnen zū den obgenanten dingē. sy steen nitt forchtsam. vnd halten sich in jrē teüschē leben vñ nit forchtsam sind die vsach der sünd der mañ d̄ wollustfart. der stet. der zeit allenthalben ye baß sy sich naigen zū den obgenanten lüsten. so sy den werden aufgericht gantz vñ vil vmbsehen. vñ vergessent. der giffet der klag t̄glichen über jr sünd. vñ wollen in dan̄ gar gütlichen tūn. vñ sūchen ainē gūten mūt vñ jr krafft widerprügen. vnd lang schlaffen. durch der augen vñ haubts willen fürbaß sölten vastē vnd für das cicilium ain wayches hembd. Also ist nun die welt mauß vñ stund d̄ vnd schneidet dir ab deinen halß. Item christū nimpt er jr mit seinen gnaden das etlichen jr liebe vermischet die sel etlich vermailigen die mit falscher liebe vmbgehen. etlich betrübt er sy jr leiblich reinigkait vñ mūt vor dē sy sich allermaist wissen zū hūten. das sy zū schanden aller welt wirt. vnd spricht Gregorius über das buch job. wōliche juncfraw hoffsertig ist. der ist

Juliana

not d̄ sy vall in offenbar sünd. d̄ vnkeüsch vñ daz sy sich müssen diemütigē die sunst mit jrer verborgē hofsart verdampft müßt sein. des was sant Juliana überhaben. dan̄ sy erkant von stund die natern den teüfel. vñ nam in vñ trat in vñ d̄ jr fūß vñ zwang in das er jr müßt sagen wer er wār vñ wer in her gesendet het. do sprach d̄ böß veind. er wāre ain zūbringer aller morderey. des ebrechens vnd aller vnkeüschait. vñ d̄ adam vñ euam hat betrogen vñ sy auß dē paradies bracht hat: vnd wie er het gemacht das Cayn seinē brūd̄ abel ermürdet het. vnd dē hailigen Job het genomen als sein zeitlichs gūt. vnd het in geschlagen d̄ vñ d̄ versen biß in die schaitel nichts gantz belib noch gesundt. vnd auch wie er das volck d̄ juden in der wūsten darzū het bracht daz sy d̄ kalb anbetten. vñ den hailigen Isaiā het seggen lassen mit ainer hülzin seggen von ainand. vnd die dreü kindlin in den glüenden ofen vñ nabuchodonosor. vñ das herodes müßt lassen tödten alle die kindlin zū bethleē die da waren. den hailigen steffanum verstainē lassen. das Nero petrum vnd paulum hat lassen tödten. das hab ich alles zū wegē brachte. auch zwange sy in das er jr müßt sagen: wer in doch zū jr gesendet het. Do sprach er es wār sathanas. vñ wie er hieß beelzebub. vnd do sy fraget was sein geschäft wār. do sprach er zū yr. Ich byn ain maister aller boßhayt vnd auch die zeholbringen

sendet vns vnser maister sathanas auß. auch müßt er jr sagen was sy müßten leiden. weñ sy von den cristen wurden überwunden gar über grosse straffung die er vns anlegt mit pein vnd marter. Auch müßt er jr sagen. in wölcher weis er vns betrüg. do sprach der böß veind: wir sehen eüch wol. aber jr müget vns nit sehen. so wir von eüch werden auß getriben so fliehen wir vnstetigklich das jr vns nit vindt. vnnnd verkünden das vnsern gesellen. die komē mitt jrē vermügen darzü das eüch die sünd liebe. vnd ich sage dir die warhait das ich zü dir bin kommen dz ich dich darzü brächt daz du deines gots verlaugnest vñ betest die abgöter an. vnd also thuen wir allen menschen weñ wir zü in komē so merckē wir warzü er allermayst genaigt ist. vnd wamitt er sich bekümmert. vñ warauff er sein lieb legt vñ blasen jm ein vil gedencck. vñ machen jm irsalen in seinē betrachten das er vor gedencckē nit beten mag Wo wir sehen daz jr gern zü kirchē geet. vñ hört gern predig vnd eüch festigent vnd wölt andechtig sein. so geen wir in eür heüser. vñ lassen eüch kain güt werck tün vñ machen eüch zornig. geizig vnd neidig. also das jr müßt ablassen vnd dahaim beleiben. Aber wenn jr nit ab laßt vnd eüch würdigklich schickt zü dē fronleichnā cristi. oder seit gern bey der meß vñ predig. vnder den weilen künden wir eüch nitt geschaden. Werdt jr aber hernach wider ab-

lassen. so komen wir her wider. vnd machen eüer hertz verbittert. Nun merckt liebe kind. aber jesus cristus der ain fron haift. vñ ist allen juncckfrawē nicht vor andern seligen menschen die juncckfrawē ranigkait nitt lieb haben. so d grosse gnad gibt über er sein veind das er vor warlichen lang julianā vnd allen rainen juncckfrawen. vñ marie züuor verhaissen hat. do er flucht der schlangē vnd sy sprach. sy wirt dir zerreibē dein haubte mit dē füßen. vnd merckt wie hie ain haubt junge zarte juncckfrau kläger ist dan die schlange. die da klüg ist über andere tier. Also sölt jr auch klüg werdē als die schlang ist. das jr nit mügt kläger werden. od wölent jr wissen wie sant. Juliana vñ alle juncckfrawē sind also klüg worden. sy schreibt jr leben wie sy in der ansechtung des sichtigen teüfels jr augen auff warff zü got vnd mit wainendē seüßgen des hertzen. vñ betet also zü jrē gesponsen jesu cristo. O mein got vnd mein herz. ain schöpffer himels vnnnd erden. Eya nun verlasse mich nit. wann ich bin dein vnwürdige diern laß mich nitt verderbē. gib mir sterck vnd weisheit in deinē hailigen namen. vñ beweiß mir wer er sey der mich betrügen will. Do antwort jr got d here Juliana hab ain gantz getrawē zü mir ich verlaß dich nit. Secht also sölt jr auch thün in ewer stäten andacht. vñ cristo wolgetrawē in aller eüer ansechtüg. vñ auch vor jm zermal sere diemüttigen in auch er

Von laut

manen seins süßen namen. vñ seine bittern marter vñ seines bittern todes. so werdent ir auch die klügen junckfrawen. vñ klüger dan die natur. vnd allermayst so ir euer altes sundigs leben bewainent in getrawen er hab üch die vergeben wan als Gregorius spricht ain grossen genadreichen spruch in dem priester vnd wolt vns got vnser sund nitt vergeben er gab vns nymmer daz wir sy gedencen möchten. cristi gespons sol zu dem andern mal klüg werden als der han der haist Gallus vnd das sol sein. sprich ich mit der verstendigkeit zu ainer hüt in diser gegenwärtigen zeit vor aller ansechtung pein vñ jamer die wir täglich müssen leyden in der vns die bösen gaist in all weg ir strick gelegt haben spricht augustinus in dem buch der liebhosung. Wir essen. wir trincken. wir schlaffen od wachen es sey im beth od auff straf. in der kirchen bey den menschen. oder allain so sey wir niendert vor inn sicher. als got sant Anthonio offenbaret das die welt vol strick war. vnd do er wainet vñ fragt wer den stricke möcht entriuen. do sprach vnser herr. allain die die ains demütigen hertzen sind darüß hat der han die natur spricht gregorius über daz buch job das er kräet vñ weiset aygenlich all wandlung aller zeyt tag vnd nacht. vnd wen sich das wetter verkeren will vñ wen die nacht allertieffest ist. ye leichter er kräet. vñ ye näher es gen dem tag ist ye manlicher vñ öfter

iuliana

er singt. Vñ leret vns vñ alle menschen wie sy sich sollen vernünfftiglich halten in diser sundigen welt. wollen sy nit betrogen werden. Sy sollen mit irem hailign leben so kreftiglich leuchten in aller hailign ebenbild. wa sy sich hin od her keren mer mit den wercken dan mit den Worten singen vnd kräen dan maniger prediger mit vil schön Worten. sant Augustin spricht in dem buch der junckfrawen. das sy etwas groß lo-nes haben in ewigkeit. die yetz in diser zeit in irn flaisch mer rainigkeit haben. wan got hat in dem ewign leben etwa vil mer dan andern hailigen bereit ewiger eren den hie nit benügt das sy seind ledig aller tod-sünd. sunder daz sy sich darzu verloben vñ verbinden zu behaltē ewige rainigkeit. darüß all selig menschen beweisen genad cristo vnd geen im nach wa er hin geet doch nit all stetmügen sy im nach geen. vnd im singen ain besunders gesang. vnd ain besunderlichs klaid als die keüschē vnschuldigen junckfrawen. Darumb spricht Jeronimus. ir lebē sey ain englisch leben das sy also führen In irē flaisch keüsch leben on flaisch damit sy thünd als die hauf hanen die da vor schlahen mit baiden fet-tichen vnd kräen darnach. das mit baidē leib vñ hertz führen vñ geführt habē in keüschem lebē wen sy gsterben so singē vñ kräen sy got zu lob den lobgesang den johānes gehört hat in dem buch der offenbarung. Ain seggen. ain eere. ain dancken. ain

lob ain klarthait. ain sterck. ain kraft
 ain hayl. ain sälligkait. vñ das ewig
 reich vñ das kräen tünd sy yelenger
 ye frölicher. ye tieffer die andacht &
 ansechtung ist. got hat das gethan
 vñ leret daz er in allen seim lebñ bis
 an sein letzte zeit nie kain gütten tag
 gewan. vñ doch alle seine wortt.
 werck. predig vñ wunder hat er ge
 tan zū lob seim hymelischen vatter.
 bis er starb am hayligen kreütz. also
 weñ ain selger mensch ye mer er got
 lobt ye mer er ansechtüg hat so tüt
 er recht als & haupphan. so er ye tum
 merlicher singet so ist die nacht ye
 tieffer. auch als der han waist alle
 zeyt vmb verwandlung des wet
 ters vñ verkündet es mit seinem ge
 sang. also thüt ain raines hertz das
 erkent wol wie es sich soll hal en in
 aller ansechtüg von wem vñ wan
 nen sy kompt. vñ es thüt das auch
 allain nit sund ander menschen dar
 nach warnet. also habñ wir ain be
 wärung von allen hailgen die bey
 got seind wie sy von got die genad
 haben weñ der teüfel. die welt oder
 das vnrain flaysch sy ansicht mitt
 vnküschait. so kerend sy den mantel
 wa her der wind gat vñ fliehen
 mit dem hailigen ioseph. vñ liessen
 in den mantel vñ leichnam tödten
 ee sy jr rainigkait verluren Also hat
 getan Juliana die gespons Christi
 die jr vatter vñ mütter vermehelt
 hond dem fürsten zu rom der jr gar
 grosse gnad het vñ jr lang gebeit
 het. Sprach sy Ich will dein sich er
 nit du werdest dan ain Crist. Hör

nun wie so gar ain wolgethanes
 juncckfreülin kräet vñ singet als ain
 haupphan aller welt. wie valsch die
 lieb weltlicher mann sey. wie sy gar
 verschmächlichen alle ire list. freüd
 trost. güt. eer vñ gewalt ist. das sy
 lieber wolt haben zū ainem eelichen
 gesponsen Jesum cristū der hie auf
 erd wolt arm sein das er vns reich
 macht vñ wolt gern leyden arbayt
 vñ schmerz das wir mit im in dem
 hymel freüd vñ wun solten haben.
 vñ er wolt vnser krankhait an sich
 nemen vñ mit aller verschmehnus
 wolt er leiden. darum das wir bey
 im möchtñ gewinnen ewige freüd
 vñ eer. Ach wie sällig wären wir
 möchtñ wir vns richten nach dem
 kräen des haupphanen Juliane. Sy
 hat auch alle welt überwunden. vñ
 wandlen vns nach irem gsand als
 sich das wetter wandelt. vñ wer
 den nit ganz vñ gar rain mit ain
 ander vñ keüsch. Es seind dryerlay
 haupphanen. der ain kräet. der ander
 mestet sich. der drit ist ain vergifter
 Der da kräet ist ain hüter der leüt.
 vñ ain fruchtbar man der hennen.
 vñ ist ain wunder das ain han red
 licher regiert dreyszig hennen. dan
 das ain man oft nit mag ain weib
 oder ain juncckfraw recht zū got vñ
 irer sälligkait ziehen. Der and haist
 ain capon vñ nit ain han wan im
 ist außgeschnitten. darumb verliert
 er sein künhait. krafft vñ fruchtber
 kayt. vñnd geet auß vñnd ein recht
 als ain andere henn. das ist nur vn
 derschaid das er faister vñ schöner

Von Sant

auff erde ist dan ain and henn. Der drit haist basiliscus. wan so d han zu alt wirt so spricht man es werd ain schlang darauß. vñ die vergift alles das sy ansicht. das muß sterben. Also sind die juncfrawen war warlich vnd gerecht. die alle menschen sind ain ebenbild vñ raitung zu himelischen vnd keüschem leben. vñ sind regieren vnd fruchtber zu d behütung aller iren eüßern fünff sin jres keüschen rainen leichnams. die kresst aller irer selen die in jesus cristus gegeben hat. jr gedechnuß jre willen. vñ jr verstandenhait. die schicken vñ regiern sy nach de willen gotes. vnd wo sy mügen. ziehen sy die mit die sy dückt geschickt san zu keüschait vñ trösten miltigliche vñ besüchen die armen gelider Jesu cristi als die lieb Juliana vñ die würdig katherina vñ sant Künigund in jrem leben habē getan. darumb recht als ain han oft trit der beinen auff iren hals vnd beist sy so sy im nit will nachuolge als die andern Secht also thet sant Juliana de teüfel. do sy in lang het gefragt do nam sy in vñ band im sein hend hinder seinen rugken vnd warff in auf das erdtrich. vñ nam die keten vñ schlug den teüfel gar hart. aber die cristen vñ die juncfrawen sind capaun de jr lieb jrs hertzen zu cristo jesu ist auß geschniten. Osee der prophet spricht. Als die taub effraim die kain hertz hat Jesum cristum von hertzen geren hören. die haben sy schantlich verlor. dem sy oft ge

iuliana

lobt haben jr keüschait vnd rainigkeit oder besserung jres lebens. vñ als bald sy der böß veind ansicht so sind sy im gehorsam. vnd werdent dan vnuersemmter vnd vnseeliger in allen weltlichen dingen mit tanz en schön zieren. in selber nymmer abrechen vñ verliern jr manlich hertz jr fruchtber andechtige lieb zu got vñ zu jrem nechsten. vnd behalten die mastüg d schweinischen tröber vil wolgewürtzter speiß. vñ güten starcken wein trincken vñ auch vil schöner klaiden vñ klainat vñ träen nicht fürbaß mitt inwendiger schweigender andachte die ain groß geschrei ist vor gotes angesicht als Gregorius spricht. So jr keüschait muß ertrinckē in de feürige wasser der wollust des leibs. vnd jr herzte büß gedult in statem aignē fröliche weltliche willen. jr lange gesamlet war grosse diemütigkeit. in so vil uren höffeln vnd zarthait d welt in der sy sich dan täglichē üben. sy gent wol auß vnd ein mit schön züchtigē wandel die sy vor mit gewonhait her habent bracht. als der han mit sein hennē. aber auß jrm hertzen auß seinē grab ist jesus cristus lang erstandē. spricht Bernhardus. vñ nun in seinen tuchlin gelassen in seiner eüßern hailigkeit. vnser lieber herr jesus cristus verflucht ain n seigenbaum. do er wolt in seinē hunger essen d feigen vnd fande nichts dan bleter. also wirt er zu den thoro tē capaunen sprechē. die künde schöne wort on werck vñ sprechen hört

vns auf so wirt er jnen vor versch
liessen sein himelische tür. vnd wirt
sprechen. Ich kēn euch warlich nitt
so sy hie auff erdtrich nitt krāen als
die capaun. den kamp jrs eüssern ge
berds mitt nider geschlagnē haubt
mit süßen andechtigē Worten die sy
künden von keuschait vñ von allen
tugendē hören sagen vñ singen vñ
vil auff klauen weltlichs lob oder
gaislicher eren. wēn sy dan mit dē
haupthanen kōmen für gericht. vnd
in all ampeln jrs gūten wādels &
wort vñ werck wōllen anzündē so
zerint in des ōls warer hailger lau
trer gewissen. vñ wōllen dan betlen
von den klügē. so antwurtē sy. das
nit euch vñ vns zerinn so geet vnd
kauft von eüern liebkosern vñ se &
klaubern eüer ōle. vñnd hayst euch
den die helfen den jr glaubt vnd
geuolget habent. Darüb wachent
jr klügen vñ krāet vñ saumet euch
nit zū glaubē eürem gesponsen ihe
su cristo. wān jr wißt nit wenn er
wirt kōmen. oð sy sind basilisci die
veraltet sind vñ so gar vergiftt al
ler vnrainigkait. das sy alle die ver
giffen die sy sehen oð mit jnen vñ
geen. vnd die sind nit gesponsen ihe
su cristi. Auch sind ertlich eüren der
vndertan. die sich keret als & win
de wāet. vñ nun dem rechtē han ge
leich sind. Also sind etlich juncfraw
en vñ falsch criste spricht Grego
rius. die wüste sind in allē jrē leben
lobt man sy so übernemē sy sich des
redet man in nach. so werden sy vn
dultig. recht als der wind wāet der

anfechtung. also kēren sy jr gemüte
vor dē mensche züchtig vor dē welt
lichen vnuerschemige. Der ist wol
ain thor & sich wil richten oð regierē
nach so gethanen. wetterhanen die
gleichfnerin sind. Von den schreibt
Isaias vñ spricht also. Was tustu
hie in dē tempel du hast in außgra
ben als ain grab vnd ich sag dir du
wirft auß & stat iherusalem auß ge
tragē recht als ain capaun vñ mai
net mit schandē vñ mit den verdā
nussen. wān wēn die bauren jr hen
nen gen marckt wōllē tragen so tra
gen siß bey den füßen das sy nyder
hängen so plecket in & hinder. Also
werdē die gleichfnerin sterben vñ
begraben mit grossen schanden. die
habē wol geleichnuß des hauphan
nen. aber nit jr klügheit vñ jr tugēt
von der tugent der hailigen cristen
menschen vñ juncfrawen. schreibt
Ambrosius in dē fünffte exameron
wie ser nütz der lob in gesangen vñ
mit wonüg ist. vnd besund die nur
mit got sind. als sant Juliana. Ka
therina Agnes. vnd sant künigund
die aller juckfrawē ain haubt sind
vñ sind gesponsen vnser liebē her
ren iesu christi. Jr söllent auch klüg
sein als die amaiszen. wān sy fürse
hen sich mit jrer narung in dē sum
mer was sy wōllē essen in winter.
vnd wēn sy eintragen spricht Am
brosius im sechsten büch exameron
so sicht jr der zū des das kōm ist vñ
darff jr nit. weren. vnd sicht seinen
schaden vñ mag das nit rechen vñ
sind schwarz vñ klain vñ kriechen

Anton

hin vnd her auff dē weg vnd acker
vñ was sy mit jrē klainen mündlin
nit begreiffen mügen das tragen sy
auff iren rucken vñ grössere kōrlin
dan sy selber sind vñ durch des klai-
nen schadens willen mügen in die
hüter nit geweren was sy in abtra-
gen. Aber sant Jeronimus schreibt
in dem bûch der altuätter. wie ain
münch was mit ainem schön weib
gefangen von ainem hayden. dem
müsten sy der schaff hütten in den
wälden. vnd aines mals sahe der
münch wie so gar mit grosser ar-
beit vnd vleiß die anmayssen zū der
zeit des schnites eintrügen vñ wen
aine zuschwar trüg vñ fallen wolt
so kam die ander vñ halff jr wider
auff. vñ gieng ye ain zū der andern
geordnet vñ trügen also jr narung
ein. die ermanten in das er gedachte
an die wort salomonis. Du träger
mensch gee zū der anmayssen vñd
lern von jr vñd sihe an jr weg. vñd
in der gedächtnuß gedachte er jm.
Gleüch. vñ kam wid in sein kloster
vñd erfüllt die werck aller tugent vñ
wenn der winter kam an seiner let-
sten zeit das er Jesu Cristo wider
gab sein leib vñ seel vol aller hailigñ
werck. Das sollen auch thūn alle
menschen vñd sich yetz nit saumen
das sy nit verwürcken die ewigen
seligkait mit den fünff toten junc-
frawen. sunder lernen fünff klüg-
hait von der anmaiss. Das erst ist
wen sy eingetragn so vergraben sy
ire kōrlin. Das and ist. sy beleyben
da vñ hüten jr. Das dritt. sy durch-

Juliana

löchern sy das sy nit faulen. Das
vierd sy schelen sy. Das fünfft. wen
sy erkennen das die sonn schön vñd
hayter scheinet den ganzen tag. so
tragen sy die kōrlin an die sonnen
vñd lassen sy trucknen. Ambrosius
spricht im vorgeantñ bûch. das es
in nit nichtñ müg gefälen. so sy son-
nen so bleybts gar hayter vñ schön
den ganzen tag Mag sich ain yeg-
lich mensch darnach richtñ das es
gaben vñ got find. Also sollen auch
die raynen hertzen thūn. des ersten
das sy verbergen sollen alle rainig-
kait. vñ hailigkait vor der welt vñ
bey dem stat beleiben vñ hüten in d
waren demütigkait vñ die durch-
löchern mit stäter götlicher vricht.
on die mügen sy leicht faulen vñ wi-
der sündig werden. vñ sollen all ire
werck schelen vñ rainigen von den
sünden die weil in die son der gna-
den scheinet vñ lassen trucknen. das
ist die vor den augen gottes täglich
wollen vrtailen vñ die bessern vñd
biessen. Also hat geton Juliana vñ
ander hailgñ. daruñ sy nun komen
ist zū Christo jesu. da hat sy funden
die narung des ewigñ lebens. O jr
lieben juncfrawen wollen jr eüch
hie fürsehen in d zeit der gnaden. so
jr eüch sonderlich habt verspösiert
mit Cristo. als eüch leeret Augusti-
nus vñ gibt eüch. x. ler oð regeln die
Juliana hat gehabt. Das erst das
jr wissen solt verstecken vñ behalten
die zehen gebott. Das ander das jr
nynier sollen oder solten geen an die
ofnen strassen. das dritt wen jr seyt

bei den weltlichen vnrainen w ̄ib
 en das jr jrē bösen singen vñ sagen
 nit zū hört sund das jr vō in fliehen
 solt. Das viert das jr eūch nit solt
 zieren mitt eūerm gepende vnd ge-
 wand noch eūere augen mitt frölich
 hin vnd her werffen. sunder sollent
 sy niderschlahn zū der erden. Das. v
 das jr eūch sollent hūten vor allen
 vnuerschembtē wortten. vnd gern
 schweigen. Das. vj. das jr eūer ant-
 litz nit sollent reiben oder schmiren
 das jr schön scheint. Das. viij. das
 jr bei kainem man allain seit mit be-
 schlofner thür. vnd fliecht alle ge-
 dechnuß. Das. viij. fliecht all fra-
 wen die ains bösen lobs find. Das
 ix. das jr sollent messig sein an wort-
 ten vñ wercken. noch tanzen noch
 hören alle saitenpil vñ der gleichen
 Das. x. das jr bei der nacht nit solt
 auß sein wo die leūt wachen. vñ
 vnzüchtig find vñ allen armen men-
 schen mit tailen eūer almūsen. vnd
 die gern tröstē. Also spricht sant Au-
 gustin im būch von den verlobten
 juncfrawen am. xiiij. capitel. das
 alle jrē wort wincken wandel wil-
 len werck vñ gedencen sollent sein
 schemig vñ züchtig wöllent sy an-
 ders beleiben gesponsen jesu christi
 Die stuck alle hat an jr gehabt sant
 Juliana vñ all hailig juncfrawen.
 darumb will ich jr lebē beschliessen
 mitt fibnerlai brot der grundlosen
 barmhertzigkait gotes der wir im
 teglich sollen dancken damit er vns
 teglich gespeist hat. Do sant Julia-
 na die obgenanten tugent all vol-

bracht het vñ mit nichtē wolt opf-
 fern dē abgot do ließ sy 8 profett in
 ain hasen setzen 8 sod mit pley. das
 macht gott k̄ul. do ward er zornig
 vñ flūchet seinen gōtern. darnach
 do gab er vñail über sy. vñ do man
 sy auffürt vñ jr ir haubt abschlug.
 do kam aber 8 böß gaist vnd schrye
 jr nach. ach schonet jr nitt wann sy
 hat eūer gōter gelestert vnd verspo-
 tet. do sahe sich Juliana vñ do flo-
 he sy der böß gaist vnd schry. o wee
 mir. sy wil mich laß noch aineß va-
 hen schlahen vñ binden. aber sant
 juliana sang fūß als ain han gegen
 dem tag 8 ewigen freuden vñ gab
 jrē gaist auff jesu cristo vnd sprach
 Jesu cristo muß ich dancken des er-
 sten brots das er mich gespeiset hat
 mit der behaltung seiner gebot das
 ich in mein tod sünd nit als tieß ge-
 uallen mocht als ich begeret durch
 der dreier person willē. die erst das
 er mir hatt genomen die vrsach der
 sünde. die and das er mir die krafft
 gab das ich mocht dem selben wiß-
 steen. die dritt das er mir mein böse
 begerung hatt verwandelt. Das
 ander brot ist. das lang beyten das
 er manig jar hatt gebeit das ich in
 mein sünden nit sturb. das machen
 die drey person. die ersten sind lang
 mütig gedultig. die andern sind die
 ewigen treū zū dē ewigen lebē dar-
 zū er mich erwölt hat. die dritt sind
 grosse lieb die er zū mir hat gehebt
 do ich lage in meinen sünden. Das
 dritt brot die bekerūg auß dē sündē
 gen leben das er mich darauf hatt

Von sant

gezogen. vnd das hat er mit dreien personen gethan. die erst do er mich befort do gab er mir bittere reu vñ schmerzñ die mir offenbartñ mein todsünd. die and das er mir beweiset wie das hellisch feur so peynlich wäre. die dritt. das er mir nam den lust der sünden. do gab er mir ain andern bessern wollust seiner geden Das vierd brot die vergebung meiner sünd dreyerlay weiß das sind die personē. die erst das er mir mein sünd nymmer will auff heben. die ander. das er der will nymmer ge dencken noch an mir rechn. das drit das er mich dester minder lieb nym mer will haben als mariā magda lenam. das hat die ersten personen. daz mich mein flaisch fürbaß nym er kan überwünden vnd die welt die mich vmbgeben hat. vñ die hilf die fünf porten meiner. v. sinn. daz mich die nymmer verlayten mügen vñ der vnichtig teüfel mich auch nym mermer betriegñ mag Das. v. brot daz verdienen seiner gnadñ die ligt an den dreien personen. Die erst in dem haß meinr vergangñ todsünd die ander mit der verschmähung al ler gegenwürtigñ ding. die drit mit grosser begerung hymelischer freu den. Das. vi. die vesten vnd stäten hoffnung zū got dem allmechtigen zū kōmen. die erst person. wann sein lieb hat mich gemacht sein gewün schten. die ander. wann sein warhaf tiger mund hat mir das gelobt. die dritt das er ist allmächtig mir zū ge ben das ewig lebenn. darumb will

Peters stultir

ich an meynem herren Jesu christo nymmer verzagen sunder stäte hof nung vñnd liebe zū jm haben. Nun bitten wir die hayligen Juncfsra wen sant Julianā das sy vns auch vmb got den allmechtigen erwerb nach disem zergängcklichen lebenn das ewig leben Amen.

Von sant Peters stultfeyr.



Item es sind dreyerlay stül. Der erst der küniglich. der ander & bābst lich. der drit der maisterlich. vñ auf den dreien stülñ ist gesessen sant Pe ter. des ersten saß er auff den künig lichen stül wan er was ain fürst al ler künig. er besaß auch den bābst lichen stül wan er was ain gütter hirt der priester. vñ besaß darnach den maysterlichen. wann er was auch ain maister aller christenlicher menschen. Es seyt auch die hay lig cristenhait die hochzeyt sant Pe

ters stül. wān er ward an dem tag zū anthiochia mit grossen eren auf den bepstlichen stül gesetzt. Vñ als sant Peter zū anthiochia prediget do sprach theophilus 8 stat fürst zū jm. Petre warūb verkerst du mein volck. du solt nimmer predigen o8 du müst vil leidē darūb. Des wolt jm sant peter nit volgen vnd prediget cristenlichen gelaubē wie vor. Also ließ jm 8 fürst vāhen. vnd leget jm in schwāre band vñ ließ jm vngeessen vnd vngetrunckē. do was sant Peter nahent vor krankhait tod. also halff jm got das er ain wenig kress tiger ward. hūbe er sein angesichte auff gen hymel vnd sprach. O herz jesu criste der armē helffer. hilf mir das ich in meiner trübsale nitt verzag. Do antwurt jm vnser herz vñ sprach. Petre gelaubst du das du von mir seiest verlassen. so legst du meiner güt gar vast ab. fürcht dir nit. red frölich. wān ich bin berayt dir in deinē leiden zū hilff zekomen. Vnd damitt verschwand er. Darnach ward sant Pauls innen das sant Peter gefangen was also betracht er wie er zū jm kām. vñ kām zū dē fürsten Theophilo. vñ sprach Ich byn in vil künsten ain maister vnd kan von holtz vil schöner ding schnitzen vnd kan graben vñ mawren vñnd gar vil andere hübschayt machen. Do der fürst das erhöret. das er so ain grosser mayster was do bat er jm das er zū jm kām an seinen hoff. das thet sant Pauls gern vñ kām darnach bald zū sant peter

in den kercker. do vand er in in grosser krankhait vnd sahe das er verzeret was. do wainet sant Paulus bitterlich vnd sprach O petre mein lieber brüder. mein eer. mein freude. mein halbe sel enpfach krasste von meinem antlüz. Do thet sant peter seine augen auff vnd erkannte sant Pauls vnd ward wainen. mochte mit jm nit gereden. do thet jm sant Pauls seinen mund auff. vnd speist sant Peter vñnd erkücket jm wider. Als nnn sant Peter ain krasste empfing. viel er vmb sant pauls vnd kust jm vnd wainten baid gar seer. Darnach kame sant Pauls wider haimlich auß dem kercker von sant Peter. vñ gieng zū dem fürsten vñ sprach. O theophile dein wirdygkheit vñ eer ist groß. aber es enteerz ain oft vil gütz vñ gedencē daran was du sant Peter hast gethan gleich als er etwas groß hab gethan den got lieb hat. der ist yāmerlichen worden vñ ist gar ser verzeret. vnd hast du den lenger in dē kercker das stat dir nit wol an. wān wār er ledig er möcht dir wol nütz sein. dan es sprechen etliche mensche er mach die siechen gesund vñ haif die todten aufsteen. Do sprach theophilus das sind geticht mār. dann möchte er die todte lebendig machē er hulf jm selber auß dē kercker. Do sprach sant Pauls. man sagt sein herz ihesus cristus erstünd von dē tode vñ wolt doch nit vō dem kreüz herab geen. also thut Petrus auch nach seinem ebenbild vñnd laft sich nitt

Anton

wann er fürcht das leiden nit. vnd leit gern durch sein herzen jesum cristum. Do sprach Theophilus. machet Petrus die todten lebendig. so sprich das er meinē sun auch wider lebendig mache der ist. xiiij. jar tod gewesen. das globt jm sant Pauls vñ hoffet zū got. vnd gieng zū sant peter vnd saget jm wie er den fürsten für in gebeten hett. vñ er müßt jm sein sun lebendig machen. do sprach Petrus du hast ain groß ding gelobtes ist aber der krafft gottes leicht zetun. Also fürt man sant Peter auß dem kercker vnd fület in zū dem grab. do des fürsten sun was begraben vñ theten das grab auff also betet sant peter mit grosser andacht vñnd rüffet got mit ernst an vñnd bat in durch sein güte das er der iüngling von dem tod erlücke. Also ward der sun wider lebendig vnd wolgesund. des ward 8 fürst gar fro vñ dancket got vñ sant Peter der genaden. Darnach prediget sant peter cristenlichen glauben offentlich in der stat anthiochia. vnd gieng das volck alles gegen jm mit reu vnd büß wüllin vñ barfuß vñ seeten äschen auff ire heubter vñ baten in das er in vergäb das sy sein leer verschmecht heten. vnd das sy jm so vil hetten getan. vnd an symon den zaubrer gelaubt hetten. das vergab in sant peter. Also danckten sy jm seiner gnaden. vnd brachtē all siechen für in. vñ die mit den bösen veinden behafft waren. do rüffet sant peter got mit ernst an. also er-

Peters Stulfeir

schin ain groß liecht vñ sy. do wurden die siechē all gesund. die behaften all erlediget. des wurden sy fro vñ vielent für sant peter vñ küßten jm sein fuß vnd danckten jm seiner genaden. Also ließ sich Theophilus tauffen vñ das volck alles. vñ wurden in. viij. tagen. x. tausent mensche getaufft. Nach dē macht theophilus sein hauß zū ainer kirchen vñ ließ got dem herze zū eren weihen. vnd macht ain hohen stül mitten in die kirchen vnd hüben sant peter dar auff das in yederman gesehen möcht. Auff dem bapstlichen stül saß er. viij. jar. darnach kam er gen rom vñ saß auff dē römischen stül. xxv. jar. also feirt in die cristenhait des ersten wann des selbē mals was er das haubt 8 cristenhait an eren vñ an gewalt. do ward erfüllt als Dauid spricht. sy werden in erheben in der samlüg des volcks vñ auff den stülen der älter werden sy in loben. Nun ist dreierlai kirchen darin sant Peter erhaben vñ erhöcht ist worden nach dē dreien hochzeitē die die cristenhait alle jar vō jm feiert. des ersten ist er erhaben in 8 kirchen der vechtendē über die er gesetzt ist. vñ hat die gemaisert vnd gar loblich auß gerichte an dem glauben vñnd auch an den gūten sitten vnd an allen gūten dingen. das trifft auf die hochzeyt die da hayßt sant Peters stulfeir. wann warumb er ward in anthiochia auff den bapstlichē stül gesetzt vñnd richtet die cristenhayt loblichen auß. Zū dem andern mal

ist er erhöcht in der kirchē der übel
tünden. die hat er zerstört. vñ hat sy
zum glauben bekört. das gehört zu
der andern hochzeit die da haist zu
sant Peters bandē. wān do zerstō-
ret er die kirchen 8 übeltünden vnd
bekört vil menschen zu cristen glau-
ben. Zum dritten mal ist er erhöcht
in der kirchen der gesigendē das ist
in dē himelreich da ist er seligklich
ein gefaren. das gehört zu der dritē
hochzeyte seiner marter. wann do
ward er erhöcht in der kirchen der
die gesigt haben. Es feirt auch die
hailig cristenhait die hochzeit drey
mal im jare aber vmb drey vsach.
Die erst ist. das er wirdiger vñ ge-
waltiger was dann die anderen
zwölffpoten. vnd hett die schlüssel
des himelreichs. Die ander ist. das
er inprünstiger in 8 lieb gotes pran
dān die andern junger. wān er het
Cristū mit gantzer hiltz lieb. als das
ewangeliū von im sagt. Die dritt
ist dz er mechtiger was an 8 krafft
dān die andern junger wann von
dem schaten seins leybs wurde die
siechen gesund. er het auch den ge-
walt zu binden vñ zu enbinden. er
erlöset vns auch von dreierlay sün-
den. der gedencke wort vnd werck
vnd was wir wider got. vnd vn-
sern nächsten vnd wider vns selb
sünden. vnd vmb dise drey gūthait
eert man sant peter drei mal im jar
so hat er vns auch dñfeligklich ge-
speist mit seinen gūten wercken vñ
ebenpilden. mit der hilffe seins an-
dechtigen gebets. darūb seien wir

im schuldig dz wir in dñfeligklich
eren. Man eert in auch darūb das
kein sūnder verzagen soll ober got
verlaugnet als sant peter ob er dān
got hernach veriehen wöll in dem
herzen. mit dem mund vnd mit ge-
rechten wercken. Es schreybt Jo-
hannes beleth. das die haiden ett-
wen ain gewonhait hetten das sy
im hornung allweg an ain tag vil
kost vñ richt opfferte auff jr vāter
vnd mūter grāber. die kost verzer-
ten dān die bösen gait des nachts
so wolten sy wānen es essens die se-
len. das mocht in nyemandt wōren.
darumb setzt die cristenhait auff. dz
man das vest an dem selben tag be-
geet als sant peter warde gesezt.
auff den bāpstlichen stūl. damit na-
me die gewonhait ain end.

¶ Von sant Mathias.



¶ Sant mathias 8 hailig zwölff
bot ist von der stat bethleem gebo

ren von dē geschlecht juda. vñ wa-
rent sein freünd gar reich vñ wir-
dig an dem geschlecht. vñ gaisstlich
an den siten. vñ ward in seiner tint
hait gelet vō den obersten fürsten
der priester. vñ lernet in kurtzer zeit
das er die geschrifft maisterlich auß-
legen kund. vñ auch die propheten.
vñ gieng nit nach weltlicher begir-
de als andere junge menschen. vnd
wz beschaiden vñ flis sich aller güt-
ter tugent. vñ ward recht als ain lu-
cern berüßt vñ erwölt vō der ord-
nūg des hailigen gaissts vñ von cri-
sto dē herren das er der. lxxij. junger
ainer was. Darnach ward er von
den. xj. junger erwölt dz er 8 zwölff
er ainer wäre. wan do vnser lieber
herz gen hymel für vnd die zwölff
boten bey ainand beschlossen warē
do sprach sant peter zū den andern
jungern. liebē brüder es muß die ge-
schrifft erfüllt werdē die der hailig
gaist vorläger zeit hat gsagt durch
den hayligen David von juda der
zū vns gesellt was 8 hat sich selber
erhänge. Nun spricht David. sein
wohnung soll wüß ligen. Aber sein
ampt soll ain and empfaben. darüb
sollen wir ain andern erwölen von
den mañen die am anfang bey vns
seind gewesen seyt wir zū vnserem
herren komen seyen. biß das er gen
himmel für. der selbig soll der virstend
vnseres herre ain zeüg mit vns sein.
Darnach stellē sy zwen in die mitt
der ain hieß barsabas. 8 ander ma-
thias. vñ rüßten got mit ernst an.
vnd baten in das er in zū erkennen

gäbe wölicher im aller bast darzū
geniel. vnd sprachen herz du bist ain
erkenner aller hertzen. beweyse vns
wöllichen du wöllest haben zū dem
zwölffspoten ampt von dem judas
ward verstoffen. do kam ain liech-
ter stral von himel herab auff ma-
thiam. do wurden sy fro vnd sahen
wol das in gott zū dē ampt haben
wolt. also ward er 8 zwölffer ainer
vñ prediget cristen glauben in dem
land juda. vñ dienet got dem herren
mit grossem fleis. mit beten vasten
wachen. vñ mit vil and gütter üb-
ung. Vñ do die vngelaubigē merck-
ten das er ain crist was do wurden
sy gar zornig auff in vnd gaben im
giff zū trincken dauon waren vor
gar vil menschen gestorben. do thet
sant mathias das hailig kreütz dar-
über vñ tranck das on allen schade
auff in dem namen gotes. des nam
die vngelaubigen groß wund. vnd
die cristen lobte got darumb. Dar-
nach kam er in samaria vnd predy-
get aber cristenglauben vñ beköret
vil volcks. vñ prediget auch allent-
halben den juden das gotz wort. er
beköret auch vil kind von israhel zū
got dē allmechtigen. er bewärt mit
grossen zaichen das cristus vō den
prophetē geweissagt wär. ¶ Ains
mals kam Mathias zū mūdaniē
vñ prediget cristē glauben. do wur-
den sy zornig. vñ gaben im ain ver-
gift getranck zū trincken. darvon
wurden alle die menschen blind die
es truncken. do tranck er es in dem
namen gotes on allen schaden. Do

macht er wol drißhalb hundert menschen gesehen die von dem tranck erblindet waren. Do die juden das zeichen horten giengen sy zu ainander vñ sprachen. Mathias will vnser ee zerstören darumb soll man ihn tödtē. Do was er mitten vnder in danoch süchten sy in drey tag vnd kunden in nye vinden. Am drytten tag öffnet er sich selber vnd sprach: Ich bin es den jr sücht. do viengen sy in vnd bunden im sein hend auff den rugk vñ legte im ain sail an sein halß vñ fürten in in den kercker. do erschein im d böß veind vñ grif gramet gegen im mitt den zenen. er getorß aber nit zu im komen. do kame vnser lieber herr zu im in den kercker mit liechtē schein vnd löst in auß den banden darin er lag. vnd hübe in von der erden auff vnd tröst in süßigklich vñ thet im die thür auff also gieng er herauf vñ predigt dz wort gotes als vor. do warent etlich in jren sünden erherit vñ wolten sich nit bekören. do sprach er zu in. glaubt an gott od jr varent also lebendig in die hell. do wolte sy im nit volge. also thet sich die erd auff vñ verschluckt sy. vñ die mensche die dannoch lebendig belibent die erschrecken ser vnd bekörten sich. Also prediget sant Mathias in d juden land überall cristengelaubē vnd bekört vil mensche zu got. Vnd als er nun als stätigklich vñ offentlich geprediget het. xxxiii. jar nach vnser herrē auffart. do wurden die juden gar zornig vñ viengen vñ bunden

in vñ luffen zu den fürsten der priester vñ zu den alten. sprachen zu in. das sy trachteten wie sy mathie solten tū vñ wie sy im möchten angesigen. wan er was d wolgelerteste in d ee vñ wär vō edlem geschlecht vnd wär ain junger des verdampfen jesu vnd bekört vil volcks mitt seinem vnglaubē. Do geboten die fürsten der priester. das man in in jren rat brächt. vñ do er zu gerichte kame. do hüb der bischoff albanus an vñ sprach zu im. Mathia du vnd ettliche menschen wöllent vñ ain neuen glauben machen vñ auff bringē. jr seind vil gewesen die sich des vnderstanden habent die doch all verdorbē sind. nach denen allen so ist Ihesus von Nazareth auch auff gestanden vnd hatt sich selber den sun gotes genennt vnd hat die jüdische ee an sich genomen. er hatt aber die ee mit vil worten ab gesprochen vnd hat vil herten verirrt vñ verkört. so wissen wir wol das got mit Moysi geredt hat als ain freunde mit dem andern; vñ das helyas in das paradeis ward gefürt. vnd mit vil hayligen mitt den gott offte groß wunder gethan hat vnd hat sich doch kainer angenommen das er got sey dan der gekreuzigt cristus. vnd recht als er gelebt hat also hat er ain end genomen. got wolte das sein gedächtnuß mit im verdorben wär. wan er verirrt vns vnser geschlecht gegen den römern. wan jr spricht wir haben disen cristum vñ schuldig getöt. darüb ist besser wir

Von dem

tödtē die selben das wir von in nit
vertilgt werden. Nach dē do hūbe
sant mathias an vñ sprach. Ir wis
sent wol das gott der herre Moysi
in dē busch erschin. do sprach moy
ses zū im. Herz ich bitt dich das du
vns den schier sendest. den du vns
doch sendē wilt. do maint er den. vō
dē er sprach zū den kinden von isra
hel. got wirt ain neüe propheten vō
eüern brüdern erkücken. den selben
propheten sōlt jr hören als mich. vñ
sōlt gehorsam sein allen sein Worten
do ward got zornig vnd sprach zū
moysi. gee zū deinem brüder der vert
dir entgegen. mit dem gab er in zū
versteen es. wār die zeit noch nit kō
men in der er senden wōlt den aller
höchste hailer d die welt erlösen sol
von dem gwalt des bösen veindes
was vermaint jr das vnser oster
anders bedeüten dan das vnschul
dig lemlin cristū vnsern herin. was
bedeüt dan das blūt das wir über
die überthür streichē an die beistül.
nit anders dan daz vnschuldig blūt
vnsern herren Jesu christi das vns
vō vnsern sündē erlöst hat. Vñ do
d bischoff den namē jesu cristi höret
neüen. do verhüb er seine oren vnd
schry mitt lauter stim vnd sprach. er
hat got gescholten. vñ ließ zūhand
in d ee lesen was man den thün sōlt
die got schültent. do kament zwen
falsch zeügen die legten jr hend auf
sein haub vñ bezeüigten über in. er
wār des tods schuldig. vñ die zwe
zeügen wurffen die ersten stain an
in. vnd also verdampt man in mitt

helen iudas

auf gerechten henden. do hieß er die
selbē zwen stain zū im begraben zū
ainer waren gedechtnuß vnd auch
zū ainer gezeügnuß. Darnach sch
lūg man in auff sein hailigs haubt
mitt ain kolben das das hirn von
im sprang. also für sein sel zū dē ewi
gen freüde. do begrübē in die jung
er mitt andachte. Hailiger zwölft
bot sant Mathia bit got auch für
vns Amen.

Von dem bösen Judas.



Es was ain man zū iherusalem
der hieß ruben. er hieß auch symon
vñ was ysachars geschlechte vnd
yeremias. Nun het ruben ain weyb
die hieß ziboris. vñ do sy ains nach
tes bey ainander lagen. do traumbt
jr ain schwärer traum vñ do syer
wachtet. do hūb sy an bitterlich zū
wainen vnd gehūbe sich gar übel.
vñ hūb doch an vñ sagt jrem man
den traum wie sy ain kind sōlt gebe

ren von dē sōlt das grōst übel vnd
 mozt geschehen das nye vō kainen
 menschen geschehen möcht werden
 vnd jr geschlecht sōlt auch zerstōret
 werden. Do das ruben hōrt sprach
 er zū jr. du sagst ain übel ding. dar-
 umb sōlt du es niendert sagen. vnd
 sprach zū jr. dich hat vñlleicht d böß
 veind betrogē. Sy sprach. ich sage
 dir das ich ain kind hab enpfang-
 gen vnd byn auch des schwanger
 worden. vñ mich hat d böß veinde
 nit betrogen. Als nun die zeit came
 do gebar sy ain sun. do erschrackē sy
 auß der massen ser vnd sagten das
 allen jren freunden. die würdē auch
 ser betrübt vñ betrachten vñ wur-
 den zū rat wie sy dem kind wōlten
 thūn. sy wōlten es nit tödten. vnd
 wōlten es auch nit ziehen. daz thetē
 sy darūb daz jr geschlecht nit zerstō-
 ret würd als in ziboris gesagt hett
 Do fūren sy zū vnd legten es in ain
 klains kōrblin das heten sy wol ver-
 macht daz nit wasser darein mochte
 vñ legten das kindlin mitt dē kōrb-
 lin auff das mōr vñ giengen vō jm
 do warffes das mōr in ain insel die
 hieß scharioth darinn saß ain künig
 der het ain frauē die gieng für die
 langen weil an dē wasser auff vnd
 ab. in dem sahe sy das kōrblin mitt
 dem kind dort herfließen. do ließ sy
 es bald auffahen. vñnd als man es
 het aufgefangē do hieß sy das kōrb-
 lin aufftūn do vand man ain schön
 es neügeporn kindlin darinn. vnd
 do das kindlin so schön was do er-
 seüßget die künigin jniglichen ob

jm vnd sprach. Ach das ich ain sō-
 lichts lieplichs kindlin hette. damit
 das mein künigreich nit würd erb-
 loß. do für sy zū vñ ließ das kindlin
 haimlich ziehen. vnd ließ fürgeben
 sy wār ains kinds schwanger wor-
 den. vñ darnach nit lang do sprach
 sy offentlich sy wār ains kinds gene-
 sen. die mār erhalten überall in dem
 land. vnd d künig ward des kings
 gar fro vñnd erfreuet sich des seer
 vñ gebot das man das kind schon
 vnd zart züge als ains künigs kind
 wol gezāme. vñ als man es etwen
 lange zeyt gezogen het. do ward die
 künigin noch ains kinds schwāger
 bey dem künig. vnd als sy das kind
 gebar do was es auch ain knab. vñ
 vater vnd müter wurden gar fro
 also zohe man die zwen knaben mit
 ainand. vnd als judas groß ward
 vnd sy baid mit ainander wurden
 auffgezogē do schertzet des künigs
 kind mit juda als die kind gewon-
 lich tūnd. do schlug judas das kin-
 de das es ward wainen vñ hett es
 gern vast geschlagen. nun wolt ju-
 das wānen er wār sein brüder. vñ
 do d knab also wainet vñ zū seiner
 müter kam do ward sy zornig auff
 judam wān sy weßt wol das er jr
 nit zū gehōret vñ übersahe jm das.
 doch ließ judas seiner tück nit vnd
 schlug den knaben gar oft. aines
 mals ward die künigin gar zornig
 auff jn vnd offenbart jm sein vñ-
 dung vnd sprach. du bist nit mein
 kind. dann man hat dich auff dem
 wasser auffgefangen vñ nyemant

Von dem

waist von wann du komen bist oß wer du seiest. darüb so will ich nitt das du mir mein kind übel handelst. Do das judas hört erschrack er ser. Nun hörent was er tet. er gedachte jm. ich bin auff dē wasser gefunden worden vñ bin nit des künigs kind so waif ich wol daz ich nichts güts hab. vñ nam jm ai nes tags in sein sin wie er sich an d künigin möchte rechen. vñ macht sich zū des künigs sun vñ schlüg in zū tod. do gedacht er ergreift man mich so schlecht man mir mein haubt ab. also hūb er sich auff vnd flohe dauon vnd kame in ain ander land vñ kam zū leüten die wolten über mōr faren. mit den für er vñ kam über mōr gen Iherusalē vnd kame in des richters hauf pylati. do nam in Pylatus auf zū ainē diener. do flif sich Judas des dienstes gar wol das er in zū ain hoffmeister macht. vñ hielt in den hof nach allem seinē willen. Nun stünd Pylatus ains tags in seinem palast vnd sach in ain schön baumgarten do stündē öpffel inn. der selbē öpffel lust in gar ser. vñ in geduncket wurden in der öpffel nit so möcht er nit leben. es wär auch sein tod. vñ der selb baumgart was Ruben judas vater. doch erkennt Judas sein vater nit. wann er weft nit vō wannen er was. vnd ruben weft vil weniger von seinē sun juda. dan er vermoint er wär auff dē mōr ertruncken. Also sendet Pylatus nach juda als es d böß gaist wolt fügen. vnd sprach zū jm. Judas mich belanget

hesen iudas

der öpffel die ich in dem garten sihe darüb acht wie sy mir werdē wann würden sy mir nit so stirb ich. Do das judas hort zūhand hūb er sich auff vñ kam zūm garten vñ sprang darein. vnd gieng zū dē baum vnd brach der öpffel. do gieng ruben zū jm vnd strafft in darüb. das wolt in judas nit für gütt haben. vñ do in Ruben also strafft do kament sy an ainander vñ rungen mit einand vñ heten vor ser ainander gescholten das sy der zorn über gangen het vnd schlügent ainander vnd do sy das ettwen lang mit ainand getryben do schlüg judas ruben sein vater mit ain stain zū tod. vñ do er dz getan het. do nam er die öpffel vnd bracht sy Pylato vñ sagt in wie es in mit dē man ergangen wär. darnach gieng ziboris in dē garten vñ vand iren man also todt ligen vnd gedachte er wär ains gāhen tods gestorbē vñ gehūb sich ser übel vñ in. Darnach gab pylatus jude das gütt alles das ruben was gewesen vnd gab in auch ziboris zū ainer eelichen hauffrawē. das müßt sy tūn. Vñ do sy also bei ainand waren do erseuffzet ziboris gar innigklich. do sprach judas warüb sy also erseuffzet vnd was jr doch wāre. do sprach sy. solt ich nitt billich erseuffzen vñnd traurig sein biß an mein ende. dan ich bin ain vnseligs weib als sy auff ertrich ist vñ ye ward geboren. vñ hūb auff vnd sagt in vñ sprach. Ich trüg ain kinde vnd meinem aigen hertzen. do leget man es

auff das mōr vñ ließ es schwymmen
das ich nitt waiß wo es hin kame.
vnd hab mein man verlorn bei dem
hab ich wol gelebt manig jare den
hab ich also todten in meinem gar-
ten funden ligen. über das alles so
hatt mir Pylatus ye ain neuen sch-
mertze auff den andern geworffen
wan er hat mich dē über mein wil-
len geben zū der ee. Do mercket ju-
das an den Worten wol das sy sein
müter was. vnd das er sein vatter
was gewesen den er in dem garten
erschlagen hett. vnd er saget jr das
alles. do ward sy noch ferner betrü-
bet. Also kam ain grosse reu in sein
hertz. Do sprach ziborito zū jm. ich
will gern mitt dir geen zū vnserem
herren jesu cristo & hye zū ierusalem
wandelt & mage dir die sünde wol
vergeben. das geniel jm wol. Also
giengē sy mit ainand zū vnserm her-
ren. do erbarmt er sich über jn vnd
nam jn zū ain junger vnd macht jn
zū ain schaffner das er das almu-
sen einnāme. was man den zwölff-
boten gab das nam er vnd trüge es
mitt jm. aber er pflage des ampts
nit recht dann er het ain besundern
seckel darein stal er allweg sein tail
vñ gabs seiner müter die sein weib
gewesen was. Vñ do maria mag-
dalena die edlen köstlichē salben vn-
serm herre auff sein götlichs haubt
het gegossen das was jm also layd
das jm nichts daruō was worden
do gedachte er jm. das er vnseren
herre vmb. xxx. pfening wolt geben
wan jm wärent von den. ccc. pfen-

ing. xxx. abgegangē darūb die salbe
verkauft wurd. Vñ do er vnsern
herren verkauft hett. do gewan er
ain böse reu vñ giengē zū den juden
vñ sprach. ich hab das vnschuldig
blut verkauft. darumb nempt die
xxx. pfening wider vñnd warff sy
von jm. vnd gieng haim vnd nam
ain strick vnd hiengē sich an ainem
baum. dauon sprechen die mayster.
es wär billich das er von ainander
spielte. dann sein seel wär nit wir-
dig das sy zūm mund solt auffaren
darūb das er den würdigen mund
vnseres herren jesu cristi geküßt het.
darumb es billich was das seiner
sel anders widerfür dann andern
menschen den jr sel zum munde auf-
fert. Also habt jr gehört wie judas
ain böß end genommen hat. got geb
vns ain güt end vñ nach disem lebē
das ewig leben Amen.

¶ Von sant Thoma vō Aquino.



Von sant Thoma

T Sant Thomas vater der hieß Landolfus. vñ was ain graff. vñd was geborn von dē künigreich sici lia vñd von d stat Aquino. vñ sein müter hieß teodora vñ was geboren von dem künigreich campanie. von d burg kōsch. Vñ do die frau das kindlin sant Thoma empfieng do kam ain frumer ainsidel zū in der hieß bonus. das spricht zū teutsche güt. wān er was auf d massen güt vñ het sein wonūg bey dē berg kōsch. da was er lang gewesen vñd sprach zū jr teodora freu dich wān du wirst ain sun gebern den solt du Thoma haissen. d wirt die gschuft auß giessen vñ soll sy mit götlichem liecht durchfarn. vñd wirt sein gleich nit an künsten. vñd an hayligkait in der welt. vñ solt das kind in das kloster tūn das bey dē berg cassine ligt. das thet er darumb das er hoffet sein vatter vñd müter würden darūb dem kloster vast helfen. es füget aber got das er ain prediger ward. Do sprach die frau. Ich bin des Kindes vnwirdig. gott der thū nach seinem lob vñd mach mich sein wirdig. also ward hernach die weissagūg genzlich vñd gar an im volbracht. vñ do das kind geboren ward. do ward die müter gar frōlich vñd wolgemüt das es ain sun was als man jr geweissagt het vñ hoffet es würden alle ding an im volbracht vñd hieß in thoma. Also wūchse er an allen tugenden auff. vñd was mit weiß vñd fürchtig. vñ auch wol gezogen. als dān seinē

von Aquino

adel wol gezam. vñ was auch alle zeit dahaimen in güter hüt. do sprachen die diener zū dē kind. warumb lauffest du nitt auch auß vñ spielst mitt andern kinden. vñd wolten in also versuchen. do sprach das kinde zū seiner müter. liebe müter ich will hie herhaimen sein vñ will nit auß lauffen. vñd lieffe ich an d straf hin vñd her so würd ich vñlleicht ir in meinē hertzen das ich vñlleicht nitt woll lernete. vñ do d knab so weißlich redet. do ward die müter gar fro. vñ sprachen die diener es ist ain anfang seins hailigen lebens vñ ist die gnad des hailigen gaysts in im.

Eins mals was ain grof weter das schlug den burgthurn von ainand vñd schlug sant thoma ain Schwester zū tod die schlieff in dem turn in ain venster. vñd erschlūge auch die pferdt in den stellen zū tod do lieff die müter bald zū sant Thoma do et schlieff vñ fand in gesund do name sy ja mitt grossen freuden an jren arm vñd dancket gott dem allmechtigen seiner gūte. vñ sprach Herz ewiger gott. ich beuilhe mich dir vñd meinen sun Thoma. Darnach lieffe man das kind gen schul. do lernet er die hayligen geschrifte gar wol. vñd die weissagūg ward an im erfüllt das die götlich gnade also in seiner jugent mit im solt sein

Eins mals wolt sant thomas müter zūm bad geen do ließ sy das kind mit jr tragen. vñ do man es im bad nider setzt. vñd es ain brieflin von dem willen gotz das nam es in

die hendlin. vnnnd do die ainm das kindlin wolt abziehen vnd jm das hendlin auffstun do es das briefflin inn het do maint es ser. das erbar- met die ainen. vnd badet das kind- lin mit zügetanē hendlin. vnd do sy das kind wider haim trüge do hett es das briefflin danocht in dē hend- lin. do gewan sy jm das auff vnnnd nam jm das briefflein darauf. dar- an stünd geschriben auemaria. Es was wol zimlich das die göttlich fürsichtigkayt beweist das es dem kindlin künfftig was dz es ain gros- ser maister 8 hailigen geschriffte solt werden. vñ wē das kindlin way- net vmb ettwas das jm gepast so kund man es mit kaim ding stillen dan mit dem briefflin vñ wolt auch kaim anders brieffen. vñ legt es oft in das mündlin so warde es nimer vn sauber noch dauō vertilgt. das w3 ain zaichē das er vnser frawen lob in seiner künste solt außgießen vñ seen. Vñ was er lernet so stünd jm sein hertze allweg nach dem ge- schmack der göttlichē süßigkait wie er die möcht gelernen vñ züsamen gelesen. vñ wie er die süßigkait allē cristenmensche züuersüchen möcht geben. er lernet vnd schryb vñ name zü in gotlicher liebe. Vñ ist der tho- mas dem got das buch bey dē engel sendet. vñ was überflüssig wol ge- lert in der neuen ee. Nach dē thet in sein vater vnd mütter in ain kloster das bey dem berg cassine ligt. dar- inn leert man in gaisstlichezucht vñ kunst. vñ güt sitten. Do hüt er sich

allweg vor edler kind gesellschaft. die in dē kloster zucht lerneten. vnd trüg allweg den donat vnd andere bücher in den henden. vñ lernet all- weg vñ was still. vnd betet allzeit mit grosser andacht. daz sagt man seiner mütter. des ward sy fro. Nun merckt der abt das 8 knab als ver- nünfftig lebt. vnd sprach zü seinem vater. es wirt gott grosse wunder mit dem knaben würcken. jr solt in zü neopolitz zü lernung lassen. das thet er. vñ enpfalhe in maister mar- tin der leeret in in 8 kunst grama- tica vñ loyca. er lernet auch in der kunst philosophia die lernet er gar wol vñ übertraff allschüler an der kunst. das merckt ain prediger vnd nam in wund das 8 knab als wol lernet. vnd sahe das ain groß liecht von sant thoma antlitz gienge als der sunnen schein vnd duncket in 8 schein gieng dē menschen vnder ire augen vnd die kunst wär in dē lich- ten schein geschriben vnd wär vol büchstaben vñ sah das gesicht drei- mal. do merckt er wol dz die göttlich- gnad mit jm was. vnd füret ander maister dar daz sy das wund auch sähen. Vnd do sant thoma ain mit- ler knab ward do maint er er wolt das weltlich leben lassen vnd ver- mainet er wolt ain prediger wer- den darumb das er den englischen grüß marie in seinem hertzen trüg des ward ain prediger innen 8 hieß johannes der dan das gesicht vor von jm het gesehen. der ward seer fro vnd 8 selb sprach zü jm. wilt du

Von sant Thoma

lernen als got an dir erzaigt hat so magst du wol ain hailiger prediger werde. Do wurde die andern brüder all fro das sy got mit ainem als seligen kind fürsehen het. vñ segneten das kind in den orden. das nam die menschē wund das so ain edels kind in den ordē kam. Vnd als das sein mütter erhört die waint ser vnd beraitet sich erlich vñ wolt jren sun Thoman sehen. vnd wolt auch jrgunst zū dē orden gebē. Als nun die brüder horte das die frau wolt kōmen do forchtē sy. sy wolt sant Thoma wiß auß dem orden nemen. vnd flöchneten in gen Rom. do zwang sy mütterliche lieb dz sy auch gen romē kam. Darnach santen in die prediger gen paris mit vier gesellē. vñ do die frau hort das sy jren sun nit gesehē mocht. do ward sy betrübt vnd ward zornig auff die prediger das sy jr nit glauben wolten. schrib sy sant Thomas brüdn gar ain kleglichen brief vñ ermant sy mütterlich er treu vñ klagt in das die prediger jren brüder Thoman in jren orden bracht vñ gen paris jr zū laid gesendet hetten. Do wolten die sūn jrer mütter klag gnüg tūn vñ sageten es dē kaiser. namen vrlaub von im vñ legeten hüt auff all strassen die gen paris ginge do fundē sy jren brüder vñ vier brüder bey im. do woltē sō im den ordē abgezogen haben. des wolt er nit tūn. do sprach 8 ain brüder. wir sollen im den orden lassen. das er nit betrübt werd vñ fürten in von den predigern. vnd santen in

von Aquino

haim seiner mütter. des was sy fro vñ er wainet vnd was ser betrübt do wolt sein mütter das er den ordē gelassen het. dz wolt er nit thūn. do ließ sy in mitt güter hüt behalten in der burg vñ ließ vil menschen zū im geen die sprachē er sōlt kain münich in ain betel orden werde. er sōlt ain weltlicher hert sein. des wolt er nit volgen. Do wurde die prediger betrübt das man in sant Thoma genommen het vñ kamen zū dem bapst Inocencio. namen die patriarchen mit in vnd klagten im das man in sant Thoma mitt gwalt genommen het auß jre ordē mit des kaisers willen. das was dē bapst laid. vnd sendet zū dem kaiser vmb den srefel. do ließ der kaiser sant Thomas brüder vāhen. dannocht wolten sy in nit wider in den ordē lassen. vñ ließen in in ain vinstern turn legen in eyfnine band. do thet im got sein gnad vnd halff im das der vinsterturn liecht ward tag vñ nacht. vñ erlediget in auch auß den banden. des danckt er got. do ward er des liechtes fro. vnd überlaß den text phisicorū des maisters Aristotelis. vnd schrib ain glos darüber. vnd andre bücher. vnd leret sein Schwester die hailigen geschrifft wen sy zū im came. Wann sein mütter vermainet sy wölten im sein gemüte verkōren. do verkōret er jr jr gemüte in güttliche liebe das die ain haylige nunn ward. dauō kund sy nyemant bringen weder mitt lieb noch mit layd. nach dē kament sant thomas brü

vnd heten in gern von dē orden ge-
bracht daz halff alles nitt. do lieffen
sy in den orden von dē halff reissen
das laid er gedultiglich vñ legt in
wider an also zerissen. das thet in
zorn. vñ hiessen ain gemains schalck
hastigs freulin zū im geen daz solt
bei im sein vnd bei im schlaffen vnd
solt in von seiner lieb bringen. vnd
do sant Thoma die frawē sahe. do
machet er für sich ain kreütze vnd er
wischt ain prant vñ schläg zornig-
lich nach jr. vnd trib sy von im. vñ
gienge mitt grosser andacht in alle
winckel d̄ kamer vnd machet kreütz
an die wende. vñ bat gott vmb die
gürtel der ewigen keüsch. darnach
entschlieff er. do kam d̄ engel gottes
vñ gab im die gürtel d̄ ewigen keü-
sch. d̄ lieb hailig was volkomen an
götlicher lieb. vñ geschahen zaichē
die er niemant sagt biß an sein ende
Nun hörten die brüd̄ das man sant
Thomā also hert het vñ das er als
stāt was in sein leidē. do gieng brū-
der johāns zū im d̄ das gesicht von
im gesehen het vñnd in auch in den
orden bracht het. wān er het in sun-
derlich lieb. vnd bracht im haimlich
zwen rōck vnd hofft er kām wid̄ in
den orden. also was er zwai jar im
turn beschlossen mitt stetem hertzen
vnd mūt. Do das sein mütter sahe
do nam sy in auß d̄ gefengknus vñ
ließ in durch ain venster herauf an
aim strick. vnd het es doch den pre-
digern vor kund gethan. die namen
in mit freuden. vñ fürten in gen ne-
opolis. vñ warent fro das sy sant

Thoma wider hetten. Er was als
wol gelet do man in auß dem turn
nam als ob er zwai jar gen schul ge-
gangen wär. vnd do er dem orden
wider warde. do gedachten in die
prediger er wär nitt sicher in seiner
gegent vor sein brüdern vnd vater
vñ sendeten in gen Rom zūm gene-
ral capitel do nam in d̄ maister des
ordens zū im vnd het in für ain sun
vnd für in mitt im gen paris vnd
darnach gen Kōlen vnd beualhe in
maister Alberto d̄ waz ain maister d̄
gemainen schul. vñ was d̄ best mai-
ster in aller welt. Do sant thomas
den maister die kunst hōret lesen. do
wundert in der kunst vñ ward er
freüt daz er fundē het des er begert
het. Sant thoma was emssig an
seiner lernūg vnd in sein gebet. vñ
redet nit vil vñ was diemütig. vñ
samlet in seinē hertzen die hayligen
geschrifft. vñ do er als still was do
hiessen in die brüder den stillen ochs-
sen. wān er het ain grosse stim vnd
westen noch nitt was er anrüssen
würd. die hailig ler mit lauter stim
wann er redet außwendig nitt vil
aber inwendig waz er vol götlicher
liebe vnd ler. das west sein maister
nit. vnd hüb an daz bûch von dem
götlichen namen. das merckt Tho-
mas wol an seiner ler vñ legen. nun
was ain student der west nit daz d̄
junger thoma als vil kunst het. vñ
het ain mitleiden mit im vñ sprach
zū im. Ich will dir dein lezen über-
lesen. do naigt im sant Thoma gar
langtsam herwider. vñnd gar mit

Von sant Thoma

mer sinns. do wundert den studenten das er sein lezen als wol kunde lesen. vñ bat in das er im sein lezen allweg überlese. das globt im sant Thomas vñ sprach. du solt es niemant sagen. do mocht es d student nit verschweigen. vñ sagt es d studenten maister das als vil grosser kunst in dē jūngē thomas verborgen was das er die studentē die lezē leret. Darnach zūhand solt maister Albertus ain schwāre frag auflegen. die het sant thoma an ain brieflin geschriben vñ warff sy für seine stul das fand ain student der ward fro vñd gab es dē maister Alberto do er das brieflin gelaß do name in groß wūder das sant Thoma als still was vñd darzū so wol gelert. vñ gedacht im wol das es vō den gnaden des hailigē gaists wār vñ bat d studentē maister dz er die frag sant Thoma beualhe das er sy verantwurt. das wolt er nit thun. do geböten sy im das er es müß thun do gieng er zūhandt an sein gebet. vñ beualhe sich got vñ bat yn das er im hülffe zūm ersten disputieren. Am andern tag legt er in sein frag in der schul maisterlich für vñ antwurt allen maistern. vñ do er nun die frag maisterlich auß gelegt het vñ verantwurt do weiffagt maister albertus vñd sprach. wir haiffen den Thomas den schweigendē ochffen. aber er ist als wol gelert d hailigen geschriff das sein ler vñd sein geschrai wirdt erhellen in aller diser welte. des übernam sich sant

von Aquino

Thomas nit vñ belib in seiner die-
müstkaitt. darnach beualhe im der
maister die schwersten frage in der
schul do nam er vast zū an künsten
vñd an hailigem leben ¶ Es was
ain erber man hieß Johannes vñd
was des maisters von dem orden
brüder d sprach zū dem maister des
orden. sant Thoma hatt ain gūten
fin vñ vernüfftige ler vñ ain haili-
ges leben darumb soll man in zū pa-
ris zū ain stābler machen. das thet
man. Do nam in hugo der maister
der cardinal des orden zū ain baca-
lario vñ hieß in das būch sententi-
arum lesen. das thet er nit gern vñ
müßte es doch vō gehorsam wegen
thun. do goß er auß alles das er in
seinem hertzen getragē het. vñ alle
die maister die zū paris waren het-
ten in lieb. vñ von seiner ler gewun-
nen die schüler grosse gnad zū lernē
des wūdertē die maister vñ sprach-
en got hat sant thomas enzyndt mit
ainem neuen liecht. darnach hūb er
an vñd schryb über die vier būcher
von den hohen sinnen am anfangē
seiner maisterschaft vñ durchfür sy
mit göttlicher kunst als im d hailig
gaist ein sprach. vñ ward mayster
vō seiner kunst wegn. des gedaucht
sich sant thoma vnwidig vñ sprach.
ich hab nit kunst noch jar darzū
do müßte er gehorsam sein. vñ gieng
an sein gebet vñ bat got dz er im ge-
nad tāt vñ im die kunst einguß das
er der maisterschaft widig wurd
vñ laß den psalm. saluū me fac dñe
vñ entschlies. do kam ain himlischer

seines ordens ain brüder. der sprach
 O thoma warüb bittest du so sere
 nun ist dir nichts versagt. do sprach
 sant Thoma. mir ist enpsolhen die
 maisterschafft vñ ist die kunst klain
 darzū waiss ich nit was ich fürlegē
 sol an meinē anfang. do sprach der
 prediger zū jm. nym̄ war Thoma.
 du bist erhört. vnd got ist mitt dir
 du solt nit anders fürlegen: got ist
 se üchtmachen den bergen jr höhe.
 vñ seine werck werden erfüllen das
 ertrich. Do er wachet sant Thoma
 vñ dancket got dem herre das er in
 erhört hett. vnd seet der cristenhait
 den götliche samen. do kament als
 vil maister vñ schüler das sy nit sitz
 en mochteu. wān es warent dreü-
 tausent schüler zū paris die leret er
 die schribent sein kunst vnd leere an
 Sant thomas was gūtes schlech-
 tes gemūtz. andechtig in sein gebet
 fürsichtig an rat. vñ wunnsam
 gegen allen leuten. gerecht an seiner
 vitail. er hett ain gūte gedechtnuß.
 vnd sprach an seiner predig. ich lere
 nit von meiner kunst. ich leer allain
 von 8 gnad gotes. wān die diemū-
 tigkeit seiner menshait gibt mir ain
 ebenbild das ich vō mir selbs nit ge-
 wissen mag. ¶ Es was ain irsal
 vñ den kriecken von vnser herin
 leichnā. das was sant thoma gar
 laid. vñ macht ain bûch von 8 irsal
 vnd bracht das bûch mitt jm in die
 kirchen vñ legt es auf den altar. do
 was vnser herren leichnam gegen
 würtig. vnd kniet für den altar vñ
 rufft got an vnd bat in das er sein

gūte erzaigte. do kam ain stimm zū
 sant thoma die sprach. du stest wol
 vnd recht geschriben. do liessen die
 kriecken jren irsale. ¶ Der bapst
 bat sant thoma das er machte ain
 bûch über die. iiii. ewangelistē. das
 thet er. vñ bracht dē bapst das bûch
 do ward er fro vnd sprach. das er
 in bāte was er wolt des wolt er in
 geweren. do sprach sant thoma. so
 beger ich das du aufsegest das man
 vnser herre fronleichnam begee in
 der gantzen cristenhait. des gewert
 in der bapst. ¶ Ains mals gienge
 sant thoma in dē creüzgang vñ be-
 tet do kam ain frembder brüder den
 kēnet sant thoma nit vnd sprach. 8
 prior spricht jr sollt mitt mir in die
 stat geen. do naigt er jm vñ gienge
 nit als bald als 8 brüder. vñ gieng
 jm nach. do sprach er. warüb
 du nit bald. er schwig vñ gieng
 er mocht. do nun die burger den brü-
 der sahent vñ sant thoma mitt jm.
 do gedaucht es sy vnbillich. dān er
 wār billich vor gangen. vñ fragte
 den brüder ob er wiste mitt wen er
 gieng vñ sagten jm das er 8 bapst
 wār. machet er sich ain wenig für
 jm. do hūb er in auff. do sprachē die
 burger zū sant Thoma. warumb
 habt jr es gethan sprach er. ain yeg-
 klicher orden wirt volbracht in der
 gehorsam. wān ain yeder mēsch ist
 dem orden vnderthan durch gotes
 willē. also was auch vndertan vn-
 ser heri jesus vnd gehorsam seinem
 himlischen vatter. do sprachent die
 burger zū ainander. wie gar volkō

Von sant Thoma

men ist 8 mayster in seinē leben vnd
 übernympt sich 8 grossen würdig-
 kait nit die got der herr an in gelegt
 hatt. ¶ Ains mals laß sant Tho-
 ma in ain büch. es möcht in kain sel-
 geen die weisheit gotes. den selben
 spruch behielt er biß an sein ende vñ
 behielt sein hertz auch allzeit rain dz
 er die würdigen kron behielt als im
 der engel in dē turn gesagt het. das
 bewert reinoldus der ain hayliger
 prediger was. 8 was sant Thoma
 beichtiger. vñ. jar der sprach. das er
 nye kain vnkeuschen gedanck in der
 beicht von im gehört het. vñ sprach
 sein beicht an sein letzten ende wär
 gewesen als ains jungen rainē kind-
 lins. ¶ Aines mals do schryb sakt
 thoma in seiner zell. do kam 8 prior
 vñ hieß im auffstün do het er nur
 ain silbñ ains worts geschribñ vñ
 do er wider nider saß do was das
 wort gantz mit guldin büchstaben
 geschribñ. daz het got durch seiner
 gehorsam willē getan ¶ Ains mal
 es het er die vasten volbrachte mit
 andachte. do hörte in reinoldus in
 der nacht reden in seiner zell. vñ hör-
 et auch et war mit im redñ. des ver-
 wundert in gar ser. vnd do die red
 ain end nam do rufft sant Thoma
 Reinoldo vnd sprach zū im. das er
 im ain liecht brächte. dz er über den
 prophetñ ysayam schreibe. das thet
 er. do hieß er Reinoldum schreyben
 in das büch. vñ sagt im sant Tho-
 ma als ob er in ainem büch leß. dar-
 nach hieße er sein gesellen schlaffen
 geen do viel Reinoldus für in vnd

Von Aquino

bat in das er im sagte mitt wem er
 die nacht als lang het geredet. vnd
 bate in durch die liebe die er hett zū
 got vnd durch die weisheit die er
 im ein gegossen het. do wolt er jms
 mitt sagen. er beschwür in bey dem
 namen gotes. vñ sprach. jr sölts den
 namen gottes nit verschmehen. do
 überflussen sant thoma die augen.
 vñ sprach. lieber sun hast du nit ge-
 sehē das ich traurig was. dz was
 daz ich den sin nit gar het über ysai-
 am. darüb hatt sich got über mich
 erbarmt vñ hat mir sant Peter vñ
 sant pauls gesendt die haben mich
 volkōmenlich alle ding gelert über
 den propheten. ich gebeit dir aber
 bey got. daz du es nyemandt sagest
 die weil ich lebe. ¶ Aines mals
 erschien im vnser frau. vñ sprach zū
 im. wes du mich bittest des wil ich
 dich gwern. darumb das du mein
 orden auf erdtrich mit deiner kunst
 auß veprait hast. damitt erfreuet in
 vnser liebe frau mit jrer gegenwir-
 tigkait. vñ ließ sich vnd jren sun se-
 hen. ¶ Sant Thomas mütter er-
 kennt jrs suns hailigkait wol vnd
 bat got alweg das er sy gen hymel
 nāme durch willen 8 weisheit jrs
 suns. Sant thoma gieng alwegen
 in den foree man leüte vnd het sein
 andacht. nun was ain hailiger cu-
 stor in dē conuent zū neapolis hieß
 dominicus. 8 verbarg sich in 8 ca-
 pell. vñ wolt sein hailigkait sehē. do
 sah er das sant thoma wol zwai-
 ellē hoch im lufft schwebt. vñ hört
 ain stim sprechen. thoma was lons

wilt du vñ das das du mir geschriben hast. do sprach er. ich will dich selber. Antwortt die syñ. ich will dich im ewigen leben speisen mit dē geschmack & süßigkeit vñ dir gebē zenieffen den spiegel & triseltigkayt.

Eines mals lūd der künig von frantzreich sant thoma daz er mit im ässe. do sprach er. er möcht es nitt thū. er müst schreibē zenot. do bat der künig den prior dz er jms gebut bey der gehorsam das thet er. vñ kame mitt sant Thoma zum künig vñ assen mit jm. vñ die weil er ob dē tisch saß ward er entzuckt. vñ gedacht an den syn den er vor in & zell vor jm het gehabt. vñ schlug über ain weil mit & handt auff den tisch vñ sprach. nun will ich die ketzer betriegen mitt meiner leer. do zohe in der prior bey der kappen vast. vñ sprach. maister thoma jr sind ob dē tisch des künigs also kam er wider zū jm selbs. vñ naiget dē künig. vñ bare in das er es jm vergäbe. Also ward der künig von seiner leer gebessert. vñ sprach zū seinē schreyber das er sant Thoma ain schreibzeüg brächt das er sein nit vergäß was er in seinē hertzen het.

In der zeyt het ain cardinal vil wüders gehört von sant thoma. vñ bat den erzbischoff das er jm hülffe das er mitt jm möcht essen. daz thet er. do kame sant Thoma aber in ain söliche gedechnuß bey dē cardinal vñ ward aber entzuckt vñ sprach. nun hab ich fundē das ich lang gesucht hab vñ enbot dē cardinal kain eer das

thet jm zorn. do sprach der bischoff heri jr solz nit für übel haben. wann allweg wirt er entzucket bey wem er ist. vñ zohe in aber bey der kappē do kam er wider zū jm selbs. vñ gedacht daz er bei dē cardinal saß. vñ viel nider vñ bat in. das er es jm vergäbe. do fraget in der cardinal warüb er als frölich wär gewesen die weil er entzuckt wäre. er sprach ich hett ain schwären gedancke ich hab aber ain auslegüg darüber funden. des bin ich fro.

Sant thoma predigt aines mals an ain freitag zū Rom dē passion. do wart das volck vñ prediget am oster tag vñ erfreut das volck mit marie jrs suns virstende do er vō & predig gieng was ain frau in der kirchen die hett die blütsücht gehabt lange zeit. do halff kain erzney für. sy berürt sant Thoma kappen. do ward sy gesundt.

Sant thomas ward frantz zū neapolis vñ lage in ain kamer. do hütet ain nouiz & kamer thür & sahe daz ain stern zū ain venster in die kamer gieng. & was liecht vñ stünd allweg auf dē haubt sant thome. wen der nouiz in die kamer gieng. so gieng der stern wid zūm venster auß. sölichs sagt der nouiz den andern. die sprachñ es wär ain zaichē der grossen leer die er auß gegossen het in & hailigen cristenhait.

Sant thoma gieng zūm general capitel daz was zū logonense vñ bracht das büch mit jm das er wider die haide gemacht het von der jersal. vñ do sant thoma durch daz

Von sant Thoma

land campania gieng zū ain graen kloster. do ward er krank. do lūd in der abt vñ erbot im vñ andern brüdern vil würdigkait. do gieng sant thoma des ersten in die kirchen. vñ viel für den altar vñ betet. do ward im kundt gethan das er sterben solte. do sprach er das es die brüder hörten vñ vil graer münich. die zeit ist komen das ich zū dē ewigen lebē wird genomē. das was in laid vñ wainten vmb in. vnd legeten in in des abts kamer vñ pflagē sein wol vñ geduncket sich ain yed sālīg sein der im dient. vñ do sy sahen das er sterben wolt. do baten sy in das er in ain leer hinder im ließ von seiner kunst. do legt in sant Thomas des bûch auß von der liebhabendē sele. wie sy veraint ist mit got. das vñ weist er sy gütlich. das sy verwandelt wurde in götliche lieb. es was wol zymlich das er daz lert an sein end mit dem er allzeit veraint was darnach begert er gottes fronlichnam. den bracht im d abt. do gieng er im entgegen mit grosser andacht in seiner krankhait. do sprach der abbt zū im. als man zū den siechen sprechen soll. gelaubest du das das warer got vñ mensch ist. do sprach er. das waif ich wol in d warhayt das er ist der ware gottes sun. got vnd. mensch vnd der juncfrawen marie sun. vñ mein ewige sālīgkait vnd sprach das gebet. Herz jesu criste ich empfache dich zū meiner erlösung vnd zū ainem lon meiner sele. vnd zū ainē belaiter mir zū dir. herz

von Aquino

durch dich hab ich gelernt vñ gelernt. nun ler mich würdiglich zū empfangen deinen fronleichnā. das ich frölich kumb zū dem ewigen leben. Vnd enpsieng vnser herren fronleichnā vnd die hailigen öluntg mit grosser andacht. vñ am andern tag verschied er. vnd für sein sel zū den ewigen freudē zū got. die in haylig klichenpfangen hett. also behielt er sy auch on mail. darū ward sy von got vñ allem himelischen heer frölich empfangen. ¶ Drey tag vor ee sant Thoma gestarb sahe man ain stern ob dē selbē kloster. do weft niemant was er bedeut bis das er gestarb. vñ bedeut den aufgang des hailigen lerers. ¶ Do sant thoma sterben wolte. do was ain münich in der kirchen d betet vñ entschlief do sahe er ain stern auf geen von dē kloster bis in den hymel. der het armen lieplichen schein. do erwachet er vñ hört die tassel schlahen. zū der selben zeit was sant thoma auß in das ewig leben gegangen. Vñ do er starbe do zalt man von Cristigeburt. M. cc. vñnd in dem. xxiij. jar. vñnd ward gelegt in das münster in dem land campanie. vnd lag etliche zeit da. bis das es die götlich gerechtigkeit schickt das der hailig leichnam dem prediger ordē wider gegeben ward. Darnach über vil jar do was ain man. der hieß mit namen fretus. der wolt sant Thomas leichnā gestolen habē. do thet got d allmechtig dē grauen funder tus kund das er den raub solt vñ

stren. do nam er den abt des selben
 klosters mit jm vñ den bischoff fun
 densem do 8 graf heri was. vñ leg
 ten in würdigklichen in sein palast
 vñ hütñ sein dz er nit gestolñ wurd
 vnd wachet des grafen müter vnd
 des bischoffs müter bey dem hailig
 en leichnam. vnd sprachen zü ainand
 ob es aber 8 recht thomas vñ aqui
 no sey. wñ sy zweifleten daran das
 beweisset er in mitt ainem schönem
 klaren gesichte das es sein leichnam
 wär. er gieng auß dem sarch in sein
 em orden gewand bey in hin vñ her
 vñnd sache sy frölich an. vnd gieng
 auch wiß in den sarch. do erschreck
 en die frawen. vnd sagten das über
 al. vnd do der künig von cecilia das
 wunder erhört. do sendet er vil mai
 ster. bischoff vnd ritter zü dem graf
 en vnd lief in bitñ dz er jm den leich
 nam gäbe. wñ er vermainnet sein
 künigreich würde gewirdiget mitt
 seiner heiligkeit. vnd sprach. es wär
 billich das er in dem reich von dem
 edelsten grafen geschlechte von ceci
 lia vñ vñ de grafen c. panio in gros
 sen eren gehalten würd. do gedacht
 jm der grafe. das ich den leichnam
 durch gütes willen hin geb darmit
 verlur ich die huld gottes vnd legt
 den leichnam wider an die stat do
 er in genommen hette. Darnach do
 kam bald 8 maister helyas prediger
 ordens vnd der graff zü dem bapst
 urbano dem fünfften zü Rom. vnd
 batten in. das er in sant Thomas
 leichnam prediger ordens gäbe. des
 gewäret syder bapst vñ gab in güt

briefß das man den leichnam nymt
 mer an sy vordern solt. Also legeten
 sy in in 8 prediger kloster in die stat
 fundensi. ¶ Nach dem als die
 prediger sant thoma heren. do zwei
 felt ain prediger ob es sant thomas
 leichnam wär. der hieß reimaldus.
 vñ was sant Thomas lieber gesell
 gewesen der gieng des morges frñ
 in die kirchen vnd legt sich mit an
 dacht mitten in die kirchen für vn
 sers liebē herin marter vñ was seer
 traurig. vñ do er lang lag. do sahe
 er sant Thomas in den lüfften erha
 ben. vñ het prediger orden an. vnd
 was gar schön. do ward er fro vñ
 vergieng jm aller sein zweifel. dar
 mit verschwand sant thoma. Dar
 nach do kam der abt mitt sein mü
 nichen zü dem bapst: vñnd saget jm
 das man in sant Thomas genomen
 het. wolt in der bapst sein leichnam
 nit wider geben vñ sprach. maister
 thoma sprach an sein end. man solt
 den predigern sein leichnā antwar
 ten. Darnach kame vnser herren
 fronleichnams tag. vñ do die hoch
 zeit von dem bapst vñ von vil her
 ren schon was volbracht. do saget
 man dem bapst das sant Thomas
 die hystori gemacht het. do gewan
 er grosse gnad zü jm. vnd sprach zü
 maister helias. ich gebeñ dir bey 8
 götliche krafft das du sant thoma
 haubre von de leichnam nit lassst
 komen. do sprachē sy all mit ainand
 amen. Darnach do sendet 8 bapst
 briefß in die stat fundensi da sant
 Thomas leichnam lage vñ hieß in

Von sant Thoma

in die statt dolosa füren. do geschahent vil grosser zaichen. darzü kam der künig von engeland. vnnnd der hertzog andoganie. vnd vil ertzby-schoff. vnd alle priester schafft. vnd auch wol. xv. tausent mensche mit vil prünenden kerten vnd brachten den hailigen leichnam mit grossen freuden vñ würdigkaiten in 8 prediger conuent in die stat dolosa. Zu 8 selben zeit het 8 bischoff in der statt das fieber lang gehabt vnnnd was so frant das er nit geen mocht. do ließ er sich gegen dē hailtūb layten. vñ sprach wider sich selbs. herz du waißt wol das ich dir nie kain dienste als gern het getan ich wölt heüt als geren würdygklich geen gegen dē hailtumb vnd wolt da die meß selbs singen. vnd rüßte den hailigen mit grosser andacht an. vñ sprach O hailiger herz sant thoma. ich bit dich das du mich deiner hailigkait lassdest genießten vnd mir vmb gott erwerbest das ich werde gesunt. Also ward er gesunt vnd gieng on aller mensche hüß gegen dem hailtumb. vnd sang die meß selbs. vnd dancket got seiner genaden vñ sant Thoma vnd was fro. vnd hett in fürbaß allweg lieb Das geschache do man zalt nach cristi geburt. M. ccc. vnd. xxix. jar. Darnach sendet 8 bapst liberal brüef in die cristenhait vnnnd gebote das man in eren solte. Do bat künig Karel den bapst vñ ain arm vō sant Thoma. do gwert er in. also bracht man den selbē arm maister helie gen Paris do enpieng

von Aquino

in der künig mit grosser würdigkait auff sein kneyen. vñ für ain cardinal mit dem maister vnd zwen ertzby-schoff. vnd sunst vil bischoff vnnnd grafen. vñ drei künigin die enpfien-gent das hailtumb auch mit grosser würdigkait vnd alle priesterschafft. vnd brachtē es mit würdigkait in der prediger kirchen. do opfferet man vil silbers vñ goldes. vnd daz volck lobt got. vñ sprachen. geseget sey got hailiger vater. wir verkünden dir lob ewigklichen. do geschahen auch vil zaichen bey seinē grab die todten wurden lebendig. die behafften erlöst von den bösen veynden. vñ wurden sunst auch vil menschen gesunt vō mengerlai siechtūb

Es was ain andechtiger brüder hieß Albrecht von piren. der was ains tags an seiner andacht vor vnser lieben frawē bild vor irem altar vnd betet mit jnniger andacht. do erschienen im zwen jüngling in minnigkliche scheine. der ain was wol geziert in bischoflicher ordnūg vnd het ain liechte kron auff seinē haubt mit edlem gestain vnd het ain keten am hals die was guldin vnd gabe hellen liechten schein. vnd schin daz die kirch alle darvon erleucht warde. der ander het vil edels gestains an seiner cappen vnd schin sein rock vñ cappen weiß als der schnee. des wundert in gar seer. do sprach der jüngling in bischoflicher ordnung zu dem brüder. Ich bin sant Augustin vñ bin von got zu dir gesandt das ich sant Thomas von aquino

grosse eer vnd wirdigkeit soll verkünden. der ist bey mir. vñ ist mir gleich an der wirdigkeit. aber er fürtriff mich an der rainikeit. so übertriff ich in an der wirdigkeit bischoflicher ordnūg. damit verschwundñ sy bayd. do freüt sich der brüder des gesichts. vnd sagt es den predigern. ¶ Es was ain münich der hieß jacob wechfler. der solt hütten des sarches der thett in aines mals auff do sach er das die erd von dem vmfaren hinein was kōmen vñ lag bei seiner brust. do thet er sy zūsamē vñ legt sy in den for. darvon ward ain güter süßer gschmack. vñ enpfienge alle die. die da waren süßigkeit darvon. do sagt man es überall in dem land. do kam vil volcks dar von andern stetten vñ dörffern die siech waren die wurden all bey dem grab gesund. die lobten got vnd die hailigen darumb. ¶ Es was ain man der hieß reinaldus der het ain grofse beül wol. x. jar der mocht im nyemant abhelffen. das was im gar layd. dan er mocht nit geen on hab. do kam er auch zū sant thomas grab. vnd rüfft in an. vnd batt in das er im vmb got erwürb gesundhait vnd gelobt offentlich vor dem conuent wird er gesund so wölter sein leben das jar bessern. also ward er gesund. do dancket er got vnd sant thoma der genadñ. vnd saß gering klich auff sein pferd vnd sprach. ich byn in. x. jaren nye auff kain pferdt gessen als ich nun thū. got der herre sey gelobt vñ der lieb hailig sant

thoma. do wurden die prediger gäfro. vñ lauten in das capitel vñ sun gen das te deum laudamus. ¶ Es was ain junger knab der was von cipern vnd was aussiezig vñ was dannoch nit von den leuten. der hort die grossen zaichñ die sant thoma thet. do kam er auch mit grofser andacht zū dem grab. vñ bat die münich das sy in übernacht bey dem grab lieffen. das thetten sy. also bettet er mitt grofsem ernste bey dem grab vnd entschlief. do erschyn im sant thomas vnd fraget in was er bät. er antwurt. ich begere das du mir vmb got gesundhait erwerbest. do sprach sant thomas stee auf in dem namen gotes vñ biß gesund do erwacht er vor grossen freuden vnd was gesund worden. also dācket er got dem herren vnd sant thoma der genaden. ¶ Es was ain man von cipern. hieß nicolaus der het ain tochter die het ain kropff an dem halß. do fürt er sy zū seinem grab mit andacht vñ beeten. do sy wider haim giengen lieffen sy nit von irer andacht. do brach 8 kropff auf dem weg von ir als ain flaischine kugel vñ ward gesund. do lieff sy wider zū seinem grab vnd bat in das er iren vater auch gesunt macht wan er het ain weetagen in ainer seyten das er sich nicht bucken mochte. do ward er zūhand auch gesund. also dancket er got vñ sant thoma der genaden. Es was ain frau die hieß steffania die was von der geburt vngesund. vnd het auch die wasser

Von sant

sucht. als sy höret von den grossen
zaichē die sant Thoma thet. do lief
sy sich auch zū seinē grab führen. vnd
ruffet in an mitt grosser andachte.
vñ bat in das er jr gesunthayt vñ
got erwürb do ward sy zūhant ge
sund das es vil menschen sahent. sy
lobet got den allmechtigen vnd dē
hailigē darüb. Nun helff vns sant
Thomas auch vmb got erwerben
das ewig leben Amen.

¶ Von sant Poncio :



¶ Zū den zeitē do Valerianus vñ
Galienus das reych innen hettent.
do verachtet man die cristē gar ser.
vnd vieng vñ martert sy wo man
sy an kame. do was sant Poncius
auch ain crist vnd het got lieb vnd
dienet im mit fleiß. mit beten. vastē
wachen. vñ mit vil ander gütter
übung. vnd gieng durch das land
ytalia vñ prediget das wort gotes
vnd kam in ain stat die ligt nahent

poncio

bey dem gebirge die hayst vimelea
darin was ain richter der hieß clau
dius. der erhöret das sant Poncius
ain crist was. das thet im zorn. vñ
saz zū gericht vñ hieß in für in brin
gen. vnd sprach zū im. bist du dann
Poncius der die stat Rom mit ain
neuen glauben verirt vnd betrübt
vñnd hast der stat die würdigsten
fürsten verfert. Antwort sant pon
cius. ich hab nye nyemant betrübet
noch verirt. sunder ich hab sy von
jrsale des bösen gaistes zū got be
keret. Do sprach der richter. du solt
vñfern götern opffern. od du müst
grosse marter leiden. vñnd zū letst
den tod. Sant poncius wolt das
nit thün. do hieß er in bei den armen
auff hengen. vñnd sprach man solt
in peinigē vnd alle seine glider mar
tern. so wirt er wol sehen ob in sein
got von meinē henden müg nemen
Do sprach sant Poncius. wie vn
müglich dich das zeglauben bedun
cket. so solt du doch wissen dz mein
got das wol vermag vñ solt auch
glauben das dein pein vnd marter
zū nichten wirt in dem namen des
herren Jesu cristi vnd bringt auch
meinē leib kain schaden. Do namen
sy in vnd spannten im seine arm auff
vnd wolten in mit scharpffen eisen
gemarteret haben vnd getödt. do
rufft er gott innigklich an. do zer
brach der starck galgen vñnd kame
ain groß liechte von hymel vñ ain
groß feür vnd verprent den galgen
zū puluer das man nicht mer sahe
do wurden die henger vñ die men

sehen die da stündn all vō dem sch-
ein onmāchtig: do sprach sant Pon-
cius zū dem richter ich glaub noch
vnd erkenn auch das vnser got all
mechtig ist. wann er mag die gedul-
tigen menschen vō irem leydn wol
erlösen. vnnnd mag auch den bösn
nach dem jūgsten tage das ewige
feür geben. Do warde der richter
gar zornig daz sahe ain man 8 stūn-
de darbey 8 hieß Anabire 8 sprach
zū dem richter. aller man ain weiser
man hat vnß zwen vngeheür bern
gebracht den haif ain grūb machn
vñ thū ponciū zū in darein das sy
in zū stücken zerreißen. Do hieß der
richter ain grūb machen vñ Pon-
cium zū in thūn. do raiztē sy die be-
ren an den haylign. vnd man het sy
auch dauor gar lange darauff ge-
hüngert. vñ sy vermainten sy soltū
in zū stücken zerzeren. do stunden
die thier still vñ dorsten nit nahent
zū im kōmen. vñ sahent das vnge-
laubig volck an. do vorchtū sy sich
vñ flohent hinder sich do giengen
die beren zū dem hailigen vnd küß-
ten im sein füß vnd thetten im kain
layd. Do schrien die haiden gemain-
lich vnd sprachen auß aym mund.
es ist ain got in hymelreych vñ auf
erden das ist der cristen got. 8 ver-
mag alle ding. den betet Poncius
an. Do warde der richter noch zor-
niger vnd hieß ain grof feür mach-
en vnd hieß poncio hend vnd füße
zusamen binden vnd ließ in in das
feür werffen. do rufft poncius got
den herrē mit ernst an der half im

aber daz die flamen auff in die lufft
giengen vñ fürten das ertrich mit
in in die höhe. nach dē vñ das holtz
alles verpant. do sahe 8 richter das
Poncius dannocht gesundt was.
vñ das im sein gewand vñ leib vn-
vermailiget was das thete im gar
zorn. vnd sprach mit grosser rōbig-
keit zū dē hailigē poncio. nun wirst
du dich freuen vñ wirst dich über-
nemen das du die pein vnd marter
alle überwunden hast vnnnd wirst
dir gedencē du mügest die andern
pein auch überwinden das magst
du nit thūn du opfferest dan vnser-
ren götern dē got apollo. do sprach
Poncius Richter du sihest das ich
nit anders habe dann den ainygen
leibe den offer ich vnnsrem herren
Jhesu cristo. der hatt mich behüte
das ich mich nitt vermailiget habe
mit dem dienst der abgötter. dir ist
aber not das du dich hūtest. wann
ich sag dir das dir vnd Valeriano
auch galieno schir die göttlich rach-
kompt. darūb das jr die diener got-
tes also ser vñ vnschuldiglich pey-
nigent vñ martrent. Das thet dem
richter aber zoren das er was als
stāt. vnnnd gebott das man im sein
haubt abschlūg auff ain staine der
bey ain grossen wasser lag. darūb
das sein leichnā in das wasser viel
Do schlūge man im sein haubte ab
bey dem wasser. do füre sein seel zū
den ewigen freüden. Gar bald dar-
nach do ward sant poncius weif-
sagung war. dan 8 künig von per-
sien vieng den kaiser valerianū vñ

Von Sant

auch mit im all sein diener. vnd al-
les sein volck die weil er lebt. do nunt
der künig auff sein pferd wolt sitze
do müst d̄ kaiser sein halß dar streck
en vñ müst d̄ künig mit sein ruckē
vñnd halse auff das pferdt helfen
Darnach ließ d̄ and̄ kaiser glienum
gen mailand reitē do vieng man in
vñ durchstach in mit schwerteren
do ward claudius d̄ richter mitt d̄
bösen gaiste behafft. vñnd anabius
auch. der d̄ rat gab das man in zū
den bern solt setzen. Vñ in der stun
de als man sant Poncio sein haubt
abschläg. do ward d̄ kaiser so wee
das er im sein zungen zū stücken er
biß vor grossem schmerzen vñ we
tagen. vnd starb an seel vñ an leibe
vñ zerret auch seine augen auß vor
schmerzē. also rach got sein diener
Nun bitten wir sant ponciū das er
vns auch ewigs lebē erwerb Amē.

¶ Von sant Gregorio:



Gregorio

¶ Sant Gregorius vatter d̄ hieß
gardianus vñ was ain reicher edel
man. vñ was von kaiserlichem ge-
schlecht. vñ was ain senat zū Rom
vnd sein mütter hieß silena. vnd het
iren sun gregoriū auß d̄ massen lieb
vnd zugen in vonn kindthait auff
tugent. des volgt er in mitt fleiß er
dient gott mit andacht. vnd vol-
get der edeln frucht daruō er gebo
ren was. vñ gieng bald gen schule
vñ lernt emssigklich vñ so wol daz
er ain grosser maister ward d̄ sibem
freien künst. betet vnd laß vnd stu-
dret mit grosser andacht vnd inn-
igkait. daz in die hailig geschrifft ai
nen engel haist des hailigē gaistes
vñ nam eben war das die welt zer
geet vñ alles das darin ist daruon
kört er sein hertz mitt ganzem ernst

¶ Sant Gregorius der was gar
reich. vñ het grof güt vnd erbe daz
behielte er darumb das er dem all-
mechtigen ewigen got darmit ge-
dienen möcht vñ das er den armen
menschē gütlich daruō möcht tūn
do gewane er souil zūschaffen vnd
zū schicken mit dem güt das es in
an d̄ dienst des ewigen gotes gar
vast was iren. vnd do im sein vat
ter gestarb vnd im das güt geuiel
do stiftet er sechs klöster in Sicilia
darmit. vnd ließ sich die welte nitt
iren. vnd stiftet das sibent kloster
bei der stat zū rom. vnd darein ka-
me er selber mitt vil seiner gesellen.
vñ lebt am anfang so gaislich als
ob er alle seintag gaislich wär ge
wesen. wann er trüg nitt allain ain

schein er het auch ain durchechtigs leben Sant gregorius het auch in diser welt pfeller samat gold vñ silber getragen. nun trüg er verworfne klaiden. vñ dienet den andern allen als ain knecht. vnd was im selb gar hert an leiplichē gemach. an essen vñ trincken. vñ beschloß sein. v. sijn vor allen sündlichen dingen. vñ alle menschē die in sahent die namē ebenbild von im vnd besserung. er hett auch also grosse übung. das er oft siehet biß in den tod. vnd wenn er wiß zū seiner krafft kam so vieng er sein vorige übung wider an.

¶ Ains mals saß sant Gregorius in seiner zell vnd schrib. dan er rüet nymmer nit. er betet laß oder schrybe. do kam ain engel in sein zelle als ain man der auß ainē zerbrochnē schiff kaum entrunnen wāre vnd bate in das er im etwas gāb. vñ sprach zū im. ich habe als mein gūt auff ain schiff verlorn. do gab im sant Gregorius. vj. pfening. am andern tag darnach do kam aber der engel vñ bat in das er im etwas durch gott gāb. do gab er im aber. vj. pfening an dem dritten tag kam er aber vnd sprach. gib mir mer deñ du mir vor hast gegeben wān ich hab vil auff dē schiff verlorn du hast nñir zū wenig geben. do sahe sant Gregorius vmb vñ sahe nichtz das er im gāb dann ain grosse silbrine schüssel die het im sein mūter gesent mitt speyse die gab er im. ¶ Ains mals gieng sant gregorius auff dem marckt zū rom. do sahe er gar vil schöner kin-

der sail. do sprach er zū irem herren sind die kinder glaubig. do sprachen sy nain. also er seufftget er vñ sprach ach das sy als schöne antlützer haben vnd das der böß gaiste über sy gewalt hat. das erbarm gott vnd sprach. vonn wölichen landen sind sy. dz sprach ainer vō engeland. do sprach sant Gregorius. sy mügen wol von engelland sein wān sy haben engellische angesicht. vnd mitt der hilff gotes so muß noch cristenlicher glaub in das selb land komen vnd bat den bapst das er thätt als ain weiser vnd vernünfftiger vatter. vnd an seine francke schäflinge dächte. vnd ettwar gen engelland schickte der sy cristenlichen gelaubē leeret. vñ sprach. vatter ist es dir lieb so will ich gern durch gott dar faren vnd will sy cristenlichē glauben leeren. vnd den got erkennen der sy erschaffen hatt. dan sy sind engellische bild. also gab im der bapst verlaub. do für er zehand dar. vnd do die fürstē des jñen wurden sprachē sy vater wir seien traurig vñ ser betrübt das du vns gregoriū hin gesendet hast. ach das er bald her wider kame. oder wir werden zornig darüb. do der bapst hort das sy in als gern heten. do sent er wiß nach im vñ ließ in wider bringen. vñ do sant Gregorio die botschafft kame do was er wol drey tag waid kommen vō der stat rom. das was im laid. vñ müßt über sein willn wider gen rom. also macht in der bapst zū ewangelier vnd cardinal vñ wolt

Non Sant

in nit mer in das kloster lassen.

Alins mals kam vnser liebe frau zu sant Gregorio. vnd sprach zu im Lieber gregori du schreibst wol vō mir vñ auch von meinem sun. vnd von allen dingē du möchtest doch noch etwas lieplichs vō mir schreyben. Als bald macht er das respōs Sancta et immaculata virginitas daz spricht in teütsch also. du vnuermailigte juncckfrauschaft wo mitt soll ich dich loben das waiss ich nit wañ den 8 himel vñ erd nit begreyfen mochtten den hast du in deiner schoß gehabt vñ wirdigklich volbracht. das ist 8 vers. du bist gesegnet ob allen frawen. do setzet sant gregorius das respons in aller cristenhait auff zefingen vnd zu lesen.

Am ostertag warent die leüt zu rom gar fro das die vast hin was vñ triben ain spil vñ freud das wider got was. do thet got ain schlag über sy. vñ verhengt das das waser tibris zu rom in die stat flos mit so grosser vngestümigkayt das es die heüser nider zerret. vñnd kamen vil böser würm schlangen vnd ain tract in die statt mit dē wasser. die schmeckten als übel das die leüt davon starben. vnd kament auch geschos auß den lüfften wen die traf fen der starb. vñ starb ain bapst zu dem ersten 8 hieß pelagius vñ starbedes volcks souil das 8 heüser vil 8 wurden. vñ die sucht hieß igwaria. vnd starben all gächling. so sy waren am tisch. an der straf. oder wen sy nieseten. od wen sy heschetē

Gregorio

so vielen sy hin mitt offnem munde vnd etlich gesegneten sich wenn in yach hergienge. vnd wie groß der sterb was so wolten sy doch habē ain oberhaubt. vñnd erwölet das volck gemainklich gregoriū zu ain bapst. Do ward er seer betrübt vñ kam wider sein willē zu dem ampte danocht weret der sterb. Darnach prediget in Gregorius vñnd bat sy das sy gedultig wāren. vñ machet ain proces vnd hieß die hailigen anrüssen mitt fleiß. Do sturbent an der proces. lxxx. menschen. do tröst sy Gregorius vnd sprach. sy sölten got lang anrüssen bis er in zu hilff kame. darnach giengent sy wider haim in ire heüser. Nun was sant gregorio stätigs im syn das er den eren geren entrunnen wāre. do het man die thor alle besetzt durch seint willē also legt er ains andern klaid an vñ bat etlich kausleüt das sy im haimlich darnō hulffen. das theten sy. Do kam er allain in ain vinstern wald darinn was er. iij. tag in ain hole. do gedauht in er wār reich. wañ sein hertz was vol süßigkayt vñnd kam nye in böß gedencke. das was den römern gar laid dz sy sant Gregoriū verlor hetten vnd suchten in miternst in dē klöstern. Nun was ain klausner 8 was im haymlich. 8 sahe ain liechte klare seül von hymel hernider geen auff die erden vnd umbfieng das hol darinn sant gregorius 8 hailig bapst was vnd die engel fürten den selben klausner zu dem liechte. das alles saget der

Klausner den römern die sant Gre-
goriū süchten als ob es gott wölte.
do wurde sy fro. vñ giengen zū jm
vñ fürten in mit gewalt gen Rom
zū der würdigkait. vnd sprachē die
priester die segē ob jm wie man ain
bapst weihet. Die eer het er gar vn-
gern vñ schub sein fründē ain brief
vñ klagt in sein leiden. vñ stünd der
brief also. Ich solt inwendig war-
nemen gotes vñ mein selbs. so byn
ich ser betrübt. vñ müß seüßgen vñ
wainen. darüb das ich zū ain bap-
ste er wölt bin. das ich enberen müß
inwendiger rü. die mir die herisch-
afft benymmet. byn ich eüch lieb so
helfft mir klagen vnd wainen. vnd
bit eüch auch fleißiglichen das jr
got bitent das er mitt mir sey. Auch
schreibt er anderswo. Seyt ich ain
hirt byn so müß ich eüßere wercke
thün. so geschicht das offt so ich in
rū meins hertze solt sein. vñ got vñ
mich selb erkennen solte. das eüßer
sa h mich entziehen das ich gedencē
an das eüßer geschefft. von den ge-
dencēn wird ich vermailiget. vnd
merck auch offt was ich gehebt ha-
be. vnd was ich verz hab. darüb ist
mir die eer schwär am hertzen dan
ich het ettwen ain geringē müt mit
gott. so bin ich nun in vñeū in diser
welt. wen ich gedencē an das inn-
er lebē in dē ich vor in rū was. so ist
mir als ain man d auf dem mōr ist
in großem vngewiter vnd hinder
sich in sein hauß gedencē wie gro-
ß er darin gehebt hat. ¶ Sant
gregori besaß den stül zū rom. vnd

pflag des ampts mit diemütigkait
vñ wen ain sterb nit wolt auffhö-
ren. so macht er ain proceß. vñ hieß
die hailigen mit d letaney anruffen
vñ macht. vj. ordnung. die erst wa-
ren all priester. die and begeben leüt
ewangelier vnd epistler. die dritten
warent geweicht frawen vñ kind
die viertē warent die laien. die fün-
ten warent die wittwē. die sechstē
warent cefrawen. vnd das volcke
alles ruffet gott an vmb sein hilffe
¶ Nun was sant lucas ain güter ma-
ler der het ain schöns bild gemacht
nach vnser lieben frawen als er sy
hie gesehen het auff erden das bild
trüg man vor der proceß. vnd ruffe
alles volck die mütter gotz an. do er
hört got sein mütter. do das bild in
die lufft kam do verwandelt sich d
böß lufft vñ kam ain güter gesund
über das volck. vñ ward das wet-
ter klar vñ schön. vñ sun gen die en-
gel mit süßer stym ob dem bild ma-
rie zū lob regina celi. &c. do setzt Gre-
gorius der bapst darzū. ora pro no-
bis deū. das gesang d engel spricht
in teütsch. künigin der hymel freue
dich. wan den du hast verdient zū
tragē der ist erstandē als er sprach
do sagt der bapst darzū. bit got für
vns. Alle creaturen loben got. Do
sah der bapst das ain engel auff d
bürg stünd vñ het ain blütigs sch-
wert in der hand. damitt het er die
menschn getödt. das wischt er. vñ
stieß es in die schaiden. vñ ertödtet
die menschen nit mer. Do sahe der
bapst dz got seins zorns vergessen

Anton

het. vñ gebot dem volck das sy got fleissig danckten. vñ setzt fürbaß im jar auff ain tag zueasten für den gahen tod. Nun gedacht er dannoch daran das sy zu engelland nit waren gelaubig. vñ er selber nit dar kommen möcht. vñ sant etlich mit seiner weisheit auß. den gab ers zu büßs für ir sünd das sy dar füren sy zu bekeren. vnd bat got selbs für sy. wann er hett geren gesehen das alle welt got lieb het gehebt. Also kam engel land zum cristenglauben durch in:
Sant gregorius het volckömne demütigkait. vnd wer ye güts von im schrib so schrib er allweg hinwider. ir solt nichts güts von mir schreiben noch sagen. wann mein menschaits ist krank. darumb wil ich nit gelobt werden. vñ schrib sich. ich bin aller gottes knecht ain knecht. das selb recht behaltent noch die bapst.
Aines mals kam ain abbt durch ablaß willen gen rom & hieß johannes. vñ was ain frumman. es fügt sich das der bapst auff dem marckte was. er wolt sein würdigkait eeren vnd wolt im zusüssen sein gefallen do das sant Gregorius ersach. das was im layd vñ viel gegen im auff den markt. vñ lag als lang das der abt vor im müßt auffstehen.
Wen sant Gregorius arm leüt weßt den hieß er ir notturfft geben. vnd ließ beschayden wa man es nemen solt. vnd hett dreystausent juncfrawen die versorget er von seym güt. vnd macht zu jerusale ain kloster dz vermach er auch mit seym güt. vnd ver-

Gregorio

sach auch gar vil münich. **A**ines mals gab der bapst armen menschen wasser auff ir hend nach seiner gewonhait. do kam ainer zu im dem wolt er auch wasser geben der verschwand. des nam in wunder. also erschyn im vnser herre in der selben nacht im schlaff. vnd sprach zu im. gregori du tust mir vil güts an meinen gelydern. so bin ich ir haubt. du enpfingst mich gestern selber wol. des danck ich dir. darmit verschwand er. des trosts freuet sich gregorius ser.
Ains tags hieß er im xij. arme menschen laden. das thet man. vñnd man pflage ir wol mit speiß. do zelet sy der bapst ob dem tisch. do vnd er ir. xij. also sprach er zu dem schaffner ich hieß dich. xij arm menschen laden. so hast du. xij bracht. do zelet er auch vñ zelet nur xij. do zelet der bapst aber. xij. vnd sach ain vnder in der verwandelt sein antlitz. vñ ward ain weil jung vnd gar schön vnd ward dan nach gra alt vñ vngestalt. do nam er den selben vnd füret in in ain kammer heimlich vñ sprach zu im. Ich beschwör dich bey got das du mir sagest wie du haiffest. do sprach er. herre mein nam ist wunderlich. ich sag es nit. ich byn der engel dem du die silberin schlüssel gabest die dir dein müter sendet. vnd an dem tag fürsach dich gott das du werden müßt bapst. do sant mich got zu der selben stund das ich dein hütt. das hab ich bis her gethan vñ was du von got wilt bitten das soll ich er-

werben dir von got. damit verschwand d' engel. do danckt er got seiner güte. ¶ Zu d' zeit was ain ainsidel der dient got mit fleiß tag vnd nacht. vñ was in ain walde. d' het ain kaze die nam er offst lieplich auf sein hend vñ strich sy. des verdroß in nit. Alines mals do bat er vnsern herin dz er im verkündet mit wem er lon het im ewigē leben. do sprach die stym gottes zu im. du hast mitt bapst Gregorio gleichen lon. es beschwart dem ainsidel sein hertz. vñ sprach wider sich selber. o herz nun hab ich die welte verlassen vñ das güt. so hat d' bapst vil güts mitt dē muß er leiden kümernuß. das irret in an dē dienst gotes. so lebt er baß dann ich vnd soll ich armer vnd ericher gleich lone haben. gedunckt mich vnbillich. das murmeln tribe er bis in die nacht. do kam die stym gotes vnd strafft in vñ sprach. wie getarst du dein armüt zu sant Gregorius reichthūb schenken. er ist in armüt in die reichthūb gefessen. wann im ist wee darmit vnd tröst die armen mit seinē güt. so hast du mer lustes damit das du dein kaze streich est dan sant Gregorius mitt allem seinem reichthūb. do erschrack der ainsidel vmb sein sünd. vñ bat got daz er im sein lon bei sant gregorio gäb. ¶ Es waz ain kaiser hieß maurici. der tet den cristē vil laids. also bat der bapst got offst das er es vnderstünd. vñ schrib dem kayser ain brieff also. Wie wol ich ain sünderbyn so hoffe ich gott sey mir gene-

dig. das du mir als vil zū laid tust doch thust du mir recht. wann ich bin gotes vnnützer knecht vñ diene im wenig als ich billich nitt thun solt. Vnd über etliche zeit würcket got mit dē kaiser. das er sich vorcht wan er sahe in ain gesicht das ain münich ain schwert ob seinē haubt schüte. vnd sprach zu im. mir ist erlaubt das ich dich schier soll tödten do erschrack der kaiser. vnd bat den bapst das er got bat das er im sein sünd hie abnāme vñ im nit zu der hell sparet. das thet sant gregorius. ¶ Alins nachtz lag d' selb kaiser vñ schlieff. do gedauchte in wie er für gotes gericht käme. vnd wie ainer zu im sprach. sag mir maurici wilt du dein lon hie vmb die sünd nemē od dort. do sprach er tū mir hie wie du wilt. behüt mich nur dort vor d' hell. do sprach die stym gotes. vocas dein richter soll es an dir rechē vñ soll dich vñ dein weib vnd kind tödten. vnd bald ward im der richter als veind das er in zütod schlüge vñ sein weib vnd seine kind. dar nach do warde d' richter vocas vō glücke kaiser. Trayanus der was vor vil zeitē kaiser gewesen. vñ der was ain haiden. vnd was tugentlich vnd gerecht dem armen als dē reichen. ¶ Alines mals wolt er an ainen streit reiten. do kam ain wittib auff dem weg zu im vnd klaget im man het jrē sun erschlagen. vnd bat gericht. do wär der kaiser gern zum streit geriten. vnd sprach. beite bis das ich wid kum so will ich die

Van Iant

geren richten. do sprach die fraw. stirbst du aber die weil so waif ich nit wer mir richten sol. do sprach d̄ kaiser. wen man nach mir setzet der muß die von recht richten als wol als ich. sprach die fraw. richt mit ain and. so hast du kain lon darvon. antwurtet der kaiser. du hast war. vnd stig von sein pferdt vnd richt der frawē nach jrē willen. ¶ Ains mals ritte des kaisers sun auff den marckt vñ sein pfert ertrat ain jungling wider sein willen. das was seiner müter laid die was ain wittib vñ klagt es dē kaiser wainent über sein sun. do was der kaysr ain weiser richter vnd gab der wittib sein sun für jren sun. vñ gab jr groß güt darzü. ¶ Ains mals rit des kaisers sun in ain wald vñnd verirret darinn das er in dreyen tagen nye kain herberg vinden kund noch ain menschen der jm ain bitten brot gāb. do ersahe er ain mül do rit er hinzü vñ klagt der mülnerin er wār drey tag vngeessen gewesen. vnd wolt vor hunger sterben. vnd sprach. fraw nempt mein rock vnd mein mantel. vnd gebt mir ain wenig brots. do sprach die fraw. ich vñ meine kind haben nur ain brot. mir ist lieber jr sterbt dann wir. do sprach des kaisers sun. frawe nement mein güts pferd vnd gebent mir nur ain halbes brot. antwurt jm die fraw zornigklich. ich kan nit mit rossen vmgēen wir müsten hungers sterben darbei. kauff anderswo brot. do sprach er. seyt du mein not nit erkennen

Gregorio

wilt so nym ich dir das brot mit gewalt. do schry die fraw vñ sprach Ich sag es dem kaiser der ist wol so gerecht vnd ob du sein sun wārest dannocht ließ er dir deine recht tūn Antwurt er. ich byn sein sun. vñnd will dich vñ dein kind reich machē gib mir das brot nur tugentlichen Voch wolt sy jm es nit geben. also nam er jr es mit gewalt. vñ rit von jr. do lieffe jm die fraw nach vnd sprach. ich vnd meine kind müßent hungers sterben. do was der kaiser nit verr von jn d̄ hört das geschray vnd fragt sy was jr wār. sy sprach Ich hett nur ain brot das hat mir dein sun raublich genomen vnd ich vñnd meine kind müßent hungers sterben. Er bezalt jr das brot vnd sprach. fraw gehab dich wol. ich will dir richten das übel als an ainem straßrauber vnd rait haim vñ saß zū gericht. vnd fragt vitail über ainen straßrauber vnd sprach. es ist ain fraw die het zwai kind vnd nur ain brot. darzü. do kam ain böß wicht zū jr d̄ nam jr das brot mit gewalt. vñ die fraw klagt sy müßent hungers sterben do vitaileten die herre man solt jm aufstechen beide augē. Also ließ der kaiser seinen sun vāhen. Vñnd do die herren hörten das es sein sun was. do erschrackent sy vnd v ielen all für den kaysr vñ baten jn das er seinen zoren abließ. do sprach d̄ kaiser. es muß das vitail stāt beleibē das ich getan habe. wān wolt ich meinē sun übersehen vnd über arm richten. so wāre

Was

mein gericht nit gerecht würd ich verlor. dan ich hab geschworen dz ich recht wöll richten. vnd wöll we der durch lieb noch durch layd richten. Do baten sy in. das er dem sun durch irentwillen doch daz ain aug lief. do sprach er. ich hab zwai augen geurtailt es müß auch über zwai augen geen. aber seydt das er mein sun ist vñ ir mich genad nit erlassen wölt so will ich mir ain aug durch eüwern willen lassen aufstechen vñ in das ander. das müß sein dz mein gericht recht stee. Also stach man den kaiser das ain aug auf vñ dem sun aines. Darnach über vil jar do der kaiser trayanus tod was. do gedacht er das der kaiser als gerecht gewesen was. vnd übertracht gregorius das recht gericht das er het getan. vñ was in layd das er in dem vngelauben tod was vñ erbarmet in das er bey der gerechtigkeit verlor solt sein vñ lieff bald zu sant peters münster waynend: vnd rüffet got an für die sel des kaisers. das er in gnad thät. do kam ain stim von hymel vnd sprach. Gregori wilt du das ich dich erhör. so müßt du drey sucht haben die weil du lebest. das erst ist das blatt. so du allergerneß redtest so magst du nit gereden. daz ander das du geswollen seyeß von der gürtel bis auff die füß. das drit ist der täglich ritten. du solt aber nymmer mer vmb kaine seel bitten die verlor sey. seyt du aber für den gebeten hast so will ich dich geweren vnd will in behüten. Darnach

Allen hat

betet sant Gregorius auff Trayanus grab. do kam ain engel von hymel der trüg ain brinnends schwert in der hand. vñ was daz grab auff getan. darnach kam der engel in die hell da trayanus saß vnd bran seer. do stünd er zu in vñ schlug überal ain ring vmb in vnd zühant belyb kain ding da das zu der hell gehört vnd als bald saß er in den hymelreich vnd hat freud ewigklich. Do das gregorius ersach. ward er fro vnd dancket got seiner genaden. das er trayanum durch seynen willen von der grossen pein genömen hett. vnd litt die sucht gedultigklich vñ geriet durch got vnd seins nächsten willen die weil er lebt. ¶ Es was ain frau die buch gewonlich oblaten. vñ trüg sy am suntag zu der kirchen vnd ains mals laß sant gregorius mess vnd nach der mess gab er dem volck gemaincklich gottes leichnā. do gieng die frau auch hinzu. vnd wolt vnsern herren leichnā empfangen. do sprach der bapst den segnen ob ir. den all priester sprechen. das spricht. der leichnā cristi sey mit dir vnd helf dir zu dem ewigen leben. vñ do er die wort sprach. do sach in die frau an vnd lachet. do enthielt der bapst die hand vnd gab ir vnsern herren nit. vñ sprach zu ir. warumb darfst du lachen. sy sprach. da gibst du mir ain brot daz ich gestern selbs gebachen hab. vnd maynest es sey cristi leichnā. do erschrock er seer. vñ leget vnsern herren auff die paten. vnd bat got mit grossem ernst das

Aun sant

er der frawen iren vngelaubē nām
vnd jr zū erkennen gābe das sy vn-
recht glaubt. Vnd do er sein beet ge-
sprach. do verwandelt sich das sa-
crament mitt götliche gewalt vnd
ward gestalt als ain vinger. vñ er
ließ in die vnglaubigē frawen sehē
vnd die andern. do lobtē sy got mit
freüden darüb. vñ ward die fraw
glaubig. do beet aber sant gregori-
us do verwandelt sich der vinger
wider zū ainer oblat. do hübe er sy
auff vnd gab sy der frawē. also en-
pfieng sy vnsern herre mit andacht
Sant gregorius trachtet mitt
fleiß. warmit got gelobt würd. vñ
richt der cristenhait ampt mit got-
tes hilff. das wir noch singen vnd
lesen. vñ bracht vil hailiger gewon-
hait auff. die man noch helt. vñ do
er. xiiij. jar bapst gewesen was. viij.
monat vñ. x. tag. do warde er siech
vnd starb seliglichen. vnd für sein
sel zū dē ewigen freüde. also begrüb
in die priesterschafft mit gar groß-
ser ersamkeit. vñ was in laid vmb
in. vñ setzten ain andern bapst der
lebt in sensstē leben. vnd was vnge-
leich sant Gregorio an hailigkeit
also ward grosser hunger im land
das etlich mensche vor hunger müs-
ten sterbē. es müßten auch münich
vnd klosterfrawen vil mangels lei-
den. wann sy hetten iren trost ver-
lorn vnd kamen vil menschen zū dē
bapst vnd sprachen zū im. nun ha-
bē wir vnsern trost verlorn. so solt
du vns an seiner statt vor sein. vnd
hilff vns das wir nit hungers ster-

Gregorio

ben. Do ward der bapst zornig vñ
sprach. hat der bapst Gregorius vil
durch rüme hin gegeben liberal in
das land das will ich nit thün. ich
acht der eyteln eer nit. Mit der red
vertrib er sy. Do kam sant gregori-
us drey mal zū im. vnd leert in das
er gern durch got sölt geben. vñnd
bat in daz er im mer nachredet: des
alles achtet der bapst nit. vñnd do
sant Gregorius sahe daz er sich nit
daran kören wolt. do came er zū dē
vierdten mal zornigklich zū im. vnd
strafft in herriglichen das er seine
rat nit genolgt hett. vnd schlug im
ain grossen schlage auff sein haubt
do erschracke er so seer das er siech
ward vnd starb. dannocht weret
der hunger etliche zeyt. Zū den sel-
ben zeyten warent etliche an des
bapst hoff die des hoffs leben soll-
ten. die heten gern vil gehabt. vnd
redeten sant Gregorio nach. vñnd
sprachen. er het alles sein güt durch
rüm hyn gebē daz sy mangel müs-
ten. vñnd verprienneten der bücher
ain tail die er geticht hett vor zoren
vñ wolten die andern auch haben
verpriennet. do came ain ewangelier
genannt Petrus geloffen. dem hett
sant Gregorius gar freüntlich ge-
than. dē thet es zorn daz die bücher
verprunnen. vñnd nam die andern
bücher vñ sprach. es wär ain sünd-
lichs ding daz sy des frūmen mañs
bücher von neiz wegē wölten ver-
priennen. jr sölt es nit thün. wā es
ist vil gūts darinne geschriben das
nutz bringet. zürnt jr vmb sein miltz

leben das steet eüch übel an. jr sollt eüch an dem hailigen nit versündē wān ich hab den hailigē gaist auff seinem haubt gesehe als ain weisse tauben. vñ wēn er haimlich bey jm was so raunet er jm ein alles dzer schrib vnd lert. vñ schwur Petrus ainē aid auff sant Gregorius büch das er dz offte gesehe het. vñ sprach darnach. nun stirb ich. das hat mir sant gregorius vor gesagt wēn ich von der tauben sagte. so stirbe ich darumb glaubt meinen worten ob ich stirb. stirb ich aber nitt so glaubent nit. Do sprachen sy. das wöll wir thün. do starbe er als balde on allen weetagen. do behielten sy die büchec. wān sy fundē die warhayt.

Es was ain münich in dem kloster do sant Gregorius jnn was ee er bapst ward. der selb münich legt vil gūts zūsamē. vnd wolt es behalten. do erschien sant gregori ain andern münich im kloster vñ sagt Sprich zū dem münich. warumb er die eigenschafft hgb. er solle das gūt auffgeben vñ sich bessern dan er stirbt am dritten tage. Do warnet der münich den brüd als in sant Gregori gehaissen het. do forcht er sich gar übel vñ gab das gūt alles hin. vnd am dritten tag gewan er ain schwäre sucht vom morgen frū bis zū terzeit. vñ gesahe nichts vñ redet nichtz. do sprachen die brüder jr gebet ob jm. do bis er jm selb die zungen auß vor grossem schmerzē vñ redetē jm sein brüder nach vmb sein sünde. das hört er vñ sprach

wee lieben brüder jr habt eüch meines lebens geergert dz vergeb eüch got vñ habt mich gehindert: wān yezund was ich für gericht kōmen vnd strit mitt dem bösen gaist vnd weßt nit wem ich antwurten solt darumb tünd es nymmer durch gott sehent jr yemandt am tod ligē über den erbarment eüch. wān der mensch vindt es wol in 8 letzten stund was er üfels hatt gethan. O wee ich was in grossen sorgen vor dem gericht gottes vnd müßt antwurt geben vmb meine werck. do name eüch der teüfel zū zeügē vor dem gericht gotes als jr mir nachredeten do halffe mir sant Gregorius. das ich im ygklichs wort mit seiner hilf verantwurt. dan aines worts des ward ich überwunden. des schemt ich mich seer. vnd hab vil darumb gelitten. die zerbissen zung schadet mir nichtz an der red. Do sprachen sein brüder. sag vns das wort damit dich der böß gayst überwundē hat. do sprach er. nain. ich soll es nit sagē. sant Gregori hieß eüch die red sagen. Do schry er yemerlichen. andrea andrea. gott lasse dich das jar nymmer überleben wēn du hast mir ain bösen rat geben. vñ starbe bald darnach. Nun was ain burger in 8 stat dem was laid das jm der münich geflücht het der hieß Andreas der ward darnach siech vnd geschwullen jm alle seine glider vñ ersgulet sein flaisch: er hieß die brüder kōmen vnd beichtet sein sünd mit reü vñ veryahe das er disen brüder der

verschiden wär darzū hett bracht.
das er sant Gregorius bücher ver-
kauft het. do das andreas vervehē
het starbe er. darmit gabe yn gott
zū erkennen das des hailigenn sant
gregori lere nütz was. ¶ Ain ewā-
gelier hieß Johannes der schrib in
dem vierdten büch des lebens sant
Gregorij an dem end do er het vol
bracht alle das leben sant gregorij.
in der nacht des österlichen tages.
bey ainē bünenden liecht. do erschin
im der teüfel in aines alten mannes
gestalte. vnnnd het oben ain schöns
weiß badhemet an ain dünnes. vñ
darunder ain schwarzes recht als
ob er priesterlich beklaidet wär. do
er im wolt nach seinem geduncken
priesterliche eer beweisen. do ward
er ernstlich lachen vnnnd kittern. do
ward er in ansehen wie er doch ge-
stalt wär. in ward wundern das
ain sölicher alter priester so lecher-
lich lacht. er antwurt vñ sprach. sol
ich nit lachen. du schreibest von den
todten der du lebendig nie gesehen
hast. im antwurt Johannes vnd
sprach. so wif das ich sant Grego-
rius person nye gesehē hab. den ich
doch erkennt hab. das ich das auch
beschreiben mage vnd warhaffter
an zū plasen dan die mit im leiplich
en gelebt haben. do sprach der teü-
fel. ich sihe wol was ich gewendet
wolt haben das wilt du vollendē
so will ich auch volbringē was ich
vermag. vnd mit disen Worten er-
leschet er das liecht das Johannes
gar erschrockē belibe in der vinster-

nus. vñ gedaucht in er wolt in mit
aim blossen schwerte erstechen do
erschine im sant Gregorius zū der
gerechten hand. vnd der bapst Ni-
colaus zū der gelincken hand. vnd
sein dyacon Petrus. do zaigt im ni-
colaus mit seinem vinger den für-
gangen teüfel. zūhand nam in sant
Gregorius. vnd mitt ainem bünen
den schaub den Petrus trüg in sei-
ner hand prennet er im sein antlitz
vnd sein weißes gewand daz er zū
mal schwarz schine als ain teüfel.
do sprach johannes zū sant Grego-
rio. ey wie schwarz hast du vnsern
widersacher gemacht. do sprach er
ich hab in nitt schwarz gemacher.
sunder ich hab im da beweist wie
schwarze er ist. darnach gab sant
Gregorius johani ainen gütē trost
darmit verschwand er. vnd das
schön klar liechte das Gregori mitt
im bracht das belyb johani mangē
tag: daruon ward gelobte Ihesus
cristus. ¶ Nun bittē wir den grossen
lerer sant Gregoriū das er vns vñ
got den allmechtigen sey erwerben
grosse weißhait. damit wir in eren
mögen nach seinem lob. vnnnd das
wir hie menschen werden nach sei-
nem götlichen willen. vnd nach di-
sem leben besitzē das ewig leben.
Amen.

¶ Von sant Longino.



Der lieb herre sant Longinus & was ain ritter. yñ den zeiten do die juden jesum verrieten vnd martertten. Er was darbey do vnser herre an dem creützhienge. do nam er ain spere vñ stach vnsern herren in sein hailige seiten. do flos wasser vnd blüt auß & wunden. vñ er het blöde augen do ran das blüt an dem sper ab in sein handt do strich er es über die augen do wurden sy schön vnd gesahe wol vñ got & im sein gnade außwendig thet & erleucht im sein hertz inwendig vñ ward in im erwachet von den zaichen die da geschahē do & herz gemartert wurde wan er gewan grosse reu über sein sünde vnd bekennet das cristus der war gotes sun wär. vñ verließ sein ritterschafft. vnd hielt sich in großer diemüt zū den zwölffspoten. die taufften in. vnd lerten in den wege zū dem ewigē himelreich. Darnach

ward er ain münich in cesaria vnd hett got lieb vnd dient im mit fleiß tag vñnd nacht. mit betten. vasten wachen. vñ mit ander gūter übūg vñ was wol. xxviii. jar ain frūmer münich. vñ prediget vnd leeret das volck. vñ bekert vil mensche zū got Des ward der lands herr jñen. der was ain haiden. vnd glaubt an die abgöter. vnd was Longinus thet oð sagt das het er für ain schimpff vñ hieß in vahen. vnd do er für yn kam do sprach er zornigklich zū im Longine du solt den glauben lassen den du die leüt leereest dan er ist gar ain spot. vñ kere dich zū den abgötttern vnd bett sy an. das wolt er nit thūn. vñ was stat an got. das thet dem richter zorn. vñnd hieß im die zungen auß schneiden. das laid er gedultigklich. vnd begert in seinē hertzen das got mit im wäre darnach schlügen sy in in seinē mund biß im sein zē einuilen. sölichs leiden thet im gar wee. also halff im gott das er danocht mocht reden. des wurde er fro vnd danckt got seiner gnaden. nach dem nam sant Longinus ain art vñ schlug die abgöter nider vnd sprach offentlich. laßt sehen ob es göter sind. sind sy gewaltig götter so schadet in mein krafft nichtt. als er nun die abgöter zerprach. do füren gaist in den vogt vñnd sunst auch in vil menschen vnd peynigten sy iāmerlichen. vñnd als sy nun in sölichem schwären leyden waren. do vielen sy für sant Longinū nider vnd baten in das er in hülffe

Nun sant

gerdruten

das sy gesund wurden. Do sprach er zū den bösen gäisten. warūb seit jr in den bilden. do sprachen die bösen gäiste. die abgötter sind vnser aber wo man jesum christū nennet oder ain creütz macht do mügē wir nit beleibē Darnach verlor der richter seine augen. do verstūnde sant Longinus wol das der allmechtig got den richter wolt haben. vnnnd sprach zū jm. du wirst nit mer gesehent. noch von dem bösen gäist erlöst. biß das ich erschlagen würde Do schlugē man jm sein hayliges haubt ab. do für sein seel zū den ewigen freūdē. Also viel der richter ny der auff die erden für den hayligen leichnam vnd bat in das er jm vñ den allmechtigen ewigen gott erwürbe das er gesehent würde vnd erlediget von dem bösen gayste. do ward er zūhandt gesehent vnd erlediget von dem bösen gäist. durch den hailigen sant Longinum. Vnd also enpfing er die tauff. vñ starb bald darnach seliglichen vnd für auch zū den ewigen freüden. Nun helf vns got durch sein barmhertzigkait vnnnd durch sein liebe mütter vñ auch durch das verdienen sant Longini. das wir auch komet zū den ewigen freüden Amen.

¶ Von sant Gerdranten.



¶ Der künig Pippinus. was ain künig von francheich. der het ain frūme frauē hieß yteria. vnd het ten lang kain erben. do baten sy got mit ernst das er in ain erben gäbe. do geweret sy got. vnnnd gab in ain tochter. des wurden sy fro. vñ hießen sy gerdraut. daz kind nam zū an tugenden vñ enzüchten. vñ ward nie müßig in seinem munde funden vnd ward schön über all juncfrawen diser welte. Do sy nun in das xiiij. jar kame do begeret jr menger fürst zū der ee do was sy allzeit dar wider. mit hertzen vnd mūte. vnnnd sprach. der got der aller keüßche ain bild ist der behalt mich in keüßchem leben biß an mein ende. vñ behaup auch mich in seiner ewigkait mit seiner rainen mütter vñ juncfrawen maria. das mein sel an der juncfrawen schar seye. vnnnd mitt in singe sanctus. Fürbas wz jr leben so hay-

lig. das jr nyemant mer toist bege-
ren. Darnach bald starbe jr vatter
do überret sy jr mütter. das sy mit jr
auff gab alle zierd vñ alles güt. eer
vnd wollust diser welt. vnd mach-
ten auß jren burgen behaltnuß vñ
herberg allen elenden gesten vñ bil-
grin. vnd auch andren armen leüt-
ten. Darnach kam 8 haylig bischof
sant Almandus zü in. vñnd macht
sy gaistlich durch sein gebeet. vñnd
weihet vnd vermehelt sy vnserem
herren Jesu cristo. vnd all jr junc-
frawen die in vor hetten gedienet.
in küniglichen eren. vnd füren do
all mit ainander gen rom vñ wur-
den bestätiget von dem bapste. der
fürt sy in das münster zü sant Sir-
ten altare da knyet sant Gerdraut
nider vnd die andern mitt jr vñnd
danceten got seiner gnaden vñ lob-
ten in mit jr gebet. Do eert sy gott
mit ain schönen zaichen. wann die
engel kament von himel herab mit
ainē grossen glast himelisch feurs.
vnd krōneten sy zü einer ewigen kū-
nigin in ewigkait. für die zergeng-
lichen krone des künigreichs diser
welt. Also belib der glast vñnd die
zierd wol ain ganze stund vor dem
bapst. vnd vor allen den die da ge-
genwürtig warent. darmit ward
geert sant Gerdraut vñ bestätiget
in jrem gūten fürsatz von den gna-
den gotes vnd des hailigen gaists
das sy sich fürbaß nit mer von got
keret. Nach dem vñ sy mit jrer müt-
ter vnd mit jren juncfrawē haim
kame do lebt sy stetiglichen als ob

sy in den himel gezuckt wære. vñd
erlachtet nymmer biß an jr ende. sy re-
det auch vñ kainen dingen nit dan
allain von got. vñ festiget jren leib
mit beten. vasten vnd wachen vnd
lag allzeit in jrem hārin hembd. vñ
jrs leibes was nit mer dan des ge-
bains. Do sy nun. xxiiij. jar alt was
vñ hinüber. als vil cristus der herz-
elter ward. do kam gott mit seinen
gnaden zü jr vnd thet jr kund das
sy sterben solt. vñnd zü den ewigen
freüden faren. do sprach sant Ger-
draut. ich bit dich lieber herr. meyn
hail mein trost. vñnd mein ewiger
gemahel. das du mein gaist in dein
hende enpfahest vñnd in behausest
in deiner göttlichen gegenwürtig-
kait. das ich sicher sey vor allen bö-
sen gaisten. vnd sprach auch. süßer
got vñnd mein herr beherberg alle
die nach deinen göttlichen gnaden
im hymel vnd auff erden die mey-
nen namē gern eren vnd anrűffen.
do anwurt jr der allmechtig gott
vñnd sprach. biß sicherlich gewert
alles des du begert hast. also starb
sy mit grosser andach vñnd für jr
sel zü den ewigen freüden. Nun bit-
ten wir sant Gerdrautē. das sy vns
vmb got erwerb nach disem leben
das ewig leben Amen.

¶ Von sant Benedicto
dem hailigen abbt.



E Sant Benedict was ain crist; vnd het ain reichen vater. Er was diemütig vnd lernt die hailigen geschrift mit fleiß. vnd flohe die welt die weil er ain kind was. vñ lief all sein fründ vñ gieng in fremdeland vñ was arm durch got. das was seiner ammen laid dan sy het in gar lieb darüb sucht er sy ver vñ vand sy in ainer stat. do belib sy bei jm vñ wolt ains mals waitz in ainer mült ten tragen. do zerbrache sy in zway stuck. das was jr layde. do machet sant benedict die mült wider ganz in seinen jungen tagen. Darnach wolt er bas fliehen die welt. vñnd kam neben ain kloster in ain grübē allain. vnd sagts nyemandt dann ain gütten münich hieß romanus. Der kam oft zū jm vñnd bracht jm sein notturfft. der hett ain schellē an ain sail die leitet er jm wen er jm zū essen bracht. so kam er dann herfür

vñnd nam es. das gedacht in sein künigreich sein das er got mit fride mocht gedienen. vñd was drey jar in der grüben. das thet dem bösen veinde zorn da jm der brüd zū essen bracht. vñd zerbrach jm die schellen das synmyer klang. do gab jm Romanus ain ander zaichē vñ bracht zū essen als vor. Am ostertage het ain priester mes gelesen. der beraite jm zū essen. do erschien jm vnser herz vñd sprach. Beraite die wirtschafft wol dir vñd mein getreuen diener sant Benedicto. der leydet grossen hunger. vñ weist in zū jm. Do nam der priester die speiß vñ kam zū sant Benedict. der ward fro. do sprach der priester. du solt der hochzeit fro sein yß durch got mitt mir was ich bracht hab. do sprach sant benedict ich waif doch nit wöliche hochzeit es jm jar ist. vñ wie vil der zeit hin ist. do sprach d priester. es ist heüt d ostertag als Cristus erstanden ist vñ hat mich got mit d speiß her zū dir gesendet. Also assen sy mit freuden. vñ danceten got seiner gnadē darmit schied der priester von jm Also trüg der böf veind sant benedecten has vmb sein hailigs leben. Vnd aines mals sahe er den bösen veind als ain schwarzē vogel bey jm fliegen. vñnd flog jm so nahent das er in wol gefangen het. Als er nun sahe das er so vngestalt was. do verstünd er wol das es der böf gaist was. vñ verschwand vor jm darnach zaigt er jm ain schöne frauen. die het er in seiner jugent ge se

Was

hen. do raigt er in ser zū. do beküme-
ret er sein hertz mit jr vnd gedacht
offt an sy. do raigt er in ye lenger ye
mer biß er in dartzū brachte das er
im gedacht er wölte den orden hyn
legen. do erleucht im gott sein hertz
vñ halff im das er 8 anfechtūg wi-
derstünd. vnd gedacht im. ich will
dē bösen veind nit volgen. vñ zohe
sich nackent ab vnd walzet si ch in
den dornen hin vnd her so lang biß
im sein haut ward blüten vñ im 8
böß glust vergieng. also vertrib er
den bösen veind darmit das er in
nymier anfacht. vñ bet fleissigklich
tag vñ nacht. vñ vast vil vñ dient
got mit grossem fleiß vñ güter ü-
bung. Also kam sein güter leümut ü-
beral in das lande das er so tugent-
lich milt vñ volkomen was. ¶ Zū
der zeit starb ain abt nahent bey im
in ainem kloster. do erwölten in die
brüß vnd 8 conuent gemainglich:
vñ baten in das er jr abt wär. das
was im schwär. wān er diemütig
et sich alle zeit. vñ wär 8 eren gern
übrig gewesen. vnd bekennt in dem
gaist wol das er in nit füget. vnd
sprach. ich füg eüch nit. vñnd jr mir
auch. wān er was gerecht do wol-
ten sy in zū ain vatter haben vñnd
sprachē sy wölten im all gehorsam
sein. Also vnderwande er sich des
amptes mit fleiß. vñ pflag sein mit
grosser diemütigkait. vñ strafft die
jungen vñ die alten die sfrefelich vñ
vngheorsam waren. do wurden sy
im gar veind. vnd vergifftē im ain
wein vñ setzten im den zū tisch für

clxxxix blaf

vnd hofften er sölz darvon sterben
do thet er daz hailig creütz darüber
nach seiner gewöhait. do zersprang
das glas do die giffz inn was. also
verstünd er wol. das sy im verge-
ben wolten haben. vnd stünd auff
vnd sprach gütlich zū in. lieben brü-
der. do jr mich batent das ich eüer
vatter wär. do sprach ich. ich füge
eüch nit vñ jr mir. got erbarm sich
über eüch vñ vergeb eüch eüer sch-
uld. got gesegen eüch. Also schied er
von danen vnd kam in ain wüste.
vñ leert da die mensche wie sy gott
dienen solten vñ kament vil leüt zū
im die da die welt durchliessen vñ
waren im gehorsam. vnd wurden
kürzlich. xij. samlung in der wüste.
die nach sant benedicten regel lebe-
ten. vñ was er sy leeret des waren
sy im alles gehorsam. vnd waren 8
wohnung drei auff ain durren berg
vñ gieng ain wasser darunder hin
das warde in gar saur hinauff zū
tragen. Do besahe 8 hailig sant be-
nedit sein brüder oft. vñ sterckt sy
an dem dienst gotes. do klagten sy
im das in das wasser so saur hyn-
auff würd zū tragen vnd baten in
durch got den allmechtigen das er
die statt verwandelt. also gieng er
an sein gebet vñ bat got den herren
vñ do er daz gebet volendet. name
er drei stain vñ legt sy an die stat da
gestandē waren sein füß weil er he-
tet do klageten sy im aber wie wee
in die arbeit thāt das sy dz wasser
also weit müsten holen. Do sprach
er zū in. geet hyn auff den berge da

Von Sant

ligent drei stain bei ainander auf ainem velf. in den selben velfen solt jr haben. Do giengent sy zu dē velse der was feucht do hüwen sy darein do gieng ain lustigs wasser daruf do wurden sy fro vñ danckten got seiner genade. Nun was ain junger münich vnder jn. den verdroß des gotz dienst ser. vñ daucht jn zu lang woz man sang oder laß. vñ dauchte jn ye er het etwas zu schaffen. vnd gieng ye auß der kirchen ee es auß was. daz klagen sy sant Benedict das was jm laid. vñnd er bat gott das er jm kund thät was den brüd darzu bracht do sahe er das ain schwarz kind zu jm gieng vñnd griff jn an vñ zohe jn bey der kuttē. des woz jm der jung gehorsam. vñ gieng mit jm. vñ vand manigerlai fürzüge das er nit wider in die kirchē kam. des wolt er nit lassen. Do er das sahe sprach er. secht jr nit was jn auß der kirchē zeucht. sprachen sy all nain. do sprach er. rüffent jesum dazumb an. vñnd als sy das gebet geprochen. do sahe man den bösen veinde als ain schwarz kind darnach am driten tag gieng der brüder dem schwarzen kind aber nach. do het sant Benedict ain güte ruten da mit schlug er den münich ser. do flohe der veind vñnd vorch die schleg darnach came der münich bey zeyte in die kirchen. vñ belib lang darinn vñ jr sind noch gar vil die der böß veind auß der kirchē zeucht. schlug man sy aber so beliben wir bei ainander. ¶ Als mals lieff ain kinde

benedicto

bei ainē tieffen wasser für das kloster vñnd wolt schöpfen. do viel es hinein. do was sant Benedict in seiner zell vñnd laß. do erkennet er es in dem gaist vñ sprach zu brüder man re das er zu dem kind lieff. der was jm gehorsam. vñnd sahe das kind in dem wasser schwimmen do gieng er mit ernst in das tieff wasser vñnd wolt wenen er träte auff die erden vñnd do das kinde auß dem wasser kam. do gedacht er erst daran. das er also in der gehorsame gegangen was. als jn sant Benedict hieß des ließ jn gott genießen das er nit ertrank. das saget er sant benedictē vñnd er lobt got darub. ¶ Es was ain güter man. der wolt ain doren stauden auß dem wege hawē. vñnd jm enpfiele das eyßen ab dem stile in ain tieffes wasser. das was jm laid. vñ sucht das eyßen mit grosser sorg. vñnd vand es nit. vñ ward ser betrübt. also nam sant Benedict dē stil in sein hand. vñ sprach. zaig mir wo viel es dir hinein. vñ rüret das wasser. do kam dz eyßen zu hant wider an dē stil. do ward der man fro vñ dancket jm mit fleiß. ¶ Es saß ain priester nahendt bei sant Benedictē. der neidet jn vmb sein hayliges leben. der hieß Florencianus. er gedacht wie er jm übel möcht thun vñ vergiffet ain brot vñ gabs jm das enpfing sant benedict freuntlichen von jm. wann er weest wol das er jn mit der giff gern getödtet do kam ain rap zu dem hailigen als sy oft theten. wann er gab jn zu

essen. do gab er dē rappen das brot
vñ gebot jm das ers verz hin trüg
das kain mensch darvon stürbe. do
zwang die gehorsame den rappen
das er sich oft dar bot vnd wolte
daz brot auff heben so gewan er ye
ain widerstos vō d giff. do sprach
sant benedict aber. heb es auff vnd
trags hin. do nam er es vñ fürz so
verz das es nyemant schadet. Dar-
nach bald viele ain soler nyder vnd
schlög florencium zū tod. das was
benedicto gar laid. vñ er hets doch
an jm verdienet. ¶ Darnach füre
er in ain ander land darin was ain
abgot hieß apollo an den glaubten
vil menschen. die bekeret er zū gott
vñ weihtet daselbst ain kirchē in der
eer sant johāns baptisten. vnd zer-
brach vil abgöter. daz thet dē bösen
veind zorn. der erschien jm offentlich
als ain greülichs tier. vñ schmecket
jm der mund. vñ schry laut. benedic-
te benedicte. das verschmachete jm.
vnd wolt jm nitt antworten. das
thet dem bösen veind zorn vñ schry
maledicte maledicte. darmitt schalt
er jm. do gesegnet er sich mit dē hay-
ligen kreüz. also verschwand d böß
gaist. Ains mals wolten sein brüd
ain kirchen bauen. do funden jr vil
ain stain nit auff heben. des nam sy
groß wund. do verstünd sant bene-
dict wol dz ain böser gaist darauff
saz. vnd er macht ain creüz darob
also ward er zūhant leicht daz man
jn auff hüb. darnach gieng der hai-
lig haim. do sprach d böß veinde zū
jm. ich will ye ain vnrue vnder den

brüdern machen. soliches was jm
laid. vnd er enbot es seinen brüdern
vñnd die weil man in das sagt. do
warff er ain wand nider. die ersch-
lög ain jungen münich zū tode. also
trügent sy in zū sant benedicto. der
bettet ob jm gar andechtiglichen.
vnd also ward er wider lebendig.
¶ Ains mals was ain münich in
aim kloster der het sein freünd gern
gesehen. vnd man wolt jm kain vr-
laub geben. also gieng er on vrlaub
auf vñ starb am ostertag als er zū
seinen freünden kame. das was jm
laid vñ begräben in in ain kirchen
do wolt in die erd nitt behalten vñ
warffe in wider auf als ainen ab-
trünnigen münich. des nam sy wun-
der. vnd klagten es sant benedicto
der weßt wol daz es darumb was
daz er on vrlaub gegangē was. vñ
sprach sein gebet zū got. vñ gab sei-
nen freündn vnserz herre leichnam
vnd sprach. legt die hailigkeit auff
sein brust. vnd begrabt in darnach
das theten sy. vnd die erd behielt in
¶ Sant scolastica was sant Be-
nedicten Schwester. die het got lieb
vñ was keüsch vñ rain. vnd dienet
got mit grossem fleiß do kam jr brü-
der ains mals zū jr. wann er het sy
lieb darumb das sy got dienet. des
ward sy gar fro vñ pflage sein gar
wol. vnd die weil er mit jr asse. do
sprach sy. Lieber brüder du solt dise
nacht hyñen bey mir sein das wolt
er nit thün. vnd was jm schwäre.
Do sy es ethort das was jr ser lai-
de. vñ waint vnd bat got mit an-

Von sant

dacht das er von seiner gůte füget das er da müst belei ben. Do kame zůhand ain grof weter mit winde regen vnd mit donerschleben. das nyemant auß geen mocht vñ wolt das weter nit vergeen. do verstůnde er wol das es sein Schwester erworben het vmb got. vñ sprach zů jr. got vergeb dir was hast du getan. do sprach sy. Nun hab ich dich gebetten das du hie beliben wārest das wolst du nit thůn. also bat ich gott das er diß wetter ließ werden Vnd also belibent sy die nachte bey ainander vnd vertriben die in gottes lob. darnach kam er wiß haim. vñ am driten tag darnach do sahe er auff zů got vnd sahe die sel seiner Schwester als ain weisse taubñ auff in die hymel faren. do verstůnde er wol das sy tod was. vñ hieß sy bringen als sy in vor gebeten het. vñnd legt sy in ain grab daz het er jm vor selbs berait. vnd begieng sy mit andacht. Also kam er in ain süßigkeit mit got vnd betet ains nachts mit grossem fleiß do fügt es sich daz er durch ain venster auffsahe vñ sahe das alle dise welt vollichter was das man den himel daruor nitt gesehen mocht. vñ sahe das die liechter alle zůsamē giengen als ain seül die liecht was als die sun. nun was zů der zeit Germanus bischoff. der het gott lieb. der was in der selben stund auch verschidē. do sahe sant Benedict sein seel in dē liecht frōlich gen himel farē. darnach vergieng das liecht. vnd was die nacht hye

benedicto

als vor. also hōret er darnach das 8 bischoff zů der selbē stund tod was Darnach ward er bald siech vñnd weft wol das er sterben solt. das was den brüdern laid. do bat er sein brüder das sy jm das grab auffstheten. vnd sagt in das er an dē sechsten tag ge sterben solt. vnd do 8. vj. tag kam do bat er sy das sy in die kirchen trügen. das theten sy. do enpfienge er vnser herre frōnleichnā mit andacht: vnd sprach sein gebet vnd starb seligklich. also für sein sel zů den ewigen freuden. ¶ Es waren zwen brüder an zwaien stōten den ward gezaiget wie mitt grofser würdigkait vnd eer sant Benedict in die hymel warde enpfangen der ain woz außserhalb des klostere vnd doch in der gehorsam. der ander was in der zell. die zwen sahen vor sant Benedicti zelle ain schōne straß geen die kōrt sich gegen osterland. vñ an der selbē straß hiengen vil prūnnend ampel. vñ sahen auch ain wolgestalten man. 8 was wol beklaidet. vnd sprach ain stym zů in das ist die straß die sant Benedict gen himel trüg. das sagten sy baid gleich. des wurden die brüder fro vñ begrübent sein hailigen leichnā mitt andacht Darnach thet er vil zaichen an vil menschen die zů seinē grab kamen vñ in anrűfften. Nun Erwerbe vns sant Benedict das ewig leben Amen.

¶ Von sant Patricio.



¶ Sant Patricius was ain crist vnd het got lieb. vnd dienet jm mit fleiß Also machet man in zū ain bi schoff. do prediget er dē volck mitt fleiß. vnd bekōrt vil mensche mit seiner gūtē ler. Ains mals prediget er den vnglaubigen vnd sprach. sy sōl ten an jesum cristū den waren got glauben & durch vnsēn willen ge litten hat vñ hat. v. wundē an dem hailigen creutz durch sein hend seit ten vñ fūß vñ vnser hail enpfang en. Do saß der künig auß schotten land vor jm. vnd & bischof het ain stab & was vornen eifnin den setz er dem künig vnwissent auff seinē fūß. vnd stach jm ain wunden dar ein. do schwig der künig still vñnd übersahe jm den schmerzen vñ ge dacht jm. er will das ich auch leide durch got als er yetz daruon saget als er durch vnseren willen geliten hat. wann ich mag sunst nitt sālīg

werden ich leid dan. vñd do der bi schoff des innen ward das er den künig in ain fūß gestochen hett. do name in des wunder das er so ge dultig was gewesen. vñ er sprache sein gebet zū got dem allmechtigen do ward dem künig sein fūß wider gesundt. des ward er fro. vñ dan cket got vñd dem hailigen bischoff der genaden. vñnd es wurden gar vil mensche gesunt von seiner gros sen hailigkait wegen. vñ er erwarb auch dē selben lande das kain thier darin belib das vergifft was. vñd an leder vñ auch an holze da mag kain gifft sein. ¶ Zū den selben zeit ten hett man ain manne ain schaff gestolen. das kunde man nyendert vinden. wann man hett es geessen das leiden klagt man sant patricio vñd do er prediget do bat er diß leu te past das sy ainander nichtzen stā lent. vñd sprach. wer das schaff ge stolen habe der soll es wider geben do wolt das schaff nyemandt wi der geben. Also kame der bischoff daran das er den schuldigen wolt wissen. Darnach an ain hochzeyt lichen tag do das volck in die kirch en kam. do sprach sant patricius of fenlich. wer das schaff geessen hat vñd es verschweigt & muß hie be schembt werden. Ich gebeit in dē namen jesu christi. wer das schaff gestolen hab. das er hie vor vns al len schrey als ain schaf. Zūhand dō ward & dieb der es gestolē het plee ren als ain schaf. do erschracken die leut gar ser. vñ hūtereten sich fürbaß

San

vorstelen vñ ward das schaff vergolten. ¶ Sant patricius hett ain gwenhait. wo er ain creutz sach so naiget er jm mit andacht. vñ aines mals waz er bey ain creutz dem naiget er nitt do nam in selbs wunder warumb er das creutz nitt gesehen het. do sprach ain stym auß der erdñ ich bin ain haid vñ lig hie vñ byn layder von des creutz eern geschaiden. do erschrack 8 bischoff gar seer vñ waitet. vñ hieß das creutz abnehmen. ¶ Aines mals kam er in das land hybernia. do wolt das volck nit büffen. do ruffet er zü got. Herz weiß mir ain wunderlichs zaichen das ich das volck zü büß weise. Do ward jm ain stat von got gewiset vñ sprach zü jm Gee eben hinab vñ mach mit deinem stab ain kraiß so sichst du die erden aufgeen vñ sprach ain stym. patrici sich wunder. dz ist ain scharpffes segfeur. wer mit willen darein geet 8 kompt in kayn segfeur. das sagtt er dem volck. do giengen vil darein. etlich kamen wider. etlich namen ir end da. vñ wölicher wider kam. als es gottes will was der sagt dan wie es umb das segfeur stünd. Nach dem ward er siech vñ starb saligklich. do für sein sel zü den ewigen freuden. do was ain reycher edel man der wolt sein sünd büffen. wann er was lang in sünden gelegen. vñ gewan grosse reit. nun het sant patrici gelert wer in das segfeur wölt geen der soltt vor ain wochen fasten. wachñ beten vñ darzü beichten all sein sünd

patricio

das thet er alles vñ nam vylaub von seinen freunden. vñ gieng in die grüb. do vand er ain schöne kirchen. darinn waren vil priester. die hetten all weiß an vñ begiengent jr ampt schon. vñ giengent wider dannen do sprach ainer zü jm. nicolae wiß das dir grosser vngemach begegnen wirt. was du vor gelitē hast das ist alles klain gegen 8 not vñ angst die du müß leiden. do sprach der edelman. gib mir ainen rat das ich vor leiden genes. do sprach er wen du in grossen nöten bist vñ dein veind mit dir ringet so schrey herz jesu chüste des lebendigen gottes sun. erbarm dich über mich armen sündler. vñ do er in das geleret do schied er vñ jm vñ er belib allain da. do kam ain groß heer der bösen gayst mit gewalt zü jm vñ sprachen nicolae laß den cristenlichen glaubē vñ thū als wir so wirst du aller not über haben vñnd verst wider haim zü 8 einē freundē thūst du aber das nit so wollen wir dich wol überwunden mit grossem leyden. was sy jm ye treuten oß batten das halff alles nit. er sprach. ich wil von cristo nit weichñ was ich darumb leyden soll das hab ich mit sünden alles wol verdient. das thet in gar zorn vñ machten sich zü greülichen thieren. zü beren. lewen vñ wölffen. auch zü wilden schweinen mit scharpffen zenen. vñ treuten jm sy wölten in zerreyßen. vñ vil vntrai ner würm lieffen zü. vñ schry yegklicher nach seiner arte. Dise grosse

not. vnd die heres krafft erschreckt
 in so fer das er nahent tod was. do
 schry er. herz jesu criste erbarm dich
 über mich armen sünd. zūhand flo-
 hen die bösen gaist. do ward er fro
 vnd wolt wenen er wär den vein-
 den entrunnen. Darnach gieng er
 fürbaß. do begegnet jm aber ain hö-
 re der bösen veind. die sprachen zor-
 niglich. wiß wir wollen vnseren
 gewalt mit dir üben. wiltu dich an
 vns nit keren. Er sprach. nain. nain
 ich will mich nit an eüch keren. also
 hüben sy in auff embore. über ain
 groß feür. vñ sprachen zū jm. volge
 vns oder du müßt in das feür. do
 sprach er alles nain. also wurffent
 sy in in das feür. vñ als in die glüte
 prent do schry er aber herz jesu cri-
 ste des lebendigen gotes sun erbar-
 me dich über mich armē sünd. do
 erlasch das feür vnd vergieng im
 aller vngemach. do sahe er aber ain
 feür. vnd die darin warent hetten
 groß leyden. vñ hütten jr die veinde
 mit eysen gerten das sy nit herauf
 torsten. vnd schlugen vñ stachen sy
 mit glüenden spießsen. vñ wie vast
 sy zerzeret wurden so mochten sy
 doch nit gesterben. vñ pranen also
 lebendig. vñ klageten vnd sprachen
 schon herz schon vnser arthen sün-
 der. wañ vns ist also wee in d hitze
 das wir wölten das wir nye gebo-
 ren wären worden. vnd sahe auch
 etlich an den hiengen schlangen vñ
 krotten. Darnach hüben sy in aber
 auff vñ wurffen in wiß in die glüt
 do geschach jm ser wee. do schry er

aber. herz jesu criste des lebendigen
 gottes sun erbarme dich über mich
 armen sünd. do ward er aber er-
 löset vnd belib allain da. do gieng
 er aber fürbaß. vnd er ersahe an vil
 menschen grossen vngemache. die
 selben waren in ainem weiten vnd
 langē hauf: vñ sahe ganz ain neüe
 marter. wann in dem hauf waren
 vil grüben do sassen die menschen
 inn vñ flos ain prinnend bach auff
 sy. etlich sassen mit ain füß darinn
 etlich mit baiden. etlich biß über die
 knie. etlich an die brust oder an den
 halß. etlichem sahe man die augen
 kaum. die erbarmetē in gar seer. vñ
 sahe auch etlich in ainer pfügen die
 was gar tieff. vnd lieffen sich dick
 funckē auff sy vñ was ain greülich
 er geschmack da. vnd auß der bösen
 pfügen müsten sy trincken. vñ sahe
 sy gar hoch enbor mitt den funcken
 nider vñ auffaren. do ward Nico-
 laus auch dar bracht. vñ sprachen
 die bösen gaist zū jm. das ist vnser
 maisters beelzebub herberg vñ ist
 aller pein ain leidig lād. nun bedenck
 dich gar eben: hie wirst du ewig-
 lichen vnseld haben. der veind va-
 het dich in seinē mund. wilt du nit
 volgen so werffen wir dich in den
 feürin sumpff. Do sprach nicolaus
 nain ich. Also wurffen sy in in den
 feürin sumpffe. do schry er als vor
 zūhand kam er auß dē sumpff vnd
 kam auff ain schöns lande. do ver-
 schwand d veind hōre vñ jr bunnst
 do sahe er vmb vnd wär gern ent-
 wichē. also sahe er ain fluß darauß

Von sant

floß wallendes eisen. vnd sahe yen halb grosse freud. vnd wär gar geren hinüber gewesen. do ersahe er ain bruck daran sah er lieb vnd laid wann der bunnent fluß was gar breit vñ die bruck gar schmal. vnd wer auff die brucken kam der müst schnelligklich vallen. wan sy was gar hál vnd an baiden seyten abgescherpffet. Do setzet nicolaus ainen fuß auff die brucken vñ entschlupffet jm vnd was nahent in den brinnenden fluß gefallen. do hübe er sich wider vnd sahe die brucken wid an vñ wär gern hinüber gewesen. vñ schry aber wie vor. darnach setzet er aber ain fuß do bestünd er jm. do sprach er aber wie vor vñ trat fürbas vñ sprach die wort zü yegklichem fußtritt. vñ do er mitten auff die bruck kam do schrien die bösen veynde so ser ob jm das er nahent gefallen was do rufft er aber zü vnserm herren iesu cristo so lange biß er on schaden hinüber kam. darnach came er auf ain schöne wisen do sung en die vogel gar schon. vñnd was ain gütter geschmack da von allen guten würzen. auch lüstig prunnen vnd waren zwen jüngling da die warent auß der massen schön vnd wol beklaidt. die fürten in zwischñ in an ain minigkliche stat die was auch enbor. vñ was mit gold vnd edlem gestain wol geziert. vñ leuchtat über der sunnen schein do geniel Nicolao die stat wol. vnd sprach zü den zwaien jüngling. furt mich in die stat. do sprachen sy zü jm. das

quirino

mag nit gesein. wan die stat ist das paradeis. du müst vor zü dein frñden komen. da wirst du noch. xxx. tag leben darnach so stirbst du vñ kumbst dan in das paradeis. vñnd brachten in wider an die stat da er des ersten in das segfeur komen was. do gieng er herauf vñ was fro. vnd saget den mensche überall vnd auch seinen freunden. was im begegnet was. vñnd bezeüget sein rede mit dem das er an dem dreissigsten tag sturbe. vnd das geschehe. do für sein seel zü den ewigē frñden. dahin helff vns auch gott der allmechtig durch sein barmhertzigkait. das wir der greülichen peyn überhaben werdent. vnd mit gott vnd sant Patricio ewigklichen leben Amen.

Von sant Quirino.



E Do die stat Rom achthundert jar gestanden was do ward vnser heri gemarteret. vnnnd nach vnser herien tod zwaishundert jar ward philippus kaiser. der het ain frawē die hieß seera vñ hett ain sun 8 hieß auch philippus. vnnnd do er. vii. jare kaiser was gewesen do macht er seinen sun eben gewaltig mitt jm. do gewan er aber ain sun dz was sant quirinus. Zū den zeiten wūchß der cristen glaubē ser in dē land. do ließ sich 8 kaiser tauffen. vnd sein fraw verwandelt iren namen vnnnd hieß sich gerumea. vnd man tauffet ire zwai kind vnd alles jr gesinde. das thet bapst fabianus. Darnach gebot der kaiser 8 hailigen cristenhait frid. do daz decius erhört. do ließ er dē kaiser auch sein sun philippū tödten. do für sein seel zū den ewigē frūden. des selben mals was sant quirinus. vii. jar alt. do verbarg in sein mütter haimlich das man in auch nit tödtet. do laid er. xx. jar vil verachtung vmb cristenlichen glauben biß zū den zeiten des kaisers claudij der was auch vngelaubig vnd gebot das man alle cristen menschen solt zwingen das sy opfferten den abgöttern. vnd des namens Ihesu verlaugnetē. vnd wer das nit thūn wolt den solt man martern. In der zeit vieng man quirinū auch vmb cristenlichs glaubens willen. vnd für in für gericht. do sprach 8 richter zū jm. er solt den abgöttern opfferen. daz wolt er nit tūn. das thet dē richter zorn. vñ hieß in gaiseln. das

laid er gedultiglich. darnach leget man in in ain kercker danocht wolt er cristenglauben nitt lassen. do der richter höret das er so stat an gott was do hieß er im sein haubt abschlahen. do für sein sel zū den ewigen freuden. do kame ain glaubiger man der hieß morinus 8 saget in er het im vor gütlich getan im kercker do sagt man im man het in getödt vnd in die tyber geworffen. vnd er wäre in ain insel geflossen. do was im gar laid vñ in dan er weßt wol das er seins vaters kaiserliche erbs vñ cristenglaubens willē beraubt was worden. vnnnd kame mitt dem priester pastor dar vnd gewunnen sein hailigen leichnam auß der insel vnd begruben in in den kirchoß zū pancia am achten tage des monatz apulis. vñ 8 selbē stat thet got grose zaichen durch in. die blinden waren gesehen. die krumen gerad. die tauben gehören. die stummen reden vnd die sunder siechen rain. vnd all siechen enpsiengen haylsame ertzney bei seinē grab. vnd do got so grosse wunder vnd zaichen durch in thet do kam sein leimut ver in die welt do sprachen die ratzherren zū Rom vñ alles volck er wäre 8 gröst vnd genedigest hailig nach den zwölffboten. **E** Zū dē zeiten waren zwien fürsten vō Bairen. der ain hieß Albrecht 8 ander Otherius vnd waren brüder. nun het otherius ain jungen sun den thete er an des künigs hof pipini. vnd ains tags do spilet des künigs kind vñ auch otherius

Anton

sun mit ainand. vñ ward otherius sun mit des küniges sun vndancks ertödt. des erschrack d künig seer vñ sendet nach dē fürsten Otherio. vñ sprach zū jm vor den fürsten allen. wie sol man aym ding thun das geschehen ist. vñ das man nymer widerbringn mag. do sprach der fürst das soll man von gantzem hertzen vergeben. do sagt jm der künig daz sein sun tod was. des ward er seer betrübt. Nun heten die zwen brüder bayd nit erben. vñ bauten ain kirchen in der eer des hailers aller welte. bey dem wasser tigris. vñ machten ain münichs kloster darbey. den selben münichen gaben sy alles das sy bedorfften. vnd kamen darnach zū dem bapst zacharia vñ eerten in mit kostlichen gaben vnd batten in das er in ain hailtumb gāb. In der zeit was der bapst in grossen leyden von den hayden. dann sy hetten die stat mit grossen gwalt vmbgeben do namen sich die herren des streits ernstlich an mit grossen volck vnd gesigten den haiden erlich an. vñ geschach iren dienern nye kain layde. wann es was got mit in der halff in das sy die hayden überwundn. des ward der bapst fro vnd dancket in irer grossen arbayt. vñ wolt in vil gūts haben geben des wolten sy alles nit. vnd sprachen. sy wāren vñ kain zergānckliches gūt zū jm kommen. vnd baten in vmb sant quirinus leychnā. do erschrack der bapst gar seer vñ gab in den vngerer. vnd gelobet in doch vnd sprach sy

quirino

sölten haim reytten vnd über etliche zeyt wider nach dem hailtūb haymlich senden das sein die rats herren nit innen wurden. vnd gab in auch vil anders hailtumbs. Do fūren sy haym vnd sendeten iren schwester sun Herr otten bald gen Rom mitt ersamer gesellschaft nach dem hailtumb. Vnd do sy zū dem bapst kamen do gieng er haymlich mitt in in der nacht zū sant quirinus grab. da was er. cccc. vnd. xviij. jar gelegen. vnd was noch so frisch als wār er erst tod. do nam der bapst den leichnam selbs aus dem grab. vnd legt in in ain vāß vnd versigelt es mitt seinem insigel vñ sprach zū in. ir sōlt ain frōmbde straf faren. das mein insigel nyemand zerbrech. dan die rōmer lassent die hailigen leichnam gar vngern von in. Das thetten sy mitt freuden. vnd fūren auff ain hohen berg do hetten ir ettlich zū vil getruncken. vnd sprachen zū ainander. warūb hatt vns d bapst geboten das wir sein insigel nit zerbrechen. was mag es vns geschaden das wir in schauwen. vñ sy wolten das tūch in dem sarch auffheben. sehent do schlug ain feur herauf vñ ertödt sy all. vnd do die andern gesellen daz hörten do erwachten sy vnd funden des bapsts insigel ganz. vñ wurden ir gesellen wider lebendig. wann sant Quirinus wolt nit das yemandt ain schaden seiner gegenwürtigkait geschāch. darumb erkücket sy got durch sant quirinum wider. Es waren auch

ettlich von dē tod ver: die eerten in
 durch die grossen zaichen die er zū
 Rom het getan. ¶ Als mals bey
 der nacht vnder wegen do setzten
 sy den sarch auff das ertrich. vñ be-
 ten vñ sungen die nacht darbey. zū
 hand do floss ain prunn auß dē erd-
 trich vnder den sarch. darvon wür-
 den vil mensche gesund die darauff
 truncten. des morgens frū fūren sy
 fūrbas. vñ do sy nahent zū der stat
 kamen. do kam das volck mit freū-
 den gegen in mit lob gesange. vnd
 brachten in in die kirchen saluato-
 ris mit grosser andacht. das was
 an vnser frawen tage zū liechtmess
 vñ die fürsten hetten drey bischoff.
 vnd vil gaislicher leut dar brachte
 die weiheten die kirchen in 8 eer der
 hailigē zwölffpoten sant peters vñ
 Pauls. vñ umhiengen sy mitt schö-
 nen tebichen. vñ trügen darnach
 dē hailigen leichnā sant quirin mitt
 grosser andacht darein. mitt ainer
 schönen proceß. vnd bestāten in da-
 mit grosser würdigkait zū der erde
 vñ legten in in ain gehawen grabe
 das was mit stainen gepflasteret.
 vñ do sy das grab gesegnet vñ ge-
 weihet heten. do hūb in ain bischof
 an ainer seiten. vñ an der andern
 seiten hūb in ain seliger priester der
 hieß rempertus. vnd do sy in in den
 sarch woltē legen do viel dem prie-
 ster seins leichnams ain talle in sein
 hand. das was dannocht so frisch
 vnd so naß von dem blūt als ob er
 erst tod wär. Do sy aber das sahen
 do erschracken sy gar ser. vnd namē

das stück vñnd legten es auch mitt
 andacht in den sarch. Es hatt der
 allmechtig gott den hayligen mar-
 trer größlich nach seinem tod erhō-
 het. vñnd hat auch sein hailigkayt
 mitt grossen zaichen geoffenbaret
 das zū vil zeschreiben vnd zūsagen
 wär. Nun bitten wir dich hailiger
 Quirine durch dein grosse martir
 das du vns vñ got erwerbest die
 ewigen freūd Amen.

¶ Von vnser lieben frau-
 wen verkündung.



¶ Do nun die zeit kam. dz die wir-
 dig iunckfraw maria bey den. xiiij.
 jarē was do wolt man ir ain man
 haben geben nach 8 juden gewon-
 hait. do sprach sy. ich hab noch biß
 her mein keüschait behaltē. vñ hab
 got gelobt ich wöll sy behalten die
 weil ich leb. do sprach ain priester es
 ist geschribē. was man gott gelobe
 das soll man halten. vñnd soll das

Von unser lieben

laisten. darüß sollen wir got bitten
mitt fleiß das er vns zü erkennen ge-
be wie wir vns haltē sollen mit der
juncckfrawē. der rate geuiel in allen
wol. vnd beteten mit groſsem fleiß
do kame ain stym vō got in den tem-
pel. das hörten alle die da waren.
die sprach. alle die man die von Da-
uids geschlecht seient vnd noch nit
haussfrawen haben die sollen all in
den tempel komen vñ soll yegklich-
er ain dürrē rüten mit jm bringen so
solt jr mit fleiß merckē wes yetliche
rüt sey. und wöliches rüt blüet vnd
blümen bringt vnd der hailig gaste
darauff sitz. dē soll Marie zü ain
gemahel werden. Do kament vil
man dar vñ yetlicher hofft es wür-
de sein rüt blüen vñd man würde
jm mariam vermählen. Do sy lang
waren do kam die stymē aber von
got vnd sprach. es ist ainer geboren
von dauids geschlecht der haist jo-
seph vnd sitzet zü Bethleem der ist
Marie wirdig. wan er ist gerecht
vnd dienet got mit fleiß. vnd ist so
diemütig das er sich jr vnwirdig-
duncket. Do sendet der oberst prie-
ster nach jm. do was er gehorsame
vnd kam zühand. do gieng jm der
prieſter entgegen vnd name jm die
rüten auß der hand vnd trüg sy zü
dem altar do gwan sy zühand blü-
men vnd der hailig gaste saſſe dar-
auff sichtiglichen in ainer tauben
gestalte. Do dancketen sy got mitt
grossen freuden. vnd also geboten
die prieſter josephen er solt mariam
nemen zü ainem gemahel vñd solle

frazuen verkündung

jrer keusche hüten vnd solt jr getreu
sein. Do sprach Joseph. des bin ich
vnwirdig doch will ich gott vñd
euch gehorsam sein. vñ als ich gott
mein keusch gelobet vñd gehalten
hab biß her also will ich sy mit mir
halten biß an mein ende. Also gaben
die prieſter maria vnd joseph züsa-
men zü der ee. Nach dē für Joseph
haim vñd bereitet zü die hochzeyt
Es was not das maria joseph
vermehelt würd das dē bösen gay-
ste verborge würd wie die gothayt
vonn Maria die menschayt nemen
wolt. Ir ward auch joseph vō got
gefügt daz er sy vñ jr kind versorgt
vñd in mitt treuen vor wär. Nun
was die gnadenreich vol zeyt kom-
men das got d̄ hymeliſch vatter an
sich nam die festigung vñ das ley-
den in das vns Eva gebracht hett
das wolte er widerbringen an der
wirdigen juncckfrawē maria die er
jm auß allen creaturen darzū erwöl-
let darüß sendet er jr sein wirdigen
boten den gefürsten engel Gabriel.
Vñ do er zü jr ingieng do sprach er
Gegrüſſet seyeſt du. voller gnaden
der herr mit dir. Do erschrack sy vñ
gedacht was er mit dē grüß main-
te. Do sprach er. Maria fürcht dir
nit. du haſt genad funden bey gott
du wirſt schwanger vñd gebireſt
ain sun den solt du haissen jesum der
wirt groſß vnd wirt gehaissen ain
sun des aller höchſte. der herre gibt
jm den ſtül Dauids ſeines vatters
vñd regiret in dem hauß jacob
ewiglichen. vñd ſein reich nympt

nymmer ende. Do sprach maria zu dem engel. Wie mag das geschehen. Kenn ich doch kein man. Antwort der engel. Der hailig gaist wirt herab kommen in dich. darumb das hailig das auß dir geboren wirt das wirt gehaissen gotes sun vnd nim war dein mün elizabet die ist ains kinds schwanger worden. vñ das ist yetz der sechst monat das sy schwanger ward. die da haist vnberhaist. wañ kein ding ist vnmöglich bey got. Do sprach maria zu dem engel. Nimm war ich bin ain diener des herren. mir geschehe nach deinem wort. Vnd in dem selben puncte do die juncfraw sprach mir geschehe nach deinem wort. do sendet jr got der vater vñ dem höchsten tron in iren mägtlichen leib sein sun wesenlich vñ personlich. vñ das er was das belib er. vñ das er nit was das nam er an sich. wañ der hailig gaist würcket in der selben stund in irem reinen blüt. die menschait name er an sich. vñ do er sich verainet vnd das ewig wort in jr zu flaisch ward. do ward die juncfraw fruchtbar on mannes samen von der götlichen krafft. Als dann das ewig wort wesenlich vñ personlich was do schuff got des kinds sel in der reinen. vñnd goß sy da ein aller leütlichst vor allen creaturen. vnd also was da in dem augenplich volkōner got vnd mensch. vnd die hailig sel so gewaltig vnd so weiß. vñnd als volkōmē an allen tugenden vñ aller krafft als er heüt vnd ymmer

ewigklich ist. Vnd in den selben tagen was Marie reine sel vnd keüsch leib mit got erfüllet. Nach dem gieng Maria eilend zu irer münien Elizabeth vnd grüßte sy. vñnd von dem selbē grüß ward elizabeth mit dem hailigen gaist erfüllet vnd rüßte mit lauter stym vñ sprach. gesegnet seiest du ob alle frawē vñ gesegnet ist die frucht deins leibs. von wannen kommt mir das das die mütter meines herren zu mir kommet. vnd nym war da er hale die stym deines grüß in meinen oren. do hat sich erfreut in freuden mein kind in meym leib. du bist selig dz du glaubt hast. wañ in dir ist volbracht alles das dir von gott gesaget ist. Do sprach maria. Mein sel großlobt den herren vnd mein gaist hat sich erfreut in got meinē hail. wañ er hat angesehen die diemütigkeit seiner diern sehet dauon sagen mich selig alle geschlecht. wañ er hat grosse ding an mir gethan der da mechtig ist vnd hailig ist sein nam. vnd sein barmherzigkeit regiert von geschlechte in geschlecht vnder den die in fürchten. er hat gewalt gethan in seiner stercke. vnd verschmecht die hochfertigen in den gedencen irs hertze die gewaltigē setzt er von dem stül vñ erhöhet die diemütigē. die hungrigen speiset er mit gütte. vñnd die reichen laßt er eytel. er hat enpfangen Israhel sein kinde vñ er gedacht seiner barmherzigkeit. als er vnseren vātern Abraham gelobet hatt vnd seinem samen ewigklich. Also

Von unser lieben

belib maria drey monat bey jr mü-
ren Elizabeth. darnach kert sy wi-
der haim in jr hauf. Vnnd den vn-
messigen grossen got den die weyte
des hymmels nit vmsahen mochte
den hat sy vmsangen vñ beschlos-
sen in jrē leib. vñ den ewigen got &
mit seinem gewalt alle ding enthelt
vnd mit seiner krafft alle ding tregt
den enthielt sy vñnd trüg in on alle
schwär. got vñnd menschen. xxxix.
wochen vnder jrem hertzen. Vñnd
ee das maria vnd jr gemahel zusa-
men kament. do mercket joseph das
sy schwanger was. darumb wollt
er sy nit haim führen. vnd wolt sy al-
so allain lassen. Vñnd do er jm des
gedachte. do erschin jm & engel des
herzen in dem schlaff vnd sprach zū
jm. Joseph ain sun Davids. du solt
dir nit fürchten zenemen Mariam
zū ainem gemahel. wann das. das
da in jr ist. das ist von dem hailigē
gaist. sy wirt gebern ain sun den sol
du haissen Ihesum. der wirt hayl-
sam machē sein volck von jren sün-
den. vnd das ist darumb geschehen
das die weissagung erfüllt werden
die von got gesprochen sind durch
den prophetē ysaiam. & also spricht
Nementwar ain juncfraw wirt
schwanger in jrem leibe. vnd wirt
geberen ainen sun. der wirt genen-
net emanuel. das ist. gott mit vns
Do nun joseph auff stünd vñ dem
schlaffe. do thet er als jm der engel
gebotten hett. vñ nam mariam sein
gemahel vñ vermailiget jr nit. In
der zeyt gebot der kaiser augustus

frauen verkündung

das ain yegklich mensch kām in die
stat von der es geborn wär. do ka-
ment maria vñ joseph gen bethleē.
do warent volbracht die tage das
maria geberen solt den sun den got
der vater on mäter in der ewigkait
gebirt on zeit. vnd den er in Maria
seel on vnderlaß gebare. den selben
sun gebar sy auch on vater in & zeyt
mit freuden. on mittel vnd on maile
sy belib raine magt von der geburt
in der geburt. vñ nach der geburt.
Sy ist allain die ewige beschlossen
porten. dan durch jren keuschen ley-
be. da gieng jr aingeborner sun ein
vnd auß on alle verferung. als die
sun durch das glas scheinet. vñnd
nit versert wirt. vnd als die steren
jren schein volbringent vnd nit zer-
brochen werden. zū gleicherweyse
hatt sy jren aingebornen sun herfür
bracht. das jr mägtlich rainigkayt
nye darvon versert noch vermayli-
get ward. vñnd als die stern alle jr
zierd vnd liecht von der sunnen ha-
ben. also was sy auch & klar hymel
stern der alle zeyt erleucht mitt allen
tugendē vor jrem aingebornen sun.
der da ist das war liecht. vnd also
gieng er herfür von dē megtlichen
leibe seiner mäter. vnd als ain gema-
hel von seinem brautbeth groß vñ
gar loblich an seiner gotthayt. vnd
ain klaines minnigkliches kinde an
seiner menschait. ¶ Die edel magt
maria windelt jr kind in ain klains
tuchlein. vnd leget in in ain frippen
auff das hew für die thierlin. wen
sy het kain aigne stat vnd stünd vñ

Enyet für ir kind vñ beetet es an. vñ dancket got dem vater daz er ir sein aingebornen sun gegeben het zū ay nem kind. wān sy erkannt das er ir aingeborner sun was warer gott vñ mensch. sy was die. die gothait in der mēschait anbet. sy was auch daruon dester sāliger das sy got in rainer sel empfieng gaystlich vñ in trüg vñ gebar. wēn sy in nit in irer sel kreften empfangen vñ getragen het sy wār sein müter nye worden Die hailigen engel sunen do maria iren sun gebar on allen schmerzen. got sey eer in der hōhe vñ friden menschn auf der erden die ains gūten willen sind. Ir dienten auch die engel. ¶ In der selben nacht do maria iren sun gebar. do gieng der kaiser Augustus auß vñ sach ain scheynenden steren. der was ainer juncfrawen gleich. die selb juncfraw het ain kind an irem arm. do fragt der kaiser groß maister was der stern bedeüt. das kunden sy im nit sagē do kam Sibilla die weiffagin dar die sprach zū im heint in diser nacht hat ain raine magt ain kinde geborn das ist gotes sun von hymelreich. vñ das kind wirt noch ain künig in den hymeln vñ auff erden. Do das der kaiser hort do erschrack er gar seer. wān er gebot überall in seinem reich daz man bild nach im solt machen vñ in anbeeten. die bild hieß er alle nyderwerffen vñ sprach. in solt nyemand mer anbeeten. man solt den anbeten der von ainer rainen magt geborn wār

¶ Die lieb juncfraw maria zoch ir kind selbs. vñ hūb es auff vñ legt es nyder. vñ nam es zartlich an irn arm. vñ auß ir schoß vñ ässe es. vñ seügt es mit iren hailighn brūsten die von himel ersült waren vñ an dē achten tag ließ maria ir kind beschneyden vñ hieß es jesus. als sy der engel gehaissen het. vñ an dem xij. tag do kamen die hailigen drey künig von den enden der welt vñ bracht yegklicher sein gab Marie vñ irem kind zū eeren. vñ beteten es an. ¶ Es was aines mals ain junger ritter der kam an aines andern grauen hof vñ wolt hübschhait lernen. nun het er ain schöne frauwen der ward der ritter gar hold. Vñ het sy als lieb das in gedaucht solt er nit bey ir schlaffen vñ seinen willen mit ir haben er müßt sterben das leyden dorst er 8 frauwen lang nit sagen. do was im so ernst das er ir es doch aines mals saget. do verschmähhet sy in. dann er was ie gar vnmār. do ward er betrübet. vñ gieng zū seinem beichtiger vñ klaget im sein groß leyden. vñ die grossen anfechtung die er hett. do sprach der beichtiger zū im. gee in das kloster zū dem abbt der kan dir ain gūten rat geben vñ was er dir rat des volg im. so kompst du auß dem leyden. do sprach der abbt zū im. du solt vñnser frauwen alle tag hundert aue maria beeten so wirt dir die fraw oð ain anders daz dir lieb ist. do sprach der ritter die Aue maria all tag mit ernst. do erschynt

Von unser lieben

Im vnser fraw an dem letzten tage mit grosser klarheit. vnd het ainen mantel an 8 was vol guldiner sterren. vñ sprach zū dē ritter. Du hast mich angerüfft. nun bin ich komen vñ will dir geben was du begerst darüß du keiisch bist gewesen. vnd sihe die stern an. das sind die aue maria die du mir gesprochen hast. vñnd du hast recht gethan das du meinem freünd dem abbt geuolget hast. Nun sihe mich eben an. ob du mich wöllest oder ain andere. Do sahe sy der ritter eben an. vnd ward im sein hertz entzündet. vnd gewan inprünstige lieb zū vnser lieben frawen vnd sprach zū jr. Liebe mütter gots. ich will dich für alle ding lieb haben. vñnd als bald vergieng im alle sein anfechtung. Do sprach vnser frau zū im. du solt dein keiischait behaltē. so willich über ain jar wider zū dir komen. so wirst du sterben. so will ich dein sel führen zū den ewigen freüden. vnd damit verschwand vnser fraw. Do freuet sich der ritter des trostes den er enpfangen het vnd dancket dem abbt des gütten ratz vnd sagt im wie es ym mitt vnser frawen was ergangen vnd bat in das er in in seinen orden nāme. das thet 8 abt. Also lebt der ritter rainiglichen vnd seliglichen in dem orden. vñ dient vnsern herren vnd vnser frawē mit grossem fleiß. Vnd als daz jar kam do ward er siech vñ starb seliglichen. do volbracht vnser fraw jr gelübt. vñ für sein seel zū den ewigen freüden

frazuen verkündung

¶ Ains mals was ain frūme frau in ain kloster die hieß Faulalia. die het vnser frawen gar lieb vnd die net jr mitt grossem fleiß. ains mals do lag sy an irem gebeet. do erschien jr vnser fraw. vñ sprach zū jr. Faulalia mein tochter schlaffest du. do erkant sy zūhand das es vnser frau was. vnd antwurt jr. Meyn aller liebste frau ich schlaf nit. was wilt das du zū mir komen bist. ich byn ain grosse sünderin. Do sprach vnser fraw. mein tochter fürcht dein mäter nitt 8 du stetiglichen dienst. Wilt du das mir dein dienste gemer sey den du alle tag tust vñ das er dir auch nützlicher werd. so sprich das aue maria nitt so bald. nym dir baß der weil vñ wif weñ du mich darmit grüßt daz es mit ain grosse freünd ist. vñnd sunderlich wenn du sprichst der herz mit dir. so sprich es langsam vñ mit andacht. vnd waz ich freüde daruon hab die kan mitt wortē nyemandt aussprechen. wān mich gedunckt zū der selbē zeyt wie mein sun mit mir sey. als er mitt mir was do er warer got vnd mensch menschliche natur an sich nam vñ von mir geboren ward. vñnd als grosse freünd ich hett do mit 8 engel den grüß bracht. also grosse freüde hab ich weñ man spricht. 8 herz ist mit dir. Do das die fraw höret do ward sy vonn ganzem hertzen fro vñ dancket vnser frawen das sy sy jr tochter het gehaisst. Vñ vnser frau für gen hymel mit grosser klarheit. do behielt faulalia gar fleissig

was sy vnser frau gelert het. wan sy het all tag so vil aue maria gesprochen als vil psalm in dem psalter sind vnd darumb das sy die zal erfüllet vñ volbracht so eylt sy destemmer. vñ darnach ließ sy die zwai tail vnderwegen. vnd betet nun den dritten tail 8 waren. lvi. die sprach sy mitt grosser andachte. ¶ Aines mals was ain mensch der het grosser leyden dreü. das erste das er got erzürnet het mit grossen sündē. das ander das er groß leiden hette von seiner freünd wegen. das dritt das er grosse sucht vnd schmerzen hett an seinē leib. vnd kein hilff von keinem menschen het. do rüfft er mariam an mitt grossem ernst vñ bat sy das sy im zū hilff kame vñnd gelobt jr alltag ain aue maria mit andachte zū sprechen bis an sein ende. do erlöset jr vnser frau von allen seinen nöten. Also ward er fro. vñ bat vnser frauē. das sy im zū erkennen gäbe wie er das aue maria sprechen solt das es jr aller loblichest wäre. Do sprach sy zū im. Mein liebes kind. ich hab dich von dreierlai leidens erlöst. darumb so sollt du dreierlai andacht haben. so magst du mir der gnadē wol dancken die ich dir getan hab vñ magst auch seligkait erwerben an sel vñ an leib Sprich des ersten. Aue maria. du hochgelobte künigin maria rayne magt. ain juncfraw hymelreichs vñd ertrichs. bis er manet das der grüß aue die nacht vñd die vinsternuß vertreibt des ewigen tods. die

von Adams val bis an dise stunde an allen menschen kün was gewesen vñ was freünd du dauō enpfien gest. also bit ich dich. das du die vinsternuß vertreybest. vñd mein sel erleuchtest mitt dē liecht nach deiner güt vñ nach meiner noturfft. Vñ sprich. Aue maria gotes müter. ich erman dich raine magt das du vñd dem grüß on alle mail vñd versüchnuß belibst vñ bit dich das du mir helffest. das ich on alle anfechtung von diser welt schaid. Zum dritten mal sprich. Aue maria raine magt ich erman dich das du von dē grüß mit stäter liebe. reicher begirde. on arbeit enpfiengst. vñd trügst. vñd gebarst. hilff mir das ich mit grosser begird das kind aller tugent vñ güter werck enpfahē vñ geber. vñ weyßlich behalte bis an mein ende. Das thet der mensch die weil er lebet vñd besaß nach disem leben das ewig leben. ¶ Sant Bernhart spricht. Maria es ist dir ain lieber grüß wen du dich hörst grüssen mit dē englischen grüß aue maria. darumb spricht er. wir söllē zū dir geen vñ sollen dich grüssen die schönsten ob allen jückfrawen vñd sprechen aue maria. ¶ Ains mals was ain sündiger ritter. dē riet sein sun das er in ain orden kame. das thet er. vñ do er. iij. jar im ordē was gewesen do sprach er zum abt. Ich byn an 8 barmhertzigkait gotes nahent verzaget von meiner grossen sünd wegen. die bekenne ich baß in dem orden dann in der welt. vñd do er in

Von vnsrer lieben

dem leiden was. do erschin jm vnser fraw vnd tröst jn gütlich vnnnd sprach. sy wölte jm vmb jr kind erwerben ablaß aller seiner sünd. do ward 8 richter fro. das merckt der abbt vñ fragt jn wes er sich freuet do sagt er jm wie jm vnser fraw erschinen wäre vnd wie sy jn getröst het. do fragt jn der abt ob er vnser frawen nit sonderlich gedient hett do sprach er. ee ich in den orden kame wen ich vnser frawen namē in der kirchen hört nennen. so geneygt ich mich ain wenig. vnnnd do ich in den orden kam do sprach ich allweg ain aue maria für dz wenig. ¶ Zū kōlen was ain ainsidel hieß marfily 8 was vor zū sant Sebastian ain bischoff gewesen. do heten die crysten vñ die kēzer ain künig mit ainander. dauon ward er von seim bistum vertriben. vñ setzt sich an ain ainode. do kament vil andechtiger juncckfrawen zū jm vñ gūten ratt. vnd sagt jm aine in beichtweiß. ich hab alle tag. l. aue maria gesprochē vnser frawen zū lob vñ zū eren. vñ wenn ich die aue maria gesprache. so gedauchte mich allweg es würden mir mein spaichel im mund als süß als hōnig. Do der ainsidel das hort do vieng er an die aue maria. vñ wolt sy auch sprechē. do thet jm vnser fraw also genad das er in sieben wochen kaum. l. aue maria gesprechen mocht. die gnad verdienet auch ain graer mūnich. wenn maria übertrifft alle süßigkayt. ¶ Es was ain andechtige fraw in ainem

frawen verkündung

kloster. die stünd ains tages vor jrē beth vñ sahe zū jrē venster hynaus vnnnd sahe das ain jüngling in den lüfften flogē. do verstūde sy wol das es der böß gayst was. sy erschrack ser. do kam er zū jr vñ vacht sy mit vnkeiisch an. do gesegnet sy sich mitt dem hayligen creutz vnnnd bat vnsern herren das er jr zū hilff kām do verschwand er. des driten tags do rüfft er jr wider. vñ sy beychtet jr sünd mit fleyß dennocht ward sy von jm nit erlöste. do leeret sy gar ain gaislicher frūmer man. wen sy den veind sahe das sy den nyd kneyet vñ ain aue maria sprach. daz thet sy vnd do sy das aue maria sprach do flog der veind von jr vñ sprach verflucht sey der 8 dich das gebeet geleert hat: Also ward sy erlöst vō dem bösen veind durch die hilff vnser frawen. ¶ Ains mals was ain fraw die het von kinthait auff vnsern herren lieb. vnd bat ains mals zū weihenechten. das er jr von seynen gnaden zaigt das antlitz seiner kinthait. vnd darnach über ettliche weil belib sy lenger in 8 kirchē nach irer gewōhait. do erschin jr ain junges kind vñ fragt sy. ob sy das aue maria künde. do sprach sy ja. do sprach das kinde. so sprich es mir. do sprach sy es biß auff dz wort gesegnet sey die frucht dins leibs. do sprach daz kind. ich bin die selb frucht vnd verschwand da zūhandt. Do schry die fraw mitt lauter stymme. kum her wider zū mir du aller liebstes kinde. ey so kume hei wider gū

mit du aller liebstes kind. Solicher
 wortt geschwige sy nitt biß an den
 dreissigsten tag. darnach kame vn-
 ser lieber herr Jesus christus wider
 zu jr. vnd sprach. du hast mir langk-
 sam gerufft. darüb bin ich auch zu
 dir langksam komen. Also kompt
 du auch zu mir. Also verschied sy in
 grossen freuden am dreissigsten ta-
 ge nach dē als jr vnser herr erschy-
 nen w. ¶ Es was ains mals ain
 frau die leert jr kinde das aue ma-
 ria. dz selb kind spilet ains mals mit
 andern kinden bey ain wasser. do
 ward das wasser gechling so gro-
 se vnd starck das sy alle ertruncken
 on das. das das aue maria künde.
 do liessen die leüt zu vnd fragten es
 warüb es nit auch ertrunckē wāre.
 do sprach es. do das wasser über-
 hand nam do sprach ich dz aue ma-
 ria. also kam zühant ain schöne fra-
 we die hüb mich ob dem wasser als
 lange biß es verliesse. Do die leüt
 das hörten vñ sahen do wurden sy
 fro vñ danckten got vñ seiner liebe
 mütter. ¶ Es was ain frau die
 wolt jrem man auff das veld zueß-
 sen bringen vñ het nyemant dem sy
 ire kind beselhe. vñ gesegnet sy mitt
 ain aue maria. vñ gieng also von
 in. vnd die weile sy aussen was do
 verbran jr das hauf. vñ do die fra-
 we das sahe. do schry sy yemerlich
 umb jr kind. vnd als sy haim kame
 do fand sy jr kind wol gesunt dan
 vnser liebe frau het sy wol behüt.
 ¶ Ains mals was ain edelman d
 was von jugent auf ain rauber ge-

wesen. das was seiner frauen gar
 laid. die bate in das er doch vnser
 frauen alle tag nur ain aue maria
 sprach. das thet er. also sah er in dē
 schlaff ain gesicht vnd gedaucht in
 wie er gewapnet in ain kirchē gieng
 ge. vñ wie er maria grisset mit ai-
 nem aue maria. vñ im erschin das
 kinde vnser lieben frauen vñ was
 ser verwundet an allem seinē leibe
 do schry er mit lauter stym. O wee
 o wee du raine juncfraw maria.
 wer hat dein liebes kinde also ver-
 wundet. das sag mir so will ich es
 an im rechen. sy sprach du bist schul-
 dig an allen sein wunden. er sprach
 bin ich schuldig daran so werde ich
 sel verzagt. das ich nit ablaß in mei-
 ner sünd erwerben mag. also sprach
 maria. du solt nit verzagen. vnd kō-
 me mitt mir ich will dir ablaß umb
 mein kind erwerben. vnd viel mit dē
 sünders für jrs kinds füß. des ward
 er fro vnd danckt got vñ seiner lie-
 ben mütter. vñ verdient das ewige
 leben. ¶ Ains mals was ain man
 der gieng ains nachtes auß in dem
 willen das er stelen wolt. vnd viel
 von ainer brucke in ain groß was-
 ser. do schry er mit lauter styme. aue
 maria. vñ ertranck. Do nun sein sel
 für gericht kam do sprachen die bö-
 sen veinde. die seel ist vnser. dann er
 ist in ain bösen willen der werck er-
 truncken. so sprach vnser liebe frau
 des manns seel ist vonn recht mein
 er hat mich an seinē ende angerufft
 Von dem krieg vrtaylet vnser herr
 vnd sprach. Man soll des mannes

Von unser lieben

zungen schawen. vnd vindet man daran des bösen gaysts warzaichē so soll jm die sel werden. vndt man aber daz warzaichen meiner lieben müter so soll jm die seel wider zū dē leib kōmen. vñ soll sein sünd büßen. Also vānd man geschriben auff seiner zungen aue maria. Also warde die sel vnser frawē nach dem vitail vnser herren. Es hatt sant Bernhart geschriben. O du selige juncfraw Maria. wer dich anruffet in sein nōten den hast du nie verlassen.

¶ Es was ain klāpfnerin die betrog der böß gaist oft in aines engels weiß. vnd sunderlich erschien er jr ains nachts in grosser klarhayte vñ sprach zū jr. ich bin zū dir kōmen das ich dir lonen will. das sagt die fraw irem beichtiger do verstünd er wol das es d böß veind was vñ sprach zū jr. wē er mer kōmpt als ain engel. so sprich zū jm das er dir die hochgelobten juncfrawen mariam zaig. vnd wē er das thūt so sprich aue maria. besteet er so ist es kain trügkhus. verschwint er aber so ist es der böß veind vñ will dich betriegen. Do er nun zū jr kame do tet sy als sy gelert ward. vñ sprach aue maria. do verschwāde er als bald vñ erschien jr nit mer do erschrack die fraw so ser das sy in ainem halben tag kaum zū jr selbs kame.

¶ Ains mals was ain juncfraw der erschien der böß gaist oft in ires vaters hauf. vñ macht jm menger lai form das sy dauon oft onnemechtig ward. das thet er darumb das

frauen verkündung

sy gaistlich werdē wolt. vnd er erschien jr aines nachts vnd riet jr ser zū der welt wollūsten vñ het sy geren vō irem gūten fürsatz gebracht vnd sagt jr vil gebrechens vnd leydens von dem gaistlichē leben. Do sprach die juncfraw. stirb ich aber in der welt wollūstē wie geschicht mir dan; Zū dem wort schwig der böß gaist vnd wolt sy zū ain venster hinauf haben geworffen. do schry sy mitt lauter stym aue maria do ließ sy der böß gayst zūhand. vñ sprach zū jr kumbst du in ain kloster so will ich dich on vnderlaß anfechten. vñ hetest du yetz die müter gotes nit angerufft so hett ich dich er tōdt. vnd betrübet die juncfrawen ser. er verwandelt sich zū ain grof sen hund vnd für zūm venster auß vnd erschien jr fürbaß nymer. Also dienet sy der hochgelobten juncfrawen maria fürbaß mit fleiß vñ andacht biß an jr end.

¶ Ains mals kam ain erbter man in den grauen orden d was nitt geleert. das was den münichen laid das so ain erberer man ain lay brüder solt sein vnd gabent jm ain maister zū das er versücht ob er gelernen möchte. das er bey den gelerten möchte steen do fund er nitz gelernen dann die wort aue maria. darnach starbe er seliglichen vñ ward in den kirchhof begrabē zū den andern brüdern do wüchß auß seinem grab ain schöne lilg do stünd an yegklichem blat geschriben aue maria. do das die brüder nun erhorten do giengent sy all

hinzū vñ sahen das groß wunder
zaichen vnd grüben auff das grab
vñ sahent der lilien wurz dē todte
auff seinem hertzen geen vñ zū dem
mund auß. ¶ Es will sant johan-
nes mitt dē guldin mund vnd auch
die andern lerer. die weil vnser frau
vnsern herren trüg in jrē junckfreu-
lichē leib. das jr minnigkliches ant-
litz mit ainem so grossen schein vnd
grosser klarhait geglenget wär. dz
sy joseph nit genzlich ansehē moch-
te vnder irem angesicht. vnnnd das
weret so lang biß sy jrē erstgebornē
sun gebat. ¶ O du edle müter got-
tes durch die sendung die dir gott
der vater thet an seinē sun. den der
hailig gaist in deiner rainigsten sel
vnd in deinem keüschē leibe berait
hett die aller würdigsten wonung
vor allen creaturen. Vnnnd durch
das verainen das sich got mitt dir
thet. vnnnd durch das geberen das
du jm hast gethan vns allē zū trost
bitten wir das vnserē hertzen gerai-
niget werden vnd vns selb berayt
zū seiner wonung vnd vns mit jm
veraine das wir ains mit jm wer-
den. des helff vns got Amen.

¶ Von sant Theodosia.

¶ Sant theodosia ist geborn von
der stat cesarea vñ edlem geschlecht
vnd was ain junge tochter. schön
über all tochter des lannes. vnnnd
was noch schöner mitt jrē hailigen
leben. wann do sy. xviij. jar alt was



do ergab sy sich got mitt ainander.
Nun warent in der statt vil cristen
gefangen. zū den gieng sy haimlich
vnd bat sy das sy got für sy bätten
das thetē die diener gottes. do kam
die stym gotes vñ sprach. ich bega-
be sy das sy mit meinen hailigen üb-
erwind all jr veinde. Darnach do
vieng man sy vñ fürt sy für dē rich-
ter vrbānū. der fragt sy gar vil. do
antwortet jm Theodosia gar frö-
lich vnd weiflichen. vnd strafft jr
vnd all sein diener vmb iren vnge-
lauben. darumb wurden sy gar zornig
vnd hiengen sy bey dē har auff
vnd die weil sy also hienge do pre-
diget sy cristenlichen glauben vor
allem volck vnnnd sprach zū den die
da vmb sy stündent. Wee dem der
da herrschet vnd der kainen herren
ob jm will haben. wee dem der all
weg kain mangel will leiden vnnnd
allzeyt satt wil sein vnd den hung-

Von sant

erigen nit gibt. wee dē der nitt will
frost leiden vnd den blossen nit be-
deckt. wee dem der allweg rū hatt
vñ wil niemant kain rū lassen. wee
dem der nit erkent was er hatt das
er es von got habe. Vmb dise rede
warde der richter zornig vñnd hieß
sy nackent abziehen. das thet man.
do was got mit jr vnd vngabe sy
ain weise wolcken. do erschracke d
richter vnd tröet jr er wölt jr noch
mer marter antūn. do sprach theod-
dofia zū jm. als oft du mir ain leide
an tūst. als oft enpfahē ich ain kost-
liches essen von dir. das bringe ich
dem liebhaber aller rainigkait mey-
nem gemahel Ihesu christo. Dar-
nach hienge man jr ain stain an den
hals vñnd warff sy in das mör. do
rufft sy got an. do kam d engel got-
tes vñ fūrt sy wiß an das land. vñ
der stain der an jrē hals hienge den
trüg sy in der hande. Darnach lief
man ain hungerigē leo zū jr vñ ain
hungerigen leoparden do mochten
sy jr kain schaden tūn wan got was
mit jr. Nach dem do enthaubt man
sy. do sah man das ain taub auß jrē
mund flog die was vil liechter vñ
schöner dan des goldes schein vnd
die taub flog auff in die himel. vnd
für jr sel zū den ewigen freunden vñ
in der selben nacht erschien sant the-
odofia jren freunden mit ainer gros-
sen schar juncfrawen. vnd het ain
schönes weiß klaid an. vnd het auch
ain guldins creütz in der hande. vñ
ain guldine krone auff jrem haubte
die was mitt edlem gestaine durch

lucia

legt. vñnd sprach zū jren freunden
nemptwar d eren vñ wurden wol-
tent jr mich beraubt haben. vñ ver-
schwande darmit. Nun helff vns
die lieb juncfrawe sant Theodofia
vmb got dē allmechtigen erwerbē
das wir von jr ewiglichen nymer
werden geschaiden Amen.

¶ Von sant Lucia.



¶ Die haylig frawe sant Lucia
was ain cristin. vñ het got lieb vnd
dient jm mit fleiß tage vñnd nacht
mit beten vasten wachen. vnd mitt
ander güter übung. vnd ward ain
frūme eesfaw. vnd was darnach
xxxvj. jar ain wittib. Zū den zeytten
was der wütrich dioclecianus kay-
ser. der ächtet die cristen ser. vñ ge-
bot wer an cristū gelaubt den sōlt
man vaben martern vñ tödten. Do
nun das sant lucia erhört do öffnet

sy den glauben den sy vor haymlich
getragē het vnd betet mit grossem
ernst vñ sprach. mein herz jesu chri-
ste vñ allmechtiger got. erlöß mich
von meinen veinden vnd von den
die mich hassen vnd wiß mich auff-
stecken vnd sprach zū irem sun. nym-
war das die zeit ist komen der mar-
ter vnd des sigs. nun sollen wir die
abgötter lassen. dan sy peinigen vns
vnd bringen vns zū ewigen ver-
damnuß. vnd mügent vns nitt ge-
helffen. darumb sollen wir vnsern
herzen anrüssen vnd an in glauben
der mag vns an sel vñ leib wol ge-
helffen. vnd mage vns auch ewig-
lich verdamnen. Do sprach d sune
Mütter wie ist dir geschehen. du
bist nit recht bey dir selber. das du
den ain got haist d gegayselt vñ ge-
creütziget ist worden. vnd mit den
schachern an dem creütze erhangen.
Do strafft in sein mütter vñ sprach
Wie tarst du wiß dein got vñ her-
ren reden. Do ward er zornig vnd
lief bald zū dē kaiser vnd rüget sein
müter darüb das sy an cristū glau-
bet. Do ward der kaiser zornig vñ
gebot dem richter gebel. das er die
frawen für den abgot pius brächt.
das thet d richter. vñ setzet den ab-
gott für die frawen vñ sprach. bist
du ain dienerin des creützigten got-
tes so müst du vil marter leidē. Do
sprach sant Lucia. darumb das ich
müg würdig werden von got vnd
geschriben vñ gesetzt werden in die
zal der hailigē die durch cristū sind
gemartert worden. vñ das ich kün-

in die himlischen palast so will ich
gern sterbē. Do sprach d richter. du
solt die abtgotter anbeten. Antwort
sy. ich will die bösen gaisst nit anbet-
ten die mein got beschaffen hat. der
mag sy wol wiß in ewige pein ver-
stossen wen er will. vñ sprach auch
ich bin durch cristus meins herzen
willen bereit in das feur zegeen vñ
zū den wilden tieren. vñ zū alle der
pein die jr mir anlegen mügent. Do
ward der richter zornig vñ hieß sy
in den kercker legen. Vñ do man sy
in den kercker fürt do thet sy des ker-
ckers tür zūhand vor jr zū. vñ bewe-
get sich des kerckers gruntueß alle.
do viel sant Lucia an jr gebeet. vnd
gieng ain gütter geschmack auß dē
kercker. vñ erhal ain stin die sprach
O lucia freu dich alle zeyt. vñnd du
solt dich freuen. wann du hast den
lon vnd die freud verdient die kain
aug ye gesehen hatt. noch kain or ye
gehört. noch in kains mensche hertz
nye kommen ist. was dir lons. vnd
freunden ist bereit. got der herz hatt
dein gebeet erhört. Do ward sant
lucia fro vñ viel nider auff ire knie
vñ danckt got der gnaden. vnd lo-
bet in mitt freundenreichem hertzen.
vnd entschlieff also in den freunden.
vnd ward gar oft von got dē her-
ren getröst. Darnach über. iij. tag
floss ain groß wasser in d gruntue-
ßte des kerckers auff. vnd extrencket
die stat wol halbe. leüt vñ güt. das
selbig wasser füret des kaisers buz-
ge alle mit ainand hinweg das ain
stain da nitt belybe. Do das erhört

Anton

der kaiser wurde zornig vnnnd lieff bald zum kercker. vnd fand die frauen an irem gebett vnd schry laut über sy vñ sprach. O du böse zauberin wo ist mein gezierter palast. wo ist silber vñ gold. wo sind mein götter jupiter vnd hercules. O du lobliche gedultigkayt dafs sy dir noch kein pein anlegē. Do sprach sant Lucia. dein götter wären wol zu loben möchten sy dir helffen vñ möchten sich selbs von der ewigē pein lösen das sy nit verdürbē. Das thet dem kaiser zorn. vnd hieß sy auß 8 stat führen vñ mit stecken schlagen. do rüft sy got mit ernst an: 8 halff jr das 8 man 8 sy schlug zu ain stain wurde vñ sein hend flaischen beliben. darumb hayft es da noch zu der flaischen hand. do ward dē kaiser vor laid so wee vñ ward als krank als ob er halb tod wär. vnd schry zu seinē got vñ sprach. o jouis mein got hilf mir. zühant viel jouis von seiner stat vñ zerbrach. do ward 8 kaiser noch siecher do lacht sant Lucia vñ sprach. nun mach dich dein gott jouis gesund. do sprach 8 kaiser fraw mach mich gesundt. do sprach sy zu jm. wilt du an jesum cristū glaubē so will ich dich gesund machen. do sprach er. ich schwör dir bei dē creüzigten got ob du mich machest gesund das ich glaubē will. do sprach sant Lucia. ich kenn dein trügenhait wol vnnnd dein falschait: aber darumb das du den creüzigte got also hast genennet so thū ich sein barmhertzigkait mitt dir. vnnnd thet ain

Lucia

creüz über in. also ward er zühant gesundt. do was er böser dann vor vnd sprach. jouis ich danck dir vnd lieff bald in den tempel zu dem abgot jouis. zühant beweget sich die erden vñ klop sich auf vnd verschliet den tempel das kein stain da belib. Darnach kam 8 kaiser aber für den kercker vñ tet bley. bech vñ harze in ain erin hasen vñ macht es sie dig vñ hieß sy darein werffen. also was got mit ir vñ halffe jr das es jr nit schadet. Do das der kaiser horet das thet in ser zorn. vnd gebott das man daz feur drei tag vñ necht bei dem hasen brühen ließ. das thet man. dannocht belib sant Lucia vñ uermailiget. vnnnd an dem vierdten tag sprach der kaiser zu sein dienern geet vñ rainigt die stat da die frau verpuñen ist. vnd er maint sy wär verpuñnen vnd vorch man würde sy an der selbigen stat anbetten. Do giengen die diener hin vñ wolten es gethan habē. do begegnet in sant Lucia frisch vnd gesundt. vnd sprach zu in. sagt dem kaiser das er an mir nit feirr wann es sey grosse zeit zu arbeitē. Do das der kaiser erhört do erschrack er ser vñ schlug an sein brust vñ sprach. O wee was tū ich. vñ hieß sy beschwären mitt vil pleis vñ durch die stat schlaipffen das thet man. vnnnd füret sy für ain hauf da was ain man inn der hieß geminianus. der hett mer dann. cc. vnd. xxx. seülen mit abgöttern in seinem hauf. vnnnd als man nun sant Luciam für das hauf furt do weft

sy es wol. vnd was jr luid vnd bat
got mitt ernst das er jm sein hertze
verkört vnd erleucht mit dē ewigen
licht. Zūhand kam ain taub vō hy-
mel herab vñ saß auff germinians
haubt. vñ tet das hailig creütz dreü
mal über jm. do sahe er übersich auf
vnd sahe den himel offen steen vnd
sahe den stül gotes in grosser klar-
hait. do ward jm sein hertz zūhand
erleucht. vñnd mercket wol das er
gnad von der hayligen frawē hett
vñnd ließ bald an die statt do man
sant Lucia martret vñ viel jr zū füs-
sen vnd sprach. ich hab dich erkennt
ain müter der gnaden das hatt mir
got beweist. wān do man dich für
mein haustür zohe do sahe ich auff
gen hymel vñ sahe dein got an den
ich muß glauben. Do warde sy fro
Vñ also beliben sy bey ainand. vnd
man legt sy baide in den kercker. do
vasteren sy drei tag. vñ an der drit-
ten nacht do kam 8 engel gotes zū
prothasio vñ gebot jm das er ger-
minianū tauffte. Zūhand brachen
die schloß vñ die rigel. vñ was ain
groß licht in dē kercker vñ ain güt-
ter süßer schmack. vñ beweget sich
die grüntueß des kerckers. vnd ain
schöner brunne warde in dē kercker
darauf tauffet prothasius germi-
nianū in dē namen gotes. Do hübe
jn sant Lucia auf der tauffe. vñnd
sprachē zū ainander. wir wollen ge-
ren mit ainand gemarteret werden
Vnd an dem dritten tage darnach
saß der kaiser zū gerichte. do bracht
man sy baide für. do fraget er die

frawen. do wolt sy jm nit antwur-
ten. Do das germinianus hort do
thet er daz hailig creütz für sich mit
grossen treuen zū dem allmechtigen
got. vnd strafft den kaiser scharpff-
lich vnd sprach. Pffey dich du ver-
worffner mensch wie tarst du sy so
bitterlich handeln. Do fragt jn der
kaiser warūb er die abgöter gelaß-
sen het. Er antwurtet vñnd sprach
Mir hatt der allmechtig barmher-
zig got mein hertz erleuchtet durch
sant lucia hailigs gebet. wān sy all
zeit hat got gebetten das er sy von
diser welt nit ließ schaiden sy brächt
jm dan ain würdige frucht vō jrer
arbeit. das ist ains andern mersche-
sel. die sy möcht opffern für den tro-
ne gotes. Do warde der kaiser zor-
nig. vnd ließ sy ser peinigē mit aller
lai martter. vñ mitt krapen abzerren
jr flaisch. Vñnd do sy in dem leiden
warent do sprach germinianus. O
hailige Lucia du solt die martter ge-
dultigklich leiden. das sich die bö-
sen menschen vnser martter nit freü-
en. Vñ do sant Lucia die vestigkait
sahe vnd höret do ward sy gar fro
vnd danckt got seiner gnaden. vnd
betet mit grosser andacht vnd lobt
got den herren do ward jr die peyn
als ring als ob sy in ainē kälentaw
wār. vñ do sy auf geberet do came
der engel gotes zū jm vnd bracht jm
zwei schön kron die warent vō gol-
de vnd edlem gestain. vñ setzet sant
Lucien die ainen auff. vnd Gerni-
niano die andern vñnd sprach also
zū jm. du bist gekrönt vō gott freü

Von sant

dich lucia. wann dir ist solliche freud in dem ewigen leben bereit. die kain aug nye gesahe. noch kain or nye gehört noch in kains menschen hertze nye komen ist. damit verschwande der engel. do wurde sy gar fro. vnd dancketen got seiner gnaden. Zu diser zyt mußt der kaiser reiten gen rom. vñ do er auff das wasser came mit vierzigtaussent vnd mitt. xlvj. mannen do ertrunckent sy all. vñnd an dem dritten monat darnach. do kam der richter gen Rom. vñ hieße jm ain laubē auf dē marckē machen vñ ließ überal ausschreien das alles volck solt komen vñ solt die abgötter anbeten. Do das sant Lucia vñ Germinianus hörten. do lieffen sy überal in der statt. vñ predigen vñ sprachen. die abgötter haben kainen gwalt. vnd jr werdent mit yn betrogen. wann sy sind mitt der menschen hande gemacht. Do der richter das erhört ward er gar zornig. vnd hieß sy übel schlagen. do came so ain grosser erbidem daz der stat ain tail nider viel. vñ veruiele auch die laub da 8 richter vnder saß. do starb der richter vnd seiner diener xx. Darnach über ain jar do kamen die engel vñ fürten sant Lucia vnd germinianū in cilicia auf ain hohen berg 8 was scharpff von spitzigen stainen. darnach fürten sy die engel zu ain grossen wasser. vñ do sy nit hinüber mochten. do rüfften sy got den allmechtigen an mitt andachte vnd baten in das er mit seinen götlichen gnaden mit in wär. vnd tra-

lucia

ten in seinem namen in das wasser vñ giengent hinüber als auff truckner erden vñ kament in ain stat die haist Medules. die was voller böser gaist. die schrien all vnd sprachen wir müßent fliehen vonn dem angesicht der freünd gotes vnd müßen ser gepeiniger werde. Also kam ain stym die sprach zu den hailigen hie wirt euer wonung sein. Do beliben sy in der stat. vñnd theten vil zaichen. vñ machten vil siecher menschen gesunt. Solichs erhöret apolosfrasius. das thet jm zorn. vñ hieß alle menschen tödten. die sy gesund hetten gemacht. der warent so vil als. lxxxj. die sich zu got dē allmechtigen bekört hetten. do fürten jr seelen zu der ewigē freud do sahe man das ain enngel ain vaf voller edler salben auff diser todten leichnam thetē. Nach dem für ain böser gaist in apolosfrasius pferdt vnd warff in auff ainen stain vnd fürte in mit leib vnd mit seel hinweg das man in nimmer mer gesahe. Darnach kam der richter von der stat Siracusana. der ließ den hailigen grosse not marter vnd peyn bereiten. vnd do Germinianus von der grossen marter vñnd peyn höret sagen. Do vorchte er sich vnd wolte sich verborzen habē. do erseufftet sant Lucia vñ was jr gar vast laid. do theten sich die berg auff vñnd hieltent die hailigen drei tag verborzen vñ am vierdten tag do schine die sunn gar haif vnd dürstet sant Lucia m gar ser. do rüffte sy den allmechtigh

got an vnd batt in das er jr zuhilff
käm. Zuhand gieng ain fließender
brunn auß dem berg. des truncken
sy mit freuden vñ danckten got dem
herren seiner gnaden. Do batt sant
Lucia gott den allmechtigen mit an
dacht das er jr seel in das ewig le-
ben nâme vnd do sy das gebet ge-
sprach do starb sy vnd für jr seel zu
der ewigen freud vñ ward gesetzt
an die schar der hailigen marterer.
Darnach gieng ain frau für den
berg die was ain cristin vnd was
edel die schmecket gar ain süßen vñ
edeln geschmack. sy fragt von wan
nen der güt geschmack käme. sagt
man jr das die zwen hailigen Cri-
sten in dem berg wären. do gieng
sy hinein zu den hailigen leichnam
vñ gab alles jr gwand dartzu das
man die zwen leychnam erlich vnd
schon zu der erden bestätet. Do ka-
men die hayligen engel von hymel
herab vñ brachten marmelstein
tafel darin was der lieben hailigen
leben gar schön ergrabn do begrüb
man die haylgen mitt grosser wir-
digkait vnd kamen auch vil wasser
süchtiger menschen dartzu vñ sunst
auch vil siecher menschen die wur-
den alle von irer hayligkait gesund.
Nun bitten wir die hayligen durch
irer marter willen das sy vns vmb
got den allmechtigen erwerben das
wir kommen zu den ewigen freu-
den. Amen.

¶ Von sant Triphon.



¶ Sant Triphon ward in seiner
jugent getauft vñ bekört zu cristen
lichem glauben vnd do er bey sibem
jaren was. ward er von dem hayli-
gen gaist geleeret vnd von den en-
geln angeweiset. Nun kam ain frau
zu im die was nahendt lam vñdt
blind vnd was auch mit zehen bö-
sen gaisten besessen. vñ do er sy sahe
do erschrick er vnd leget sein hand
auff sy vñ bat got gar mit grossem
ernst das er jr zuhilff käm. do schry-
en die bösen gaist vñ sprachen. Ach
das wir von ainem kind bey sibem
jarn wider in die hell müssen vertri-
ben werdñ. do gebot inen sant Tri-
phon das sy aufsüren. do schrien sy
vnd sprachen. wir müssen von Tri-
phon gen Rom kommen darumb
das er vns dar werd bracht. vñ do
peinigten die frauen ser vñnd fü-
ren auf. do viel die frau dem hayl-
gen zusüssen. do thett er das haylig

Uon sant

creütz über sy. vñ legt sein hand auf
ir haubt. do ward sy gesund vñnd
gesehent. Des ward sy gar fro. vñ
danckt got dē allmechtigen vñ dem
lieben herren sant triphon der gna-
den. Do kam der böß veind gen ro-
me vñd für in ains ratherin wirtin
vñd schri an dem dritten tag auß jr
Sant triphon mag mich wol auß
treiben. Do jr freünde das horten.
do liessen sy in überall sūchen vñ fun-
den in vñ brachten in gen Rom. do
sprach sant Triphon sein gebet mit
andacht zū got vñd gebot dem bö-
sen veind das er außfūre. do für er
auß mitt grossem zorn. des warde
die frau gar fro. vñd all jr freünde
vñd dancketen got vñ im der gena-
den. Do kamen des selben nachtes
vil engel die fūrtē sant Triphon wi-
der in seins vaters lande. Nun hett
der kaiser zū rom ain ainige tochter
die was auch behafft vñ ser gepey-
niget vñ sprach der böß veind offte
mich treibt nyemant auß. dan sant
triphon. das was dē kaiser laid. vñ
hieß in sein ritter überall sūchen. do
funden sy das hailig kind sant Tri-
phon bey ainer stat vñd hūt 8 genß
bey ain bach. do wurden sy gar fro
vñd fūreten in wider gen rom. als
sy der stat naheten do schry der böß
gaist auß 8 juncfrawen vñ sprach
ich mag nit lenger hie beleiben dan
es kompt triphon noch in dreien ta-
gen 8 hat den gewalte von got das
er vns vō den menschen treibt vñd
für auß. Do warde sy gesund ledig
vñd loß. Vñd an dem dritten tage

triphon

do kam sant triphon gen rom. des
ward der kaiser gar fro vñ danckt
im seiner genaden. das sein tochter
von seiner hailigkeit ward geledy-
get. vñd bat in das er in sehen liesse
den veinde der sein tochter also ge-
peiniget het. Also vastet sant Try-
phon den tag vñ ruffet got mit an-
dacht an. do came der böß gaystein
ains hunds gestalt vñnd was sch-
wartz vñ het ain langen schwanz
vñd do in der kaiser sach erschacke
er gar seer vñd bat in das er in wi-
der vertribe. do gebot im sant Tri-
phon das er von der stat fūre. also
verschwand er zūhandt. Zūhande
kament die engel do zū im vñd fū-
ten in in ain statt sansaducanias. in
der selbigen stat thet got vil zaichn
durch in. Do er nun vil göttlicher
werck volbracht hett. do viengent
in des kaisers diener vñd fūreten in
in die stat vingenenna für den richter
aquilū. der fragt in. was mannes
er wār. do sprach er ich bin ein crist
das thet dē richter zorn vñd sprach
zū im. wilt du deinen glauben nit
lassen so müst du grosse pein leiden:
vñd zū letst den tod. Er antwurte
Ich will durch gottes willen gern
leiden vñnd sterben. Do ließ in der
richter auffhawen vñd hieß im al-
len seinen leibe mitt frelen zerzeren.
das laide er alles gedultiglichen.
durch gottes willen vñd redet ain
wort nit. Vñnd darnach do hieß in
der richter an zway pferde pinden.
vñnd ließ in über das velde hin zie-
hen. wann es was zū der selben zeit

gar kalt. vñ was auch vast gefroren. vñnd lage vil schnees auff dem veld. vñ do in die pferdt durch den schnee zugen. do wurden im seine glider gar yemerlich zerknüschet. do rüfft er vnsern herren jesum christū an mit grossen ernst. vñnd bat in das er im zū hilff kām do warde er zūhant erlediget. Darnach hieß im der richter sein füß mit eyßnin negelen durchschlahen vñ ließ in mitten durch die stat füren. das laid er alles geren durch gottes willen. Do fragt in der richter. ob in das leidē mit wee thāt. Er antwurt ich entpfind kaines leidens. des verwunderet den richter seer. Vñnd hieß in darnach mit knüteln schlahen vñnd ließ in bünnett sackeln an sein stirn halten. do rüffet er aber got den allmechtigen an. vñ bat in das er mitt im wär. do kām ain groß liecht vñ vngab in vñnd sahen die menschen die vmb in stunden daz man in ain kron von gold vñnd von edelem gestain auff sein haubt setzet. die übertraff alle schön diset welt. Als sy dz groß liecht sahendt do erschracken sy. vñnd vielen vor vorch auff das erdrich. Darnach hieß in der richter sein haubt abschlahē. do für sein sel zū den ewigen freudē. Nun helff vnns der lieb hailig sant Triphon vñ got erwerbē das wir hie menschen seien nach dem lob gotes. vñ das wir nach disem leben besitzent das ewig leben Amen.

¶ Von san Karold.



¶ Zū den zeitē als der groß kaiser Karolus das reich innen hette. do herschet er. ccxiiij. jar über Franckreich. vñnd was der erst der über sy regirt vñnd was. xiiij. jar römischer kaiser das was nach Cristī geburt achthundert vñ. ii. jar. Er was ain gūter crist vñnd het got den allmechtigen auß der massen lieb. vñ was ains herlichen leibs vñnd ains millichen gesichtz. vñ was seiner schūhe acht lanck die allerlengst waren. vñnd het groß arm vñnd bayne. vñnd was auch ain scharpffer wolgelerter ritter. vñnd het ain antlitz das was anderhalb spann lanck. vñnd ainen bart der was aines schūchs lanck. vñ sein stirn was aines schūhes breit. vñ seine augen schinē als der karfunckel. wen er ernstlich ansahē der müß erschrecken. vñnd sein naß was ains halbē schūchs lanck vñ sein gürtel wz. viij. schūch lanck

Von Sant

darmit er sich gürtet. on das vom herab hieng. vñ er aß auch wenig brots. vñ aß zū ain mal ain viertail aines lambs. oð zway hōner oð ain ganß. oder ain ganzen hasen. vñnd trancß wenig wein gemüschet mitt wasser. vñd er was als starck das er ain gewapneten man auff ainem pfert mit seim swert ains striches mitt pfert vonn mit ab vom haubt von ainander spielt durchundurch. vñnd ain eyssin halßter erzert er leichtiglichen. vñ hūb ain gewapneten man von d erde auff biß über sein haubt. Er was auch gar miltet gabe. vñ gerecht an dem vitayl vñd was weiß vñ redlich. vñ sein müter hieß werdrea. die hett er bey jm in grosser würdigkait. Vñnd er was auch wol geleret in den sibem freyen künsten. vñnd sein sun auch. vñd sein töchter hiesse er würcken. dan er wolt nit das sy müßig wārent. vñ er baut auch ain palaste zū ach. auch gar ain schön wolgezietten kirchen vnser lieben frawen zū eren. darzū gab er groß güt. er merret auch das künigreich zū francreich. daz ward jm zwifeltig wider man laß jm die bibel gewonlichen zū tisch. oder sant Augustins büch das vonn der götlichen statt saget

Ezū den zeyten do kaiser Karolus das römisch reich ward. do vertribent die haiden den patriarchē auß der stat iherusalem. do kam er zū dē kaiser Constantino vñnd zū seinem sun in die stat Constantinopel vñd klaget das. do sahe d kaiser in der sel

karolo

ben nacht ain gesicht vñd sahe ain jüngling vor seine beth steen d berüret in vñ sprach mitt frölicher stym zū jm. Du hast die göttlichen hilffe an gerüfft vñd schaw an vñd nym den grossen kaiser karolū von gallia der ist ain streiter des herin. vñd zaiget jm ain gewapneten riter der het zehen strele an sein bainen vñnd ain platten vñd ain roten schilt vñ het ain schwert an seiner seiten vñd het auch ain groß sper in seiner hande vñ het ain güldin helm auff. vñ ainē langen bart vñ was grau. vñ sprach zū jm. Du merer des reichs du solt arbeiten wider die die gott dem herren nit gehorsam sind. wā sy mügen nit entweichen. vñd freudich in got vñnd lobe in. Der selbig constantinus het die haiden wol zū sibem malen von iherusalē vertriben. Darnach warent sy aber mechtig wordē. Vñd do er das gesicht also gesehen het. do verschub er es kaiser Karolo. vñd schrib jm auch. wie die haiden den patriarchen vertriben hetten von iherusalē. vñd bat in vñ gottes willen das er ym hulffe damit daz er die haiden von iherusalē vertribe. Do kaiser karel den brieffe gelase do ward er seer betrübt das die haiden vnser lieben herre graben innen hetten. vñd hieß den brieff allē volck lesen. darüb das sy destet williger wārent zū streiten. vñnd gebot das alle die bereit solten sein die nur harnasch möchten tragen. vñd soltent jm vñd auch dem kaiser Constantino wider die hayden

helffen. vnd wer nitt mit wolt dem
solt man nur. iij. pfening lassen. vñ
solt ewigklich vertriben sein. Dar-
nach kame so groß volck zū ainan d
als weder vor noch nach ye gesehen
ward. vñ zugent frölich mit im. vñ
do sy nahent zū jerusalē kament. do
kamen sy in ain grossen walde dar
jñ waren löwen greiffen. vnd vil
beren vñ andere tier. do vermainet
der kaiser er möcht in ain tage hyn
durch komen vñ zugen hinein. vnd
do die nacht hergieng do ward ye-
derman jr do gebot der kaiser das
man hütet vnd gezelt auff schläge
das theten sy. In der selben nachte
betet d kaiser vnd sprach. Herz ihesu
criste des lebendigē gotes sun wei-
se mich vnd das volck den weg dei-
ner hailigen port das begere ich vō
dir. Do ward gehört zūhand ains
vogels stym die sprach zū im. Kay-
ser folge mir nach. Also ward dir
kaiser ser erfreut. vñ viel in das lob
gottes vñnd laß den psalm auff die
stat. herz für mein sel in deiner hūte
Zūhand schrie d vogel aber Karole
Karole was sprich ich. Also folget
er dē vogel nach biß das sy auff ai-
nen rechten weg kamen. vnd zugen
gen jerusalē. vnd man sagt das die
selben vogel noch in dēselben lande
seien. Vnd do er mit seim volck vnd
mit constantino gen jerusalē kame.
do wurden die hayden all flüchtig.
Also brachten sy das land widerüb
Darnach bat kaiser karol constanti-
nū vnd den patriarchen. das sy im
vilauß gäben. do hielt in constanti-

nus dannocht ainen tage. vnd hieß
golde vñ silber vñ vil edels gestain
beraiten. vnd gar vil schöner klaine
ter machen das wolt er dem kayser
karolo schencken. Vnd do kaiser ka-
rol des innen ward do sprach er zū
seinen herren vnd räten. Wie ratent
ir mir. nim ich nichtz das hat man
mir für ain tozhait. Do sprachen sy
habt jr die arbeit gentzlichen durch
gotes willen gethan. so zymmet es
sich nit das jr güt darumb nement.
Do lobt er seinen rat. vnd gebot al-
lem seinē volck. das nyemants kain
gab nāme. Do zwang Constanti-
nus Karolū. vñnd sch wūr dar zū
gar teur. er müß ain gab nemē. Do
bat karolus das man im des hayl-
tums gābe das got mit seinē hay-
ligen leib gewirdiget het. do gebot
Constantinus allem seinem volcke
das sy drey tag vastetē mitt wasser
vnd brot. vñ er erwōlet. xij. die das
hailtūb sölten tailen. vnd an dē drit-
ten tage do beicht karolus bischoff
embromensi all sein sünd. vnd hieß
sy die. viij. psalm mit der letaney sin-
gen die weil man das hailtumb tai-
let. Vnd do daniel der bischoff den
sarch auff thet do die dōnen krone
vnser herre innen was. do gieng
ain gütter süßer geschmack herauf
do viel karolus auff seine knye vnd
bat got mit andacht das er et was
neuß zaihen liesse geschehen durch
das lob seines hayligen leidens pñ
seiner vstende. Zūhand kam ain hy-
melischer taw vō hymel herab auff
das hailig creütz. do ward es grū-

Von sant

nen vñ wachssen vnd trüg blümen darnach wurde sy all mit ainē gros- sen liecht vnd mit ain süssen gesch- mack vnggeben. Do nam 8 bischof daniel ain grosse segen vñnd wolt vō dem creütz ain tail herab schnei- den. vnd was gar krank vor alter vnd ye mer er seget ye mer das hay- lig creütz blümen bracht vñ grünt Do nam karolus der blümen vñnd füllt sein rechten hentschüch damit vnd gab in dē bischoff embronen si also vollen zū behalten vñ er wolte den andern auch füllen. vñ der kay- ser wenet der bischoff het den hent- schüch. vñ der bischoff maint auch er hette in empfangen. do hete got sein gnad getan: das 8 hentschüch ain ganze stund in dem lufft hieng Darnach wolt kaiser Karolus die blümē in ain anders ding thun. do wurde sy all in himelbrot verwan- delt. das selb himelbrot ist noch zū Paris zū sant Dionisio. Es wur- den auch vil menschen gesundt die siech waren von dem edlen gütten geschmack 8 von den blümē gieng Darnach so gieng vil volcks in die kirchen die schrien all vnd sprachen heüt ist der österlich tag. wann der güt geschmack hat die gantzen stat erfüllt. vnd wurden. ccc. menschen gesund. Nach dē zaigt man die kron do ward ain mēsch gesundt 8 was xxiij. jar siech gewesen vñ ain stum blind vñnd vnghehört der warde gehört vnd gesehent von dē güt- ten geschmack der darvon gienge. Darnach gabe 8 bischoff kaiser ka-

karolo

rolo ain nagel. do was ain kind da das het ain düre hand von mütter- leib herbracht vñnd ain böse seiten. do ward es gesund Darnach gab man im ain stuck des hailigē creütz vñnd das tuch damitt man vnsern herren in das grab legt. vnd vnser- frauen hembd. vnd die windel dar- ein sy jr liebs kind gewickelt het. do ward er fro vñnd hencft das hayl- tumb alles an seinen halß. vñnd rit von dem kaiser constantino. vñnd kam zū ainer bürg die haist ligme- do da was ain tods kind jñen das berürt man mitt dem hailtumb. do ward es zūhand lebendig vnd ge- sund. do belib er. vj. monat vnd be- strich. l. siecher menschen damit. die wurde alle gesund. Darnach came er gen Ach do wurden vil blinder menschen gesehent do man sy mitt dem hailtumb bestrich vnd. xij. be- haifte menschen wurden erlediget von dem bösen gaist vnd. viij. sun- der siech wurden rain vnd. xij. lam wurden gerad. Darnach gebot er überal in der cristenhaite das man gen ach sollt komen in dem monate junij das hailtumb zū sehen das er gebracht het. vñ yederman solt sein sünd vor beichten. Also kamen vil mensche dar. do ward aber ain mē- sche von dem tod erkückt. vnd gab der bapst vil ablaß gen ach: Dar- nach gedacht im der kaiser karolus er wolt auff hören. vñ wolt nymer streiten. vnd do er im das gedachte do erschien im in der selben nacht ain wunniglicher vnd frölicher man.

der sprach zū jm Karole mein lieber
 sun was tust du. od was gedencst
 du. ich bin Jacobus der zwölffpot
 sant Johans brüder vnd wif von
 mir das mein leichnā ligt in galicia
 vñ wirt schentlich von den haiden
 getruckt. vnd wissent in die cristen
 menschen da nitt zū eeren. darumb
 nympt mich wund das du das selb
 vngelaubig volck auch nitt vertil-
 gest als du vor mer hast getan. dar-
 umb dir got yezund die kron berait
 hatt in dem ewigen leben. nun sihe
 den stern der an dem himel ist & be-
 deut das du mit ain grossen hōr zū
 meinē grab komen wirst. vñ wirst
 vertreiben die haiden in galicia vñ
 erschin jm also zū dreien malen. Do
 hūb sich kaiser karolus auf mit gros-
 ser macht. vnd lag drey monat vor
 der stat darinn sant Jacobs ley-
 nam was vñ mocht sy nit gewin-
 nen das was jm laid. vñ rufft sant
 jacob mit ernst an. vñ bat in daz er
 jm zū hilff kām. vñ do er das gebet
 volendet. do viel die statmaur vor
 in nider. do riten sy hinein. vñ wer
 sich tauffen wolt lassen. den lieffen
 sy leben vnd die andern ertödteten sy
 Do das die in hispania hörten. do
 ergaben sy sich dē kaiser willigklich
 do macht ers dem reich all zinsper.
 vnd het der mechtigiste stet. xij. vn-
 der sich bracht vnder den was con-
 stantinopel die mechtigest. darein
 steckter sein sper. vñ dancket got vñ
 sant jacob mit andacht daz sy jm dē
 sig vnd auch die würdigkait behal-
 ten hetten. vnd schawet den sarch

vnd das grab darinn sant Jacob la-
 ge. vnd zerstöret die abgötter all die
 in hispania waren. vñ barwet sant
 jacob ain schōns münster von den
 gaben die jm künig vñ fürsten het-
 ten gegeben. das ward in dreien ja-
 ren volbracht. vñ baut vnser frau-
 en zū ach auch ain schōns münster.
 ¶ Nach dē allem kame ain grosser
 haidnischer maister & hieß argolau-
 dus zū jm vñ sprachet mitt jm. vnd
 machten ain gelübte mit ainander
 daz des kaisers. xx. riter sölten streit-
 ten mit. xx. haidnischer rittern. vnd
 wölich gefigten & selbigen glauben
 solt man nachuolgen. do zelet man
 xx. haiden gegen. xx. cristen. vnd. xl.
 wider. xl. hundert wider hundert.
 vnd tausent wider tausent. do ge-
 figten allweg die cristen. do sprach
 der haidnisch maister. Ich mercke
 wol daz eier glaub gerecht ist dar-
 umb so will ich mich lassen tauffen.
 Vñ am andern tag sahe er das kai-
 ser karol armen leuten zū essen vnd
 zū trincken gab vnd sassen auf d er-
 erdē in zerissen klaidern vñ on tisch
 tücher vñ mit francker kost. do fra-
 get der herz was mensche das wā-
 ren. do sprach & kaiser. es sind arme-
 mensche die speisen wir durch got-
 tes willē. do sprach der herz. es die-
 net der seim herzen böflich der seine
 boten also enpfacht. die bei dir sitz-
 en die leben wol vñ haben güts ge-
 wand an. aber die boten deins got-
 tes die lebent übel vnd habent bö-
 se klaiden an. nun so hast du deinen
 glauben ser. wol bewärt vnd hast

in mit ainander gefelscht. vñ wolt
 sich do nit lassen tauffen. Darnach
 hieß kaiser karolus vil armer men-
 schen laden. vñ gab in zū essen vnd
 zū trincken genüg vñ klaidet sy. vnd
 stritten am nechsten tag aber dar-
 nach mit den haiden vnd erschlög-
 ent jr vil. daz die cristen in dem blüt
 wüten bis über die enckel. vnd alle
 die man in 8 stat pomponia vande
 die tödt man. vñ den künig vñ cili-
 cia vñ den künig von cortual. Nun
 hetten sich etlich cristen verborgen
 von güts wegen die tödt man mit
 den haiden. Nun erkennt der kaiser
 der cristen vnder den haidē nit. daz
 was im gar laid. vñ bat got daz er
 im zū erkenen gāb wöliches cristen
 wāren. do gabe im got am ander
 tag zū erkennen das die cristenmen-
 schen guldine creütz auff irer achsel
 hetten. do ward er fro. vñ ließ sy be-
 graben do der streit ain end hette.
 ¶ Kaiser karolus het drey sūn. der
 ain hieß karolus. 8 ander pipinus 8
 drit ludwicus. er het auch drei töch-
 ter vñ bey der andern frawen zwū
 töchter. vnd als er. lxxij. jar alt was
 vñ. xij. jar kaiser was gewesen do
 hieß man in den grossen karolum.
 vonn seiner grossen werck wegen.
 Do ward er siech vnd wolt sterbē
 do hieß er sein sūn ludwicum zū im
 komen. vnd setzet im sein kaiserliche
 kron auff vnd starb darnach sālīg-
 lichen. do für sein seel zū den ewigē
 freüden. vñnd man begrüb in mitt
 grosser würdigkait zū ach. vñ bapst
 leo was bey seiner grebtuñ vñ vil

herzogen. fürsten vnd ertzbischoff
 vnd ander bischoff. grafen. äbt vñ
 pfaffen. vnd vil volcks. Man setzet
 im ain kaiserliche kron auff vnd leg-
 ten im ain kaiserlichs gewande an
 vñnd setzten in auff ain guldin stül
 als ain lebendigen richter. vnd legte
 im die hailigen ewangelia auff sei-
 ne knye die die hayligen ewangeli-
 sten geschriben haben. vnd er hielte
 das büch mit der rechten hand dar-
 inn hett er ain guldins zepter vñnd
 ain guldin schilt. den im die rōmer
 gemacht heten. vnd legeten vil gü-
 ter edler salben zū im. ¶ Zū der zeit
 als diser kaiser starbe. do was ain
 güter mensch vor ain altar an seine
 gebet der hieß sigwertus. der was
 entzucket vñ sahe ain grosse schar 8
 bösen gaist. do fragt er sy wāhin sy
 wölten. do sprachent sy. gen ach zū
 kaiser karel 8 wil sterbē ob vns sein
 sel möcht werden das wir sy auch
 in die hell fürten. do gebot er in bey
 dem namen jesu christ. wē sy von
 dem kaiser für das sy wider zū im
 kāmen vnd im sagten wie es in er-
 gangen wār. Also füren sy hin vñ
 schüssen was sy mochten. vñnd ka-
 men wider zū dē güten man do fra-
 get er sy was sy geschafft heten. do
 sprachen sy. wir legte sein sünd auff
 ain wag do legten die engel die gü-
 ten werck auff das ander taile. die
 schlügendt ver: für. do hetten wir
 nicht an im. vñnd füren bald von
 dannen. Nun helff vns gott durch
 sein güte vñ durch sein liebe müter
 Mariam das wir auch frölichenn

Komen in das hymelreich on vnder
laß Amen.

¶ Von ainer hailigen
Juncckfrawen.



¶ Es was ain hailige juncckfraw
in anthiochia die was auß 8 maß-
sen schemig vnnnd hütet sich alzeyt
das sy die mann nit ansähe. vñ hett
ire augen in grosser hüt. vnd was
ain cristin vñ het got lieb. vñ dient
im mit fleiß tag vnd nacht. mit bet-
ten fasten wachen. vñ mitt vil an-
der güter übung. Vñ sant Ambro-
sius beschreibet ir leben. ¶ Zü der
selben zeit ächtet man die cristen ser
vñ sieng sy. vñ töt sy wo man sy an
kame. Do rüget man sy auch vmb
cristenlichs glaubens willen. vnnnd
sy vorchet ir gar ser vñ west nit wie
sy thün solt. vñ berait ir hertz in tu-
gent. vñ rüfft got an mit ernst. vnd
bat in das er mit ir wäre. das thet
er vnd halff ir das sy den tode nit

vorchet. vñ berait sich die juncckfraw
zü der marter. Do fürt man sy züm
richter der sprach zü ir. Wilt du an
vnsere göter nit glauben so müst du
zwei ding thün. aintweds laß dich
füren in das gemain hauf ob opfer
vnnsern göttern. Er mainet er über
kam sy dester ee das sy an die götter
gelaubte. Do rüffte sy gott den all-
mechtigen an das er sy behüt. vnd
er gab sich in sein genad vñ schweig
vñ schemet sich in irem hertzen. vnd
vorchte die vnkeüsch vil mer. dann
den tod. Also fürt man sy in das ge-
main hauf. do lieffent vil menschen
zü. vnd kamen mann für die kamer
tür da sy inn was. vñ wolt yetlich
er der erst sein. vnd kriegten ser mit
einander. Do sahe die juncckfrawe
auff gen hymel vnnnd betet mitt an-
dacht. vnd rüfft got an vnd sprach
Herz jesu chüste. du hast die frai-
men löwen vor der juncckfrawe ge-
zembt. so magst du auch wol der
wilden mensche hertz gezemen mit
deiner güt. verlaß mich nit vñ gibe
wasser deiner barmhertzigkait vñ
hilff mir gefigen herz jesu criste. als
du susanna tetest. vnd dem der dein
hailige arch in 8 alten ee anrürt. de
ward sein hand lam vnd dürr. also
laß dein diern nit berüren vnd von
den mañen vermailiget werden dz
dein nam werd geert vnnnd gelobet
vñ hilff das ich juncckfraw hinauß
gee als ich juncckfraw herein gieng
Vnnnd do sy die wort sprach. do
kame ain grausamlicher ritter. der
gieng frölich zü der juncckfrawen

Von ainer hailigen

do erschrock er ser. vnd gedacht an die angst die susanna het do sy verurtailt warde. vnd wie sy ain kind mit dē willen gotes het erlöst. vnd gedacht jr. es mag ain lemlin in ainem wölffin klaidē sein. Do warde dē ritter sein hertz von dem willen gotes erfüllet. vnd sprach zū jr. O juncckfrau dein glaub hat dich hail sam gemacht. liebe schwöster ich bitt dich das du dir nitt fürchtest. wann ich bin her zū dir komen das ich dich soll hail sam machē. das du dein sel nitt verlierst. darüb behalte mich. das du behalten werdest. ich bin herein gangen als ain eebrecher. willst du so gee ich hinauf. als ain martirer. darumb laß vns verwandelen vnserē klaidē. dan mir zympt dein klaid wol vñ dir das mein. vñ vnserē baide klaid die zymment cristo wol din klaid beweist mich ain rechten riter. so beweiset dich dz mein ain rechte juncckfrawen. darüb nim es hin. vñ es mag dich wol bedecken vñ gib mir das dein das ain martirer hailigen mag. vnd lege an den mantel der deine glider wol bedecken mag vnd behalt die schame. vnd setze auch mein hüt auff. das er dir dein haubt bedecke. vñ verbirg deinen mund. vnd sihe nit vmb wenn du hinauf geest. vñ habe auch kain sorg das das opffer nit werd verloren. ich will got das opffer geben für dich. vnd dafür gib die ritterschafft cristo. wan du hast ain gute ritterschafft & reinigkait. die dir ewigen lon bringt. vnd ain wapen

juncckfrawen

der gerechtigkeit. vñ ain schilt des glaubens. mit dem du die wunden vertreibest. vnd ain helm des ewigen gotes vnser hailers vnd der seye vnser beschirmung. wann ain man ist ain haubt ainer juncckfrawē Vnder den Worten zohe der ritter den mantel ab vñ leget in der juncckfrawen an: do was die ander person ain ritter mit dē gewande vnd ain juncckfraw. vnd der ritter was ain juncckfraw mitt dem gewande. das was ain vngeleiche eigenschaft vnd waren doch gleich nach & barmhertzigkait gottes. do warde erfüllet die geschuffte die da spricht das lam vñ der wolff wurde mitt ainand gespeist sy wurde auch mitt ainand geopffert. Do sy nun jr klaid der verwandelt heten do giengē sy herauf vnd flohe die sünd vnd die mensche die sy sahen die kannten sy nit in den frembdē klaidern von dē willen gottes. Do giengē aber ain man hinein & vermainet er wolt zū der juncckfrawen vñ weft nitt das sy herauf was. vñ do in & ritter sahe in & juncckfrawen klaid. do sprach er. du bist als ain juncckfraw herein gangen. vñ sihest als ain man. nun sihe ich wol das das war ist. das ich gehört hab das ich nit glauben wolt. das christus wasser in wein verwandelt. nun hatt er noch mer getan. er hat ain juncckfrawen zū ainem man verwandelt. wer gesahe ye grössere wund. ich giengē herein als ain vnkeüscher vñ bin verwandelt. vñ glaub das ich sihe vnd gee

schemig hinauf. vn trat für die tür
vnd sagt den andern das wonder
Do wurden sy zornig vñ viengen
den ritter für die juncckfrawen vnd
verurtailten in zū dem tod. vnd do
man in an die statt fūrt. do man in
solt tödtē do lieff sy dar vnd kriegte
baide vñ den tod. do sprach der rit
ter. ich will vor getödt werde. dan
das vitail hat dich ledig gesagt. vñ
wenn sich der ritter zū der marter
berait so hielt in die juncckfraw wi
der vnd schry. wen hab ich dich für
mich erwölt zesterben. ich hab mir
nie gewünscht ain berauber 8 kro
ne. jr sōlt in 8 warhait wissen das
ich die juncckfraw byn. so soll man
das blūt vergiessen. so beger ich kai
nes bürgen ich hab es wol zū geltē
man soll daz vitail nit über dich laß
sen geen. es soll über mich geen. hett
ich dich vñ gelt versetzt so het das
gericht geurtailt das man daz gelt
dē rechten erben solt gebē ob ich nit
gegenwürtig wār. nun bin ich ge
genwürtig darūb laß mich selber
bezalen. anderst das haubtgūt ist
mit dē andern wücher verlorn. vñ
tödet man dich. so byn ich schuldig
an dir. darumb will ich gemarteret
werden. hab ich ain klaine weil ge
biten so bin ich dē richter. destet mer
schuldig wer mag mich danō ledi
gen. Nach dē sprach sy zū dem ritter
fleüch weich 8 elenden diern. wann
die glider sōllen dē tode gnüg thūn.
ich bin dem bösen darūb nitt wider
standen das du die marter darūb
sōlst leiden. vñ hab darūb die klaid

nit verwandelt durch die gehorsam
me des tods. darūb hast mich nitt
vom tod erlöst. aber du hast mich
hinderkomen. darumb bitt ich dich
das du nit lenger mitt mir kriegest.
o lieber weich mir vnd widersprich
mich nit. vñ laß mich das behalten
des du mir geholffen hast. o lieber
wir mügen wol alle baide dē vitail
genüg tūn. laß mich des ersten ster
ben vñ tödten. sy habē vil ander pei
ne damit sy dich tödtē. du wirst vil
ain hailiger vnd würdiger martter
dan ich. wen du hast mich vor der
vnteüsch behüt. vnd hast mir mein
eer bewaret. vñ sihest vnd vindest
mich ain merterin. darumb empfa
he ich sundre freüd vñ wirt dir dar
umb die kron 8 martter. Vñ do der
richter hōret das jr als ernst was.
do tödt er sy am ersten. do für jr seel
zū den ewigen freüden. Darnach
tödt man den ritter auch. do ward
im auch der marter kron. ¶ Ain
sōliche gleichnuß list man vō zwai
en maistern die waren zwen maler
vñ hetten got lieb vnd lebten selig
klich. do vieng man den ainen vnd
verurtailt in zū dem tod vmb vn
schuld. do bat er den henger das er
im frist gāb vnd im erlaubt das er
sich seinen freüden enpfälche. Do
sprach der henger. So setz mir ain
bürgen dē man für dich tödt ob du
nit wider kāmst. Also setzt er im sei
nen gesellen. vnd enpfalch sich seig
freüden. vñ do er nit bald wider
kame do fūrt man sein gesellen auß
vnd wolt in yetzo tödten. Do kam

Von Sant

AGNES

der selbstschuld vñ opfferet sich williglich dar. do gab man sein gesellen wider frey. do nam der hencker groß wund von der grossen fründschafft der zweyen maister das die lieb stercker was dann der tod. vñ die freündschafft grösser dann das natürlich leben. vnd ertödt in. Also thet auch die juncckfraw die das vrtail verfaumbt het. vnd sich der ritte mit frölichem antlitz wolt lassen tödten. Also thet der gesell auch do man in zü der marter füret do gab er sich williglich für sy dar. Nun helfen vns die lieben hailigen vmb got den herren erwerben die ewigē freud Amen.

Von sant Agnes die sant Clara schwöster was.



Do sant Agnes. xij. jar alt was do kam sy haimlich zü jr schwöster sant Clara. do des jr freünd innen wurden do giengen. xij. mann zü jr

in das kloster vnd zugen sy bey dē har vnd bey den armen. do halst jr got das sy als schwär wurde das sy sie nitt herauf mochtent bringen do ward jr vater zornig vñ schlug sy mit der faust vnd ließ syligen das rach got an im vñ thet im der arm siben jar wee. Vnd do sy von dannen kamē do stünd sant Agnes auff vñ lieff zü sant Clara vñ sprach. ich hab es gern durch got geliten. Do beschauet sy sant franciscus vñ segnet sy ein. do lebet sy seliglich in dē orde. Darnach sendet sy franciscus gen florenz das sy äbtissin wär. do pflag sy des ampts mit fleiß vñ dienet got stätiglich. **E**ins mals was sy an irem gebet do was sant Clara auch an irem gebete nahent bey jr vnd sahe sant Agnes das sy erhaben ward vñ in den lüften schwebet vnd das jr die engel drey kron auff ainand setzten. do das gebet ain end het do gieng sant Clara zü jr schwöster vnd gebot jr das sy jr sagete warmit sy jr andacht hert gehebt. **A**nwort sy. Ich gedachte des ersten an die gedult die got über die sündler hat. zü dem andern gedachte ich an die lieb die got zü vns hatt das er durch vnsern willen ist tod. zü dem dritten gedachte ich an die selen die im segfeuer sind. die in selbs nitt helfen mügē wie gütlich got in thut. do verstünd sant clara wol das jr got die kron het gesent für die drey andachte die sy gehabt het. Sant Agnes trug ain härins hembd an. vñnd as nahent wasser

vñ brot all tag. vñ lebt mit herti g
kait biß an jr end. vñ do sy was. lvi
jar alt do ward sy siech vñ starbe
vñ für jr sel zū den ewigen freūden
Do nun sant Agnes gestarb do lai
net ain laiter im kloster die viel vñ
vñ auff die leūt das in wee gescha
he do rüßten sy sant Agnes an. die
er warb in vmb gott das sy gesund
würde. ¶ Es was ain juncfraw
die hett ain grof geschwere an der
felen. die kam zū sant agnes vñ be
tet auff jrē grabe vñ rüßt sy an. do
ward sy gesund. ¶ Ains mals do
was ain gaistliche fraw die het ain
grof geschwer an irem hertzen do
warent. vii. löcher inne. vñ mochte
jr kain artzt helfen. sy rüßt sant Ag
nes an vñ bat sy das sy jr vmb got
erwürb das sy gesund würd. also
entschlieff sy. vñ erschien jr sant Ag
nes vñ salbt jr ir geschwer. vñ als
sy erwacht. was sy gesunt worde
des ward sy fro vñ danckt got vñ
sant Agnes 8 gnaden. ¶ Es was
ain frau in sant clara closter die selb
was. xvi. jar siech gewesen. sy was
als vnrain an jrē leib das sy vorch
sy wär auffezig. do rüßt sy sant ag
nes an. vñ bat sy das sy jr vñ gott
erwürb das sy gesunt würd. also
macht sy got gesunt durch sant ag
nes willen. des ward sy gar fro vñ
danckt got vñ sant Agnes 8 gna
den. ¶ Ains mals was ain burger
der het ain böß bain. vñ mochte
kain geen. den halffe kain ertzney.
er gienge ains mals an sant Agnes
tag für iren altar vñ bat sy das sy

im hulff das er gesund würd. also
ward er zū hand gesund. ¶ Ainer
der hieß palmerius der het ain brū
der der was siech. dem was verle
gen die sprache. vñ warteten sein
freund wenn im die seel auß gienge
das was seinem brüder parmerio
gar laide der kniet zū dem beth vñ
rüßt sant Agnes mit grosser anda
cht an. vñ bat sy das sy sein brüder
gesundt macht. vñ gelobet jr so er
sy malet so wölt er jr das haubt all
weg zieren mitt ainer guldin krone
vñ als er das gebet gesprochen het
do ward sein brüder gesunde. vñ
sprach. es wär etlich gaistlich fra
wen bey im gewesen. die hetten yn
tygentlich angesehen. dauō wär er
gesunt worde. ¶ Ains mals was
ain kind mit dē bösen veind behafft
als es nun. xij. jar alt was do trüge
es sein vatter zū sant Agnes altare
vñ rüßet sy mit ernst an. do warde
das kind schreien vñ sprach. es sind
zwen veinde vō mir vertriben: bet
tent ain aue maria das 8 dritt auch
von mir vertribē werd. als sy nun
das aue maria sprachen do für der
drit veind auch auß. also warde es
von sant Agnes genaden erlediget.
¶ Es was ain fraw in sant clara
kloster die was blind. vñ halff sy
kain ertzney. die rüßt sant agnes oft
an das sy gesund würd. vñ aines
tags stünd sy an irem gebet. do ka
me sant Agnes zū jr vñ sprach thū
deine augen auff wann dir ist dein
gesichte wider geben worden. also
thete sy die augen bayde auff vñ

Von sant

gesahe wol. vnd verschwand sant Agnes. do ward sy gar fro. vnnnd dancket got dem allmechtigen vnd jr der gnaden. Nun helff vns sant Agnes vmb got den herren erwerben das wir gesund werden an sel vnd an leib Amen.

¶ Von sant Maurino.



¶ Sanctus Maurinus was ain cristen. vnd het got lieb. vnd dienet jm mit fleis tag vñ nacht. mit beten vassen. wachen. vnd mitt vil ander güter übung. darnach trachtet er wie er möcht got aber näher werden. vñ ward ain münich. vñ lebet sälliglicher vnnnd diemütiglicher dan vor. Also versucht jn der abbt ob er als gehorsam wär als er gebat. vñ befalhe jm das aller schöndest ampt des klostere vnd macht jn zū ain rinderhirtē. Do enpsieng er das ampt diemütiglich. vñ hütet der ochssen vnd der rinder gar

maurino

fleißiglichen. vnd lebt als haylglichen das die wilden vögel zū jm kament vnd assen jm auß der hande vñ er gedacht allzeit an got den allmechtigen. ¶ Ains mals do luffen die hund ain beren nach. vnnnd der flohe zū seiner zell. do halff jm der lieb hailig das jm die hund nitt gethün mochten. vñ ließ jn in seiner zell. wā er was gar barmhertzig. ¶ Zū ainer zeit do kament die rauber zū seiner zell vnd beraubten jn. vnd namen jm sein gewande vnnnd lieffen jm nur ain böß mentelin vnd lieffen wider von jm. do schry er jn nach vnd sprach. hörent wiß. sehent ich habe noch ain pfening in meinē mentelin versteckt fundē. des wirt euch noch not geschehen. do hörten sy wider vñ nament das mentelin mit dē pfening vnd lieffent jn nackent stan vñ wolten do bald zū jren hölern eylen do sy wonung hetten. do giengen sy des nachts ver vnd des morgens funden sy sich bey der zelle des hailigen. do enpsieng er sy gütiglich. vnd wüsch jn jr füß. vñ gab jn jr notturfft nach seinē vermügen. des name sy groß wunder. vñ was jn laid vñ gantzem hertzen das sy es jm getan heten. vñ merckten wol daz er ain hailig man was do saget er jn von cristenglaubē do wurden jn jre hertz erleucht vñ lieffen sich tauffen. ¶ Ains mals waren die jungē münich bei sant maurino vñ legte bernstrick. dan sy theten jn vil laids vñ frassen vil schaf vnnnd vielen die beren des nachtes

in die strick. das wofte Maurinus wol. vnd stünd von dem beth auff vñ sprache zū dem herren was tust du da du vnseeliger. fleuch dz du nit gefangen werdest. vnd lief sy auß. vñ hieß sy hinweg geen. Darnach do ward er siech vnd starb. do für sein seel zū den ewigen freuden. vñ namen sein brüder seinen hailigen leichnam. vñ wolten in zū Anthi- fidero trage. do kame sy in ain dorff do ward er so schwär das sy in vō stat nitt mochten bringen biß das ain gefangner von sein gnaden le- dig ward. dem zerbrachen all seine band. do ließen sy bald zū sein leich- nam vñ trügen in mitt den andern in die stat do begrüß man in in sant Germans kirchen. Hailiger Mau- rine bit got für vns Amen.

¶ Von dem lieben herren sant. Jacob der erschritten ward.



¶ Jacobus 8 martir 8 da haist der zerschnitten. der was gar edel. von geschlecht. vnd was noch ed- ler an tugenden. vñ ist geborn von dem land Persarū vñ auß der stat Cepe. vnd sein vater vñ mütter wa- ren güt cristen. Vñnd do Jacobus zū seinen tagen kame do gabent sy im ain frawen die was ain cristin. Nun het der künig persarum Jaco- bum sunderlich lieb vñ eert in auch vnd vō der lieb die jacobus wider zū dem künig hett do ward er ver- tailt von seinem vater. wan er eert dem künig die abgötter zū lieb vnd lebt nit cristenlich. Do daz sein müt- ter vñnd haufswaen höreten. do wurden sy ser betrübt vñ schriben im ain brieff der lautet also. Durch die gehorsame des tödtlichen hast du den gelassen 8 das leben ist. vnd mit dē wolgefallen das 8 schier ain stinckendes af wirt. hast du gelaß- sen den güten ewigē geschmack. vñ hast die warhayt verwandelt in lüg vnd bist dem tödtliche vnderte- nig worden vñ hast den richter ge- lassen 8 gewalt hat über die todten vñ lebendige. darūb solt du wissen das wir dir fürbaß veind wöllen sein vñ nit bei dir noch mit dir wo- nen wöllen. Vñ do jacobus disen brieff gelaß do wainet er bitterlich vñnd sprach. Will sich mein mütter von mir fremden. vō der ich bin ge- born. noch vil mer ist mir mein got fremd worden. vñ was gar ser be- triebt vñ het gross reu über sein sünd- de vñ kōrt sich zū gott vnd bessert

Von sant iacob

sich. Das ward dē künig gesagt & sprach: Sage mir bist du ain crist wordē. Er sprach ya. Do sprach er so bist du ain zaubrer. do sprach er das sey ver: von mir. do troet jm & fürst. wolt er nit cristen glaubē lassen so müst er grosse pein vnd marter leiden. Do sprach iacobus mich betrübt dein troung nitt weñ dein zorn geet schier von meinē oren hin als ain wind & auff ain stain weet. Do sprach der fürst. du solt nit törlischen reden das du nit ains bitern tods ster best. Antwortt Iacobus ich fürcht den tod nit. der tod haist billich ain schlaf darvon das die vrschend darnach wirt gehoffet. Do sprach der fürst. laß dich die cristen nit verlaiten die da sprechē der tod sey ain schlaff weñ die grossen kaiser fürchten in. do sprach Iacobus wir fürchten den tod nit wan wir hoffen das wir von dem tod zū dē leben komen. das thet dem fürsten zorn. vñ gab vñ tail über in das jm alle seine glieder solten werdē abgeschnitten. Do waren etlich da die wainten vñ in. do sprach er. wainent nit vñ mich. sunder vmb eüch selber wan ich far zū dē leben so farent jr zū der ewigen pein. Do schnitte man jm den rechten daumen ab. do schri er. Herz jesu criste empfache den aste des baums deines weingartens wan der weyngartner schneit die schüßling ab das der weinstock fruchtber werd. Do sprach & richter. wiltu noch ablassen vñ wilt vns noch volgē so will ich

Der zerschnitten zuard

dein schonen vñ will dich erzneien. do sprach iacobus hastu des weinstocks stam nit beschaut weñ man die beschneit vnd die stat die da beleibt zū seiner zeite wenn die erd erwarmet. so fleußt es an yeglicher stat auß da er beschniten ist. beschneidet man den weinstock in & zeyt darüb daz er außfließ noch vil mer scheußt & getrü mensch auß der dem weinstock cristo zūgefüget ist. Do schnitt man jm den andern vinger ab do schrye er aber. Herz jesu criste empfach dē ast den dein rechte hant gepflanzt hat. do schnitt man jm den dritē vinger ab do sprach er ich bin vñ dreierlai krönig erlöst darumb lob ich den vater sun vñ hailigen gaist vñ den herin mit dē dreien kinden die erlöst wurde. ich sing in dē kor & marter den namen cristi do schnitt man jm den viertē vinger ab do sprach er du beschirmer & kinder von israhel der in dē gesetz verkündet ist empfach von deinem knecht das lob des viertē fingers. do schnitt man jm den fünfften vinger ab do sprach er. nun ist mein fröde erfüllet. do sprachen sy. nun schone dein selbs vñ volg vns das du nitt sterbest weñ jr sind vil die nur ain hant haben vnd haben dannoht vil erten vnd gütēs. do sprach sant Iacob. wenn die hirten die schaff bescheren so nemen sy die woll nur an der rechtē seiten vñ lassen die lingen. so will ain vernünstiger mensch noch vil lieber sterbē durch den herren jesum. Do namē sy jm die linckē

hand vñ schnitten jm den minsten finger ab. do sprach er her: du warst der gröst vñ bist der klainst vñ der minst wordn. darum gib ich dir seel vnd leyb die du erschaffen hast. Do schnitt man jm den. vij. finger ab do sprach er. Herr ich hab dein lob an dem tag. vij. mal gesprochen do schnitt man jm den. viij. finger ab. do sprach er. an dem. viij. tag ist jesus beschnitten worden vñ vnser hayl. Do schnitt man jm ab den. ix. finger. do sprach er. mein her: jesus cristus gab sein gayst auff in der. ix. stund. datumb lob ich dich herie in dem schmerzen des neunden fingers. do schnitt man jm den zehenden finger ab. do sprach er. vnser her: gab vns die. x. gebot das wir sy behielten vñ damit würden behalten. Darnach sprachen deren etlich die da stunden. sprich nun zu dem richter du wöllest dein glauben lassen. so laßt er dich leben. Do sprach er. Wer sein hand an den pflüg leget vnd dan hinder sich sieht der ist nit würdig des reichs gotes. also wurden sy zornig vnd schnitten jm die grossen zehen ab an dem rechten fuß do sprach er. der fuß cristi ist durch stochen worden. do schnitt man jm die annder zehen ab. Do sprach er. heüt ist ain hoher tag für annd tag Ich gee heüt zu dem starcken got. darnach schnitt man jm die dritten zehen ab vñ wurffen sy für in nider do lacht er vñ sprach. gee du dritte zehe zu deinen gesellen vnd als das korn des weizen vil frucht bringt

also thū auch mit deinen gsellen. do schnitt man jm die vierden zehen ab do sprach er. mein seel warumb bist du so betrübt. hab hoffnung zu got wann du wirst in allzeit loben. do schnitt man jm die fünfften zehen ab do sprach er. Nun will ich sprechen das mich got ain würdigen gesellen gmacht hat seiner diener. do schnitten sy jm ab dem lincken fuß die minsten zehen. do sprach er. klaines zehe lin bis starck wan es verdirbet nit ain har von dem haupt. do schnitt man jm ain andere zehen ab. sprach er. zerbrecht das alt hauf vñ macht ain neuß vñ schöns. do schnitt man jm die dritten zehen ab. do sprach er mit stößen wirt es innen gefestnet do schnitt man jm die vierde zehen ab. sprach er. her: sterck mich wann mein seel getrawet dir wol vñ will vnnder dem schatten deiner flügel hoffen bis die vngerechtigkait vergee. do schnitt man jm die fünfft zehen ab. do sprach er. her: ich opffer mich dir. xx. stund mit fingern vnd mit zehen. Do schnitten sy jm den rechten fuß ab. do sprach er. nun opfer ich dem hymelischen künig ain gab durch des liebe ich das leyde. Darnach schnitten sy jm den lincken fuß ab. do sprach er. du bist der der wunderbar ist erhör mich her: vñ hayl vñ behalt mich. do schnitten sy jm die gerechten hand ab do sprach er. her: hilff mir durch dein barmhertzigkait. Do schnitten sy jm die lincken hand ab. Do sprach er. her: du bist der der wunder würckt. do

Von sant

schneiden sy jm den gerechte arm ab
do sprach er. mein seel die lobet den
herre. vnd ich lob gott den allmech-
tigen weil ich lebe. Darnach schnit
man jm den lincken arm ab do sp-
rach er. die vngerechte haben mich
vmbgeben. vnd in dem namen des
herren wird ich an in gerochen. Do
schnit sy jm das rechte bain ab bis
auff die hüß. das thet jm wee vnd
schry. O herre jesu christe hilff mir
wan mich habent die seufftzen des
tods vmbgeben vñ sprach zū dē die
in martreten. vnser lieber herre der
wirt mir ain neiß flaisch an legen.
das jr nit verwunden mügent. Do
warent sy mit jm vmbgangen von
preimzeit bis zū nontzeit vnd heten
mit abschneyden gearbayt. das sy
müd waren worden. vñnd schnit-
ten jm das linck bain abe auch bis
an die hüß. do schry er aber vnd sp-
rach. Ain herre der lebendigen vnd
der todten erhöre mich halben tod-
ten. o lieber herre ich hab nitt vinger
die ich zū dir rect noch kain hant die
ich zū dir raich. vnd mein füß seind
gestümelte. vñ meine knye sind auch
verderbt das ich sy nitt piegen kan
oder mag. vñ bin als ain hauß das
da vallen will do man auß genom-
men hat die seülen. erhör mich herre
jesu christe vnd für mein seel auß di-
sem kercker. Vñ do er das gesprach
do schlug man jm sein haubt ab. do
für sein seel zū den ewigen freuden
Also kame die cristen menschen vñ
begrüben sein hailigen leichnā mit
grossen eren. Nun bitten wir sant

pastor

Jacob den zerschnitten das er vns
auch erwerb die ewigen freude vñ
seligkeit Amen.

Von sant Pastor.



Sant Pastor was ain crist vñ
het gott den allmechtigen auß der
masse lieb. vñ was ain münich vñ
darzū ain abt. vnd festiget sein leib
gar lang in ain wald mit vil güt-
ter übung. Nun het er ain müter die
het in vñ sein brüder gern gesehen.
vñ do sy das nit mocht gethū do
wart sy jr ains tags do sy gen kirch
en giengent vñ begegnet in. do flo-
hent sy in jr zell vnd thetten jr thür
zū do stünd sy für die tür vñ waint
sere vnd schry. Do kam sant Pastor
an die tür vnd sprach. Wes schrey-
est du altes weib. vñ do sy die stym-
me erhöret. do schrye sy noch vester
dann vor nye vnd sprach. Ich will
ye meine kind sehē. nun bin ich doch
euer müter vnd hab euch geseüget.

sprach sant Pastor wilt du vns hie
sehen od in der künfftigen welt. do
sprach sy. sihe ich euch dort. do spra-
che er. magst du das gedultig tra-
gen dz du vns hie nit sihest so siche
du vns dort on allen zweifel. do sp-
rach sy. wird ich euch dort sehen so
will ich euch hie nit sehen vñ gieng
von danen frölich. Nun het 8 rich-
ter des lands sant Pastor gar ge-
ren gesehen. do er sich nit wolt las-
sen sehen do vieng er jm seiner sch-
wester sun als ain übelzeter vñ legt
jn in ain kercker vnd sprach. kompt
nun Pastor vñ bitt für jn so las ich
jn ledig. Vñ zühant kame des kna-
ben müter zū sant Pastors thür vñ
waint vñ schry yämerlich. do wolt
er jr ye kain antwurt geben. also sp-
rach sy. ob du eifin bist vñ mit kay-
nen sachen bewegt od erhebt wirst
so thū doch ains vnd erbarm dich
über dein blūt wān ich hab nit mer
dann den ainigen sun. Do enbot er
jr er het kind. vñ wolt nit zū jr. Also
gieng sy mit laid von jm. vnd kame
zūm richter vñ sagt es jm. Do spra-
che der richter. spricht Pastor nur
ain wort so will ich jn ledig lassen
do sager es aber die müter sant pa-
stor. do enbot er dem richter hinwi-
der das er vitailt die sach nach dē
rechten der des tods würdig wāre
den sōlt man tödten. vñ thāt er daz
nit das er dann thāt wie er wōlte.
¶ Sant pastor leeret seine brüder
das sy sich hütten vor sünden vnd
sich selber ansāhen vnd beschayden-
hait hielten vnd sprach. das seind

die werck der seel. Aber armüt vnd
trübsa das seind werck ains besun-
deren lebens. dann es ist geschriben
ob die drei man dawāren. Noe. da-
niel vnd job. Noe mainet die nictz
besitzen job die betrübte. daniel die
beschaidnen. Darnach sprach sant
Pastor aber zū seinen brüdern. wō-
licher münich nit zwai ding hasset
der ist der welt nit frey. vñ also fra-
gen sy jn was die zwai ding doch
wārent. do sprach er. flaischliche rā
vnd eitele eer. wān wōlt jr in diser
welt rā sünden vnd in der künfft-
igen zeit. so sprechent in allen sachen
wer bin ich. vñ vitailent nyemant.
¶ Aines mals hett der brüder ay-
ner etwas wider jn gethan. do riet
jm ain ainsidel das er yn auß tribe.
das thet er vnd waitet vnd verza-
get gar. do gieng sant pastor zū jm
vnd tröstet jn vnd name jn gütlich
wider in das kloster vñ vergab jn
alle sein missetat. do ward der ains-
idel danon gebessert vō seiner gros-
sen lieb wegen. ¶ Aines mals do
sprach seiner brüder ainer zū jm. ich
bin betrübt vñnd mag nitt mer hie
sein dann ich bin geergert worden
von aines brüders wort. do sprach
sant Pastor. du solt der wort nit ge-
lauben die nit war sind. do sprach
der brüder. sy seient war wān mir
hats ain getreuer brüder gesagt. do
sprach sant pastor er ist nit getreu. er
sagt nictz herwid. ¶ Ains mals
do het seiner brüder ainer ain große
sünd gethan das was jm ser layde
vnd sager es sant pastor vñ sprach

Von sant Johannis

ich will die sünd gern bessern dreü
 jar vnd büßen. ist es genüg daran.
 sprach er. es ist zü vil. Do fraget er
 in ob er ain jar sölt büßen. do spra-
 che er. es ist zü vil vnd sprach. wen
 ain mensch von gantzē hertzen reü
 über sein sünde hat vnd sy nitt mer
 will tün so nympt vnser herze drey
 tag für güt. ¶ Eins mals fragt in
 ainer. wen ain mensch sein brüd er-
 zürnet on vsach wie sünd es wär
 do sprach er. laß dich dein brüd nitt
 beschwären vnd zürn auch nitt mit
 jm. will dich aber yemand von got
 schaiden darüb so zürn. wān wöli-
 cher münich oder nunn gern klaget
 der ist kein münich od nunn wöli-
 cher dan die bosshayt treget in seine
 hertzn der ist kein münich oder wöl-
 licher hoffertig ist vñ vil wort hat
 der ist kein münich oder nunn. Wer
 aber in der warhait ain münich ist
 der ist allzeit sensstmutig. diemütig
 vnd vol liebe vnd hatt auch allzeyt
 die lieb gotes vor seinen augen daz
 er nitt sünde. Darnach sprach er : es
 warent drey brüder bey ainand. der
 ain het güte rü vñ gemach. der an-
 der was krank vñ siech vñ dancke
 doch got dem herren. der drit dienet
 got dem allmechtigen willigklich
 mit gantzen treuen. die drey warent
 all gleich. ¶ Ain brüder 8 hett vil
 vnnütz gedencck die jm an 8 seel wa-
 ren schaden bringen do hieß in sant
 Pastor nackendt an den lufft geen.
 vñ sprach zü jm. thū dein schoß auf
 vnd vach den winde. Do sprach er
 also wenig magst du den gedencckē

Dem abbt

erwern dz sy nitt zü dir eingeen. aber
 du solt in widersten. darnach war-
 de sant Pastor siech. vñ starbe selig-
 klich. do für sein seel zü den ewigen
 freuden Die verleihe vns auch got
 der vater vnd der sun vnd der hay-
 lig gaist Amen.

¶ Von san Johāns dem abt.



¶ Johānes der abt was ain crist.
 vñ dient got tag vñ nacht. mit bet-
 ten vasten wachen vnd mit vil an-
 der güter übung. darnach trachtet
 er wie er gott möcht näher komen.
 vñ warde ain münich vñ hielt sich
 gar tugentlich das sy in zü ain abt
 machten. do pflage er des amptes
 mit fleiß. Darnach gieng er in ain
 wald vnd was .xl. jar ain ansidel
 do kam ainer zü jm der fragt in wie
 vil er sich gebessert hette. do sprache
 er. Seyt das ich ain ansidel ward
 so hat mich die sunn nye gesehen es-
 sen. vñ das das den tod leidet vnd

vnnnd bin nye zornig gewesen. Also list man von dē bischoff epiphanio das er dem abt hylario ains mals flaisch gab do sprach er ich bit dich vergibe mir wañ von 8 zeit als ich angelegt hab die kuten hab ich nye geessen daz den tod leidet. do sprach der bischoff. seyt ich die kuten hab angeleget so ließ ich nie kainen menschen schlaffen der ett was wider mich het vnd fürwar ich thet auch selber nye kain schlaffe alle die weil ich etwas wider yemant het. Auff dise wort antwurt wider der abbt vnd sprach schnelligklich. so bist du gar vil besser dann ich. ¶ Aber Johannes der vermainet er wölte würckē nach der engel gewonhait vnd wölte nur on vnderlaß dienen vnnnd zohe sich ab vnnnd gieng ain wochen nackt in dem wald vnd aß nitz. do bissent in die fliegen vñ premen vnd wundeten in gar seer vnnnd was nahent erhungert. Do kōret er wider. vñ kame für seines brüders zell vñ klopfte an. do sprach der brüder. wer bist du. do sprach er ich bin Johannes. antwurt 8 brüder nain. wañ johannes ist zū ain engel worden er ist fürbaß nit mer bei den mensche. Do sprach johannes. warlich ich bin es. Do thet im der brüder nitz auff bis über lang vñ ließ in also gepeiniget werden vnd thet im darnach auff vnnnd sprache Bist du ain mensch so ist not dz du arbeitst damit das du dich ernerst das du leben mügest. bist du aber ain engel wes begerst du dan das

du in die zell kōmest. Do sprach Johannes. Vergib mir durch got lieber brüder. wañ ich erkenn das ich gesündet hab. Vnd do in got der heri von diser welt wolt hinnenemen do ward er siech vnnnd mocht übel do baten in sein brüder. das er in ain hailsames kurtz wort zūletz lief an der stat seins erbails. Do erseüft er vnnnd sprach. ich hab mein aigen willen nye getan. vnd hab nie kain mensche kain ding gelernt ich habs dann vor selber auch gethan. Vnd darnach starb er seligkliche. do füre sein seel zū den ewigen freude. Nun helff vns der lieb heri sant Johannes der abt auch zū den ewigē freuden Amen.

¶ Von sant Moyses.



¶ Moyses was ain crist vnd hett got den heri lieb vñ ward ain münich vñ dient got mit fleiß mitt beten vassen wachen vñ mit vil and

Jon Iant

güter übung. ¶ Aines mals kame ain brüder zū jm der bat in daz er in etwas güts leeret. do sprach er. sitze in deiner zell die leeret dich alle ding Darnach do wolt ain altuater vō egiptē geen 8 was frantze worden. darūb das er die brüder nit beschwāret. do erkant Moyses in dem gaist wol was jm vor was. vnd sprach zū jm. du solt nitt geen du wirst in vnkeüsch vallē. do warde 8 brüder betrübt vnnnd sprach. Nun ist doch mein leib tod vñ du sagest mir das vñ wolt jm nit volgen. Vnd do er hingieng do dient jm ain juncfrou von rechter andachte. do vachte in der böß veind so vil an das er mitt jr in vnkeüsch viel vñ macht jr ain kind. vñ do sy gebat do nam sy das kind an ain freitag do woz ain hochzeit mit grosser reu vñ trüge es für die brüder all. do was in allen layd das er die sünd getan het vñ wāntten darumb. Do sprach er daz kinde ist ain sun 8 vnghehorsam. darūb so hüttent eüch brüder. wann ich hab das in meinē alter getan vñ bittent got für mich Do kam er wider für die zell vnd dienet got mit fleiß darinn. ¶ Nun was ain and altuater der sprach zū ain brüder. ich bin tod do sprach er. gee vnd getrau dir nit bis du vō deinem lebē schaidest. vñ ob du sprichst du seiest tod so ist 8 böß veind nit tod: ¶ Man sendet ainē sündigē brüder zū dē abbt Moyses do nam er ain korb vol sandes. vnd gieng zū jm. do fragten sy was das wār. do sprach er. es sind mein sünd

moyses

die lauffent mir nach vñ sihe jr nitt vñ bin kōmen vñ will frembd sünd vitailen. Do sy das horten do vergabē sy jm all sein sünd. ¶ Der abt was ain gäter man dem sagt man ains mals von ain schuldigen brüder. do schwig er. vnd nam ain sack vol sands hinder sich vñ trüg auch ain wenig sands vor jm. do fragte in sein brüder was er darmit mainte. do sprach er. des sandes des ist vil das sind mein sünd die trag ich nach mir vnd sihe jr nit vnnnd habe kain laid darumb. Aber 8 sand des da wenig ist das sind meines nächsten sünd die trage ich vor mir vnd vitail in. vnd solt doch mein sünde vor mir tragen allzeit. vnd solt betrachten vnd got den allmechtigen bitten das er mir die vergāb. ¶ Do nun moyses priester was worden. vñ das weiß meßgewand an hett. do sprach 8 bischoff. moyses ist geweißet worden. Do sprach er. herz nur aussen. do sprach 8 bischof. got wolt das es innen wār. Darnach wolt er in bas versüchen vñ sprach zū sein pfaffen. wen er über den altar geng das sy in dan wider dannen triben. vñ wolte hören was er doch redete. Do stießent sy in gar zornigklich vom altar vnd sprachē Wol auß du more. do gieng er auß vnnnd sprach wider sich selber. Sy haben mir gar recht gethan: wā ich bin kain mensch vnnnd hab mich vnd andre menschen gemüschet. Die diemütigkait geuiel dē bischof wol an jm. vñ lobt got den herre darūb

Darnach ward Moyses siech. vñ starb seligklich. do für sein sel zu den ewigen freuden. Nun bitten wir dē haligen Moysen. das er vns auch vmb gott den allmechtigen erwerben sey nach disem leben das ewig leben Amen.

¶ Von sant Arsenio.



¶ Sant Arsenius was ain crist. vñ was in ains künigs pallasst vñ batt got den allmechtgen mitt andacht das er jm ain leben zū erkennen gāb das jm aller loblichest wāre. Do erhört er ain stym vonn got dem herren die sprach. Arseni fleühe die menschen so wirst du behalten. Also ward er ain münich vñ dient got mit fleiß tag vñ nacht. mit betten vassen wachen vnd mit vil ander güter übung. vñ rüfft gott den allmechtigen an vnd batt in das er jm zū erkennen gābe was jm vonn jm allerloblichest wār. Do hört er

aber ain stym von gott die sprach. Arseni fleüch schweig vñ hab reü das behielt er mitt fleiß. Nun wārē drey brüder die waren münich. Do sprach der ain. ich will auß geen vñ will got dem herre darmit dienen wo die mensche mit ainander kriegē so will ich sy allzeit versönen. Do sprach der ander brüder. so will ich die siechen trösten. der drit wolt in der ainöde rüen. also arbeit der erst vnd versönet die menschen mit ainander. vnd mocht in allen nitt wol geuallē. des ward in ser verdriessen vñnd kam zū dem andern der was verzagt d mocht sein güten fürsatz auch nitt volbringen vñnd giengen bald in die ainöde zū dem driten vñ sagten jm wie jr trübsal wāre. Do gosier wasser in ain kopf vñ sprach. Sehendt wie sich das wasser be- wegt vñnd trüb ist worden. do sa- hent sy es. do sprach er. also ist den die miten vnder den menschen sind. die sehen jr sünd vor vñrū nitt aber wen sy rüent so mügent sy jr sünde sehen. ¶ Ains mals gieng ain ainsidel in ain wald vnd aß wurzel vñ auch kreüter. do ersahe in ain man- der wolt zū jm geen. do floh er vor jm do lieff er jm nach vñ sprach zū jm beitt mein durch got dē allmech- tigen. wā ich will dir nachuolge. vñ warff sein gewand vō jm. Do das der ainsidel sahe do beitt er sein vñ sprach. So du nun d welt ma- teri von dir geworffen hast so hab ich dein gebitten. Do sprach er. nun so sag mir wie ich behalten werde

Von sant

do sprach er. fluch die menschen vñ schweig. ¶ Als mals kam ain edle frau zu sant Arsenio zell vñ het von andacht gar gern mitt im geredt. do vand sy in vor der thür vñ viel im zu fuß. do hüb er sy mit zorn wid auff vñ sprach. wilt du mein antlitz sehen so sihe es. do sahe sy es vor schame nicht. do sprach er. nun bist du ain weib wie getarst du ain soliche schiffart tün. wān du wirst wider gen rom kōmen vñnd wirst andern weiben sagē du habest den abt Arsenium gesehen. do sprach sy kum ich wider dar so laß ich kayne her kōmen. ich begere aber das du got für mich bitest. vñ mein nit ver gesset. Do sprach arsenius. ich bitt gott das er dein gedechtnuß vonn mein hertzen vertilge. Do ward sy seer betrübt vñ kam haym vñd gewan das vieber vor laid. do das ertzbischoff hort kame er zu jr vñnd wolt sy trösten vñ sprach. waist du nit das du ain weib bist. vñnd das der böß veind die hailigen ser dar mit ansichtet. darüb hat er das gesprochē. er bitt aber allzeit vñ dem sel. Von 8 red ward sy gar wol ge tröst. ¶ Man list von ain andern altuatter zu dem sprach sein jünger vater wir sollen vns ain wenig zu der welt ziehē. do sprach er. wo nit weibe sind. do sprach 8 jünger wo ist ain stat do sy nit sind. nur in der wüste. do sprach er. darumb leiden wir in 8 wüst. ¶ Als mals kame ain stym zu sant arsenio die sprach. kum so zaig ich dir die werck 8 men

arsenio

schen. vñd furt in in ain stat vñ zaig get im ain morn 8 hawet holz vñ machet ain grosse pürde der er nit mocht getragē. darnach do zaiget er im ainen menschen der schöpffet wasser auß ain brunnen vñd goße es in ain cistern die hett kain boden Do gieng er wider auß do zaiget er im ain tempel do waren zwen man vor auff zwaien pferden die fürten ain tramen überzwerchs die wol ten in den tempel. des mochteit sy nit thün wān sy trügent das holze zwerchs. Das seind die. die die ge rechtigkait mitt höffart tragen vñ nit diemütig sind darüb so bleiben sy heraussen. 8 aber das holz haut daz ist der mensch der in vil sünden ist vñ sich nit bessert vñd die sünde meret oder haufft der kompt auch nit in das reich gots. Aber der men sche der wasser schöpffet das ist der mensch der gute werck thut vñ die mitt bösen wercken vermüschet. der verleürt dann die gūten auch dar mit. An dem sambstag zu abent so der suntag eingleng do reckt er sein hend auf gen hymel biß frū an den suntag biß die sun auffgieng vñ im sein anlütze erleucht so setzet er sich dan nider vñ lobt got den allmech tigen. Darnach do warde er siech vñd starb seligklich. do für sein seel zu den ewigen freuden. Nun bitten wir sant Arseniu das er vns nach disem leben auch vmb got erwerbe die ewigen seligkayt Amen.

¶ Von sant Agathon.



Der lieb herz sant Agathon der was ain crist vnd het got lieb vnd dient jm mit fleiß mit beten vassen wachen vñ sunst mit vil gūten üben. vñ ward ain münich. do lebet er so hailigklich das in die münich zū ain abt machten do legt er ain stain in sein mund. vnd trüg in dreü jar darinn darumb das er lernet schweigen. Vnd ains mals do fragt man in. wöliche tugent aller maist arbeit het. er sprach. ich vermaine das kein grössere arbeit sey dann got anbeten. wann die bösen gaist arbeiten allzeyt das gebet zū irren vñ zū erstören. wan in andrer arbeit hat 8 mensch ettwas rü. aber wer bettet der hat ain werck des grossen streitz. Ains mals fragt ain brüder sant Agathon wie er mit den brüdern sölt wonen. do sprach er. als an dem ersten tag. vnd nym dir kein getrawen. wan es ist

kein böfers leiden dann getrawen. wann sy ist ain gebererin aller leyden. vnd sprach darnach ob der zornig mensch die todten auff wecket. dennocht geuelt er nyemant weder got noch den menschen vmb seines zorns willen. Ains mals warde ain brüder zornig vnd wainet gar bitterlichen. do sprach er. wäre ich allain so würde ich nit als bald zū zorn bewegt. vñ gieng allain in ain hūten vñ trüg ain krüge mit wasser mit jm. do viel er vmb. do falle er in wider vmb. zūm dritten male do viel er jm aber vmb. do warde er zornig vñ zerbrach den krüg. vñ do er zū jm selb kame do bekant er wol das in 8 böß veind angesochten hett vnd sprach wiß sich selber. nun bin ich doch alain gewesen vñ hatt mich der zoren dannocht überkomen. darüb so will ich wider zū meinen brüdern geen. wan es ist überall leiden. vñ ist vns der hilff des allmechtigen nott. Sant Agathon was gar weiß vñ messig an essen vñ trincken vñ sprach. ich hab nye geschlaffen wen ich etwas wider yemant het. Vñ do in gott von diser welt wolt nemen do ward er flich vñ mocht übel vñ lag drey tage in grosser andachte vngeessen. vngetruncken vngeredt vnd reget sich nitt vnd stunden jm die augen offen. do zweiflet ainer ob er noch lebte vnd rüttlet in do sprach er ich stee in 8 samlüge des rechtn von de herre. do sprachen sy. fürchst du die nit. er sprach als vil ich mocht hab

Von Sant

benedicta

ich gearbeit in den geboten gotes
aber ich byn ain mensch vnd waiss
nit ob sy got dē allmechtigen gefal-
len. do sprachen sy. hast du nit hoff-
nūg auff deine gütte werck die sind
doch nach dē willē gotes. Antwort
er ich getar es nit thun bis das ich
zū got dē almechtigen kumb. wan
die gerechtigkeit gottes ist anders
so sind der mensche vitail auch an-
ders. do wolten sy in nit mer frage
do sprach er. erzaigt die lieb vñ redt
nit mer mit mir wan ich byn bekü-
mert. vnd bald darnach do gab er
sein gaist auf mit freudē in die hend
des lebendige gotes vñ sein seel für
zū den ewigen freuden. da hin vns
der allmechtig got auch sey helffen
mit seinen gnaden Amen.

¶ Von sant Benedicta.



¶ Die hailig juncfraw sant Be-
nedita was ains würdigē rōmers
tochter vñ het. xij. juncfrawē bey

ir die waren auch edel von geburt
auch aines seligen lebens. do lerner
sy zucht vñd kunst. Nun was der
hailig bischoff vñ martrer Quiria-
nus von rom auß gegangen vñd
sunst gotes diener mit im. die durch
gott giengen in das künigreich zū
francreich vñ predigten cristenge-
lauben. Darüb wurden sy getödt.
Do das sant benedicta hort do ga-
be sy veterlich erb willigklich auff.
vnd nam die. xij. juncfrawen mit
ir die sy erzogen het vñ gieng mit
in durch got in das ellend Vnd do
sy vnder die vnglaubigen kamende
do tailten sy sich in die lande vñd
brachten vnserm herren vil fruchte
mit irem reinen leben vñ guter leet.
Vnd sant Benedicta vnd sant Leo-
bila kamen in die stat zū ludun dar
inn brachten sy gott vil frucht mit
irem hailigen leben. Do weiset sy 8
engel gotes in die stat aurelion da
waren vil vnglaubiger menschen.
do bekört sant Benedicta ir vil zū
cristenlichem glauben. Darnach ka-
ment vil menschen zū ir vonn allen
landen den erwarb sy genade von
got an sel vnd leib Des ward des
landes richter matroculus inen der
kam in die stat vñ hort von 8 juncf-
rawē. das thet im zorn vñ hieß sy
für in bringen vñd fragt sy wie sy
hieß vñ wer sy vō geburt wäre vñ
von ire leben. Do sprach sy ich haiss
Benedicta von rom vñ bin ain die-
nerin vnser herren jesu christi. Do
sprach der richter. Liebe Benedicta
volg mir nach so wirst du grosser

marter überhaben. vnd beleibst in meiner freundschaft: vñ sprich mit t das du ain diern des creüzigte got tes seyst. wañ des namē hör ich nit geren neñen vnd sein leer geuelit mir gantz nichtz. vñ mag in auch darzū nit lieb haben. Do sprach sant Be- nedita. ich sag dir fürwar es mag dem allmechtign got nyeman genā me sein vñ seinen veinden. nun will ich got dem allmechtigen woll ge- uallen vnd dir nit. wañ du bist ain veinde des lebendigen gottes. Do ward der richter auß der massen gar zornig vñ hieß sant Benedicta nackent abziehen vnd ließ sy durch schlagen mit gerte. das laid sy gern durch got dē herren. vñ hieß sy dar- nach an ain creüz hengen vnd ließ sy mit gaislen schlagen die hettendt pleien knöpf mit nadeln. Darnach hieß er sy in ain vinstern kercker leg en in dē betet sant Benedicta innig klich. do kam der engel gotes vñnd durchleucht den kercker vnd sprach O du würdige juncfraw sant Be- nedita biß starck vñ vest zestreiten mit den veinden des lebenden got- tes. wañ der tag ist nahent an dem dich got d allmechtig vordern will zū dem ewigen reich. vnd wirfst ain mitburgerin d engel. vñ damit ver- schwand der engel. Do freüet sich sant Benedicta des trostes gar ser vnd dancket got dem allmechtigen seiner gnaden. vnd bat in das er sy stercket vnd mit jr wär in irem lei- den. das thet er. Vnd sy hüb an vñ prediget in dem kercker vnd beköret

vil mensche zū got dem allmechtig- en. Nach dem do füret man sy aber für den richter. d sprach. Benedicta volg mir nach vñnd leb lieber mit freuden. dann daz du mit schwärer marter vñ pein sterbest. Do sprach sant Benedicta. Waist du richter nitt das ain lebendiger hund besser ist dan ain todter leo. also seind die cristen menschen vil besser dann die juden. vnd die cristen menschen le- ben aber du vnd die juden seit tode vor got dem allmechtigen. Darüb will ich dir nitt volgen. Do ward der richter noch zorniger. vnd hieß sy mit gaiseln schlahē. daz thet man vñ band jr die hende auß den rugk vnd legt sy aber in den kercker. dar- inn ward sy gar schwärlich gepei- niget vñ enpfienge vil wunden vñ den banden. do rüfft sy got den her- ren an vñ bat in das er mit jr wär. Do came aber der engel gottes zū jr vnd haylet jr all jr wunden vnd lediget sy von den banden. damit verschwande aber der engel. Do gieng sy frisch vñ gesund auß dem kercker. das sahen vil menschen vñ wurden jr daruō vil gelaubig. Am letsten do schlug man jr daz haubt ab. do für jr sel zū den ewigen freü- den. Nun bitten wir die hailigen juncfrawē sant Benedicta das sy vns vmb gott erwerbe die ewigen freüd vnd seligkeit. Des helff vns got der vater vnd der sun vnd der hailig gaist Amen.

¶ Von sant Hugo



E Sant hugo was vō vater vñ mütter wolgeborn aber der adel seines lebens trifft ver: über den adel seiner freünd. Vnd do sant hugo viij. jar alt was do pflag er gaislicher ritterschafft vñ lernet gott dē herren dienen vnd zohe sich vō der welt. vnd sagt denen oft die haimlich bey jm warent. das er sich der welt schimpff vñ freud nye erfreut het. vñ dienet got dem almechtigen von seinen kindlichen tagen. Vnd do sant hugo sein mütter gestarbe do kam er vñ sein vater in ain samlung zū gaislichen forherren das waz in d̄ gegent gramabels. vñ hießen die selbē forherren die regler. Do beualhe man in ain alten wolgelereten man der zohe in von spil vñnd schimpff vñ von aller eitelkay: der die jugent pfligt. vñ sprach zū jm so ye die andern spilten. Sun dich sol die leichtuertikait deiner gesellē mitt

bewegen vñnd laß sy thūn was sy wöllen es gehört dir nit zū. ich zeu- he dich cristo vnserm lieben herren der will wed schimpff noch schertz von dir haben. Vnd do nun der alt uater krank ward do pflag er sein mit fleiß mit essen vñ trincken vnd trüg jm zū vñ zoch in ab vñ pflage sein freündlichen bis an sein ende. Vñ do er nun. xvij. jar alt was do weihet man in zū ewangelier. do beualh jm sein prior ain kirchen die enpfient er in der gehorsam vñ pflag jr mitt fleiß. Darnach höret er von dem karteüser orden sagen. vnd gewan grosse lieb darzū vñ batt sein prior das er mitt jm dar kame. das thet d̄ prior gern. Vnd do er jr hailiges leben hört vñ sahe do geniel es jm gar wol vnd kam in den orden. do vacht in d̄ böß veind manigfeltiglich an vñnd versucht in in vil dingen. so überwand er in allwegē mit der hilff gotes. vñ do er etwen lang in dem orden was do beualhe jm der prior ain alten krankē man des solt er wartē. des pflag er mitt ganzē fleiß. **E** Aines mals sprach der selb altuater zū jm. du bist zū dē alter komen das du wol wirst priester. sprach er ich beger nitt anders dan das ich priester würde. sprach d̄ altuater. ich sag dir das du bald priester wirst dan die zeit ist komen vñ wirst ain bischoff. Darnach do ward er priester. als er zū nam in d̄ weiphait. also nam er zū in andacht **E** Zū d̄ selbē zeit bant künig hainrich vō Engelland ain kloster kar-

teüſer ordens vñ wolt gern haylig
 gaiſtlich brüder darein ſetzen do ſa
 get man jm vō ſant Hugo das jm
 kainer in der zeit gleich mocht ſein
 in ſeim leben. do warde er gar fro
 vnd ſendet ſeiner biſchoff ainen zū
 den karteüſern vnd ließ in ſein prior
 fleißig bitten vñnd ſendet yn auch
 brieff bey dem biſchoff. vñnd do ſy
 des künigs brieff gelaffen. do wur
 den ſy all betrübt. dan ainer ſprach
 jr gedencet nit das das von got ge
 ordnet iſt vnd fürſehen das des or
 dens hailigkait von dem hayligen
 man ſoll geoffenbaret werden biß
 an das end der welt. vñ ſprach zū
 ſant hugo ob er in dz neu kloſter zū
 dē künig wolt. do ſprach er. ich byn
 nit würdig das ich werden ſoll ain
 haubt in der neuen ſtiſſte. Aber ich
 will es gern thun in der gehorſame
 do gaben jm die brüder vñlaub dar
 zū. do ward d künig gar fro vñ en
 pfieng in gar ſchon vnd machet in
 zū ain prior in dem neuen kloſter ge
 nannt Withaim. da lebt er als haim
 lich das ſein gütter leüden verzin
 die land kam. ¶ Zū der zeyt ſtarbe
 dē biſchoff zū lincolin. do erwöle
 ten die kōrherren gemeinglich von
 dem capitel ſant Hugo zū ainem bi
 ſchoff. do pflage er des ampts mitt
 fleiß vñ ſo vil er überſich ſtige in d
 würdigkait als vil diemütiget ſich
 er die weil er biſchoff was vñ fließ
 ſich alweg gaiſtlicher gelerter leüt
 vnd nach d ſelben rat ordnet er ſein
 ſach mit worten vnd mitt wercken
 vñ lebt allzeit in hailigkait. vñ kam

alle jar ain fart oder vñlleicht zwai
 mal in ſein kloſter zū withaim. dar
 umb das er gott deſter baß dienen
 mocht. vnd was allain in ainer zell
 vñ dient got mit groſſem fleiß vnd
 hielt alle tage andā chtigklich meß
 mit zwaien dienern. ¶ Alines mals
 hielt er meß do was ain kēzer hind
 der meß. dē thet got von ſeiner göt
 lichen gnad ſeine augen auff vñ ſa
 he in des biſchoffs hendē vnſern lie
 ben herren jeſum criſtū in d geſtalt
 ains klainen kinds vnd was zūmal
 ſchōn. do warde er gar fro vñ ließ
 ſein kēzerē vñ ward ain gūter cri
 ſten. die gnad het er vō dē hailigen.
 ¶ Alines mals came er in ain dorff
 da was ain vnſinniger menſch in
 nen. dem warent hend vnd füß an
 geſchmidet vnd gebunden vnd do
 ſein freünd hörten das ſant Hugo
 dar was kōmen do giengē ſy zū ym
 vnd baten in das er über den men
 ſchen gieng vnd jm hülffe. daz thet
 er. vñnd ſegnet das weichwaſſer.
 vnd beſprengt den menſchē damitt
 vnd laß das ewangelium. in princi
 pio erat verbum. zūhand warde er
 ſchlaffen. vnd nach dem ſchlaff do
 ward er ſinnig vnd geſunde. Also
 danckt er got vñ dem hailigen der
 gnaden. Darnach ward ſant Hu
 go ſiech vñ ſtarbe ſäliglichen. also
 für ſein ſeel zū den ewigen freüden.
 Do nam man den hailigē biſchoff
 zū lincolin vnd begrüb in. do kam
 ain riter darzū dē het ain wolff ain
 arm ab biſſen biß auff das gebaine
 der laid groſſen ſchmerzen vnd het

Von sant

hoffnung zū dē hailigen. vñ rüft in mit groſſem ernst an vñ bat in daz er in vmb got den allmechtige er- würb das er auch gesunt würde. vñ legt sein arm auff sein hayligen leichnam zūhandt warde sein arm gesunt vnd gewan als bald haut vnd flaisch daran. Do warde der man gar fro vnd dancket got dem almächtigen vnd dem hailigen der gnaden vnd het in fürbaß lieb vnd dienet im vester dann vor nye.

E Aines mals was ain jüngling gar siech vnd was vier jar ain beth- ris vñnd mocht vnd kund im nye- mandt helffen. vñnd do er höret sa- gen vō den grossen zaichen die sant hugo thet. do kame er auch zū seine grab vñ bat die mensche das man in uber nacht da ließ. das thet man. Do betet er da gar mit groſſer an- dacht vñ bat got vnd den hailigen initt groſſem ernst. das er in vmb got den herren er würb das er ge- sund würd. Do entschliefſſ d jüng- ling vñ sahe sant hugo mit ainem schön liechten antlitz. mit bischoff- licher ordnung beklaidet. vñnd von in auf steen vñ in d selben stund er wachet er vnd strecket seine glider vñ was gesund worden. do ward er gar fro vnd dancket got dem all- mechtigen vnd sant hugo der gros- sen genaden die er in vmb got er- worben het. Nun bitten wir den hai- ligen bischof sant hugo daz er vns auch erwerb nach disem leben das ewig leben Amen.

Von sant Willibrardo.

willibrardo



E Sant Willibrardus was ain crist vñ dient got gar mit groſſem fleiß vñ ernst tag vñ nacht. darüb macht man in zū ain bischoff in d stat mastrier. do pslag er des amp- tes mitt groſſem fleisse. Darnach kam sant Willibrardus in die statt Rapanie da prediget er das gotes wort mit fleiß vnd zohe das volck mit seiner güten lere zū got dē her- ren. wan er was ains hailigen leb- ens vnd was scheinberlich an aller würdigkait vnd weis an rate vñnd was vest an gottes dienst. er was zymlich an d person. vñ erber an dē gesichte auch vernünfftig. vñnd die- net dem allmechtige got. mit beten vassen wachen. vñ sunst auch mit vil andern güten übungen. vñ be- wärt sein hailigs leben mit zaichen die er thet vñ laid auch gar vil vñ den namen vnser lieben herren je- su cristi. vñnd name auch täglichen

zu an gütten wercken. vnd das ge-
main volck het in gar lieb. Vnd do
in got 8 allmechtig von diser welt
wolt nemen do wurde er siech vnd
starb seliglichen an dē. vi. tag des
monatz nouembri. do für sein seel
zu den ewigen freunden. vñ man be-
grub in mitt grosser würdigkait in
dē münster consternato das er got
dem herren gebawen het. an 8 stat
thut gott 8 allmechtig noch grosse
zaichen an vil menschen die gesund
werden bey seinē grabe. Darnach
macht man dē hailigen ain marmel-
stainen sarch vñ do man in darein
wolte legen do was er wol dreier
schüch zu kurz. do erschrackent die
menschen vnd was in laid. vnd be-
trachteten wo sy ain stat fundē do
sy in hyn woltē legen die im zimlich
wār. do wurde sy von got ermant
sy solten in wid in den vorigē sarch
legen. vñ do sy das theten do was
im der sarch lang genüg geworden
von der miltigkait gotes vnd mitt
dem zaichē bewāret got der almech-
tig die hailigkait seines dieners. do
wurden sy fro vnd besteteten in in
dem yetz genanten münster mit lob-
lichem besang. vñ daz selb münster
het er gebawen in der eer der hayli-
gen drifeltigkait. Vñ do man yn
in den sarch leget do wurde als ain
süßer geschmack da das alle siechen
menschen darvon gesund wurden
Nun was seiner junger ainer weit
von im der was ain hailiger man
vñ er was an seinem gebet dem
ward sein tod von got kund getan

vnd ließ in got sehen das sant willi-
brardus sele mitt grosser klarhayt
vñ mit lobgesang der hailigē engel
in das ewig hymelreich ward ge-
für. Do schmeckte auch ander prie-
ster ain gūten geschmack ob seinem
beth do er sein seel uff gab. vñ sahn
ain groß liecht ob im vñ sprach es
wār ain zaichen daz die hymlischen
burger gegenwürtig wāren an sei-
nem ende als er sein hailigen gayste
auff gab. Nun helffe vns sant wil-
librardus vmb gott erwerben. die
ewigen freud vñ sālignait Amen.

¶ Von sant Theodoro.



¶ Sant Theodorus was ain cri-
sten 8 het got lieb vñ dienet im mit
fleis tag vñ nacht mit beten. vñ fastē
wachen vnd mitt vil ander gūter
übung. Das ward dē kaiser gesagt
der was ain haid. das thet im zorn
er ließ in vāhen vñ vil cristen men-
schen mit im vñ gebot dem priester

Von sant

Princkon das er die cristen zweng
das sy den abgöttern sölten opffern
vnd wölten sy das nit thün. so söl-
te man sy tödten. Vnd do sant Theo-
dorus für den probst kam. do sprach
er zu jm. Ich will dir noch zwe tag
frist geben das du dich die weil be-
denckst damit daz du den abgöttern
opfferst. tust du das nit so müst du
sterben. Do lieffe sant Theodorus
zu dē abgot thibel vñ warf in auff
die erde vnd verprenet in darnach.
Solichs ward dem richter gesagt
8 ward zornig vnd sendet nach jm
vnd sprach zu jm. Wo hast du dein
sinn hin gethan das du den abgott
verprenet hast. Er sprach Was
macht hat dan dein abgott das er
sich also verpreñen leßt mag er jm
selb nit helfen. so mag er auch dir
nitt helfen. du solt an vnsern herin
jesum christu den waren got gelau-
ben 8 aller ding ain schöpffer ist. do
ward 8 richter aber zornig vñ ließ
in ser schlahē. daz laid er gern durch
gott. darnach leget man in in ainen
kercker an ain feten vnd macht der
richter ain beth zu dem kercker vnd
wolten warten das nyemandt zu
jm kam vñ gebot das man jm we-
der zu essen noch zu trincken sölte ge-
ben. Do het sant theodorus grosse
hoffnung zu got vnd betet mit an-
dacht vnd sahe auff gen hymel. do
erschien jm vnser herr vñ sprach zu
jm. du solt zu mir hoffnung haben
dan ich will mit dir sein. vnd nymie
von kainem mensche kainerlai speis
wan ich will dein nitt vergessen. 8

theodoro

himmel vñ mein hulde soll dein esser
sein. damit verschwand vnser herr
sant theodorus sprach. Herr mein
gott dich lobt mein munde zu aller
zeit. vnd dein nam müß ymmer ge-
seget sein wan deiner güte ist nicht
gleich. Also warent zu handt die
engel da die sungent das lob gotes
vnnnd warent bei jm. do ward ain
grosser schal von der engel gesang
vnd den schal hörten vil menschen
die lieffen zu dem kercker vñ sahen
hynein vnnnd sy sahen vil engel bey
sant Theodoro steen. vnd lieffen zu
dem richter vnd sagte jm die mere.
do ließ der richter auch selb dar vñ
sah es vnnnd wolt wānen es wā-
ren die cristen hinein kommen. vnd
sprach zu sein dienern sy sölte die cri-
sten vānen die bey Theodoro wā-
ren. Vnnnd do man den kercker auff-
schloß vnnnd die riter hinein kamen
do funden sy sant Theodorus allain
do der richter das sahe do erlaubet
er in das man jm brot vnd wasser
gābe. des wolt er nit. Vñ darnach
für man in aber für den richter. der
gelobt jm groß güt das er den ab-
göttern opfferte. do verschmehet er
das güt vnd wolt es nitt thün. do
ward der richter aber zornig vnnnd
hieß in auff hebē. das thete die die-
ner vñ schunden das flaisch ab jm.
daz laid er alles gedultlich durch
got vnd lobt in vnnnd sprach. Herr
mein mund lobt dich zu aller zeytte
vnd dein lob soll nymmer zergeen.
dann deiner güte ist nicht gleiche
Der richter erzürnt aber vnd hieß

in binden vnd ließ in auff ain roß werffen. do sprach er. jr söllet mich nit binden. ich will die marter sunst gern durch gotes willen leiden. vñ zohe seine klaid selbs ab. do legte in die diener auff den roste. do stünde ain man darbei d hieß clenitus der wainet ser vmb in. do sprach sant theodorus zū jm. clenite biß frölich wan ich bin dein wartē in dē hymelreich. Darnach sprach sant theodorus sein gebet zū got dē allmechtigen vnd sahe auff gen hymel vnd sprach Her: jesu chüste ich lob dich vñ danck dir das du mir geholffen hast das ich die marter vñnd peine überwunden hab. Mit disen worten gab er sein gaist auf. vñ für sein seel zū den ewigen freuden. do sahe man nit das das feur sein hailigen leichnā niendert geschediget. noch versert hett. Do ward clenitus ain cristen mensch. vnd starb darnach seligklich vñ kam zū den ewigē freuden. Do kam ain frau die hieß Eusebia. die bate den richter das er jr den leichnā sant Theodori gāb. do gewert er die frauen. die begrübe in mit würdigkait vñ andacht vnd bauet jm gar ain schönes münster vnd wurde da gar vil siecher menschen von seiner hailigkait gesundt die in aldo warent anruffen. Nun so helff vns der lieb vñ hailig herre sant Theodorus auch vñ got den herren erwerben. das er vns nach disem leben verleihe das ewig lebē Amen.

¶ Von sant Eusebia.



¶ Es was ain man in Alexandria der hieß Pasuncius. ain erber frummet man. vñnd het auch ain erbre frūme frauen die was vnberhafftig. darumb warē sy baide betrübt das sy kainen erben hettent dem sy doch jr gūt möchten lassen. Er gab gern durch got vñ was tag vñ nacht in der kirchen. vnd betet vñ fastet emssigklichen. vnd bat gott mitt grossen ernst. das er jm gābe ain kind. vnd sein frau betet auch mit ernst vnd gab gern durch got vñ bat auch das got der her: jres manis willen erfüllete. Dines mals gedachte pasuncius gott erhört mein gebet nit wan ich bin ain sūnder. darumb so wil ich ain gūten mensche bitten das er mir ain erben vmb got sey erwerbē. vnd kame zū ain kloster do waren frum mündj inn. vñ sūnderlichen der abbt der was ain frummer hailiger mensch

vñ er opffert dē kloster vil gūtz vñ
bat den abt vñ die brüder alle das
sy im vmb gott erwürben. das sein
gebet erfüllt wüird. Do sprach der
abt vñ die brüder. er solt ain gūtz ge
trawen haben zū gott so wüird er
getröst. Vñ do der abt hört das er
so betrübt was do het er ain mitlei
den mit im. vñ bat gott das er im
ain erben gāb. Do erhört in got vñ
gab im ain tochter die was zū mal
schön. Do warde jr vater vñ müt
ter fro vñ dancketen got seiner gna
den. Also do pafuncius das alles
gesehen het. do hett er gūten willen
zū dem abt vñ bracht sein frauen
auch zū dē kloster. das sy den seggen
vom abt vñ den anderen brüder
nāme. vñ füren wider haim. vñ dō
das kind. vij. jar alt was do taufft
man es vñ hieß sy Eustrosina. des
fröt sich vatter vñ mütter gar sere
wan sy was tugentlich vñ frum
Als sy nun. xij. jar alt was do starb
jr mütter do leeret sy jr vater schreib
en vñ lesen vñ was zū dē welt gehō
ret. die juncfraw nam an weishait
zū das es die menschn wund name
die es sahen vñ hörten. jr gūter leu
mden kam ver in die land. man sa
get weit von jrer weishait schöne
vñ auch gūter leer. darüb wurbn
vñd kriegten vil jüngling vmb sy
vñ baten jren vater das er in sein
tochter zū ain gemahel wölt gebē.
do sprach er allweg anders nicht
dān dē will gotes geschehe an mei
nem kind. Nun was ainer vnder in
der was an eren vñ an gūt über sy

all der het die juncfrawē gern ge
hebt. Do sy nun. xvij. jare alt was
do nam sy jr vater vñ fürt sy in das
kloster do er sein haimlichait zū her
vñd gabe den brüder vil gūtz vñd
sprach zūm abt Ich hab dir bracht
die frucht deins gebetes damit das
du für sy biest dān ich will sy dir zū
der ee geben. Do gab jr der abt den
seggen vñd sagt jr von keuschait vñ
von der grossen vorch gots. vñd
blibē diet tag da. die weil do merck
et die juncfraw der brüder hayli
ges leben vñd wandel. das geniele
jr wol dē sy so mit grosser andacht
got dem herren dienten vñd sprach
selig sind die menschen die in dyser
welt dē engeln gleich sind vñ nach
disem leben besitzten das ewig leben
vñ ward jr hertz entzündt mit der
ewigen lieb. Nach den dreien tagen
sprach pafuncius zū dē abbt. kom
me das mein tochter den seggen von
dir neme vñ bit got für sy dān wir
wollen haim. vñ dō dē abt gegen jr
gieng do viel sy im zefüß vñ sprach
vatter ich bit dich das du gott für
mich bitest das meiner sel hail wer
de. do hūb er sein hend auff vñ gab
jr den seggen vñd sprach. got der all
mechtig der alle ding erkennet ee sy
geschehen der pfleg dein vñd helffe
dir das du nach genaden verdienst
vñd das du tail habest mit der ge
sellschaft zū hymel. Darmit schye
den sy von dannen. Do gelobt der
vater die tochter hin vñd wen der
vatter ain münich vand so fūret er
in allwegen haim in sein hauf vñd

bat in das er für sein tochter bâte. Darnach an dē jars tag do sendet der abt ain brüder zū pasuncio vnd hieß in zū dē jarstag kōmen. do kam der brüd in sein hauf vñ süchet in. do was er nitt dahaimen. Vnd do sant Eufrosina den brüder sahe do sprach sy. brüder sag mir vō deinen brüdern wie vil jr in eüerm kloster sind. do sprach er. dreihundert vnd xxiij. do sprach sy. wer zū eüerm hailigē leben kōmen will nympt in der abbt allwegen an. Er sprach ja er empfacht in mit grossen freüden vñ das wort cristi das also spricht wer zū mir kōmpt den wirf ich nitt auß. Do sprach sy. so singt jr all in ainer kirchen. vnd vastent jr all gleich mit ainand. do sprach er. w singē wol all gleich. aber yeglicher vast wie vnd er vermäge. das kain jrüger wandel werd des willens. Vnd do sy der münich wādel wol erfüre do sprach sy zū dem münich. Ich wolt auch gern kōmen zū ain gaisstlichen leben aber ich fürcht ich betrüb mein vater darmit. der will mich nur ainem mann geben vñ des zergenglichen gütz wegen diser welt. Do sprach er Schwester verhenge nit das ain mensch deine leib verunrain mit der sünd der vñ keüsch vñnd behalt dein rainigkayt vnd gelob dich Cristo der dir darumb mag gebē das himelreich vñ gemeinschaft der rainen engel. vñ ich rat dir das du das weltlich gewand abziehest vñ legest ain gaisstlichs an vnd gee haimlich auß vnd

kum in ain kloster. Vñ do die juncckfraw das erhört. do warde sy fro vnd geuiel jr wol. vnd sy sprach zū jm. Schneid mir mein har ab. dar über getraw ich nyemandt so wol als dir. das thet er vnd sprach zū jr liebe tochter. es wirt dein vatter mit dir in das kloster varen vñ wirt drey tage oder mer da beleiben. du sollt aber vor senden nach der münich ain. vnd wen er zū dir kōmpt so thū mit grossen freüden wie du wilt. Vnd do er also mit jr redt do kam d vatter vnd sahe den münich vnd sprach. Herz warumb habt jr eüch zū vns gemüet. do sprach er. wir habē ain jarstag. man hat mich der abt zū eüch gesent das jr zū vns kōmpt vnd den seggen nement. Do warde pasuncius gar fro vnd für mit im in das kloster. Nun het sant Eufrosina gar ain getreuen knecht zū dem sprach sy haimlich. Ich bitte dich durch die barmherzigkait gotes das du zū dem kloster geest. vñ wöllichen münich du vindest. den bring mitt dir her. Also gieng der knecht zū dem kloster. do begegnet im ain münich do sprach er zū ym. Ich bit eüch das jr mit mir zū meiner juncckfrawen Eufrosina kōment das thet er. Do enpfienge sy den münich frölich vñ sprach. Vatter ich bit eüch das jr gott für mich bittent. do bate er got mit ernst für sy. vnd saß nider zū der juncckfrawen. do sprach sy zū jm. lieber herz ich hab ainen vatter der ist ain cristen vñ hat got lieb. er ist auch ser reiche

Von Iain

mein mütter ist mir tod. vnnnd mein vater will mich durch seines güts willen in die welt geben. darin will ich nit vermailigt werde von kaim mañ. vnd waif nit wie ich soll tün vnd bin heint die nacht vngeschlafen gelegen. vnnnd hab got gebeten das er meiner seel barmhertzigkayt mit teil. vnd do es tag ward do set det ich bald nach eüer aim. darumb sag mir das gogwort vnd rat mir was ich thün soll vnd ich bitt dich das du mich leereft vnd weifest daz mein seel behalten werd durch deiner seel haile. Do sprach der brüder Wer sich nit verzeihet vatter vnd mütter. brüd vñ kinder & mage mein junger nit sein. was ich dir mer sagen soll daz waif ich nit. vñ ob du die beköuig des flaisch leide magst. so fleuch dauon wañ deins vaters güt gewinet vil erbē. es sind spital klöster vnd vil armer mensche den laß dein vater das güt geben. vnd verleür nur dein seel nit. Do sprach die juncfraw. ich getraw got wol vnd deine gebet er behalt mir mein keüschait vnd helff mir das ich ain mensch werd nach seinem lob. Do sprach & münich. des helff dir gott wañ ich hoffer er erfülle dir dein begierd die du zü gaisstliche rainen leben hast. vñ behüt dich daz dich kain zeitlichs ding dauon ziehē müg. do sprach sy. ich hab darüb gesent nach dir daz du mein begird erfüllest. vñ mich mit deinem hailigen gebet gesegnest. Do stünd der brüder auff. vñ sprach sein gebet vñ legt jr ain gaisst

Eufrosina

lich klaid an. vnd gesegnet sy vnnnd gieng wiß haim vnd lobt got mit freüden. Darnach do trachtet Eufrosina in jr selber wie sy thün solt. vnd gedacht ges ich in ain frawen kloster so fragt mein vater nach mir vnd vindet mich. so nympt er mich mitt gewalt durch ains gemahels willen heraus. darüb so will ich in ain manns kloster geen so gedenckt man nit das ich darin sey Do leget sy mañs klaid an vñ nam fünffhundert schilling mit jr vnd gieng auß dē hauf vñ verbarge sich die nacht an ain haimliche stat vnd gieng zü hand in ain kirchñ als es got wolt darnach gieng sy zü dē kloster darinn jr vater gewesen was vñ set den torwart nach dem abbt vñ wartet sein vor dē tor. Do gieng & abt zü jr. do viel sy auff die erden nider. do sprach & abt zü jr. sun warumb bist du herkomen. dann er het sy für ain man. do sprach sy. ich hab allzeit begert das ich gern bey münichen gewonet het. so sind in meinem haimat nitt klöster vnnnd habe gehört von eüerm gütten wandel vnd wolt auch gern bey üch beleiben ob es eüch geniel. Do sprach der abt. du bist seligklich komen. nun sihe in das kloster. vnd genelt es dir so bleib hie bei vns. vnnnd sage mir wie du haist. do sprach sy. ich haif schmaragdus. do sprach der abbt. du bist noch jung. vñ magst nit alain sein. es ist not das du ain meister habest. der dich lerne die regel vnd auch der münich gewonhayt.

Do sprach sy. Vatter was du wilt das willich thun vñ nam die fünff hundert schilling die gab sy dē abt vñ sprach. vatter nym hin die pfennig vñ ob ist das ich hie nit beleyn mag so kompt das überig hernach. Do beualch d abt smaragdū ainem münch der hieß Agapitus vnd sprach zū jm. Der soll nun dein sun sein. vñ er lerne das er über den mayster wachs. vñ knyet nider vñ sprach sein gebet zū got vñ beualch in vnserm herzen. sprachen sy amen. Nun het smaragdus so ain schöns angesicht. wen er in d kirchen stünd vnd mit den andern brüder bettet so rayzet der böß veind die andern münch gar seer zū bösen gedencken das sagten sy dem abt vnd sprachē zū jm. warum hast du als ain schönen anplick in das kloster genömen. Do der abt höret das es in schwär was sprach er zū smaragdo. Kind dein angesicht ist so schön das ich fürcht es werd ain sal der kranccken brüder. darumb will ich das du in ainer zell allain seyest. Des ward er gar fro. do macht man jm ain sundere zell darinn belib smaragdus vnd gieng nitt herauf. vnd dienet got mit andacht vnd übet sich mitt betten vassen wachen vnd mit anderen gūten wercken tag vñ nacht. das nam den brüder wunnder der sein pflag vnd saget den anndern brüder von seiner hayligkait vnd von seiner festigung. do lobten sy all got das er in menschlicher krancckhayt so gūte werck würcket. Aber

pafuncius jr vatter do er haym kam. Sūchet er sein tochter in der kamer vñnd do er sy nitt fand. fraget sein gefind wo sein tochter wär. sprach en sy. wir sahen sy gestern wol. wir haben sy aber heüt noch nie gesehen. Do ward Pafuncius seer betrübet vnd ließ sy sūchen bey dem der jr gelobt was. do fand man sy nit. Vnd do jr gemahel vnd sein vater hörten das man sy verloren hett. worden sy seer betrübt vnd giengen zū pafuncio den fanden sy auff der erden ligen vast traurig. sprachen sy zū jm. sy hat vileicht ain anderer betrogen vnd ist mit jm hinweg. Do sendet er zuhand botten in Alexandria vnd in Egipten die sūchten sy uerall do funden sy jr nit. sy sūchten sy auch mitt gewalt in den frawen klöstern vñ fragten nach jr. sy sūchten sy auch in den hōlern vñ in den heüßern vnd bey iren freunden vnd nachpuren vnd in den wälden. do funden sy jr niendert. Do klagten sy sy als ob sy tod wär der breytigam vñ der schweher klagten vñ waynten vmb die braut. der vatter klagte die tochter jemerlich vñ sprach. layder süsse tochter mein layder wee vñ wee leichter meiner augen trost meines lebens. wer hat mir genommen mein gūtt. wer hatt mir mein gūtt zerstreut. wer hatt mir meinen weingarten abgelesen. wer hat mir mein liechte lucern erlescht wer hat mir mein hoffnung genömen. wer hatt mein schöne tochter. welcher wolff hatt mir mein lamb fressen.

Von Sant

wölche stat behielt so ain wolgeta-
nes antlitz. sy was ain zierd & ade-
lichkeit. vñ was ain trost der betrüb-
ten. vñ was der müden ain rüe. vñ
der seüsszende ain hüterin. herz hilf
mir das ich nitt sterbe die weil biß
das ich sy sehe vñ jñen werd wie
ir geschehen sei. Vñ do er also yä-
merlich warnet vñ klagt do wain-
ten alle die die mit im waren. vñ
klaget alles volck mit im. Do nun
pasuncius kain trost vande in sei-
ner betrübthuß do kam er zū dē flo-
ster darin sein tochter was vñ viel
dem abbt zū füßen vñ sprach mitt
großem herzenlaide. Ich bitt dich
das du von deinē gebet nit laß biß
daz ich die arbeit deins gebets seh-
vñ enpsynd vñ etwas hör vō mei-
ner lieben tochter dan ich wais in.
wie ir geschehen ist. Do das & abt
erhört do ward er set betrübt mitt
im vñ rüfft den brüderñ allen zusa-
men vñ sprach. Wir sollen got all
gemaingklich anruffen das er vns
kund thū was vñsers liebē freunts
tochter geschehen sey. vñ sy fasten
vñ wachen vñ beten ain ganze
wochen vñ ward in nitz geoffen-
bart vō Eufrosina. als vor oft ge-
schehen was vñ ander sach. wān
die juncfraw bettet tag vñ nacht
vñ bat got mitt großem ernst das
er sy nit gemeldet noch geoffenba-
ret ließ werden die weil sy lebt. Vñ
do den brüderñ nitz geoffenbart
ward. gieng der abbt zū pasuncio
vñ tröst in vñ sprach. Mein lieber
freund du solt nit verzagen vō der

eufrosina

straffung gotes. dan wen & barm-
herzig got lieb hat den straffet er.
vñ wif auch das on willen des all-
mechtigen gottes nyemandt nitz
mag geschehen. also geschicht auch
deiner tochter nitz on sein wil-
len. ich wais wol daz sy ain bessers
auserwölt hat darumb ist vns vō
ir nitz kund gethan. wān wāt sy
in übel gefallen es het got & brüder
gebet vñ ir grosse arbeit nit ver-
schmecht er het vns vō seiner güte
erhört. darüb hab güten getrauen
zū got. wān er wirt sy dir zaigen in
disem lebē. Do das pasuncius hör-
et do ward er gar fro vñ dancket
got tag vñ nacht vñ flis sich gü-
ter werck vñ gab vil almüßens Nit
lang darnach kam er aber zū dem
abbt vñ beualhe sich aber den brü-
derñ in ir gebet. vñ ains tags viel
er dem abt zū füßen. vñ sprach vat-
ter bitt got für mich. wān ich mag
on die hilff gottes den grossen sch-
merzen nit getragē an mein herz-
en vō meiner tochter. wān mein lei-
den weret vō tag zū tag ymer vñ
ymer. vñ wachssen mein wunden
vñ die trübsal meiner seel. Do sahe
der abt sein groß leiden vñ sprach
Wilt du dich erlosen mit ain gais-
lichen brüder der ist zū vns herein
kōmen vñ wilt in dein leiden flag-
en der haist schmaragdus. der abt
west aber nit das es was sein toch-
ter. Do sprach pasuncius ya gern.
Do sprach der abt zū agapito der
was schmaragdus lermaiter ge-
wesen. nym pasuncium vñ füt in

in die zell zū schmaragdo. das thete er vñ sagt jr nit daruō. Do schmaragdus jren vatter sahe vñmütig. dann sy kennet in wol. do wurden jre augen vol zehet. Do wolt pasuncius wānen es wār von grosser begierd die sy zū got het dan er kennet jr nitt. wān jr schönes antlitz erplichen was vō der grossen festigung wegen so sy jr anlegt mitt vāsten wachen vñ mitt wainen vñ sy bedeckt jr angesicht mit der kuttē das sy jr vater nie erkannt. Also do sy jr gebet gesprochen het do sassen sy zū ainand nyder vñ sy hūb im do an zū sagen von d künfftigen seligkeit des himelreichs. vñd wie man mit almūsen vñd keuschen wanden mit gehorsam vñ diemütigkeit vñ mit göttlicher lieb dar kōmen mūst vñsaget das man die welt meiden mūst. das man die kinder nitt lieber solt haben dan got. vñ sprach. man solt gott lieb haben über alle ding. dan er hat vns erschaffen alle ding zenußen vñ zū ewiger seligkeit dar nach sagt sy im vō sant pauls leer. wie trübsale ist vngedult geberen wān sy sahe jren vatter in grossem schmerzen vñ het mitleiden mitt im aber sy het sorg er würd sy erkennen vñd hindern vñ sprach zū im. vñd tröst in. glaub mir got der herz ver schmecht dein gebeet nitt vmb dein tochter vñ wār sy in schaden jrer sele got offenbart es dir. Aber ich getraw got woler hab sy an ain hailige stat gesetzt als ich vor gesprochen hab nach d ler des ewangeli daz

also spricht. wer sein vater vñ mūter lieber hat dan mich der ist mein nitt würdig. vñ wer sich nitt vergeihet alles das er hat d mag mein jūnger nitt sein. aber gott mag dir dein tochter wol zaigen in diser zeyt. darumb laß daruon. wilt du dich mitte deinē grossen leiden selber ertōden du solt got loben vñd danckē alles gūten das er dir getan hat ich habe got oft gebeten das er dir gedult egeb in dein leiden. vñ daz er dir vñ deiner tochter zūfüge was dir das best sey. vñ hab oft begert das ich dich solt sehen vñ mitt dir redē dan ich hett hoffnung du würdest von meinen worten getröst. wān mein maister agapitus d hat mir vil gesaget wie sere du vmb dein tochter betrübet seiest. vñd die weil sy also mit ainander redeten. do hieß sy in oft vō jr geen. wēn er dan von jr geen wolt. so was jr an jrē hertzen schwār vñ het groß mitleiden mit im. vñd wurden jre augen oft vol wassers. vñd von d rede die sy mitt im getan het ward er vast getröst. vñd gieng von jr vñd kam zū dem abt. vñd sprach zū im. ich byn wol getröst vñd besseret vō des brüders red. vñ bin so frōlich worden von den gnaden gotz vñd von sein troste. als ob ich mein tochter funden het vñ beualh sich aber in des abts gebet. vñ kam wider haim. vñd lobet got. vñ kam darnach oft zu yr vñd redeten süßigklich mit ainander. Do nun schmaragdus. xxxviij. jar also in seiner zell gewesen was

Von Iant

do ward sy krank vñ wolt sterbñ.
do kam jr vater aber zñ dem kloster
vñd sprach zñ dem abt ich bitt dich
das du mich smaragdñ lassst sehñ
wan mein seel sent sich nach jm. do
ließ man in zñ jr in die zell. vñ do er
sah das er als übel mocht. küßet
er in vñ waynt ser vñ sprache O we
O wee laider. ich bin getröst wor-
den von deinen süßen worten da
mit du mir hast gelobt ich soll mein
liebe tochter sehen Nun hab ich sy
noch nit gesehen. soll ich dich nun
verlieren so hab ich oft ain gütten
trost von dir gehabt. O herz wer
wird nun mein tröster zñ wem soll
ich geen wer wird mir nun helfen.
mein leyden wird zwifaltig. nun ist
es billich das ich sy klag wan es ist
sechs vñd dreissig jar das ich mein
tochter verloren hab. vñd hab got
tag vñd nacht vmb sy gebetten. ich
kund nye erfahren wa hin sy kōmen
ist. wes soll ich nun hoffen ich hab
jr gleichen nye gefunden darumb
leyt mein hertz grossen schmerzen.
Do in smaragdñ also jamerlichñ
sach waynen sprach er zñ jm. War
vmb bist du so betrübt vñd verder-
best dich mit sollichem trauern vñd
mit so jamerlichem klagen Nun ist
doch got gewaltig vñ seind jm alle
ding möglich zuthun darumb gib
deinem layd ain end vñ gedencñ an
jacōb der seinen sun verlor vñ klagt
in als ob er tod wär vñd fand in
doch hernach mit freuden. Nun bit
ich dich das du drey tag bey mir be-
leybest vñ nit von mir kōmest. das

eufrosina


gelobt Pasuncius. wan er het hoff-
nung im het got etwas von jm vñ
seiner tochter kund gethon Am drit-
ten tag sprach Pasuncius zñ schma-
ragdo. Ich hab dein drey tag ge-
wart vñ bin nye von dir kōmen. do
weft Eufrosina wol das die zeyt
kōmen was das sy sterben solt vñ
sprach zñ irem vater. Got hat mein
begird erfüllt das ich manlich ge-
stritten hab vmb das end. nit von
meiner krafft sund durch gotz hilff
der hatt mich behüt vor dem band
des bösen feinds der allzeit mein sel
hat geordnet. nun hab ich die kron
der gerechtikait vor mir. du solt nit
mer betrübt sein vmb dein tochter
Eufrosina wan ich bin es vñ du bist
mein lieber vatter Pasuncius. nunt
ihest du mich als ich dir oft hab
gelobt des bist gewert worden vñ
solt es nyemant sagen vñ solt mich
kein menschñ abziehen od weschen
lassen dann du selber. Lieber vatter
Ich hab dem abt gelobt möcht ich
hie an der statt beleiben so wölt ich
vil gūts herein geben. darumb lieber
vater layst mein gelüpt mit deinem
gūt dann es seind vil gūter brüder
hie die bitten got für vns. Mit den
worten gieng jr die seel auß vñ für
zñ den ewigen freuden. Do nun jr
vater sach das sy verschaidñ was
ward er von gantzem hertzen be-
trübt vmb sy vñ viel nider auff die
erden. do gieng Agapitus hinzñ
vñd sach das schmaragdñ was
verschaidñ vñ sach das pasuncius
auff d erden lag als ob er tod wär


Er erschreck vñ warffe jm wasser vnder seine augen vnd hūb in wiß auff vñ sprach zū jm. Herz was ist dir. do sprach er. herz hilff mir das ich hie sterb wā ich hab heūt wonder gesehen. vñ stünd auf vnd viel auff sein antlitz vnd waint yāmerlich vñ sprach. O wee du mein aller liebste tochter warūb hast du dich vor mir nitt gezaiget noch gemelt das ich mit dir tod wāre. wee mir wie bist du vor mir verborgē gewesen. wie bist du vergangen vñ bist komen zū den ewigen freuden. Vñ do agapitus dise wonder hört des nam in groß wonder vnd saget es dem abt. der kam vñnd viel auff sy vnd sprach kleglich. Eufrosina ain gespons jesu christi du hailige wurdige tochter. vergif vñnser armen brüder nit vnd bit gott das er vns helff streiten das wir zū dir komen in das hymelsch land vnd das wir tail mit got vñ sein lieben hailigen haben. Also hieß der abt die brüder all kōmen vñ sagt in dz groß wonder. do lobten sy gott darumb das er in ain kranckē weibsbild so große wund gewürckt hett. Nun was ain brūd darbei der hett ains aug nit der küsset jr angesicht mit großer andacht. vnd mit vil zehern der augen als bald er sy berürt do gab jm gott sein aug wider durch sant Eufrosina willen vō jrer hailikait wegen. dis zaichen sahent alle die menschen die da warent vñ sy lobten gott vmb das groß zaichen vñ danckten sant Eufrosina der gna-

den. Vnd die brüder wurden vast erfreut vonn der gütigkait gottes. vñ namen darnach vast zū an der genad gotes vnd besserten jr leben vnd begrübē darnach sant Eufrosina mit grosser würdigkait vñ andacht in jres vaters grab. vñ jr vater gab alles sein güt zū dem kloster vnd zū der kirchen vñ er kam auch selb in das kloster do gab man jm seiner tochter zell ein. do was er. x. jar im kloster in aym gūten sāligen leben vnd dienet got tag vñ nacht mit grossem vleyß vnd starb sāliglich vñ für sein seel zū den ewigen freuden. do legt man in in ain grab neben sein tochter. do begiengen die brüder Sant Eufrosinam alle jar mit grosser andacht in dem kloster. Nun helff vns die hailig juncckfrau sant Eufrosina wñ got erwerben das wir von jm vñ seiner werden mütter Maria nimmer geschayden werden Das verleych vñf got der vatten vnd der sun vnd der haylig gayst. Amen.

¶ Gedruckt zū Augspurg von meister Hannsen otmar in kosten des fürsichtigen. herz Johan Rynman Do man zalt vō christi geburt. M D. vnd. vij.

1. Die Stadt





WILLIAM SALLOCH
Pines Bridge Road
Ossining, N.Y. 10562

